




Lat 54

Toronto University Library
Presented by

The Rev^d H. H. Halperd - Adcock. M.A.
through the Committee formed in
The Old Country
to aid in replacing the loss caused by
The disastrous Fire of February the 14th 1890







T. LIVII PATAVINI
HISTORIARUM

AB URBE CONDITA

LIBRI QUI SUPPLEMENTUM SUNT.

ET ADNOTATIONES

ARN. DRAKENBORCHII.

AGGREGAT

NOTA INTER-AM

ET ADNOTATIONES

J. B. L. CREVIERII.

CUM

INDICE REDEM LOCUPLETISSIMO

CONDITUM

FOH. III.

CONDITUM

OXONII.

WILLIAMUS W. BARTON.

IMPENSIS J. FARRER, ET G. B. WOODHEAD, SOCIORUM.

MDCCLXXV.

#1

LIVY

~~L. 7888 Gr~~

T. LIVII PATAVINI

HISTORIARUM

AB URBE CONDITA

LIBRI QUI SUPERSUNT OMNES,

EX RECENSIONE

ARN. DRAKENBORCHII.

ACCEDUNT

NOTÆ INTEGRÆ

EX EDITIONIBUS

J. B. L. CREVIERII.

CUM

INDICE RERUM LOCUPLETISSIMO.

TOM. III.

OXONII,

EXCUDERAT W. BAXTER;

IMPENSIS J. PARKER; ET G. B. WHITTAKER, LONDINI.

MDCCCXV. B.C.

an

(8288)

8288

6

PA

6452

A2

1825

6.3

T. LIVII PATAVINI
HISTORIARUM
AB URBE CONDITA
LIBRI.

EPITOME LIBRI XXXI.

BELLI adversus Philippum Macedoniae regem, quod intermissum erat, repetiti ¹causae referuntur hae. Tempore Initiorum duo juvenes Acarnanes, qui non initiati erant, Athenas venerunt, et in sacrarium Cereris ²cum aliis popularibus suis intraverunt. ob hoc, tamquam nefas summum commisissent, ab Atheniensibus caesi sunt. Acarnanes, mortibus suorum commoti, ad vindicandos illos auxilium a Philippo petierunt. Paucis mensibus post pacem Karthaginiensibus datam, ³quingentesimo quinquagesimo anno ab urbe condita, quum Atheniensium, qui obsidebantur a Philippo, legati auxilium a senatu petissent, et senatus id censuisset ferendum, plebe, quod tot bellorum continuus labor gravis erat, dissentiente, tenuit auctoritas Patrum, ut sociæ civitati ferri opem populus quoque juberet. Bellum id P. Sulpicio consuli mandatum est: qui, exercitu ⁴in Macedonia ducto, equestribus præliis cum Philippo prospere pugnavit. Abydeni a Philippo obsessi, ad exemplum Saguntinorum, suos seque occiderunt. L. Furius prætor Gallos Insulares rebellantes et Hamilcarem Pœnum, bellum in ea parte molientem, acie vicit. Hamilcar eo bello occisus est, et millia hominum triginta sex. Præterea expeditiones Philippi regis et Sulpicii consulis, expugnationesque urbium ab utroque factas, continet. Sulpicius consul, adjuvantibus rege Attalo et Rhodiis, bellum gerebut. Triumphavit de Gallis L. Furius prætor.

¹ Causæ referuntur] Sic vetus Sigonii liber, et Campanus: melius quam vulgati, feruntur.

² Cum aliis pluribus suis] Si recidamus, quod monet Perizonius Animadv. Hist. c. 9. vocem suis, nulla hic erit difficultas. Cum aliis pluribus, id est cum turba eorum quos videbant confluere ad templum.

³ Quingentesimo quadragésimo anno] Manifestum mendum. Corrigit Sigonius quingentesimo quinquagesimo. Annus ille numerari debet ex calculo Dodwelli Liviano quingentesimus quinquagesimus secundus ab u. c.

⁴ In Macedonia] Sic veteres omnes editi. Gronovianæ editiones habent ad Macedonia: minus recte.

T. LIVII PATAVINI

LIBER XXXI.

U. C. 551.
A. C. 201.

ME quoque juvat, velut ipse in parte laboris ac periculi fuerim, ad finem belli Punici pervenisse. nam etsi profiteri ausum, perscripturum res omnes Romanas, in partibus singulis tanti operis fatigari minime conveniat; tamen, quum in mentem venit, tres et sexaginta annos (tot enim sunt a primo Punico ad secundum bellum finitum) ¹æque multa volumina occupasse mihi, quam occuparint ²quadringenti octoginta octo^a anni a condita urbe ad Ap. Claudium consulem, qui primus bellum Karthaginensibus intulit; jam provideo animo, velut qui ³proximis litori vadis inducti mare pedibus ingrediuntur, quidquid progredior, in vastiorum me altitudinem, ac velut profundum invehi, et crescere pene opus, quod prima quæque perficiendo minui videbatur. Pacem Punicam bellum Macedonicum excepit; periculo haudquaquam comparandum, aut virtute ducis, aut militum robore: claritate regum antiquorum, ⁴vetustaque^b fama gentis, et magnitudine imperii, quo multam quondam Europæ, majorem partem Asiæ obtinuerant armis, prope nobilius. Ceterum ⁵cœptum bellum adversus Philipum decem

^a septem Crev.

^b vetustæque Gron. Crev.

1 *Æque multa volumina*] Bellum Punicum primum narrare incepit Livius l. XVI. suæ historiæ. Itaque quindecim libros occupaverant res per 487. annos gestæ ab u. c. ad primum Punicum bellum: quindecim itidem, res per tres et sexaginta annos gestæ ab initio primi Punici belli ad secundum perpetratum. Non numerat autem annum labentem Livius, quemadmodum supra l. XXX. c. 44. ubi bellum Punicum secundum finitum esse ait *septimodecimo anno*.

2 *Quadringenti octoginta septem anni*] Numerus hic multum variat in scriptis et editis. Quidam habent, quomodo edidimus, testibus Sigonio et Hearnio. Vet. liber Sigonii, et noster Victorinus CCCCLXXVIII. Andreas quadringenti LXX. In hac discrepantia eam elegimus lectionem, quæ nec careret auctoritate, et con-

grueret cum rationibus Dodwelli, quem sequimur in Chronologia Liviana ducem. Cum iis autem numerus 487. annorum hic ita quadrat, ut nullus alius consentire possit. Finiebatur enim Livii liber XV. ut constat ex epitomis, et ex hoc ipso Livii loco, in eo anno qui præcessit Ap. Claudii, qui primus bellum Pœnis intulit, consulatum, qui annus est ipse 487^{us}. ex calculo Dodwelli Liviano.

3 *Proximis litori vadis inducti*] Allecti ad ingrediendum, quia prope litus vada eis occurrunt, nec ea aquæ altitudo quæ possit timeri.

4 *Vetustæque fama gentis*] Aliquot MSS. habent *vetustaque fama gentis*, quod merito placuit Jac. Gronovio. Sic infra l. XXXV. c. 12. *Vetusta regum Macedoniæ fama*, peragratiusque *Oriens victoriis ejus gentis*.

5 *Cœptum bellum adversus Philip-*

ferme ante annis, triennio prius depositum erat, ⁶ quum U. C. 551. Ætoli et belli et pacis fuissent caussæ^c. Vacuos deinde A. C. 201. pace Punica jam Romanos et infensos Philippo, quum ob infidam adversus Ætolos aliosque regionis ejusdem socios pacem, tum ob auxilia cum pecunia nuper in Africam missa Hannibali Pœnisque, preces Atheniensium, quos agro pervastato in urbem compulerat, excitaverunt ad renovandum bellum.

II. Sub idem fere tempus et ab Attalo rege, et Rhodiis Querelæ de Philippo. legati venerunt, nunciantes, Asiæ quoque civitates sollicitari. His legationibus responsum est, curæ Asianam rem senatui fore. Consultatio de Macedonico bello integra ad consules, qui tunc ⁷ in prælio cum Boiis erant, rejecta est. Interim ⁸ ad Ptolemæum Ægypti regem legati tres missi, C. Legati in Ægyptum. Claudius Nero, ⁹ M. Æmilius Lepidus, P. Sempronius Tuditanus: ut et adnunciarent victum Hannibalem Pœnosque, et gratias agerent regi, ¹⁰ quod in rebus dubiis, quum finitimi etiam socii Romanos desererent, in fide mansisset; et peterent, ut, si coacti injuriis bellum adversus Philippum suscepissent, pristinum animum erga populum Romanum

^c caussa Gron. Crev.

pum decem ferme ante annis] Hic initium ducit hujus belli Livius ab inita cum Ætolis societate, anno 541. de qua vide l. XXVI. c. 24. At tribus ante annis motum fuerat, ut constat ex l. XXIV. c. 40.

6 Quum Ætoli ... belli ... fuissent causa] Initium Philippo cum Annibale foedus, de quo egit Livius, l. XXIII. c. 33. coegit Romanos de bello Macedonibus inferendo cogitare: mox legati ab Orico nunciantes suam urbem captam esse, Apolloniam tentari, impulerunt Lævinum, ut in Græciam trajiceret. Sed segnius bellum gestum est, donec inita est cum Ætolis societas. *Idem Ætoli et pacis causa fuerant, quia, absentibus Romanis, pacem per se ipsi cum Philippo pepigerant: unde Romanis quodammodo necesse fuit ad pacem quoque animos inclinare. Vid. supra XXIX. 12.

7 In prælio cum Boiis erant] Hoc corruptum est. Neque enim ambo consules in Boiorum agro erant, sed alter tantum, P. Ælius. Jam vero quid sibi vult, *in prælio erant?* Alb. Rubenius ex vestigiis MSS. recte videtur emendare: *in provinciis erant.*

8 Ad Ptolemæum Ægypti regem] Tunc regnabat in Ægypto Ptolemæus Epiphanes, quem pater quadriennio

ante vita cedens, anno u. c. 548. a. C. 204. quadrimum reliquerat. Itaque hæ gratiarum actiones quæ sequuntur, non possunt referri ad officia a rege puero collata in Romanos, quæ nulla erant, sed ad ejus patrem et regnum Ægypti. Vid. not. 10. proxime sequentur. Aliam hujus legationis causam affert Polybius, l. XVI. n. 19. et legat. 4. nempe, ut Ptolemæo liberam et securam ab aviditate regum Antiochi et Philippi (vid. infra c. 14.) possessionem Ægypti servarent, pacemque inter eos componerent. Idem testatur et Justinus, l. XXX.

9 M. Æmilius Lepidus] Hic etiam tutor Ptolemæi Epiphanis fuit, testibus Justino, l. XXX. et Val. Max. l. VI. c. 6. Id tamen observandum in Valerio, illum falso credidisse Lepidum hoc munere functum esse, quum jam summus esset pontifex, et bis consul fuisset, qui juvenis admodum, ut constat ex c. 18. infra, hanc tutelam gessit.

10 Quod ... in fide mansisset] Polybius, Legat. 2. docet Romanos in summa frumenti inopia, post accessum, ut videtur verisimile, Annibalis ad urbem, subsidium a Ptolemæo Philopatore, tanquam ab socio et amico rege, petiisse.

U. C. 551. conservaret. Eodem fere tempore P. Ælius consul in Gallia, quum audisset a Boiis ante suum adventum incursiones in agros sociorum factas, duabus legionibus subitariis tumultus ejus caussa scriptis, additisque ad eas quatuor cohortibus de exercitu suo, ¹¹C. Oppium præfectum socium hac tumultuaria manu ¹²per Umbriam (quam tribum Sappiniam vocant) agrum Boiorum invadere jussit. ipse eodem, aperto itinere, ¹³per medios montes duxit. Oppius, ingressus hostium fines, primo populationes satis prospere ac tuto fecit. delecto deinde ad castrum Mutilum satis idoneo loco, ad demetenda frumenta (jam enim maturæ erant segetes) profectus, neque explorato circa, nec stationibus satis firmis, quæ armatæ inermes atque operi intentos tutarentur, positis, inprovise inpetu Gallorum cum frumentatoribus est circumventus. Inde pavor fugaque etiam armatos cepit. Ad septem millia hominum palata per segetes sunt cæsa: inter quos ipse C. Oppius præfectus. ceteri in castra metu compulsi, inde sine certo duce consensu militari proxima nocte, relicta magna parte rerum suarum, ad consulem per saltus prope invios pervenere. qui, nisi quod populatus est Boiorum fines, et cum Ingaunis Liguribus fœdus icit, nihil, quod esset memorabile, aliud in provincia quum gessisset, Romam rediit.

C. Oppius
circumven-
tus a Boiis.

III. Quum primum senatum habuit, universis postulanti-
bus, ne quam prius rem, quam de Philippo sociorumque
querelis, ageret; relatum extemplo est: decrevitque fre-
quens senatus, ut P. Ælius consul, quem videretur ei, cum
imperio mitteret, qui, classe accepta, quam ex Sicilia Cn.
Octavius reduceret, in Macedoniam trajiceret. M. Vale-
rius Lævinus proprætor missus, circa Vibonem duodequa-
draginta navibus ab Cn. Octavio acceptis, in Macedoniam
transmisit. ad quem quum M. Aurelius legatus venisset,
edocuissetque eum, quantos exercitus, quantum navium nu-
merum comparasset rex, et quemadmodum circa omnes non
continentis modo urbes, sed etiam insulas, partim ipse ad-
eundo, partim per legatos, conciret homines ad arma; ma-
jore conatu Romanis id capessendum bellum esse, ne, cunc-
tantibus iis, auderet Philippus, quod Pyrrhus prius ausus ex

11 C. Oppium] Ante Sigonium editi habebant C. Appium. Mutavit ille: nec immerito. Oppius enim gentis nomen est: Appius prænomen.

12 Per Umbriam (quam tribum Sappiniam vocant] Per eam Umbriæ partem, quæ ab ipsis tribus Sappinia appellatur. Hæc enim verba, quam . . . vocant, quibus uti non solet Livius, ubi tribuum Romanarum nomina appellat.

nobis persuadent hanc unam fuisse e tribubus, in quas Umbri ipsi dividebantur: eodem plane modo ac sensu, quo supra l. IX. c. 41. de iisdem Umbriis: Plaga una (Materinam ipsi appellant.)

13 Per medios montes] Victor. codex ignorat vocem medios, quam inseruit Sigonius.

aliquanto minore regno esset; hæc eadem scribere Aurelium U. C. 551.
consulibus et senatui placuit. A. C. 201.

IV. Exitu hujus anni quum ¹⁴de agris veterum militum relatum esset, qui ductu atque auspicio ¹⁵P. Scipionis in Africa bellum perfecissent; decreverunt Patres, ut M. Junius prætor urbis, si ei videretur, decemviros agro Samniti Appuloque, quod ejus publicum populi Romani esset, metiendo dividendoque crearet. Creati P. Servilius, Q. Cæcilius Metellus, C. et M. Servilii, (Geminis ambobus cognomen erat) L. et A. Hostilii Catones, P. Villius Tappulus, M. Fulvius Flaccus, P. Ælius Pætus, Q. Flaminius. Per eos dies, ¹⁶P. Ælio consule comitia habente, ¹⁷creati consules P. Sulpicius Galba, C. Aurelius Cotta. Prætores exinde facti, Q. Minucius Rufus, L. Furius Purpureo, Q. Fulvius Gillo, Cn. Sergius Plancus. Ludi Romani scenici eo anno magnifice adparateque facti ab ædilibus curulibus, L. Valerio Flacco et L. Quinctio Flaminino. ¹⁸biduum instauratum est. ¹⁹frumentique vim ingentem, quod ex Africa P. Scipio miserat, quaternis æris populo cum summa fide et gratia diviserunt. Et plebei ludi ter toti instaurati ab ædilibus plebis, L. Apustio Fullone et Q. Minucio Rufo: qui ex ædilitate prætor creatus erat. et ²⁰Jovis epulum fuit ludorum causa.

V. ²¹Anno quingentesimo quinquagesimo ab urbe condita, P. Sulpicio Galba, C. Aurelio consulibus, bellum cum U. C. 552.
rege Philippo initum est, paucis mensibus post pacem A. C. 200.
Karthaginiensibus datam. Omnium ²²primum eam rem P. Sulpicio II. C. Aurelio Coss.
Idibus Martiis, quo die tum consulatus inibatur, P. Sulpio Belli Macedonici initium.

¹⁴ De agris veterum militum] De assignando agros veteribus militibus. Hæc prima apud Livium mentio occurrit agrorum certo cuidam militum generi divisorum in præmium emeritæ militiæ. Retentum hoc exemplum est, et crebro deinde usurpatum: ac sub Cæsaribus in consuetudinem jam legemque abiit.

¹⁵ P. Scipionis] Sic jussit legi Sigonius, non *proconsulis Scipionis*, quod genus mendi vulgatissimum est, et passim ab eodem correctum.

¹⁶ P. Ælio consule] Vulgo *consulum*. At non consulum modo, sed et aliorum magistratum comitia P. Ælius habuit. Itaque emendabat Gronovius *consule*: quod plane exstat in cod. Victor.

¹⁷ Creati consules, P. Sulpicius Galba] Iterum. Jam enim Sulpicius consul fuerat anno 541.

¹⁸ Biduum instauratum est] Sic et l. XXVI. c. 36. Et plebeiis ludis

biduum instauratum.

¹⁹ Frumenti . . . vim ingentem . . . quaternis aris] Quaternis assibus, id est, quarta denarii parte in modios. Vid. not. ad l. XXX. c. 26.

²⁰ *Jovis epulum] Vid. not. ad XXV. 2.

²¹ Anno quingentesimo quinquagesimo] Adde *secundo*, ex c. 1. hujus libri: ubi quum Livius, quomodo legimus, annos 487. ab u. c. ad initium primi Punici belli exactos numeret, 63. ab initio primo cum Pœnis bello ad perpetratum secundum, non habita ratione, ut jam bis annotavimus, ultimi anni, annum præcedentem proinde habuit pro quingentesimo quinquagesimo primo ab u. c. Nam 487. et 63. efficiunt 550. Itaque hic annus qui incipit est quingentesimus quinquagesimus secundus.

²² Primum eam rem] Forte *primum*.

U. C. 552.
A. C. 200.

cuius consul retulit: senatusque decrevit, uti consules maioribus hostiis rem divinam facerent, quibus Diis ipsis videretur, cum precatione ea: ²³ *Quam rem senatus populusque Romanus de republica deque incundo novo bello in animo haberet, ea res uti populo Romano, sociisque, ac nomini Latino, bene ac feliciter eveniret*: secundum rem divinam precationemque, ut de republica deque provinciis senatum consularent. Per eos dies opportune irritandis ad bellum animis, et literæ a M. Aurelio legato, et M. Valerio Lævino prætore adlatæ: et Atheniensium nova legatio venit, quæ regem adpropinquare finibus suis nunciaret: brevique, non agros modo, sed urbem etiam in ditione ejus futuram, nisi quid in Romanis auxilii foret. Quum pronunciassent consules, rem divinam rite perfectam esse, et precationem admisisse Deos aruspices respondere, lætaque exta fuisse, et prolationem finium, victoriamque, et triumphum portendi; tum literæ Valerii Aureliique lectæ, et legati Atheniensium auditi. Senatus inde consultum factum est, ut sociis gratiæ agerentur; quod diu sollicitati, ne obsidionis quidem metu fide decessissent. de auxilio mittendo tum ²⁴ respondere placere, quum consules provincias sortiti essent: atque is consul, cui Macedonia provincia evenisset, ad populum tulisset, ut Philippo regi Macedonum indiceretur bellum.

Provincia-
rum divisio.

VI. P. Sulpicio provincia Macedonia sorte evenit, isque rogationem promulgavit, *Vellent, juberent Philippo regi Macedonibusque, qui sub regno ejus essent, ob injurias armaque inflata sociis populi Romani, bellum indici*. alteri consuli Aurelio Italia provincia obtigit. Prætores exinde sortiti sunt, Cn. Sergius Plancus urbanam, Q. Fulvius Gillo Siciliam, Q. Minucius Rufus Bruttios, L. Furius Purpureo Galliam. Rogatio de bello Macedonico primis comitiis ab omnibus ferme centuriis ²⁵ antiquata est. id quum fessi diuturnitate et gravitate belli sua sponte homines tædio laborum periculorumque fecerant, tum Q. Bæbius tribunus plebis, viam antiquam criminandi Patres ingressus, incusaverat bella ex bellis seri, ne pace umquam frui plebs posset. Ægre eam rem passi Patres, laceratusque probris in senatu tribunus plebis: et consulem pro se quisque hortari, ut de integro comitia rogationi ferendæ ediceret, castigaretque segnitiam populi: atque doceret, quanto damno dedecorique dilatio ea belli futura esset.

²³ *Quam rem senatus . . . in animo haberet, ea res*] Non minus bene Viet. liber: *Quod senatus*. Similis est solennis senatusconsultorum formula: *Quod verba fecit consul . . . de ea re ita*

censuerunt.

²⁴ *Respondere placere*] Nonne potius, *responderi*?

²⁵ **Antiquata est*] Vid. not. 22. ad V. 30.

VII. Consul in campo Martio ²⁶comitiis habitis, prius-U.C. 552.
 quam centurias in suffragium mitteret, concione advocata, A.C. 200.
*Ignorare, inquit, videmini mihi, Quirites, non, utrum bellum
 an pacem habeatis, vos consuli: (neque enim liberum id vobis
 permittit Philippus, qui terra marique ingens bellum molitur)
 sed utrum in Macedoniam legiones transportetis, an hostem in
 Italiam accipiat. Hoc quantum intersit, si umquam ante
 alias, Punico certe proximo bello experti estis. Quis enim
 dubitat, quin, si Saguntinis obsessis fidemque nostram inploran-
 tibus inpigre tulissemus opem, ²⁷sicut patres nostri Mamertinis
 tulerant, totum in Hispaniam aversuri bellum fuerimus, quod
 cunctando cum summa clade nostra in Italiam accepimus? Ne
 illud quidem dubium est, quin hunc ipsum Philippum, pactum
 jam per legatos literasque cum Hannibale in Italiam trajicere,
 misso cum classe Lævino, qui ultro ei bellum inferret, in Ma-
 cedonia continuerimus. et quod tunc fecimus, quum hostem
 Hannibalem in Italia haberemus, id nunc, pulso Italia Han-
 nibale, devictis Karthaginiensibus, cunctamur facere? Patia-
 mur expugnandis Athenis, sicut Sagunto expugnando Hanni-
 balem passi sumus, segnitiam nostram experiri regem. Non
 quinto inde mense, quemadmodum ab Sagunto Hannibal, sed
 quinto inde die, quam ab Corintho solverit naves, in Italiam
 perveniet. Ne aquaveritis Hannibali Philippum, ne Kartha-
 giniensibus Macedonas; ²⁸Pyrrho certe æquabit: dico, quan-
 tum vel vir viro, vel gens genti præstat. Minima accessio
 semper Epirus regno Macedoniae fuit, et hodie est. Pelopon-
 nesum totam in ditione Philippus habet, Argosque ipsos, non
 vetere fama magis, quam morte Pyrrhi nobilitatos. ²⁹Nostra
 nunc compara. quanto magis florentem Italiam, quanto magis
 integras res, salvo ducibus, salvo tot exercitibus, quos Puni-
 cum postea bellum absumsit, adgressus Pyrrhus tamen concus-
 sit, et victor prope ad ipsam urbem Romam venit! Nec Taren-
 tini modo oraque illa Italiae, quam majorem Græciam vocant,
 ut linguam, ut nomen secutos crederes, sed Lucanus, et Brut-
 tius, et Samnis, a nobis defecerunt. Hæc vos, si Philippus in*

²⁶ Comitiiis habitis] Vel intellige, dum habentur comitia: vel potius dele vocem habitis, quæ ab duobus MSS. abest. Sic enim interdum Livius absolute loqui amat, ut hoc ipso libro, c. 50. Comitiiis ædiles curules creati.

²⁷* Sicut patres nostri Mamertinis] Adversus Pœnos: unde initium primi Punici belli. † Vid. l. XVI. supra.

²⁸ Pyrrho certe æquabit: dico, quantum] Jac. Gronovius Valesium secutus suggerit, Pyrrho dico: quod amplectendum videtur, mutata interpunctione vulgari in hunc modum:

Pyrrho dico. Quantum vel vir viro, vel gens genti præstat! Dixerat primo illos certe non dubituros Philippum Pyrrho æquare. Mox sese ipse reprehendit, quod Philippum æquet Pyrrho, quo longe superior est. Pyrrho dico eum æquatam iri. Imo vero quantum vel vir viro, id est, Pyrrho Philippus; vel gens genti, id est, Macedonia gens Epiroticæ præstat! Utrumque probat in iis quæ sequuntur.

²⁹ Nostra nunc compara] Legendum videtur cum Gronovio, comparate.

U. C. 552. *Italiam transmiserit, quietura aut mansura in fide creditis?*
 A. C. 200. ³⁰ *Manserunt enim Punico postea bello. numquam isti populi, nisi quum deerit, ad quem desciscant, a nobis non deficient. Si piguisset vos in Africam trajicere, hodie in Italia Hannibalem et Karthaginienses hostes haberetis. Macedonia potius, quam Italia, bellum habeat. hostium urbes agrique ferro atque igni vastentur. Experti jam sumus foris nobis, quam domi, feliciora potentioraque arma esse. Ite in suffragium, bene juvantibus Diis, et, quæ Patres censuerunt, vos jubete. Hujus vobis sententiæ non consul modo auctor est, sed etiam Dii immortales; qui mihi sacrificanti precantique, ut hoc bellum mihi, senatui, ³¹ vobisque, et sociis ac nomini Latino, classibus exercitibusque nostris bene ac feliciter eveniret, læta omnia prosperaque portendere.*

P. R. bellum jubet. Supplicatio indicta, ob bellum decretum. Consulti feciales.

Exercitus comparatur.

VIII. Ab hac oratione in suffragium missi, ³² uti rogarat, bellum jusserunt. Supplicatio inde a consulibus in triduum ex senatusconsulto indicta est, obsecratique circa omnia pulvinaria Dii, ³³ ut, quod bellum cum Philippo populus jussisset, id bene ac feliciter eveniret, ³⁴ consultique feciales ab consule Sulpicio, bellum, quod indiceretur regi Philippo, utrum ipsi utique nunciari juberent; an satis esset, in finibus regni quod proximum præsidium esset, eo nunciari? feciales decreverunt, utrum eorum fecisset, recte facturum. Consuli a Patribus permissum, ut, quem videretur, ex iis, qui extra senatum essent, legatum mitteret ad bellum regi indicendum. Tum de exercitibus consulum prætorumque actum. consules binas legiones scribere jussi; veteres dimittere exercitus. Sulpicio, cui novum ac magni nominis bellum decretum erat, permissum, ut de exercitu, quem P. Scipio ex Africa deportasset, voluntarios, quos posset, duceret: invitum ne quem militem veterem ducendi jus esset. Prætoribus L. Furio Purpureoni et Q. Minucio Rufo quina millia sociûm Latini nominis consul daret: quibus præsidii alter Galliam, alter Bruttios provinciam obtineret. Q. Fulvius Gillo et ipse jussus ex eo exercitu, quem P. Ælius consul habuisset, ut quisque minime multa stipendia haberet, legere, donec et ipse quinque millia sociûm ac nominis Latini effecisset: ³⁵ id præsidio Siciliæ provinciæ esset.

30 *Manserunt enim*] Ironice dictum.

31 *Vobisque, et sociis ac nomini Latino*] Vict. codex: *vobisque, Quirites, sociis ac nomini Latino*: melius et decentius.

32 * *Uti rogarat*] Vid. not. 52. ad VI. 38.

33 *Ut quod bellum*] Addidimus particulam *ut*, jubentibus Thuanæo, quem

Jac. Gronovius excussit, et nostro Victor. cod.

34 *Consultique feciales . . . feciales decreverunt*] Odiosa repetitio. Posterius illud *feciales* libenter deleverimus.

35 *Id præsidio*] Gronovius merito emendat: *id præsidium*. Censet quoque legendum esse, ut intelligatur *jussum*.

M. Valerio Faltoni, qui prætor priore anno Campaniam U. C. 552. provinciam habuerat, prorogatum in annum imperium est; A. C. 200. uti proprætor in Sardiniam trajiceret, atque de exercitu, qui ibi esset, quinque millia socium nominis Latini, ³⁶ qui eorum minime multa stipendia haberet, legeret. Et consules duas urbanas legiones scribere jussi: quæ, si quo res posceret, multis in Italia ³⁷ contactis gentibus Punici belli societate, iraque inde tumentibus, mitterentur. Sex legionibus Roma- Legiones 6. nis eo anno usura respublica erat.

IX. In ipso adparatu belli legati ab rege Ptolemæo venerunt, ³⁸ qui nunciarunt, *Athenienses adversus Philippum* Legati Ptolemæi. *petisse ab rege auxilium. ceterum, etsi communes socii sint, tamen, nisi ex auctoritate populi Romani, neque classem, neque exercitum defendendi aut obpugnandi cujusquam causâ regem in Græciam missurum esse. Vel quieturum cum in regno, si populo Romano socios defendere liceat; vel Romanos quiescere, si malint, passurum, atque ipsum auxilia, quæ facile adversus Philippum tueri Athenas possent, missurum.* Gratia regi ab senatu actæ, responsumque; *Tutari socios populo Romano in animo esse: ³⁹ si qua re ad id bellum opus sit, indicaturos regi. regnique ejus opes scire subsidia firma ac fidelia suæ reipublicæ esse.* Munera deinde legatis in singulos ⁴⁰ quinum millium æris ex senatusconsulto missa. Quum delectum consules haberent, pararentque, quæ ad bellum opus essent: civitas religiosa, in principiis maxime novorum bellorum, supplicationibus habitis jam, et obsecratione circa omnia pulvinaria facta, ne quid prætermitteretur, quod aliquando factum esset, ludos Jovi donumque vovere consulem, cui provincia Macedonia evenisset, jussit. Moram voto publico Licinius pontifex maximus adtulit, qui negavit, *ex incerta pecunia* ⁴¹ *vovere debere, ⁴² si ea pecunia non posset in bellum usui esse.*

³⁶ Qui eorum minime multa stipendia haberet] Lege haberent. MURETUS.

³⁷ * Contactis . . . societate iraque inde tumentibus] Ita se habentibus ut ad eas contagio societatis cum Pœnis in bello pertineret, et hanc ob causam ira tacita æstuantibus, quæ occasionem erumpendi quæreretur.

³⁸ Qui nunciarunt] Has voces plane supervacuas libenter resecaremus.

³⁹ Si qua re ad id bellum opus sit] MS. Vict. si quæ res ad bellum opus sint: rectæ; nisi malis si qua res . . . opus sit.

⁴⁰ Quinum millium æris] Quinque millia æris gravis sunt quingenti denarii, quos pares facimus marcis argenti nostratibus 7. cum uncis sex et semuncia.

⁴¹ Vovere debere] Magis placeret:

voveri.

⁴² Si ea pecunia] Fortasse hic aliquid mendi subest. Possumus tamen utcumque exponere, accipiendo particulam si pro siquidem, hoc nempe modo. Negavit pontifex maximus voveri debere ludos ex incerta pecunia, id est, non statuta pecuniæ summa, quam in eorum apparatus erogari placeret, siquidem ea pecunia, id est, pecunia vota in ludos jam non poterat in bellum usui esse. Hæc fortasse erat mens pontificis: Vovetur ludi ex pecunia, quæ ex ærario sumenda est. Nisi igitur statuta fuerit pecuniæ summa, eaque seposita, jam tota ærarii pecunia huic voti obligationi obnoxia videbitur. Pecunia autem, in quam votum cadit, non potest in bellum usui esse. Itaque, nisi certa pecunia vo-

U. C. 552. *reponi statim debere, nec cum alia pecunia misceri. quod nisi*
 A. C. 200. *factum esset, votum rite solvi non posse.* Quamquam et res,
 et auctor movebat, tamen ad collegium pontificum ⁴³referre
 consul jussus, si posset recte votum incertæ pecuniæ sus-
 cipi. posse, rectiusque etiam esse, pontifices decreverunt.
 Vovit in eadem verba consul, præeunte maximo pontifice,
 quibus antea ⁴⁴quinquennalia vota suscipi solita erant: præ-
 terquam quod tanta pecunia, quantam tum, quum solve-
 retur, senatus censuisset, ludos donaque facturum vovit.
 Toties ante ludi magni de certa pecunia voti erant: ii primi
 de incerta.

Gallicus tu-
 multus,
 auctore Ha-
 milcare.

X. Omnium animis in bellum Macedonicum versis, re-
 pente nihil minus eo tempore timentibus, Gallici tumultus
 fama exorta est. Insubres, Cenomanique, et Boii, excitis
⁴⁵Salyis, Ilvatibusque, et ceteris Ligustinis populis, Hamil-
 care Pœno duce, qui in iis locis de Hasdrubalis exercitu
 substiterat, Placentiam invaserant: et, direpta urbe, ac per
 iram magna ex parte incensa, vix duobus millibus hominum
 inter incendia ruinasque relictis, trajecto Pado ad Cremon-
 am diripiendam pergunt. Vicinæ urbis audita clades spa-
 tium colonis dedit ad claudendas portas, præsidiaque per
 muros disponenda; ⁴⁶ut obsiderentur tamen prius, quam ex-
 pugnarentur, nunciosque mitterent ad prætorem Romanum.
 L. Furius Purpureo tum^d provinciæ præerat: cetero ex se-
 natusconsulto exercitu dimisso, præter quinque millia so-
 ciûm ac Latini nominis, cum iis copiis in proxima regione
 provinciæ circa Ariminum substiterat. Is tum senatui scrip-
 sit, quo in tumultu provincia esset. *Duarum coloniarum, quæ*
ingentem illam tempestatem Punici belli subterfugissent, alte-
ram captam ac direptam ab hostibus, alteram obpugnari. Nec
in exercitu suo satis præsidii colonis laborantibus fore, nisi
quinque millia sociûm quadraginta millibus hostium (tot enim

^d qui tum Gron. Crev.

veantur ludi, jam publici ærarii usus
 in bellum nullus erit.

⁴³ Referre consul jussus, si posset]
 Nota τὸ si pro an positum: quemad-
 modum jam factum a Livio vidimus
 supra, l. IV. c. 20. Sic et infra l.
 XXXIII. c. 35. *Percunctatus, si con-*
silium salutare admittere auribus pos-
set: et l. XXXVI. c. 33. Percunctatus,
si se interim, quæ defecissent ab socie-
tate Romana urbes, recipere vellet: et
l. XXXIX. c. 50. Quæsisse, si incolomis
Licetas equitesque evasisent.

⁴⁴ *Quinquennalia vota]* Vota quæ
 suscipiebantur, si in quinque annos eo-
 dem republica stetisset statu: de qui-
 bus vide XXVII. 33. XXX. 27.

⁴⁵ *Salyis Ilvatibusque]* Salyi, qui

inter Rhodanum et Alpes incolebant,
 nihil huc pertinent. Cluverius legit
Statiellis; Gronovius, *Celelatibus*. U-
 trique populi sunt Liguriæ. Neutri
 emendationi acquiescit Jac. Grono-
 vius: et quum scripti et prisce editi
 pro *Salyis* habeant vel *Scnilibus*, vel
Selinibus, ipse emendat *Sollinibus*, sive
Solliniensibus. Sollicitat itidem τὸ *Il-*
vatibus, reponitque *Iriatibus*. Vid.
 quartam Dissert. ejus Epistol. ad cal-
 cem II. tomi Liviani.

⁴⁶ *[ut obsiderentur tamen]* Ut non
 primo impetu expugnarentur, quem-
 admodum Placentiam, sed obsideri sal-
 tem urbem necesse esset, antequam
 caperetur.

in armis esse) trucidanda objicere velit, et tanta sua clade U. C. 552.
jam inflatos excidio coloniae Romanae augere hostium animos. A. C. 200.

XI. His literis recitatis decreverunt, ut C. Aurelius consul exercitum, cui ⁴⁷in Etruriam ad conveniendum diem edixerat, Arimini eadem die adesse juberet, et aut ipse, si per commodum reipublicae posset, ad obprimendum ⁴⁸Gallicum tumultum proficisceretur; aut L. Furio praetori scriberet, ut, quum ad eum legiones ex Etruria venissent, missis in vicem earum quinque millibus sociorum, qui interim Etruriae praesidio essent, proficisceretur ipse ad coloniam liberandam obsidione. Legatos item mittendos in Africam ^{Legati Karthaginem missi.} censuerunt, eosdem Karthaginem, eosdem in Numidiam ad Masinissam. Karthaginem, ut nunciarent, *civem eorum Hamilcarem relictum in Gallia,* ⁴⁹*haud satis scire ex Hasdrubalis prius, an ex Magonis postea exercitu, bellum contra fœdus facere. Exercitus Gallorum Ligurumque excivisse ad arma contra populum Romanum. eum, si pax placeret, revocandum illis, et dedendum populo Romano esse: simul nunciare jussi, perfugas sibi non omnes redditos esse: ac^e magnam partem eorum palam Karthagini observari dici: quos comprehendi conquirique debere, ut sibi ex fœdere restituantur.* Hæc ad Karthaginienses mandata. Masinissæ gratulari jussi, ^{Tidem ad Masinissam.} *quod non patrium modo recuperasset regnum, sed, parte florentissima Syphacis finium adjecta, etiam auxisset.* nunciare præterea jussi, *bellum cum rege Philippo susceptum, quod Karthaginenses auxiliis juvisset; injuriasque inferendo sociis populi Romani,* ⁵⁰*flagrante bello Italia^f, coëgisset classes exercitusque in Græciam mitti; et, distinendo copias, caussa inprimis fuisset serius in Africam trajiciendi.* ⁵¹*Petere, ut ad id bellum mitteret auxilia Numidarum equitum.* Dona ampla data, quæ ferrent regi, vasa aurea argenteaque, ⁵²*toga purpurea, et palmata tunica cum eburneo scipione, et toga prætexta cum curuli sella: jussique polliceri,* ⁵³*si quid ei ad firmandum*

^e ac del. Gron. Crev.

^f Italiae Gron.

⁴⁷ *In Etruriam]* Andreas habet in Etruria: quod magis placet. Sequitur enim Arimini.

⁴⁸ *Gallicum tumultum]* Vid. not. 52. ad VII. 9.

⁴⁹ *Haud satis scire]* Qui utrum ex Asdrubalis, an ex Magonis exercitu relictus esset, sese, nempe Romanos, parum scire.

⁵⁰ *Flagrante bello Italia]* Revocavimus vet. editorum lectionem, quam tuetur Victor. cod. Vulgo nunc legitur Italiae.

⁵¹ *Petere, ut ad id bellum]* Sic legi jussit Gronovius, ut pendeat verbum a præcedente jussi. Poterat tamen ferri peterent, quomodo prius editi ha-

bebant. Non raro enim Livius in hunc modum variat orationem. Sic l. XXX. supra, c. 41. *Prætori M. Valerio Faltoni duæ legiones . . . decretae. P. Ælius prætor duas legiones . . . acciperet.* Et l. IX. c. 2. *Milites decem pastorum habitu mittit, pecoraque diversos alium alibi . . . pascere jubet: ubi inciderent in prædatores, ut idem omnibus sermo constet. Et alibi sæpius.*

⁵² *Toga purpurea et palmata tunica]* Vid. nott. 26. et 27. ad l. X. c. 7. De toga prætexta et sella curuli vid. ad l. l. c. 8.

⁵³ *Si quid ei]* Lege cum Gronovio, sibi. Sensus enim esse debet: si quid sibi Masinissa opus esse judicasset.

U. C. 552.
A. C. 200.
Verminæ
Syphacis
filii legati.

augendumque regnum opus esse judicasset, enise id populum Romanum merito ejus præstaturum. Verminæ quoque Syphacis filii legati per eos dies senatum adierunt, excusantes errorem adolescentiamque, et culpam omnem in fraudem Karthaginensium avertentes. *Et Masinissam Romanis ex hoste amicum factum: Verminam quoque adnissurum, ne officii in populum Romanum aut a Masinissa, aut ab ullo alio vincatur. Petere, ut rex, sociusque, et amicus ab senatu adpelleretur.* Responsum legatis est: *Et patrem ejus Syphacem sine caussa ex socio et amico hostem repente populi Romani factum: et cum ipsum rudimentum adolescentiæ bello lacessentem Romanos posuisse. Itaque pacem illi prius petendam a populo Romano esse, quam ut Rex, sociusque, et amicus adpelleretur. Nominis ejus honorem pro magnis erga se regum meritis dare populum Romanum consuesse. Legatos Romanos in Africa fore, quibus mandaturum senatum, ut Verminæ pacis dent leges,* ⁵⁴*liberum arbitrium eis populo Romano permittente. Si quid ad eas addi, demi, mutarive vellet, rursus ab senatu ei postulandum fore.* Legati cum iis mandatis in Africam missi, C. Terentius Varro, Sp.^s Lucretius, Cn. Octavius. quinquere mes singulis datæ.

Sublata pecunia e fano
Proserpinæ.

XII. Literæ deinde in senatu recitatæ sunt Q. Minucii prætoris, cui Bruttii provincia erat; *Pecuniam Locris ex Proserpinæ thesauris nocte clam sublatam: nec, ad quos pertineat facinus, vestigia ulla exstare.* Indigne passus senatus, non cessari ab sacrilegiis, et ne Pleminium quidem, tam clarum recensque noxæ simul ac pœnæ exemplum, homines detertere. C.ⁿ Aurelio consuli negotium datum, ut ad prætorem in Bruttios scriberet: *senatui placere, quæstionem de expilatis thesauris eodem exemplo haberi, quo M. Pomponius prætor* ⁵⁵*triennio ante habuisset. Quæ inventa pecunia esset, reponi. si quo minus inventum foret, expleri: ac piacularia, si videretur, sicut ante pontifices censuissent, fieri caussa expiandæ violationis ejus templi.* Prodigia etiam sub idem tempus pluribus locis ⁵⁶*nunciata acciderunt.* In Lucanis cælum arsisse adferebant. Priverni sereno per diem totum rubrum solem fuisse. Lanuvii templo Sospitæ Junonis nocte stre-

Prodigia.

g P. Gron. Crev.

h Cn. Gron.

⁵⁴ Liberum arbitrium eis populo Romano permittente] Duo scripti habent teste Gronovio, ejus: quibus accedunt unus Hearnii codex, et noster Victor. et Andræ editio. Unde Rubenius censet legendum *permittenti*, quod referri debeat ad Verminam. Si nempe Vermina pacis dandæ liberum arbitrium populo Romano permetteret. Nihil certius. Infra c. 19. *Is* (Ver-

mina) . . . legatis obviam progressus, ut scriberent ipsi quas vellent pacis condiciones permisit.

⁵⁵ Triennio ante] Hoc verum est, si non numerentur extrema. Alioquin legendum erit *quinquennio ante*. Vid. supra l. XXIX. c. 21.

⁵⁶ Nunciata acciderunt] Nunciata pervenerunt ad aures Patrum et populi.

pitum ingentem exortum. Jam animalium obscœni fœtus U. C. 552. pluribus locis nunciabantur. in Sabinis incertus infans na- A. C. 200. tus, masculus an femina esset. alter sexdecim jam annorum item ambiguo sexu inventus. Frusinone agnus cum suillo capite, Sinuessæ porcus cum capite humano natus: in Lucanis in agro publico equuleus cum quinque pedibus. Fœda omnia et deformia, errantisque in alienos fœtus naturæ visa. Ante omnia abominati semimares, jussique in mare extemplo deportari: sicut proxime, C. Claudio, M. Livio consulibus, deportatus similis prodigii fœtus erat. Nihilo minus decemviros adire libros de portento eo jusserunt. Decemviri ex libris res divinas easdem, quæ proxime secundum id prodigium factæ essent, imperarunt. carmen præterea ab ter novenis virginibus cani per urbem jusserunt, donumque Junoni Reginæ ferri. Ea uti fierent, C. Aurelius consul ex decemvirorum responso curavit. Carmen, sicut ⁵⁷ patrum memoria Livius, ita tum condidit P. Licinius Tegula.

XIII. Expiatis omnibus religionibus, (nam etiam Locris sacrilegium pervestigatum a Q. Minucio erat, pecuniaque ex bonis noxiorum in thesauros reposita) quum consules in provincias proficisci vellent; privati frequentes, quibus ex pecunia, quam M. Valerio, M. Claudio consulibus mutuam dederant, ⁵⁸ tertia pensio debebatur eo anno, adierunt senatum: quia consules, quum ad novum bellum, quod magna classe magnisque exercitibus gerendum esset, vix ærarium subficeret, negaverant esse, unde iis in præsentia solveretur. Senatus querentes eos non sustinuit, *Si in Punicum bellum pecunia data, in Macedonicum quoque bellum uti respublica vellet; aliis ex aliis orientibus bellis, quid aliud quam publicatam, pro beneficio, tamquam ob noxam, suam pecuniam fore?* Quum et privati æquum postularent, ⁵⁹ nec tamen solvendo ære alieno respublica esset, quod medium inter æquum et utile erat, decreverunt, *Ut, quoniam magna pars eorum agros vulgo venales esse diceret, et sibimet emtis opus esse; agri publici, ⁶⁰ qui intra quinquagesimum lapidem esset, copia iis fieret. Consules agrum æstimaturos, et ⁶¹ in jugera asses vectigales, testandi caussa publicum agrum esse, inposituros; ut, si quis,*

Reddita
Proserpinæ
pecunia.

Pro pecunia
privatis agri
assignati.

57 * Patrum memoria] Quadraginta circiter annis ante hunc de quo nunc agit noster. Itaque qui tum vivebant, eorum patres æquales fuerant et cœtanei Livii poetæ. Vid. supra XXVII. 37. et ibi not.

58 Tertia pensio debebatur eo anno] Hoc patet ex l. XXIX. c. 16. At secunda nondum soluta fuerat, ut colligitur ex l. XXXIII. c. 42. ubi ultima pensio persolvitur.

59 Nec . . . solvendo ære alieno respublica esset] Recta loquendi norma et consuetudo postulat æri.

60 Qui intra quinquagesimum lapidem esset] Qui esset intra quinquaginta ab urbe millia passuum. Milliarum lapidibus designabantur, ut omnibus notum.

61 * In jugera asses vectigales] Singulos asses in jugera vectigalis nomine.

U. C. 552. *quum solvere posset populus, pecuniam habere, quam agrum,*
 A. C. 200. *mallet, restitueret agrum populo.* Læti eam conditionem privati acceperunt. ⁶² Trientius Tabuliusque is ager, quia pro tertia parte pecuniæ datus erat, adpellatus.

Sulpicius
 Cos. it in
 Macedoni-
 am.

XIV. Tum P. Sulpicius, secundum vota in Capitolio nuncupata, paludatus cum lictoribus profectus ab urbe, Brundisium venit, et, veteribus militibus voluntariis ex Africano exercitu in legiones descriptis, navibusque ex classe consulis Corneli lectis, altera die, quam a Brundisio solvit, in Macedoniam trajecit. Ibi ei præsto fuere Atheniensium legati, orantes, ut se obsidione eximeret. Missus extemplo Athenas est C. Claudius Centho, cum viginti longis navibus, ⁶³ et militum copiis. neque enim ipse rex Athenas obsidebat. eo maxime tempore Abydum obpugnabat, jam cum Rhodiis et Attalo ⁶⁴ navalibus certaminibus, neutro feliciter prælio, vires expertus. Sed animos ei faciebat, præter ferociam insitam, fœdus ictum cum ⁶⁵ Antiocho Syriæ rege, divisæque jam cum eo Ægypti opes; cui, morte audita ⁶⁶ Ptolemæi regis, ambo imminebant. Contraxerant autem sibi cum Philippo bellum Athenienses haudquaquam digna causa: dum ex vetere fortuna nihil præter animos servant. Acarnanes duo juvenes per ⁶⁷ Initiorum dies, non initiati, templum Cereris, ⁶⁸ imprudentes religionis, cum cetera turba ingressi sunt. Facile eos sermo prodidit, absurde quædam percunctantes: deductique ad antistites templi, quum palam esset, per errorem ingressos, tamquam ob infandum scelus, interfecti sunt. Id tam fœde atque hostiliter factum gens Acarnanum ad Philippum detulit: inpetravique ab

Athenæ a
 Macedon.
 obsessa:

Causa belli
 Athenien-
 ses inter
 et Philip-
 pum.

⁶² *Trientius Tabuliusque*] Recte judicat Gronovius ideo sic dictum esse hunc agrum, quia pro triente tabularum, id est, pro tertia parte ejus, quod ex publicis tabulis debebatur, datus fuerat.

⁶³ *Et militum copiis*] Fortasse hic excidit vox aliqua, qualis esset, *eriguis, parvis*. Hoc suadere possunt ea quæ sequuntur, neque enim ipse rex Athenas obsidebat: quibus verbis continetur ratio, cur necesse non fuerit valida auxilia Athenas mittere.

⁶⁴ *Navalibus certaminibus, neutro feliciter prælio*] Videtur hic una vox superesse, una deesse. Redundat plane *et prælio*. Si enim sic legamus, *navalibus certaminibus, neutro feliciter, optime et facillime suppleri potest, certamine*. At vox *neutro* postulat, ut prius facta fuerit duorum certaminum mentio. Videtur igitur scripsisse Livius: *duobus navalibus certaminibus, neutro feliciter, vires expertus*. Hæc duo

prælia simul pugnata a Philippo sunt, unum cum Attalo, alterum cum Rhodiis, ut narrat Polyb. l. XVI.

⁶⁵ *Antiocho Syriæ rege*] Hic est Antiochus Magnus, qui postea bellum cum Romanis gessit.

⁶⁶ *Ptolemæi*] Philopatoris: cui successerat filius, Ptolemæus Epiphanes, puer admodum, de quo supra, c. 2.

⁶⁷ *Initiorum*] *Initia*, seu *Initiorum sacra*, sunt, ut norunt omnes, Cereris mysteria, quæ magna religione ab Atheniensibus Eleusine celebrabantur, nullo magis quam silentio sollennia, ut ait Justin. l. V. Hujus nominis originem Cic. l. II. de Leg. n. 36. ducere videtur ex eo quod celebrarentur ob *principia vitæ*, arationem nimirum et sationem agrorum, a Cerere inventa.

⁶⁸ *Imprudentes religionis*] Ignorantes quanam esset horum sacrorum religio.

eo, ut, datis Macedonum auxiliis, bellum se inferre Atheniensibus pateretur. Hic exercitus, primo terram Atticam ferro ignique depopulatus, cum omnis generis praeda in Acarnaniam rediit: et irritatio animorum ea prima fuit. postea ⁶⁹ justum bellum decretis civitatis ultro indicendo factum. Attalus enim rex Rhodique, ⁷⁰ persecutiⁱ cedentem in Macedoniam Philippum, quum Æginam venissent; rex Piræcum, renovandæ firmandæque cum Atheniensibus societatis caussa, trajecit. Civitas omnis obviam effusa cum conjugibus ac liberis, sacerdotes cum insignibus suis intrantem urbem, ac Dii prope ipsi exciti sedibus suis, exceperunt.

U. C. 552.
A. C. 200.

Attalus
Athenis.

XV. In concionem extemplo populus vocatus, ut rex, quæ vellet, coram ageret: deinde ex dignitate magis visum, scribere eum, de quibus videretur, quam præsentem aut referendis suis in civitatem beneficiis erubescere, aut significationibus adclamationibusque multitudinis, adsentatione inmodica pudorem onerantis. In literis autem, quæ missæ in concionem recitatæque^k sunt, commemoratio erat beneficiorum primum in civitatem sociam; deinde rerum, quas adversus Philippum gessisset; ad postremum adhortatio; *Capessendum bellum, dum se, dum Rhodios, ⁷¹ tum quidem, dum etiam Romanos haberent. Nequidquam postea, si tum cessassent, prætermissam occasionem quæsituros.* Rhodii deinde legati auditi sunt: quorum recens erat beneficium, quod naves longas quatuor Atheniensium, captas nuper a Macedonibus recuperatasque, remiserant. itaque ingenti consensu bellum adversus Philippum decretum. Honores regi primum Attalo inmodici, deinde et Rhodiis habititum primum mentio inlata de tribu, quam Attalida adpellarent, ad decem veteres tribus addenda: et Rhodiorum populus corona aurea virtutis gratia donatus, civitasque Rhodii data, quemadmodum Rhodii prius Atheniensibus dederant. Secundum hæc rex Attalus Æginam ad classem se recepit. Rhodii ⁷² Ciam ab Ægina, inde per insulas Rhodum navigarunt: omnibus, præter Andrum, Parumque, et Cythnum, quæ præsidiis Macedonum tenebantur, in societatem acceptis. Attalum Æginæ, missi in Ætoliam nuntii,

Populum
scripto al-
loquitur.

Decernunt
Athenien-
ses bellum
in Philip-
pum.

ⁱ sequuti Gron.

^k recitata Gron. Crev.

69* *Justum bellum*] Quæ prius tumultuaria vis fuerat, fit jam verum, et, ut loquuntur, proprie dictum bellum, decretis Atheniensium, qui ultro et priores non dubitaverunt bellum indicare Philippo.

70 *Persecuti cedentem*] Post prælia nempe supra memorata. Vulgo *secuti*. Sed illud quod admisimus ex Victor. et Thuan. codd. magis proprium hos-

tium est.

71 *Tum quidem, dum etiam*] Ac maxime in hoc temporis articulo capessendum bellum, dum etiam Romanos, potentissimam civitatem, socios haberent paratos ad auxilium.

72 *Ciam*] Sic legi jussit Sigonius. Antea *Ceam*. Sed parum interest. Utrumque enim nomen ejusdem insulæ est.

U. C. 552. expectatique inde legati, aliquamdiu nihil agentem tenere :
 A. C. 200. et neque illos excire ad arma potuit, gaudentes utcumque composita cum Philippo pace. et ipse Rhodique, si institissent tunc Philippo, egregium liberatæ per se Græciæ titulum habere potuissent; patiendo rursus eum in Hellespontum trajicere, occupantemque ⁷³ Græciæ opportuna loca vires conligere, bellum aluere; gloriamque ejus gesti perfectique Romanis concesserunt.

Philippus
 Abydum
 obsidet.

XVI. Philippus magis regio animo est usus: qui, quum Attalum Rhodiosque hostes non sustinuisset, ne Romano quidem, quod imminebat, bello territus, Philocle quodam ex præfectis suis cum duobus millibus peditum, equitibus ducentis ad populandos Atheniensium agros misso, classe tradita ⁷⁴ Heraclidi, ut Maroneam peteret, ipse terra eodem cum expeditis duobus millibus peditum, equitibus ducentis pergit. Et Maroneam quidem primo inpetu expugnavit: Ænum inde cum magno labore, postremo proditione Ganymedis præfecti Ptolemæi, cepit. deinceps alia castella, Cypselæ, et Doriscon, et Serrheum, occupat. inde progressus ad Chersonesum, Elæunta et Alopeconnesum, tradentibus ipsis, recepit. Callipolis quoque et Madytos dedita, et castella quædam ignobilia. Abydeni, ne legatis quidem admissis, regi portas clausurunt. ea obpugnatio diu Philippum tenuit: eripique ex obsidione, ni cessatum ab Attalo et Rhodiis foret, potuerunt. Attalus trecentos tantum milites in præsidium, Rhodii quadriremem unam ex classe, quum ad Tenedum staret, miserunt. eodem postea, quum jam vix sustinerent obsidionem, et ipse Attalus quum trajecisset, spem tantum auxilii ex propinquo ostendit, neque terra, neque mari adjutis sociis.

Abydenorum
 rabies.

XVII. Abydeni primo, tormentis per muros dispositis, non terra modo adeuntes aditu arcebant, sed ⁷⁵ navium quoque stationem infestam hosti faciebant. postea, quum et muri pars strata ruinis, et ad interiorem raptim obpositum murum cuniculis jam perventum esset, legatos ad regem de conditionibus tradendæ urbis miserunt. Paciscebantur autem, ut Rhodiam quadriremem cum sociis navalibus, Attalique præsidium emitti liceret; atque ipsis urbe excedere cum singulis vestimentis. Quibus quum Philippus nihil pacati, nisi omnia permittentibus, respondisset; adeo renunciata hæc legatio ab indignatione simul ac desperatione

⁷³ Græciæ opportuna loca] Merito videtur Gronovius emendare *Thraciæ*. Siquidem Ænus et Maronea, et cetera quæ mox enarrantur loca. Thraciæ fuere.

⁷⁴ Heraclidi] Hunc Heraclidem

exulem Tarentinum fuisse, ac virum omnibus flagitiis maculosum, docet Polyb. l. XIII.

⁷⁵ Navium . . . stationem] Efficiabant ut naves Philippi multa incommoda eo ubi stabant loco paterentur.

iram accendit, ut, ad Saguntinam rabiem versi, matronas omnes in templo Dianæ, pueros ingenuos, virginesque, infantes etiam cum suis nutricibus, in gymnasium includi jubere: aurum et argentum in forum deferri, vestem pretiosam in naves Rhodiam Cyzicenamque, quæ in portu erant, ⁷⁶ congeri: sacerdotes victimasque adduci, et altaria in medio poni. ibi delecti primum, qui, ubi cæsam aciem suorum, pro diruto muro pugnantem, vidissent, extemplo conjuges liberosque interficerent; aurum, argentum, vestemque, quæ in navibus esset, in mare dejicerent; tectis publicis privatisque, quamplurimis locis possent, ignes subjicerent; et, se facinus perpetraturos, ⁷⁷ præeuntibus execrabile carmen sacerdotibus, jurejurando adacti: ⁷⁸ tum militaris ætas jurare, neminem vivum, nisi victorem, acie excessurum. Hi, memores Deorum, adeo pertinaciter pugnaverunt, ut, quum nox prælium diremtura esset, rex prior, territus rabie eorum, pugna abstiterit. Principes, quibus atrocior pars facinoris delegata erat, quum paucos et confectos vulneribus ac lassitudine superesse prælio cernerent, luce prima sacerdotes cum infulis ad urbem dedendam Philippo mittunt.

Urbis deditur a principibus.

XVIII. Ante deditionem ex iis legatis Romanis, qui Alexandriam missi erant, M. Æmilius ⁷⁹ trium consensu minimus natus, audita obsidione Abydenorum, ad Philippum venit. qui, questus Attalo Rhodiisque arma inlata, et quod tum maxime Abydum obpugnaret, quum rex ab Attalo et Rhodiis ultro se bello lacescitum diceret; *Num Abydeni quoque, inquit, ultro tibi intulerunt arma?* Insueto vera audire ferocior oratio visa est, quam quæ habenda apud regem esset. ⁸⁰ *Ætas, inquit, et forma, et super omnia Romanum nomen te ferociorem facit. Ego autem primum velim, vos fœderum memores servare mecum pacem. Si bello lacescitis, mihi quoque ⁸¹ in animo est facere, ut regnum Macedo-*

¹ conjici Gron.

⁷⁶ *Congerij*] Hoc verbum aptius visum est, quam vulgatum *conjici*. Receptimus itaque ex Victor. codice; aludentibus eodem, teste Jac. Gronovio, ceteris.

⁷⁷ * *Præeuntibus execrabile carmen*] De voce *præeuntibus* vid. not. 8. ad IV. 21. *Carmen* est concepta quædam et solennis verborum formula. Supra I. 24. *longo effatu carmine*: et 26. *lex horrendi carminis erat*. *Execrabile* intelligendum est plenum execrationibus in jurantis caput, nisi jurisjurandi fidem impleat.

⁷⁸ *Tum militaris ætas jurare*] Verbum *jurare* hic supervacue et ineleganter positum est. Potes, eo reciso,

supplere ex iis quæ proxime præcedunt, *jurejurando adacta*.

⁷⁹ *Trium consensu*] Amorum collegarum consensu et suo. Tres enim omnino legati erant, ut constat ex c. 2. hujus libri.

⁸⁰ *Ætas . . . et forma*] M. Æmilius forma omnes æquales suos antecellebat, teste Polybio, l. XVI. ubi illa Abydi expugnatio fuse narratur.

⁸¹ *In animo est facere, ut . . . sentiat*] Cod. Victor. cum duobus a Gronovio memoratis, omittit præpositionem *in*: quemadmodum supra l. XXIX. c. 36. *Pæno recens victoria animo esset. Ut . . . sentialis bona emendatio est, substituta jam olim*

U. C. 552. *num nomenque, haud minus quam Romanum, nobile bello sentiatis.* Ita dimisso legato, Philippus, auro argentoque, quæ coacervata erant, accepto, hominum prædam omnem amisit. tanta enim rabies multitudinem invasit, ⁸² ut repente proditos rati, qui pugnantes mortem obcubuissent, perjuriumque aliis alii exprobrantes, et sacerdotibus maxime, qui, quos ad mortem devovissent, eorum deditionem vivorum hosti fecissent, repente omnes ad cædem conjugum liberorumque discurrerent, seque ipsi per omnes vias lethi interficerent. Obstupefactus eo furore rex, subpressit impetum militum: et, *triduum se ad moriendum Abydenis dare*, dixit. Quo spatio plura facinora in se victi ediderunt, quam infesti edidissent victores: nec, nisi quem vincula aut alia necessitas mori prohibuit, quisquam vivus in potestatem venit. Philippus, inposito Abydi præsidio, in regnum rediit. Quum, velut Sagunti excidium Hannibali, sic Philippo Abydenorum clades ad Romanum bellum animos fecisset, nuncii obcurrerunt, consulem jam in Epiro esse, et Apolloniam terrestres copias, navales Coreyram in hiberna deduxisse.

Legati
Rom. in
Africa.

XIX. Inter hæc legatis, qui in Africam missi erant de Hamilcare Gallici exercitus duce, responsum a Karthaginensibus est, nihil ultra se facere posse, quam ut exsilio eum multarent, bonaque ejus publicarent. Perfugas et fugitivos, quos inquirendo vestigare potuerint, reddidisse: et de ea re missuros legatos Roman, qui senatui satisfacerent. ⁸⁵ Ducenta millia modium tritici Roman, ducenta ad exercitum in Macedoniam miserunt. Inde in Numidiam ⁸⁴ ad reges profecti legati. dona data Masinissæ, mandataque edita. Equites mille Numidæ (quum duo millia daret) accepti. ipse in naves inponendos curavit: et cum ducentis millibus modium tritici, ducentis hordei, in Macedoniam misit. Tertia legatio ad Verminam erat. Is, ad primos fines regni legatis obviam progressus, ut scriberent ipsi, quas vellent, pacis conditiones, permisit. Omnem pacem bonam justamque fore sibi cum populo Romano. Datæ leges pacis, jussusque ad eam confirmandam mittere legatos Roman.

Lentulo ex
Hispania
reduci con-
cessa ova-
tio.

XX. Per idem tempus L. Cornelius Lentulus pro consule ex Hispania rediit. qui quum in senatu res ab se per multos annos fortiter feliciterque gestas exposuisset, postulassetque, ut triumphanti sibi invehi liceret in urbem; *res tri-*

pravæ scriptorum et vetustiorum editorum lectioni, et . . . *sentiatis.*

⁸² *Ut repente proditos rati . . . repente omnes*] Vox *repente* alterutro loco vacat.

⁸³ *Ducenta millia modium*] Modios nostrates Parisienses paulo plus

154166. sive, quo vocamus *septiers* 12847.

⁸⁴ *Ad reges*] Masinissam et Verminam, qui infra nominantur. Ceterum Sigonii liber, et noster Victor. *ad regem*, ut Masinissa solus intelligi debeat.

umpho dignas esse censebat senatus: sed exemplum a majoribus non accepisse: ⁸⁵*ut, qui neque dictator, neque consul, neque prætor res gessisset, triumpharet. Pro consule illum Hispaniam provinciam, non consulem, aut prætorem, obtinuisse. Decurrebatur tamen eo, ut ovans urbem iniret, intercedente Ti. Sempronio Longo tribuno plebis; qui nihilo magis id more majorum, aut ullo exemplo futurum diceret. Postremo victus consensu Patrum tribunus cessit: et ex senatus-consulto L. Lentulus ovans urbem est ingressus.* ⁸⁶*Argenti tulit ex præda quadraginta quatuor millia pondo; ⁸⁷auri duo millia quadringenta quinquaginta^m. militibus ex præda ⁸⁸centum viginti asses divisit.*

U. C. 552.

A. C. 200.

XXI. Jam exercitus consularis ab Arretio Ariminum traductus erat, et quinque millia socium Latini nominis ex Gallia in Etruriam transierant. itaque L. Furius, magnis itineribus ab Arimino adversus Gallos, Cremonam tum obsidentes, profectus, castra mille quingentorum passuum intervallo ab hoste posuit. Occasio egregie rei gerendæ fuit, si protinus de via ad castra obpugnanda duxisset. Palati passim vagabantur per agros, nullo satis firmo relicto præsidio. lassitudini militum timuit, quod raptim ductum agmen erat. Galli, clamore suorum ex agris revocati, ommissa præda, quæ in manibus erat, castra repetivere, et postero die in aciem progressi. nec Romanus moram pugnandi fecit. sed vix spatium instruendi fuit: eo cursu hostes in prælium venerunt. Dextra ala (⁸⁹in alas divisum socialem exercitum habebat) in prima acie locata est: in subsidiis duæ Romanæ legiones. M. Furius dextræ alæ, legionibus M. Cæcilius, equitibus L. Valerius Flaccus (legati omnes erant) præpositi. Prætor secum duos legatos, Cn. Lætorium et P. Titiniumⁿ, habebat: cum quibus circumspicere et obire ad omnes hostium subitos conatus posset. Primo Galli, omni multitudine in unum locum ⁹⁰commissi^o, obruere atque obterere sese dextram alam, quæ prima erat, sperarunt posse. ubi id parum procedebat, circumire^p a cornibus; et

Prælium
cum Gallis
ad Cremonam.

^m quinquaginta del. Gron. Crev.
P circumvenire Eæd.

ⁿ Titinnium Eæd.

^o adnixi Eæd.

⁸⁵ *Ut qui neque dictator, neque consul]*
Vid. l. XXVIII. c. 38.

⁸⁶ *Argenti . . . quadraginta quatuor millia pondo]* Selibras nostrates pondo 68750.

⁸⁷ *Auri duo millia quadringenta]* Selibras nostrates pondo 3750.

⁸⁸ *Centum viginti asses]* Denarios septem cum semisse, qui non totam expleant argenti unciam.

⁸⁹ *In alas divisum exercitum socialem habebat]* Lipsius, l. II. de Mil. Rom. Dial. 7. legi jubet habebant.

Neque enim hic novum aliquid a prætore factum memoratur: sed observatur solennis consuetudo temporum illorum, testata jam a Livio, XXV. 21. XXVII. 2. etc. Id autem studiose annotat noster, quia ipsius ævo res immutata erat. Nulli jam erant socii in exercitibus Romanis. Qui enim prius fuerant socii, civitatem Romanam per bellum sociale adepti fuerant, ac proinde in legiones ipsas contribuebantur.

⁹⁰ *Adnixi]* Thuan. et Vict. codd. et Andræ editio, *commissi*.

U. C. 552. amplecti hostium aciem (quod in multitudine adversus paucos facile videbatur) conati sunt. Id ubi vidit prætor, ut et ipse dilataret aciem, duas legiones ex subsidio dextra lævaque alæ, quæ in prima acie pugnabat, circumdat, ⁹¹ædemque Deo Jovi vovit, si eo die hostes fudisset. L. Valerio imperat, ⁹²ut parte duarum legionum equites, altera sociorum equitatum in cornua hostium emittat, nec ⁹³circumire eos aciem patiatur. simul et ipse, ut extenuatam mediam deductis cornibus aciem Gallorum vidit, signa inferre confertos milites, et perrumpere ordines jubet. Et cornua ab equitibus, et medii a pedite pulsati. ac repente, quum omni parte cæde ingenti sternerentur, Galli terga vertunt, fugaque effusa repetunt castra. fugientes persecutus eques, mox et legiones insecutæ in castra inpetum fecerunt. Minus sex millia hominum inde effugerunt. cæsa aut' capta supra quinque et triginta millia cum signis militaribus septuaginta, carpentis Gallicis, multa præda oneratis, plus ducentis. Hamilcar dux Pœnus eo prælio cecidit, et tres imperatores nobiles Gallorum. Placentini captivi ad duo millia liberorum capitum redditi colonis.

Res Græciæ.

Athenæ defensæ.

XXII. Magna victoria lætaque Romæ fuit. literis adlatis, supplicatio in triduum decreta est. Romanorum sociorumque ad duo millia eo prælio ceciderunt: plurimi dextræ alæ, in quam primo inpetu vis ingens hostium inlata est. Quamquam per prætorem prope debellatum erat, consul quoque C. Aurelius, perfectis, quæ Romæ agenda fuerant, profectus in Galliam, victorem exercitum a prætore accepit. Consul alter, quum autumnus ferme exacto in provinciam venisset, circa Apolloniam hibernabat. ab classe, quæ Coreyræ subducta erat, C. Claudius triremesque Romanæ, (sicut ante dictum est) Athenas missæ, quum Piræum pervenissent, despondentibus jam animos sociis spem ingentem adtulerant. nam et terrestres ab Corintho, quæ per Megaram incursiones in agros fieri solitæ erant, non fiebant; et prædonum a Chalcide naves, quæ non mare solum infestum, sed etiam omnes maritimos agro Atheniensibus fecerant, non modo Sunium superare, sed nec extra fretum Euripi

⁹¹ circumvenire Gron. ⁹² et Gron. Crev. ⁹³ octoginta Eæd.

91 *Ædemque deo Jovi*] Mendum latet in voce deo, quam adungere Jovi omnino supervacaneum est. Sigonius emendat *adesque duas Jovi*. Revera enim mentio fit infra, l. XXXIV. c. 53. unius ædis dedicatæ Jovi in insula, quæ vota fuisse ibidem dicitur a L. Furio Purpureone prætore, Gallico bello; ac rursus l. XXXV. c. 41. ædis dedicatæ Jovi in Capitolio, quam itidem L. Furio Purpureo prætor Galli-

co bello vovisse memoratur. Possis quoque cum Henr. Valesio legere: *ademque Dijovi*. Jupiter enim *Dijovis* et *Diespiter* ab antiquis dicebatur.

92 *Ut parte*] Ut ab altera parte. Et vellemus non sustulisset Gronovius *et altera*, quod editi habebant, et necessarium videtur, licet scripti ejus, et Victor. quoque liber, illud ignorent.

93 *Circumire*] Sic scripti consensu. Vulgo *circumvenire*.

committere aperto mari se audebant. Supervenerunt his tres Rhodiæ quadriremes, et erant Atticæ tres ⁹⁴ apertæ naves, ad tuendos, maritimos agros comparatæ. Hac classe si urbs agrique Atheniensium defenderentur, satis in præsentia existimanti Claudio esse, majoris etiam rei fortuna oblata est.

U. C. 552.
A. C. 200.

XXIII. Exsules ab Chalcide, regionum injuriis pulsī, Chalcidem occupant
Romani.
adtulerunt, occupari Chalcidem sine certamine ullo posse. nam et Macedonas, quia nullus in propinquo sit hostium metus, vagari passim, et oppidanos, præsidio Macedonum fretos, custodiam urbis neglegere. His auctoribus profectus, quamquam Sunium ita mature pervenerat, ut inde pro-
⁹⁵vehi ad primas angustias Eubœæ posset; ne superato promontorio conspiceretur, classem in statione usque ad noctem tenuit. Primis tenebris movit. et tranquillo pervectus Chalcidem, paullo ante lucem, qua infrequentissima urbis sunt, paucis militibus turrim proximam murumque circa scalis cepit, alibi sopitis custodibus, alibi nullo custodiēte. progressi inde ad frequentia ædificiis loca, custodibus interfectis, refractaque porta, ceteram multitudinem armatorum acceperunt. Inde in totam urbem discursus est: aucto etiam tumultu, quod circa forum ignis tectis injectus erat. Conflagrarunt et horrea regia, et armamentarium cum ingenti adparatu machinarum tormentorumque. cædes inde passim fugientium pariter ac repugnantium fieri cœpta est. nec ullo jam, qui militaris ætatis esset, non aut cæso, aut fugato, Sopatro etiam Acarnane præfecto præsidii interfecto, præda
Direptam
relinquunt.
omnis primo in forum conlata, deinde in naves inposita. carcer etiam ab Rhodiis refractus: emissique captivi, quos Philippus tamquam in tutissimam custodiam condiderat. Statuis inde regis dejectis truncatisque, signo receptui dato, conscenderunt naves, et Piræeum, unde profecti erant, redierunt. Quod si tantum militum Romanorum fuisset, ut et Chalcis teneri, et non deseri præsidium Athenarum potuisset; magna res principio statim belli, Chalcis et Euripus adempta regi forent. nam ut terra Thermopylarum angustiae Græciam, ita mari fretum Euripi claudit.

XXIV. Demetriade tum Philippus erat. quo quum esset nunciata clades sociæ urbis, quamquam serum auxilium
Advolat
Philippus,
sed sero.
perditis ⁹⁶ erat, tamen, ⁹⁷ quæ proxima auxilio est, ultionem

94 *Apertæ naves*] Naves apertæ opponuntur constratis, ut videre est apud Cicer. l. V. in Verr. n. 104. et eæ sunt quæ nulla habent tabulata: *bâtiments ras, qui ne sont point pontés.*

95 *Ad primas angustias Eubœæ*] Ad eum locum ubi mare arctari incipit ad

Eubœam, sive ad prima initia Euripi freti, quo Eubœa a continente dividitur.

96 ** Erat*] Melius venerat.

97 ** Quæ proxima auxilio est, ultionem*] Ultionem quæ, ubi auxilio locus non est, proxima deinde petitur. Pri-

U.C. 552.
A.C. 200.

Ducit Athenas.

petens, cum expeditis quinque millibus peditum, et trecentis equitibus extemplo profectus, cursu prope Chalcidem contendit, haudquaquam dubius obprimi Romanos posse. a qua destitutus spe, nec quidquam aliud, quam ad deforme spectaculum semirutæ ac fumantis sociæ urbis quum venisset, paucis vix, qui sepelirent bello absultos, relictis, æque raptim ac venerat, transgressus ponte Euripum, per Bœotiam Athenas ducit, ⁹⁸ pari incepto haud disparem eventum ratus responsurum. et respondisset, ni speculator, (⁹⁹ hemerodromos vocant Græci, ingens die uno cursu emetientes spatium) contemplatus regium agmen e specula quadam, prægressus nocte media Athenas pervenisset. Idem ibi somnus, eademque neglegentia erat, quæ Chalcidem dies ante paucos prodiderat. Excitati nuncio trepido et prætor Atheniensium, et Dioxippus præfectus cohortis mercede militantium auxiliorum, convocatis in forum militibus, tuba signum ex arce dari jubent, ut hostes adesse omnes scirent. ita undique ¹ ad portas, ad muros discurrunt. Paucas post horas Philippus, aliquanto tamen ante lucem, adpropinquans urbi, conspectis luminibus crebris, et fremitu hominum trepidantium (ut in tali tumultu) exaudito, sustinuit signa: et considerare ac conquiescere agmen jussit, vi aperta propalam usurus, quando parum dolus profuerat. ² Ab Dipylo accessit. porta ea, velut in ore urbis posita, major aliquanto patentiorque, quam ceteræ, est: et intra eam extraque latæ sunt viæ, ut et opidani dirigere aciem a foro ad portam possent: et extralimes mille ferme passus, in ³ Academiae gymnasium ferens, pediti equitque hostium liberum spatium præberet. Eo limite Athenienses cum Attali præsidio et cohorte Dioxippi, acie intra portam instructa, signa extulerunt. Quod ubi Philippus vidit, habere se hostes in potestate ratus, et ⁴ diu optata cæde (neque enim ulli Græcarum civitatum infestior erat) expleturum, cohortatus milites, *ut, se intuentes, pugnarent, scirentque ibi signa, ibi aciem esse debere, ubi*

mum ac præcipuum est auxiliari periclitantibus; secundum, si perditæ res sint, saltem ulcisci.

98 *Pari incepto haud disparem eventum*] Athenas ex improvise oppugnanti sibi, quemadmodum Romani Chalcidem oppugnassent, eundem eventum responsurum ratus, quem habuissent Romani.

99 *Hemerodromos*] Ab *ἡμέτερα* dies, et *δρομος* curro.

1 *Ad portas, post ad muros*] Lege ex uno e scriptis Gronovii, *ad portas, et ad muros*.

2 *Ab Dipylo accessit*] Accessit ad urbem ab ea parte, qua illa porta est,

quæ vocatur Dipylon. Vid. l. VIII. c. 17. Una hæc porta ex antiquis urbis Athenarum portis hodie integra manet, spectabile antiquitatis monumentum.

3 *Academice gymnasium*] Olim privati hominis hortus fuerat, postea celebre gymnasium, in quo Plato de philosophia disseruit, unde ejus discipuli Academicici dicti. Nomen ducebat ab Academo, sive Ecademo heroe. Vid. Plut. in Theseo, Pausan. l. I. Diog. Laert. in Plat.

4 *Diu optata cæde . . . expleturum*] Nempe se, suam iram. Videtur tale quid excidisse.

rex esset, concitat in hostes equum, non ira tantum, sed etiam gloria elatus; quod, ingenti turba completis etiam ad spectaculum muris, conspici se pugnantes egregium ducebat. Aliquantum ante aciem cum equitibus paucis evectus in medios hostes, ingentem quum suis ardorem, tum pavorem hostibus, injectit. plurimos manu sua cominus eminusque vulneratos compulsosque in portam, consecutus et ipse, quum majorem in angustiis trepidantium edidisset cædem, in temerario incepto tutum tamen receptum habuit: quia, qui in turribus portæ erant, sustinebant tela, ne in permixtos hostibus suos conjicerent. Intra muros deinde tenentibus milites Atheniensibus, Philippus, signo receptui dato, castra ad ⁵Cynosarges (templum Herculis, gymnasiumque, et lucus erat circumjectus) posuit. sed Cynosarges, et ⁶Lyceum, et quidquid sancti amœnive circa urbem erat, incensum est, dirutaque non tecta solum, sed etiam sepulcra: nec divini humanive juris quidquam præ inpotenti ira est servatum.

U. C. 552.
A. C. 200.
Prælium
memorable
edit.

Diruit omnia circa Athenas.

XXV. Postero die, quum primo clausæ fuissent portæ, deinde subito apertæ, quia præsidium Attali ab Ægina, Romanique ab Piræeo intraverant urbem, castra ab urbe retulit rex tria ferme millia passuum. inde Eleusinem profectus, spe inproviso templi castellicque, quod et inminet et ⁷circumdatus est templo, capiendi, quum haudquaquam neglectas custodias animadvertisset, et classem a Piræeo subsidio venire, omisso incepto, Megaram, ac protinus Corinthum ducit. et quum Argis Achæorum concilium esse audisset, inopinantibus Achæis, concioni ipsi supervenit. Consultabant de bello adversus Nabin tyrannum Lacedæmoniorum: qui, translato imperio a Philopœmene ad Cycliadem, nequaquam parem illi ducem, dilapsa cernens Achæorum auxilia, redintegraverat bellum, agrosque finitumorum vastabat; et jam urbibus quoque erat terribilis. Adversus hunc hostem, quum, ⁸quantum ex quaque civitate militum scriberetur^t, consultarent; Philippus, demtutum se eis curam, quod ad Nabin et Lacedæmonios adtineret, pollicitus; nec tantum agros sociorum populationibus prohibiturum, sed terrorem omnem belli in ipsam Laconicam,

It Argos.

Achæis adversus Nabem auxilium promittit.

^t conscriberetur Gron. Crev.

⁵ Cynosarges] Sic dictum a cane albo. Canis enim apud Græcos λεόν: albus, λεγός. Fabulam, quæ huic nomini originem dedisse dicitur, pete ex Suida.

⁶ Lyceum] Gymnasium, ubi Aristoteles cum suis inambulans de philosophia disputaverat. Nomen habuit a Lycio Pandionis filio, teste Pausan. l. I.

⁷*Circumdatus est] Circumjectum est, ita ut castello templum includatur.

⁸ Quantum ex quaque civitatum militum conscriberetur] Suavius est id quod ex Thuan. cod. affert Jac. Gronovius: quantum ex quaque civitate militum scriberetur. Consentit Victor.

U. C. 552. ducto eo extemplo exercitu, translaturum. Hæc oratio
A. C. 200. quum ingenti hominum adsensu acciperetur: *Ita tamen æquum est, inquit, me vestra meis armis tutari, ne mea interrim nudentur præsidiiis. Itaque, si vobis videtur, tantum parate militum, quantum ad Oreum, et Chalcidem, et Corinthum tuenda*⁹ *satis sit: ut, meis ab tergo tutis, securus bellum Nabitidi inferam et Lacedæmoniis.*

Frustra.

Non fefellit Achæos, quo spectasset tam benigna pollicitatio, auxiliumque oblatum adversus Lacedæmonios: id quæri, ut obsidem Achæorum juventutem educeret ex Peloponneso, ad inligandam Romano bello gentem. et ¹⁰ id quidem coarguere Cycliadas prætor Achæorum nihil adtinere ratus, id modo quum dixisset, non licere legibus Achæorum de aliis rebus referre, quam propter quas convocati essent; decreto de exercitu parando adversus Nabin facto, concilium fortiter ac libere habitum dimisit; inter adsentatores regiones ante eam diem habitus. Philippus, magna spe depulsus, voluntariis paucis militibus conscriptis, Corinthum atque in Atticam terram rediit.

XXVI. Per eos ipsos dies, quibus Philippus in Achaia fuit, Philocles præfectus regius, ex Eubœa profectus cum duobus millibus Thracum Macedonumque ad depopulandos Atheniensium fines, e regione Eleusinis saltum Cithæronis transcendit, inde dimidia parte militum ad prædandum passim per agros dimissa, cum parte ipse occultus loco ad insidias opportuno consedit, ut, si ex castello ab Eleusine in prædantes suos inpetus fieret, repente hostes effusos ex improviso adoriretur. Non fefellere insidiæ. itaque revocatis, qui discurrerant ad prædandum, militibus, instructisque, ad obpugnandum castellum Eleusinem profectus, cum multis inde vulneribus recessit, Philippoque se venienti ex Achaia conjunxit. Tentata et ab ipso rege obpugnatio ejus castelli est. sed naves Romanæ, a^u Piræeo venientes, intro-missumque præsidium absistere incepto coëgerunt. Diviso deinde exercitu, rex cum parte Philoclem Athenas mittit, cum parte ipse Piræeum pergit: ut, quum* Philocles subeundo muros, et comminanda obpugnatione contineret urbe Athenienses, ipsi Piræeum levi cum præsidio relictum expugnandi facultas esset. Ceterum nihilo ei Piræei, quam Eleusinis, facilior, iisdem fere defendentibus, obpugnatio fuit. A Piræeo Athenas repente duxit. inde eruptione subita peditum equitumque inter angustias semirutæ muri, quæ brachiis duobus Piræeum Athenis jungit, repulsus; omissa

Philippus
Athenas et
Piræeum
frustra ten-
tat.

^u a del. Gron. Crev.

* dum Ead.

⁹ Satis sit} Sic habet Vict. liber; hanc ejus mentem et subdolum consilium sibi perspectum esse.

¹⁰ * Id . . . coarguere] Probare regi.

obpugnatione urbis, diviso cum Philocle rursus exercitu, U. C. 552.
ad vastandos agros profectus, quum priorem populationem A. C. 200.
sepulcris circa urbem diruendis exercuisset, ne quid inviolatum relinqueret, ¹¹templa Deum, quæ pagatim sacrata habebant, dirui atque incendi jussit. Exornata eo genere operum eximie terra Attica, et copia domestici marmoris, et ingeniis artificum, præbuit huic furori materiam. neque enim diruere modo ipsa templa, ac simulacra evertere satis habuit; sed lapides quoque, ¹²ne integri cumlarent ruinas, frangi jussit: et, postquam non tam ira satiata, quam iræ exercendæ materia hæc deerat, agro hostium in Bœotiam excessit, nec aliud quidquam dignum memoria in Græcia egit.

Templa circa Athenas diruit.

XXVII. Consul Sulpicius eo tempore inter Apolloniam ac Dyrrachium ad Apsum flumen habebat castra: quo accessitum L. Apustium legatum, cum parte copiarum ad depopulandos hostium fines mittit. Apustius, extrema Macedoniæ populatus, Corrago, et Gerrunio, et Orgesso castellis primo inpetu captis, ad Antipatriam in faucibus angustis sitam urbem, venit. ac primo evocatos principes ad colloquium, ut fidei Romanorum se committerent, perlicere est conatus: deinde, ubi, magnitudine ac mœnibus situque urbis freti, dicta adspernabantur, vi atque armis adortus, expugnavit; puberibusque interfectis, præda omni militibus concessa, diruit muros, atque urbem incendit. Hic metus Codrionem, satis validum et munitum oppidum, sine certamine ut dederetur Romanis, effecit. Præsidio ibi relicto, ¹³Ilion (nomen propter alteram in Asia urbem, quam oppidum, notius) vi capitur. Revertentem legatum ad consulem cum satis magna præda, Athenagoras quidam regius præfectus in transitu fluminis a novissimo agmine adortus, postremos turbavit. ad quorum clamorem et trepidationem quum revector equo propere legatus signa convertisset, conjectisque in medium sarcinis aciem direxisset; non tulere inpetum Romanorum militum regii. multi ex iis occisi, plures capti. Legatus, incolumi exercitu reductor ad consulem, remittitur inde extemplo ad classem.

Romani populantur Macedon fines.

¹¹ *Templa Deum, quæ pagatim sacrata habebant*] Hoc clarius explicatur infra c. 30. in oratione Atheniensium.

¹² *Ne integri cumlarent ruinas*] Ne lapides, si integri remanerent, in cumulum quemdam ruinarum assurgerent, qui speciem quamdam templorum dirutorum referret.

¹³ * *Ilion*] In hoc nomine mendum latere probant veteres editi et scripti.

† In Andræ editione legitur *Nudus*: in Thuanæo codice, teste Jac. Gronovio, in 4. Dissert. epist. *Nidus*: in Victorino *Indus*: nec longe abeunt ceteri sive scripti, sive vetusti editi, ita ut *Ilion* sit profecto ab aliquo emendatore. Jac. Gronovius propius insistens antiquæ lectionis vestigiis legendum censet *Cnidus*, quam urbem Illyrici fuisse adstruit ex Callimacho, Plutarcho, Stephano.

U. C. 552. XXVIII. Hac satis felici expeditione bello ¹⁴commisso, A. C. 200. reguli ac principes adcolæ Macedonum in castra Romana veniunt, Pleuratus Scerdilædi filius, et Amynder Athamanum rex, et ex Dardanis Bato, Longari filius. Bellum suo nomine Longarus cum Demetrio Philippi patre gesserat. Pollicentibus auxilia respondit consul, Dardanorum et Pleurati opera, quum exercitum in Macedoniam induceret, se usurum. Amynandro Ætolos concitandos ad bellum adtribuit. Attali legatis (nam ii quoque per id tempus venerant) mandat, ut Æginæ rex, ubi hibernabat, classem Romanam opperiretur. qua adjuncta, bello maritimo, sicut ante, Philippum urgueret. Ad Rhodios quoque missi legati, ut capesserent partem belli. Nec Philippus segnius (jam enim in Macedoniam pervenerat) adparabat bellum. Filium Persea, ¹⁵puerum admodum, datis ex amicorum numero, qui ætatem ejus regerent, cum parte copiarum ad obsidendas angustias, quæ ad Pelagoniam sunt, mittit. Scythum et Peparethum, haud ignobiles urbes, ne classi hostium prædæ ac præmio essent, diruit. Ad Ætolos mittit legatos, ne gens inquieta adventu Romanorum fidem mutaret.

Philippi ad-
paratus.

Mittit ad
Ætolos.

Oratio Ma-
cedonum in
concilio Æ-
tolorum
contra Ro-
manos.

XXIX. Concilium Ætolorum statuta die, quod Panætolum vocant, futurum erat. Huic ut obcurrerent, et legati regis iter adcelerarunt, et ab consule missus L. Furius Purpureo legatus venit. Atheniensium quoque legati ad id concilium obcurrerunt. Primi^y Macedones, cum quibus recentissimum fœdus erat, auditi sunt. qui, ¹⁶*nulla nova re, nihil se novi habere, quod adferrent, dixerunt: quibus enim de causis, experta inutili societate Romana, pacem cum Philippo fecissent, compositam semel servare eos debere. An imitari, inquit unus ex legatis, Romanorum licentiam, an levitatem dicam, mavultis? qui, quum legatis vestris Romæ responderi ita jussissent, Quid ad nos venitis, Ætoli, sine quorum auctoritate pacem cum Philippo fecistis? iidem nunc, ut bellum secum adversus Philippum geratis, postulant. et antea ¹⁷propter vos, et pro vobis arma sumta adversus eum simulabant; nunc vos in pace esse cum Philippo prohibent. Messanæ ut auxilio essent, primo ¹⁸in Siciliam conscenderunt: iterum, ut Syracusas obpressas ab Karthaginiensibus in libertatem eximerent. Et*

^y Primo Gron. Crev.

¹⁴ * *Commisso*] Incepto. Vid. not. 4. ad II. 36.

¹⁵ * *Puerum admodum*] Tum duodecim annos natum, quum decimo octavo post hunc anno, infra XL. 6. dicatur tricesimum annum agere.

¹⁶ * *Nulla nova re*] Quum nihil novi accidisset, quum eodem in statu res essent inter Philippum et Ætolos,

quo erant quum fœdus inter utrosque nuper ictum fuerat. Confer clausulam hujus orationis.

¹⁷ * *Propter vos, et pro vobis*] Ita ut vestra defensio illis et causa belli esset, et finis.

¹⁸ *In Siciliam conscenderunt*] Mallemus transcendunt.

Messanam, et Syracusas, et totam Siciliam ipsi habent, vectigalemque provinciam securibus et fascibus subjecerunt. ¹⁹ *Scilicet,* ^{U. C. 552. A. C. 200.} *sicut vos Naupacti legibus vestris per magistratus a vobis creatos concilium habetis, socium hostemque libere, quem velitis, lecturi, pacem ac bellum arbitrio habituri vestro; sic Siculorum civitatibus, Syracusas aut Messanam, aut Lilybæum indicitur concilium. Prætor Romanus conventus agit: eo imperio evocati conveniunt: excelso in subgestu superba jura reddentem, stipatum lictoribus vident: virgæ tergo, secures cervicibus imminent: et quotannis alium atque alium dominum sortiuntur. Nec id mirari debent, aut possunt, quum Italiæ urbes Rhegium, Tarentum, Capuam, ne finitimas nominem, quarum ruinis crevit urbs Romana,* ²⁰ *ejusdem subjectas videant imperio. Capua quidem, sepulcrum ac monumentum Campani populi,* ²¹ *elato et extorri ejecto ipso populo, superest; urbs trunca, sine senatu, sine plebe, sine magistratibus, prodigium; relicta crudelius habitanda, quam si deleta foret. Furor est, si alienigenæ homines, plus lingua et moribus et legibus, quam maris terrarumque spatio, discreti, hæc tenuerint, sperare, quidquam eodem statu mansurum. Philippi regnum obsicere aliquid videtur libertati vestræ: qui, quum merito vestro vobis infestus esset, et nihil a vobis ultra, quam pacem, petiit, fidemque hodie pacis pactæ desiderat? Adsuefacite his terris legiones externas, et jugum accipite. sero ac nequidquam, quum dominum Romanum habebitis, socium Philippum quæretis. Ætolos, Acarnanas, Macedonas, ejusdem linguæ homines, leves ad tempus ortæ caussæ disjungunt conjunguntque:* ²² *cum alienigenis, cum barbaris æternum omnibus Græcis bellum est, eritque. natura enim, quæ perpetua est, non mutabilibus in diem caussis, hostes sunt. Sed, unde cæpit oratio mea, ibi desinet. Hoc eodem loco iidem homines de ejusdem Philippi pace* ²³ *triennio ante decrevistis, iisdem inprobantibus eam pacem Romanis, qui nunc pactam et compositam turbare volunt. in qua consultatione nihil fortuna mutavit, cur vos mutetis, non video.*

XXX. Secundum Macedonas, ipsis Romanis ita concedentibus jubentibusque, Athenienses, qui foeda passi justius in crudelitatem sævitiamque regis invehī poterant, introducti sunt. Deploraverunt vastationem populationemque

19* *Scilicet*] Ironice dictum: ut illud Virgilii, *Scilicet is Superis labor est.*

20 *Ejusdem subjectas . . . imperio*] Magis placeret, *eidem . . . imperio*: ut non modo Romanis subjectæ dicantur, sed et eodem modo, eadem superbia a Romanis regi.

21* *Elato*] Ad funus raptō. Vid. not. ad XXVIII. 28.

22 *Cum alienigenis*] Hæc est scrip-

torum et primæ editionis lectio, teste Jac. Gronovio. Firmat Victor. Adde quod supra jam Romani vocati sunt *alienigenæ*: et mox in oratione Atheniensium, qui Romanos *alienigenas et barbaros* vocet. Minus recte igitur hic *edebatur cum alienis.*

23 *Triennio ante*] Extrema non numerat Livius, ut supra c. 12. Alioquin scribendum fuerat, *quinquennio*. Vid. l. XXIX. c. 12.

U. C. 552. miserabilem agrorum. Neque id se queri, quod hostilia ab
 A. C. 200. hoste passi forent: ²⁴esse enim quædam belli jura; quæ ut fa-
 Athenien- cere, ita pati sit fas. sata exuri, dirui tecta, prædas hominum
 sium oratio. pecorumque agi, misera magis, quam ²⁵indigna, patienti esse.
²⁶Verum enim vero id se queri, quod is, qui Romanos alieni-
 genas et barbaros vocet, adeo omnia simul divina humanaque
 jura polluerit, ut priore populatione cum infernis Diis, secunda
 cum superis bellum nefarium gesserit: omnia sepulcra monu-
 mentaque diruta esse in finibus suis, omnium nudatos manes,
 nullius ossa terra tegi: delubra sibi fuisse, quæ quondam ²⁷pa-
 gatim habitantes in parvis illis castellis vicisque consecrata, ne
 in unam urbem quidem contributi majores sui deserta relique-
 rint. circa ea omnia templa Philippum infestos circumtulisse
 ignes; semiusta et truncata simulacra Deum inter prostratos
 jacere postes templorum. Qualem terram Atticam fecerit, ex-
 ornatam quondam opulentamque, talem eum, si liceat, Ætoliam,
 Græciamque omnem facturum. Urbis quoque suæ similem
 deformitatem futuram fuisse, nisi Romani ²⁸subvenissetz. eo-
 dem enim scelere urbem colentes Deos, præsidemque arcis Mi-
 nervam petitam: eodem Eleusine Cereris templum, eodem Pi-
 ræi Jovem Minervamque; sed ab eorum non templis modo,
 sed etiam mœnibus vi atque armis repulsum, in ea delubra,
 quæ sola religione tuta fuerint, sævisse. Itaque se orare atque
 obsecrare Ætolos, ut, miserti Atheniensium, ducibus Diis in-
 mortalibus, deinde Romanis, qui secundum Deos plurimum pos-
 sint, bellum susciperent.

Legati Ro-
 mani oratio.

XXXI. Tum Romanus legatus: Totam orationis meæ for-
 mam Macedones primum, deinde Athenienses mutarunt. Nam
 et Macedones, quum ad conquerendas Philippi injurias in tot
 socias nobis urbes venissem, ultro accusando Romanos, defen-
 sionem ut accusatione potiore haberem, effecerunt: et Athe-
 nienses in Deos superos inferosque nefanda atque inhumana
 scelera ejus referendo, quid mihi aut cuiquam reliquerunt,
 quod objicere ultra possim? Eadem ²⁹Cianos, Abydenos, Æ-
 neos, Maronitas, Thasios^a, Parios, Samios, Larissenses, ³⁰Mes-

^z venissent Gron. Crev.

^a Thasios del. Crev.

24 Esse . . . quædam belli jura] Esse
 quædam belli jure licita, quæ ut facere
 æquum sit, si possis, ita et pati, si ne-
 cesse sit.

25 Indigna] Talia, ut indignationem
 justam movere possint patienti.

26 Verum enimvero] Victor. ut et
 unus e Gronovianis omittit *et verum*.
 Et absit sane.

27 Pagatim habitantes . . . in unam
 urbem contributi] Notum est Atheni-
 enses primo dispersos in variis pagis
 habitasse; ac, Theseo auctore, relictis
 pagis, in unam urbem coaluisse.

28 Subvenissent] Gronovianæ edi-
 tiones venissent. Sed affirmat Hear-
 nius scriptos et vet. editos id habere
 quod edidimus. Adstipulator Victor.
 cod. et, teste Jac. Gronovio, Thua-
 næus.

29 Cianos] Ex urbe Cio in Bithy-
 nia. De eorum excidio multa queri-
 tur Polyb. l. XV. Olim prave legeba-
 tur Chios. Sigonius emendavit.

30 Messenios hinc ex Achaia] Mes-
 senios ex hac ipsa Achaia vobis vicina.
 Messenii tunc temporis in Achæorum
 rempublicam contributi erant.

senios hinc ex Achaia, existimate queri; graviora etiam acer- U. C. 552.
 bioraque eos, quibus nocendi majorem facultatem habuit. Nam A. C. 200.
 quod ad ea adtinet, quæ nobis objecit; nisi gloria digna sunt,
 fateor ea defendi non posse. Rhegium, et Capuam, et Syra-
 cusas nobis objecit. Rhegium Pyrrhi bello legio a nobis, Rhe-
 ginis ipsis, ut mitteremus, orantibus, in præsidium missa, ur-
 bem, ad quam defendendam missa erat, per scelus possedit.
 Comprobavimus ergo id facinus? an bello persecuti sceleratam
 legionem, in potestatem nostram redactam tergo et cervicibus
 pœnas sociis pendere quum coëgissemus, urbem, agros, suaque
 omnia cum libertate legibusque Reginis reddidimus? Syracu-
 sanis oppressis ³¹ ab externis tyrannis, quo indignius esset, quum
 tulissemus opem, et fatigati prope per triennium terra marique
 urbe munitissima obpugnanda essemus, quum jam ipsi Syracu-
 sani servire tyrannis, quam capi a nobis mallet, captam iisdem
 armis et liberatam urbem reddidimus. Neque inficias imus,
 Siciliam provinciam nostram esse, et civitates, quæ in parte
 Karthaginensium fuerunt, et uno animo cum illis adversus nos
 bellum gesserunt, ³² stipendiarias nobis ac vectigales esse. quin
 contra, hoc et vos et omnes gentes scire volumus, pro merito
 cuique erga nos fortunam esse. An Campanorum pœnæ, ³³ de
 qua neque ipsi quidem queri possunt, nos pœniteat? Hi ho-
 mines, quum pro iis bellum adversus Samnites per annos prope
 septuaginta cum magnis nostris cladibus gessissemus, ipsos
 fœdere primum, deinde connubio, atque inde cognationibus,
 postremo civitate nobis conjunxissemus, tempore nostro adverso
 primi omnium Italiæ populorum, præsidio nostro fœde inter-
 fecto, ad Hannibalem defecerunt: deinde, indignati se obsideri
 a nobis, Hannibalem ad obpugnandam Romam miserunt. Ho-
 rum si neque urbs ipsa, neque homo quisquam superesset, quis
 durius, quam pro merito ipsorum, statutum indignari posset?
 Plures sibimet ipsi conscientia scelerum mortem consciverunt,
 quam a nobis supplicio adfecti sunt. Ceteris ita oppidum, ita
 agros ademimus, ut agrum locumque ad habitandum daremus;
 urbem innoxiam stare incolumem pateremur; ut, qui hodie
 videat eam, nullum obpugnatae captæve ibi vestigium inveniat.
 Sed quid ego Capuam dico? quum Karthagini victæ pacem ac
 libertatem dederimus. Magis illud est periculum, ne, nimis
 facile victis ignoscendo, plures ob id ipsum an experiendam ad-
 versus nos fortunam belli incitemus. Hæc pro nobis dicta sint,
 hæc adversus Philippum: cujus domestica parricidia, et cognati-

31 Ab externis tyrannis, quo indignius esset] Ab tyrannis, qui ne Syracusani quidem essent, quales multi olim Syracusis fuerant, sed, quo res esset indignior, externi. Epicydem et Hip-

pocratem intelligit.

32 * Stipendiarias . . . ac vectigales] Vid. not. ad XXI. 41.

33 De qua neque ipsi quidem] Scribe: ne ipsi quidem. GROSNOV.

U. C. 552. *torum amicorumque cædes, et libidinem* ³⁴ *inhumaniore prope,*
 A. C. 200. *quam crudelitatem, vos, quo propiores Macedonia estis, melius*
nostis. Quod ad vos adtinet, Ætoli, nos pro vobis bellum sus-
cepimus adversus Philippum: vos sine nobis cum eo pacem fe-
cistis. Et forsitan dicatis, bello Punico occupatis nobis, coac-
tos metu vos leges pacis ab eo, qui tum plus poterat, accepisse.
et nos, quum alia majora urgerent, depositum a vobis bellum
et ipsi omisimus. Nunc et nos, Deum benignitate Punico per-
fecto bello, totis viribus nostris in Macedoniam incubuimus: et
vobis restituendi vos in amicitiam societatemque nostram for-
tuna oblata est; nisi perire cum Philippo, quam vincere cum
Romanis, mavultis.

Damocriti
 Præt. Æto-
 lorum sen-
 tentia.

XXXII. Hæc dicta ab Romano quum essent, inclinatis
 omnium animis ad Romanos, Damocritus prætor Ætolo-
 rum, pecunia, ut fama est, ab rege accepta, nihil aut huic
 aut illi parti adsensus, *Rem* ³⁵ *magni discriminis consiliis nul-*
lam esse tam inimicam, quam celeritatem, dixit. Celerem
enim pœnitentiam, sed eandem scam atque inutilem, sequi;
quum præcipitata raptim consilia neque revocari, neque in in-
tegrum restitui possint. Deliberationis autem ejus, cujus ipse
maturitatem exspectandam putaret, tempus ita jam nunc statui
posse: quum legibus cautum esset, ne de pace bellove, nisi in
Panætologico et ³⁶ *Pylaico concilio, ageretur, decernerent exem-*
plo, ut prætor sine fraude, quum de bello aut de pace agere ve-
lit, advocet concilium: et, quod tum referatur decernaturque,
ut perinde jus ratumque sit, ac si in Panætologico aut Pylaico
concilio actum esset. Dimissis ita suspensa re legatis, egregie
consultum genti aiebat. nam, utrius partis melior fortuna
belli esset, ad ejus societatem inclinatuos. Hæc in concilio
Ætolorum acta.

Dimissi
 suspensa
 re legati.

Philippus
 inpigre
 bellum
 adparat.

XXXIII. Philippus inpigre terra marique parabat bel-
 lum: navales copias Demetriadem in Thessaliam^b contrahe-
 bat. Attalum Romanamque classem principio veris ab
 Ægina ratus moturos, navibus maritimæque oræ præfecit
 Heraclidem, quem et ante præfecerat. ipse terrestres copias
 comparabat, magna se duo auxilia detraxisse Romanis cre-
 dens, ex una parte Ætolos, ex altera Dardanos, faucibus ad
 Pelagoniam a filio Perseo interclusis. Ab consule non para-

Consul per
 Dassaretio-
 rum fines
 ducti exer-
 citum.

^b Thessalia Gron. Crev.

34 * *Inhumaniore]* Indigniore
 homine.

35 * *Magni discriminis consiliis]* De-
 liberationibus quæ versarentur circa
 res ejusmodi, ut de iis bene an male
 statueres multum interesset; ut in iis
 peccari sine magno periculo non lice-
 ret.

36 *Pylaico concilio]* His verbis de-

signat profecto Livius concilium quod
 ad Thermopylas haberetur. Sed alia
 mens fuit Damocriti, quem verisimile
 est potius locutum fuisse de solenni
 concilio Ætolorum in urbe Thermo:
 ita ut errore nominis deceptus fuisse
 Livius videatur. Vide ea quæ annota-
 bimus ad XXXIII. 35.

batur, sed gerebatur jam bellum. per Dassaretiorum fines ex-^{U.C. 552.}
ercitum ducebat, frumentum, quod ex hibernis extulerat,^{A.C. 200.}
integrum vehens; quod in usum militi satis esset, præben-
tibus agris. Oppida vicique partim voluntate, partim metu
se tradebant. quædam vi expugnata, quædam deserta, in
montes propinquos refugientibus barbaris, inveniebantur.
Ad Lyncum^c stativa posuit prope flumen Bevum: inde
frumentatum circa horrea Dassaretiorum mittebat. Philip-
pus consternata quidem omnia circa, pavoremque ingentem
hominum cernebat: sed parum gnarus, quam partem petis-
set consul, alam equitum ad explorandum, quonam hostes
iter intendissent, misit. Idem error apud consulem erat.
Movisse ex hibernis regem sciebat, quam regionem petisset
ignorans. is quoque speculatum miserat equites. Hæ duæ
alæ ex diverso, quum diu incertis itineribus vagatæ per
Dassaretios essent, tandem in unum iter convenerunt. Neu-^{Explorato-}
tros fefellit, ut fremitus procul hominum equorumque ex-^{res Romani}
auditus est, hostes adpropinquare. Itaque prius, quam in^{et Macedo-}
conspectum venirent, equos armaque expedierant. nec^{nes concu-}
mora, ubi primum hostem videre, concurrendi facta est.^{runt, dubio}
Forte et numero et virtute, utpote lecti utrimque, haud in-^{eventu.}
pares, æquis viribus per aliquot horas pugnarunt. Fatigatio
ipsorum equorumque, incerta victoria, diremit prælium.
Macedonum quadraginta equites, Romanorum quinque et
triginta ceciderunt. Neque eo magis explorati quidquam,
in qua regione castra hostium essent, aut illi ad regem, aut
hi ad consulem retulerunt. per transfugas cognitum est, quos
levitas ingeniorum, ad cognoscendas hostium res, in omni-
bus bellis præbet.

XXXIV. Philippus, aliquid et ad caritatem suorum, et
ut promptius pro eo periculum adirent, ratus profecturum se,
si equitum, qui ceciderant in expeditione, sepeliendorum cur-
ram habuisset, adferri eos in castra jussit, ut conspiceretur
ab omnibus funeris honos. Nihil tam incertum nec tam
inæstimabile est, quam animi multitudinis. quod promtiores^{Macedones}
ad subeundam omnem dimicationem videbatur facturum,^{terrentur}
id metum pigritiamque incussit: nam, qui³⁷ hastis sagittis^{conspicis}
que et rara lanceis vulnera facta vidissent, cum Græcis Il-^{vulneribus}
lyriisque pugnare adsueta, postquam gladio Hispaniensi de-^{suorum.}
truncata corpora brachiis abscisis^d, aut tota cervice desecta
divisa a corpore capita, patentiaque viscera, et fœditatem
aliam vulnerum viderunt, adversus quæ tela quosque viros
pugnandum esset, pavidi vulgo cernebant. Ipsum quoque

^c Lycum Gron. Crev.^d abscissis Eæd.

³⁷ Hastis sagittisque, et rara lan- gius et validius fuisse telum, quam
ceis] Hinc colligi debet lanceum lon- hastam.

U. C. 552. regem terror cepit, nondum justo prœlio cum Romanis
 A. C. 200. congressum. itaque, revocato filio præsidiique, quod in Pelagoniæ faucibus erat, ut iis copiis suas augeret, Pleurato Dardanisque iter in Macedoniam patefecit. Ipse, ³⁸ cum viginti millibus peditum, quatuor equitum, ducibus transfugis, ad hostem profectus, paullo plus ³⁹ ducentos passus a castris Romanis tumulum propinquum Athaco fossa ac vallo communivit: ac, subjecta cernens Romana castra, admiratus esse dicitur et universam speciem castrorum, et descripta suis quæque partibus, tum tendentium ordine, tum itinerum intervallis; et ⁴⁰ negasse, barbarorum ea castra ulli videri posse. Biduum consul et rex, alter alterius conatus expectantes, continuere suos intra vallum: tertio die Romanus omnes copias in aciem eduxit.

Philippus
 miratur
 Romano-
 rum castra.

Equestris
 pugna.

XXXV. Rex vero, tam celerem aleam universi certaminis timens, quadringentos Tralles (Illyriorum id, sicut alio diximus loco, est genus) et Cretenses trecentos, addito iis peditibus pari numero equitum, cum duce Athenagora, uno ex purpuratis, ad lacesendos hostium equites misit. ⁴¹ Ab Romanis autem^e (aberat acies eorum paullo plus quingentos passus) velites et equitum duæ ferme alæ emissæ: ut numero quoque eques pedesque hostem æquarent. Credidere regii, genus pugnae, quo adsuerant^f, fore, ut equites, in vicem insequentes refugientesque, nunc telis uterentur, nunc terga darent; Illyriorum velocitas ad excursiones et inpetus subitos usui esset, Cretenses in invehentem se effuse hostem sagittas conjicerent. Turbavit hunc ordinem pugnandi non acrior, quam pertinacior, inpetus Romanorum. nam haud secus, quam si tota acie dimicarent, et velites, emissis hastis, cominus gladiis rem gerebant, et equites, ut semel in hostem evecti sunt, stantibus equis, partim ex ipsis equis, partim desilientes immiscentesque se peditibus, pugnant. ita nec eques regius equiti par erat, insuetus ad stabilem pugnam; nec pedes concursator et vagus, et prope seminudus genere armorum, veliti Romano parmam gladiumque habenti, pariterque et ad se tuendum, et ad hostem

^e autem l. cum sublati parentheses signis Gron. ^f adsueverant Gron. Crev.

38 Cum viginti millibus peditum, quatuor equitum] Sic jussit legi Gronovius, quum libri haberent quatuor millibus equitum. Victor. ignorat quidem ⁴⁰ millibus, sed pro quatuor exhibet CCCC.

39 Ducentos passus] Ante Gronovium editi ducentis passibus. Correxerit ille ex editione Andreæ. Firmat Victor. codex. Et sic amat loqui Livius.

40 Negasse barbarorum ea castra ulli videri posse] Hoc idem a Pyrrho

dictum memorant, quo primum die Romanorum castrorum ordinem vidit: Hic barbarorum ordo minime barbarus est. Plut. in Pyrrho.

41 Ab Romanis autem (aberat] Repræsentavimus MSS. et vet. editorum lectionem. Quanquam recte videtur suspicari Gronovius legendum esse, ab Romanis item: nempe, quemadmodum fecerant Macedones. Vulgo ab Romanis quum aberat.

petendum armato. Non tulere itaque dimicationem; nec alia re, quam velocitate, tutantes se, in castra refugerunt.

U. C. 552.
A. C. 200.

XXXVI. Uno deinde intermisso die, quum omnibus copiis equitum levisque armaturæ pugnaturus rex esset, nocte ⁴²cetratos, quos peltastas vocant, loco opportuno inter bina castra in insidiis abdiderat; præceperatque Athenagoræ et equitibus, ut, si aperto prælio procederet res, uterentur fortuna: si minus, cedendo sensim ad insidiarum locum hostem pertraherent. Et equitatus quidem cessit: duces cætratae cohortis, non satis expectato signo, ante tempus excitatis suis, occasionem bene gerendæ rei amisere. Romanus, et aperto prælio victor, et tutus a fraude insidiarum, in castra sese recepit. Postero die omnibus copiis consul in aciem descendit, ante prima signa locatis elephantis: quo auxilio tum primum Romani, quia captos aliquot bello Punico habebant, usi sunt. Ubi latentem intra vallum sensit, exprobrans metum subcessit. Postquam ne tum quidem potestas pugnandi dabatur, quia ex tam propinquis stativis parum tuta frumentatio erat, dispersos milites per agros equitibus extemplo invasuris; octo ferme inde millia, intervallo^s tutiorem frumentationem habiturus, castra ad Octolophum (id est loco nomen) movit. Quum in propinquo agro frumentarentur Romani, primo rex intra vallum suos tenuit, ut cresceret simul et negligentia cum audacia hosti. Ubi effusos vidit, cum omni equitatu et Cretensium auxiliaribus, quantum equitem velocissimi pedites cursu æquare poterant, citato profectus agmine, inter castra Romana et frumentatores constituit signa. Inde, copiis divisis, partem ad consectandos vagos frumentatores emisit, dato signo, ne quem vivum relinquerent; cum parte ipse substitit, itineraque, quibus ad castra recursuri videbantur hostes, obsedit. Jam passim cædes ac fuga erat, needum quisquam in castra Romana nuncius cladis pervenerat; quia refugientes in regiam stationem incidebant: et plures ab obsidentibus vias, quam ab emissis ad cædem, interficiebantur. tandem inter medias hostium stationes elapsi quidam trepidi, tumultum magis, quam certum nuncium, intulerunt castris.

Insidiæ Philippi irritæ.

Tum primum usi elephantis Romani.

Castra ad Octolophum movent.

Vagos frumentatores cadit Philippus.

XXXVII. Consul, equitibus jussis, qua quisque posset, opem ferre laborantibus, ipse legiones e castris educit, et agmine quadrato ad hostem ducit. Dispersi equites per agros quidam^b aberrarunt, decepti clamoribus aliis ex alio existentibus loco. Pars obvios habuerunt hostes. pluribus locis simul pugna cœpit. Regia statio atrocissimum prælium edebat. nam et ipsa multitudine equitum peditumque

^s millium intervallo Gron. Crev.

^b quidem Eæd.

⁴² Cetratos, quos peltastas vocant] Vid. not. ad l. XXVIII. c. 5.

U. C. 552. prope justa acies erat : et Romanorum, quia medium obse-
 A. C. 200. derat iter, plurimi in eam inferebantur. Eo quoque supe-
 riores Macedones erant, quod et rex ipse hortator aderat,
 et Cretensium auxiliares multos ex inproviso vulnerabant,
 conferti præparatique in dispersos et effusos pugnantes.
 Quod si modum in insequendo habuissent, non in præsentis
 modo certaminis gloriam, sed in summam etiam belli pro-
 De in repel- fectum foret : nunc, aviditate cædis intemperantius insecuti,
 litur. in prægressas cum tribunis militum cohortes Romanas inci-
 dere : et fugiens eques, ut primo signa suorum vidit, con-
 vertit in effusum hostem equos : versaque momento tempo-
 ris fortuna pugnae est, terga dantibus, qui modo secuti
 erant. Multi cominus congressi, multi fugientes interfecti.
 nec ferro tantum periere, sed in paludes quidam coniecti,
 profundo limo cum ipsis equis hausti sunt. Rex quoque in
 periculo fuit : nam, ruente saucio equo, præceps ad terram
 datus, haud multum abfuit, quin jacens obprimeretur. Sa-
 luti fuit eques, qui raptim ipse desiluit, pavidumque regem
 in equum subiecit. Ipse, quum pedes æquare cursu fugien-
 tes non posset equites, ab hostibus ad casum regis concita-
 tis confossus periit. Rex, circumvectus paludes pervias in-
 viasque trepida fuga, in castra tandem, jam desperantibus
 plerisque incolumem evasurum, pervenit. Ducenti Mace-
 donum equites eo prælio periere, centum ferme capti ; oc-
 toginta admodum ornati equi, spoliis simul armorum relatis,
 abducti.

Judicium
 de eo prælio.

XXXVIII. Fuerunt, qui hoc die regem temeritatis, con-
 sulem segnitiae accusarent. nam et Philippo quiescendum
 fuisse, quum paucis diebus hostes, exhausto circa omni agro,
 ad ultimum inopiae venturos sciret : et consulem, quum
 equitatum hostium levemque armaturam fudisset, ac prope
 regem ipsum cepisset, protinus ad castra hostium ducere de-
 buisse. nec enim mansuros ita percussos hostes fuisse, de-
 bellarique momento temporis potuisse. Id dictu, quam re,
 ut pleraque, facilius. nam, si omnibus peditum quoque co-
 piis rex congressus fuisset, forsitan inter tumultum, quum
 omnes victi metuque percussi ex prælio intra vallum, proti-
 nus inde supervadentem munimenta victorem hostem fuge-
 rent, exui castris potuerit rex. quum vero integræ copiae
 peditum in castris mansissent, stationes ante portas, præsi-
 diaque disposita essent, quid, nisi ut temeritatem regis,
 effuse paullo ante secuti percussos equites, imitaretur, pro-
 fecisset ? neque enim ne regis quidem primum consilium,
 quo inpetum in frumentatores palatos per agros fecit, re-
 prehendendum foret, si modum prosperae pugnae inposuisset.
 Eo quoque minus est mirum, tentasse eum fortunam, quod
 fama erat, Pleuratum Dardanosque, ingentibus copiis profec-

tos domo, jam in Macedoniam transcendisse. Quibus si U. C. 552.
 undique circumventus copiis foret, sedentem Romanum de- A. C. 200.
 bellaturum, credi poterat. Itaque, secundum duas adversas
 equestres pugnas, multo minus tutam moram in iisdem stativis fore Philippus ratus, quum abire inde et fallere abiens Philippus
 hostem vellet, ⁴⁵caduceatore sub occasum solis ad consulem recedit.
 misso, qui inducias ad sepeliendos equites peteret, frustratus hostem, secunda vigilia, multis ignibus per tota castra relictis, silenti agmine abiit.

XXXIX. Corpus jam curabat consul, quum, venisse caduceatorem, et quid venisset, nunciatum est. responso tantum dato, mane postero die fore copiam conveniendi, id quod quæsitum erat, nox dieque insequentis pars ad præcipiendum iter Philippo data est. montes, quam viam non ingressurum gravi agmine Romanum sciebat, petit. Consul, prima luce caduceatore datis induciis dimisso, haud ita multo post abisse hostem quum sensisset, ignarus qua sequeretur, iisdem stativis frumentando dies aliquot consumsit. Stuberam deinde petit, atque ex Pelagonia frumentum, quod in agris erat, convexit. inde ad ⁴⁴Pluinamⁱ est progressus, nondum comperto, quam regionem hostes petissent. Philippus, quum primo ad Bryanium stativa habuisset, profectus inde transversis limitibus, terrorem præbuit subitum hosti. Movere itaque ex Pluvina Romani, et ad Osphagum flumen posuerunt castra. Rex haud procul inde et ipse, vallo super ripam amnis ducto, (Erigonum incolæ vocant) consedit. Inde satis comperto, Eordæam petituros Romanos, ad occupandas angustias, ne superare hostes artis Occupatan-
 faucibus inclusum aditum possent, præcessit. ibi alia vallo gustias qua
⁴⁵alia fossa, alia lapidum congerie, ut pro muro essent, alia iter in Eor-
 arboribus objectis, ita ut locus postulabat, aut materia sub-
 peditabat, permuniit^k; atque (ut ipse rebatur) viam suapte
 natura difficilem, objectis per omnes transitus operibus in-
 expugnabilem fecit. Erant pleraque silvestria circa, incom-
 moda phalangi maxime Macedonum: quæ, nisi ubi præ-
 longo hastis velut vallum ante clipeos objecit, (quod ut fiat,
 libero campo opus est) nullius admodum usus est. ⁴⁶Thra-
 cas^l quoque ⁴⁷romphææ, ingentis et ipsæ longitudinis, in-

ⁱ Pellinam Gron. Crev. ^k opere permuniit Gron. ^l Thraces Ead.

⁴³ Caduceatore] Vid. not. ad l. XXVI. c. 17.

⁴⁴ Pellinam] Olijm Pluinam. E-mendavit Sigonius: ut et infra Eordæam pro Erdæam.

⁴⁵ Alia fossa permuniit] Hic vulgati addunt superfluum et molestam vocem opere ante verbum permuniit. Quum eam pridem suspectam haberemus, tanquam male natam ex

vitiosa repetitione primæ syllabæ verbi sequentis ut recidere auderemus fecit auctoritas Victor. codicis, qui eam respuat.

⁴⁶ Thracas] Sic Andreas, unus ex Hearnii codd. alique. Et favet noster Vict. qui exhibet Theatas. Gronovii edidit Thraces.

⁴⁷ Rhomphææ] Rhomphæa erat teli Thracici genus, prælongum, anceps,

U. C. 552. ter objectos undique ramos impediabant. Cretensium una
 A. C. 200. cohors non inutilis erat: sed ea quoque ipsa ut, si quis in-
 petum faceret, in patentem vulneri equum equitemque sa-
 gittas conjicere poterat, ita ⁴⁸adversus scuta Romana nec
 ad trajiciendum satis magnam vim habebat, nec aperti quid-
 quam erat, quod peteret. Itaque id ut vanum teli genus
 senserunt esse, saxis passim tota valle jacentibus incesse-
 bant hostem. ea, majore cum sonitu, quam vulnere ullo,
 pulsatio scutorum parumper succedentes Romanos tenuit.
 Deinde, iis quoque spretis, partim, testudine facta, per ad-
 versos vadunt hostes: partim, brevi circuitu quum in jugum
 collis evasissent, trepidos ex præsidii stationibusque Mace-
 donas deturbant: et, ut in locis inpeditis difficili fuga, ple-
 rosque etiam obtruncant.

Perrum-
 puntRoma-
 ni angus-
 tias.

XL. Ita angustiae minore certamine, quam quod animis
 proposuerant, superatae, et in Eordaeam perventum; ubi
 pervastatis passim agris, in Elimeam se recepit. inde inpe-
 tum in Orestidem fecit; et oppidum Celetrum est adgressus,
 in peninsula situm. Lacus moenia cingit: angustis fauci-
 bus unum ex continenti iter est. Primo situ ipso freti,
 clausis portis, imperium abnuere: deinde, postquam signa
 ferri, ac testudine succedi ad portam, obsessasque fauces
 agmine hostium viderunt, priusquam experirentur certamen,
 metu in deditionem venerunt. Ab Celetro in Dassaretios
 processit, urbemque Pelium vi cepit. servitia inde cum ce-
 tera praeda abduxit, et libera capita sine pretio dimisit; op-
 pidumque iis reddidit, praesidio valido inposito. nam et sita
 opportune urbs erat ad inpetus in Macedoniam faciendos.
 Ita peragratis hostium agris, consul in loca jam pacata ad
 Apolloniam, unde orsus bellum erat, copias reduxit. Phi-
 lippum averterant Aetoli, et Athamanes, et Dardani, et tot
 bella repente alia ex aliis locis exorta. Adversus Dardanos,
 jam recipientes ex Macedonia sese, Athenagoram cum ex-
 peditis peditibus ac majore parte equitatus misit, jussum
 instare ab tergo abeuntibus, et, carpendo postremum ag-
 men, segniores eos ad movendos domo exercitus efficere.
 Aetolos Damocritus praetor, qui morae ad decernendum bel-
 lum ad Naupactum auctor fuerat, idem proximo concilio ad
 arma conciverat: post famam equestris ad Octolophum pug-
 nae, Dardanorumque et Pleurati cum Illyriis transitum in
 Macedoniam, ad haec classis Romanae ⁴⁹adventum in Oreum,

sive quod ex utraque parte casim fe-
 rire posset. Vid. Martini Lexicon.

48 * *Adversus scuta Romana*] Ad-
 versus pedes Romanos scutis suis
 protectos parum proficiebat, quia nec
 . . . *Scutæ peditum erant, parma*

equitum.

49 *Adventum in Oreum*] Lege ad-
 ventum Oreum. Sic l. XXII. c. ult.
ante consulis Romam adventum. Et fa-
 vent libri quidam, qui praeferrunt ad-
 ventu in Oreum.

et, super circumfusas tot Macedoniae gentes, maritimam quoque instantem obsidionem. U. C. 552.
A. C. 200.

XLII. Hæ caussæ Damocritum Ætolosque restituerant Romanis: et, Amyndandro rege Athamanum adjuncto, profecti Cercinium obsedere. Clauserant portas, incertum vi, an voluntate: quia regium habebant præsidium. Ceterum intra paucos dies captum est Cercinium, atque incensum. qui superfuerant e magna clade, liberi servique, inter ceteram prædam abducti. Is timor omnes, qui circumcolunt Bœben paludem, relictis urbibus, montes coëgit petere. Ætoli, inopia prædæ inde aversi, in Perrhæbiam^m ire pergunt. Cyretias ibi vi capiunt, fœdeque diripiunt; qui Malloeam incolunt, voluntate in deditionem societatemque accepti. Ex Perrhæbia Gomphos petendi Amynder auctor erat: et inminet Athamania huic urbi, videbaturque expugnari sine magno certamine posse. Ætoli campos Thessaliæ opimos ad prædam petiere: sequente, quamquam non probante, Amyndandro, nec effusas populationes Ætolorum, nec castra, quo fors tulisset loco, sine ullo discrimine ac cura muniendi, posita. itaque, ne temeritas eorum negligentiaque sibi ac suis etiam cladis alicujus caussa esset, quum campestribus locis subijcientes eos castra Phecado urbi videret, ipse paullo plus⁵⁰ quingentorum passuum inde tumulum suis, quamvis levi munimento tutum, cepit. Quum Ætoli, nisi quod populabantur, vix meminisse viderentur, se in hostium agro esse; alii palati semiermes vagarentur, alii in castris sine stationibus per somnum vinumque dies noctibus æquarent, Philippus inopinantibus advenit. quem quum adesse refugientes ex agris quidam pavidi nunciassent, trepidare Damocritus ceterique duces: et erat forte meridianum tempus, quo plerique graves cibo sopiti jacebant. Excitare igitur alii alios, jubere arma capere, alios dimittere ad revocandos, qui palati per agros prædabantur. tantaque trepidatio fuit, ut sine gladiis quidam equitum exirent, loricas plerique non induerent. Ita raptim educti, quum universi sexcentorum ægre simul equites peditesque numerum expleissent, incidunt in regium equitatum, numero, animis, armisque præstantem. Itaque primo inpetu fusi, vix tentato certamine, turpi fuga repetunt castra. cæsi captique quidam, quos equites ab agmine fugientium interclusere.

XLII. Philippus, suis jam vallo adpropinquantibus, receptui cani jussit. fatigatos enim equos virosque non tam prælio, quam itineris simul longitudine, simul præpropere celeritate, habebat. Itaque turmatim equites, in vi-

Ætoli et
Athamanes
bellum infe-
runt Phi-
lippo.

Thessaliam
populantur.

Obprimun-
tur a Phi-
lippo.

^m Perrhæbiam Gron.

50 Quingentorum passuum] Melius videretur quingentos passus.

U. C. 552. cemque manipulos levis armaturæ, aquatum ire et pran-
 A. C. 200. dere jubet: alios in statione armatos refinet, opperiens
 agmen peditum tardius ductum propter gravitatem ar-
 morum. Quod ubi advenit, et ipsis imperatum, ut, statu-
 tis signis armisque ante se positis, raptim cibum caperent,
 binis ternisve summam ex manipulis aquandi causa missis:
 interitū eques cum levi armatura paratus instructusque ste-
 tit, si quid hostis moveret. Ætoli, (jam enim et, quæ per
 agros multitudo sparsa fuerat, receperat se in castra) ut de-
 Ætoli dese- fensuri munimenta, circa portas vallumque armatos dispo-
 runt castra. nunt, dum quietos hostes ipsi feroces ex tuto spectabant.
 postquam mota signa Macedonum sunt, et succedere ad
 vallum parati atque instructi cœpere, omnes repente, relic-
 tis stationibus, per aversam partem castrorum ad tumulum,
 ad castra Athamanum perfugiunt. multi in hac quoque tam
 trepida fuga capti cæsique sunt Ætolorum. Philippus, si
 satis diei superesset, non dubius, quin Athamanes quoque
 exui castris potuissent, die per proelium, deinde per direp-
 tionem castrorum absunto, sub tumulo in proxima plani-
 tie consedit, prima luce insequentis diei hostem adgressurus.
 Sed Ætoli eodem pavore, quo sua castra reliquerant, nocte
 proxima dispersi fugerunt. ⁵¹Maximo usui fuit Amyndan-
 der, quo duce Athamanes, itinerum periti, summis montibus
⁵²per calles ignotos sequentibus eos hostibus in Ætoliā
 perduxerunt. non ita multos in dispersa fuga error intulit
 in Macedonum equites, quos luce prima Philippus, ut
 desertum tumulum vidit, ad carpendum hostium agmen
 misit.

Fugiant in
 Ætoliā
 cum Atha-
 manibus.

Dardani
 male mul-
 tati.

XLIII. Per eos dies, et Athenagoras regius præfectus,
 Dardanos recipientes se in fines adeptus, postremum agmen
 primo turbavit. dein, postquam Dardani conversis signis
 direxere aciem, æqua pugna justo proelio erat. ubi rursus
 procedere Dardani cœpissent, equite et levi armatura regii,
 nullum talis auxilii genus habentes Dardanos, oneratos in-
 mobilibus armis, vexabant: et loca ipsa adjuvabant. Oc-
 cisi perpauci sunt, plures vulnerati, captus nemo, quia non
 excedunt temere ordinibus suis, sed confertim et pugnant,
 et cedunt. Ita damna Romano accepta bello, duabus per
 opportunas expeditiones coercitis gentibus, restituerat Phi-
 lippus, incepto forti, non prospero solum eventu. Minuit
 deinde ei forte oblata res hostium Ætolorum numerum.
 Scopas princeps gentis, ab Alexandria magno cum ponde-

⁵¹ *Maximo usui fuit*] Vulgo *maxi-
 me*. Sed Thuan. col. a Jac. Gronovio
 inspectus, et noster Victor. id habent
 quod edidimus. Eodem tamen modo
 Livius, l. XLII. c. 59. *Thessalorum*

equitatus . . . maximo usui fuit.

⁵² *Per calles*] Hoc recepit in con-
 textum Gronovius pro *per colles*, nixus
 auctoritate primæ omnium editionis.
 Accedit Victor. liber.

re auri ab rege Ptolemæo missus, ⁵³ sex millia peditum et equites mercede conductos Ægyptum avexit. nec ex juvenile Ætolorum quemquam reliquisset, ni Damocritus, nunc belli, quod instaret, nunc futuræ solitudinis admonens, (incertum cura gentis, an ut adversaretur Scopæ, parum donis cultus) partem juniorum castigando domi continuisset. Hæc ea ætate ab Romanis Philippoque gesta erant.

XLIV. Classis a Coreyra ejusdem principio æstatis cum L. Apustio legato profecta, Malea superata, circa Scyllæum agri Hermionici Attalo regi conjuncta est. Tum vero Atheniensium civitas, cui odio in Philippum per metum jam diu moderata erat, id omne in auxilii præsentis spem effudit. nec umquam ibi desunt linguæ promptæ ad plebem concitandam: quod genus, quum in omnibus liberis civitatibus, tum præcipue Athenis, ubi oratio plurimum pollet, favore multitudinis alitur. Rogationem extemplo tulerunt, plebesque scivit, ut *Philippi statuæ, imagines omnes, ⁵⁴ nominaque earum, item majorum ejus virilis ac muliebris sexus omnium tollerentur, delerenturque: dies festi, sacra, sacerdotes, quæ ipsius majorumve ejus honoris causa instituta essent, omnia ⁵⁵ profanarentur. Loca quoque, in quibus positum aliquid inscriptumve honoris ejus causa fuisset, detestabilia esse, neque in iis quidquam postea poni dedicarique placere eorum, quæ in loco puro poni dedicarique fas esset. Sacerdotes publicos, quotiescumque pro populo Atheniensi, sociisque, et exercitibus, et classibus eorum precarentur, toties detestari atque exsecrari Philippum, liberos ejus, regnumque, terrestres navalesque copias, Macedonum genus omne nomenque. additum decreto, Si quis quid postea, quod ad notam ignominiamque Philippi pertineret, ferret, id omne populum Atheniensem jussurum: si quis contra ignominiam, prove honore ejus dixisset, fecissetve, qui occidisset eum, jure cæsurum. postremo inclusum, Ut omnia, quæ ⁵⁶ adversus Pisistratidas decreta quondam erant, eadem in Philippo servarentur. Athenienses quidem ⁵⁷ litteris verbisque, quibus solis valent, bellum adversus Philippum gerebant.*

XLV. Attalus Romanique, quum Piræeum primo ab

⁵³ Sex millia peditum, et equites] Sinè dubio excidit numerus equitum.

⁵⁴ Nominaque earum] An tituli statuis Philippi et imaginibus in ejus honorem inscripti? An movendæ sunt loco hæ voces, ac legendum ex Victorino codice *nominaque eorum*, et sic ordinanda tota oratio, ut *Philippi statuæ, imagines omnes, item majorum ejus virilis ac muliebris sexus omnium, nominaque eorum, tollerentur?* ut intelligantur nomina majorum Philippi, et ejus ipsius, ex omnibus monumen-

tis publicis sublata. Atque hoc nobis placeret magis.

⁵⁵ * *Profanarentur*] In profanum et promiscuum usum statumque revocarentur.

⁵⁶ *Adversus Pisistratidas*] Pisistrati tyranni filios, Hippiam, tyrannum et ipsum, qui pulsus Athenis est, Hipparchum ab Harmodio et Aristogitone occisum, et Thessalum.

⁵⁷ * *Litteris*] Scriptis, id est, decretis in publicas tabulas relatis.

U. C. 552. Hermione petissent, paucos ibi morati dies, oneratique
 A. C. 200. ⁵⁸ æque inmodicis ad honores sociorum, atqueⁿ in ira adver-
 sus hostem fuerant, Atheniensium decretis, navigant a Pi-
 ræo Andrum. et quum in portu, quem Gaureleon vocant,
 constitissent, missis, qui tentarent oppidanorum animos, si
 voluntate tradere urbem, quam vim experiri, mallerent; post-
 quam præsidio regio arcem teneri, nec se potestatis suæ es-
 se respondebant; expositis copiis, omnique adparatu urbium
 obpugnandarum, diversis partibus rex et legatus Romanus
 ad urbem subeunt. Plus aliquanto Græcos Romana signa
 armaque non ante visa animique militum, tam promte
⁵⁹ succedentium muros, terruere. Itaque fuga extemplo in
 arcem facta est: urbe hostes potiti. et in arce quum biduum
 loci se magis, quam armorum, fiducia tenuissent, tertio die
 pacti ipsi præsidiumque, ut cum singulis vestimentis Delium
 Bœotiæ transveherentur. ⁶⁰ Ea ab Romanis regi Attalo
 concessa: prædam ornamentaque urbis ipsi avexerunt. At-
 talus, ne desertam haberet insulam, et Macedonum fere om-
 nibus, et quibusdam Andriorum, ut manerent, persuasit.
 postea et ab Delio, qui ex pacto transvecti eo fuerant, pro-
 missis regis, quum desiderium quoque patriæ facilius ad
 credendum inclinaret animos, revocati. Ab Andro Cyth-
 num trajecerunt. ibi dies aliquot obpugnanda urbe nequid-
 quam absumpti: et, quia vix operæ pretium erat, abscessere.
 Ad Prasias (continentis Atticæ is locus est) Issæorum vi-
 ginti lembi classi Romanorum adjuncti sunt. ii missi ad
 populandos Carystiorum agros. cetera classis Geræstum,
 nobilem Eubææ portum, dum a Carysto Issæi redirent, te-
 nuit. Inde omnes, velis in altum datis, maris medio præ-
 ter Scyrum insulam Icum pervenere. ibi paucos dies, sæ-
 viente Borea, retenti; ubi prima tranquillitas data est, Scia-
 thum trajecere, vastatam urbem direptamque nuper a Phi-
 lippo. Per agros palati milites frumentum, et si qua alia
 usui esse ad vescendum poterant, ad naves retulere. prædæ
 nec erat quidquam, nec meruerant Græci, cur diriperentur.
 Inde Cassandream petentes, primo ⁶¹ ad Mendin, maritimum

Andros ca-
 pta a Ro-
 manis.

ⁿ ac quæ in iram Gron. Crev.

58 *Æque inmodicis ad honores socio-
 rum, ac quæ in iram*] Possis utcumque
 exponere: decretis non minus immo-
 dicis ad honores sociorum, quam quæ
 immodica fuerant in iram adversus
 hostem. Sed mire placet, quod exhi-
 bet Victorinus codex, plane ut Gro-
 novius voluerat, *atque in ira*. Decretis
 æque inmodicis ad honores socio-
 rum, ac fuerant immodica in ira ad-
 versus hostes. Nihil planius. *Atque pro*
ac, quia nimirum particula *ac* nunquam

apud optimos Latinitatis auctores loca-
 tur ante vocalem.

59 *Succedentium muro*] *Legē mu-
 ros* ex scriptis duobus, et editione
 Andræ.

60 • *Ea*] Urbs, insula.

61 *Ad Mendin . . . tenere*] Præpo-
 sitio *ad* non est necessaria, et eam
 omittit Victor. codex. Si quis tamen
 eam retentam velit, explicabis hoc
 modo: tenere littus ad Mendin, lit-
 tus vicinum vico qui vocatur Mendis.

civitatis ejus vicum, tenere. inde quum, superato promontorio, ad ipsa mœnia urbis circumagere classem vellent, sæva coorta tempestate, prope obruti fluctibus, dispersi, magna ex parte amissis armamentis, in terram effugerunt. Omen quoque ea maritima tempestas ad rem terra gerendam fuit. nam, conlectis in unum navibus, expositisque copiis, adgressi urbem, cum multis vulneribus repulsi, (et erat validum ibi regium præsidium) irrito incepto regressi Canastrum^o Pallenes trajecere. inde, superato Toronæ promontorio, navigantes Acanthum petiere. Ibi primo ager vastatus, deinde ipsa urbs vi capta ac direpta. nec ultra progressi (jam enim et graves præda naves habebant) retro, unde venerant, Sciathum, et ab Sciatho Eubœam repetunt.

XLVI. Ibi relicta classe, decem navibus expeditis sinum Maliacum intravere, ad conloquendum cum Ætolis de ratione gerendi belli. Sipyrrhicas Ætolus princeps legationis ejus fuit,⁶² quæ ad communicanda consilia Heracleam cum rege et cum Romano legato venit. Petitum ex fœdere ab Attalo est, ut mille milites præstaret. tantum enim numerum bellum gerentibus adversus Philippum debebat. Id negatum Ætolis: quod illi quoque gravati prius essent ad populandam Macedoniam exire, quo tempore, Philippo circa Pergamum urente sacra profanaque, abstrahere eum inde⁶³ respectu rerum suarum potuissent. Ita Ætoli cum spe magis, Romanis omnia pollicentibus, quam cum auxilio dimissi. Apustius cum Attalo ad classem rediit. Inde consultari de Oreo obpugnando cœptum. Valida ea civitas et mœnibus, et, quia ante fuerat tentata, firmo erat præsidio. Conjunxerant se iis post expugnationem Andri cum præfecto Agesimbroti viginti Rhodiæ naves, tectæ omnes. eam classem in stationem⁶⁴ ad Zelasium miserunt, (Isthmiæ id super Demetriadem promontorium est peropportune objectum) ut, si quid inde moverent Macedonum naves, in præsidio essent. Heraclides præfectus regius classem ibi tenebat, magis per occasionem, si quam negligentia hostium dedisset, quam aperta vi quidquam ausurus. Oreum

Conloquium Ætolorum cum Attalo et Romanis.

Oreum obpugnatum.

^o Canastrum Gron. Crev.

⁶² Quæ ad communicanda] Libri habent qui. Mutavit Gronovius.

⁶³ * Respectu rerum suarum] Cogendo eum respicere et reverti ad res suas tutandas.

⁶⁴ Ad Zelasium . . . (Isthmiæ id super Demetriadem] Zelasium, Isthmia fictitia sunt nomina. Conjecit Gronovius: ad Phalasiam miserunt, Istiææ, sive Istiæotidos super Demetriadem promontorium est. Phalasiam

est promontorium Eubœæ. Istiææ et Oreum duo diversa nomina sunt ejusdem urbis, vel certe duarum urbium, quæ in unam coaluerint. Itaque Istiæotis erit regio ad Istiæam, sive Oreum, pertinens. Super Demetriadem est e regione Demetriadis in alto mari. Hæc fere Gronovius. Adi quoque Cellarii Geographiam antiquam in Eubœa.

U. C. 552.
A. C. 200.

diversi Romani et rex Attalus obpugnabant: Romani a maritima arce, regii adversus vallem inter duas jacentem arces, qua et muro intersepta urbs est. et ut loca diversa, sic dispari modo etiam obpugnabant: Romani testudinibus, et vineis, et ariete admovendo muris: regii ballistis, catapultisque, et alio omni genere tormentorum tela ingerentes. et pondere ingenti saxa jaciebant,⁶⁵ et cuniculos, et quidquid aliud⁶⁶ priore obpugnatione expertum profuerat. Ceterum non plures tantum Macedones, quam ante, tuebantur urbem arcesque, sed etiam præsentionibus animis,⁶⁷ et, castigationibus regis in admissa culpa, simul^p minarum, simul promissionum in futurum memores, ita ut parum in expugnatione celeri spei esset. Interim et aliud agi posse ratus legatus, relictis,⁶⁸ quot satis videbantur ad opera perficienda, militibus, trajicit in proxima continentis: Larissamque (non illam in Thessalia nobilem urbem, sed alteram, quam Cremasten vocant) subito adventu, præter arcem, cepit. Attalus quoque⁶⁹ Ægeleon, nihil minus quam tale quidquam in alterius obpugnatione urbis timentibus, obpressit. Et jam quum opera in effectum erant circa Oreum, tum præsidium quod intus erat, labore adsiduo, vigiliis diurnis pariter nocturnisque, et vulneribus confectum. Muri quoque pars, ariete incusso subruta, multis jam locis prociderat: perque apertum ruina iter nocte Romani,⁷⁰ quodque super portum est, in arcem perruperunt. Attalus luce prima, signo ex arce dato ab Romanis, et ipse urbem invasit, stratis magna ex parte muris: præsidium oppidanique in alteram arcem perfugere, unde biduo post deditio facta. urbs regi, captiva corpora Romanis cessere.

Capitur.

XLVII. Jam autumnale equinoctium instabat: et est sinus Euboicus,⁷¹ quem Cœla vocant, suspectus nautis. itaque, ante hiemales motus evadere inde cupientes, Piræeum, unde profecti ad bellum erant, repetunt. Apustius, triginti

et simul Gron. Crev.

⁶⁵ Et cuniculos] Supple, agebant. Vid. not. 84. ad l. III. c. 67.

⁶⁶ * Priore obpugnatione] Vid. supra XXVIII. 6.

⁶⁷ Et castigationibus regis] Hæc mendosa sunt. Possis legere cum Dujatio ex castigationibus regis in admissa culpa: vel, si magis arridet Gronovii conjectura, et castigationis regia in admissa culpa simul minarum simul promissionum in futurum memores. De ipsa re vid. l. XXVIII. c. 8.

⁶⁸ Quot satis videbantur] Et hic quoque habes emendationem Gronovii. Libri, quod satis videbatur.

⁶⁹ Ægeleon, nihil minus . . . ti-

mentibus, obpressit] Male structa locutio. Legimus timentes. Dixerit Livius Ægeleon timentes, ut supra l. XXVIII. c. 19. Castulo quum . . . socii fuissent.

⁷⁰ Quodque super portum est] Et per iter, quod est super portum.

⁷¹ Quem Cœla vocant] Hic juvat adscribere Strabonis e l. X. verba a Dujatio allata, quibus hic locus describitur. Cava, Græcis *καὶλα*, Eubæa vocatur, quæ inter Aulidem et loca circa Gerastum interjacent. Ibi enim ora maritima in sinum flectitur: ad Chalcidem autem accedens, rursum versus continentem incurvatur.

ta navibus ibi relictis, ⁷²super Maleam navigat Coreyam. U. C. 552. Regem spatium Initiorum Cereris, ut sacris interesset, te- A. C. 200. nuit. secundum Initia et ipse in Asiam se recepit, Agesimbroto et Rhodiis domum remissis. Hæc ea æstate terra marique adversus Philippum sociosque ejus a consule et legato Romanis, adjuvantibus rege Attalo et Rhodiis, gesta. Consul alter C. Aurelius ad confectum bellum quum in pro- ^{Aurelius Cos. in Gallia.}vinciam venisset, haud clam tulit iram adversus prætorem, quod absente se rem gessisset. misso igitur eo in Etruriam, ipse in agrum hostium legiones induxit: populandoque, cum præda majore, quam gloria, bellum gessit. L. Furius, ^{Furius triumphum petit.} simul quod in Etruria nihil erat rei, quod gereret, simul Gallico triumpho imminens, quem, absente consule irato at- que invidente, facilius inpetrari posse ratus, Romam inopi- nato quum venisset, senatum in æde Bellonæ habuit: expo- sitisque rebus gestis, ut triumphanti sibi in urbem inveh- liceret, petit.

XLVIII. Apud magnam partem senatus et magnitudine rerum gestarum valebat, et gratia. Majores natu negabant triumphum, *et quod alieno exercitu rem gessisset, et quod pro-* ^{Varia sententia in senatu.} *vinciam reliquisset aviditate ⁷³rapiendi per occasionem trium-* *phi; id vero eum nullo exemplo fecisse.* Consulares præcipue, *expectandum fuisse consulem,* dicebant. *potuisse enim castris, prope urbem positis, tutanda colonia, ita ut acie non decerne-* *ret, in adventum ejus rem extrahere. et, quod prætor non fecis-* *set, senatui faciendum esse. Consulem expectarent: ubi co-* *ram disceptantes consulem et prætorem audissent, verius de* *caussa existimatu-ros esse.* Magna pars senatus nihil præter res gestas, et an in magistratu suisque auspiciis gessisset, censebant spectare senatum debere. *Ex duabus coloniis, quæ velut claustra ad cohibendos Gallicos tumultus obpositæ fuissent, quum una direpta et incensa esset, trajecturumque id incendium, velut ex continentibus tectis, in alteram tam propin-* *quam coloniam esset, quid tandem prætori faciendum fuisse?* Nam, *si sine consule geri nihil oportuerit, aut senatum peccasse, qui exercitum prætori dederit, (potuisse enim, ⁷⁴si non cum prætoris, sed consulis, exercitu rem geri voluerit, ita finire se-* *natusconsultum, ne per prætorem, sed per consulem, gereretur)* *aut consulem, qui non, quum exercitum ex Etruria transire in Galliam jussisset, ipse Arimini obcurrerit, ut bello interesset, quod sine eo geri fas non esset. Non expectare belli tempora*

72 * Super Maleam] Superato Ma-
leæ promontorio.

73 Rapiendi per occasionem trium-
phi] Sic Andreas, Sigonius, et MSS.
Heartii. Gronovianæ editiones male
omittunt ⁷⁴ per.

74 Si non cum prætoris, sed consulis

exercitu] Res profecto gesta est con-
sulari exercitu, ut constat ex capp. 11.
et 21. hujus libri, sed ductu auspicio-
que prætoris, absente consule. Itaque
hic aliquid videtur esse mendi. Li-
benter legeremus, si non ductu præto-
ris, sed consulis rem geri voluerit.

U. C. 552. *moras et dilationes imperatorum. et pugnandum esse interdum,*
 A. C. 200. *non quia velis, sed quia hostis cogat. Pugnam ipsam even-*
tumque pugnae spectari oportere. fusos caesosque hostes: castra
capta ac direpta: coloniam liberatam obsidione: alterius colo-
niae captivos recuperatos restitutosque suis: debellatum uno prae-
lio esse. Non homines tantum ea victoria laetatos, sed Diis
quoque immortalibus per triduum supplicationes habitas, quod
bene ac feliciter, non quod male ac temere, respublica a L. Fu-
rio praetore gesta esset. ⁷⁵ *Data fato etiam quodam Furiae*
genti Gallica bella.

Furius tri-
umphant.

Milites Sci-
pionis agris
donati.

XLIX. Hujus generis orationibus ipsius amicorumque victa est, praesentis gratia praetoris, absentis consulis majestas; triumphumque frequentes L. Furio decreverunt. Triumphavit de Gallis in magistratu L. Furius praetor. In aerarium tulit ⁷⁶trecenta viginti millia aëris, ⁷⁷argenti centum septuaginta millia pondo: neque captivi ulli ante currum ducti, neque spolia praelata, neque milites secuti. omnia, praeter victoriam, penes consulem esse adparebat. Ludi deinde a P. Cornelio Scipione, ⁷⁸quos consul in Africa voverat, magno adparatu facti. Et de agris militum ejus decretum, ut, quot quisque eorum annos in Hispania aut in Africa militasset, in singulos annos bina jugera acciperet. eum agrum decemviri adsignarent. Triumviri inde creati ad supplendum Venusinis colonorum numerum, quod bello Hannibalis adtenuatae vires ejus coloniae erant, C. Terentius Varro, T. Quinctius Flaminius, P. Cornelius Cn. F. Scipio. hi colonos Venusiam adscripserunt. Eodem anno ⁷⁹C. Cornelius Cethegus, qui proconsul Hispaniam obtinebat, magnum hostium exercitum in agro Sedetano fudit. quindecim millia Hispanorum eo praelio dicuntur caesa, signa militaria capta octo et septuaginta. C. Aurelius consul, quum ex provincia Romam comitiorum causa venisset, non id, quod animis praeceperant, questus est, *Non expectatum se ab senatu, neque disceptandi cum praetore consuli potestatem factam: sed ita triumphum decresce⁹ senatum, ut nullius, nisi ejus, qui triumphaturus esset, haud eorum, qui bello interfuissent, verba audiret. Majores ideo instituisse, ut legati, tribuni militum, centuriones, milites denique triumpho adessent;*

⁹ decrevisse Gron. Crev.

⁷⁵ * Data fato etiam quodam Furiae genti Gallica bella] Alludunt ad veterem illum et insignem Gallorum victorem M. Furium Camillum.

⁷⁶ Trecenta viginti millia aëris] Grave aëris hic intelligimus. Itaque summa haec aëris par erit denariis 32000. marcis argenti nostratibus 500.

⁷⁷ Argenti centum septuaginta millia pondo] Selibras nostrates pondo

265625.

⁷⁸ Quos consul in Africa voverat] Hic consulem dixit Livius pro proconsule, quemadmodum supra, l. XXVI. c. 33.

⁷⁹ C. Cornelius Cethegus] Eum ex hoc loco intelligimus missum esse in Hispaniam successorem L. Cornelio Lentulo, quem ex provincia Romam rediisse Livius memoravit, supra c. 20.

⁸⁰ *ut veritas rerum gestarum ejus, cui tantus honos haberetur, publice videretur. Ecquem ex eo exercitu, qui cum Gallis pugnauerit, si non militem, lixam saltem fuisse, quem percunctari posset senatus, quid veri prætor vanive referret?* Comitii deinde diem edixit: quibus creati sunt consules L. Cornelius Lentulus, P. Villius Tappulus. Prætores inde facti L. Quinctius Flamininus, L. Valerius Flaccus, L. Villius Tappulus, Cn. Bæbius Tamphilus.

L. Annona quoque eo anno pervilis fuit. frumenti vim magnam ex Africa advectam ædiles curules M. Claudius Marcellus et Sex. Ælius Pætus ⁸¹ binis æris in modios populo diviserunt: et ludos Romanos magno adparatu fecerunt: diem unum instaurarunt: signa ænea quinque ex multatio argenti in ærario posuerunt. Plebei ludi ab ædilibus ⁸² L. Terentio Massiliota^r et Cn. Bæbio Tamphilo, quem prætorem designaverant, ter toti instaurati. Et ludi funebres eo anno per quadriduum in foro, mortis M. Valerii Lævini causa, a P. et M. filiis ejus facti: et munus gladiatorum datum ab iis. paria quinque et viginti pugnarunt. M. Aurelius Cotta, decemvir sacrorum, mortuus. in ejus locum M. Acilius Glabrio subfectus. Comitii ædiles curules creati sunt forte ambo, qui ⁸³ statim occipere magistratum non possent. nam C. Cornelius Cethegus absens creatus erat, quum Hispaniam obtineret provinciam; ⁸⁴ C. Valerius Flaccus, quem præsentem creaverant^t, ⁸⁵ quia flamen Dialis erat, jurare in leges non poterat: magistratum autem plus quinque dies, nisi qui jurasset in leges, non licebat gerere. Petente Flacco, ut legibus solveretur, senatus decrevit, ut, si ædilis, qui pro se juraret, arbitrato consulum daret, consules, si eis videretur, cum tribunis plebis agerent, uti ad plebem ferrent. Datus, qui juraret pro fratre, L. Valerius Flaccus, prætor designatus. tribuni ad plebem tulerunt, plebesque scivit, ut perinde esset, ac si ipse ædilis jurasset. Et de altero ædile scitum plebis est factum, rogantibus tri-

Vilis anno-
na.

Ludi, in
quibus 25.
paria gla-
diorum.

^r induit Gron. Crev. ^s Massa Eæd. ^t crearent Eæd.

⁸⁰ *Ut veritas rerum gestarum . . . publice videretur*] Hoc a Sigonio est, nec sane sapit Livianam manum. Olim legebatur nullo sensu: *ut virtutes rerum gestarum . . . publice viderentur*. Livii mentem videtur attingisse Sigonius, verba non satis feliciter restituisse.

⁸¹ *Binis æris in modios*] Octava denarii parte, quæ erat granorum argenti nostratum 9.

⁸² *L. Terentio Massa*] Sigonius et Gelenius cognomen hujus ædilis aliter edunt, nempe *Massiliota*. Vide infra l. XXXVIII. c. 42. et l. XL. c. 35. Pighius in *Annal.* semper scribit *Massa*.

⁸³ *Statim occipere*] Proba Sigonii emendatio. Prius *accipere*.

⁸⁴ *C. Valerius Flaccus*] De hoc Flacco egit Livius, l. XXVII. c. 8.

⁸⁵ *Quia flamen Dialis erat, jurare in leges non poterat*] Jurare Dialectum fas nunquam est, inquit A. Gellius, l. X. c. 15. ubi, ex Fabio Pictore, et aliis antiquis scriptoribus, cæremoniæ flaminum Diali impositæ recensentur.

U.C. 552. bunis, quos duos in Hispaniam cum imperio ad exercitus
A.C. 200. ire juberent, ut C. Cornelius ædilis curulis ad magistratum
gerendum veniret, et L. Manlius Acidinus decederet de
provincia multos post annos. plebes^a Cn. Cornelio Lentulo
et L. Stertinio pro consulibus imperium esse in Hispania
jussit.

^a plebs Gron. Crev.

EPITOME LIBRI XXXII.

COMPLURA prodigia ex diversis regionibus nunciata referuntur: inter quæ, in Macedonia in puppi longæ navis lauream esse natam. T. Quinctius Flaminius consul adversus Philippum feliciter pugnavit in faucibus Epiri, fugatumque coëgit in regnum reverti. Ipse Thessaliam, quæ est vicina Macedonia, sociis Ætolis et Athamanibus, vexavit. L. Quinctius Flaminius consulis frater, Attalo rege et Rhodiis adjuvantibus, ¹ in Eubœam et maritimam oram trajectus, Eretriam expugnavit. Achæi in amicitiam recepti sunt. Conjuratio servorum, facta de solvendis Karthaginiensium obsidibus, ² oppressa est; duo millia necati sunt. Prætorum numerus amplius est, ut seni crearentur. Cornelius Cethegus consul Gallos Insubres prælio fudit. Cum Lacedæmoniis et tyranno eorum Nabide amicitia juncta est. Præterea expugnationes urbium in Macedonia referuntur.

¹ Navali bello . . . in Eubœam et maritimam oram trajectus, Eretriam expugnavit] Vulgati habent: navali prælio . . . Eubœam et maritimam oram cepit. Sed primo nullum hoc libro memoratur navale prælium L. Quintii. Deinde non Eubœam ille cepit, sed duas tantum Eubœæ urbes, Eretriam et Carystum. Vid. infra capp. 16. et 17. Ea lectio quam admisimus, hausta est e codicibus a Gronovio inspectis. Etsi ne sic quidem fortasse locus omnino sanus est. Offendunt enim *in Eubœam et maritimam oram*. Præterea, quum una ex urbibus a L.

Quintio captis nominetur, cur nulla fit alterius mentio? Non magnopere repugnaremus, si quis legendum esse crederet: in Eubœam trajectus, Eretriam et Carystum cepit.

² Oppressa est] Post hæc verba MS. Delrii, unus ex Hearnii codd. et Andreas addunt: *Duo millia necati sunt*. Nec aliter Campanus, nisi quod habet *necatu*. Quod additamentum etsi non consentit cum Livio infra c. 26. non ideo minus ab auctore epitomarum, qui interdum discedere a Livio non veretur, potuit proficisci, nec proinde in vulgatis editionibus omitti debuerat.

T. LIVII PATAVINI

LIBER XXXII.

U. C. 553. **CONSULES** prætoresque, quum Idibus Martiis magistratum inissent^a, provincias sortiti sunt. L. Cornelio Lentulo Italia, P. Villio Macedonia; prætoribus, L. Quinctio urbana, Cn. Bæbio Ariminum, L. Valerio Sicilia, L. Villio Sardinia evenit. Lentulus consul novas legiones scribere jussus: Villius a P. Sulpicio exercitum accipere. in supplementum ejus, quantum militum videretur, ut scriberet, ipsi permissum. Prætori Bæbio legiones, quas C. Aurelius consul habuisset, ita decretæ, ut retineret eas, donec consul novo cum exercitu succederet. in Galliam ubi is venisset, omnes milites exauctorati domum dimitterentur, præter quinque millia socium. his obtineri circa Ariminum provinciam satis esse. ¹Prorogato imperio prætoribus prioris anni, (Cn. Sergio, ut militibus, qui in Hispania, Sicilia, Sardinia stipendia per multos annos fecissent, agrum adsignandum curaret; Q. Minucio, ut in Brutiis idem ²de conjurationibus quæstiones, quas prætor cum fide curaue exercuisset, perficeret; ³et eos, quos sacrilegii compertos in vinculis Romam misisset, Locros mitteret ad supplicium; quæque sublata ex delubro Proserpinæ essent, reponenda cum piaculis curaret^b) feriæ Latinæ pontificum decreto instauratæ sunt; quod legati ab Ardea questi in senatu erant, ⁴sibi in

^a inissent Crev. ^b (Cn. Sergio . . . curaret) absunt signa parentheseos Gron. Crev.

¹ *Prorogato imperio*] Vel pendent hæc ab iis quæ præcedunt, tanquam series quædam decretorum senatus de provinciis: vel legendum est levi mutatione, *Prorogata imperia*.

² *De conjurationibus*] In rempublicam. Brutii primi fere totius Italiæ desciverant ad Annibalem, ultimi ad Romanos redierant; nec defecerant ab Annibale, sed deserti fuerant. Hinc ira Romanorum in eos: hinc ipsorum dure a Romanis habitum conjurationes. Testis est A. Gellius, l. X. c. 3. Romanos ita severe cum iis egisse, ut eos ignominie causa milites non scriberent, sed magistratibus in provincias euntibus apparere et præministrare

servorum more juberent. Hinc Brutiani interdum dicuntur lictores magistratum.

³ *Et eos quos sacrilegii compertos*] Vid. supra l. XXXI. capp. 12. et 13.

⁴ *Sibi in monte Albano Latinis carnem*] Sibi datam non esse Latinis Feriis in monte Albano de more celebratis suam ex tauro immolato portionem. * Constitutum enim erat, ut, quum septem et quadraginta populi hujus sacri participes essent, ex tauro, communi omnium victima, suam quisque populus, eamque certam et designatam portionem acciperet. Vid. not. 62. ad V. 17.

monte Albano Latinis carnem, ut adsolet, datam non esse. U. C. 553.
 Ab Suessa nunciatum est, duas portas, quodque inter eas A. C. 199.
 muri erat, de cœlo tactum; et Formiani legati ædem Jovis, Prodigia.
 item Ostienses ædem Jovis, et Veliterni Apollinis et ⁵Sanci
 ædes, et in Herculis æde capillum enatum: et ex Bruttiiis
 ab Q. Minucio proprætore scriptum, equuleum cum quin-
 que pedibus, pullos gallinaceos tres cum ternis pedibus,
 natos esse. Inde a P. Sulpicio proconsule ex Macedonia
 literæ adlatæ, in quibus inter cetera scriptum erat, lauream
 in puppi navis longæ enatam. Priorum prodigiorum causa
 senatus censuerat, ut consules majoribus hostiis, quibus
 Diis videretur, sacrificarent. ob hoc unum prodigium arus-
 pices in senatum vocati, atque ex responso eorum supplica-
 tio populo in diem unum edicta, et ad omnia pulvinaria res
 divinæ factæ.

II. Karthaginienses eo anno argentum in stipendium in- Karthag.
 positum primum Romam advexerunt. id quia probum non primam tri-
 esse quæstores renunciaverant, experientibusque ⁶pars quar- buti pensio-
 ta decocta erat, pecunia Romæ mutua sumta, ⁷intertrimen- nem sol-
 tum argenti suppleverunt. Petentibus deinde, ut, si jam vunt.
 videretur senatui, obsides sibi redderentur, ⁸centum redditi
 obsides. de ceteris, si in fide permanerent, spes facta. Pe- Obsidum
 tentibus iisdem, qui non reddebantur obsides, ut ab Norba, pars iis
 ubi parum commode essent, alio traducerentur, concessum, reddita.
 ut Signiam et Ferentinum transirent. Gaditanis item pe-
 tentibus remissum, ⁹ne præfectus Gades mitteretur, adver-
 sus quod iis, in fidem populi Romani venientibus, cum L.
 Marcio Septimo convenisset. Et Narniensium legatis, que-
 rentibus ad numerum sibi colonos non esse, et inmixtos
 quosdam non sui generis pro colonis se gerere, earum re-
 rum causa tresviros^d creare L. Cornelius consul jussus.
 creati P. et Sex. Ælii (Pætis fuit ambobus cognomen) et
 C. Cornelius Lentulus. quod Narniensibus datum erat, ¹⁰ut

^c L. del. Gron.^d triumviros Gron. Crev.

⁵ Sanci] Semonis Sanci, qui et Dius Fidius vocabatur. De eo diximus ad L. VIII. c. 20.

⁶ Pars quarta decocta erat] Parte quarta imminutum fuerat argentum, quum igni probaretur.

⁷ Intertrimentum argenti] Quartam illam partem, quam argentum excoc- tum amisera.

⁸ Centum redditi obsides, de ceteris] Atqui supra l. XXX. c. 37. centum omnino obsides dare jubentur a Scipione Pœni. At Appianus, l. de Bell. Pun. centum quinquaginta ab eodem Scipione postulatos tradit. Verisimile est Livium hic quoque, ut sæpe alias,

diversos auctores super eadem re secutum esse. Nisi si forte senatus addidit ad numerum obsidum, quem Scipio primum Carthaginiensibus indixerat.

⁹ Ne præfectus Gades mitteretur, adversus quod] Junge hæc sibi invicem. Nimirum contra ea quæ pacta fuerant Gaditanos inter et Marcium, præfectus ab Roma Gades mitti cœptus erat. Nunc ergo Gaditanis petentibus conceditur, ne jam in eorum urbem præfectus mittatur. De præfectis juri dicundo vid. not. 77. ad IX. 20.

¹⁰ Ut colonorum numerus cogere- tur] Perficeretur, absolveretur, par-

U. C. 553. colonorum numerus cogerebatur, id Cosani petentes non inpetrauerunt.
A. C. 199.

Seditio militum in Macedonia.

III. Rebus, quæ Romæ agendæ erant, perfectis, consules in provincias profecti. P. Villium in Macedoniam quum venisset, atrox seditio militum, jam ante irritata, nec satis in principio compressa, excepit. ¹¹ duo millia ea militum fuere, qui ex Africa post devictum Hannibalem in Siciliam inde ¹² anno fere post^e in Macedoniam pro voluntariis transportati erant. id voluntate factum negabant: *Ab tribunis recusantes in naves inpositos. sed utcumque, seu injuncta, seu suscepta foret militia, et eam exhaustam, et finem aliquem militandi fieri æquum esse. Multis annis sese Italiam non vidisse. consenuisse sub armis in Sicilia, Africa, Macedonia. Confectos jam se labore, opere, exsangues tot acceptis vulneribus esse.* Consul, *causam postulandæ missionis probabilem, si modeste peteretur, videri, dixit. seditiois nec eam, nec ullam aliam satis justam causam esse. Itaque si manere ad signa, et dicto parere velint, se de missione eorum ad senatum scripturum. Modestia facilius, quam pertinacia, quod velint, inpetratos.*

Thaumacos frustra tentatos deserit Philippus.

IV. Thaumacos eo tempore Philippus summa vi obpugnabat aggeribus vineisque; et jam arietem muris admoturus erat. ceterum incepto absistere eum coëgit subitus Ætolorum adventus, qui, Archidamo duce inter custodias Macedonum mœnia ingressi, nec die, nec nocte finem ullum erumpendi, nunc in stationes, nunc in opera Macedonum, faciebant. et adjuvabat eos natura ipsa loci. namque Thaumaci ¹³ a Pylis sinuque Maliaco per Lamiam eunti loco alto siti sunt, ipsis faucibus imminentes, ¹⁴ quas Cœla^f vocant: Thessaliæque transeunti confragosa loca inplac-

^e post del. Gron.

^f Calen Ead.

tim redire iubendo in coloniam, si qui alio dissipati erant, partim adscribendo novos. Sic *cogere militem, pecuniam, stipendium*, est cuiusque rei certum ac definitum numerum conficere. In hunc modum explicat et tuetur scripturam vet. editorum et MSS. codicum Gronovius. Expeditior tamen est quarundam editionum lectio, *ut colonorum numerus augetur*; sed ideo fortasse suspensor.

¹¹ Duo millia militum] Vulgo duo millia ea militum. Expunximus vocem ea, iubente Gelenio.

¹² Anno fere post] Deest post in utrisque Gronovii editionibus, contra MSS. aliorumque editorum fidem. HEARNIUS. Exstat ~~et~~ post in Victor. libro.

¹³ A Pylis] A Thermopylis.

¹⁴ Quas Cœla vocant] Hanc lectio-

nem adstruit ex MSS. Jac. Gronovius. Vulgo *quam Calen vocant*. Sed ne sic quidem sanus esse omnino videtur hic locus. Libenter et aliam hic leviculam mutationem cum Dujatio interponeremus, ut totus locus hoc modo legere-
tur distinguereturque: *Ipsis faucibus imminentes, quas Cœla vocant Thessalia, quæ transeunti etc.* Libro XXXI. c. 47. mentio fit sinus Euboici, quem Cœla vocant. Itaque non immerito suspicari quis possit has fauces vocatas esse Cœla Thessalia, ad notandum discrimen. Quæ refer ad Thessaliæ: ita ut sensus sit, Thessaliam, velut maris vasti ingens æquor, sic immensam pandi planitiem ob oculos ejus qui per fauces illas ad urbem Thaumacos pervenerit.

tasque flexibus vallium vias, ubi ventum ad hanc urbem est, repente, velut maris vasti, sic immensa panditur planities, ut subjectos campos terminare oculis haud facile queas. ¹⁵ Ab eo miraculo Thaumaci adpellati. nec altitudine solum tuta urbs, sed quod, ¹⁶ saxo undique absciso, rupibus inposita est. Hæ difficultates, et quod haud satis dignum tanti laboris periculique pretium erat, ut absisteret incepto Philippus, effecerunt. hiems quoque jam instabat, quum inde abscessit, et in Macedoniam in hiberna copias reduxit.

V. Ibi ceteri quidem, ¹⁷ data quantacumque quiete temporis, simul animos corporaque remiserant. Philippum ¹⁸ quantum ab assiduis laboribus itinerum pugnatumque laxaverat annus, tanto magis intentum in universum eventum belli curæ angunt, non hostes modo timentem, qui terra marique urgebant; sed nunc sociorum, nunc etiam popularium animos, ne et illi ad spem amicitiae Romanorum deficerent, et Macedonas ipsos cupido novandi res caperet. itaque et in Achaiam legatos misit, simul qui iusjurandum (ita enim pepigerant, quotannis juraturos in verba Philippi) exigèrent: simul ¹⁹ qui redderent Achæis Orchomenon, et Heræam, et Triphyliam; ²⁰ Eleis Alipheram, contententibus, numquam eam urbem fuisse ex Triphylia, sed sibi debere restitui, ²¹ quia una esset ex iis, quæ ad condendam Mega-

U. C. 553.

A. C. 199.

Philippi curæ et anxietas.

Conciliat sibi Græcos.

E abscisso Gron. Crev.

15 Ab eo miraculo Thaumaci appellati] *Θαῦμα* enim Græcis miraculum.

16 Saxo undique abscisso, rupibus inposita est] Vox *rupibus* sapit glossemam quoddam additum interpretandis præcedentibus verbis.

17 Data quantacumque quiete temporis] Lege cum Jac. Gronovio, *quantituncque*: *id est, quamvis exigui temporis.

18 Quantum ab assiduis laboribus itinerum pugnatumque laxaverat animus] Sic habent scripti a Dujatio inspecti, et plurimi ex Gronovianis, quibus accedit Victor. et Andreæ editio. *Laxaverat* intelligendum *se laxaverat*. Vulgus editorum præferebat *animum*. Gronovius ex conjectura inseruerat in contextum *laxaverat annus*, id est anni tempestas non jam bello gerendo idonea. Ingeniosa et admodum probabilis emendatio, quam non dubitarem amplecti, si vel unius scripti auctoritate niteretur.

19 Qui redderent] Id est, qui redditurum mox Philippum sponderent. Hoc enim tempore reddita non esse hæc loca Achæis apparet ex XXXIII. 34. infra.

20 Eleis Alipheram] Dubitari non potest, quin scripserit Livius, *Megalopolitis*, non *Eleis*. Id patet tum ex iis quæ sequuntur hoc ipso loco; tum ex XXVIII. 8. ubi ab eodem Philippo Heræa itidem et Triphylia Achæis, Aliphere Megalopolitis restituitur. Sed nimirum eas sive urbes, sive regiunculas postea Philippus iterum in suam potestatem redegisce censendus est. Porro Megalopolitæ fœderi quidem Achæorum adscripti erant. Sed tamen urbem, quæ suorum proprie finium esset, sibi privatim, non communi Achæorum, merito volunt restitui.

21 Quia una esset ex iis quæ ad condendam Megalopolin] Megalopolis condita fuerat, auctore Epaminonda, multis ignobilibus Arcadiæ vicis oppidisque in unam urbem, majoris roboris gratia, contributis ex communi gentis Arcadum decreto. Vid. Pausan. in Arcadicis, ubi nominantur omnia oppida ex quibus Megalopolis coahuerat, quorum in numero recensetur Aliphere. Ceterum pro *Megalopolim* scripti quidam, ut Victorinus, *Megalopolim*, alii *Megalempolim*. Unde Gronovius vult legi *Megalenpolin*, Græca plane enun-

U. C. 553. Iopolim ex concilio Arcadum contributæ forent. Et cum
 A. C. 199. Achæis quidem per hæc societatem firmabat. ²² Macedo-
 Et Macedo- num animos sibi conciliavit cum Heraclide. nam quum eum
 nas, maximæ invidiæ sibi esse cerneret, multis criminibus onera-
 tum in vincula conjecit, ingenti popularium gaudio. Bel-
 lum, si quando umquam ante alias, tum^h magna cura adpa-
 ravit, exercuitque in armis et Macedonas, et mercenarios
 milites: principioque veris cum Athenagora omnia externa
 auxilia, quodque levis armaturæ erat, in Chaoniam per Epi-
 rum ad occupandas, quæ ad Antigoneam fauces sunt, (Ste-
 na vocant Græci) misit. Ipse post paucis diebus graviore
 secutus agmine, quum situm omnem regionis adspexisset,
 maxime idoneum ad muniendum locum credidit esse præter
 amnem Aoum. is inter montes, quorum alterum Æropum,
 alterum Asnaum incolæ vocant, angusta valle fluit, iter ex-
 iguum super ripam præbens. Asnaum Athenagoram cum
 levi armatura tenere ac communire jubet: ipse in Æropo
 posuit castra. Qua abscisæ rupes erant, statio paucorum
 armatorum tenebat; quæ minus tuta erant, alia fossis, alia
 vallis, alia turribus munebat. Magna tormentorum etiam
 vis, ut missilibus procul arcerent hostem, idoneis locis dis-
 posita est. tabernaculum regium pro vallo, in conspecto
 maxime tumulto, ut terrorem hostibus, suisque spem ex fi-
 ducia faceret, positum.

Fauces An-
 tigoneæ
 occupat.

Castra ad
 Aoum po-
 nit.

Consul mox
 adest. VI. Consul, per Charopum Epiroten certior factus, quos
 saltus cum exercitu insedisset rex, et ipse, quum Corcyræ
 hibernasset, vere primo in continentem tractus, ad hostem
 ducere pergit. quinque millia ferme ab regiis castris quum
 abesset, loco munito relictis legionibus, ipse cum expeditis
 progressus ad speculanda loca, postero die consiliumⁱ ha-
 buit, utrum per insessum ab hoste saltum, quamquam labor
 ingens periculumque proponeretur, transitum tentaret; an
 eodem itinere, quo priore anno Sulpicius Macedoniam in-
 traverat, circumduceret copias. Hoc consilium per multos
 dies agitati nuncius venit, T. Quinctium consulem factum,
 sortitumque provinciam Macedoniam, maturato itinere jam
 Corcyram trajecisse. Valerius Antias intrasse saltum Vil-
 lium tradit, quia^k recto itinere nequirit, omnibus a rege in-
 sessis, secutum vallem, per quam mediam fertur Aous am-
 nis; ponte raptim facto, in ripam, in qua erant castra regia,

^h cum Gron. Crev.

ⁱ concilium Gron.

^k et quia Gron. Crev.

ciatione, *μεγάλην πόλιν*. Et sic inter-
 dum Græci scriptores, ubi de hac urbe
 agunt.

²² Macedonum animos sibi conciliavit
 cum Heraclide] Hoc jure suspectum
 est Dujatio. Mendum latere videtur

in vocula cum. Sensus apertus ex se-
 quentibus: Heraclidis capite popula-
 rium amorem redemit. De Heraclide
 vid. not. 74. ad XXXI. 16. Duas voces
 sibi conciliavit ignorant Victor. liber, et
 Andread editio.

transgressum acie conflixisse: fusum fugatumque regem, U. C. 553. castris exutum: duodecim millia hostium eo prælio cæsa, A. C. 199. capta duo millia et ducentos, et signa militaria centum triginta duo¹, equos ducentos triginta. ædem etiam Jovi in eo^m prælio votam, si res prospere gesta esset. Ceteri Græci Latinique auctores, quorum quidem ego legi annales, nihil memorabile a Villio actum, integrumque bellum insequentem consulem T. Quinctium accepisse tradunt.

VII. Dum hæc in Macedonia geruntur, consul alter L. Lentulus, qui Romæ substiterat, comitia censoribus creandis habuit. Multis claris petentibus viris, creati censores Censores P. Cornelius Scipio Africanus et P. Ælius Pætus. hi, magna inter se concordia, et senatum sine ullius nota legerunt, creati Scipio et Ælius. et portoria venalium Capuæ Puteolisque, item²³ Castrorum portorium, quo in loco nunc oppidum est, fruendum locarunt: colonosque eo trecentos (is enim numerus finitus ab senatu erat) adscripserunt, et sub Tifatis Capuæ agrum vendiderunt. Sub idem tempus L. Manlius Acidinus, ex Hispania decedens, prohibitus a P.ⁿ Porcio Læca tribuno plebis, ne ovans rediret, quum ab senatu inpetrasset, privatus urbem ingrediens²⁴ mille ducenta pondo argenti, triginta pondo ferme auri in ærarium tulit. Eodem anno Cn. Bæb- Cn. Bæb-
bius Tamphilus, qui ab C. Aurelio consule anni prioris provin- circumven-
ciam Galliam acceperat, temere ingressus Gallorum In- tus a Gallis.
subrium fines, prope cum toto exercitu est circumventus: supra sex millia et sexcentos milites amisit. tanta ex eo bello, quod jam timeri desierat, clades accepta est. Ea res L. Lentulum consulem ab urbe excivit. qui, ut in provinciam venit plenam tumultus, trepido exercitu accepto, prætorem multis probris increpitum provincia decedere, atque abire Romam iussit. Neque ipse consul memorabile quidquam gessit, comitiorum caussa Romam revocatus; quæ ipsa per M. Fulvium et M.^o Curium tribunos plebis inpediebantur, quod T. Quinctium Flamininum²⁵ consulatum T. Quinc-
ex quæstura petere non patiebantur.²⁶ Jam ædilitatem tius ex
quæstura
consul.

¹ et duo Gron. Crev.^m eo del. Eæd.ⁿ P. l. M. Eæd.

²³ Castrorum portorium] Castrorum nomine hic intelligenda videntur vel Castra Claudiana, quæ ipso Cannensis cladis anno Marcellus communiit, (l. XXIII. c. 17.) ac deinde per aliquot continuos annos appellat identidem Livius usque ad obsidionem Capuæ: (l. XXV. c. 22.) vel castellum ad ostium Vulturii communium a Fulvio et Claudio coss. cuius mentio fit l. XXV. c. 20. Porro, quod portoria hic fruenda locantur a censoribus, intelligendi sunt censores locasse publicanis exigenda vectigali ex iis rebus quæ in locis me-

moratis venderentur.

²⁴ Mille ducenta pondo argenti] Marcas, seu selibras nostrates pondo 1875. Triginta pondo auri sunt ponderis nostratis selibræ 46. cum septem unciiis.

²⁵ * Consulatum ex quæstura petere] Consulatum petere, quum tantummodo quæstor fuisset, nec ædilitatem, nec præturam gessisset.

²⁶ Jam ædilitatem præturamque fastidiri] Hoc aliqua ex parte cadebat in ipsum consulem Lentulum, qui ex ædilitate, quam absens gesserat, (supra

U. C. 553. *præturamque fastidiri: nec per honorum gradus, documentum*
 A. C. 199. *sui dantes, nobiles homines tendere ad consulatum, sed transcendo media, summa imis continuare.* Res ²⁷ ex campestri certamine in senatum venit. Patres censuerunt, *Qui honorem,* ²⁸ *quem sibi capere per leges liceret, peteret, in eo populo creandi, quem velit, potestatem fieri æquum esse.* In auctoritate Patrum fuere tribuni. Creati consules Sex. Ælius Pætus et T. Quinctius Flaminius. Inde Prætorum comitia habita. creati L. Cornelius Merula, M. Claudius Marcellus, M. Porcius Cato, C. Helvius, qui ædiles plebis fuerant. ab iis ludi plebei instaurati: et epulum Jovis fuit ludorum caussa. Et ab ædilibus curulibus C. Valerio Flacco flamine Diali et C. Cornelio Cethego ludi Romani magno adparatu facti. ²⁹ Ser. et C. Sulpicii Galbæ pontifices eo anno mortui sunt. in eorum locum M. Æmilius Lepidus et Cn. Cornelius Scipio pontifices subfecti sunt.

U. C. 554. VIII. Sex. Ælius Pætus, T. Quinctius Flaminius consules, magistratu inito, senatum in Capitolio quum habuissent, decreverunt Patres, *ut provincias Macedoniam atque Italiam consules compararent inter se, sortirenturque.* Utri eorum Macedonia evenisset, in supplementum legionum tria millia militum Romanorum scriberet, et trecentos equites. item sociorum Latini nominis quinque millia peditum, quingentos equites. Alteri consuli novus omnis exercitus decretus. L. Lentulo prioris anni consui prorogatum imperium est; vetitusque aut ipse provincia decedere prius, aut veterem exercitum deducere, quam cum legionibus novis consul venisset. Sortiti consules provincias. Ælio Italia, Quinctio Macedonia venit. Prætores, L. Cornelius Merula urbanam, M. Claudius Siciliam, M. Porcius Sardiniam, C. Helvius Galliam est sortitus. Delectus inde haberi est cœptus. nam, præter consulares exercitus, ³⁰ prætores quoque jussi scribere milites erant. Marcello in Siciliam quatuor millia peditum socium Latini nominis, et trecentos equites; Catoni in Sardiniam ex eodem genere militum tria millia

l. XXIX. c. 11.) ommissa prætura ad consulatum ascenderat.

27 * *Ex campestri certamine*] Ex campo Martio, ubi primo agitata certamen excitaverat. In campo nempe Martio comitia centuriata habebantur.

28 *Quem sibi capere per leges liceret*] Nondum ulla lex vetabat, omissis inferioribus honorum gradibus, ad superiores sese accingere. Sylla dictator legem tulit, ne quis præturam ante quæsturam peteret, neve consulatum ante præturam. Testis est Appianus, l. I. Bellorum Civil. Vid. Supplem. Freinsheim. l. LXXXIX. c. 9.

29 *Ser. et C. Sulpicii Galbæ*] Olim: *Ser. Sulpicius et L. Galba.* Mutavit Sigonius. Servius pontifex in locum Fabii Maximi successus memoratur supra, l. XXX. c. 26. Caius, in locum Manlii Torquati, eodem libro, c. 39.

30 *Prætores quoque jussi scribere milites erant: Marcello*] Postulat orationis filum Marcellus, ut et infra Cato, non Catoni. Gronovius. Nisi potius legendum est *prætoribus*: ut sensus sit, consules jussos esse scribere quoque milites, qui mererent sub prætoribus. Atque id nos omnino verum putamus.

peditum, ducentos equites: ita ut hi prætores ambo, quum U. C. 554. in provincias venissent, veteres dimitterent pedites equites. A. C. 198. que. Attali deinde regis legatos in senatum consules intro- Attali legati senatum ad- duxerunt. Hi, regem classe sua copiisque omnibus terra eunt. marique Romanam rem juvare, quæque imperarent Romani consules, impigre atque obedienter ad eam diem fecisse, quum exposuissent, *Vereri dixerunt, ne id præstare ei per Antiochum regem ultra non liceret. vacuum namque præsidiis navalibus terrestribusque regnum Attali Antiochum invasisse. Itaque Attalum orare Patres conscriptos, si sua classe, suaque opera uti ad Macedonicum bellum vellent, mitterent ipsi præsidium ad regnum ejus tutandum: si id nollent, ipsum ad sua defendenda cum classe ac reliquis copiis redire paterentur.* Senatus legatis ita responderi jussit, *Quod rex Attalus classe copiisque aliis duces Romanos juvisset, ³¹id gratum senatui esse.* ³²*Auxilia nec ipsos missuros Attalo adversus Antiochum, socium et amicum populi Romani: nec Attali auxilia retenturos, ultra quam regi commodum esset. Semper populum Romanum alienis rebus, arbitrio alieno, usum. et principium et finem in potestate ipsorum, qui ope sua velint adjutos Romanos, esse. Legatos ad Antiochum missuros, qui nuncient, Attali naviumque ejus et militum opera adversus Philippum communem hostem uti populum Romanum.* ³³*Gratum eum facturum et senatui, si regno Attali abstineat, belloque abstinet. Æquum esse, socios et amicos populi Romani reges inter se quoque ipsos pacem servare.*

IX. Consulem T. Quinctium, ita habito delectu, ut eos fere legeret, qui in Hispania aut Africa meruissent spectatæ virtutis milites, properantem in provinciam prodigia nun- Prodigia. ciata atque eorum procuratio Romæ tenuerunt. De cælo tacta erant via publica Veiiis, forum et ædes Jovis Lanuvii, Herculis ædes Ardeæ, Capuæ murus et turres et ædes, quæ Alba dicitur. cælum ardere visum erat Arretii. terra Velitris trium jugerum spatium caverna ingenti desederat. Suessæ Auruncæ nuntiabant agnum cum duobus capitibus natum, et Sinuessæ porcum humano capite. Eorum prodigiorum caussa supplicatio unum diem habita. et consules rebus divinis operam dederunt; placatisque Diis, profecti in provincias sunt. Ælius cum C. Helvio prætore in Galliam: Ælius Cos. et in Gal- liam.

o fore Gron. Crev.

31 *Id gratum senatui fore]* Ejus rei memorem fore senatum gratiis opera reque referendis. GRONOVIVS.

32 *Auxilia nec ipsos missuros . . nec Attali auxilia retenturos]* Vacat omnino posterius illud auxilia, et videtur e margine in contextum irrepsisse.

33 *Gratum eum facturum et sena-*

tui] Sustulerat Gelenius particulam et: reposuit Gronovius, obsecutus MSS. auctoritati. Si illa est a Livii manu, locus profecto vitiosus est. Rubenius legit, *Gratum ei, nempe populo Romano, futurum et senatui.* Futurum reperitur in duobus MSS.

U.C. 554. exercitumque ab L. Lentulo acceptum, quem dimittere
 A.C. 198. debebat, prætori tradidit; ipse novis legionibus, quas secum adduxerat, bellum gesturus. neque memorabilis rei quidquam gessit. Et T. Quinctius alter consul maturius, quam priores soliti erant consules, a Brundisio quum transmisisset, Coreyram tenuit cum octo millibus peditum, equitibus octingentis. Ab Coreyra in proxima Epiri quinqueremi trajecit: et in castra Romana magnis itineribus contendit; inde Villio dimisso, paucos moratus dies, dum se copiæ ab Coreyra adsequerentur, consilium habuit, utrum recto itinere per castra hostium ³⁴vim^p facere conaretur: an, ne tentata quidem re tanti laboris ac periculi, per Darsaretios potius Lycumque tuto circuitu Macedoniam intraret. Vicissetque ea sententia, ni timuisset, ne, quum a mari longius recessisset, misso e manibus hoste, si (quod antea fecerat) solitudinibus silvisque se tutari rex voluisset, sine ullo effectu æstas extraheretur. Utcumque esset igitur, illo ipso tam iniquo loco adgredi hostem placuit. sed magis fieri id placebat, quam, quomodo fieret, ³⁵satis expediebat.

Consulis et
 Philippi
 colloquium.

X. Dies quadraginta sine ullo conatu sedentes in conspectu hostium absumserant. Inde spes data Philippo est, per Epirotarum gentem tentandæ pacis: habitoque consilio^q delecti ad eam rem agendam, Pausanias prætor, et Alexander magister equitum, consulem et regem, ubi in artissimas ripas Aous cogitur amnis, in colloquium adduxerunt. Summa postulatorum consulis erat, præsidia ex civitatibus rex deduceret. iis, quorum agros urbesque populatus esset, redderet res, quæ comparerent. ³⁶ceterorum æquo arbitrio æstimatio fieret. Philippus *aliâ aliarum civitatum conditionem esse respondit. Quas ipse cepisset, eas liberaturum. Quæ sibi traditæ a majoribus essent, earum hereditaria ac justa possessione non excessurum. si quas quererentur belli clades eæ civitates, cum quibus bellatum foret; ³⁷arbitrio, quo vellent, populorum, cum quibus pax utrisque fuisset, se usurum.* Consul, *Nihil ad id quidem ³⁸arbitro aut iudice opus esse, dicere. Cui enim non adparere, ab eo, qui prior arma intulisset, injuriam ortam? nec Philippum ab ullis bello lacessitum, ipsum priorem vim omnibus fecisse.* Inde quum ageretur, quæ civi-

P viam Gron.

q concilio Gron. Crev.

34 Vim facere] Sic duo MSS. a Gronovio memorati, et noster Victor. melius quam, ut vulgo, viam facere.

35 Satis expediebat] Nempe, consul: ut facile suppletur ex sensu, quum in iis quæ præcedunt verba fere omnia ad eum referantur. Gronovio tamen magis placeret, expediebant.

36 Ceterorum] Ceterarum rerum, earum nempe quæ non comparerent.

37 Arbitrio quo vellent populorum] Lege cum Gronovio, quorum vellent.

38 Arbitro aut iudice] Hanc lectionem debemus uni ex Hearnii codd. Ceteri, ut et editi, arbitrio.

tates liberandæ essent, Thessalos primos omnium nomina-
vit consul. ³⁹ad id vero adeo accensus indignatione est rex,
ut exclamaret, *quid victo gravius imperares, T. Quincti?* at-
que ita se ex conloquio proripuit. et temperatum ægre est,
quin ⁴⁰missilibus, quia diremti medio amni fuerant, pug-
nam inter se consererent. Postero die per excursiones ab
stationibus primo in planitie, satis ad id patenti, multa levia
commissa prælia sunt: deinde recipientibus se regiis in
arta et confragosa loca, aviditate accensi certaminis eo quo-
que Romani penetravere. Pro his ordo, et militaris disci-
plina, et genus armorum erat, ⁴¹aptum urgendis regiis: pro
hoste loca, et catapultæ ballistæque, in omnibus prope rupi-
bus, quasi in muris, dispositæ. Multis hinc atque illinc
vulneribus acceptis, quum etiam, ut in prælio justo, aliquot
cecidissent, nox pugnae finem fecit.

XI. Quum in hoc statu res esset, pastor quidam, a Cha-
rope principe Epirotarum missus, deducitur ad consulem.
Is se in eo saltu, qui regiis tunc oneratus, castris erat, armen-
tum pascere ait: omnes montium eorum amfractus callesque
nosse. Si secum aliquos mittere velit, non iniquo nec perdiffi-
cili aditu supra caput hostium deducturum. ⁴²Hæc, Charopus
renunciari jubet, ita crederet, ut suæ potius omnia, quam il-
lius, potestatis essent. Quam magis vellet credere, quam au-
deret, consul, mixtumque gaudio ac metu animum gereret,
auctoritate motus Charopi, experiri spem oblatam statuit:
et, ut averteret rem a suspicione, biduo insequenti lacessere
hostem, dispositis ab omni parte copiis, succedentibusque
integris in locum defessorum, non destitit. Quatuor millia
inde lecta peditum et trecentos equites tribuno militum tra-
dit. Equites, quoad loca patiantur, ducere jubet: ubi ad
invia equiti ventum sit, in planitie aliqua locari equitatum;
pedites, qua dux monstraret viam, ire: ubi, ⁴³ut pollicere-
tur*, super caput hostium perventum sit, fumo dare sig-
num: nec ante clamorem tollere, quam ab se signo accepto

* amne Gron. Crev.

* polliceatur Eæd.

³⁹ Ad id vero adeo accensus indignatione est rex] Quia nimirum Thessali primi fere omnium Græciæ populorum in Macedonum ditionem concesserant, a Philippo Alexandri Magni patre, ad societatem secum, sed impari fœdere, jungendam adacti, ac deinde Alexandro successoribusque ejus semper subjecti. Vid. Justin. l. VII. c. 6. et l. XI. c. 3.

⁴⁰ Missilibus, quia diremti] Missilibus; neque enim cominus conserere manus poterant, medio amne diremti.

⁴¹ Aptum urgendis regiis] Hanc

lectionem Gelenius formavit, non sane infeliciter. Magis tamen placeret conjectura Gronovii: aptum urgendo cominus. Codices hoc loco corruptissimi sunt.

⁴² Hæc, Charopus renunciari jubet] Charopus renunciari jubet consuli, moneri jubet consulem, hæc ita crederet, ut tamen omnia potius in sua ipse haberet potestate, quam pastori illi permitteret.

⁴³ Ut polliceatur] Dux, pastor ille a Charopo missus. Vict. cod. ut polliceretur. Sed parvi refert.

U. C. 554.
A. C. 198.
Irrito even-
tu.

Levia præ-
lia.

A pastore
via ostendi-
tur Quinc-
tia.

U. C. 554. pugnam cœptam ⁴⁴ arbitrari posset. Nocte itinera fieri jubet, (et pernox forte luna erat) interdiu cibi quietisque sumeret tempus, ducem promissis ingentibus oneratum, si fides exstet, vinctum tamen tribuno tradit[†]. His copiis ita dimissis, eo intentius ⁴⁵ Romanus undique instat capi stationes.

Quinctius
adgreditur
Philippum.

XII. Interim die tertio quum verticem, quem petierant, Romani cepisse ac tenere se fumo significarent; tum vero, trifariam divisis copiis, consul valle media cum militum robore succedit: cornua dextra lævaque admovet castris. nec segnius hostes obviam eunt: et, dum, aviditate certaminis provecti, extra munitiones pugnant, haud paullo superior est Romanus miles, et virtute, et scientia, et armorum genere. Postquam, multis vulneratis interfectisque, recepere se regii in loca, aut munimento, aut natura tuta, verterat periculum in Romanos, temere in loca iniqua, nec faciles ad receptum angustias progressos. neque impunita temeritate inde recepissent sese, ni clamor primum ab tergo auditus, dein pugna etiam cœpta, amentes repentino terrore regiones fecisset. Pars in fugam effusi sunt: ⁴⁶ pars magis, quia [‡] locus fugæ deerat, quam quod animi satis esset ad pugnam, quum substitissent, ab hoste, et a fronte et ab tergo urgente, circumventi sunt. Deleri totus exercitus potuit, si fugientes persecuti victores essent: sed equitem angustiae locorumque asperitas, peditem armorum gravitas, impediit. Rex primo effuse ac ⁴⁷ sine respectu fugit: dein, quinque millium spatium progressus, quum ex iniquitate locorum, id quod erat, suspicatus esset, sequi non posse hostem, substitit in tumulto quodam, dimisitque suos per omnia juga vallesque, qui palatos in unum conligerent. Non plus duobus millibus hominum amissis, cetera omnis multitudo, velut signum aliquod secuta, in unum quum convenisset, frequenti agmine petunt Thessaliam. Romani, quoad tutum fuit insecuti, cædentes spoliantesque cæsos, castra regia, etiam sine defensoribus difficili aditu, diripiunt: atque ea nocte in suis castris manserunt.

Rex in
Thessaliam
fugit.

Sequitur
consul.

XIII. Postero die consul per ipsas angustias, qua se inter valles flumen insinuat, hostem sequitur. Rex primo die ad Castra Pyrrhi pervenit. ⁴⁸ locus, quem ita vocant, est in

[†] tradidit Gron. Crev.

[‡] pars quia magis Gron.

44 Arbitrari posset] Tribunus militum, qui toti negotio præerat.

45 Romanus undique instat capi stationes] Consul acuit milites ad pellendos undique hostes e stationibus.

46 Pars magis, quia] Hic verus ordo est harum particularum, quæ vulgo male et præpostere disponun-

tur: Pars quia magis. Hæc levicula tamen emendatio nititur tantum conjectura Mureti et Gronovii.

47 Sine respectu] Nusquam respiciens, nec retro flectens caput.

48 Locus quem ita vocant, est in Triphylia] Hæc mendosa sunt. Triphylia enim est in Peloponneso. Me-

Triphylia terræ Melotidis. inde postero die (⁴⁹ingens iter U.C. 554. agminis, sed metus urgebat^x) ⁵⁰in montem Lingon perrexit. A.C. 198. ipsi montes Epiri sunt, interjecti Macedoniae Thessaliæque. Latus, quod vergit in Thessaliam, oriens spectat: septentrio a Macedonia objicitur. Vestiti frequentibus silvis sunt. juga summa campos patentes aquasque perennes habent. Ibi, stativis, rex, per aliquot dies habitis, fluctuatus animo est, utrum protinus in regnum se reciperet, an reverti in Thessaliam posset. inclinavit sententia, ⁵¹suum in Thessaliam agmen demittere^y, Triccamque proximis limitibus petit: inde obvias urbes raptim peragravit. Homines, qui sequi possent, sedibus excibat: oppida incendebat: rerum suarum, quas possent, ferendarum secum dominis jus fiebat: cetera militis præda erat. nec, quod ab hoste crudelius pati possent, reliqui quidquam fuit, quam quæ ab sociis patiebantur. Hæc etiam facienti Philippo acerba erant, sed e terra, mox futura hostium, corpora saltem eripere sociorum volebat. ita evastata sunt oppida, Phacium, Iresia, Euhydrium, Eretria, Palæpharus^z. Pheras quum peteret, exclusus, quia res egebat mora, si expugnare vellet, nec tempus erat, omisso incepto, in Macedoniam transcendit. Nam etiam Ætolos adpropinquare fama erat. qui, audito prælio, quod circa amnem Aoum factum erat, proximis prius evastatis circa Sperchias et Macran (quam vocant) Comen, transgressi inde in Thessaliam, Cymines et Angeas primo inpetu potiti sunt. a Metropoli, dum vastant agros, concursu oppidanorum ad tuenda mœnia facto, repulsi sunt. Callithera inde adgressi, similem inpetum oppidanorum pertinacius sustinuerunt: compulsisque intra mœnia, qui eruperant, contenti ea victoria, quia spes nulla admodum expugnandi erat, abscesserunt. Theuma inde et Calathana viros expugnant diripiuntque. Acharras^a per deditionem receperunt. Xyniæ simili metu a cultoribus desertæ sunt.

Rex in Macedonia
redit.
Ætoli vastant Thessaliam.

^x die ingenti itinere agminis (et metus urgebat) Gron. Crev. ^y dimitteret Eæd.
^z Palæphatus Crev. ^a Achorras Gron. Crev.

lotis autem nomen est Geographis ignotum. Gronovius emendat ex conjectura: Locus quem ita vocant, est Stymphaliam inter et Elimiotidem. Stymphalia et Elimiotis sunt regionculæ in Macedonia non procul ab Aoo flumine.

⁴⁹ Ingenti itinere agminis] Quod iter erat ingens agmini armatorum. Blanditur tamen Gronovii emendatio, quam firmant duo Hearnii codd. et Victor. et Andreas . . . die (ingens iter agminis, sed metus urgebat) in montem. Sic plane illi libri, nisi quod habent et pro sed.

⁵⁰ In montem Lingon pervexit. Ipsi montes Epiri sunt] Et ipsa orationis structura numerorumque in eadem re varietas, et nomen montis parum notum, videntur arguere depravatam hoc loco scripturam. Sed ad eam corrigendam frustra sine libris aggredemur.

⁵¹ Suum in Thessaliam agmen dimitteret] Recte videtur reponere Gronovius: Inclinauit sententia citum in Thessaliam agmen demittere. Sic l. XXVIII. c. 25. Inclinauit sententia . . . universos ire.

U. C. 554. Hoc sedibus suis extorre agmen ⁵² in præsidium incidit, A. C. 198. quod Athamanum, quo tutior frumentatio esset, ducebatur: incondita inermisque multitudo, mixta inbelli turba, ab armatis cæsa est. Xyniæ desertæ diripiuntur. Cyphara inde Ætoli capiunt, opportune Dolopiæ imminens castellum. Hæc raptim intra paucos dies ab Ætolis gesta. Nec Amynander atque Athamanes, post famam prosperæ pugnæ Romanorum, quieverunt.

Amynandri
res gestæ.

XIV. Ceterum Amynander, quia suo militi parum fidebat, petito ab consule modico præsidio, quum Gomphos peteret, oppidum protinus nomine ⁵³ Phecam, situm inter Gomphos faucesque angustas, quæ ab Athamania Thessaliam dirimunt, vi cepit. inde Gomphos adortus, et per aliquot dies summa vi urbem tuentes, quum scalas ad mœnia erexisset, ⁵⁴ eodem metu perpulit ad deditionem. Hæc traditio Gomphorum ingentem terrorem Thessalis intulit. dedidit deinceps sese, qui Argenta, quique Pherinum, et Thimarum, et Lasinas, et Stimonem, et Lampsum habent, aliaque castella juxta ignobilia. Dum Athamanes Ætolique, submoto Macedonum metu, ⁵⁵ in aliena victoria suam prædam faciunt, Thessaliaque a tribus simul exercitibus, incerta quem hostem, quemve socium crederet, vastatur; consul faucibus, quas fuga hostium aperuerat, in regionem Epiri transgressus, etsi probe scit, cui parti, Charopo principe excepto, Epirotæ favissent; tamen, quia ⁵⁶ ab satisfaciendi quoque cura imperata enise facere videt, ex præsentibus eos potius, quam ex præterito, æstimat habitu, et ⁵⁷ ea^b ipsa facilitate veniæ animos eorum in posterum conciliat. Missis deinde nunciis Coreyram, ut onerariæ naves in sinum venirent Ambracium; ipse, progressus modicis itineribus, quarto die in monte Cercetio posuit castra, eodem Amynandro cum suis auxiliis adcito; non tam virium ejus egens, quam ut duces in Thessaliam haberet. ab eodem consilio et plerique Epirotarum voluntarii inter auxilia accepti.

Epirotis ignoscit consul.

^b ea del. Gron.

⁵² In præsidium . . . quod Athamanum] Unus codex e Gronovianis, assentiente Victorino, quod Thaumacum. Inde Rubenius efficit, quod Thaumacos . . . ducebatur, quæ urbs est Thessaliæ supra c. 4. descripta: Gronovius, quod Ithomen, qui locus est Metropolitæ regionis.

⁵³ Phecam] Eadem videtur esse urbs quæ l. XXXI. c. 41. dicitur Phecadus.

⁵⁴ Eodem metu perpulit ad deditionem] Quonam metu! Optime emendat Perizonius, Animadv. llist. c. 2. eo demum metu, id est, metu erecta-

rum jam ad mœnia scalarum. Sic l. I. c. 5. ubi vulgo legitur, sciscitandoque eodem pervenit, monuimus legendum videri eo demum.

⁵⁵ In aliena victoria suam prædam faciunt] Quum alii, nempe Romani, vicissent, prædam sibi vindicant.

⁵⁶ Ab satisfaciendi quoque cura] Vel ob ipsam curam satisfaciendi pro admissa culpa.

⁵⁷ Ea ipsa facilitate] Addidit Cle-ricus vocem ea, obsecutus Gronovio, qui illam in scriptis et vet. editis ex-stare monet. Victor. quoque cod. eam servat.

XV. Primam urbium Thessaliæ Phaloriam^c est adgressus. U. C. 554. duo millia Macedonum in præsidio habebat, qui primo A. C. 198. summa vi restiterunt, quantum arma, quantum mœnia tueri Phaloriam in Thessalia poterant; sed obpugnatio continua, non die, non nocte remissa, (⁵⁸quum consul in eo verti crederet ceterorum Thessalorum animos, si primi vim Romanam non sustinuissent) vicit pertinaciam Macedonum. Capta Phaloria, legati ⁵⁹a Metropoli et a Piera dedentes urbes venerunt. venia eisdem petentibus datur. Phaloria incensa ac direpta est. Inde Æginium petit. quem locum quum vel modico præsidio tutum ac prope inexpugnabilem vidisset, paucis in stationem proximam telis coniectis, ad Gomphorum regionem agmen vertit. ⁶⁰degressusque^d in campos Thessaliæ, quum jam omnia exercitui deessent, quia Epirotarum pepercerat agris, explorato ante, utrum Leucadem, an sinum Ambracium onerariæ tenuissent, frumentatum Ambraciam ⁶¹in vicem cohortes misit. et est iter a Gomphis Ambraciam, sicut in-peditum ac difficile, ita spatio perbreui. Intra paucos itaque dies, transvectis a mari commeatibus, repleta omni rerum copia sunt castra. Inde ⁶²Atracem est profectus. de-^{Atrax ob-}cessa. cem ferme millia ab Larissa abest: ex Perrhæbia^e oriundi sunt: sita est urbs super Peneum amnem. Nihil trepidavere Thessali ad primum adventum Romanorum. Et Philippus, sicut in Thessalam ipse progredi non audebat, ita, intra Tempe stativis positus, ut quisque locus ab hoste tentabatur, præsidia per occasiones submittebat.

XVI. Sub idem fere tempus, quo consul adversus Philip-pum primum in Epiri faucibus castra posuit, et L. Quinctius, frater consulis, cui classis cura maritimæque oræ im-perium mandatum ab senatu erat, cum duabus quinquere-mibus Corcyram transvectus, postquam profectam inde classem audivit, nihil morandum ratus, quum ⁶³ad Zamam

L. Quinctii
res gestæ.

^c Phaleriam Gron. Crev. Sic semper. ^d digressusque Eæd. ^e Perræbia Gron.

⁵⁸* Quum consul in eo verti crederet... animos] Quum consul crederet ex eo pendere, quales animos ceteri Thessali erga Romanos habituri essent, si primi vim Romanam non sustinuissent: ita demum ceteros Thessalos inclinari posse ad Romanos, si ii qui primi oppugnati forent vim Romanam non sustinuissent.

⁵⁹ A Metropoli et a Piera] Loco posterioris nominis legit Sigonius Pitalia, quæ urbs est Thessaliæ, teste Stephano. Pieria est regio Macedoniæ. Pieram urbem nullam novimus.

⁶⁰* Degressusque in campos] Melius degressus. Ex ardua et montana regione consul descenderat in campos

Thessaliæ.

⁶¹* Invicem] Alternatim, ita ut in orbem cohortes omnes eo munere fungerentur.

⁶² Atracem] Certa et proba Gronovii emendatio, quam extra omnem dubitationem ponunt hæc verba l. XXXIII. c. 4. ad Atracem vi pulsos Romanos. Libri hoc loco corrupti erant, habebantque ad Rhagen, vel ad regem.

⁶³ Ad Zamam insulam] Glareanus emendat Zacynthum. Sigonius putat esse eam, quæ vulgo dicitur Same, quam perlique eandem esse cum Cephallenia insula esse putant, Plinius et Mela diversam faciunt.

U. C. 554. insulam adsecutus esset, dimisso L. Apustio, cui successerat,
 A. C. 198. tarde inde ad Maleam, trahendis plerumque remulco navibus,
 quæ cum commeatu sequebantur, pervenit. A Malea, jussis
 ceteris, quantum maxime possent ⁶⁴maturate, sequi, ipse tri-
 bus quinquereimibus expeditis ⁶⁵Piræeum præcepit, accepit-
 que naves ibi relictas ab L. Apustio legato ad præsidium
 Athenarum. Eodem tempore duæ ex Asia classes profectæ,
 Classis At- ⁶⁶una cum Attalo rege; (eæ quatuor et viginti quinquere-
 tali et Rho- ⁶⁶mes erant) Rhodia altera, viginti navium tectarum: Age-
 diorum. simbrotus præerat. Hæ circa Andrum insulam classes con-
 junctæ Eubœam, inde exiguo distantem freto, trajecerunt.
 Carystiorum primum agros vastarunt: deinde, ubi Carys-
 tus, præsidio a Chalcide raptim misso, firma visa est, ad
 Eretriam accesserunt. Eodem et L. Quinctius cum iis na-
 vibus, quæ Piræei fuerant, Attali regis adventu audito, ven-
 nit, ⁶⁷jussitque, ut, quæ ex sua classe venissent naves, Eu-
 bœam peterent. Eretria summa vi obpugnabatur. nam et
 Eretria ob- ⁶⁷trium junctarum classium naves omnis generis tormenta
 pugnata. machinasque ad urbium excidia secum portabant, et agri
 adfatim materiæ præbebant ad nova molienda opera. Oppi-
 dani primo haud impigre tuebantur mœnia: deinde fessi
 vulneratique aliquot, quum et muri partem eversam operi-
 bus hostium cernerent, ad deditionem inclinarunt. sed præ-
 sidium erat Macedonum, quos non minus, quam Romanos,
 metuebant; et Philocles regius præfectus a Chalcide nun-
 cios mittebat, se in tempore adfuturum, si sustinerent obsi-
 dionem. Hæc mixta metu spes ultra, quam vellent, aut
 quam possent, trahere eos tempus cogebat. deinde, post-
 quam Philoclem repulsum trepidantemque refugisse Chalci-
 dem acceperunt, oratores extemplo ad Attalum, veniam
 fidemque ejus petentes, miserunt. Dum in spem pacis
 intenti segnius munera belli obeunt, et ea modo parte, qua
 murus dirutus erat, ceteris neglectis, stationes armatas ob-
 Capitulum. ponunt; Quinctius, noctu ab ea parte, quæ minime sus-
 pecta erat, inpetu facto, scalis urbem cepit. Oppidanorum
 omnis multitudo cum conjugibus ac liberis in arcem confu-
 git: deinde in deditionem venit. Pecuniæ aurique et ar-
 genti haud sane multum fuit: signa, tabulæ priscæ artis,

⁶⁴ *Maturate sequi*] Magis placeret *maturare sequi*, quod habent antiqui editi, teste Gronovio in nota ad l. XXXIX. c. 45.

⁶⁵ *Piræeum præcepit*] Antecedens reliquam classem, Piræeum tenuit.

⁶⁶ *Una cum Attalo rege*] Docet Livius infra c. 27. Antiochum legatorum Romanorum auctoritate motum, Attali finibus exercitum deduxisse. Hoc itaque metu liber Attalus potuit pro

more Romanos juvare classe. Vid. supra c. 8.

⁶⁷ *Jussitque ut*] Notanda locutio. Verbo enim *jubere* subjungitur fere verbum infiniti modi. *Magis et ad vulgatum loquendi morem, et ad rem quoque præsentem congrueret oratio, si legeres: *jussitque, ut quæque ex sua classe venissent naves, Eubœam peterent.*

ornamenta^{que} ejus generis plura, quam pro urbis magnitudine aut opibus ceteris, inventa. U. C. 554.
A. C. 198.

XVII. Carystus inde repetita; unde, priusquam e na-
vibus copię exponerentur, omnis multitudo, urbe deserta, Carystus
capta.
in arcem confugit. Inde ad fidem ab Romano petendam
oratores mittunt. oppidanis extemplo vita ac libertas con-
cessa est: Macedonibus ⁶⁸trecenti nummi in capita statu-
tum est pretium, et ut armis traditis abirent. Hac summa
redempti, in Boëtiā inermes trajecti. Navales copię,
duabus claris urbibus Eubœæ intra dies paucos captis, cir-
cumvectæ Sunium Atticæ terræ promontorium, Cenchreas
Corinthiorum emporium petierunt. Consul interim om-
nium spe ⁶⁹longiorem atrocioremque obpugnationem ha-
buit: et ea, qua minimum credidisset, resistebant hostes.
nam omnem laborem in muro diruendo crediderat fore: si
aditum armatis in urbem patefecisset, fugam inde cædem-
que hostium fore, qualis captis urbibus fieri solet. ceterum
postquam, parte muri arietibus decussa, per ipsas ruinas
transcenderunt in urbem armati, illud principium velut novi
atque integri laboris fuit. nam Macedones, qui in præsidio
erant et multi et delecti, gloriam etiam egregiam rati, si
armis potius et virtute, quam mœnibus, urbem tuerentur,
conferri, pluribus introrsus ordinibus acie firmata, quum
transcendere ruinas sensissent Romanos, per inpeditum ac
difficilem ad receptum locum expulerunt. In consul ægre
passus, nec eam ignominiam ad unius modo expugnandæ
moram urbis, sed ad summam universi belli, pertinere ra-
tus, quod ex momentis parvarum plerumque rerum pende-
ret, purgato loco, qui strage semirutū muri cumulatū erat,
turrem^f ingentis altitudinis, magnam vim armatorum mul-
tiplici tabulato portantem, promovit: et cohortes in vicem
sub signis, quæ cuneum Macedonum, (phalangem ipsi vo-
cant) si possent, vi perumperent, emittebat. Sed ad loca
angusta, haud late patente intervallo diruti muri, genus ar-

Atrax per-
tinaciter
defenditur.

^f *turrim* Gron. Crev.

⁶⁸ *Treceni nummi*] Quales hi num-
mi? Græcine an Romani? Drachmas
intelligendas esse facile crediderimus.
Id ut suspicemur, faciunt pretia in
capita Romanorum constituta ab An-
nibale post pugnam Cannensem, su-
pra l. XXII. c. 58. *equiti quingeni
quadrigati nummi, pediti treceni.*
Quadrigati enim, denarii sunt, quibus
pares drachmæ. *Trecentæ* drachmæ
efficiunt marcas argenti nostrates 4.
cum quinque uncis et semuncia. Ce-
terum edidimus *treceni*, pro *trecenti*,
ita volentibus Thuan. et Vict. codici-
bus, et postulante sermonis proprie-

tate.

⁶⁹ *Longiorem atrocioremque oppug-
nationem*] Non immerito existimat
Gronovius legendum, *longiorem Atracis*,
vel ad *Atracem oppugnationem*.
Sic clarior procedit oratio. Et conve-
niebat profecto Livium, dum hic re-
petit narrationem oppugnationis hu-
jus urbis, aliis interpositis rebus ali-
quantisper omissam, nomen ejus ap-
ponere: quod quidem, quum parum
celebre sit, opportunum fuit corrup-
toribus, qui illud jam priore loco, su-
pra c. 15. vitiaverant.

U. C. 554. morum pugnæque hosti aptius erat. ubi conferti hastas
 A. C. 198. ingentis longitudinis præ se Macedones objecissent, velut
 in constructam densitate clipeorum testudinem Romani,
 pilis nequidquam emissis, quum strinxissent gladios; neque
 congredi propius, neque præcidere hastas poterant: et, si
 quas^g incidissent, aut præfregissent, hastilia^h fragmento
 ipso aucto, inter spicula integrarum hastarum,⁷⁰ velut val-
 lum explebantⁱ. Ad hoc et muri pars adhuc integra utra-
 que tuta præstabat latera: nec ex longo spatio aut ceden-
 dum, aut inpetus faciendus erat; quæ res turbare ordines
 solet. Accessit etiam fortuita res ad animos eorum firman-
 dos. nam quum turris per aggerem parum densati soli age-
 retur, rota una in altiore orbitam depressa ita turrim in-
 clinavit, ut speciem ruentis hostibus, trepidationemque in-
 sanam superstantibus armatis præbuerit.

Re infecta
 abit Cos.

Phocidis ur-
 bes ab eo
 captæ.

XVIII. Quum parum quidquam succederet, consul mi-
 nime æquo animo comparisonem militum generis armo-
 rumque fieri patiebatur: simul nec maturam expugnandi
 spem, nec rationem procul a mari et in evastatis belli cladi-
 bus locis hibernandi ullam cernebat. itaque relicta obsi-
 dione, quia nullus in tota Acarnaniæ atque Ætoliæ ora
 portus erat, qui simul et omnes onerarias, quæ com meatum
 exercitui portabant, caperet, et tecta ad hibernandum le-
 gionibus præberet,⁷¹ Anticyra in Phocide, in Corinthium
 versa sinum, ad id opportunissime sita visa: quia nec pro-
 cul Thessalia hostiumque locis abibant; et ex adverso
 Peloponnesum exiguo maris spatio divisam, ab tergo Æto-
 liam Acarnaniamque, ab lateribus Locridem ac^k Bœotiam
 habebant. Phocidis primo inpetu Phanoteam sine certa-
 mine cepit. Anticyra haud multum in obpugnando præ-
 buit moræ. Ambrysus inde Hyampolisque receptæ. Dau-
 lis, quia in tumulo excelso sita est, nec scalis, nec operibus
 capi poterat. lacessendo missilibus eos, qui in præsidio
 erant, quum ad excursions elicuissent, refugiendo in vicem
 insequendoque, et levibus sine effectum certaminibus, eo
 negligentia et contemptus adduxerunt, ut cum refugientibus
 in portam permixti inpetum Romani facerent. Sex alia
 ignobilia castella Phocidis terrore magis, quam armis, in
 potestatem venerunt. Elatia clausit portas: nec, nisi vi co-

^g quam Gron. Crev.

^h hostile Eæd.

ⁱ explebat Eæd.

^k et Eæd.

70 * *Velut vallum explebat*] Valli nomine designat Livius porrectas Macedonum farissas, quæ velut vallo aciem illorum sepiebant. Vallum autem illud explebatur etiam per concisa fractave hastilia, ita ut nihil in eo vacui, nihil hiantis aut aperti, esset.

71 *Anticyra in Phocide*] Eam Li-

vius, l. XXVI. c. 26. in Locride posuit. Sed nimirum fines Phocidis et Locridis ad maris oram sunt admodum incerti. Hinc illa inconstantia, et diversorum auctorum inter se, sæpe etiam unius auctoris secum ipso pugna. Vid. Cellar. *Geograph. Antiquæ* l. II. c. 13.

gerentur, recepturi mœnibus videbantur aut ducem, aut exercitum Romanum. U. C. 554.
A. C. 198.

XIX. Elatiam obsidenti consuli rei majoris spes adfulsit, Achæorum gentem ab societate regia ad Romanam amicitiam avertendi. Cycliadam, principem factionis ad Philippum trahentium res, expulerant. Aristænus, qui Romanis gentem jungi volebat, prætor erat. Classis Romana cum Attalo et Rhodiis Cenchreis stabat, parabantque communi omnes consilio Corinthum obpugnare. Optimum igitur ratus est, priusquam eam rem adgrederentur, legatos ad gentem Achæorum mitti, pollicentes, si ab rege ad Romanos defecissent, ⁷² Corinthum iis contributuros in antiquum gentis concilium. Auctore consule, legati a fratre ejus L. Quinctio, et Attalo, et Rhodiis, et Atheniensibus, ad Achæos missi. Sicyone datum iis est concilium. Erat autem non admodum simplex habitus animorum inter Achæos. terrebat eos Lacedæmonius, gravis et assiduus hostis: horrebant Romana arma: Macedonum beneficiis et veteribus et recentibus obligati erant: regem ipsum suspectum habebant pro ejus crudelitate perfidiaque: neque ex iis, quæ tum ad tempus faceret, æstimantes, graviolem post bellum dominum futurum cernebant. neque solum, quid in senatu quisque civitatis suæ, aut in communibus conciliis gentis pro sententia dicerent, ignorabant: sed ne ipsis quidem secum cogitantibus, quid vellent, aut quid optarent, satis constabat. Ad homines ita incertos introductis legatis potestas dicendi facta est. Romanus primum legatus L. Calpurnius, deinde Attali regis legati, post eos Rhodii disseruerunt. Philippi deinde legatis dicendi potestas facta est. postremi Athenienses, ut refellerent Macedonum dicta, auditi sunt. Ii fere atrocissime in regem, quia nulli nec plura, nec tam acerba passi erant, invecti sunt. Et illa quidem concio sub occasum solis, tot legatorum perpetuis orationibus die absumto, dimissa est.

Elatia obsessa.

Legati a Romanis et eorum sociis ad Achæos. Achæorum fluctuans et incerta mens.

Audiunt legatos.

XX. Postero die advocatur concilium; ubi quum per præconem, sicut Græcis mos est, suadendi, si quis vellet, potestas a magistratibus facta esset, nec quisquam prodiret; diu silentium aliorum alios intuentium fuit. neque mirum, si, quibus sua sponte, volutantibus res inter se pugnantes, obtorpuerant quodammodo animi, eos orationes quoque insuper turbaverant, utrimque quæ difficilia essent, promendo admonendoque, per totum diem habitæ. Tandem Aristænus prætor Achæorum, ne tacitum concilium dimit-

Silentium inter Achæos.

⁷² Corinthum iis contributuros in antiquum] Corinthus ab Arato quondam furto unius noctis intercepta, Achæis contributa fuerat: mox, ur-

gentibus Cleomenis regis Spartanorum armis, Antigono et Macedonibus red-dita. Vid. Plut. in Arato.

U. C. 554.
A. C. 198.
Aristænus
prætor eos
hortatur ut
expromant,
quid senti-
ant.

Frustra.

Pergit Ari-
stænus.

teret, *Ubi, inquit, illa certamina animorum, Achæi, sunt, quibus in conviviis et circulis, quum de Philippo et Romanis mentio incidit, vix manibus temperabatis? Nunc in concilio, ad eam rem unam indicto, quum legatorum utrimque verba audieritis, quum referant magistratus, quum præco ad suadendum vocet, obmutuistis. Si non cura communis salutis, ne studia quidem, quæ in hanc aut illam partem animos vestros inclinarunt, vocem cuiquam possunt exprimere? quum præsertim nemo tam hebes sit, qui ignorare possit, dicendi ac suadendi, quod quisque aut velit, aut optimum putet, nunc occasionem esse, priusquam quidquam decernamus. Ubi semel decretum erit, omnibus id, etiam quibus ante displicuerit,*⁷³*pro bono atque utili fœdere defendendum. Hæc adhortatio prætoris*⁷⁴*non modo quemquam unum elicit ad suadendum; sed ne fremitum quidem aut murmur concionis tantæ, ex tot populis congregatæ, movit.*

XXI. Tum Aristænus prætor rursus: ⁷⁵*Non magis consilium vobis, principes Achæorum, deest, quam lingua: sed suo quisque periculo in commune consultum non vult. Forsitan ego quoque tacerem, si privatus essem. nunc prætor video, aut non dandum concilium legatis fuisse, aut inde sine responso eos dimittendos non esse. Respondere autem, nisi ex vestro decreto, qui possum? Et quando nemo vestrum, qui in hoc concilium advocati estis, pro sententia quidquam dicere vult, aut audet; orationes legatorum, hesterno die dictas, pro sententiis percenseamus; perinde ac¹ non postulaverint, quæ e re sua essent, sed suaserint, quæ nobis censerent utilia esse. Romani Rhodique et Attalus societatem amicitiamque nostram petunt: et in bello, quod adversus Philippum gerunt, se a nobis adjuvari æquum censent. Philippus societatis secum admonet et jurisjurandi: et^m modo postulat, ut secum stemus; modo, ne intersimus armis, contentum ait se esse. Nulline venit in mentem, cur, qui nondum socii sunt, plus petant, quam socius? Non fit hoc neque modestia Philippi, neque inpudentia Romanorum.*⁷⁶*Achæi portus et dant fiduciam postulantibus, et de-*

¹ ac si Grou. Crev.

^m et del. Eæd.

⁷³ *Pro bono atque utili fœdere defendendum*] Recte videtur Perizonius emendare: *fore defendendum*. Habet quiddam inconcinni vulgata lectio: *id*, nempe quod decretum erit, *pro bono atque utili fœdere defendendum*. Quid si fœdus non decernatur, sed Cleomedonti pareatur, qui, ut apparet ex oratione sequenti, suadebat Achæis, ut quiescerent armisque absternerent? *Fore defendendum*, ut infra, l. XXXVIII. c. 59. *fore erubescendum*.

⁷⁴ *Non modo quemquam unum*] Non modo non. Hoc jam sæpe obser-

vavimus.

⁷⁵ * *Non magis consilium*] Non magis vobis deest quid sentiatis et statuat is apud animos vestros de re præsentis, quam lingua, qua sensa animi enuncietis. *Consilium* hic fere eodem modo dicitur a Livio, quo supra XXXVIII. 27. *nec consilium, nec oratio suppeditat*.

⁷⁶ *Achæi portus*] Illic a Sigonio sensus suggeritur: Achæi portus dant fiduciam Romanis classem victricem habentibus; Philippo demunt, cujus præter legatum nihil videmus. At credi-

munt. Philippi præter legatum videmus nihil. Romana classis U. C. 554.
ad Cenchreas stat, urbium Eubææ spolia præ se ferens: consu- A. C. 198.
lem legionesque ejus, exiguo maris spatio disjunctas, Phocidem
ac Locridem pervagantes videmus. Miramini, cur diffidenter
Cleomedon legatus Philippi, ut pro rege arma caperemus ad-
versus Romanos, modo egerit: qui, si ex eodem fœdere ac ju-
rejurando, cujus nobis religionem injiciebat, rogemus eum, ut
nos Philippus et ab Nabide ac Lacedæmoniis et ab Romanis
defendat, non modo præsidium, quo nos tueatur, sed ne quid
respondeat quidem nobis, sit inventurus. non, Hercle, magis,
quam ipse Philippus priore anno, qui, pollicendo se adversus
Nabidem bellum gesturum, quum tentasset nostram juventu-
tem hinc in Eubæam extrahere; postquam nos neque decernere
id sibi præsidium, neque velle inligari Romano bello vidit,
oblitus societatis ejus, quam nunc jactat, vastandos depopulan-
dosque Nabidi ac Lacedæmoniis reliquit. Ac mihi quidem
minime conveniens inter se oratio Cleomedontis visa est. Ele-
vabat Romanum bellum, eventumque ejus eundem fore, qui
prioris belli, quod cum Philippo gesserint, dicebat. Cur igi-
tur nostrum ille auxilium absens petit potius, quam præsens
nos veteres socios simul ab Nabide ac Romanis tueatur?
Nos, dico? quid ita passus est Eretriam Carystumque capi?
quid ita tot Thessaliæ urbes? quid ita Locridem Phocidem-
que? quid ita nunc Elatiam obpugnari patitur? cur excessit
faucibus Epiri claustrisque illis inexpugnabilibus super Aoum
amnem, aut vi, aut metu, aut voluntate, relictoque, quem insi-
debat, saltu, penitus in regnum abiit? Si sua voluntate tot so-
cios reliquit hostibus diripiendos, quid recusare potest, quin et
socii sibi consulant? si metu, nobis quoque ignoscat timentib-
us. si victus armis cessit, Achæi arma Romana sustinebimus,
Cleomedon, quæ vos Macedones non sustinuistis? ⁷⁷ An tibi
potius credamus, Romanos non majoribus copiis nec viribus
nunc bellum gerere, quam antea gesserint, potius quam res
ipsas intueamur? Ætolois tum classe adjuverunt: ⁷⁸ nec duce
consulari, nec exercitu bellum gesserunt: sociorum Philippi
maritimæ urbes in terrore ac tumultu erant: mediterranea
adeo tuta ab Romanis armis fuerunt, ut Philippus Ætolos,

bile non est Livium hoc velut ænigmate torquere voluisse lectoris mentem. Gronovius merito existimat hunc locum corruptum esse, ac pro his vocibus *Achæi portus*, sensum requirere, *sui exercitus, suæ vires*, aut aliud quid simile.

⁷⁷ *An tibi potius credamus . . . potius quam]* Additur secundo potius, ut clarior procedat oratio, et quia *et* quam longiusculo intervallo distat a priore illo potius. Vid. similium pleonas-

morum exempla in notis ad l. IX. c. 7. et ad l. XXII. c. 15.

⁷⁸ *Nec duce consulari, nec exercitu]* Non consulares, sed consules duces posterius hoc bellum adversus Philip-pum gerunt. Infra, *Tertius jam consul summa vi gerit bellum. Lege ergo: nec duce consule, nec exercitu consulari: vel, nec duce, nec exercitu consulari, ita ut ex sensu in priore membro suppleas consule.*

U. C. 554. *nequidquam opem Romanorum inplorantes, depopularetur.*
 A. C. 198. *Nunc autem defuncti bello Punico Romani, quod per sexdecim annos velut intra viscera Italiae toleraverunt, non praesidium Aetolis bellantibus miserunt, sed ipsi duces belli arma terra marique simul Macedoniae intulerunt. Tertius jam consul summa vi gerit bellum. Sulpicius, in ipsa Macedonia congressus, fudit, fugavitque regem; partem opulentissimam regni ejus depopulatus: nunc Quinctius tenentem claustra Epiri, natura loci, munimentis, exercituque fretum, castris exiit: fugientem in Thessaliam persecutus, praesidia regia sociasque ejus urbes prope in conspectu regis ipsius expugnavit. Ne sint vera, quae Athenienses modo legati de crudelitate, avaritia^a, libidine regis dixerunt: nihil ad nos pertineant, quae in terra Attica scelera in superos inferosque Deos sunt admissa: ⁷⁹ multo minus^o, quae Ciani Abydenique, ⁸⁰ qui procul a nobis absunt, passi sunt: nostrorum ipsi vulnere, si vultis, obliviscamur; caedes direptionesque bonorum Messenae in media Peloponneso factas; et ⁸¹ hospitem Cyparissiae Garitenem contra jus omne ac fas inter epulas prope ipsas occisum: et ⁸² Aratum patrem filiumque Sicyonios, quum senem infelicem parentem etiam adpellare solitus esset, interfectos; filii etiam uxorem libidinis causa in Macedoniam asportatam: ⁸³ cetera stupra virginum matronarumque oblivioni dentur: ne sint cum Philippo res, cujus crudelitatis metu obmutuistis omnes: (nam quae alia tacendi advocatis in concilium causa est?) cum ⁸⁴ Antigono, mitissimo ac justissimo rege, et de nobis omnibus optime merito, existimemus disceptationem esse: num id postulare facere nos, quod tum fieri non posset? Peninsula est Peloponnesus, angustis Isthmi faucibus continenti adhærens, nulli apertior neque^p opportunior, quam navali, bello. si centum tectae naves, et quinquaginta leviores apertae, et triginta Issaici lembi maritimam oram vastare, et expositas prope in ipsis litoribus urbes*

^a et libid. Gron. Crev. ^o quam quæ Gron. ^p atque Gron. Crev.

⁷⁹ *Multo minus, quæ Ciani*] Vulgo minus quam quæ. Ejecimus particulam quam, quam Andreas ignorat, et contextus ipse orationis repudiat. Ideo enim post nomina Cianorum Abydenorumque subjungitur, qui procul a nobis absunt, ut significetur eorum injurias minus ad Achæos pertinere, quam Atheniensium. De Cianorum excidio vid. Polyb. l. XV. Porro recte reposuit Sigonius Ciani, quum olim legeretur Clunii.

⁸⁰ *Qui procul a nobis absunt*] Quorumque adeo injuriæ minus, quam Atheniensium, ad nos pertinent.

⁸¹ *Hospitem Cyparissiae Garitenem*] De hoc Garitene nihil comperimus, Cyparissia est oppidum Messeniae.

⁸² *Aratum patrem filiumque . . . interfectos*] Vid. Plut. in Arato. Quamquam ille quidem Aratum juniorem non interfectum a Philippo, sed medicamentis quibusdam, quæ moverent mentem et alienarent, ad insaniam adactum memorat.

⁸³ *Cetera stupra*] Vid. nostrum, l. XXVII. c. 31.

⁸⁴ *Antigono*] Hic Antigonus frater patruelis Demetrii, qui pater Philippi fuit, tutorque Philippi impuberis, ac rex Macedonum fuerat. Is Achæorum gentem Macedonibus devinxerat. De ejus miti ingenio ceterisque virtutibus multa habent Polyb. libb. II. et V. Plut. in Emilio et Arato.

cœperint obpugnare, in mediterraneas scilicet nos urbes recipimus? tamquam non intestino et hærente in ipsis visceribus uramur bello? Quum terra Nabis et Lacedæmonii, mari Romana classis urgebunt; unde regiam societatem et præsidia Macedonum inplorem? an ipsi nostris armis ab hoste Romano tutabimur urbes, quæ obpugnabuntur? egregie enim Dymas priore bello sumus tutati. Satis exemplorum nobis alienæ clades præbent: ne quæramus, quemadmodum ceteris exemplo simus. Nolite, quia ultro Romani petunt amicitiam, id, quod optandum vobis ac summa ope petendum erat, fastidire. metu enim videlicet compulsi in aliena terra, quia sub umbra auxilii vestri latere volunt, in societatem vestram confugiunt, ut portibus vestris recipiantur, ut commeatibus utantur. Mare in potestate habent; terras, quascumque adeunt, extemplo ditionis suæ faciunt. Quod rogant, cogere possunt: quia pepercisse volunt, committere vos, cur pereatis, non patiuntur. Nam quod Cleomedon modo, tamquam mediam et tutissimam vobis viam consilii, ut quiesceretis abstinereisque armis, ostendebat; ea non media, sed nulla via est. Etenim, præterquam quod aut accipienda, aut adspernanda vobis Romana societas est, quid aliud quam nusquam gratia stabili, velut qui eventum exspectaverimus, ut fortunæ adplicaremus nostra consilia, præda victoris erimus? Nolite, si, quod omnibus votis petendum erat, ultro obfertur, fastidire. Non, quemadmodum hodie utrumque vobis licet, sic semper liciturum est. nec sæpe, nec diu eadem occasio erit. Liberare vos a Philippo jamdiu magis vultis, quam audetis. Sine vestro labore et periculo qui vos in libertatem vindicarent, cum magnis classibus exercitibusque mare trajecerunt. Hos si socios adspernamini, vix sanæ mentis estis: sed, aut socios, aut hostes habeatis, oportet.

XXII. Secundum orationem prætoris murmur ortum aliorum cum adsensu, aliorum inclementer adsentientes increpantium. et jam non singuli tantum, sed populi universi, inter se altercabantur: tum inter magistratus gentis (damiurgos⁹ vocant: decem numero creantur) certamen nihilo segnius, quam inter multitudinem, esse. quinque relatu-^{Dissensio}ros se de societate Romana aiebant, ^{inter A-}suffragiumque daturus: ^{chæos.}quinque lege cautum testabantur, ⁸⁵ne quid, quod^r adversus Philippi societatem esset, aut referre magistratibus, aut decernere concilio jus esset. Hic quoque dies jurgiis est consumptus. Supererat unus justi concilii dies: (tertio enim lex jubebat decretum fieri) in quem adeo exarsere studia, ut vix parentes ab liberis temperaverint. Rhisiasus (Pelle-

⁹ demiurg. Gron. Crev. . ^r ne quod adv. Gron.

⁸⁵ * Suffragiumque daturus] Et daturus facultatem ferendi super ea re suffragii.

⁸⁶ Ne quid, quod] Moniti a Jac. Gronovio reposuimus quid, omissum in recentioribus aliquot editionibus.

U. C. 554. nensis erat) filium damiurgum, nomine Memnonem, habebat, partis ejus, quæ decretum recitari, perrogarique sententias prohibebat. Is, diu obtestatus filium, ut consulere Achæos communi saluti pateretur, neu pertinacia sua gentem universam perditum iret, postquam parum proficiebant preces, juratus se eum sua manu interemtum, nec pro filio, sed pro hoste, habiturum, minis pervicit, ut postero die conjungeret iis se, qui referebant. qui quum plures facti referrent, omnibus fere populis haud dubie adprobantibus relationem, ac præ se ferentibus, quid decreturi essent; Dymæi ac Megalopolitani, et quidam Argivorum, priusquam decretum fieret, consurrexerunt, ac reliquerunt concilium, neque mirante ullo, neque improbante. Nam ⁸⁷Megalopolitanos, avorum memoria pulsos ab Lacedæmoniis, restituerat in patriam Antigonus: et Dymæis, captis nuper direptisque ab exercitu Romano, quum redimi eos, ubicumque servirent, Philippus jussisset, non libertatem modo, sed etiam patriam, reddiderat. Jam Argivi, præterquam quod Macedonum reges ab se oriundos credunt, privatis etiam hospitibus familiarique amicitia plerique inligati Philippo erant. Ob hæc concilio, quod inclinaverat ad Romanam societatem jubendam, excesserunt: veniaque iis hujus secessionis fuit, et magnis et recentibus obligatis beneficiis.

Pacta inter
Achæos et
Romanos
societas.

Corinthus
obpugna-
tur.

XXIII. Ceteri populi Achæorum, ⁸⁸quum sententias perrogarentur, societatem cum Attalo ac Rhodiis præsentī decreto confirmarunt: cum Romanis, quia injussu populi non poterat rata esse, in id tempus, quo Romam mitti legati possent, dilata est. in præsentia tres legatos ad L. Quinctium mitti placuit, et exercitum omnem Achæorum ⁸⁹ad Corinthum admoveri; ⁹⁰captis Cenchreis, jam urbem

¹ demiurg. Gron. Crev.

² sententiæ Ead.

⁸⁷ Megalopolitanos avorum memoria] Cleomenes Lacedæmonius rex Megalopolim cepit ac diruit, teste Polyb. libb. II. et V. Antigonus restituit, haud sane multum antequam morte sua regnum Philippo traderet. Itaque Philippus, qui etiamnum in medio robore virum est, et eversam et restitutam Megalopolim viderat. Unde non satis accuratam videtur Livius temporum rationem habere, quum id factum dicit avorum memoria.

⁸⁸ Quum sententiæ perrogarentur] Affirmat Gronovius, omnes membranas habere cum sententiis perrogarentur, id est, quum sententias rogarentur cuncti Achæorum populi. Victor. cod. servat vulgatam lectionem, quæ quidem nihil habet vitii.

⁸⁹ Ad Corinthum admoveri] Hic, et infra ad Cenchreas versam partem urbis, plerique scripti omittunt ad. Sed vereor ne hæc conjectura sit emendatorum, Liviani moris ignarorum, qui vellent nostri scriptoris orationem ad vulgares plebeia Grammaticæ leges exigere. Livius enim amat præpositiones ad, ab urbium nominibus adjungere, ut passim observare facile est. Quod spectat ad hos locos de quibus nunc agimus, in primo suppressi præpositionem non ægre pateremur, in secundo retentam cupimus.

⁹⁰ Captis Cenchreis, jam urbem ipsam] Intellige Corinthum, cujus urbis Cenchreæ emporium erant et navale, in Saronico sinu, ad mare Ægeum versus.

ipsam Quinctio obpugnante. ⁹¹ Et hi^t quidem e regione U. C. 554.
portæ, quæ fert Sicyonem, posuerunt castra. Romani ad A. C. 198.
Cenchreas versam partem urbis, Attalus, traducto per Isth-
mum exercitu, ab Lechæo, alterius maris portu, obpugna-
bant; primo segnius, sperantes seditionem intus fore inter
oppidanos ac regium præsidium. postquam uno animo om-
nes, et Macedones tamquam communem patriam tuebantur,
et Corinthii ducem præsidii Androstenem, haud secus
quam civem ⁹² et suffragio creatum suo, imperio justo pa-
tiebantur; omnis inde spes ⁹³ pugnantibus in vi, et armis,
et operibus erat. undique aggeres haud facili aditu ad mœ-
nia admovebantur. Aries ex ea parte, quam Romani ob-
pugnabant, aliquantum muri diruerat. in quem locum, quia
nudatus munimento erat, protegendum armis quum Mace-
dones concurrissent, atrox prælium inter eos ac Romanos
ortum est. Ac primo multitudine facile expellebantur Ro-
mani: adsumtis deinde Achæorum Attalique auxiliis, æ-
quabant certamen: nec dubium erat, quin Macedonas Græ-
cosque facile loco pulsuri fuerint. Transfugarum Italico-
rum magna multitudo erat; pars ex Hannibalis exercitu
metu pœnæ a Romanis Philippum secuti, pars navales
socii, relictis nuper classibus, ad spem ⁹⁴ honoratioris mili-
tiæ transgressi. hos desperata salus, si Romani vicissent, ad
rabiam magis, quam audaciam, accendebat. Promonto-
rium est adversus Sicyonem, Junonis quam vocant Acræam,
in altum excurrens: trajectus inde Corinthum, septem mil-
lia ferme passuum. eo Philocles, regius et ipse præfectus,
mille et quingentos milites per Bœotiam duxit. præsto
fuere ab Corintho lembi, qui præsidium id acceptum
Lechæum trajicerent. Auctor erat Attalus, incensis
operibus, omittendæ extemplo obpugnationis. Pertina-
cius Quinctius in incepto perstabat. is quoque ut pro om-
nibus portis disposita vidit ⁹⁵ præsidia regia^u, nec facile
erumpentium inpetus sustineri posse, in Attali sententiam
concessit. ita irritum incepto, dimissis Achæis, reditum ad
naves est. Attalus Piræeum, Romani Corcyram petierunt.

Relicta Co-
rinthi ob-
pugnatio.

^t ii Gron.

^u regis Ead.

⁹¹ Et hi quidem] Sic habet unus e Gronovianis codd. consentiente Victorino: idque aptius visum est quam, quod editur vulgo, et ii.

⁹² Et suffragio creatum, suo imperio justo] Hæc corrupta sunt. Gronovius conjicit: et suffragio creatum suo imperatorem justum.

⁹³ Pugnantibus] Cum eodem Gronovio videmur legere debere oppugnantibus.

⁹⁴ Honoratioris militiæ] Apud Ro-

manos militia terrestris navali honoratior erat: in hanc libertini fere conscribebantur, aut certe tenuiores ex ingenuis, ut supra l. XXII. c. 11. et infra l. XXXVI. c. 2. Vid. et Polyb. l. VI. et Lips. l. 1. de Milit. Rom. Dial. 2.

⁹⁵ Præsidia regia] Gronovianæ editiones regis. Nos elegantius putavimus esse ^u regia, quod habet unus ex Hearnii codd. et noster Victor. Andreadæque editio.

U. C. 554.
A. C. 198.
Elatiam ob-
pugnat Cos.

Capit.

XXIV. Dum hæc ab navali exercitu geruntur, consul, in Phocide ad Elatiam castris positus, primo conloquiis rem per principes Elatiensium tentavit: postquam, nihil esse in manu sua, et plures validioresque esse regiones, quam oppidanos, respondebatur, tum simul ab omni parte operibus armisque urbem est adgressus. Ariete admoto, ⁹⁶ quantum inter turres muri erat prorutum, quum ingenti fragore ac strepitu nudasset urbem, simul et cohors Romana per apertum recenti strage iter invasit; et ex omnibus oppidi partibus, relictis suis quisque stationibus, in eum, qui premebatur inpetu hostium, locum concurrerunt. Eodem tempore Romani et ruinas muri supervadebant, et scalas ad stantia mœnia inferebant. et, dum in unam partem oculos animosque hostium certamen averterat, pluribus locis scalis capitur murus, armatique in urbem transcenderunt. quo tumultu audito, territi hostes, relicto, quem conferti tuebantur, loco, in arcem omnes metu, inermi quoque insequente turba, confugerunt. Ita urbe potitur consul. qua direpta, missis in arcem, qui vitam regiis, si abire vellent inermes, libertatem Elatiensibus pollicerentur, fideque in hæc data, post paucos dies arcem recepit.

Philocli Ar-
gos prodit-
tur.

XXV. Ceterum adventu in Achaiam Philoclis regii præfecti non Corinthus tantum liberata obsidione, sed Argivorum quoque civitas per quosdam principes Philocli prodita est, tentatis prius animis plebis. Mos erat, comitiorum die primo velut ominis caussa prætores pronunciare Jovem, Apollinemque, et Herculem. additum legi erat, ut iis Philippus rex adjiceretur. cujus nomen post pactam cum Romanis societatem quia præco non adjecit, fremitus primo multitudinis ortus: deinde clamor subjicientium Philippi nomen, jubentiumque ⁹⁷ legitimum honorem usurpare; donec cum ingenti adsensu nomen recitatum est. Hujus fiducia favoris Philocles arcessitus nocte occupat collem imminentem urbi, (Larissam eam arcem vocant) ⁹⁸ positoque ibi præsidio, quum lucis principio signis infestis ad subjectum arci forum vaderet, instructa acies ex adverso obcurrit. Præsidium erat Achæorum nuper inpositum, quingenti fere juvenes delecti omnium civitatum. Ænesidemus Dy-

⁹⁶ Quantum inter turres muri erat prorutum] Quum nudata et aperta urbs fuisset, proruto, cum ingenti fragore ac strepitu, toto illo muri spatio quod inter turres erat.

⁹⁷ • Legitimum honorem usurpare] Exhibere Philippo ex more honorem, quem leges jubebant. † Suspiciatur Gronovius legitimum omen, ut supra velut ominis causa. Quæ quidem conjectu-

ra eo facilius recipi posse videtur, quod et priore illo loco vox honoris perperam intrusa fuerat. Ante Gelenium legebatur velut honoris causa: ille reposuit ominis. Legitimum omen usurpare, est morem solennem sequi in eo omine captando quod legibus jussum erat.

⁹⁸ Positoque ibi præsidio] Magis placeret, inposito.

mæus præerat. ⁹⁹Adhortator a præfecto regio missus, qui U. C. 554. excedere urbe juberet, (¹neque enim pares eos oppidanis A. C. 198. solis, qui idem quod Macedones sentirent, nedum adjunctis Macedonibus, esse, quos ne Romani quidem ad Corinthum sustinuissent) primo nihil, nec ducem, nec ipsos movit: post paullo, ut Argivos quoque armatos ex parte altera venientes magno agmine viderunt, certam perniciem cernentes, omnem tamen casum, si pertinacior dux fuisset, videbantur subituri. Ænesidemus, ne flos Achæorum juventutis simul cum urbe amitteretur, pactus cum Philocle, ut abire illis liceret, ipse, quo loco steterat armatus, cum paucis clientibus non excessit. Missus a Philocle, qui quæreretur, quid sibi vellet? ²nihil fatus, tantummodo, quum projecto præ se clipeo staret, *in præsidio creditæ urbis moriturum se armatum*, respondit. tum jussu præfecti a Thracibus conjecta tela, interfectique omnes. Et post pactam inter Achæos et Romanos societatem duæ nobilissimæ civitates, Argi et Corinthus, in potestate regis erant. Hæc ab Romanis ea æstate in Græcia terra marique gesta.

XXVI. In Gallia nihil sane memorabile ab Sex. Ælio Res Galliæ. consule gestum. quum duos exercitus in provincia habuisset, unum retentum, quem dimitti oportebat, cui L. Cornelius proconsul præfuerat, (ipse ei ³C. Helvium prætorem præfecit) alterum, quem in provinciam adduxit; totum prope annum Cremonensibus Placentinisque ⁴cogendis redire in colonias, unde belli casibus dissipati erant, consumsit. Quemadmodum Gallia præter spem quieta eo anno fuit, ita circa urbem servilis prope tumultus excitatus est. Servilis ⁵Obsides Karthaginensium Setiæ custodiebantur. cum iis, ^{multus.} ut principum liberis, magna vis servorum erat. augebant eorum numerum, ut ab recenti Africo bello, ⁶et ab ipsis

⁹⁹ Adhortator] Hæc vox haud immerito displicet Gronovio: qui quum repererit in uno codice *ad hos tractor*, vere omnino emendat, *ad hos orator*.

¹ Neque enim] Neque enim eos pares esse vel solis oppidanis, qui omnes pro Macedonum partibus starent, nedum pares essent junctis simul oppidanis et Macedonibus.

² Nihil fatus . . . respondit] Hæc non bene inter se conveniunt: frustra que tentat manifeste vitiosam lectionem defendere Gronovius. Idem affert conjecturam viri docti minime aspernandam: *Nihil fatus mutato, vel moto, quum projecto . . .*

³ C. Helvium] Sigonius suum nomen huic prætori restituit ex capp. 7. et 8. hujus libri. Hic corrupte legatur C. Ælium.

⁴ Cogendis redire in colonias] Libenter assentiremur Gronovio delenti supervacaneum verbum *redire*. Vid. not. 10. ad c. 2. supra.

⁵ Obsides Carthaginensium Setiæ custodiebantur] Supra, c. 2. obsides Carthaginensium ab Norba Signiam et Ferentinum traducti dicuntur. Itaque vel priore illo loco legendum *Setiam* pro *Signiam*, vel intelligendi sunt traducti rursus ab Signia *Setiam*.

⁶ Et ab ipsis Setinis] Et hoc loco est etiam. Nempæ præter servos obsidum Carthaginensium, multi alii servi ejusdem nationis erant Setiæ, scilicet captivi empti ex præda, utpote quum recens adhuc esset, nec multo ante finitum, bellum adversus Pœnos Afrosque.

U. C. 554. A. C. 198. *Setinis captiva aliquot nationis ejus ex præda emta mancipia. Quum conjurationem fecissent, missis ex eo numero, qui in Setino agro, deinde circa Norbam et Circeios, servitia sollicitarent; satis jam omnibus præparatis, ludis, qui Setiæ propediem futuri erant, spectaculo intentum populum adgredi statuerant: Setia per cædem et repentinum tumultum capta, Norbam et Circeios occupare. Hujus rei tam fœdæ indicium Romam ad ⁷L. Cornelium Merulam prætorem urbis delatum est. Servi duo ante lucem ad eum venerunt, atque ordine omnia, quæ acta futuraque erant, exposuerunt. Quibus domi custodiri jussis, prætor, senatu vocato edoctoque, quæ indices adferrent, proficisci ad eam conjurationem quærendam atque obprimendam jussus, cum quinque legatis profectus, obvios in agris sacramento rogatos arma capere et sequi cogebat. Hoc tumultuario delectu duobus millibus ferme hominum armatis, Setiam, omnibus, quo pergeret, ignaris, venit. ibi raptim principibus conjurationis comprehensis, fuga servorum ex oppido facta est. dimissi deinde per agros, qui vestigarent. Egregia duorum opera servorum indicum et unius liberi fuit. Ei ⁸centum millia gravis æris dari Patres jusserunt: servis vicena quina millia æris, et libertatem. pretium eorum ex ærario solutum est dominis. Haud ita multo post, ex ejusdem conjurationis reliquiis, nunciatum est, servitia Præneste occupatura. Eo L. Cornelius prætor profectus, de quingentis fere hominibus, qui in ea noxa erant, supplicium sumsit. in timore civitas fuit, obsides captivosque Pœnorum ea moliri. Itaque et Romæ vigiliæ per vicos servatæ; jusque circumire eas minores magistratus: et ⁹triumviri carceris ¹⁰lautumiarum intentionem custodiam habere jussi: et circa nomen Latinum a prætore literæ missæ, ut et obsides in privato servarentur, neque in publicum prodeundi facultas daretur; et captivi ne minus ¹¹decem pondo compedibus vineti in nulla alia, quam in carceris publici, custodia essent.*

XXVII. Eodem anno legati ab rege Attalo coronam auream ¹²ducentûm quadraginta sex pondo in Capitolio posuerunt, gratiasque senatui egerunt, quod Antiochus, lega-

⁷ L. Cornelium Merulam] Ante Sigonium editi cognomen huic prætori addebant *Lentulum*. Emendavit ille ex c. 7. supra, et l. XXXIV. c. 54. infra.

⁸ Centum millia gravis æris] Ea æstimamus denarii 10000. marcis argenti nostratibus 156. cum duabus uncis: *Vicena quina millia*, denariis 2500. marcis argenti 39. cum semuncia.

⁹ * Triumviri] Capitales. De iis vid. not. ad XXV. l.

¹⁰ Lautumiarum] Vid. not. ad l. XXVI. c. 27.

¹¹ Decem pondo] Octo fere libris nostratibus pondo.

¹² CCXLVI. pondo] Marcarum, seu selibrarum nostratium 384. cum tribus uncis.

torum Romanorum auctoritate motus, finibus Attali exer- U. C. 554.
citum deduxisset. Eadem æstate equites ducenti, et ele- A. C. 198.
phanti decem, et tritici ¹³ modium ducenta millia, ab rege
Masinissa ad exercitum, qui in Græcia erat, pervenerunt.
Item ex Sicilia Sardiniaque magni commeatus et vestimen-
ta exercitui missa. Siciliam M. Marcellus, Sardiniam M.
Porcius Cato obtinebat; sanctus et innocens, asperior ta- M. Cato.
men in fœnore coercendo habitus. Fugatique ex insula
fœneratores, et ¹⁴ sumtus, quos in cultum prætorum socii fa-
cere soliti erant, circumcisi, aut sublatis. Sex. Ælius consul
ex Gallia comitiorum caussa Romam quum redisset, crea- Comitias.
vit consules ¹⁵ C. Cornelium Cethegum et Q. Minucium
Rufum. Biduo post prætorum comitia habita. Sex præ- Sex præto-
tores illo anno primum creati, crescentibus jam provinciis, res.
et latius patescente imperio. creati autem hi, L. Manlius
Vulso, C. Sempronius Tuditanus, ¹⁶ M. ^x Sergius Silus, M.
Helvius, M. Minucius Rufus, L. Atilius. Sempronius et
Helvius ex iis ædiles plebis erant. curules ædiles ⁷ Q. Mi-
nucius Thermus et Ti. Sempronius Longus. Ludi Romani
eo anno quater instaurati.

XXVIII. C. ² Cornelio et Q. Minucio consulibus, om- U. C. 555.
nium primum de provinciis consulum prætorumque actum. A. C. 197.
Prius de prætoribus transacta res, quæ transigi sorte pot- C. Cornelio,
erat. urbana Sergio, peregrina jurisdictio Minucio obtigit. Q. Minucio
Sardiniam Atilius, Siciliam Manlius, Hispaniam Semp- Coss.
ronius citeriorem, Helvius ulteriorem est sortitus. Consuli- Provinciæ.
bus Italiam Macedoniamque sortiri parantibus, L. Oppius
et Q. Fulvius tribuni plebis impedimento erant, *quod longin-*
qua provincia Macedonia esset: neque ulla alia res majus bel-
lo impedimentum ad eam diem fuisset, quam quod, vixdum in-
choatis rebus, in ipso conatu gerendi belli prior consul revoca-
retur. Quantum jam annum esse ab decreto Macedonico bel-
lo. Querendo regem et exercitum ejus Sulpicium majorem
partem anni absumsisse. Villium, congregientem cum hoste;
re infecta revocatum. Quinctium, rebus divinis Romæ ma-
jorem partem anni retentum, ita gessisse tamen, res, ut, si

^x M. Gron. Crev. ⁷ ædiles curules Eæd. ^z Cn. Gron.

¹³ Modium ducenta millia] Modii marmora. Libri Liviani habebant Cn.
nostrates 154166. Cornelium.

¹⁴ * Sumptus, quos in cultum præ-
torum] Prætores tabernaculis se, et
lectis, et veste stragula instruendos e
publico curabant; sumptibusque ap-
paratorum conviviorum onerabant so-
cios, non ipsi solum, sed et sequentes
magno numero servi, et cohors amico-
rum. Quæ omnia sustulit Cato. ⁷ Vid.
Plut. in Cat. majore.

¹⁵ C. Cornelium] Sic Capitoliæ

¹⁶ M. ^x Sergius Silus] De hujus in-
credibili fortitudine operæ pretium est
cognoscere quæ memorat Plin. l. VII.
c. 28. Is, multis gravibusque accep-
tis in bello vulneribus, neutra manu,
neutro pede satis utilis, quum in præ-
tura sacris arceretur, ut debilis, habita
oratione, in qua egregia sua facta com-
memoravit, hanc ignominiam deprec-
atus est.

U. C. 555. *aut maturius in provinciam venisset, aut hiems magis sera fuisset, potuerit debellare.* ¹⁷ Nunc prope in hiberna profectum, ita comparare dici bellum, ut, nisi successor inpediat, perfecturus æstate proxima videatur. His orationibus pervicerunt, ut consules in senatus auctoritate fore dicerent se, si idem tribuni facerent. Permittentibus utrisque liberam consultationem, Patres consulibus ambobus Italiam provinciam decreverunt. T. Quinctio prorogarunt imperium, donec successor ei venisset. Consulibus binæ legiones decretæ, et ut bellum cum Gallis Cisalpinis, qui defecissent a populo Romano, gererent. Quinctio in Macedoniam supplementum decretum, peditum quinque millia et trecenti equites, et sociorum navalium tria millia. Præesse idem, qui præerat, classi L. Quinctius Flaminius jussus. Prætoribus in Hispanias octona millia peditum socium ac Latini nominis data, et ¹⁸ quadringenti equites, ut dimitterent veterem ex Hispaniis militem: et terminare jussi, ¹⁹ qua ulterior citeriorve provincia servaretur. Macedoniæ legatos P. Sulpicium et P. Villium, qui consules in ea provincia fuerant, adjece-
runt.

Quinctio
prorogatum
imperium.

Prodigia.

XXIX. Priusquam consules prætoresque in provincias proficiscerentur, prodigia procurari placuit: quod ædes Vulcani ²⁰ Summanique Romæ, et ²¹ quod^a Fregellis murus et porta de cælo tacta erant: et Frusinone inter noctem lux orta: et Asculo agnus biceps cum quinque pedibus natus: et Formiis duo lupi, oppidum ingressi, obvios aliquot laniaverant: Romæ non in urbem solum, sed in Capitolium penetraverat lupus. C. Acilius tribunus plebis tulit, ut quinque coloniæ in oram maritimam deducerentur: duæ ad ostia fluminum Vulturni Liternique: una Puteolos: una ad castrum Salerni. His Buxentum adjectum. ²² trecentæ^b familiæ in singulas colonias jubebantur mitti. triumviri deducendis iis, qui per triennium magistratum haberent, creati, M. Servilius Geminus, Q. Minucius Thermus, Ti. Sem-

^a quod et Gron. Crev.

^b tricenæ Gron. trecentenæ Crev.

¹⁷ Nunc prope in hiberna profectum] Si nihil hic est vitii, nunc prope idem erit, ac non ita pridem, hoc ipso prope tempore. Sed longe præstat legere nunc quoque. Non modo, inquit tribuni, Quintius bene res gessit priore anno; sed nunc quoque ita comparat bellum, ut perfecturus proxima æstate videatur. Supra, l. XXVIII. c. 39. vox quoque male itidem mutata erat in prope.

¹⁸ Quadringenti] Lege quadringeni.

¹⁹ Qua ulterior] Quæ regio pro ulteriore provincia, quæ pro citeriore

haberetur: quo fine ulterior citeriorque provinciæ terminarentur.

²⁰ Summani] Pluto Summanus a Romanis dicebatur, quasi Summus Manium. Turneb. Advers. l. XVIII. c. 4. Vide aliud etymon hujus vocis in lexico Matth. Martinii.

²¹ Quod et Fregellis] Particulæ illæ quod et supervacaneæ sunt, nec immerito videntur Gronovio recidendæ.

²² Trecentenæ familiæ] Vulgo tricenæ: numerus perexiguus. Quod edidimus, præfert noster Victor. cum Thuanæo. Et alius quoque cod. a Jac. Gronovio allegatus, trescentenæ.

pronius Longus. Delectu²³ rebusque aliis divinis humanis- U. C. 555.
que, quæ per ipsos agenda erant, perfectis, consules ambo A. C. 197.
in Galliam profecti. Cornelius recta ad Insubres via, qui Consul
tum in armis erant, Cenomanis adsumtis, Q. Minucius in res gestæ
læva Italiæ ad inferum mare flexit iter, Genuamque exercitu in Gallia.
abducto, ab Liguribus orsus est bellum. ²⁴Oppida ²⁵Clas-
tidium et Litubium, utraque Ligurum, et duæ gentis ejus-
dem civitates, Celelates Cerdiciatesque, sese dederunt. Et
jam omnia cis Padum, præter Gallorum Boios, Ilvates Li-
gurum, sub ditione erant. quindecim oppida, hominum vi-
ginti millia esse dicebantur, quæ se dederant. Inde in
agrum Boiorum legiones duxit.

XXX. Boiorum exercitus haud ita multo ante trajece-
rat Padum, junxeratque se Insubribus et Cenomanis: quod
ita acceperant, conjunctis legionibus consules rem gesturos,
ut et ipsi conlatas in unum vires firmarent. Postquam fa-
ma accidit, alterum consulem Boiorum urere agros, seditio
extemplo orta est. Postulare Boii, ut laborantibus opem
universi ferrent. Insubres negare, se sua deserturos. Ita
divisæ copiæ, Boiisque in agrum suum tutandum profectis,
Insubres, cum Cenomanis super amnis Mincii ripam^c con-
sederunt. Infra eum locum quinque millia passuum, et
consul Cornelius eidem flumini castra adplicuit. inde mit-
tendo in vicos Cenomanorum Brixiamque, quod caput gen-
tis erat, ut satis comperit, non ex auctoritate seniorum ju-
ventutem in armis esse, nec publico consilio Insubrium de-
fectioni Cenomanos se adjunxisse; excitis ad se principi-
bus, ²⁶id^d agere ac moliri cœpit, ut desciscerent ab Insubri-
bus Cenomani, et, signis sublatis, aut domos redirent, aut
ad Romanos transirent. Et id quidem inpetrari nequii. in
id data fides consuli est, ut in acie aut quiescerent, aut, si
qua etiam occasio fuisset, adjuvarent Romanos. Hæc ita
convenisse Insubres ignorabant: suberat tamen quædam
suspicio animis, labare fidem sociorum. Itaque, quum in

^c ripas Gron.

^d ibi agere Ead.

²³ Rebus . . . quæ per ipsos agenda erant] Sic apud Sall. in Bello Jugurth. c. 41. abundantia earum rerum, quæ prima mortales ducunt.

²⁴ * Oppida . . . civitates] Hic clare hæc duo distinguuntur. Oppidi nomine urbs sola intelligitur. At civitas est societas civium in unum corpus collecto-
rum, et pro populo sumitur, qui ex multis oppidis vicisve constet.

²⁵ Clastidium . . . Ligurum] Infra c. 31. Clastidium videtur assignari Boio-
rum regioni: et l. XXIX. c. 11. diserte Livius Clastidium in Gallia appellat.

Idem confirmatur et ex Polyb. l. II. et ex Plut. in Marcello. Itaque non sine causa existimat Sigonius legendum esse Caristum, quod est oppidum Ligurum in agro Statiellati, auctore Livio, l. XLII. c. 7. Vid. et Cellar. Geogr. Ant. l. II. c. 9.

²⁶ Id agere ac moliri cœpit] Men-
dose habent Gronovianæ editiones ibi agere. Hanc, quam reposuimus et ratio Latinitatis flagitabat, scripturam servat Victor. codex, et Andreas, et teste Hearnio, omnis scriptorum et editorum manus.

U. C. 555. aciem eduxissent, neutrum iis cornu committere ausi, ne,
 A. C. 197. si dolo cessissent, rem totam inclinarent, post signa in sub-
 sidiis eos locaverunt. Consul principio pugnae vovit ædem
 Sospitæ Junoni, si eo die hostes fusi fugatique essent. A
 militibus clamor sublatus, compotem voti consulem se fac-
 tuos, et inpetus in hostes est factus. Non tulerunt Insu-
 bres primum concursum. quidam et a Cenomanis, terga re-
 pente in ipso certamine adgressis, tumultum ancipitem in-
 jectum auctores sunt, cæsaque in medio quinque et trigin-
 ta millia hostium, quinque millia et septingentos vivos cap-
 tos: in iis ²⁷Hamilearem Pœnorum imperatorem, qui belli
 caussa fuisset: signa militaria centum triginta, et carpenta
 supra ducenta. ²⁸Oppida, quæ defectionem secuta erant,
 dediderunt se Romanis.

XXXI. Minucius consul primo effusis populationibus
 peragraverat fines Boiorum: deinde, ut, relictis Insubribus,
 ad sua tuenda receperant sese, castris se tenuit, acie dimi-
 candum cum hoste ratus. Nec Boii detrectassent pugnam,
 ni^e fama victos Insubres adlata animos fregisset. Itaque,
 relicto duce castrisque, dissipati per vicos, ²⁹sua ut quisque
 defenderent, rationem gerendi belli hosti mutarunt. omissa
 enim spe per unam dimicationem rei decernendæ, rursus
 populari agros, et urere tecta, vicosque expugnare cœpit.
 Per eosdem dies Clastidium incensum. inde in Ligustinos
 Ilvates, qui soli non parebant, legiones ductæ. Ea quoque
 gens, ut Insubres acie victos, Boios, ita ut tentare spem
 certaminis metuerent, territos audivit, in ditionem venit.
 Literæ consulum a^f Gallia de gestis prospere sub idem tem-
 pus Romam adlatæ. M.^g Sergius prætor urbis^b in senatu
 eas, deinde ex auctoritate Patrum ad populum recitavit.
 supplicatio in quatrimum decreta. ³⁰Hiems jam eo tem-
 pore erat.

^e nisi Gron.

^f e Gron. Crev.

^g M'. Eæd.

^b urbanus Eæd.

²⁷ *Anilearem Pœnorum imperato-
 rem]* Hunc in prælio ad Cremonam
 cecidisse affirmavit supra Livius. l.
 XXXI. c. 21. Alios nempe tunc auc-
 tores secutus erat, quam quorum hic,
 et infra l. XXXIII. c. 23. exponit di-
 versam plane de eodem Amilcare nar-
 rationem.

²⁸ *Oppida quæ defectionem secuta
 erant]* Insubres rebellionis principes
 et duces fuerant: Cenomani Insu-
 brium defectioni sese adjunxerant. U-
 trumque constat ex iis quæ præcedunt.
 Recte igitur Fabrettus in Apolog. ad
 Grunnovium, hunc locum sic exponit:
*Oppida Cenomanorum, quæ defectionem
 Insubrium secuta erant, dedide-*

runt se. Et vero anno sequente rursus
 bellum geritur cum Insubribus, non
 amplius cum Cenomanis. Vid. infra l.
 XXXIII. c. 36.

²⁹ *Sua ut quisque defenderent]* Gro-
 novius affirmat in scriptis omnibus le-
 gi sua quisque defendere: quod plane
 vitiosum est. Noster Victor. ita a
 vulgatis discedit, ut tamen sua sensui
 integritas constet: quo sua quisque de-
 fenderent.

³⁰ *Hiems jam eo tempore erat.*
*Quum T. Quintius . . . in Phocide ac
 Locride hiberna disposita haberet, O-
 punte seditio orta est]* Hic locus prava
 distinctione laborabat. Sic enim in-
 terpungebatur: *Hiems jam eo tempore*

XXXII. Quum T. Quinctius, capta Elatia, in Phocide U. C. 555.
 ac Locride hiberna disposita haberet, Opunte seditio orta A. C. 197.
 est. Factio una Ætolos, qui propiores erant; altera Romanos arcessebat. Ætoli priores venerunt: sed opulentior factio, exclusis Ætolis, missoque ad imperatorem Romanum nuncio, usque inⁱ adventum ejus tenuit urbem. Arcem regium tenebat præsidium: neque,³¹ ut descenderent^k inde, aut Opuntiorum minis, aut auctoritate imperantis consulis Romani, perPELLI potuerunt. Mora, cur non extemplo obpugnarentur, ea fuit, quod caduceator ab rege venerat, locum ac tempus petens conloquio. ³² Id gravate concessum Quinctii regi est. non quin cuperet Quinctius per se partim armis, partim conditionibus confectum videri bellum: necdum enim sciebat, utrum successor sibi alter ex novis consulibus mitteretur; an, quod, summa vi ut tenderent, amicis et propinquis mandaverat, imperium prorogaretur: aptum autem fore conloquium credebat,³³ ut sibi liberum esset, vel ad bellum manenti, vel ad pacem decedenti rem inclinare. In sinu Maliaco prope Nicæam litus elegere. eo rex ab Demetriade cum quinque lembis et una nave rostrata venit. ³⁴ Erant cum eo principes Macedonum, et Achæorum exsul vir insignis Cycliadas. Cum imperatore Romano rex Amynder erat, et Dionysodorus Attali legatus, et Agesimbrotus præfectus Rhodiæ classis, et Phæneas princeps Ætolorum, et Achæi duo, Aristæus ex Xenophon. Inter hos Romanus, ad extremum litus progressus, quum rex in proram navis in anchoris stantis processisset, ³⁵ Com-

Quinctii
conloquium
cum Philippo.

ⁱ ad Gron. Crev.

^k discederent Gron.

erat, quum T. Quintius... in Phocide ac Locride hiberna disposita haberet. Opunte seditio orta est. Ubi quid attinet observari hiemem tunc fuisse, quum hiberna disposita essent? aut quid perinet mentio Locridis ac Phocidis ad hiemem? At quomodo distinguimus, opportune memorantur hiberna Romanorum in Locride ac Phocide disposita; quia nempe respiciebat auctor, quum hæc scriberet, Opuntem urbem Locridis, in qua seditionem ortam esse narrat. Sed et hæc verba, *Hiems jam eo tempore erat*, a quibus incipiebat cap. 32. rejecimus ad finem præcedentis: ut intelligerentur referenda ad literas consulum de rebus gestis in Gallia, supplicationesque decretas.

³¹ Ut descenderent inde] Sic habere scriptos testatur Jac. Gronovius. Vict. ut descenderet. Vulgo ut discederent.

³² Id gravate concessum regi est, non quin cuperet Quinctius] Hiat oratio. Nam quum hanc removeat causam, alteram omnino ponere debuit,

quæ Quintium moverit, ut difficulter daret regi colloquendi potestatem. Videtur scripsisse Livius: *Id non gravate concessum regi est, quum cuperet Quinctius.* GRONOVIVS.

³³ Ut sibi liberum esset vel ad bellum] Ut posset facile vel ad bellum rem inclinare, si maneret ipse in provincia; vel ad pacem, si decedere necesse foret.

³⁴ Erant cum eo principes Macedonum] Tota hujus colloquii narratio e Polybii l. XVII. desumpta est et excerpta. Ceterum hoc loco videntur excidisse nomina principum, qui Philippum comitabantur, Apollodorus et Demosthenes, hic a Polybio nominati. Nam infra c. 35. ubi repetitur colloquium, Rex dicitur cum duobus quos pridie adhibuerat in terram egressus: quibus verbis nihil certi nec clari indicaretur, nisi prius illorum nomina apposita fuissent.

³⁵ *Conmodius] Supple, erit, vel facies.

U. C. 555. *modius, inquit, si in terram egrediarius, et ex propinquo dicamus in vicem, audiamusque.* Quum rex facturum se id negaret; *Quem tandem, inquit Quinctius, times?* Ad hoc ille superbo et regio animo: *Neminem equidem timeo, præter Deos immortales. non omnium autem credo fidei, quos circa te video, atque omnium minime Ætolis.* Istud quidem, ait Romanus, *par omnibus periculum est, qui cum hoste ad conloquium congregiuntur,* ³⁶ *ut nulla fides sit.* Non tamen, inquit rex, *T. Quincti, par perfidiæ præmium est, si fraude agatur, Philippus et Phæneas. neque enim æque difficulter Ætoli prætorem alium, ac Macedones regem in meum locum substituant.* Secundum hæc silentium fuit.

Leges pacis
Philippo
dictæ.

XXXIII. Quum Romanus eum æquum censeret priorem dicere, qui petisset conloquium; rex, ejus esse priorem orationem, qui daret pacis leges, non qui acciperet; tum Romanus, *Simplicem suam orationem esse. ea enim se dicturum, quæ ni fiant, nulla sit pacis conditio. Deducenda ex omnibus Græciæ civitatibus regi præsidia esse. captivos et transfugas sociis populi Romani reddendos. restituenda Romanis ea Illyrici loca, quæ post pacem in Epiro factam occupasset. Ptolemæo regi Ægypti reddendas urbes, quas post Philopatoris Ptolemæi mortem occupasset. Suas populique Romani conditiones has esse: ceterum et sociorum audiri postulata verum esse.* Attali regis legatus, *Naves captivosque quæ* ³⁷ *ad Chium* ¹ *navali prælio capta essent, et* ³⁸ *Nicephorium, Venerisque templum, quæ spoliasset evastassetque, pro inconruptis restitui.* Rhodii Peræam (regio est continentis adversus insulam, vetustæ eorum ditionis) repetebant, postulabantque præsidia deduci ab Jasso, et Bargylliis, et Euromensium urbe, et in Hellesponto Sesto atque Abydo, et ³⁹ *Panopolim Byzantiis in antiqui formulam juris restitui, et liberari omnia Asiæ emporia portusque.* Achæi Corinthum et Argos repetebant. Prætor Ætolorum Phæneas quum eadem fere, quæ Romani, ut Græcia decederetur, postulasset, redderenturque Ætolis urbes, quæ quondam juris ac^m ditionis eorum fuissent; excepit orationem ejus princeps Ætolorum Alexander, vir, ⁴⁰ *ut inter Ætolos, facundus.* Jamdudum se

Alexandri
Ætoli ora-
tio in Phi-
lippum.

¹ Cium Gron.

^m aut Gron. Crev.

36 *Ut nulla fides sit*] Veteres editi ac scripti habent, teste Gronovio, *ut in nullo fides sit*: unde ille efficit, *ut in dubio fides sit.*

37 • *Ad Chium navali prælio*] De quo obiter mentionem fecit Livius, supra XXXI. 14. † Hoc loco plurimas recentiorum editionum insedit mendum, in quibus legitur *ad Cium*. Chium adstruit tum Victor. codex, et Andree editio, tum præsertim Polybius et

hoc ipso loco, et l. XVI. ubi pugna illa navalis fuse describitur.

38 *Nicephorium*] Lucum ad Pergamum, quem Philippus exciderat. Vid. Polyb. Excerpt. de Virt. et Vit. l. XVI.

39 *Panopolim*] Lege *Perinthum*, ex Polybio, et Livio ipso, l. XXXIII. c. 30.

40 • *Ut inter Ætolos*] Si quis eum cum ceteris Ætolis compararet. Ni-

reticere, ait, non quo quidquam agi putet eo conloquio, sed ne quem sociorum dicentem interpellet. Neque de pace cum fide Philippum agere, neque bella vera virtute umquam gessisse. In conloquiis insidiari et captare: in bello non congredi æquo campo, neque conlatis signis dimicare, sed refugientem incendere ac diripere urbes, et vincentium præmia victum conrumpere. At non sic antiquos Macedonum reges, sed acie bellare solitos, urbibus parcere, quantum possent, quo opulentiùs imperium haberent. Nam de quorum possessione dimicaretur tollentem, nihil sibi præter bellum relinquere, quod consilium esse? Plures priore anno sociorum urbes in Thessalia evastasse Philippum, quam omnes, qui umquam hostes Thessaliæ fuerint. ipsi quoque Ætolis eum plura socium, quam hostem ademisse. Lysimachiam, pulso prætore et præsidio Ætolorum, occupasse eum. ⁴¹ *Cum item suæ ditionis urbem funditus evertisse ac delese. Eadem fraude habere eum Thebas Phthias, Echinum, Larissam, et Pharsalum.*

XXXIV. Motus oratione Alexandri Philippus navem, ut exaudiretur, propius terram adplicuit. Orsum eum dicere, in Ætolos maxime, violenter, Phæneas interfatus, *Non in verbis rem verti, ait: aut bello vincendum, aut melioribus parendum esse. Adparet id quidem, inquit Philippus, etiam cæco;* jocus in valetudinem oculorum Phæneæ, et erat dicacior natura, quam regem decet, et ne inter seria quidem risu satis temperans. Indignari inde cæpit, Ætolos, tamquam Romanos, decedi Græcia jubere: qui, quibus finibus Græcia sit, dicere non possint. Ipsius enim Ætoliciæ Agræos, Apodotosqueⁿ, et Amphilochos, quæ permagna eorum pars sit, Græciam non esse. An, quod a sociis eorum non abstinuerim, justam querelam habent, quum ipsi pro lege hunc antiquitus morem^o servant, ut adversus socios ipsi suos, publica tantum auctoritate demta, juventutem suam militare sinant, et contrariæ persæpe acies in utraque parte Ætolica auxilia habeant? Neque ego Cium expugnaui, sed Prusiam socium et amicum obpugnantem adjuvi: et Lysimachiam ab Thracibus vindicavi. sed, quia me necessitas ad hoc bellum a custodia ejus avertit, Thraces habent. Et Ætolis hæc. Attalo autem Rhodiisque nihil jure debeo. non enim a me, sed ab illis, principium belli ortum est. Romanorum autem honoris causa, Peræam Rhodiis, et naves Attalo cum captivis, qui comparebunt, restituiam. Nam quod ad Nicephorium Venerisque templi restitutionem adtinet; quid ea restitui postulantibus respondeam? nisi, quo uno modo luci silvæque cæsæ restitui possunt,

ⁿ Apodeotasque Gron. Crev.

^o hunc morem antiquitus Eæd.

mirum Ætoli, ferox gens et belli avida, pacis amicas artes fere negligebant.

gebatur Chium. Correxerit Sigonius ex Polybio.

⁴¹ Cium] Hic contrario errore le-

U. C. 555. *curam impensamque sationis me præstaturum: quoniam hæc*
 A. C. 197. *inter se reges postulare et respondere placet.* Extrema ejus oratio adversus Achæos fuit: in qua, orsus ab Antigoni primum, suis deinde erga eam gentem meritis, recitari decreta eorum jussit, omnes divinos humanosque honores complexa: atque ad ea adjecit ⁴² recens de exercitu, quo ab se descivissent. invectusque graviter in perfidiam eorum, *Argos tamen se redditurum eis, dixit. De Corintho cum imperatore Romano deliberaturum esse; quæsiturumque simul ab eo, ⁴³ utrum iis tantum urbibus decedere se æquum censeat, quas a se ipso captas jure belli habeat, an iis etiam, quas a majoribus suis accepisset.*

Alter conlo-
quii dies.

XXXV. Parantibus Achæis Ætolisque ad ea respondere, quum prope occasus sol esset, dilato in posterum diem conloquio, Philippus in stationem, ex qua profectus erat, Romani sociique in castra redierunt. ⁴⁴ Quinctius postero die ad Nicæam (is enim locus placuerat) ad constitutum tempus venit. ⁴⁵ Philippi nullus usquam nec nuncius ab eo per aliquot horas veniebat: et jam desperantibus venturum repente adparuerunt naves. At^p ipse quidem, *quum tam gravia et indigna imperarentur, inopem consilii diem se consumsisse deliberando, aiebat.* Vulgo credebatur, de industria rem in serum tractam, ne tempus dari posset Achæis Ætolisque ad respondendum. et eam opinionem ipse adfirmavit, petendo, ut, submotis aliis, ne tempus altercando tereretur, et aliquis finis rei inponi posset, ⁴⁶ cum ipso^q imperatore Romano liceret sibi conloqui. Id primo non acceptum, ne excludi conloquio viderentur socii: deinde, quum haud absisteret petere, ex omnium consilio Romanus imperator cum Ap. Claudio tribuno militum, ceteris submotis, ad extremum litus processit. Rex ⁴⁷ cum duobus, quos pridie adhibuerat, in terram est egressus. Ibi quum aliquamdiu secreto locuti essent, quæ acta ad suos Philippus retulerit, minus compertum est. Quinctius hæc retulit ad socios. *Romanis eum cedere tota Illyrici oru, perfugas remittere, ac si*

r Atque Gron. Crev.

q ipso del. Gron.

⁴² *Recens de exercitu]* Hæc verba de exercitu procul dubio vitiosa sunt, ac mutanda fortasse in decretum. Polybius, τὸ περὶ τῆς ἀποστάσεως ψήφισμα.

⁴³ *Utrum iis tantum urbibus]* Proba lectio, si ejus origo reperiretur. Sed vetustiores editiones, partim iisne urbibus, partim utrum iisne urbibus, quomodo Victor. codex, et Gelenii liber. Vellemus indicassent Gronovii, unde nam sumpsissent id quod edidere.

⁴⁴ *Quinctius postero die ad Nicæam]* Videtur hic deesse iterum. Polybius habet πάλιν.

⁴⁵ *Philippi nullus usquam, nec nuncius ab eo]* Sensus clarus est, nempe, per aliquot horas nec Philippum ipsum, nec nuncium ab eo visum. Verba aliquid depravati habent.

⁴⁶ *Cum ipso imperatore]* Addidimus vocem ipso, quam habent scripti aliquot, tum Jac. Gronovio, tum Hearnio inspecti, et noster Victorinus, et Andreae editio. Et adjuvat sententiam illa vox, notatque solum expeti a Philippo Quintium, nullis sociis cinctum.

⁴⁷ *Cum duobus quos pridie adhibuerat]* Vid. not. 34. ad c. 32. supra.

qui essent captivi. Attalo naves, et cum iis captos navales socios; Rhodiis regionem, quam Peræam vocant, reddere: Jasso et Bargyliis non cessurum. Ætolis Pharsalum Larissamque reddere, ⁴⁸ Thebas non reddere. Achæis, non Argis modo, sed etiam Corintho cessurum. Nulli omnium placere, partium, quibus cessurus, aut non cessurus esset, destinatio. plus enim amitti in iis, quam adquiri. nec unquam, nisi tota deduxisset Græcia præsidia, ⁴⁹ causas certaminum deponere.

XXXVI. Quum hæc toto ex concilio certatim omnes vociferarentur, ad Philippum quoque procul stantem vox est perlata. itaque a Quinctio petit, ut rem totam in posterum diem differret: profecto aut persuasurum se, aut persuaderi sibi passurum. Litus ad Thronium conloquio destinatur. eo mature conventum est. Ibi Philippus primo et Quinctium et omnes, qui aderant, rogare, ne spem pacis turbare vellent. Postremo petere tempus, quo legatos Romam ad senatum mittere posset. Aut his conditionibus se pacem impetraturum, aut, quascumque senatus dedisset, leges pacis accepturum. Id ceteris haudquaquam placebat. nec enim aliud, quam moram et dilationem ad conligendas vires, quæri. Quinctius, verum id futurum fuisse, dicere, si æstas et tempus rerum gerendarum esset. nunc, hieme instante, nihil amitti, dato spatio ad legatos mittendos. Nam neque sine auctoritate senatus quidquam eorum ratum fore, quæ cum rege ipsi pepigissent: et explorari (dum bello necessariam quietem ipsa hiems daret) senatus auctoritatem posse. In hanc sententiam et ceteri sociorum principes concesserunt: induciisque datis in duos menses, et ipsos mittere singulos legatos ad edocendum senatum, ne fraude regis caperetur, placuit. Ad ditum induciarum pacto, ut regia præsidia Phocide ac Locride extemplo deducerentur. Et ipse Quinctius cum sociorum legatis Amyndrum Athamanum regem, ⁵⁰ ut

Tertius.

Induciæ in duos menses.

^r utque Gron. Crev.

48 *Thebas] Phthias: maritimum emporium, quo facile carere Philippus non posset.

49 Causas certaminum deponere] Lege cum Gronovio: causas certaminum de fore.

50 Utque speciem legationis adjiceret] Primo verissime emendat Gronovius legationi. Sensus enim esse debet: ut adderet aliquod legationi decus. Sed præterea notandum est hic detorqueri in Fabium et collegas ejus id quod Polybius sane rectius de Amyndro intellectum voluit. Sic enim habet. καὶ τὸν μὲν Ἀμύνανδρον ἱξέσπεμπε παραχρῆμα, γινώσκων αὐτὸν εὐάγωγον μὲν

ὄντα . . . φαντασίαν δὲ ποιήσοντα καὶ προσδοκίαν διὰ τὸ τῆς βασιλείας ὄνομα. Dubitari non potest quin hæc verba spectaverit Livius, dum scripsit ut . . . speciem legationi adjiceret. Itaque ad eorum mentem videtur refigendus hic locus, in hunc fortasse modum: Et ipse Quintius cum sociorum legatis Amyndrum Athamanum regem, ut speciem legationi adjiceret, mox Q. Fabium . . . misit. Adjicimus particulam mox, quia Polybius Amyndrum statim missum esse; post hunc, Q. Fabium, Q. Fulvium, et Ap. Claudium memorat. Resecamus que, annuente Vict. codice.

U. C. 555. speciem legationi adjiceret; Q. Fabium, (uxoris Quinctii
A. C. 197. sororis filius erat) et Q. Fulvium, et Ap. Claudium misit.

Legati regii
a senatu re-
infecta di-
missi.

XXXVII. Ut ventum Roman est, prius sociorum legati, quam regis, auditi sunt. cetera eorum oratio conviciis regis consumpta est. ⁵¹Moverunt eo maxime senatum, demonstrando maris terrarumque regionis ejus situm: ut omnibus adpareret, si Demetriadem in Thessalia, Chalcidem in Eubœa, Corinthum in Achaia rex teneret, non posse liberam Græciam esse: et ipsum Philippum, non contumeliosius, quam verius, compedes eas Græciæ adpellare. Legati deinde regis intromissi. quibus, longiorem exorsis orationem, brevis interrogatio, cessurusne iis tribus urbibus esset, sermonem incidit, quum mandati sibi de his nominatim negarent quidquam. sic infecta pace, regii dimissi. Quinctio liberum arbitrium pacis ac belli permissum. ⁵²Quod^s ut satis apparuit, non tædere belli senatum, et ipse, victoriæ, quam pacis, avidior, neque colloquium postea Philippo dedit, neque legationem aliam, quam quæ omni Græcia decedi nunciaret, admissurum dixit.

Philippi fœ-
dus cum
Nabide.

XXXVIII. Philippus, quum acie decernendum videret, et undique ad se contrahendas vires, maxime de Achaia urbibus, regionis ab se diversæ, et magis tamen de Argis, quam de Corintho, sollicitus, optimum ratus Nabidi eam Lacedæmoniorum tyranno ⁵³velut fiduciarium dare, ut victori sibi restitueret; si quid adversi accidisset, ipse haberet, Philocli, qui Corintho Argisque præerat, scribit, ut tyrannum ipse conveniret. Philocles, præterquam quod jam veniebat cum munere, adjicit ad pignus futuræ regi cum tyranno amicitia, filias suas regem Nabidis filiis matrimonio conjungere velle. Tyrannus primo negare, aliter urbem eam se accepturum, nisi Argivorum ipsorum decreto arcesitus ad auxilium urbis esset. deinde, ut frequenti concione non adspernatos modo, sed abominatos etiam nomen tyranni audivit, causam se spoliandi eos nactum ratus, tradere, ubi vellet, urbem, Philoclem jussit. Nocte, ignaris omnibus, acceptus in urbem est tyrannus. prima luce occupat superiora omnia loca: portæque clausæ. Paucis principum

Argi Nabidi
traduntur.

^s Quo Gron.

⁵¹ Moverunt eo maxime senatum, demonstrando] Dele cum Gronovio super-
vacaneam voculam eo.

⁵² Quod ut satis apparuit, non tædere] Gronovius ex conjectura emendaverat, quo ut satis apparuit. At quum ipse agnoscat interdum vocem quod otiosam esse, ejus emendatio per se parum felix, jam minime necessaria

est. Melius tamen videretur cui, nimirum Quintio.

⁵³ Velut fiduciarium] Is rem aliquam dat fiduciarium, qui illam alteri ea lege tradit, ut sibi aliquando reddatur, fide utrinque data, sine testibus aut litteris. unde et fiducia, res fiduciaria, fiduciaria mancipatio dicitur, quia nempe alterius fidei credimus.

tumultum inter primum elapsis, eorum absentium direptæ U.C. 555. fortunæ: præsentibus aurum atque argentum ablatum: pe- A. C. 197. cuniæ imperatæ ingentes. qui non cunctanter contulere, sine contumelia et laceratione corporum sunt dimissi: quos occulere aut retrahere aliquid suspicio fuit, in servilem mo- Nabidis avaritia et crudelitas. dum lacerati atque extorti. Concione inde advocata, ⁵⁴ rogationem promulgavit; unam ⁵⁵ de tabulis novis, alteram de agro viritim dividendo; duas faces novantibus res ad plebem in optimates accendendam.

XXXIX. ⁵⁶ Postquam in potestate Argivorum civitas erat, nihil ejus memor tyrannus, a quo eam civitatem, et quam in conditionem accepisset, legatos Elatiam ad Quinctium, et Attalum Æginæ hibernantem mittit, qui nunciarent, *Argos in potestate sua esse. eo si veniret Quinctius ad conloquium, non diffidere, sibi omnia cum eo conventura.* Quinctius, ut eo quoque præsidio Philippum nudaret, quum adnuisset se venturum, mittit ad Attalum, ut ab Ægina Sicyonem sibi occurreret, ipse ab Anticyra decem quinqueremibus, quas iis forte ipsis diebus L. Quinctius frater ejus adduxerat ex hibernis Corcyræ, Sicyonem transmisit. Jam ibi Attalus erat; qui, quum tyranno ad Romanum imperatorem, non Romano ad tyrannum, eundum diceret, in sententiam suam Quinctium traduxit, ne in urbem ipsam Argos iret. ⁵⁷ Haud procul urbe Mycenica vocatur. in eo loco ut congregerentur, convenit. Quinctius cum fratre et tribunis militum paucis, Attalus cum regio comitatu, Nicostratus Achæorum prætor cum auxiliaribus paucis venit. tyrannum ibi cum omnibus copiis opperientem invenerunt. progressus armatus ⁵⁸ cum satellitibus armatis^t est in medium fere interjacentis campi: inermis Quinctius cum fratre et duobus tribunis militum: inermi^u item regi prætor Achæorum et unus ex purpuratis latus cingebant. Initium sermonis ab excusatione tyranni ortum, *quod armatus ipse armatisque septus, quum inermes Romanum imperatorem regemque cerne- ret, in conloquium venisset.* ⁵⁹ *neque enim se illos timere, dixit^x, sed exsules Argivorum.* Inde, ubi de conditionibus amicitiae cœptum agi est, Romanus duas postulare res: unam, ut

^t armatis del. Gron. ^u inermes Gron. Crev. ^x dixit del. Eæd.

⁵⁴ Rogationem] Imo rogationes: quum duæ mox memorentur.

⁵⁵ De tabulis novis] De abolendo ære alieno, ita ut veterum tabularum, quibus pecunias a se creditas quisque consignarat, nullus jam usus, nulla vis esset, novæque tabulæ de integro conficerentur.

⁵⁶ Posteaquam in potestate] Posteaquam in Nabidis potestate civitas Argivorum erat.

⁵⁷ Haud procul urbe Mycenica vocatur. In eo loco] Haud procul urbe Argis locus est, qui Mycenica vocatur. In eo loco...

⁵⁸ Cum satellitibus armatis] Vox ultima adjecta est, monente ex scriptis suis Jac. Gronovio. Adstipulatur Victor.

⁵⁹ Neque enim se illos timere] Vulgati adjiciebant dixit. Resecuit Gronovius obsecutus Freinshemio.

U. C. 555. bellum cum Achæis finiret: alteram, ut adversus Philippum
A. C. 197. mitteret secum auxilia. Ea¹ se missurum dixit. pro pace
cum Achæis, induciæ impetratæ, donec bellum cum Philippo
finiretur.

XL. De Argis quoque disceptatio ab Attalo rege est
nata: quum fraude Philoclis proditam urbem vi ab eo te-
neri argueret; ille, ab ipsis Argivis, ut se defenderet, addi-
tum. Concionem Argivorum rex postulabat, ut id sciri
posset. Nec tyrannus abnuere: sed, deductis ex urbe præ-
sidiis, liberam concionem, ⁶⁰ non inmixtis Lacedæmoniis,
declaraturam, quid Argivi vellent, præberi debere dicebat rex.
Tyrannus negavit deducturum. Hæc disceptatio sine exitu
fuit. De conloquio discessum, sexcentis Cretensibus ab
tyranno datis Romano, induciisque inter Nicostratum præ-
torem Achæorum et Lacedæmoniorum tyrannum in quatuor
menses factis. Inde Quinctius Corinthum est profectus:
et ad portam cum Cretensium cohorte accessit, ut Philocli
præfecto urbis adpareret, tyrannum a Philippo descisse.
Philocles et ipse ad imperatorem Romanum in conloquium
venit: hortantique, ut extemplo transiret, urbemque trade-
ret, ita respondit, ut distulisse rem magis, quam negasse,
videretur. A Corintho Quinctius Anticyram trajecit: inde
fratrem ad tentandam Acarnanum gentem misit. Attalus
ab Argis Sicyonem est profectus. Ibi et civitas novis hono-
ribus veteres regis honores auxit: et rex ⁶¹ ad id, quod sa-
crum Apollinis agrum grandi quondam pecunia redemerat
eis; tum quoque, ne sine aliqua munificentia præteriret ci-
vitatem sociam atque amicam, ⁶² decem talenta argenti dono
dedit, et ⁶³ decem millia medimnûm frumenti. atque ita
Cenchreas ad naves rediit. Et Nabis, ⁶⁴ firmato præsidio
Argis, Lacedæmonem regressus, quum ipse viros spoliasset,
ad feminas spoliandas ⁶⁵ uxorem Argos remisit. Ea nunc
singulas inlustres, nunc simul plures genere inter se junctas
domum arcessendo, blandiendoque ac minando, non aurum
modo iis, sed postremo vestem quoque mundumque om-
nem muliebre[m] ademit.

Uxor Nabi-
dis Argivas
spoliât.

¹ auxilia. Auxilia se miss. Gron. Crev.

⁶⁰ Non inmixtis Lacedæmoniis de-
claraturam] Non declaraturam, quid
Argivi vellent, quamdiu inmixti forent
Lacedæmonii.

⁶¹ *Ad id quod] Præter id quod,
præterquam quod.

⁶² Decem talenta argenti] Marcas
nostrates 937. cum quatuor unciiis.

⁶³ Decem millia medimnûm fru-
menti] Medimnus erat mensura fru-
gum apud Atticos, par sex modiiis.
Itaque decem millia medimnûm æqui-
parantur fere 46250. modiiis Parisien-

sibus, sextariis itidem Parisiensibus
paulo plus 3854.

⁶⁴ Firmato præsidio] Firmo relicto
vel collocato præsidio. Sic Tacitus in
Agricola, c. 14. Subactis nationibus,
firmatisque præsidiis.

⁶⁵ Uxorem] Apegam nomine: cu-
jus et simulacrum cruciandis homini-
bus excogitatum et admotum sæpius a
tyranno describit Polyb. l. XIII. ex-
tremo. * Vide etiam Rollini Hist. An-
tiq. Tom. VIII. p. 203.

EPITOME LIBRI XXXIII.

T. QUINCTIUS Flaminius proconsul cum Philippo, ad Cynoscephalas in Thessalia acie victo debellavit. **L. Quinctius Flaminius**, frater proconsulis, Acarnanes, Leucade urbe, quod caput est Acarnanum, expugnata, in deditionem accepit. **C. Sempronius Tuditanus** prætor a Celtiberis cum exercitu cæsus est. **Attalus**, a Thebis ob subitam valetudinem Pergamum translatus, decessit. Pax petenti Philippo, Græciæ libertas data est. **L. Furius Purpureo** et **Claudius Marcellus** consules Boios et Insubres Gallos subegerunt. **Marcellus** triumphavit. **Hannibal**, frustra in Africa bellum molitus, et ob hoc Romanis per epistolas adversæ factionis principum delatus, propter metum Romanorum, qui legatos ad Karthaginiensium senatum de eo miserant, profugus ad Antiochum regem Syriæ se contulit, bellum contra Romanos parantem.

T. LIVII PATAVINI

LIBER XXXIII.

U. C. 555.
A. C. 197.
Quinctius
in Bœotiam
it.

¹ HÆC per hiemem gesta. Initio autem veris Quinctius, Attalo Elatiam excito, Bœotorum gentem, incertis ad eam diem animis fluctuantem, ditionis suæ facere cupiens, profectus per Phocidem, quinque millia ab Thebis, quod caput est Bœotiæ, posuit castra. Inde postero die ² cum unius signi militibus, et Attalo, legationibusque, quæ frequentes undique convenerant, pergit ire ad urbem, ³ jussis ⁴ legionis hastatis (ea duo millia militum erant) sequi se, mille passuum intervallo distantes. Ad medium ferme viæ Bœotorum prætor Antiphilus obvius fuit: cetera multitudo e muris adventum imperatoris Romani regisque prospiculabatur. rara arma paucique milites circa eos adparebant: hastatos, sequentes procul, amfractus viarum vallesque interjectæ occultebant. Quum jam adpropinquaret urbi, velut obviam egredientem turbam salutaret, tardius incedebat. Causa erat moræ, ut hastati consequerentur. Oppidani, ⁵ ante lictorem turba acta, insecutum confestim agmen armatorum non ante, quam

1 *Hæc per hiemem gesta*] Desiderabatur olim principium hujus libri, quod tandem ex Bambergensi codice publicatum est ante annos paulo plus centum. Tota res fusius explicatur a Gronovio in sua præfatione ad Livium.

2 *Cum unius signi militibus*] Livius, l. VIII. c. 8. et Polybius, l. VI. duos manipulo assignant signiferos, cuique centuriæ suum: unde videretur sequi, signa quoque duo in manipulo fuisse. Constat tamen Polybium *signum* pro *manipulo* passim usurpare, ut, exempli gratia, illo ipso l. VI. loco, ubi duos cuique manipulo assignat signiferos. Vid. Lips. l. II. de Milit. Rom. Dial. 8. Itaque hic unius signi milites videmur accipere debere pro unius manipuli militibus. Admodum enim verisimile est hæc desumpta esse e Polybio, ex quo ea omnia quæ sequuntur de pugna ad Cynoscephalas exscripta sunt.

3 *Jussis . . . Hastatis, sequi se . . . distantes*] Hæc structura vitiosa est.

Eam correxeris, si deleveris vocem *distantes*, quæ potest abesse sine sensus dispendio.

4 *Legionis Hastatis (ea duo millia militum erant)*] Primo vox *legionis* sic nude posita haud placet. Tum Hastati erant 1200. in quaque legione, teste Polybio, l. VI. et ex ratione diversorum legionis corporum inter se, patet nunquam eam ita augeri posse, ut Hastatorum numerus crescat ad duo millia. Itaque reponendum censuerimus *duarum legionum Hastatis*. Nec mirum videri debet duo tantum Hastatorum millia tunc fuisse in duabus Quintii legionibus, quæ bello per æstatem gesto imminutæ fuerant, nec adhuc acceperant ab Roma supplementum.

5 *Ante lictorem turba acta*] Hunc locum sollicitare voluit Gronovius. Sed nihil videtur emendatione opus esse. Quum turba eorum qui obviam prodierant Quintio et Attalo ageretur ante lictorem, cogeretur a lictore præire ad urbem.

ad hospitium imperatoris ventum est, conspexere. Tum, U. C. 555. velut prodita dolo Antiphili prætoris urbe captaque, obstu- A. C. 197. puerunt omnes. Et adparebat, nihil liberæ consultationis concilio, quod in diem posterum indictum erat Bæotis, relictum. Texerunt dolorem, quem et nequidquam, et non sine periculo ostendissent.

II. In concilio Attalus primus verba fecit. Orsus a ma- In concilio Bæotorum Attalus lo- quens con- cidit. jororum suorum suisque, et communibus in omnem Græciam, et propriis in Bæotorum gentem, meritis, ⁶ segnior jam et infirmior, quam ut contentionem dicendi sustineret, obmutuit et concidit. Et, ⁷ dum regem auferunt perferuntque parte membrorum captum, paullisper concio intermissa est. Aristæus inde, Achæorum prætor, eo cum majore ^a auctoritate auditus, quod non alia, quam quæ Achæis suaserat, Bæotis suadebat. Pauca ab ipso Quinctio adjecta, fidem magis Romanam, quam arma aut opes, extollente verbis. Rogatio inde, ⁸ a Platæensi Dicæarcho lata recitataque, de societate cum Romanis jungenda, nullo contra dicere au- Societas cum Roma- nis decreta. dente, omnium Bæotiæ civitatum suffragiis accipitur jubeturque. Concilio dimisso, Quinctius tantum Thebis moratus, quantum Attali repens casus coëgit, postquam non vitæ præsens periculum vis morbi adtulisse, sed ⁹ membrorum debilitatem visa est, relicto eo ad curationem necessariam corporis, Elatiam, unde profectus erat, redit; Bæotis quoque, sicut prius Achæis, ad societatem adscitis, ¹⁰ et quando ^b tuta ea pacataque ab tergo relinquebantur, omnibus jam cogitationibus in Philippum, et quod reliquum belli erat, conversis.

III. Philippus quoque primo vere, postquam legati ab Philippi ad- Roma nihil pacati retulerant, delectum per omnia oppida paratus. regni habere instituit, in magna inopia juniorum. absumserant enim per multas jam ætates continua bella Macedonas: ipso quoque regnante, et navalibus bellis adversus Rhodios Attalumque, et terrestribus adversus Romanos ceciderat magnus numerus. ita et tirones ab sedecim ^c annis milites scribebat, et emeritis quidam stipendiis, quibus modo quidquam reliqui roboris erat, ad signa revocabantur. Ita suppleto exercitu, secundum vernum æquinoctium om-

^a majori Gron. Crev.

^b et quando l. quoniam Gron. et quoniam Crev.

^c decem et sex Gron.

6 Segnior] Bene Gronovius, senior.

constat ex c. 27. infra.

7 Dum regem auferunt perferuntque] Auferunt e concilio, perferuntque ad hospitium.

9* Membrorum debilitatem] Paralysis.

8 A Platæensi Dicæarcho] Cave cum Dujatio Dicæarchum pro summo Bæotorum magistratu sumas. Nomen est proprium viri. Summus Bæotorum magistratus vocabatur Bæotarches, ut

10 Et quoniam tuta ea] Editiones Gronovianæ carent particula et, quæ tamen necessaria videtur. Eam adjecimus ex vetustiore editione, quæ etiam præfert et quando, non quoniam.

U.C. 555. nes copias Dium contraxit; ibique stativis positis, exercendo quotidie milite, hostem opperiebatur. Et Quinctius per eosdem ferme dies, ab Elatia profectus, præter Thronium et Scarphæam ad Thermopylas pervenit. ¹¹ Ibi concilium Ætolorum, Heracleam indictum, tenuit, consultantium quantis auxiliis Romanum ad bellum sequerentur. Cognitis sociorum decretis, tertio die ab Heraclea Xynias progressus, in confinio Ænianum Thessalorumque positis castris, Ætolica auxilia opperiebatur. Nihil morati Ætoli sunt. Phænea duce, ¹² duo millia peditum cum equitibus quadringentis venerunt. Ne dubium esset, quid exspectasset, confestim Quinctius movit castra. Transgresso in Phthioticum agrum quingenti Gortynii Cretensium, duce Cydante ^d, et ¹³ trecenti Apolloniatae, haud dispari armatu, se conjungere: nec ita multo post Amynander cum Athamanum peditum ducentis et mille. Philippus, cognita perfectione ab Elatia Romanorum, ut cui de summa rerum adesset certamen, adhortandos milites ratus, multa jam sæpe memorata de majorum virtutibus, simul de militari laude Macedonum, quum disseruisset, ad ea, quæ tum maxime animos terrebant, quibusque erigi ad aliquam spem poterant, venit.

Quinctius ad Philippum contendit.

Copiarum utrimque numerus.

IV. Acceptæ ad Aoum flumen in angustiis cladi, ¹⁴ territa Macedonum phalange, ad Atracem vi pulsos Romanos obponebat: *et illic tamen, ubi insessas fauces Epiri non tenuissent, primam culpam fuisse eorum, qui neglegenter custodias servassent. secundam, in ipso certamine, levis armaturæ mercenariorumque militum. Macedonum vero phalangem et tunc stetisse, et loco æquo justaque pugna semper mansuram invictam.* Decem et sex millia militum hæc fuere, robur omne virium et regni. Ad hoc duo millia cætratorum, quos peltastas adpellant, ¹⁵ Thracumque et Illyriorum (Trallis nomen est genti) par numerus bina millia erant, et mixti ex pluribus gentibus mercede conducti auxiliares mille ferme, et ¹⁶ duo millia equitum. Cum iis copiis rex hostem

^d Cydate Gron. Crev.

¹¹ Ibi concilium Ætolorum . . . tenuit] Tenuit Quintium, moram ei aliquam attulit.

¹² Duo millia peditum] Conjectura Quærengi. Codex Bambergensis habuit DC. Plutarchus auget numerum, et Ætolorum peditum sex millia fuisse in Quintii exercitu scribit.

¹³ Trecenti Apolloniatae, haud dispari armatu] Leviter armati eodem fere armorum genere, quo Cretenses qui modo appellati sunt.

¹⁴ Territa Macedonum phalange]

MS. unicus habet terra, quod nobis vere ac feliciter videtur ab Ant. Quærengo mutatum in territa. Opponit Philippus Macedonum phalangem repentino terrore degredientium e jugis Romanorum percussæ, Romanos ad Atracem non improvise aliquo terrore, nullis insidiis, nulla arte, sed vi pulsos.

¹⁵ Thracumque et Illyriorum . . . par numerus bina millia] Thraces, Illyriique Tralli, pari inter se numero, duo nempe millia cujusque generis.

¹⁶ Duo millia equitum] Sic dedit

opperiebatur. Romanis ferme par numerus erat, ¹⁷ equi- U. C. 555.
tum copiis tantum, quod Ætoli accesserant, superabant. A. C. 197.

V. Quinctius ad Thebas Phthioticas castra quum movisset, spem nactus per Timonem principem civitatis prodi urbem, cum paucis equitum levisque armaturæ ad muros successit. Ibi adeo frustrata spes est, ut non certamen modo cum erumpentibus, sed periculum quoque atrox subiret: ni castris excitis repente pedites equitesque in tempore subvenissent. Et postquam nihil conceptæ temere spei succedebat, urbis quidem amplius tentandæ in præsentia conatu abstitit: ceterum satis gnarus, jam in Thessalia regem esse, nondum comperto, quam in regionem venisset, milites per agros dimissos vallum cædere et parare jubet. Vallo et Macedones et Græci usi sunt; sed usum nec ad commoditatem ferendi, nec ad ipsius munitionis firmamentum aptaverunt. Nam et majores et magis ramosas arbores cædebant, quam quas ferre cum armis miles posset; et quum castra his ante objectis sepsissent, ¹⁸ facilis molitio eorum valli erat. nam et quia rari stipites magnarum arborum eminebant, multique et validi rami præbebant, quod recte manu caperetur, duo, aut summum tres juvenes connisi arborem unam evelebant. qua evulsa^e, portæ instar extemplo patebat, ¹⁹ nec in promptu erat, quod obmolirentur. Romanos leves et ²⁰ bifurcos plerosque, et ^f trium, aut, quum plurimum, quatuor ramorum vallos cædit, ut et suspensis ab tergo armis ferat plures simul apte miles; et ita densos obfigunt implicantque ramos, ²¹ ut neque, quæ cujusque stipitis palma sit, pervideri possit; et ^g adeo acuti, aliusque per alium inmissi radii locum ad inserendam manum non relinquunt, ut neque prehendi, quod trahatur, neque trahi, quum inter se innexi rami vinculum in vicem præbeant, possit;

^e vulsa Gron. Crev.

^f et l. vel Crev.

^g et del. Gron.

Gronovius. Ante eum editi bis mille equitum: quæ loquendi forma parum usitata est.

¹⁷ Equitum copiis] Optimâ Gronovii emendatio. Antea qui tamen, vel qui tum.

¹⁸ Facilis molitio eorum valli erat] Facile erat eorum vallum moliri, id est. evellere, eruere. *ἰσὶν εὐδιάσπαστος*, ut habet Polybius, quem hic sequitur et vertit noster.

¹⁹ Nec in promptu erat quod obmolirentur] Nec facile reperiebant quod in locum arboris evulsæ, ad obstruendam ingentem hanc lato ore fenestram, reponerent.

²⁰ Bifurcos plerosque, vel trium, aut, cum plurimum, quatuor ramorum] Hic unicum exemplar deprava-

tum erat. Habebat enim et trium aut complurium. Emendavit Freinshe-mius ex Polybio, cujus hæc sunt verba: *δύο κεραίαι ἢ τρεῖς ἔχουσιν οἱ χάραις, οἳ δὲ πλείους, τέσσαρες.*

²¹ Ut neque, quæ cujusque stipitis palma sit, pervideri possit] Hic deest membrum orationis, quale foret, neque quis cujusque palmæ stipes. Id apparet ex Polybio, qui integrum sensum repræsentat. *ὥστε μήτε τὰς κεραίαις εὐχέως ἐπιγινώσκειν, ποίας εἰσὶν ἐκ φύσεως τῶν ἐν τῇ γῇ καταφυγμένων, μήτε τὰς ἐκ φύσεως, ποίων κεραίων.* Si palmam vel ramum videres, non facile dignoscebas, cujus stipitis foret: si stipitem, non continuo pervidebas, quænam ejus essent palmæ.

U. C. 555. et, si evulsus forte est unus, nec loci multum aperit, et
A. C. 197. aliud reponere perfacile est.

Pheras
utraq-ue ex-
ercitus ve-
nit.

VI. Quinctius postero die, vallum secum ferente milite, ut paratus omni loco castris ponendis esset, progressus modicum iter, sex ferme millia a Pheris quum consedisset, speculatum, in qua parte Thessaliæ hostis esset, quidve pararet, misit. Circa Larissam erat rex, qui certior jam factus, Romanum ab Thebis Pheras movisse, defungi quamprimum et ipse certamine cupiens, ducere ad hostem pergit, et quatuor millia fere a Pheris posuit castra. Inde postero die quum expediti utrimque ad occupandos super urbem tumulos processissent, pari ferme intervallo ab jugo, quod capiendum erat, quum inter se conspecti essent, ²²constiterunt; nuncios in castra remissos, qui, quid sibi, quum præter spem hostis obcurrisset, faciendum esset, consulerent, quieti opperientes. Et illo quidem die, nullo into certamine, in castra revocati sunt. Postero die circa eosdem tumulos equestre prælium fuit: in quo ²³non minimum^b Ætolorum opera regii fugati, atque in castra compulsi sunt. Magnum utrisque impedimentum ad rem gerendam fuit ager consitus crebris arboribus, hortique, ut in suburbanis locis, et coartata itinera maceris, et quibusdam locis interclusa. Itaque pariter ducibus consilium fuit excedendi ea regione, et, velut ex prædicto, ambo Scotussam petierunt; Philippus, spe frumentandi inde; Romanus, ut prægressus conrumperet hosti frumenta. Per diem totum, quia colles perpetuo jugo intererant, nullo conspecta inter se loco agmina ierunt. Romani ad Eretriam Phthiotici agri, Philippus super amnem Onchestum posuit castra. Ne postero quidem die, quum Philippus ad Melambium, quod vocant Scotussæi agri, Quinctius circa Thetidium Pharsaliæ terræ posuisset castra, aut hi, aut illi, ubi hostis esset, satis compertum habuerunt. Tertio die primo ²⁴nimbus effusus, dein caligo noctis simillima Romanos metu insidiarum tenuit.

VII. Philippus maturandi itineris caussa, post imbrem ²⁵nubibus in terram demissis nihil deterritus, signa ferri iussit. sed tam densa caligo obcæcaverat diem, ut neque

^b minima Ead.

²² *Constiterunt*] Emendatio Quærengei. MS. habuit *constituerunt*: ubi suppleri poterat *signa*. Sic l. XXVII. c. 16. supra, Gronovius ex optimis MSS. edidit *quo constituerat loco*, nempe agmen. Id tamen hoc loco dubitationem aliquam movere potest, quod infra c. 7. ubi legitur legendumque est *non ante restiterunt*, exemplar unicum habuit *restituerunt*: ita ut hic quoque *constituerunt* pro *constiterunt* per mendum irreperere potuisse videatur.

²³ *Non minimum Ætolorum opera*] *Non minimum*, id est, magna ex parte, maxime. Gronovius legi jubet, atque etiam edidit, *non minima*. Sed hanc emendationem parum necessariam rejecimus.

²⁴ *Nimbus effusus*] Imbrem intellege.

²⁵ *Nubibus in terram demissis*] Nubibus non suspensis in aere, sed densa nebula terræ incumbens.

signiferi viam, nec signa milites cernerent; agmen ad in-U. C. 555.
certos clamores vagum velut errore nocturno turbaretur. A. C. 197.
Supergressi tumulos, qui Cynoscephalæ vocantur, relicta
ibi statione firma peditum equitumque, posuerunt castra. ^{Castra Philippi ad Cynoscephalas.}
Romanus eisdem ad Thetidium castris quum se tenuisset,
exploratum tamen, ubi hostis esset, decem turmas equitum
et ²⁶mille pedites misit; monitos, ut ab insidiis, quas dies
obscurus apertis quoque locis tecturus esset, præcaverent.
Ubi ventum ad inessos tumulos est, pavore mutuo injecto
velut torpentes quieverunt. dein, nunciis retro in castra ad
duces missis, ubi primus terror ab necopinato visu consedit,
non diutius certamine abstinuere. Principio a paucis pro-Prælii ini-
currentibus lacessita pugna est, deinde subsidiis tuentium ^{tium.}
pulsos aucta: in qua quum haudquaquam pares Romani
alios super alios nuncios ad ducem mitterent, premi sese;
quingenti equites et duo millia peditum, maxime Ætolorum,
cum duobus tribunis militum propere missa, rem inclinatam
restituerunt: versaue fortuna, Macedones laborantes opem
regis per nuncios inplorabant. Sed, ut qui nihil minus illo
die propter ²⁷obfusamⁱ caliginem, quam prælium, expec-
tasset, magna parte hominum omnis generis pabulatum
missa, aliquamdiu inops consilii trepidavit: deinde, post-
quam nuncii instabant, et jam juga montium detexerat ne-
bula, et in conspectu erant Macedones, in tumultum maxime
editum inter alios compulsi, loco se magis, quam armis, tu-
tantes; committendam rerum summam in discrimen utcum-
que ratus, ne partis indefensæ jactura fieret, Athenagoram
ducem mercede militantium cum omnibus, præter Thracas,
auxiliis, et equitatu Macedonum ac Thessalorum mittit. eo-
rum adventu depulsi ab jugo Romani non ante restiterunt,
quam in planiorem vallem perventum est. Ne effusa de-
truderentur fuga, plurimum in Ætolis equitibus præsidii
fuit. is longe tum optimus eques in Græcia erat; pedite in-
ter finitimos vincebantur.

VIII. ²⁸Lætior res, quam pro successu pugnae, nunciata, Universum
quum alii super alios recurrentes ex prælio clamarent, fu-
gere pavidos Romanos, invitum et cunctabundum, et di-
centem temere fieri, non locum sibi placere, non tempus,
perpulit, ut educeret omnes copias in aciem. Idem et Ro-
manus, magis necessitate, quam occasione pugnae inductus,
fecit. dextrum cornu, elephantis ante signa instructis, in

ⁱ effusam Gron.

²⁶ Mille pedites] Leges velites ex
Polybio, qui habet τῶν εὐζώνων εἰς χί-
λιδες.

²⁷ Offusam caliginem] Sic recte
Gronovius pro effusam.

²⁸ Lætior res, quam pro successu
pugnae, nunciata] Aucta res in majus,
et lætior nunciata regi, quam quantus
erat pugnae successus, quam quanta
erat rei gestæ magnitudo.

U.C. 555. subsidii reliquit: lævo cum omni levi armatura in hostem vadit; simul admonens, cum iisdem Macedonibus pugnatu-
 A.C. 197. ros, quos ad Epiri fauces, montibus fluminibusque septos, victa naturali difficultate locorum, expulissent, acieque expugnassent: cum iis, quos P. Sulpicii prius ductu²⁹ obsidentes Eordææ aditum vicissent. Fama stetitisse, non viribus, Macedonia regnum. Eam quoque famam tandem evanuisse. Jam perventum ad suos in ima valle stantes erat, qui adventu exercitus imperatorisque pugnam renovant, inpetuque facto rursus avertunt hostem. Philippus cum cætratis et cornu dextro peditum, robore Macedonici exercitus, quam phalangem vocabant, proprio cursu ad hostem vadit. Nicanori, ex purpuratis uni, ut cum reliquis copiis confestim sequatur, inperat. Primo, ut in jugum evasit, et, jacentibus ibi paucis armis corporibusque hostium, prælium eo loco fuisse, pul-
 sosque inde Romanos, et pugnari prope castra hostium vidit, ingenti gaudio est elatus: mox, refugientibus suis, et terrore verso, paullisper, incertus an in castra reciperet copias, trepidavit: deinde, ut adpropinquabat hostis, et, præterquam quod cædebantur aversi, nec, nisi defenderentur, servari poterant, ³⁰ne ipsi quidem in tuto jam receptus erat; coactus, nondum adsecuta parte suorum, periculum summæ rerum facere, equites levemque armaturam, qui in prælio fuerant, dextro in cornu locat. cætratos et Macedonum ³¹phalangem, hastis positis, quarum longitudo impedi-
 mento erat, gladii rem gerere jubet. simul, ne facile per-
 rumperetur acies, ³²dimidium de fronte demtum introrsus

^k ac ne Gron. Crev.

29 Obsidentes Eordææ aditum] Egregia Gronovii correctio, quam firmat Polybius hoc ipso loco. Prius legebatur obsidentes in eodem aditu, nec satis Latine, et contra historię fidem. Idem Eordææ nomen vitiatum quoque fuerat supra l. XXXI. c. 39.

30 Ac ne ipsi quidem in tuto jam receptus erat] Delendam esse voculam ac recte admonet Perizonius.

31 Phalangem, hastis positis . . gladii rem gerere jubet] Mirum profecto videri debet, quod hic phalangitæ jubentur sarissas ponere, quæ et vallo quodam fere inexpugnabili ipsos sepiebant, et magnam vim habebant ad per-
 rumpendos hostium ordines. Liceat nobis dubitare, an Livius genuinum Polybii sensum hic expresserit, cujus hæc sunt verba. τοῖς μὲν φαλαγγίταις ἰδὼν παράγγιλα καταβαλῶσι τὰς σαρίσσας ἐπ' αὐτοῖν. Ea sic vertit Casaubonus: Phalangitis data est tessera, ut

demissis sarissis hostem invadant. Fortasse in errorem induxerit Livium verbum καταβαλῶσι, quod vulgo sumitur pro abjicere, at hoc loco procul dubio intelligi debet demittere. Jubentur enim Macedones demittere sarissas, ut illæ spectarent hostem, et in eum dirigerentur. Hæc nostra conjectura paulo audacior fortasse videatur: at est tamen verisimilior, quam id quod narratur a Livio, Macedonas nempe jus-
 sos esse ab rege suam ipsos vim solvere et infringere. Si quis dubitaret in sarissis ante primos militum ordines projectis positum fuisse proprium Macedonicæ phalangis robur, legat egregiam armorum Romanorum Macedonicorumque comparisonem apud Polybium, hoc ipso loco, post narratam pugnam ad Cynoscephalas.

32 Dimidium de fronte demptum introrsus porrectis ordinibus duplicat] Hypallage. Proprie enim dici debuisset

porrectis ordinibus duplicat, ut longa potius, quam lata, U. C. 555. acies esset. simul et densari ordines iussit, ut vir viro, arma A. C. 197. armis jungerentur.

IX. Quinctius, his, qui in proelio fuerant, inter signa et ordines acceptis, tuba dat signum. Raro alias tantus clamor dicitur in principio pugnae exortus. nam forte utraque acies simul conclamavere. nec solum qui pugnabant, sed subsidia etiam, quique tum maxime in proelium veniebant. Dextro cornu rex, loci plurimum auxilio, ex jugis altioribus pugnans, vincebat; sinistro, tum cum maxime adpropinquante phalangis parte, quæ novissimi agminis fuerat, sine ullo ordine trepidabatur. Media acies, quæ³³ propior dextrum cornu erat, stabat spectaculo velut nihil ad se pertinentis pugnae intenta: ³⁴phalanx, quæ venerat, agmen magis, quam acies, aptiorque itineri, quam pugnae, vixdum in jugum evaserat. In hos incompósitos Quinctius, ³⁵quamquam pedem referentes in dextro cornu suos cernebat, elephantis prius in hostem actis, inpetum facit; ratus partem profligatam cetera tracturam. Non dubia res fuit. exemplo terga vertere Macedones, terrore primo bestiarum aversi. et ceteri quidem hos pulsos sequebantur: unus e tribunis militum, extemplo capto consilio, cum ³⁶viginti signorum militibus, relicta ea parte suorum, quæ haud dubie vincebat, brevi circuitu dextrum cornu hostium aversum invadit. Nullam aciem ab tergo adortus non turbasset; ceterum ad communem omnium in tali re trepidationem accessit, quod phalanx Macedonum, gravis atque immobilis, nec circumagere se poterat, nec hoc, qui a fronte, paullo ante pedem referentes, tunc ultro territis instabant, patiebantur. Ad hoc, loco etiam premebantur, quia jugum, ex quo pugnaverant, dum per proclive pulsos insequuntur, tradiderant hosti ad terga sua circumducto. Paullisper in medio cæsi, deinde, omissis plerique armis, capessunt fugam.

X. Philippus cum paucis peditum equitumque primo tu-

set: dimidio de fronte dempto duplicat ordines introrsus in longum porrectos.

33 *Propior dextrum cornu] Propius accedens ad dextrum cornu. Sic amat loqui Livius. Vid. not. ad XXVIII. 40.

34 Phalanx, quæ venerat] Multum aridet Gronovii conjectura: phalanx, quæ laeva erat, id est altera phalangis pars, quæ sinistrum cornu constituere debebat. Posses et suspicari vocem unam excidisse: Phalanx, quæ modo venerat.

35 Quamquam pedem referentes in

dextro cornu suos cernebat] Imo in laevo, vel sinistro cornu. Supra hoc ipso capite dicitur dextrum cornu Macedonum vincere. Huic ergo oppositum sinistrum cornu Romanorum premebatur. Et ita habet Polybius, ὁ δὲ τίτος διαρῶν ἡ δυνάμεις τὰς παρ' αὐτοῦ εἶχεν τὴν τῆς φάλαγγος ἑφοδὸν, ἀλλ' ἐκπιζομένης τοὺς ἐπὶ τῶν ἐναντίων. Hæc fere Gronov. Minor in litteris mutatio esset, si cum Perizonio legeremus. in altero cornu.

36 Viginti signorum] Viginti manipulorum. Vid. not. 2. ad c. 1. hujus libri.

U. C. 555. mulum altiore inter ceteros cepit,³⁷ ut specularetur, quæ
 A. C. 197. in læva parte suorum fortuna esset: deinde, postquam fugam
 effusam animadvertit, et³⁸ omnia circa juga signis
 Vincunt atque armis fulgere, tum et ipse acie excessit. Quinctius,
 Romani. quum institisset cedentibus¹, repente quia erigentes hastas
 Macedonas conspexerat, quidnam pararent incertus, paulisper
 novitate rei constituit signa: deinde, ut accepit^m hunc morem
 esse Macedonum tradentium sese, parcere victis³⁹ in animum habebat.
 Ceterum ab ignavis militibus omissam ab hoste pugnam, et quid
 imperator vellet, inpetus in eosdemⁿ factus, et primis cæsis, ceteri
 in fugam dissipati sunt. Rex effuso cursu Tempe petit. Ibi ad
 Gonnos diem unum substitit ad excipiendos, si qui prælio superessent.
 Romani victores in castra hostium spe prædæ inruunt: verum
 ea magna jam ex parte direpta ab Ætolis inveniunt. Cæsa eo die⁴⁰
 octo hostium millia, quinque capta. Ex victoribus septingenti
 ferme ceciderunt. Si⁴¹ Valerio quis credat, omnium rerum
 inmodice numerum augenti, quadraginta millia hostium eo die
 sunt cæsa; capta, ubi modestius mendacium est, quinque
 millia septingenti, signa militaria ducenta unum et quadraginta.
⁴² Claudius quoque duo et triginta millia hostium cæsa
 scribit, capta quatuor millia et trecentos. Nos non minimo
 potissimum numero credidimus, sed Polybium secuti sumus,
 non incertum auctorem quum omnium Romanarum rerum,
 tum præcipue in Græcia gestarum.

XI. Philippus, conlectis ex fuga, qui, variis casibus pugnae
 dissipati, vestigia ejus secuti fuerant, missisque Larissam
 ad commentarios regiones comburendos, ne in hostium
 venirent potestatem, in Macedoniam concessit. Quinctius,
⁴⁵ captivis prædaque venundatis, partim militi concessis,
 Larissam est profectus, haudum satis gnarus, quam regionem
 petisset rex, quidve pararet. Caduceator eo regius

Caduceator. rem Philip-
 pus ad
 Romanos
 mittit.

¹ cedentibus institisset Gron. Crev.

^m accipit Gron.

ⁿ eos Gron. Crev.

37 *Ut specularetur*] Aberat a cod. particula *ut*, quæ tamen necessaria est: nisi malis *unde*.

38 *Omnia circa juga signis atque armis fulgere, tum et ipse*] Ingeniose Gronovius suspicatur ex rom. quod erat *Romanis*, factum esse *tum*, et sic legendum esse: *postquam . . . animadvertit . . . omnia circa juga signis atque armis fulgere Romanis, et ipse acie excessit*.

39 *In animum habebat*] Sic l. II. c. 14. *in potestatem . . . esset*. Et Plaut. *Amphitr.* I. 1. 25. *Numero mihi in mentem fuit*. *Vide et not. ad XXIV. 2.

40 *Octo hostium millia, quinque*] Duæ postremæ voces adjectæ sunt ex Polybio.

41 *Valerio*] Antiat, de quo diximus ad l. III. c. 5.

42 *Claudius*] Intelligendus videtur Quadrigarius, qui sic nude jam a Livio Claudius nominatus est, l. VIII. c. 19. Vid. ibi not. 25.

43 *Captivis prædaque venundatis, partim militi concessis*] Partim venundatis, ita ut pretium in publicum redigeretur, partim militi concessis.

venit, specie ut induciæ essent, donec tollerentur ad sepul- U. C. 555.
 turam, qui in acie cecidissent; re vera ⁴⁴ad petendam ve- A. C. 197.
 niam legis mittendis. Utrumque ab Romano impetratum.
 Adjecta et illa vox, *bono animo esse regem ut juberet*: quæ ^{Ætolorum}
 maxime Ætolos offendit, ⁴⁵jam tumentes querentesque, querelæ et
mutatum victoria imperatorem. Ante pugnam omnia magna arrogancia.
parvaeque communicare cum sociis solitum: nunc omnium ex-
pertes consiliorum esse: suo ipsum arbitrio cuncta agere: cum
Philippo jam ⁴⁶*gratiæ privatæ locum quærere; ut dura atque*
aspera belli Ætoli exhauserint, pacis gratiam et fructum Ro-
manus in se vertat. Et haud dubie decesserat iis aliquantum
 honoris. sed, cur neglegerentur, ignorabant. Donis regiis
 imminere credebant invicti ab ea cupiditate animi virum:
 sed et succensebat non inmerito Ætolis, ob insatiabilem
 aviditatem prædæ, et adrogantiam eorum, victoriæ gloriam
 in se rapientium, ⁴⁷quæ vanitate sua omnium aures ob-
 fendeat: et Philippo sublato, fractis opibus Macedonici
 regni, Ætolos habendos Græciæ dominos cernebat. Ob eas
 caussas multa sedulo, ut viliores levioresque apud omnes
 essent et viderentur, faciebat.

XII. Induciæ quindecim dierum datæ hosti erant, et
 cum ipso rege constitutum colloquium: cujus priusquam
 tempus veniret, in consilium advocavit socios. ⁴⁸Retulit,
 quas leges pacis placeret dici. Amynder Athamanum rex Consultatio
 paucis sententiam absolvit; *ita componendam pacem esse, ut de pace.*
Græcia, etiam absentibus Romanis, satis potens tuendæ simul
pacis libertatisque esset. Ætolorum asperior oratio fuit, qui
pauca præfati, recte atque ordine imperatorem Romanum fa-
cere, quod, quos belli socios habuisset, cum iis communicaret
pacis consilia. ⁴⁹*falli autem eum tota re, si aut Romanis pa-*
cem, aut Græciæ libertatem satis firmam se credat relicturum,
nisi Philippo aut occiso, aut regno pulso: quæ utraque procli-
via esse, si fortuna uti vellet. Ad hæc Quinctius negare,
Ætolos ⁵⁰*aut moris Romanorum memores, aut* ⁵¹*sibi ipsis con-*

o tumentes jam Eæd.

44 Ad petendam veniam legis mit- tendis] Ad petendum, ut potestas sibi fieret mittendi legatos.

45 Tumentes jam] Jam ira turgidos. Supra l. XXXI. c. 8. iraque inde tumentibus.

46* Gratiæ privatæ locum quærere] Quærere locum ejus amicitia sibi privatim conciliandæ. Quodque hic paulo obscurius est, infra explicatur: Donis regiis imminere credebant Ætoli Quinctium.

47 Quæ vanitate sua] Quæ (Ætolorum arrogantia) per vanam falsamque virium et meritorum ostentationem

omnium aures offendeat. Gronovio magis placeret: qua vanitate sua . . offendeabant.

48* Retulit, quas leges] Jussit eos deliberare, quibusnam conditionibus censerent pacem regi concedi posse.

49 Falli autem eum tota re] Supple, adjecerunt, ut suus constet sensus verbo præfati, quod præcessit.

50 Aut moris Romanorum memores] Rectissime Gronovius memorem, ut referatur ad sententiam. Supra l. VII. c. 31. responsum . . amicitia Samnitium memor.

51* Sibi ipsis convenientem] Con-

U. C. 555. *venientem sententiam dixisse; et illos prioribus omnibus conciliis conloquisque de conditionibus pacis semper,*⁵² *non ut ad internecionem bellaretur, disseruisse, et Romanos. præter vetustissimum morem victis parcendi, præcipuum clementiæ documentum dedisse, pace Hannibali et Karthaginiensibus data. Omittere se Karthaginienses. Cum Philippo ipso quoties ventum in conloquium? nec umquam, ut cederet regno, actum esse? An, quia victus prælio foret, inexpiabile bellum factum? Cum armato hoste infestis animis concurrere debere: adversus victos,*⁵³ *mitissimum quemque, animum maximum habere. Libertati Græciæ videri graves Macedonum reges. si regnum gensque tollatur, Thracas, Illyrios,*⁵⁴ *Gallos deinde, gentes feras et indomitas, in Macedoniam se et in Græciam effusuras. Ne, proxima quæque amoliendo, majoribus gravioribusque aditum ad se facerent. Interfanti deinde Phæneæ prætori Ætolorum, testificantique, si elapsus eo tempore Philippus foret, mox gravius eum rebellaturum, Desistite tumultuari, inquit, ubi consultandum est.*⁵⁵ *Non iis conditionibus inligabitur pax, ut movere bellum possit.*

Conloquium ad Tempe, cum Philippo.

XIII. Hoc dimisso concilio, postero die rex ad fauces, quæ ferunt in Tempe, (⁵⁶is datus erat locus conloquio) venit: tertio die datur ei Romanorum ac sociorum frequens concilium. Ibi Philippus perquam prudenter, iis, sine quibus pax impetrari non poterat, sua potius voluntate omissis, quam ut altercando extorquerentur, *quæ priore conloquio aut imperata a Romanis, aut postulata ab sociis essent, omnia se concedere, de ceteris senatui permissurum, dixit. Quamquam vel inimicissimis omnibus præclusisse vocem videbatur, Phæneas tamen Ætolus, cunctis tacentibus, Quid? nobis, inquit, Philippe, reddisne tandem Pharsalum, et Larissam Cremasten, et Echinum, et Thebas Phthias? Quum Philippus nihil morari diceret, quo minus reciperent;*⁵⁷ *disceptatio*

Disceptatio inter Rom. et Ætolos.

sonam iis quæ ipsi alias censuissent.

52 Non ut ad internecionem] Merito adjecit particulam negantem Gronovius.

53 Mitissimum quemque, animum maximum habere] Vox animi non exstabat in scripto. Eam Gronovius censet repeti posse ex superiore membro, ubi habes *infestis animis*. Mitissimum quemque hominem, maximum animum habere: sive, ut quisque mitissimus sit in victoria, ita maximo animo esse. Horrius, qui notis illustravit totum hoc additamentum, quod ex Bambergensi codice accessit Latio, legebat: mitissimum quemque maximum haberi.

54 Gallos] Intelligendos Gronovius

putat Scordiscos, de quorum origine sic memorat Justinus, l. XXXII. c. 3. *Ex his* (Gallis, qui bellum adversus Delphos infeliceiter gesserant, duce Brenno) *manus quædam in confluyente Danubii et Savi consedit, Scordiscosque se appellari voluit.*

55 Non iis conditionibus illigabitur pax] Frustra hæc suspecta sunt Gronovio. Quid enim vetat dici illigatam pacem, id est, iis conditionibus, tanquam vinculis, adstrictam, ut solvi facile non possit? Imo elegantius illa velut vincula videntur tribui paci, quam Philippo.

56 Is datus erat locus colloquio] Melius dictus, quod subjicit Gronovius.

57 Disceptatio . . de Thebis] Hic

inter imperatorem Romanum et Ætolos orta est de Thebis: U. C. 555.
 nam, eas populi Romani jure belli factas esse, Quintius di- A. C. 197.
 cebat, quod, integris rebus, exercitu ab se admoto, vocati
 in amicitiam, quum potestas libera desciscendi ab rege es-
 set, regiam societatem Romanæ præposuissent. Phæneas,
 et pro societate belli, quæ ante bellum habuissent, restitui
 Ætolis æquum censebat, et ita in fœdere primo cautum
 esse, ut belli præda, rerumque, quæ ferri agique possent,
 Romanos; ager urbesque captæ Ætolos sequerentur. Vos,
 inquit, ipsi, Quintius, *societatis istius leges rupistis, quo
 tempore, relictis nobis, cum Philippo pacem fecistis: quæ
 si maneret, captarum tamen urbium illa lex foret. Thessaliæ
 civitates sua voluntate in ditionem nostram venerunt.* Hæc,
 cum omnium sociorum adsensu dicta, Ætolis non ⁵⁸ in præ-
 sentia modo gravia auditu, sed mox belli etiam ⁵⁹ caussæ,
 magnarumque ex eo cladum, iis fuerunt. Cum Philippo
 ita convenit, ut Demetrium filium et quosdam ex amico-
 rum numero obsides, et ⁶⁰ ducenta talenta daret: de ceteris
 Romam mitteret legatos. ad eam rem quatuor mensium in-
 duciæ essent. Si pax non impetrata ab senatu foret, obsi-
 des pecuniamque reddi Philippo ⁶¹ receptum est. Caussa
 Romano imperatori non alia major fuisse dicitur pacis ma-
 turandæ, quam quod Antiochum bellum transitumque in
 Europam moliri constabat.

XIV. Eodem tempore, atque, ut quidam tradidere, eo- Androsthe-
 dem die ad Corinthum Achæi ducem regium Androsthe- nis ad Co-
 nem justo prælio fuderunt. Eam urbem pro arce habitu- rinthum
 rus Philippus adversus Græciæ civitates, et principes inde cum Achæis
 evocatos per speciem conloquendi, quantum equitum dare pugna.
 Corinthii ad bellum possent, retinuerat pro obsidibus,
 et, præter quingentos Macedonas mixtosque ex omni ge-
 nere auxiliorum octingentos, ⁶² quod jam ante ibi fue-
 rat, mille Macedonum eo miserat, et mille ac ducen-
 tos Illyrios, Thracasque, et Cretenses, ⁶³ qui in utraque

Livius, dum Polybium quem vertit in-
 curiosius inspicit, in gravissimum im-
 pegit errorem. Nulla enim discepta-
 tio inter imperatorem Romanum et
 Ætolos orta est de Thebis, quas, ut-
 pote vi redactas in ditionem, Quintius
 reddi Ætolis posse et debere non nega-
 bat. Tota contentio fuit de tribus
 aliis urbibus, quæ voluntate in amici-
 tiam Romanorum venerant. Earum
 nullam Ætolis tradendam Quintius
 contendeat. Hæc sunt ipsa Polybii
 verba, Legat. 6. ὁ δὲ Τίτιος, τῶν μὲν ἑλ-
 λων ἢ κ' ἔφη δὲν ἑδραίαν (παραλαμβάνειν
 Αἰτωλίας;) Θήβας δὲ μόνον τῆς Φθίας. His
 non intellectis Livius inique et insulse

disserentem Quintium facit, ut subtili-
 ter et accurate pro suo more probat
 Perizonius, Animadv. Hist. c. 9.

58 In præsentia] Particula in recte
 adjecta est a Gronovio.

59 Causa] Vellemus causa.

60 Ducenta talenta] Marcas argen-
 ti nostrates 18750.

61 Receptum est] Promissum est.

62 Quod jam ante ibi fuerat] Videtur
 excidisse vox presidium.

63* Qui in utraque parte militabant]
 Nam Cretenses et Romanis et Philippo
 militabant. Hoc ideo observatur, quia
 mentio supra facta fuit Cretensium
 Quintio adjunctorum.

U. C. 555. parte militabant, octingentos. His additi Bæoti, Thes-
 A. C. 197. salique, et Acarnanes mille, scutati omnes, et ex ipsorum
 Corinthiorum juventute, inpleta ut essent sex millia arma-
 torum, fiduciam Androstheni fecerunt acie decernendi.

⁶⁴Nicostratus prætor Achæorum Sicyone erat cum duobus
 millibus peditum, centum equitibus. sed, inparem se et nu-
 mero et genere militum cernens, mœnibus non excedebat.
 Regiæ copiæ peditum equitumque vagæ Pellenensem, et
 Phliasium, et Cleonæum agrum, depopulabantur. Postre-
 mo, exprobrantes metum hosti, in fines Sicyoniorum trans-
 scendebant: navibus etiam circumvecti omnem oram Achaïæ
 vastabant. Quum id effusius hostes, et, ut fit ab nimia fi-
 ducia, negligentius etiam facerent, Nicostratus, spem nac-
 tus necopinantes eos adgrediendi, circa finitimas civitates
 nuncium occultum mittit, quo die, et quot, ex quaque
 civitate armati ad Apelaureum (Stymphaliæ terræ is locus
 est) convenirent. Omnibus ad diem edictam præatis, pro-
 fectus inde extemplo, per Phliasiorum fines nocte Cleonas,
 insciis omnibus, quid pararet, pervenit. Erant autem cum
 eo quinque millia peditum, ⁶⁵ex quibus armaturæ levis, et
 trecenti equites, cum iis copiis dimissi, qui specularentur:
 quam in partem hostes effunderent sese, opperiebantur.

XV. Androsthenes, omnium ignarus, Corintho profectus,
 ad Nemeam (amnis est Corinthium et Sicyonium interflu-
 ens agrum) castra locat. ⁶⁶Ibi parte dimidia exercitus di-
 missa, dimidiam trifariam divisit, et omnes equites discur-
 rere ad depopulandos simul ⁶⁷Pellenensium^p Sicyoniumque
 agros, et Phliasium, jubet. Hæc tria diversa agmina dis-
 cessere. quod ubi Cleonas ad Nicostratum perlatus est,
 extemplo validam mercenariorum manum præmissam ad
 occupandum saltum, per quem transitus in Corinthium est
 agrum, ante signa equitibus ut prægrederentur, locatis, ipse

^p Pellenensem Crev.

⁶⁴ Nicostratus prætor] Hoc loco uni-
 cum exemplar habuit Niceratus: sed
 paulo infra, ubi rursus idem Achæorum
 prætor nominatur, exhibet membrana
 Nicostratus; ut et appellatus est libro
 superiore c. 39.

⁶⁵ Ex quibus armaturæ levis et tre-
 centi equites] Felicissimam Perizonii
 conjecturam amplectimur, qui ratus
 deesse hic numerum levis armaturæ,
 cetera sic retingit: Erant cum eo
 quinque millia, ex quibus .. armaturæ
 levis, et trecenti equites. Cum iis copiis,
 dimissis qui specularentur, quam in
 partem hostes effunderent sese, opperie-
 bantur.

⁶⁶ Ibi parte dimidia exercitus dimissa]
 Quodnam erit ergo castris præsidium,
 si dimidia pars exercitus dimittitur,
 dimidia trifariam divisa populatur agros
 hostium? Partem tamen aliquam re-
 mansisse in castris ex sequentibus patet.
 Suspiciamus excidisse hic unam aut
 alteram vocem, cujus loco seiolus ali-
 quis intruserit ~~et~~ dimissa. Sensus ma-
 nifeste flagitat secum retenta, vel aliud
 quid simile.

⁶⁷ Pellenensem Sicyoniumque agros]
 Recentiores editi vitiose habebant Pel-
 lenensium: idque displicuerat Jac.
 Gronovio. Correximus ex vetustiori-
 bus.

confestim agmine duplici sequitur. Parte una mercenarii U. C. 555.
 milites ibant cum levi armatura, ⁶⁸ altera clipeati, dein alia- A. C. 197.
 rum gentium exercitus robur erat. Jam haud procul cast-
 ris aberant pedites equitesque, et Thracum quidam in va-
 gos palatosque per agros hostes ⁶⁹ inpetum fecerunt, quum
 repens terror castris infertur. Trepidare dux, ut qui hos-
 tes nusquam, nisi raro in collibus ante Sicyonem, non
 audentes agmen demittere in campos, vidisset; ad Cleo-
 nas quidem accessuros numquam credidisset. revocari tuba
 jubet vagos a castris dilapsos. Ipse, raptim capere arma
 jussis militibus, infrequenti agmine porta egressus, ⁷⁰ su-
 per flumen instruit aciem. Ceteræ copiae, vix conlegi
 atque instrui quum potuissent, primum hostium inpetum
 non tulerunt. Macedones et maxime omnium frequentes
 ad signa fuerant, et diu ancipitem victoriae spem fecerunt:
 postremo fuga ceterorum nudati, quum duæ jam acies hos-
 tium ex diverso, levis armatura ab latere, clipeati cætrati-
 que a fronte urguerent; et ipsi, re inclinata, primo retulere
 pedem: deinde impulsus terga vertunt, et plerique, abjectis
 armis, nulla spe castrorum tenendorum⁴ relicta, Corinthum
 petierunt. Nicostratus, mercenarius militibus ad hos per-
 sequendos, equitibus Thracumque auxiliis in populatores
 agri Sicyonii missis, ⁷¹ magnam ubique cædem edidit: ma-
 jorem prope, quam in prælio ipso. Ex iis quoque, qui
 Pellenen Phliuntaque depopulati erant, incompositi partim
 omniumque ignari, ad castra revertentes, in hostium sta-
 tiones, tamquam in suas, inlati sunt; partim, ex discursu
 id, quod erat, suspicati, ⁷² ita se in fugam passim sparserant,
 ut ab ipsis agrestibus errantes circumvenirentur. Cecide-
 runt eo die mille et quingenti, capti trecenti. Achaia om-
 nis magno liberata metu.

XVI. Priusquam dimicaretur ad Cynoscephalas, L. Acarna-
 Quinctius, Corcyram excitis Acarnanum principibus, quæ num gens
 sola Græciæ gentium in societate Macedonum manserat, societatem
 initium quoddam ibi motus fecit. Duæ autem maxime Romanam
 caussæ eos tenuerant in amicitia regis; una fides insita respuit.

⁴ tuendorum Grøn. Crev.

⁶⁸ Altera clypeati, dein aliarum
 gentium exercitus robur erat] Aliquid
 est hic, quod attentum lectorem mo-
 rari debeat. Quænam sunt enim illæ
 aliæ gentes, quum nullus ante populus
 appellatus sit, sed diversa armatorum
 genera? Deinde nihil apparet, unde
 regi possit rō aliarum gentium. For-
 tasse excidit Achæorum nomen, ac de-
 deraat Livius: Altera clypeati Achæo-
 rum, dein aliarum gentium, nempe
 clypeati, exercitus robur erat: ita ut.

exercitus robur intelligatur dictum de
 clypeatis tum Achæorum, tum aliarum
 gentium.

⁶⁹ Impetum fecerunt] Scribe fece-
 rant.

⁷⁰ Super flumen] Sic recte Grono-
 vius. Codex habebat per flumen.

⁷¹ Magnam ubique] Gronovio magis
 placeret, utrobique.

⁷² Ita se in fugam passim sparse-
 rant] Convenientius videretur, sparse-
 runt.

U. C. 555. genti, altera metus odiumque Ætolorum. Concilium Leu-
 A. C. 197. cadem indictum est. Eo neque cuncti convenere Acarna-
 num populi; nec ipsis, qui convenerant, idem placuit. sed
 et principes et magistratus pervicerunt, ut ⁷³privatum de-
 cretum Romanæ societatis fieret. Id omnes, qui abfuerant,
 ægre passi; et in hoc fremitu gentis a Philippo missi duo
 principes Acarnanum, Androcles et Echedemus, non ad
 tollendum modo decretum Romanæ societatis valuerunt,
 sed etiam ut Archelaus et Bianor, principes gentis ambo,
 quod auctores ejus sententiæ fuissent, proditiōis in conci-
 lio damnarentur, et Zeuxidæ prætori, quod de ea re retulis-
 set, imperium abrogaretur. Rem temerariam, sed eventu
 prosperam, damnati fecerunt. Suadentibus namque amicis,
 cederent tempori, et Corcyram ad Romanos abirent, sta-
 tuerunt obferre se multitudīni, et aut eo ipso lenire iras, aut
 pati, quod casus tulisset. Quum se frequenti concilio intu-
 lissent, primo murmur ac fremitus admirantium, silentium
 mox a verecundia simul pristinæ dignitatis, ac misericordia
 præsentis fortunæ ortum est. Potestate quoque dicendi
 facta, principio suppliciter, procedente autem oratione, ubi
 ad crimina diluenda ventum est, cum tanta fiducia, quan-
 tam innocentia dabat, disseruerunt: postremo, ⁷⁴ultra ali-
 quid etiam queri, et castigare iniquitatem simul in se cru-
 delitatemque ausi, ita adfecerunt animos, ut omnia, quæ in
 eos decreta erant, frequentes tollerent: neque eo minus red-
 eundum in societatem Philippi, abnuendamque Romano-
 rum amicitiam, censerent.

L. Quinc-
 tius Leuca-
 dem obpug-
 nat.

XVII. Leucade hæc sunt decreta. id caput Acarnaniæ
 erat, eoque in concilium omnes populi conveniebant. Ita-
 que, quum hæc repentina mutatio Corcyram ad legatum Fla-
 minium perlata esset, extemplo cum classe profectus,
 Leucade^r ad Heræum, quod vocant, naves adplicuit. Inde
 cum omni genere tormentorum machinarumque, quibus
 expugnantur urbes, ad muros accessit, ad primum terrorem
 ratus inclinari animos posse. Postquam pacati nihil osten-
 debatur, tum vineas turresque erigere, et arietem admovere
 muris cœpit. Acarnania universa, inter Ætoliam atque
 Epirum posita, solem occidentem et mare Siculum spectat.
⁷⁵Leucadia nunc insula, et vadoso freto, quod perfossum

Leucadis
 situs.

^r Leucadem Gron. Crev.

⁷³ Privatum decretum] An, decre-
 tum, non totius Acarnanum gentis
 nomine latum, sed quorundam tan-
 tum populorum? Hoc sane videntur
 suadere ea quæ præcedunt, ubi neque
 cunctos convenisse in concilium popu-
 los, neque omnibus qui convenerant

idem placuisse Livius memoravit. Si
 quis tamen melius quid impertierit, eo
 libenter utemur.

⁷⁴ * Ultra] Vid. not. 39. ad I. 5.

⁷⁵ Leucadia nunc insula et vadoso]
 Huic loco sanitatem perlevi mutatione
 reddidit Gronovius. Antea legebatur;

manu est, ab Acarnania divisa, tum peninsula erat, occi- U. C. 555.
 dentis regione artis faucibus cohærens Acarnaniæ. Quin- A. C. 197.
 gentos ferme passus longæ fauces erant; latæ haud am-
 plius centum et viginti. in his angustiis Leucas posita est,
 colli adplicata verso in orientem et Acarnaniam. Ima ur-
 bis plana sunt, jacentia ad mare, quo Leucadia ab Acarna-
 nia dividitur. Inde terra marique expugnabilis est. nam et
 vada sunt stagno similiora, quam mari: et campus terrenus
 omnis operique facilis. Itaque multis simul locis aut sub-
 ruti, aut ariete decussi ruebant muri. Sed quam urbs ipsa
 opportuna obpugnantibus erat, tam inexpugnabiles hostium
 animi. die ac nocte intenti reficere quassata muri; ob-
 struere, quæ patefacta ruinis erant; prælia impigre inire, et
 armis magis muros, quam se ipsos mœnibus, tutari. diutius-
 que spe Romanorum obsidionem eam extraxissent, ni ex-
 sules quidam Italici generis, Leucade habitantes, ab arce
 milites acceperunt. eos tamen, ex superiore loco magno
 cum tumultu decurrentes, acie in foro instructa, justo præ-
 lio aliquamdiu Leucadii sustinuerunt. Interim et scalis
 capta multis locis mœnia, et per stragem lapidum ac ruinas
 transcendens in urbem. jamque ipse legatus magno agmine
 circumvenerat pugnantes. pars in medio cæsi; pars, armis
 abjectis, dediderunt sese^s victori. Et post dies paucos, au-
 dito prælio, quod ad Cynoscephalas pugnatum erat, omnes
 populi Acarnaniæ⁷⁶ in deditionem legati venerunt.

Acarnania
pacata.

XVIII. Iisdem diebus, omnia simul inclinante fortuna, Rhodii Pe-
 rhodii quoque ad vindicandam a Philippo continentem re-
 gionem, (Peræam vocant) possessam a majoribus suis, Pau-
 sistratum prætorem⁷⁷ cum octingentis Achæis peditibus,
 mille et nongentis fere armatis, ex vario genere auxiliorum
 collectis, miserunt: Galli, et Pisuetæ, et Nisuetæ, et⁷⁸ Ta-
 miani, et Arei, ex Africa, et Laodicensi ex Asia erant. cum
 his copiis⁷⁹ Pausistratus Tendeba in Stratonicensi agro lo-
 cum peropportunum,⁸⁰ ignaris regiis, qui tenuerant, occu-

Rhodii Pe-
ræam recu-
perant.

^s se Gron. Crev.

*Leucadia nunc insula est, vadoso freto
quod perfossum manu et ab Acarna-
nia divisa.*

⁷⁶ In deditionem legati] Legendum
omnino: in ditionem.

⁷⁷ Cum octingentis Achæis peditibus,
mille et nongentis fere armatis] Quæ-
rit Gronovius, an non pedites quoque
Achæi armati essent. Sed intelligendi
sunt opponi Achæis peditibus, qui erant
unius gentis, armati ex vario nationum
et auxiliorum genere collecti.

⁷⁸ Tamiani, et Arei] Hæc nomina
populorum parum nota sunt. Cete-
rum, si nihil in iis peccavit librarius

manus, existimandi sunt ex Africa esse,
itidem ut Nisuetæ, qui non longe a
Carthagine aberant.

⁷⁹ Pausistratus Tendeba . . occupa-
vit] Hic et paulo infra, castra ad ipsa
Tendeba movit, egregia habetur Frein-
shemii emendatio. Tendeba urbs est
Cariæ. Utrobique olim legebatur in
sulse tendebat.

⁸⁰ Ignaris regiis, qui tenuerant]
Non immerito videntur arguere mendi-
duas postremas voces Rubenius et
Gronovius. Ille emendat: qui Theræ
erant. Thera urbs est Perææ regionis,
Rhodo insulæ opposita.

U. C. 555. pavit. In tempore et ⁸¹ ad id ipsum exitum auxilium,
 A. C. 197. mille Achæi pedites cum centum equitibus supervenerunt.
 Theoxenus iis præerat. Dinocrates, regius præfectus, recuperandi castelli caussa, primo castra ad ipsa Tendeba movit, inde ad alterum castellum, item Stratonicensis agri: Astragon vocant. omnibusque ex præsiidiis, quæ multifariam disjecta erant, devocatis, et ab ipsa Stratonicea Thesalorum auxiliariis, Alabanda, ubi hostes erant, ducere pergit. Nec Rhodii pugnam detrectaverunt. atque, castris in propinquum conlatis, extemplo in aciem descensum est. Dinocrates quingentos Macedonas dextro cornu, lævo Agrianas locat: in medium accipit contractos ex castello- rum (Cares maxime erant) præsiidiis: ⁸² equites cornibus circumdat, et Cretensium auxiliares Thracumque. Rhodii Achæos^t dextro cornu, sinistro mercenarios milites, lectam peditum manum, habuere; medios mixta ex pluribus gentibus auxilia: equites levisque armaturæ quod erat, cornibus circumjectum. Eo die steterunt tantum acies utræque super ripam, qui tenui aqua interfluebat, torrentis: paucisque telis emissis, in castra receperunt sese. Postero die eodem ordine instructi majus aliquanto prælium, quam pro numero, edidere, pugnantium. nec enim plus terna millia peditum fuere, et centeni ferme equites: ceterum non numero tantum, nec armorum genere, sed animis quoque paribus, et æqua spe pugnarunt. Achæi primi, torrente superato, in Agrianas impetum fecere; deinde tota prope cursu transgressa annem acies est. Diu anceps pugna stetit. ⁸³ numero Achæi mille et ipsi quadringentos loco expulere. ⁸⁴ Inclinat dein dextrum omne cornu. Macedones, usque

^t Rhodii Achæos l. Rhodia cohors Gron. Crev.

81 *Ad id ipsum*] Nempe, ut vindicari repetique Peræa posset, quod consilium supra dicuntur Rhodii cepisse.

82 *Equites cornibus circumdat. Cretensium auxiliares Thracumque Rhodia cohors*] Hunc locum corruptissimum ac plane deploratum feliciter restituit Perizonius hoc modo: *Equites cornibus circumdat, et Cretensium auxiliares Thracumque. Rhodii Achæos dextro cornu, sinistro mercenarios milites. . . habuere.* Antiquissima editio habebat *circumdaret*, unde nullo negotio efficitur *circumdat et.* Achæos dextrum cornu tenuisse in exercitu Rhodiorum patet ex iis quæ sequuntur. Itaque hæc nobis doctissimi viri emendatio videtur veram exhibere Livii manum.

83 *Numero Achæi mille et ipsi quadringentos. . . expulere*] Ex his vix ullus sensus videtur effici posse. Neque enim

satisfacit Gronovii conjectura: *Numero Achæi mille et ipsos octingentos loco expulere.* Achæi mille et octingenti erant, ut constat ex iis quæ præcedunt. Putat igitur Gronovius hic Livium significare pari numero fuisse etiam Agrianas. Sed turbat vox numero plane alieno loco et ordine posita. Si hæc fuit mens Livii, plus audendum erit, legendumque: *Agrianas Achæi mille et ipsos octingentos loco expulere.* * Achæi mille et octingenti erant, ut constat ex iis quæ præcedunt. Agrianes, pari et ipsi numero, ab iis pelluntur. † Sed hæc valde incerta sunt.

84 *Inclinat dein dextrum omne cornu. Macedones*] Dextrum cornu erant Macedones. Itaque quamdiu stant immoti, non potest dici dextrum cornu inclinare. Gronovius videtur Livii sensum attigisse, dum rescribit: *Inclinat*

dum ordine et velut stipata phalanx consistebat, moveri U. C. 555.
 nequiverunt. postquam, lævo latere nudato, circumjacere A. C. 197.
 hastas in venientem ex transverso hostem conati sunt, tur-
 bati extemplo tumultum primo inter se fecerunt: terga
 deinde vertunt: postremo, abjectis armis, in præcipitem
 fugam effusi, Bargylas petentes fugerunt. Eodem et Di-
 nocrates per fugit. Rhodii, quantum diei superfuit secuti,
 receperunt se^u ad castra. Satis constat, si confestim victo-
 res Stratoniceam petissent, recipi eam urbem sine certame
 potuisse. Prætermissa ejus rei occasio est, dum in
 castellis vicisque Perææ recipiendis tempus teritur. Inter-
 rim animi eorum, qui Stratoniceam præsidio obtinebant,
 confirmati sunt. mox et Dinocrates cum iis, quæ prælio
 supererant, copiis intravit muros. Nequidquam inde ob-
 sessa obpugnataque urbs est. recipi, nisi aliquanto post, per
 Antiochum non potuit. Hæc in Thessalia, hæc in Achaia,
 hæc in Asia per eosdem dies ferme gesta.

XIX. Philippus quum audisset, Dardanos, transgressos Philippus
 fines⁸⁵ ab contemptu concussi tum regni, superiora Mace- Dardanos
 doniæ evastare, quamvis toto prope orbe terrarum, undique cadit.
 se suosque profligante fortuna, urgebatur, tamen morte
 tristius ratus, Macedoniæ etiam possessione pelli, delectu
 raptim per urbes Macedonum habito, cum sex millibus pe-
 ditum et quingentis equitibus circa Stobos Pæoniæ impro-
 viso hostes obpressit. Magna multitudo hominum in præ-
 lio, major prædandi cupidine palata per agros cæsa est.
 quibus fuga expeditior fuit, ne tentato quidem casu pug-
 næ, in fines suos redierunt. Ea una expeditione⁸⁶ non pro
 reliquo statu fortunæ facta, reffectis suorum animis, Thessa-
 lonicam sese recepit. Non tam in tempore Punicum bel-
 lum terminatum erat, ne simul et cum Philippo foret bel-
 landum; quam opportune, jam Antiocho in Syria moliente Antiochi
 bellum, Philippus est superatus. nam, præterquam quod Syriæ R.
 facilius cum singulis, quam si in unum ambo simul contu- molitiones.
 lissent vires, bellatum est; Hispania quoque sub idem
 tempus magno tumultu ad bellum consurrexit. Antiochus
 quum, priore ætate omnibus, quæ in Cœle-Syria sunt, ci-
 vitatibus Ptolemæi in suam potestatem redactis, in hiberna
 Antiochiam concessisset; nihilo quietiores postea res ha-
 buit. omnibus enim regni viribus connisus, quum ingentes
 copias terrestres maritimasque comparasset, principio veris

^u sese Gron. Crev.

dein omnis media acies. Dextrum concussum.
 cornu Macedones, usque dum . .

85 Ab contemptu concessi tum regni] Cujus eventus non congrueret reliquæ
 Lege cum Perizonio, concussi. * Quum ejus fortunæ; quæ prospera esset, dum
 contemnerent Dardani regnum Phi- adversa eum in reliquis omnibus for-
 lippi, tum variis crebrisque damnis tuna urgebat.

86 * Non pro reliquo statu fortunæ]

U. C. 555. præmissis terra cum exercitu filiis duobus, Ardye^x ac Mi-
 A. C. 197. thridate, jussisque Sardibus se opperiri; ipse cum classe cen-
 tum tectarum navium, ad hoc levioribus navigiis cercuris-
 que ac lembis ducentis, proficiscitur: simul per omnem
 oram Ciliciæque et Cariæ tentaturus urbes, quæ in ditione
 Ptolemæi essent; simul Philippum (necdum enim debella-
 tum erat) exercitu navibusque adjuturus.

Legatio
 Rhodiorum
 ad Antio-
 chum.

Antiochi
 responsio.

XX. Multa egregia Rhodii pro fide erga populum Ro-
 manum, proque universo nomine Græcorum, terra marique
 ausi sunt: nihil magnificentius, quam quod ea tempestate,
 non terrii tanta mole imminentis belli, legatos ad regem
 miserunt Nephelida, (promontorium Ciliciæ est, ⁸⁷ inclitum
 fœdere antiquo Atheniensium) si eo non contineret copias
 suas, se obviam ituros; non ab odio ullo, sed ne conjungi
 cum Philippo paterentur, et impedimento esse Romanis libe-
 rantibus Græciam. Coracesium eo tempore Antiochus ope-
 ribus obpugnabat. Zephyrio, et Solis, et Aphrodisiade, et
 Coryco, ⁸⁸ et, superato Anemurio, (promontorium id quo-
 que Ciliciæ est) Selinunte recepto, omnibus his aliisque ejus
 oræ castellis, aut metu, aut voluntate, sine certamine, in
 deditionem acceptis, Coracesium præter spem clausis portis
 tenebat eum. Ibi legati Rhodiorum auditi. et quamquam
 ea legatio erat, quæ accendere regium animum posset, tem-
 peravit iræ: et, *legatos se Rhodum missurum*, respondit, *iis-
 que mandaturum, ut renovarent vetusta* ⁸⁹ *jura, cum ea civi-
 tate, sua majorumque suorum: et retarent eos adventum per-
 timescere regis, nihil his aut sociis eorum noxæ futurum
 fraudive.* ⁹⁰ *nam, Romanorum amicitiam se non violaturum,
 argumento et suam recentem ad eos legationem esse, et senatus
 honorifica in se decreta responsaque.* ⁹¹ Tum forte legati
 redierant^y ab Roma, comiter auditi dimissique, ut tempus
 postulabat, incerto adhuc adversus Philippum eventu belli.
 Quum hæc legati regis in concione Rhodiorum agerent,
 nuncius venit, debellatum ad Cynoscephalas esse. Hoc
 nuncio accepto, ⁹² Rhodiis, demto metu a Philippo omni,
 erat consilium obviam eundi classe Antiocho. Illam alte-

^x Ardue Gron. Crev.

^y redierunt Eæd.

⁸⁷ Inclitum fœdere antiquo Athe-
 niensium] Existimat Dujatius hic in-
 dicari fœdus illud quod, fractis a Ci-
 mone barbarorum viribus, Plutarchus
 et Diodorus memorant cum Persis ic-
 tum; quo cautum erat ne Persis ul-
 tra Chelidonnias insulas navigare arma-
 tis liceret.

⁸⁸ Et, superato Anemurio . . . Seli-
 nunte recepto] Quum superato Ane-
 murio promontorio Selinuntem rece-
 pissent.

⁸⁹ Jura] Necessitudinis et amici-
 tiæ.

⁹⁰ Nam Romanorum] Suam lega-
 tionem et responsa senatus argumento
 esse, se non violaturum Romanorum
 amicitiam.

⁹¹ Tum forte legati redierunt] Lege
 cum Gronovio redierant.

⁹² Rhodiis . . . erat consilium] Sed
 hoc quidem consilium effectu caruit.
 Illam alteram curam non omiserunt,
 nempe tuenda libertatis . . .

ram curam non omiserunt, tuendæ libertatis civitatum so- U. C. 555.
ciarum Ptolemæi, quibus bellum ab Antiocho imminebat. A. C. 197.
nam alias auxiliis juverunt, alias providendo ac præmo-
nendo conatus hostis: caussaque libertatis fuerunt Cau-
niis², Myndiis, Halicarnassensibus, Samiisque. Non operæ
est persequi, ut quæque acta in his locis sint, quum ad ea,
quæ proprie Romani belli sunt, vix subficiam.

XXI. Eodem tempore et Attalus rex, æger Thebis Perga- Attali mors
mum advectus, moritur altero et septuagesimo anno; quum et laudes.
quatuor et quadraginta annos regnasset. ⁹³ Huic viro, præ-
ter divitias, nihil ad spem regni fortuna dederat. his simul
prudenter, simul magnifice utendo, effecit, primum ut sibi,
deinde ut aliis non indignus videretur regno. Victis de-
inde prælio uno Gallis, ⁹⁴ quæ tum gens recenti adventu
terribilior Asiæ erat, regium adscivit nomen, cujus mag-
nitudini semper animum æquavit. Summa justitia suos
rexit: unicam fidem sociis præstitit: ⁹⁵ uxorem ac ⁹⁶ liberos
quatuor superstites habuit: mitis ac munificus amicis fuit:
regnum adeo stabile ac firmum reliquit, ut ⁹⁷ ad tertiam
stirpem possessio ejus descenderit. Quum is status rerum
in Asia, Græciæque, et Macedonia esset, vixdum terminato
cum Philippo bello, pace certe nondum perpetrata, ingens
in Hispania ulteriore coortum est bellum. M. Helvius eam Motus in
provinciam obtinebat. Is literis senatum certiorum fecit, Hispania.
*Colcam et Luscinum regulos in armis esse. ⁹⁸ Cum Colca
decem et septem oppida, cum Lusino validas urbes, Cardonem
et Bardonem: et maritimam oram omnem, ⁹⁹ quæ nondum ani-*

² Cauneis Gron. Crev.

⁹³ Huic viro . . nihil ad spem regni] Docet Pausanias in Atticis Philetærum Eunuchum, Lysimachi regis ærario præfectum, ab eo descivisse, et Pergamum occupasse, cujus urbis possessionem sub Seleuci tutela et præsidio tenuit, et ad hæredes transmisit. Huic duo fratres fuere, Eumenes et Attalus. Eumenes cognominem filium habuit Eumenem, iidemque Attalus Attalum. Ab Eumene juniore, qui Philetæro successerat, hic noster Attalus junior Pergami dynastiam hæreditario jure accepit. Vid. et Strab. l. XIII.

⁹⁴ Quæ tum gens recenti adventu] Ante quadragesimum fere annum Galli Asiam ingressi terrore nominis sui omnia compleverant. Vid. Justinum, libb. XXV. et XXVII.

⁹⁵ Uxorem ac liberos quatuor . . habuit: mitis ac munificus amicis fuit] Facile nobis persuaderi pateremur hæc duo orationis membra non eo ordine scripta est a Livio, quo hic leguntur. Mallemus totum hunc locum sic dis-

positum: *summa justitia suos rexit: unicam fidem sociis præstitit: mitis ac munificus amicis fuit. Uxorem ac liberos quatuor superstites habuit: regnum adeo stabile reliquit, ut etc.* Sic enim hinc quæcunque spectant ad dotes animi, illinc quæ pertinent ad fortunam domus regniq; distincte ac seorsum collocata reperirentur. Ceterum olim legebatur *munificus amicus*. Mutavit Gronovius.

⁹⁶ Liberos quatuor] Eumenem, qui successor regni fuit, Attalum, Philetærum, et Athenæum.

⁹⁷ Ad tertiam stirpem] Ad Attalum Philometora Eumenis filium, qui hærede populo Romano decessit.

⁹⁸ Cum Colca decem et septem oppida, cum Lusino . . Cardonem et Bardonem] Repete ex præcedentibus in armis esse.

⁹⁹ Quæ nondum animos nudaverat] Lege cum Gronovio, *nudaverit*. Est enim indirecta oratio.

U. C. 555. *mos nudaverat, ad finitimorum motus consurrecturam.* His
A. C. 197. literis ¹a M.^a Sergio Prætorē, cuius jurisdictio inter cives
erat, recitatis, decreverunt Patres, ut, comitiis prætorum
perfectis, cui prætori provincia Hispania obvenisset, is
primo quoque tempore de bello Hispaniæ ad senatum re-
ferret.

Coss. alteri
triumphus
conceditur,
alteri nega-
tur.

XXII. Sub idem tempus consules Romam venerunt.
quibus in æde Bellonæ senatum habentibus, postulantibus-
que triumphum ob res prospere bello gestas, C. Atinius
Labeo et C. Ursanius tribuni plebis, ut separatim de trium-
pho agerent consules, postularunt. *communem se relationem
de ea re fieri non passuros, ne par honos in dispari merito esset.*
Quumque Minucius utrique provinciam Italiam obtigisse
diceret, communi animo consilioque se et collegam res
gessisse; Cornelius adjiceret, Boios adversus se transgredi-
entes Padum, ut Insubribus Cenomanisque auxilio essent,
depopulante vicos eorum atque agros collega, ad sua tu-
enda aversos esse; Tribuni *res tantas bello gessisse Corne-
lium fateri, ut non magis de triumpho ejus, quam de honore
Diis immortalibus habendo dubitari possit*^b. Non tamen nec
illum, nec quemquam alium civem tantum gratia atque opibus
valuisse, ut, quum sibimet triumphum impetrasset, *collegæ
eundem honorem impudenter petenti daret.* Q. Minucium in
Liguribus levia prælia, vix digna dictu, fecisse: ²*in Gallia
magnum numerum militum amisisse.* Nominabant etiam tri-
bunos militum T. Juventium, et C.^c Labeonem ejus fra-
trem, qui adversa pugna cum multis aliis viris fortibus, ci-
vibus ac sociis, cecidissent. *Oppidorum paucorum ac vico-
rum falsas, et in tempus simulatas,* ³*sine ullo pignore dedi-
tiones factas esse.* Hæ inter consules tribunosque alterca-
tiones biduum tenuerunt, victique perseverantia tribunorum
consules separatim retulerunt.

XXIII. C.^d Cornelio omnium consensu decretus trium-
phus. et Placentini Cremonensesque addiderunt favorem con-
suli, gratias agentes commemorantesque, obsidione se esse
ab eo liberatos. plerosque etiam, quum apud hostes essent,
⁴*servitute exceptos.* Q. Minucius, tentata tantum rela-

^a M. Gron. Crev.

^b posset Eæd.

^c Cn. Eæd.

^d Cn. Gron.

1 A M. Sergio prætorē, cuius juris-
dictio inter cives erat] Hic olim lege-
batur inter cives et peregrinos. Gro-
novius duas ultimas voces merito dele-
vit; quum constet ex c. 28. l. XXXII.
Sergium urbanam jurisdictionem ha-
buisse.

2 In Gallia magnum numerum mi-
litum amisisse] De hac adversa Minu-
cii cum Gallis pugna nulla in iis quæ

præcedunt mentio facta est.

3 Sine ullo pignore] Ita ut hæc
oppida quæ sese dediderant, nullum
fidei pignus dedissent. Nimirum quia
simulatæ erant illæ deditiones, nullum
nec Romani exigere potuerant, nec
Ligures dare voluerant fidei pignus.

4 Servitute excepto] Melius Grono-
vius, exemptos.

tione, quum adversum omnem senatum videret, ⁵in monte U. C. 555. Albano se triumphaturum, et jure imperii consularis, et A. C. 197. multorum clarorum virorum exemplo, dixit. C. Cornelius ^{Cornelius} de Insubribus Cenomanisque in magistratu triumphavit. in urbe, multa signa militaria tulit, multa Gallica spolia captivis carpentis transvexit: multi nobiles Galli ante currum traducti; inter quos, quidam, ⁶Hamilearem ducem Pœnorum fuisse, auctores sunt. Ceterum magis in se convertit oculos Cremonensium Placentinorumque colonorum turba ⁷pileatorum, currum sequentium. Tulit in triumpho ⁸ducenta triginta septem millia, quingentos æris, ⁹argenti bigati septuaginta novem millia. ¹⁰septuagenos æris militibus divisit: duplex equiti, triplex centurioni. Q. Minucius consul de Liguribus Boiisque Gallis in monte Albano triumphavit. is triumphus, ut loco, et fama rerum gestarum, et quod sumtum non erogatum ex ærario omnes sciebant, inhonoratior fuit: ita signis, carpentisque, et spoliis ferme æquabat. Pecuniæ etiam prope par summa fuit: ¹¹æris translata ducenta et quinquaginta quatuor millia, ¹²argenti bigati quinquaginta tria millia et ducenti. militibus centurionibusque et equitibus item in singulos datum, quod dederat collega.

Minucius in monte Albano triumphat.

XXIV. Secundum triumphum consularia comitia habita. creati consules L. Furius Purpureo et M. Claudius Marcellus. Prætores postero die facti, Q. Fabius Buteo, Ti. Sempronius Longus, Q. Minucius Thermus, M. Acilius Glabrio, L. Apustius Fullo, C. Lælius. Exitu ejus anni literæ a T. Quinctio venerunt, se signis conlatis cum rege Philippo in Thessalia pugnasse: hostium exercitum fustum fugatumque. Hæ literæ prius in senatu a Sergio prætore, deinde ex auctoritate Patrum in concione sunt recitatæ. Ob res prospere gestas in dies quinque supplicationes decretæ. Brevi post legati et a T. Quinctio et ab rege venerunt. Macedones deducti extra urbem in villam publicam; ¹³ibique iis locus et lautia præbita: et ad ædem Bellonæ ^{legati Romæ.} senatus est habitus. Haud multa verba facta, quum Mace-

⁵ *In monte Albano se triumphaturum*] Vid. not. ad XXVI. 21.

⁶ *Amilearem ducem Pœnorum*] Vid. not. 27. ad l. XXXII. c. 30.

⁷ *Pileatorum*] Quia scilicet servitute exempti fuerant. Vid. l. XXX. c. 45.

⁸ *Ducenta triginta septem millia quingentos æris*] Id est, denarios 23750. marcas argenti Parisienses 371. cum tribus uncæ partibus.

⁹ *Argenti bigati*] Denariorum qui bigarum figuram insculptam gererent. Porro 79000. denarii æquiparantur

marcis argenti nostratibus 1234. cum tribus uncis.

¹⁰ *Septuagenos æris*] Septenos denarios: minus singulis argenti uncis.

¹¹ *Æris . . ducenta et quinquaginta quatuor millia*] Denarii 25400. marcæ argenti nostrates 396. sum septem uncis.

¹² *Argenti bigati quinquaginta tria millia et ducenti*] Denarii 53200. Marcæ nostrates 831. cum duabus uncis.

¹³ *Ibique iis locus*] Vid. not. ad l. XXX. c. 17. supra.

U. C. 555. dones, ¹⁴quæcumque senatus censuisset, id regem facturum
 A. C. 197. esse, dicerent. Decem legati more majorum, quorum ex consilio T. Quinctius imperator leges pacis Philippo daret, decreti; adjectumque, ut in eo numero legatorum P. Sulpicius et P. Villius essent, qui consules provinciam Macedoniam obtinuissent. Cosanis eo die postulantibus, ut sibi colonorum numerus augeretur, mille adscribi jussi: dum ne quis in eorum numero esset, qui ¹⁵post P. Cornelium et Ti. Sempronium consules hostis fuisset.

XXV. Ludi Romani eo anno in circo scenaeque ab ædilibus curulibus, ¹⁶P. Cornelio Scipione et Cn. Manlio Vulsonē, et magnificentius, quam alias, facti, et lætius propter res bello bene gestas spectati, totique ter instaurati: plebei septies instaurati. Acilius Glabrio, C. Lælius eos ludos fecerunt. Ex argento multaticio tria signa ænea, ¹⁷Cereri, Liberoque, et Liberæ, posuerunt. L. Furius et M. Claudius Marcellus, consulatu inito, quum de provinciis ageretur, et Italiam utrique provinciam senatus decerneret, ut Macedoniam cum Italia sortirentur, petebant. Marcellus, provinciæ cupidior, pacem simulatam ac fallacem dicendo, et rebellaturum, si exercitus inde deportatus esset, regem dubios sententiæ Patres fecerat. Et forsitan obtinuissent consules, ni Q. Marcius Rex et C. Atinius Labeo, tribuni plebis, se intercessuros dixissent: ni prius ipsi ad plebem tulissent, vellent jubere, rentne cum rege Philippo pacem esse. Ea rogatio in Capitolio ad plebem lata est. omnes quinque et triginta tribus, uti rogata, jusserunt. Et quo magis pacem ratam esse in Macedonia vulgo lætarentur, tristis ex Hispania nuncius adlatus effecit, vulgatæque literæ, ¹⁸C. Sempronium Tuditanum proconsulem in citeriore Hispania praelio victum: exercitum ejus fusum fugatumque, et illustres viros in acie cecidisse. Tuditanum, cum gravi vulnere ¹⁹latum ex praelio, haud ita multo post exspirasse. Consulibus ambobus Italia provincia cum his legionibus, quas superiores consules habuissent, decreta, et ut quatuor legiones novas scriberent: duas, quæ, quo senatus censuisset, mitterentur. et T. Quinctius Flaminius ²⁰cum duabus legionibus pro-

Pax cum
Macedoni-
bus.

Tristis nun-
cius ex His-
pania.

¹⁴ Quæcumque senatus censuisset, id] Vel lege ea, vel quodcumque. Vid. tamen not. ad l. XXX. c. 17.

¹⁵ Post P. Cornelium et Ti. Sempronium Coss.] Id est, a primº anno secundi Punici belli. Vulgati male habent M. Cornelium.

¹⁶ P. Cornelio Scipione] Olim L. Cornelio. Pighius mutavit prænomen, et vult intelligi Nasicam.

¹⁷ Cereri, Liberoque, et Liberæ] Vid. not. 46. ad l. III. c. 55.

¹⁸ C. Sempronium Tuditanum proconsulem] Imo prætorem, ut constat ex l. XXXII. c. 28. Atque hoc modo legitur in epitome hujus libri.

¹⁹ * Latum] Melius elatum.

²⁰ Cum duabus legionibus provinciam eodem exercitu obtinere] Hæ voces cum duabus legionibus omnino

vinciam eodem exercitu obtinere jussus: ²¹imperium ei prorogatum satis jam ante videri esse^e. U. C. 556.
A. C. 196.

XXVI. Prætores deinde provincias sortiti, L. Apustius Fullo urbanam jurisdictionem, M. Acilius Glabrio inter cives et peregrinos, Q. Fabius Buteo Hispaniam ulteriorem, Q. Minucius Thermus citeriorem, C. Lælius Siciliam, Ti. Sempronius Longus Sardiniam. Q. Fabio Buteoni et Q. Minucio, quibus Hispaniæ provinciæ evenerant, consules legiones singulas ex quatuor ab se scriptis, quas videretur, uti darent, decretum est; sociûm ac nominis Latini quaterna millia peditum, trecenos equites: hique primo quoque tempore in provincias ire jussi. ²²Bellum in Hispania quinto post anno exortum est, quam simul cum Punico bello fuerat finitum. Priusquam hi prætores ad bellum prope novum, quia tum primum suo nomine, nullo Punico exercitu aut duce, ad arma ierant, proficiscerentur, aut ipsi consules ab urbe moverent; procurare, ut adsolet, prodigia, quæ nunciabantur, jussi. L. Julius Sequestris, in Sabinos proficiscens, fulmine ipse equusque exanimati fuerant: ædes Feroniæ in Capenate de cælo tacta erat: ad Monetæ duarum hastarum spicula arserant: lupus, Esquilina porta ingressus, frequentissima parte urbis, quum in forum decurrisset, Tusco vico ²³atque Intemelio, per portam Capenam prope intactus evaserat. Hæc prodigia majoribus hostiis sunt procurata. Prodigia.

XXVII. Iisdem diebus Cn. Cornelius Lentulus, qui ante Sempronium Tuditanum citeriorem Hispaniam obtinuerat, ²⁴ovans ex senatusconsulto urbem est ingressus^f. tulit præ Lentulus urbem
ovans ingreditur.

^e esse del. Gron. Crev.
Eæd.

^f cum ex senatusconsulto ovans urbem esset ingressus

otiosæ sunt, quum sequatur *eodem exercitu*. Sane suspicari quis possit eas in alienum locum translatas esse; excidisse autem aliquot verba, quibus docuerat fortasse Livius, quid his duabus legionibus fieri senatus vellet. Quatuor enim scribuntur legiones, duæ mittendæ, quo senatus censuisset: (in Hispaniam missas ex c. seq. apparet) duarum reliquarum usus non indicatur. Colligitur ex c. 36. infra, eas ad urbem mansisse.

²¹ Imperium ei prorogatum satis jam ante videri] Videri reposuit Gronovius pro dividere, quod præfert, Gelenio teste, codex, nullo sensu. Vult senatus minime necesse esse prorogari Quintio imperium, quum id jam factum intelligatur decreto prioris anni, quo prorogatum ei fuerat imperium, donec successor venisset.

²² Bellum in Hispania . . exortum est] Bellum memorabile, bellum quod aliqua majore cura administrandum esset. Nam bellum quidem omnino in Hispania nullum fuisse a finito Punico bello dici non potest, quum c. seq. Cn. Cornelius, quem quarto ante anno in Hispaniam missum esse memoravit Livius l. XXXI. c. ultimo, ovans, ut legunt merito Glareanus et Pighius, ingreditur urbem. Sed bella quæ per hos annos in Hispania gesta sunt levia fuisse, argumento est silentium de iis Livii.

²³ Atque inde Melio] Vico: cujus quamvis nulla alia exstet apud antiquos mentio, non ideo hoc nomen repudiare debemus, et suspectum mendii habere: quod fecere Sigonius et Jac. Gronovius.

²⁴ Quum ex senatusconsulto ovans

U. C. 556. se²⁵ auri mille et quingenta quindecim pondo, ²⁶argenti viginti millia, signati ²⁷denarios^s triginta quatuor millia, et quingentos quinquaginta. L. Stertinius ex ulteriore Hispania, ne tentata quidem triumphi spe, ²⁸quinquaginta millia pondo argenti in ærarium tulit: et de manubiis duos fornices in foro Boario ante Fortunæ ædem et matris Matutæ, unum in maximo circo fecit: et his fornicibus signa aurata inposuit. Hæc per hiemem ferme acta. ²⁹Hibernabat eo tempore Athenis Quintius, a quo quum multa socii peterent, Bœoti petierunt impetraveruntque, ut hi, qui suæ gentis militassent apud Philippum, sibi restituerentur. id a Quintio facile impetratum; non quia satis dignos eos credebatur, sed quia, Antiocho rege jam suspecto, favor conciliandus nomini Romano apud civitates erat. Restitutis, confestim adparuit, quam nulla inita apud Bœotos gratia esset. nam et ad Philippum gratias agentes pro redditis hominibus, ³⁰perinde atque ipsi id a Quintio et Romanis datum esset, miserunt: et comitiis proximis Bœotarchen nullam aliam ob causam Brachyllam quemdam, quam quod præfectus Bœotorum apud regem militantium fuisset, fecerunt; præteritis Zeuxippo, et Pisistrato, aliisque, qui Romanæ societatis auctores ³¹fueraut. Id ægre et in præsentia hi passi, et in futurum etiam metum ceperunt, quum ad portas prope sedente exercitu Romano ea fierent, quidnam se futurum esset, profectis in Italiam Romanis; Philippo ex propinquo socios adjuvante, et infesto his, qui partis adversæ fuissent.

Brachyllas
Bœotarcha.

XXVIII. Dum Romana arma propinqua habebant, ³²tollere Brachyllam, principem fautorum regis, statuerunt.

3 denariū Gron. Crev.

urbem esset ingressus] Verum *ovans* admodum probabili conjectura a Glareano adjectum est. Cur enim paulo post diceretur L. Stertinius collega Lentuli ne tentavisse quidem triumphi spem, nisi cum aliquo discriminis ad Lentulum respectu? Magis tamen placeret cum Pighio legere: *Cn. Cornelius Lentulus, qui . . . obtinuerat, ovans ex S. C. urbem est ingressus. Tulit præ se . .*

25 Auri mille et quingenta quindecim pondo] Selibras nostrates 2367. cum tribus semunciis.

26 Argenti viginti millia] Selibras nostrates 31250.

27 Denariū triginta quatuor millia, et quingentos quinquaginta] Marcas argenti fere 540. Ceterum numerum hunc justo minorem esse non sine ratione iudicat Scaliger, l. de re Nummaria, vultque legi *trecenta quatuor millia*. Idem pro *denarios*, quod olim edidit habebant, emendavit *denariū*.

28 Quinquaginta millia pondo argenti] Selibras nostrates 78125.

29 Hibernabat eo tempore Athenis Quintius] Imo *Elatiæ*. Infra enim c. 29. Quintius Elatia proficisci memoratur ad ulciscendos Bœotos, et legatos Athenas mittere. Et ad stipulatur Polybius in Excerpt. Legat. 8. Hæc fere Perizonius.

30 Perinde atque ipsi id a Quintio] Perinde atque id in solius Philippi gratiam a Quintio et Romanis concessum esset; quasi non sibi (Bœotis), sed Philippo soli gratificari voluissent Romani. Hoc non rarum ingratorum hominum commentum est, ut a quibus beneficium accepisse se negare non possunt, eos gratum sibi facere voluisse negent.

31 Fueraut] Vulgo *fueraut*. Mutavit merito Gronovius.

32 Tollere Brachyllam . . . statuerunt] Cetera hujus loci sumpsit e Po-

et tempore ad eam rem capto, quum in publico epula- U. C. 556.
 tus reverteretur domum temulentus, prosequentibus molli- A. C. 196.
 bus viris, qui joci caussa convivio celebri interfuerant; ab
 sex armatis, quorum tres Italici, tres Ætolici erant, circum-
 ventus occiditur. Fuga comitum et quiritatio facta, et tu- Occiditur.
 multus tota urbe discurrentium cum luminibus. percussores
 proxima porta evaserunt. Luce prima concio frequens,
³³velut exstante indicio, ad vocem præconis convocata in
 theatro erat. Palam ab suo comitatu et obscœnis illis vi-
 ris fremebant interfectum: animis autem Zeuxippum auc-
 torem destinabant cædis. In præsentia placuit compre-
 hendi eos, qui simul fuissent, quæstionemque ex his haberi.
 qui dum quærantur, Zeuxippus, consimili animo avertendi
 ab se criminis caussa in concionem progressus, errare ait
 homines, qui tam atrocem cædem pertinere ad illos semivi-
 ros crederent; multaque in eam partem probabiliter ³⁴ar-
 gumentatus, quibus fidem apud quosdam fecit, nunquam,
 si conscius esset, oblaturum se multitudini, mentionemve
 cædis, nullo laceudente, facturum fuisse. Alii non dubitare,
 obviam eundo inpudenter criminis suspicionem averti. Tor-
 ti post paullo insontes, quum scirent ipsi opinionem om-
 nium, ea pro indicio usi, Zeuxippum et Pisistratum nomi-
 naverunt: nullo adjecto, cur scire quidquam viderentur, ar-
 gumento. Zeuxippus tamen cum Stratonida quodam nocte
 perfugit Tanagram, suam magis conscientiam, quam indi-
 cium hominum nullius rei consciorum, metuens. Pisistra-
 tus, spretis indicibus, Thebis mansit. Servus erat Zeuxip-
 po, totius internuncius et minister rei; quem indicem Pisis-
 tratus timens, eo ipso timore ad indicium protraxit. Lite-
 ras ad Zeuxippum mittit, *servum conscium tolleret. Non
 tam idoneum ad celandam rem eum videri sibi, quam ad agen-
 dam fuerit.* Has qui tulit literas, ³⁵jussit Zeuxippo dare
 quamprimum. is, quia non sibi conveniendi ejus copia fuit,
 ipsi illi servo, quem ex omnibus domino fidissimum cre-
 debat, tradidit: et adjecit, a Pisistrato de re magnopere
 pertinente ad Zeuxippum esse. Conscientia ictus, quum ex-

lybio Livius. At hoc omisit, quod a
 Græco scriptore narratur, id consilium
 de tollendo Brachylla cum Quintio
 communicatum fuisse: eumque re-
 spondisse, se quidem ejus consilii parti-
 cipem nolle fieri; ceterum, si quis rem
 velit exequi, nullum allaturum impedi-
 mentum: atque etiam jussisse eos de
 illa re agere cum Alexamene Ætolo-
 rum prætore, qui et ministros cædis,
 tres Ætolos, tres Italicos suppeditave-
 rit. Vid. Pol. in Excerpt. Legat. 8.

33* *Velut exstante indicio*] Quasi
 exstarent qui se profiterentur indices
 totius rei, et ex quibus nosci possent
 cædis auctores.

34 *Argumentatus*] Magis placeret
 nobis, ut et Jac. Gronovio, *argumen-
 tatur.*

35 *Jussit Zeuxippo dare quamprimum.*
Is quia] Vocula *Is* ab unico illo Mo-
 guntino codice abest. Scribe: *Has qui
 tulit litteras, jussus Zeuxippo dare quam-
 primum, quia &c.* GRONOVIVS.

U. C. 556. templo traditurum eas adfirmasset, aperit. Perlectis literis,
 A. C. 196. pavidus Thebas refugit. et Zeuxippus quidem, fuga servi
 motus, Athenas, tutiorem exsilio locum ratus, concessit.
³⁶De Pisistrato aliquæ quæstiones tormentis habitæ, et sum-
 tum supplicium est.

Bœoti in
 Romanos
 efferati.

XXIX. ³⁷Efferavit ea cædes Thebanos Bœotosque om-
 nes ad execrabile odium Romanorum; Zeuxippum princi-
 pem gentis id facinus conscisse. ad rebellandum neque vi-
 res, neque ducem habebant. Proximum bello quod erat, in
 latrocinium versi, alios hospites, alios vagos per hiberna mi-
 lites, ad varios commeatibus usus, excipiebant. quidam in ip-
 sis itineribus, ⁵³ad notas latebras insidiantibus, pars in deserta
 per fraudem deversoria^b devecti deductique obprimebantur.
 postremo non tantum odio, sed etiam aviditate prædæ, ea
 facinora faciebant: quia, negotiandi ferme caussa argentum
 in zonis habentes, ⁵⁹in com meatibus erant. Quum primo
 pauci, deindeⁱ in dies plures desiderarentur, infamis esse
 Bœotia omnis cepit: et timidius, quam in hostico, egredi
 castris miles. Tum Quinctius legatos ad querendum de la-
 trociniis per civitates mittit. Plurimi pedites circa Copai-
 dem paludem inventi: ibi ex limo eruta extractaque ex
 stagno cadavera, saxis aut amphoris, ut pondere traherentur
 in profundum, adnexa. multa facinora Acræphiæ et Coro-
 neæ facta inveniebantur. Quinctius primo nexios tradi sibi
 jussit, et pro quingentis militibus (tot enim intercepti erant)
⁴⁰quingenta talenta Bœotos conferre. Quorum neutrum
 quum fieret, verbis tantum civitates ⁴¹excusarent, nihil pub-
 lico consilio factum esse; missis Athenas et in Achaiam
 legatis, ⁴²qui testarentur sociis, justo pioque bello se per-
 secuturum Bœotos, et cum parte copiarum P. Claudio
 Acræphiam ire jusso, cum parte Coroneam circumsegit:
 evastatis prius agris, quam ab Elatio duo diversa agmina

Pacem
 orare co-
 guntur.

^b diversoria Gron. Crev.

ⁱ dein Eæd.

³⁶ De Pisistrato aliquæ quæstiones
 .. habitæ] Lege cum Jac. Gronovio:
 de Pisistrato aliisque quæstiones ..

³⁷ Efferavit ea cædes] Olim legeba-
 tur, efferaverat cædes: unde Perizo-
 nius partim ex sua, partim ex Grono-
 vii conjectura sic refingit hunc locum:
 Efferaverat ea res Thebanos Bœotosque
 omnes ad execrabile odium Romanorum,
 Zeuxippum in principem gentis (Bra-
 chyllum Bœotarchen) id facinus con-
 scisse: ita ut hæc postrema intelligantur
 apposita explicando $\epsilon\phi$ ea res.

³⁸ Ad notas latebras insidiantibus]
 Bœotis insidiantibus ad notas sibi late-
 bras. Nisi fortasse malis, ab notas

latebras insidentibus: quomodo l. XXV.
 c. 21. qua fugum inclinaturam crede-
 bat, omnia itinera insidere jubet: et l.
 IX. c. 31. ibi ingens hostium exercitus
 itinera occultus insederat: et alibi
 passim.

³⁹ In com meatibus erant] Accepto
 a ducibus com meatu, sive facultate ab-
 eundi a signis, quo libitum foret, dila-
 bebantur.

⁴⁰ Quingenta talenta] Marcas ar-
 genti 46875.

⁴¹ Excusarent] Purgandi criminis
 causa dicerent, nihil ...

⁴² Qui testarentur sociis] Non du-
 bitamus quin Livius scripserit socios.

iere. Hac perculsi clade Bœoti, ⁴³quum omnia terrore ac fuga comlessent, legatos mittunt. qui quum in castra non admitterentur, Achæi Atheniensesque supervenerunt. Plus auctoritatis Achæi habuerunt, deprecantes: ⁴⁴ac, ni impetrassent pacem Bœotis, bellum simul gerere decreverunt. ⁴⁵Per Achæos et^k Bœotis copia adeundi adloquendique Romanum facta est, jussisque tradere noxios, et multæ nomine ⁴⁶triginta talenta conferre, pax data, et ab obpugnatione recessum.

XXX. Post paucos dies decem legati ab Roma venerunt, quorum ex consilio pax data Philippo in has leges est. ⁴⁷*Omnes Græcorum civitates, quæ in Europa, quæque in Asia essent, libertatem ac suas leges haberent. quæ earum sub ditione Philippi fuissent, ⁴⁸præsidia ex his Philippus deducet: his, quæ in Asia essent, Euromo, Pedasisque, et Bargyliis, et Jasso, et Myrina, et Abydo, et Thaso^l, et Perin-*

Leges pacis cum Philippo.

^k et del. Gron. Crev.

^l Thasso Eæd.

⁴³ Quum omnia terrore ac fuga comlessent] Quum territi ac fugientes tota Bœotia spargerentur, Frustra Gronovius emendat terror. Magis enim mirum non est fugientes ac territos dici complere omnia terrore ac fuga, quam mortuos complere lamentis urbem: quod loquendi genus reperitur apud nostrum l. V. c. 39. et egregie illustratur a Gronovio ipso. Sic et l. VIII. c. 9. *consternatæ cohortes Latinorum fugam ac vastitatem late fecerunt.*

⁴⁴ *Ac ni impetrassent*] Olim ac qui. Gronovius rescribit: *Nam, ni impetrassent.* Ideo plus auctoritatis Achæi deprecantes habuerunt, quod simul denunciabant se, ni pacem impetrassent, bellum adversus Bœotos cum Romanis gesturos.

⁴⁵ *Per Achæos Bœotis*] Prima editio et *Bœotis.* Unde Gronovius legit *per Achæos ergo Bœotis.*

⁴⁶ *Triginta talenta*] Marcus argenti 2812. cum quatuor unciiis.

⁴⁷ *Omnes Græcorum civitates*] Non possumus dissimulare decretum hoc de libertate Græcarum civitatum omnino deformatum a Livio representari; atque ita, ut quæ ipse mox traditurus est c. seq. jam intelligi nequeant. Exhibebimus illud, quale Polybius affert, Legatione 9. purum ac sincerum, et optime consentiens cum iis quæ mox narrabuntur. *Senatusconsulti, inquit diligentissimus scriptor, præcipua cupita erant hæc; ut ceteri omnes Græci, et qui in Asia degunt, et qui in Europa, liberi sint, suisque legibus utantur: ut qui in Philippi ditione sunt, et si quas ille urbes Græcorum præsidii tenet,*

eas ante celebrationem ludicri Isthmiorum Philippus Romanis tradat. Euromum, Pedasa, Bargylia, Jassum, item Abydum, Thassum, Myrinum, Perinthum, deductis inde præsidiis, liberæ esse sinat. Apparet igitur duplicem Græcarum civitatum a Romanis conditionem distingui: unam, earum quæ Philippo non parerent, alteram, earum quæ essent in ejus ditione. Prioris generis omnes liberæ jubentur esse. Quæ Philippo parent, ex iis itidem omnibus præsidia deducere jubetur; sed ita ut aliæ, quæ non nominantur, tradantur Romanis; aliæ, quæ nominantur, liberæ sint. Hoc modo suum decretum Romani concinnaverant, quia dubitabatur, ut mox c. seq. observabit Livius, de Corintho, et Chalcide, et Demetriade, quas urbes tenere in animo habebant. Hinc illæ criminationes Ætolerum, c. itidem seq. commemoratæ, quod aliæ Romanis traderentur urbes, nec nominarentur; aliæ nominarentur, et sine ditione, id est, non traditæ, Romanis, liberæ esse juberentur.

⁴⁸ *Præsidia ex his Philippus deducet: his, quæ in Asia essent*] Philippus deduceret præsidia ex urbibus Græcis quæ parerent sibi, atque inter ceteras hisce nominatim, quæ in Asia essent, Euromo, &c. Ceterum notandum est Thasum et Perinthum, quæ hic nominantur, ad Europam pertinere. De Myrina dubitari potest. Duæ enim urbes sunt hujus nominis, altera in Lemno insula, ac proinde in Europa, altera in Æolide.

U. C. 556. *tho: 49 eas quoque enim placere liberas esse. De Cianorum libertate, Quinctius Prusiæ Bithynorum regi scriberet, quid senatui et decem legatis placuisset. Captivos transfugasque reddere Philippum Romanis, et 50 naves omnes tectas tradere, quin et regiam unam inhabilis prope magnitudinis, quam sexdecim versus remorum agebant. Ne plus quingentis armatorum haberet, neve elephantum ullum. Bellum extra Macedoniæ fines ne injussu senatus gereret. 51 Mille talentum daret populo Romano: dimidium præsens, dimidium pensionibus decem annorum. Valerius Antias, quaternum millium pondo argenti vectigal in decem annos, 52 triginta quaterna millia pondo, et ducenta, præsens viginti millia pondo. idem nominatim adjectum scribit, ne cum Eumene, Attali filio, (novus is tum rex erat) bellum gereret. In hæc obsides accepti, inter quos Demetrius Philippi filius. Adjicit Valerius Antias, 53 Attalo absenti Æginam insulam elephantosque dono datos, et Rhodiis Stratoniceam Cariæ atque alias urbes, quas Philippus tenuisset: Atheniensibus insulas datas, Paron, Imbrum, Delum, Scyrum.*

Ætolorum
querelæ.

XXXI. Omnibus Græciæ civitatibus hanc pacem adprobantibus, soli Ætoli id decretum decem legatorum clam mussantes carpebant. 54 *litteras inanes vana specie libertatis adumbratas esse. 55 Cur enim alias Romanis tradi urbes, nec nominari eas, alias nominari, et sine traditione 56 juberi liberas esse? nisi ut, quæ in Asia sint, liberentur, 57 longinquitate ipsa tutiores: quæ in Græcia sint, 58 ne nominatæ intercipientur, Corinthus, et Chalcis, et Oreum, cum Eretria et Demetriade. Nec tota ex vano criminatio erat. dubitabatur enim de Corintho, et de Chalcide, et Demetriade, quia in senatusconsulto, quo missi decem legati ab urbe erant, ceteræ Græciæ atque Asiæ haud dubie liberabantur: de his tribus urbibus legati, quod tempora reipublicæ postulassent, id e republica fideque sua facere, statuere jussi erant. Antiochus rex erat,*

49 *Eas quoque enim*] Illud quoque non est a Polybio, et omnem decreti sensum pervertit.

50 *Naves omnes tectas tradere, quin et regiam unam*] Videtur ex Polybio legendum: naves omnes tectas tradere, præter lembos quinque, et regiam unam. Fulv. Urs.

51 *Mille talentum*] Marcus argenti 93750.

52 *Triginta quaterna millia pondo*] Hæc depravata sunt, nec sine libris posse emendari videntur.

53 *Attalo absenti*] Nempe Eumenis fratri: nam pater, ut modo memoratum est, mortuus erat.

54 *Litteras inanes*] *Litteræ* sunt

quidquid scribitur. Itaque carpunt hoc decretum Ætoli tanquam scripturam inanem, verba inania, quæ obducta et quasi colorata essent vana specie libertatis, quæ vanam speciem libertatis ostentarent.

55 *Cur enim alias Romanis*] Vid. not. 47. ad c. præcedens.

56 *Juberi liberas esse*] Sigonius et Gronovius recte reposuerunt *juberi* pro *jubere*.

57 *Longinquitate ipsa tutiores*] Eo ipso tutiores ab aviditate Romanorum, quia remotiores.

58 *Ne nominatæ*] *Lege non nominatæ*.

quem transgressurum in Europam, quum primum ei res suæ placuissent, non dubitabant. ei tam opportunas ad occupandum patere urbes nolebant. ⁵⁹ Ab Elatia Anticyram cum decem legatis, inde Corinthum trajecit. ibi consilia decem legatorum tractabantur. Idemtidem Quinctius, *liberandam omnem Græciam, si Ætolorum linguas* ⁶⁰ *retundere, si* ⁶¹ *veram caritatem, majestatem, apud omnes nominis Romani vellent esse: si fidem facere, ad liberandam Græciam, non ad transfere-
rendum a Philippo ad se imperium, se mare trajecisse.* Nihil contra ea de libertate urbium alii dicebant. ceterum *ipsis tutius esse, manere paullisper sub tutela præsidiî Romani, quam pro Philippo Antiochum dominum accipi.* Postremo ita decretum est: *Corinthus redderetur Achæis, ut in Acrocorintho tamen præsidium esset: Chalcidem ac Demetriadem retineri, donec cura de Antiocho decessisset.*

U. C. 556.
A. C. 196.
Consultatio
de liberanda
Græcia.

XXXII. Isthmiorum statum ludicrum aderat; semper quidem et alias frequens, quum propter spectaculi studium insitum genti, quo certamina omnis generis artium, viriumque, ac pernicitatis visuntur; tum quia propter opportunitatem loci, per duo diversa maria, omnium Græcorum undique conventus erat. Sed exspectatione erecti, qui deinde status futurus Græciæ, ⁶² quæ sua fortuna esset: alii non taciti solum opinabantur, sed sermonibus etiam serebant^m. Romani ad spectaculum consederunt; et præco cum tubicine, ut mos est, in mediam arenam, unde sollemni carmine ludicrum indicî solet, processit, et, tuba silentio facto, ita pronunciat: SENATUS ROMANUSⁿ ET T. QUINCTIUS IMPERATOR, PHILIPPO REGE MACEDONIBUSQUE DEVICTIS, LIBEROS, INMUNES, SUIS LEGIBUS ESSE JUBET CORINTHIOS, PHOCENSES, LOCRENSESQUE OMNES, ET INSULAM EUBÆAM, ET MAGNETAS, THESSALOS, PERRHÆBOS^o, ⁶³ACHÆOS PHTHIOTAS. Percensuerat omnes gentes, quæ sub ditione Philippi regis fuerant. Audita voce

Isthmii
ludi.

Libertas
Græciæ promulgata.

^m ferebant Gron. Crev.

ⁿ Populusque Romanus Eæd.

^o Perræbos Gron.

⁵⁹ Ab Elatia] Lege Quintius ab Elatia. Nomen enim ejus suppleri non potest, quum jamdiu non fuerit appellatum.

⁶⁰ Retundere] Sic jussit legi Siginus pro retunderet.

⁶¹ Veram caritatem, majestatem] Suspiciamus hic excidisse aliquid. Quis enim ferat veram majestatem? Fortasse: si veram caritatem, si integram, vel inviolatam majestatem apud omnes nominis Romani vellent esse.

⁶² Quæ sua fortuna esset] Vix dubitari potest, quin hic aliqua exciderint. Sensus enim plenus esset, Græ-

cos tum exspectatione erectos . . frequentiores, quam unquam alias, ad spectaculum concurrisse. Quin et pluscula deperdita esse indicat vox *alii*, cui nihil in præcedentibus respondet.

⁶³ Achæos Phthiotas] Conjointim lege. Achæi Phthiotæ sunt Phthiotidis populi, qui et infra nominantur, c. 34. Polybius habet Ἀχαιοί; τῶ; Φθιω-
τας. Achæorum rempublicam nihil opus erat liberari, quum plenam possessionem libertatis tenuisset. Hic solæ eæ gentes nominantur, ut mox observat ipse Livius, quæ sub ditione Philippi regis fuerant.

U. C. 556.
A. C. 196.

præconis, majus gaudium fuit, quam quod universum homines caperent. Vix satis credere se quisque audisse: alii alios intueri, mirabundi velut somnii vanam speciem: ⁶⁴quod ad quemque pertineret, suarum aurium fidei minimum credentes, proximos interrogabant. Revocatus præco, quum unusquisque non audire, sed videre libertatis suæ nuncium averet, iterum ⁶⁵pronunciaret eadem. Tum ab certo jam gaudio tantus cum clamore plausus est ortus, totiesque repetitus, ut facile adpareret, nihil omnium bonorum multitudini gratius, quam libertatem esse. Ludicrum deinde ita raptim peractum est, ut nullius nec animi, nec oculi spectaculo intenti essent. adeo unum gaudium præoccupaverat omnium aliarum sensum voluptatum.

XXXIII. Ludis vero dimissis, cursu prope omnes tendere ad imperatorem Romanum: ut, ruente turba in unum, adire, contingere dextram cupientium, coronas ⁶⁶lemniscosque jacentium, haud procul periculo fuerit. Sed erat trium ferme et triginta annorum; et quum robur juventæ, tum gaudium ex tam insigni gloriæ fructu, vires suppeditabant. nec præsens omnium modo effusa lætitia est; sed per multos dies gratis et cogitationibus, et sermonibus revocata: *Esse aliquam in terris gentem, quæ sua impensa, suo labore ac periculo bella gerat pro libertate aliorum: nec hoc finitimis, aut propinquæ vicinitatis hominibus, aut terris continenti junctis præstet: maria trajiciat, ne quod toto orbe terrarum injustum imperium sit, et ubique ⁶⁷jus, fas, lex potentissima sint. Una voce præconis liberatas omnes Græciæ atque Asiæ urbes. Hoc spe ⁶⁸concipere, audacis animi fuisse: ad effectum adducere, virtutis et fortunæ ingentis.*

Legationes
regum, gen-
tium, civi-
tatum.

XXXIV. Secundum ista jam Quinctius et decem legati legationes regum, gentium, civitatumque audivere. Primi omnium regis Antiochi vocati legati sunt. his eadem, quæ fere Romæ erant, verba ⁶⁹sine fide rerum jactata. Nihil jam perplexe, ut ante, quum dubiæ res incolumi Philippo erant, sed aperte pronunciatum, ut excederet Asiæ urbibus, quæ aut Philippi, aut Ptolemæi regum fuissent. ⁷⁰abstine-

⁶⁴ Quod ad quemque pertineret] Hæc verba nihil habent Livio dignum, sed potius oscitante librario. Itaque vel recidenda sunt, vel immutanda.

⁶⁵ Pronunciaret eadem] Lege pronunciat.

⁶⁶ Lemniscos] Lemnisci erant fasciæ discolors dependentes ex coronis. Græcum est vocabulum.

⁶⁷ * Jus, fas, lex] Jus et fas humana sunt divinaque jura, quidquid justè sancitum legibus aut humanis aut divinis est. Lex designat libertatem, et

opponitur voluntati dominantis.

⁶⁸ Concipere] Hic quoque habes Sigonii emendationem. Antea legabatur concipi.

⁶⁹ Sine fide rerum jactata] Gelenius legi jubet jactantibus: quod magis placeret, resecto verbo erant in iis quæ præcedunt: His eadem, quæ fere Romæ, verba sine fide rerum jactantibus, nihil perplexe...

⁷⁰ Abstineret liberas, omnesque Græcas] Hæc mendosa sunt. Vix videmur dubitare posse, quin scripse-

ret liberas, omnesque Græcas. Ante omnia denunciatur, ^{U. C. 556.} ne in Europam aut ipse transiret, aut copias trajiceret. ^{A. C. 196.} Dimissis regis legatis, conventus gentium civitatumque est haberi cœptus: eoque maturius peragebatur, ⁷¹ quod decreta decem legatorum civitates nominatim pronunciabant. Orestis, (Macedonum ea gens est) quod primi ab rege defecissent, suæ leges redditæ. Magnetes, et Perrhæbi, et Dolopes, liberi quoque pronunciati. Thessalorum genti, præter libertatem concessam, Achæi Phthiotæ ⁷² dati, Thebis Phthioticis et Pharsalo excepto. Ætolos de Pharsalo et Leucade postulant, ut ex fœdere sibi restituerentur, ad senatum rejecerunt. ⁷³ Phocenses, Locrenses, et quæ sicut ante fuerant adjecta, decreti auctoritate his contribuerunt. Corinthus, et Triphylia, et Heræa (Peloponnesi et ipsa urbs est) redditæ Achæis. Oreum et Eretriam decem legati Eumeni regi, Attali filio, dabant. dissentiente Quinctio, venit res in arbitrium senatus: senatus libertatem his civitatibus dedit, ⁷⁴ Carysto adjecto. Pleurato ⁷⁵ Lycus et Parthini dati: Illyriorum utraque gens sub ditione Philippi fuerat. Amynandrum tenere jusserunt castella, quæ per belli tempus Philippo capta ademisset.

XXXV. Dimisso conventu, decem legati, partiti munia inter se, ad liberandas suæ quisque regionis civitates disceserunt: P. Lentulus Bargylas, L. Stertinius Hephæstiam et Thasum^o et Thraciæ urbes, P. Villius et L. Terentius ad

^o Thasum Gron. Crev.

rit Livius, *abstineret liberis* nempe urbibus. Hæc enim versa sunt ex Polybio, cujus verba sunt τῶν αὐτονόμων (πόλεων) ἀπείχεσθαι. Reliquæ duæ hujus loci voces, omnesque Græcas, vel celant aliquid vitium, vel sunt initium alterius periodi, cujus postrema verba exciderint. Polybius habet, καὶ πρὸς μὴδὲνα πολεμῶν. In Excerpt. Legat. 9.

⁷¹ Quod decreta] Hæc sana non videntur. Polybius simpliciter, καὶ τὰ δόξαντα τῷ συνιδρίῳ διατάξουν. Unde colligere possumus hanc fuisse mentem Livii, ut diceret, eo maturius rem peractam in conventu fuisse, quod ibi pronunciabantur solummodo decreta jam a legatis facta. Fortasse dederat Livius, quod decreta decem legatorum in civitates nominatim, id est, de singulis nominatim civitatibus, pronunciabantur.

⁷² Dati] Contributi in unum rei publicæ corpus.

⁷³ Phocenses, Locrenses, et quæ sicut ante] Scribe cum Ursino et Gronovio: Phocenses Locrensesque, sicut ante fuerant, adjecta decreti auctoritate, his contribuerunt. * Nempe Pho-

censes Locrensesque jam antiquitus contributi fuerant Ætolis. † Sic enim plane Polybius, loco jam memorato: τὰς δὲ Φωκίας καὶ τὰς Λοκρὰς συνεχώρησαν αὐτοῖς ἔχουν, καὶ δόξατε ἔχουν καὶ πρότερον, ἐν τῇ συμπολιτείᾳ. * Legati adjecta decreti auctoritate firmaverunt antiquum jus Ætolorum, hosque populos illis denovo contribuerunt. † Livius addidit adjecta decreti auctoritate, ut significaret, Ætolis, præter antiquum jus in Phocenses ac Locrenses, aliquid novi juris ex hoc decreto decem legatorum accessisse.

⁷⁴ Carysto adjecto. Pleurato] Prima editio habuit: Caristo ac Pleurato. Mendose procul dubio. Sed dubitamus an feliciter hoc vulnus curatum sit. Corrector, quisquis ille sit, expressit sensum Polybii, nempe Carysto quoque urbi, quemadmodum Oreo et Eretriæ, libertatem a senatu datam esse. Sed non facile crediderimus his verbis illum a Livio sensum expressum fuisse.

⁷⁵ Lycus] Videtur legendum Lychnidus ex Polybio.

U. C. 556.
A. C. 196.
Cn. Cornelius Philippum convenit.

Mox adit
concilium
Ætolorum.

Servorum
conjuratio
in Etruria.

regem Antiochum, Cn. Cornelius ad Philippum. qui, de minoribus rebus editis mandatis, percunctatus, si consilium non utile solum, sed etiam salutare, admittere auribus posset, quum rex gratias quoque se acturum diceret, si quid, quod in rem suam esset, expromeret, magnopere ei suasit, quoniam pacem impetrasset, ad societatem amicitiamque petendam mitteret Romam legatos; ne, si quid Antiochus moveret, exspectasse, et temporum opportunitates captasse ⁷⁶ad bellandum, videri posset. Ad Tempe Thessalica Philippus est conventus. qui quum se missurum extemplo legatos respondisset; Cornelius ⁷⁷Thermopylas, ubi frequens Græciæ statis diebus esse solet conventus, (Pylaicum appellat) venit: ⁷⁸Ætolos præcipue monuit, ut constanter et fideliter in amicitia populi Romani permanerent. Ætolorum principes alii ⁷⁹interquesti sunt, quod non idem erga suam gentem Romanorum animus esset post victoriam, qui in bello fuisset: alii ferocius incusarunt, exprobraruntque, *Non modo vinci sine Ætolis Philippum, sed ne transire quidem in Græciam Romanos potuisse.* Adversus ea respondere (⁸⁰ne in altercationem excederet res) quum supersedisset Romanus; *omnia eos æqua impetraturos, si Romam misissent,* dixit. itaque ex auctoritate ejus decreti legati sunt. Hunc finem bellum cum Philippo habuit.

XXXVI. Quum hæc in Græcia Macedoniaque et Asia gererentur, Etruriam ⁸¹infestam prope conjuratio servorum fecit. ad quærendam obprimendamque eam M. Acilius prætor, cui inter cives peregrinosque jurisdictio obtigerat, cum una ex duabus legione urbana missus, alios jam congregatos pugnando vicit; ex his multi occisi, multi capti: alios verberatos crucibus adfixit, qui principes conjurationis fuerant: alios dominis restituit. Consules in provincias profecti sunt. Marcellum Boiorum ingressum fines,

⁷⁶ *Ad bellandum*] Fortasse ad rebellandum. CLAREANUS.

⁷⁷ *Thermopylas, ubi frequens Græciæ . . . esse solet conventus*] Polybius habet ἐπὶ τὴν τῶν Θερμυκίων σύνοδον, ac recte visus est Jac. Palmerio, Exercitationum in auctores Græcos p. 89. intelligendus eo loco, non de conventu Græcorum ad Thermopylas, sed de concilio gentis Ætolorum in urbe Ætoliae Thermo. In eo enim oppido quotannis comitia creandis Ætolorum magistratibus habebantur, teste eodem Polybio, l. V. Et in Legat. 74. idem auctor mentionem facit conventus Ætolorum in urbe Thermo habit.

⁷⁸ *Ætolos præcipue*] Vocem præcipue, quæ non reperitur apud Polybi-

um, adjecit de suo Livius, quod de conventu totius Græciæ intellexerit ea, quæ Græcus scriptor de concilio solum Ætolorum dixerat.

⁷⁹ *Interquesti sunt*] Verbum rarissimum, et cujus haud facile aliud exemplum reperias. An non potius: *leniter questi sunt*. Polybius τῶν μὲν παρῴως καὶ πολιτικῶς μεμψιμοιούντων ἀντοῖς.

⁸⁰ *Ne in altercationem*] Præpositionem in adjecit merito Sigonius.

⁸¹ *Infestam prope . . . fecit*] Magna prope clade afflixit. *Infestam* hic accipimus pro eo quod diceretur *in periculum adductam, vexatam*. Possis quoque interpretari inimicam adversamque Romanis.

fatigato per diem totum milite via facienda, castra in tumulo quodam ponentem, Corolamus, regulus Boiorum, cum magna manu adortus, ad tria millia hominum occidit: et inlustres viri aliquot in illo tumultuario prælio ceciderunt, inter quos ⁸²præfecti socium, T.^p Sempronius Gracchus, M. Junius Silanus; et tribuni militum de legione secunda, A. Ogulnius et P. Claudius. castra tamen ab Romanis impigre permunita retentaque, quum hostes a prospera pugna nequidquam obpugnassent. Stativis deinde eisdem per dies aliquot sese tenuit, dum et saucios curaret, et ⁸³a tanto terrore animos militum reficeret. Boii, ut est gens ⁸⁴minime ad moræ tædium patiens, in castella sua vicosque dilapsi sunt. Marcellus, Pado confestim trajecto, in agrum Comensem, ubi Insubres, Comensibus ad arma excitis, castra habebant, ⁸⁵ducit legiones. in ipso itinere prælium ⁸⁶committunt: et primo adeo acriter invaserunt, ut antesignanos inpulerint. Quod ubi animadvertit, veritus ne moti semel pellerentur, cohortem Marsorum obposuit: et equitum Latinorum omnes turmas in hostem emisit. Quorum quum primus secundusque impetus retudisset inferentem se ferociter hostem, confirmata et reliqua acies Romana restitit primo, deinde signa acriter intulit. nec ultra sustinuerunt certamen Galli, quin terga verterent, atque effuse fugerent. In eo prælio supra quadraginta millia hominum cæsa, Valerius Antias scribit: et quingenta septem signa militaria capta, et carpenta quadringenta triginta duo, et aureos torques multos, ex quibus unum magni pondëris Claudius ⁸⁷in Capitolio Jovi donum in æde positum scribit. Castra eo die Gallorum expugnata direptaque: et Comum oppidum intra dies paucos captum. Castella inde duodetriginta ad consulem defecerunt. Id quoque inter scriptores ambigitur, utrum in Boios prius, an Insubres, consul exercitum induxerit, adversamque prospera pugna obliteraverit: an victoria, ad Comum parta, deformata clade in Boiis accepta sit.

U.C. 556.
A. C. 196.
Boii Romanos cædunt.
Victoria Marcelli de Insubribus.

XXXVII. Sub hæc tam varia fortuna gesta, L. Furius

P Ti. Gron. Crev. 9 ob Eæd.

82 *Præfecti socium, Ti. Sempronius Gracchus*] Vid. not. ad l. XXIII. c. 7.

83 *A tanto terrore*] Particula *a* inserta est a Gronovio.

84 *Minime ob moræ tædium patiens*] Magis placeret, *minime ob tædium moræ patiens*, ita ut *moræ* regatur a nomine *patiens*, quod sane postulat aliquam vocem, cui innitatur.

85 *Ducit legiones*] Verbum desiderabatur in codice. Ex mente Glareani

adjectum est. Si sana sunt ea quæ sequuntur, hæc verba, *committunt, invaserunt*, de Gallis sunt intelligenda.

86 * *Committunt .. invaserunt .. impulerint*] Hæc verba sunt intelligenda de Gallis.

87 *In Capitolio Jovi donum in æde positum*] Vel delendæ sunt voces *in æde*, vel legendum: *Claudius Capitolino Jovi donum in æde positum scribit*. Claudium intellige Quadrigarium.

U. C. 556.
A. C. 196.

Uterque
Cos. Boio-
rum agros
populatur.

Vincuntur
acie Boii.

Marcellus
Cos. trium-
phat.

Antiochus
Asiam oc-
cupare niti-
tur.

Purpureo alter consul ⁸⁸ per tribum Sappiniam in Boios venit. Jam castro Mutilo adpropinquabat, quum, veritus ne intercluderetur simul a Boiis Liguribusque, eadem via, qua adduxerat, reduxit, et magno circuitu per aperta, ea-que^r tuta loca, ad collegam pervenit. dein junctis exercitibus primum Boiorum agrum usque ad Felsinam oppidum populantes peragraverunt. Ea urbs, ceteraque castella, et Boii fere omnes, præter juventutem, quæ prædandi causa in armis erat, (tunc in devias silvas recesserat) in deditio-^{nem} venerunt. In Ligures deinde traductus exercitus. Boii neglegentius coactum agmen Romanorum, quia ipsi procul abesse viderentur, inproviso adgressuros se rati, per occultos saltus secuti sunt. quos non adepti, Pado repente navibus trajecto, Lævus Libuosque quum pervastassent, redeuntibus inde ⁸⁹ Ligurum extremo fine, cum agresti præda, in agmen incidunt Romanum. Celerius prælium acriusque commissum, quam si tempore locoque ad certamen destinatis, præparatis animis concurrissent. Ibi, quantam vim ad stimulandos animos ira haberet, adparuit. nam ita cædis magis, quam victoriæ, avidi pugnarunt Romani, ut vix nuncium cladis hosti relinquerent. Ob eas res gestas, consulum literis Romam adlatis, supplicatio in triduum decreta est. Brevi post Marcellus Romam venit, triumphusque ei magno consensu Patrum est decretus. Triumphavit in magistratu de Insubribus Comensibusque. Boiorum triumphi spem collegæ reliquit: quia ⁹⁰ ipsi proprie adversa pugna in ea gente evenerat, collegæ secunda. Multa spolia hostium captivis carpentis traducta, multa militaria signa lata, ⁹¹ æris trecenta viginti millia, ⁹² argenti bigati ducenta triginta quatuor millia. in pedites singulos dati ⁹³ octingenti æris: triplex equiti centurionique.

XXXVIII. Eodem anno Antiochus rex, quum hibernasset Ephesi, omnes Asiæ civitates in antiquam imperii formulam redigere est conatus: reliquas quidem, aut quia locis planis positæ erant, aut quia parum mœnibus armisque

^r eoque Gron. Crev.

^s ditionem Ead.

88 *Per tribum Sappiniam*] Quæ Umbriæ pars est. Vid. l. XXXI. c. 2.

89 *Ligurum extremo fine*] Per extremos Ligurum fines. Sic l. IX. c. 6. ad finem Campanum. Et l. XXXIV. c. 56. *Pisanum finem*. Vid. et not. ad XXXV. 27. infra.

90 *Ipsi proprie*] Ipsi seorsum et speciatim: quod Gallice diceremus, à lui personnellement.

91 *Æris trecenta viginti millia*] Eam summam æris æstimamus parvi marciis argenti nostratibus 500.

92 *Argenti bigati ducenta triginta*

quatuor millia] Denarios 234000. id est, marcas argenti nostrates 3656. cum duabus uncias.

93 *Octingenti æris*] Lege cum Gla-reano et Gronovio, *octogeni*. Cn. Cornelius, qui priore anno de iisdem Gallis triumphaverat, septuagenos tantum æris diviserat militibus. Vid. supra, c. 23. Ac postea Quintius, dum triumphat de Philippo, ducentos et quinquagenos: L. Scipio, ex Asia, quadringenos dedere militibus. Octogeni æris sunt octo denarii, id est, una fere argenti uncia.

ac juventuti fidebant, haud difficulter jugum accepturas. U. C. 556. Smyrna et Lampsacus libertatem usurpabant: periculum. A. C. 196. que erat, ne, si concessum his foret, ⁹⁴ quos in Theba¹ Smyrnam in Æolide Ioniaque, Lampsacum in Hellesponto, aliæ urbes sequerentur. Igitur et ipse ab Epheso ad Smyrnam obsidendam misit: et, quæ Abydi copiæ erant, præsidio tantum modico relicto, duci ad Lampsacum obpugnandum jussit. Nec vi tantum terrebat: sed, per legatos leniter adloquendo castigandoque temeritatem et pertinaciam, spem conabatur facere, brevi, quæ peterent, habituros; ⁹⁵ sed quum satis et ipsis, et omnibus aliis adpareret, ab rege impetratam eos libertatem, non per occasionem raptam, habere. Adversus quæ respondebant, *Nihil neque mirari, neque succensere Antiochum debere, si spem libertatis differri non satis æquo animo paterentur.* Ipse initio veris, navibus ab Epheso profectus, Hellespontum petit: terrestres copias ⁹⁶ Madytum trajicit, Chersonesi urbem: terrestri navalem exercitum Chersonesum occupat. junxit. et, quia clausurant portas, circumdedit mœnia armatis, ⁹⁷ et jam opera admoventi, deditio est facta: ⁹⁸ idem metus tum incolentes alias Chersonesi urbes in deditionem dedit. Lysimachiam inde omnibus simul navalibus terrestribusque copiis venit. quam quum desertam ac stratam prope ruinis invenisset, (ceperant autem, direptamque incenderant Thraces pacis ante annis) cupido eum restituendi nobilem urbem, et loco sitam opportuno, cepit. Itaque omni cura simul est adgressus et tecta, murosque restituere, et partim redimere servientes Lysimachienses, partim Lysimachiam restituit. fuga sparsos per Hellespontum Chersonesumque conquirere contrahereque: partim novos colonos, spe commodorum proposita, adscribere, et omni modo frequentare. simul ut Thracum submoveretur metus, ipse parte dimidia terrestrium copiarum ad depopulandum proxima Thraciæ est profectus: partem navalesque socios omnes reliquit in operibus reficiendæ urbis.

¹ in Theba l. metuebat; Gron.

⁹⁴ Quos in Theba] Locus fractus, cui mederi sine libris non opis est nostræ: *recisis his vocibus, sensus constat. †Repræsentamus hic veterum editorum lectionem. Vulgati habent, quos metuebat: quod ab inani nescio cujus conjectura profectum, quum posse videretur falsa specie sanitatis imponere, diutius hic pati noluimus. Gronovius suspicatur quasi tabe, id est, contagione quadam. Utatur, qui voluerit. Nobis durum hoc, nec satis apertum videtur.

⁹⁵ Sed quum satis] Pollicetur Antiochus Lampsacenis, brevi eos quæ peterent, nempe libertatem, habitu-

ros: sed tum demum, quum constaret eam impetratam ab rege, non raptam per occasionem. Vulgati libri vitiose habent, et tum satis. Lectionem quam sequimur exstare ait Gronovius in codice Moguntino, et Aldina editione.

⁹⁶ Madytum] Sic emendavit Glareanus, quum male olim legeretur ad Abydum.

⁹⁷ Et jam] Melius sed jam. Gronovius.

⁹⁸ Idem metus tum incolentes] Latere videtur aliquod vitium in his vocibus tum incolentes, quæ et otiosæ sunt, et inelegantæ.

U. C. 556.
A. C. 196.
Legatorum
Rom. cum
Antiocho
conlo-
quium.

XXXIX. Sub hoc tempus et ⁹⁹ L. ^u Cornelius, missus ab senatu ad dirimenda inter Antiochum Ptolemæumque reges certamina, Selymbriæ substitit: et decem legatorum P. Lentulus a Bargyliis, P. Villius et L. Terentius a Thasso, Lysimachiam petierunt. eodem et a Selymbria L. Cornelius, et ex Thracia post paucos dies Antiochus convenerunt. Primus congressus cum legatis, et deinceps ¹ invitatio benigna et hospitalis fuit. ut de mandatis statuque præsentii Asiæ agi cœptum est, animi exasperati sunt. Romani, omnia acta ejus, ex quo tempore e Syria classe solvisset, displicere senatui, non dissimulabant, restituique Ptolemæo civitates omnes, quæ ditionis ejus fuissent, æquum censebant. *Nam quod ad eas civitates adtineret, quas a Philippo possessas Antiochus per occasionem, averso Philippo in Romanum bellum, interceptisset, id vero ferendum non esse, Romanos per tot annos terra marique tanta pericula ac labores exhausisse, Antiochum belli præmia habere. Sed ² ut in Asiam adventus ejus dissimulari ab Romanis, tamquam nihil ad eos pertinens, potuerit; quod jam etiam in Europam omnibus navalibus terrestribusque copiis transierit, ³ quantum a bello aperto Romanis abesse? Illum quidem, etiamsi in Italiam trajiciat, negaturum.*

XL. Ad ea rex, Satis jam ante videre se, Romanos inquirere, quid regi Antiocho faciendum; at, quousque terra marique progrediendum fuerit ipsis, non cogitare. Asiam nihil ad populum Romanum pertinere: nec magis illis inquirendum esse, quid Antiochus in Asia, quam Antiocho, quid in Italia populus Romanus faciat. Quod ad Ptolemæum adtineat, cui ademtas civitates querantur; sibi cum Ptolemæo et amicitiam esse, et id agere se, ut brevi etiam adfinitas jungatur. Nec ex Philippi quidem adversa fortuna spolia ulla se petisse: aut adversus Romanos in Europam trajecisse, ⁴ ***** fuerit, (quo victo omnia, quæ illius fuissent, jure belli Seleuci facta sint) existimare suæ ditionis esse. Occupatis majoribus suis ⁵ rerum aliarum alia cura, primo ⁶ quædam ex his Ptole-

^u C. Gron.

99 L. Cornelius] Hic vitio operarum falsum prænomen huic legato affingebatur (C. Correximus ex ipso Livio paulo infra, et ex Polybio, Legat. XVII.

1 * Invitatio] Ad epulas.

2 * Ut in Asiam adventus ejus] Ut hoc loco est etiamsi. Asiam intellige minorem.

3 Quantum a bello aperto Romanis abesse] Merito inserit Gronovius particulam cum ante Romanis. * Quantum abesse, quin id pro bello aperte cum Romanis sumpto haberi debeat!

4 Sed ut Chersonesi urbes et loca recuperaret: quam, quum Lysimachi] Sic supplemus ex Polybio ea quæ hic in Livio deerrant. Jam suppleverant hunc locum doctissimi viri, Sigonius et Rubenius, sed hic brevius justo, ut nobis visum est, ille prolixius. Ceterum de bello inter Seleucum et Lysimachum vide Justin. l. XVII. c. 1.

5 Rerum aliarum alia cura] Mallemus cum Gronovio rerum aliarum et aliis cura.

6 Quædam ex his] Nempe, Chersonesi locis.

*mæum, deinde et Philippum, ⁷usurpando aliena possedis- U. C. 556.
sicut quædam ex proxima Thracia, quæ indubitate Lysimachi A. C. 196.
fuerint. ⁸Ad ea facienda in antiquum venisse: et Lysima-
chiam, deletam Thracum inpetu, de integro condere, ut Seleu-
cus filius eam sedem regni habeat.*

XLII. His disceptationibus per dies aliquot habitis, ru- Re infecta
mor sine ullo satis certo auctore adlatus de morte Ptolemæi disceditur.
regis, ⁹ut nullus exitus inponeretur sermonibus. nam dissi-
mulabat pars utraque se audisse; et L. Cornelius, cui le-
gatio ad duos reges, Antiochum Ptolemæumque, mandata
erat, spatium modici temporis ad conveniendum Ptolemæum
petebat: ¹⁰ut, priusquam moveretur aliquid in nova pos-
sessione regni, perveniret in Ægyptum; et Antiochus suam
fore Ægyptum. ¹¹si tum occasio esset, censebat. Itaque,
dimissis Romanis, relictoque Seleuco filio cum terrestribus
copiis ad restituendam, ut instituerat, Lysimachiam, ipse
omni classe navigans Ephesum, legatis ad Quintium mis-
sis, ¹²qui ad fidem de societate agerent, oram Asiæ legens,
pervenit in Lyciam: Patarisque cognito, vivere Ptolemæum,
navigandi quidem in Ægyptum omissum consilium est.
Cyprum nihilominus tendens, quum Chelidonium promon-
torium superasset, paullisper seditione remigum est retentus
in Pamphylia circa Eurymedontem amnem. Inde profectum
eum ¹³ad capita (quæ vocant) Sari fluminis fœda tempestas
oborta prope cum omni classe demersit. multæ naves
¹⁴ejectæ: multæ ita haustæ mari, ut nemo in terram
enaverit. Magna vis hominum ibi interiit, non remigum
tantum militumque ignotorum, sed etiam insignium ami-
corum. Conlectis reliquiis naufragii, quum res non in eo
esset, ut Cyprum tentaret, minus opulento agmine, quam
profectus erat, Seleuciam redit. ibi subduci navibus jussis
(jam enim et* hiems instabat) ipse in hiberna Antiochiam
processit. In hoc statu regum erant res.

XLII. Romæ eo primum anno ¹⁵triumviri epulones facti, Triumviri
epulones.

* et del. Gron. Crev.

7* Usurpando] Pro suis tenedo.

8 Ad ea facienda in antiquum] Mens
Livii aperta, verba vitata sunt. Legit
Gronovius ad ea redigenda in antiquum
jus, sive statum.

9 Ut nullus exitus] Ante has voces
excidit verbum fecit.

10 Ut, priusquam] Hæc non exis-
timanda sunt dicta palam a Cornelio:
sed exprimunt consilium, quod tacita
mente apud se volebat.

11 Si tum occasio esset] Lege, si
usus occasione esset, aut aliud quid si-
mile.

12 Qui ad fidem de societate age-

rent] Vel delendæ hæ voces ad fidem,
vel corrigendæ. Gronovius emendat
ibidem.

13 Ad capita . . . Sari] Cave intel-
ligas fontes: sed potius tumulos quos-
dam fortasse ac rupes in littore ad Sari
ostia, quemadmodum Κυνὸς κεφαλὴ in
Thessalia sunt montes atque tumuli.

14* Ejectæ] In littus.

15 Triumviri Epulones] Datum est
his nomen, inquit Festus, quod epulas
indicendi Jovi ceterisque diis potesta-
tem haberent. Docet Tullius, l. III.
de Or. n. 73. qua de causa creati fue-
runt. Pontifices, inquit, propter sa-

U. C. 556. ¹⁶C. Licinius Lucullus tribunus, qui legem de creandis his
 A. C. 196. tulerat, P. Manlius, et P. Porcius^y Læca. his triumviris,
 item ut pontificibus, lege datum togæ prætextæ habendæ
 jus. Sed magnum certamen cum omnibus sacerdotibus eo
 anno fuit quæstoribus urbanis, Q. Fabio Labeoni et L.
 Aurelio. Pecunia opus erat, quod ¹⁷ultimam pensionem pec-
 unia in bellum conlatæ persolvere placuerat privatis.
 Quæstores ab auguribus pontificibusque^z, quod stipendium
 per bellum non contulissent, petebant. ab sacerdotibus tri-
 buni nequidquam adpellati, omniumque annorum, per quos
 non dederant, exactum est. Eodem anno duo mortui pon-
 tifices, novique in eorum locum subfecti, M. Marcellus
 consul in locum C. Sempronii Tuditani, qui prætor in His-
 pania decesserat: et L. Valerius in locum M. Cornelii Ce-
 thegi. Et Q. Fabius Maximus augur mortuus est admo-
 dum adolescens, priusquam ullum magistratum caperet:
 nec eo anno augur in ejus locum est subfectus. Comititia
 inde consularia habita a M. Marcello consule. creati consu-
 les L. Valerius Flaccus, M. Porcius Cato. Prætores inde
 facti C. Fabricius Luscinius, C. Atinius Labeo, Cn. Manlius
 Vulso, Ap. Claudius Nero, P. Manlius, P. Porcius Læca.
 Ædiles curules, M. Fulvius Nobilior et C. Flaminius, ¹⁸tri-
 tici decies centum millia binis æris populo diviserunt: id
 C. Flamini honoris causa ipsius, ¹⁹patrisque, advexerant
 Siculi Romam. Flaminius ²⁰gratiam ejus communicaverat
 cum collega. Ludi Romani et adparati magnifice sunt, et
 ter toti instaurati. Ædiles plebis, Cn. Domitius Ahen-

Tributum a
 sacerdoti-
 bus solu-
 tum.

Comitia.

^y Lucullus, P. Manlius q. l. d. c. h. t. et P. Porcius Læca. Gron. P. Manlius
 del. Crev. ^z pontificibus Gron. Crev.

*crificiorum multitudinem tres viros
 epulones esse voluerunt, quum essent
 ipsi a Numa, ut etiam illud ludorum
 epulare sacrificium facerent, instituti.
 Postea numero septem fuere: quem
 numerum non excessisse eos colligi pot-
 est ex Gellio, l. I. c. 12. et Plinio, ep.
 11. l. II.*

16 C. Licinius Lucullus tribunus]
 Habebant olim cusi C. Licinius Lu-
 cullus, T. Romuleius. Sed observant
 Rubenius et Gronovius persæpe in qui-
 busdam codicibus, loco τῶν tribunus ple-
 bis, legi T. Romuleius. Itaque nihil
 dubitavimus reponere in contextum
 tribunus. At sic deest nomen unius
 triumviri, quem recte Sigonius judicat
 ex c. 42. l. XL. fuisse P. Manlium.
 Hoc igitur modo legendus hic locus
 videtur: C. Licinius Lucullus tribu-
 nus, qui legem de his creandis tulerat,
 P. Manlius, et P. Porcius Læca.

*17 Ultimam pensionem pecuniæ in
 bellum collatæ]* Pecuniæ in bellum
 Punicum collatæ a privatis. Vid.
 XXVI. 36. XXIX. 16. XXXI. 13.

*18 Tritici decies centum millia binis
 æris]* Decies centum millia modiorum
 tritici binis assibus in modios populo
 diviserunt. Porro decies centum mil-
 lia modiorum Romanorum efficiunt cir-
 citer modios nostrates 770833. sive
 paulo plus 64236. sextarios. Bini asses
 sunt octava pars denarii, dimidia ses-
 tertii, sive argenti grana 9.

19 Patrisque] C. Flaminius primus
 ad regendam Siciliam prætor missus
 fuerat, anno u. c. 525.

*20 Gratiam ejus communicaverat cum
 collega]* Non sibi privatim reservaverat
 hujus in populum Romanum meriti gra-
 tiam, sed in partem ejus collegam ad-
 miserat.

barbus^a et ²¹C. Scribonius Curio^b, multos ²²pecuarios ad populi iudicium adduxerunt: tres ex his condemnati sunt; ex eorum multatitia pecunia ²³ædem in insula Fauni fecerunt. Ludi plebei^c per biduum instaurati, et epulum fuit ludorum caussa.

XLIII. L. Valerius Flaccus et M. Porcius, quo die magistratum inierunt, de provinciis quum ad senatum retulissent, Patres censuerunt, *Quum in Hispania tantum glisceret bellum, ut jam consulari et duce et exercitu opus esset, placere, consules Hispaniam citeriorem et Italiam provincias aut comparare inter se, aut sortiri. Utri Hispania provincia evenisset, eum duas legiones et quinque millia socium Latini nominis, et quingentos equites secum portare, et naves longas viginti ducere. Alter consul duas legiones scriberet. His Galliam provinciam obtineri satis esse, fractis proximo anno Insubrium et Boiorum animis.* Cato Hispaniam, Valerius Italiam est sortitus. Prætores deinde provincias sortiti, C. Fabricius Luscinus urbanam, C. Atinius Labeo peregrinam, Cn. Manlius Vulso Siciliam, Ap. Claudius Nero Hispaniam ulteriorem, P. Porcius Læca Pisas, ut ab tergo Liguribus esset: P. Manlius in Hispaniam citeriorem adiutor consuli datur. T. Quinctio, suspectis non solum Antiocho et Ætolis, sed etiam Nabide Lacedæmoniorum tyranno, prorogatum in annum imperium est, duas legiones ut haberet. in eas si quid supplementi opus esset, consules scribere, et mittere in Macedoniam iussi. Ap. Claudio præter legionem, quam Q. Fabius habuerat, duo millia peditum et ducentos equites novos conscribere permissum. Par numerus peditum equitumque novorum P. Manlio in citeriorem Hispaniam decretus: et legio eadem, quæ fuerat sub Minucio prætore, data. Et P. Porcio Læcæ ad Etruriam circa Pisas duo millia peditum et quingenti equites ex Gallico exercitu decreti. In Sardinia prorogatum imperium Sempronio Longo.

XLIV. Provinciis ita distributis, consules, priusquam ab urbe proficiscerentur, ver sacrum ex pontificum jussu fecere, ²⁴quod A. Cornelius Mammula prætor voverat de senatus sententia populique jussu, Cn. Servilio, C. Flaminio consulibus. annis post uno et viginti factum est, quam vo-

Ver sacrum
faciunt
Coss.

^a Ænobarbus Gron.

^b add. Maximus Gron. Crev.

^c plebis Eæd.

21 * C. Scribonius curio maximus] De curione maximo vid. not. 28. ad III. 7. Ceterum suspicamur vocem maximus hic temere adjectam esse, et ad Curio cognomen esse Scribonii, non titulum sacerdotii. Etenim hoc tempore curionem maximum fuisse C. Mamilium Vitulum apparebit, si conferas inter se XXVII. 8. et XLI. 21.

22 Pecuarios] Pascuorum publicorum redemptores, ut jam annotavimus ad X. 23.

23 Ædem in insula Fauni] Ædem Fauni in insula Tiberina.

24 Quod A. Cornelius Mammula prætor voverat] Vid. not. 51. ad XXII. 9. supra.

U. C. 557. tum. Per eosdem dies C. Claudius, Ap. filius, Pulcher
 A. C. 195. augur in Q. Fabii Maximi locum, qui priore anno mortuus
 erat, lectus inauguratusque est. Mirantibus jam vulgo ho-
 minibus, quod Hispania movisset, bellum neglegi, literæ a
 Victi a Q. Minucio adlatæ sunt, *Se ad Turbam oppidum cum Budare*
et Besaside, imperatoribus Hispanis, signis conlatis prospere
pugnasse: duodecim millia hostium cæsa: Budarem imperato-
rem captum: ceteros fusos fugatosque. His literis lectis, mi-
 nus terroris ab Hispanis erat, unde ingens bellum expecta-
 tum fuerat. Omnes curæ, post adventum utique decem le-
 gatorum, in Antiochum regem conversæ. Hi, expositis
 prius, quæ cum Philippo acta essent, et quibus legibus data
 pax, non minorem belli molem restare ab Antiocho docue-
 runt. *Ingenti classe, egregio terrestri exercitu, in Europam*
eum trajecisse. nisi avertisset vana spes, ex vaniore rumore
orta, Ægypti invadendæ, mox bello Græciam arsuram fuisse.
neque enim ne Ætolos quidem quieturos, quum ingenio inquie-
tam, tum iratam Romanis gentem. Hæcere et aliud in visce-
ribus Græciæ ingens malum, Nabin, nunc Lacedæmoniorum,
mox, si liceat, universæ Græciæ futurum tyrannum: avaritia
et crudelitate omnes fama celebratos tyrannos æquantem. Cui
si Argos, velut arcem Peloponneso inpositam, tenere liceat, de-
portatis in Italiam Romanis exercitibus, nequidquam libera-
tama Philippo Græciam fore, pro rege, si nihil aliud, longin-
quo vicinum tyrannum dominum habituram.

XLV. ²⁵ Hæc quum jam ab gravibus auctoribus, tum qui
 omnia per se ipsos explorata referrent, audirent^d majores;
 quod ad Antiochum adtineret, maturanda his, quum rex
 quacumque de causa in Syriam concessisset, de tyranno
 consultatio visa est. Quum diu disceptatum esset, utrum
 jam caussæ satis videretur, ²⁶ cur decerneretur, an permitte-
 rent T. Quinctio: quod ad Nabin Lacedæmonium adtine-
 ret, faceret, quæ e republica censeret esse, permiserunt;
 eam rem esse rati, quæ maturata dilatare non tam magni
 momenti ad summam rem populi Romani esset. Magis id
 Hannibal et Karthaginienses sus-
 pecti. animadvertendum esse, quid Hannibal et Karthaginienses,
 si cum Antiocho ortum foret bellum, acturi essent. Adver-
 sæ Hannibali factionis homines principibus Romanis, ami-
 cis quisque suis, identidem scribebant, *Nuncios literasque*
ab Hannibale ad Antiochum missas, et ab rege ad eum clam

^d audirentur Crev.

²⁵ Hæc quum jam . . audirentur] Vulgo audirent. Reposuimus audirentur ex auctoritate veterum editorum. Cetera sic refingit felicissima conjectura Perizonius: Hæc quum tam ab gravibus auctoribus, tum qui omnia per seipsos explorata referrent, audi-

rentur, major res, quod ad Antiochum attineret; maturanda magis, quum rex quacumque de causa in Syriam concessisset, de tyranno consultatio visa est.

²⁶ Cur decerneretur] Vel intellige, vel adde bellum.

legatos venisse. Ut feras quasdam nunquam mitescere; sic in- U. C. 557.
mitem, inplacabilem ejus viri animum esse. marcescere otio si- A. C. 195.
tuque civitatem, queri eum, et ²⁷inertia operis; nec sine armo-
rum sonitu excitari posse. Hæc probabilia memoria prioris
belli, per unum illum non magis gesti, quam moti, faciebat.
Irritaverat etiam recenti facto multorum potentium animos.

XLVI. Judicum ordo Karthagine ea tempestate domina- Judices
Karthagine
ex perpetuis
annui facti,
Hannibalis
opera.
 batur; eo maxime, quod iidem perpetui judices erant. Res,
 fama, vitæque omnium in illorum potestate erat. qui unum
 ejus ordinis, idem omnes adversos habebat; nec accusator
 apud judices infensos deerat. Horum in tam inpotenti
 regno ²⁸ neque enim civiliter nimis opibus utebantur) præ-
 tor factus Hannibal vocare ad se quæstorem. ²⁹ Idem pro
 nihilo habuit. nam et adversæ factionis erat: et, quia ex
 quæstura in judices, potentissimum ordinem, referebantur,
³⁰ jam pro futuris mox opibus animos gerebat. Enimvero
 indignum id ratus Hannibal, viatorem adprehendendum
 quæstorem misit: subductumque in concionem, non ipsum
 magis, quam ordinem judicum, præ quorum superbia atque
 opibus nec leges quidquam essent, nec magistratus, accusa-
 vit. et, ut secundis auribus accipi orationem animadvertit,
 et infimorum quoque libertati gravem esse superbiam eo-
 rum, legem extemplo promulgavit, pertulitque, *Ut in singu-*
los annos judices legerentur, ne quis biennium continuum judex
esset. Ceterum quantam eo facto ad plebem inierat gra-
 tiam, tantum magnæ partis principum offendeat animos.
 Adjecit aliud, quod^c bono publico, sibi proprias simultates
 irritavit. Vectigalia publica partim negligentia dilabeban-
 tur; partim prædæ ac divisui principum quibusdam et ma-
 gistratibus erant: quin et pecunia, quæ in stipendium Ro-
 manis ³¹ suo quoque anno penderetur, deerat, tributumque
 grave privatis imminere videbatur.

XLVII. Hannibal postquam, vectigalia quanta terrestria
 maritimaque essent, et in quas res erogarentur, animadvertit,
 et quid eorum ordinarii reipublicæ usus consumerent, quan-
 tum peculatus averteret; ³² omnibus residuis pecuniis exac-

^c quo Gron. Crev.

²⁷ *Inertia operis*] Ingeniose Ruben-
 ius, *inertia sopiri*: cui verbo opponi-
 tur in iis quæ sequuntur *excitari*.

²⁸ * *Neque enim civiliter*] Non ut
 cives in libera republica sed plane quasi
 reges aut tyranni.

²⁹ *Idem pro nihilo habuit*] Recte
 Perizonius existimat legendum: *Is rem*
pro nihilo habuit.

³⁰ * *Jam pro futuris mox opibus animos*
gerebat] Jam eos gerebat animos, eam
 ferociam, quæ congrueret futuræ mox

potentiæ.

³¹ *Suo quoque anno*] Legi jubet
 Gronovius suo quæque anno: idque no-
 bis non ægre probat. Vid. not. ad l. III.
 c. 22. et l. XXV. c. 17.

³² *Omnibus residuis pecuniis*] Pecuniis
 omnibus, quæ quum publicæ es-
 sent, apud privatos resederant, a pri-
 vatis retentæ fuerant. * *Usurpavit hoc*
 idem vocabulum eodem sensu Cicero
 pro Cl. n. 94.

U. C. 557.
A. C. 195.

Romani
Karthagi-
nem legatos
mittunt ad
accusan-
dum Han-
nibalem.

Aufugit
Hannibal.

tis, tributo privatis remisso, satis locupletem rempublicam fore ad vectigal præstandum Romanis, pronunciavit in concione, et præstitit promissum. Tum vero isti, quos paverat per aliquot annos publicus peculatus, velut bonis ereptis, non furto eorum manibus extorto, infensi et irati Romanos in Hannibalem, et ipsos caussam odii quærentes, instigabant. Itaque, diu repugnante Scipione Africano, ³³ quia parum ex populi Romani dignitate esse ducebat, ³⁴ subscribere odiis accusationibusque Hannibalis, ³⁵ et factionibus Karthaginensium inserere publicam auctoritatem, nec satis habere bello vicisse Hannibalem, nisi velut accusatores ³⁶ calumniam in eum jurarent, ac nomen deferrent, tandem pervicerunt, ut legati Karthaginem mitterentur, qui apud senatum eorum arguerent, Hannibalem cum Antiocho rege consilia belli faciendi inire. Legati tres missi, C. Servilius, M. Claudius Marcellus, Q. Terentius Culleo. qui quum venissent, ex consilio inimicorum Hannibalis, quærentibus caussam adventus dici jusserunt; venisse ad controversias, quæ cum Masinissa rege Numidarum Karthaginensibus essent, dirimendas. id creditum vulgo. Hannibalem unum se peti ab Romanis non fallebat; et ita pacem Karthaginensibus datam esse, ut inexpressibile bellum adversus se unum maneret. Itaque cedere tempori et fortunæ statuit; et, præparatis jam omnibus ante ad fugam, obversatus eo die in foro avertendæ suspicionis caussa, primis tenebris vestitu forensi ad portam cum duobus comitibus ignaris consilii est egressus.

XLVIII. Quum equi, quo in loco jussi erant, præsto fuissent, nocte ³⁷ via cita regionem quamdam agri Vocani transgressus, postero die mane inter ³⁸ Achollam et Thapsum

³³ Quia parum ex populi Romani dignitate esse] Correctio Manutii. Antiqua lectio corruptissima erat: quia parum expugnantem se. Lege tamen qui parum.

³⁴ Subscribere odiis accusationibusque Annibalis] Verbum proprium in accusatione. Accusator erat is qui nomen detulerat, quique in agendo princeps erat. Qui vero se ei adjuutores fore et eandem cum ipso causam acturos esse profitebantur, ii subscribere dicebantur accusationi, et vocabantur subscriptores.

³⁵ Et factionibus Carthaginensium inserere publicam auctoritatem] Et immiscere nomen auctoritatemque populi Romani factionibus Carthaginensium, ita ut Romani sese alteri factioni adversus alteram adjungerent.

³⁶ Calumniam in eum jurant]

Calumniam jurare, sive jurare de calumnia, quemadmodum loquitur Justinianus, l. II. Instit. tit. 23. est jurare se non calumniandi, aut injuste vexandi quemquam animo litem instituere. Hoc juramentum præstare solitos esse accusatores, ex hoc ipso loco apparet. Id igitur indignatur Scipio, quod Romani tanquam accusatores reum agere velut sub iudice Annibalem velint.

³⁷ Via cita] Si nihil hic vitii est, intellige, maturato itinere.

³⁸ Achollam] Sive Achollam legas cum Sigonio, sive cum prioribus editis Acyllam, haud multum interest. Idem enim utroque nomine oppidum designatur. Strabo alique Græci scriptores Achollam firmant: Hirtius de Bello Afric. Acyllam.

³⁹ ad suam turrim pervenit. Ibi eum parata instructaque U. C. 557.
remigio excepit navis. ita Africa Hannibal excessit, ⁴⁰ sæ- A. C. 195.
pius patriæ, quam suorum eventus miseratus. Eo die in
Cercinam insulam trajecit. ubi quum in portu naves aliquot
onerarias cum mercibus invenisset, et ad egressum eum e
nave concursus salutantium esset factus; percontantibus
legatum se Tyrum dici jussit. veritus tamen, ne qua earum
navis nocte profecta Thapsum aut Achollam nunciaret, se
Cercinæ visum, sacrificio adparari jussu, magistros navium
mercatoresque invitari jussit: et ⁴¹ vela cum antennis ex
navibus conrogari, ut umbra (etenim media æstas forte erat)
cœnantibus in litore fieret. Quantum res et tempus patie-
bantur^f, adparatæ celebratæque ejus diei epulæ sunt: mul-
toque vino in serum noctis convivium productum. Hanni-
bal, quam^g primum fallendi eos, qui in portu erant, tem-
pus habuit, navem solvit. ceteri sopiti quum postero die
tandem ex somno pleni crapulæ surrexissent, ⁴² id quod se-
rum erat, aliquot horas remis in naves conlocandis et aptan-
dis armamentis absumserunt. Karthagine et multitudinis,
adsuetæ domum Hannibalis frequentare, concursus ad ves-
tibulum ædium est factus: et, ut non comparere eum vul-
gatum est, in forum turba convenit principem civitatis quæ-
rentium, et alii fugam conscisse, (id quod erat) alii fraude
Romanorum interfectum, ⁴³ idque magis, ferebant: varios-
que vultus cerneret, ⁴⁴ ut in civitate aliorum alias partes fo-
ventium factionibus. Visum deinde Cercinæ eum, tandem
adlatum est.

XLIX. Romani legati quum in senatu exposuissent, *Com-
pertum Patribus Romanis esse, et Philippum regem ante ab
Hannibale maxime accensum, bellum populo Romano fecisse, et
nunc literas nunciosque ab eo ad Antiochum regem profectos:
haud quieturum ante, quam bellum toto orbe terrarum* ⁴⁵ con-

^f patietur Gron. Crev. ^g quum Eæd.

³⁹ Ad suam turrim] Plinius, l. II. c. 71. mentionem facit turrium Anni-
balis, tanquam specularum quarum-
dam in Hispania Africaque. Intelli-
gamus igitur turrim ab Annibale spe-
culandi causa exstructam.

⁴⁰ Sæpius patriæ, quam suorum
eventus] Lege cum Gronovio, quam
suos.

⁴¹ Vela cum antennis ex navibus
conrogari] E navibus vela et antennas
colligi ad efficienda quasi quædam ta-
bernacula. Quidam editi vitiose ha-
bent et navibus. At vetustiores præ-
ferunt ex, quemadmodum edendum
curavit Clericus.

⁴² Id quod serum erat] Suspiciatur
Gronovius, id quod quæsitum erat:
* nempe ab Annibale. Ea mens Anni-
balis fuerat, ut quam maxima iis mora
objiceretur, dum ipse inter præciperet.

⁴³ * Idque magis] Et is crebrior erat
rumor, ea vulgatio opinio erat.

⁴⁴ Ut in civitate aliorum alias par-
tes foventium factionibus] Profecto hic
deest quidpiam, quale esset plena, vel
distracta: ut in civitate distracta fac-
tionibus aliorum alias partes foventium.

⁴⁵ Conscisset] Sic dedimus ex vetus-
tioribus editionibus. Recentiores con-
scisset: parum proprie.

U. C. 557. *scisset.* ⁴⁶*Ne his debere impune esse, si* ⁴⁷*satisfacere Kar-*
 A. C. 195. *thaginienses populo Romano vellent, nihil eorum sua voluntate,*
nec publico consilio factum esse. Karthaginienses responde-
 runt, quicquid æquum censuissent Romani, facturos esse.
 Hannibal prospero cursu Tyrum pervenit: exceptusque a
 conditoribus Karthaginis, ut alia patria, vir tam clarus om-
 ni genere honorum, paucos moratus dies, Antiochiam navi-
 gat. ibi profectum jam regem quum audisset, ⁴⁸*filium*^h ejus
 sollemne ludorum ⁴⁹ad Daphnen celebrantem convenisset:
 comiter ab eo exceptus, nullam moram navigandi fecit.
 Ephesi regem est consecutus, fluctuantem adhuc animo,
 incertumque de Romano bello, sed haud parvum momen-
 tum animo ejus ad moliendum adventus Hannibalis fecit.
 Ætolorum quoque eodem tempore alienati ab societate Ro-
 mana animi sunt: ⁵⁰quorumⁱ legatos Pharsalum et Leuca-
 dem, et quasdam alias civitates ex primo fœdere petentes,
 senatus ad Quinctium rejecit.

Pervenit
 ad Antio-
 chum,

^h et filium Crev.

ⁱ quoniam Eæd.

⁴⁶ *Ne his]* Forte: *Nec id debere*
impune esse, nempe Annibali.

⁴⁷ *Satisfacere . . populo Romano]*
Satisfacere, id est, probare. Sic Ci-
cero l. II. in Verrem n. 20. Vobis priore
actione satisfactum est, sestertium un-
decies numeratum esse.

⁴⁸ *Et filium ejus]* Recte adjecit
 Clericus voculam *et*, quæ videtur ab-

sorpta fuisse ab ultima syllaba verbi
 præcedentis *audisset.*

⁴⁹ * *Ad Daphnen]* Daphne vicus fuit
 prope Antiochiam, imo Antiochiæ sub-
 urbium, cum ingenti luco; et in me-
 dio templum Apollinis ac Dianæ cele-
 berrimum.

⁵⁰ *Quoniam legatos Pharsalum et*
Leucadem] Vid. supra, c. 34.

EPITOME LIBRI XXXIV.

LEX Oppia, quam C. Oppius tribunus plebis bello Punico¹ de finiendis matronarum cultibus tulerat, cum magna contentione abrogata est; quum Porcius Cato auctor fuisset, ne ea lex aboleretur. Is, in Hispaniam profectus, bello, quod Emporiis orsus est, citeriorem Hispaniam pacavit. T. Quinctius Flaminius bellum adversus Lacedæmonios et tyrannum eorum Nabidem prospere gestum, data iis pace, qualem ipse voluit, liberatisque Argis, qui sub ditione tyranni erant, finivit. Senatus tunc primum secretus a populo ludos spectavit: ut id fieret, Sex. Ælius Pætus et C. Cornelius Cethegus censores intervenerunt, cum indignatione plebis. ²Coloniæ pleræque deductæ sunt. M. Porcius Cato de Hispania triumphavit. Res præterea in Hispania, et adversus Boios et Insubres Gallos feliciter gestæ referuntur. T. Quinctius Flaminius, qui Philippum Macedonum regem et Nabidem Lacedæmoniorum tyrannum vicerat, Græciamque omnem liberaverat, ob hanc rerum gestarum multitudinem triduo triumphavit. Legati Karthaginiensium nunciaverunt, Hannibalem, qui ad Antiochum confugerat, bellum cum eo moliri. Tentaverat autem Hannibal per Aristonem Tyrium, sine literis Karthaginem missum, ad rebellandum Pænos concitare.

¹ De finiendis cultibus matronarum] Sic habere unum e MSS. suis affirmat Gronovius. Olim stringendis, quod mutaverat, Sigonius in fingendis. Sed Gronoviana lectio longe elegantior et clarior est. Infra hoc ip-

so libro, c. 6. Nam si ista lex ideo lata esset, ut finiret libidinem muliebrem.

² Coloniæ pleræque] Magis placet, quod affert e vet. lib. Sigonius: coloniæ plures. Et sic quoque Campanus.

T. LIVII PATAVINI

LIBER XXXIV.

U. C. 557.
A. C. 195.
Contentio-
nes de lege
Oppia.

INTER bellorum magnorum, aut vixdum finitorum, aut imminentium, curas intercessit res parva dictu, sed quæ studiis in magnum certamen excesserit. M. Fundanius et L. Valerius tribuni plebei ad plebem tulerunt de Oppia lege abroganda. Tulerat eam C. Oppius tribunus plebis, ¹ Q. Fabio, Ti. Sempronio consulibus, in medio ardore Punici belli, ² *Ne qua mulier plus semunciam^a auri haberet: neu vestimento versicolori uteretur: neu³ juncto vehiculo⁴ in urbe oppidove, aut propius inde mille passus, nisi sacrorum publicorum caussa, vcheretur.* M. et P. Junii Bruti tribuni plebis legem Oppiam tuebantur, nec eam se abrogari passuros aiebant. Ad suadendum dissuadendumque multi nobiles prohibebant. Capitolium turba hominum faventium adversantiumque legi complebatur. Matronæ nulla nec ⁵ auctoritate, nec verecundia, nec imperio virorum contineri limine poterant: omnes vias urbis aditusque in forum obsidebant, viros descendentes ad forum orantes, ut, florente republica, crescente in dies privata omnium fortuna, matronis quoque pristinum ornatum reddi paterentur. Augebatur hæc fre-

^a *semuncia* Gron. Crev.

¹ *Q. Fabio, Ti. Sempronio consuli-*
bus] Bis consul Ti. Sempronius fuit, primum cum Q. Fabio, illo Cunctatore, iterum cum Q. Fabio, Cunctatoris filio. Ad utrum e duobus Ti. Sempronii consulatibus lex Oppia referri debeat, dubitari potest. Nec multum sane interest. Ceterum, quod ad rem ipsam pertinet, observandum est matronis olim concessum fuisse, memorante Livio, supra l. V. c. 25. *ut carpentis festo profestoque uterentur*: cuius vetusti juris mirum est nullam mentionem infra in tribunorum orationibus fieri. Sed et Cato infra, c. 3. exagitat admodum invidiose postulationem matronarum, ut sibi carpentis festis profestisque diebus uti liceret: quod illis honoris causa tam a longo tempore datum erat, et Oppia demum lege abrogatum. Videtur Livius in

toto hoc negotio vetusti illius juris parum memor fuisse.

² *Ne qua mulier plus semuncia auri*] Annotavimus ad l. XXVI. c. 36. hoc caput legis Oppiæ, aut nunquam fuisse servatum, aut jampridem observari desisse.

³ *Juncto vehiculo*] Vehiculo quod junctis jumentis ageretur. Sic Virgilius, l. IV. Georg. v. 389. *Et juncto bipedum curru metitur equorum.*

⁴ *In urbe oppidove*] Sive in urbe Roma, sive in quocumque oppido civium Romanorum. Hæc enim lex solas mulieres Romanas, non Latinas, spectabat, ut patebit ex oratione tribunorum.

⁵ *Auctoritate*] Propinquorum, aliorumve quorum consiliis obsequi mulieres deceret. Vid. not. 49. ad l. 7.

quentia mulierum in dies. nam etiam ex oppidis ⁶ concilia- U.C. 557.
bulisque conveniebant^b. Jam et consules prætoresque et A.C. 195.
alios magistratus adire et rogare audebant. ceterum minime
exorabilem alterum ⁷ utique consulem M. Porcium Catonem
habebant, qui pro lege, quæ abrogabatur, ita disseruit:

II. Si in sua quisque nostrum matre familiæ, Quirites, jus Oratio Ca-
et majestatem viri ⁸ retinere instituisset, minus cum universis tonis Cos.
feminis negotii haberemus. nunc domi victa libertas nostra in- pro lege
potentia muliebri, hic quoque in foro obteritur et calcatur: et, Oppia.
quia singulas sustinere non potuimus, universas horremus. E-
quidem fabulam et fictam rem ducebam esse, ⁹ virorum omne
genus in aliqua insula conjuratione muliebri ab stirpe subla-
tum esse. ¹⁰ Ab nullo genere non^c summum periculum est, si
cætus, et concilia, et secretas consultationes esse sinas. Atque
ego vix statuere apud animum meum possum, utrum pejor ipsa
res, an pejore exemplo agatur. Quorum alterum ad nos cons-
ules reliquosque magistratus, alterum ad vos, Quirites, magis
pertineret^d. nam utrum e republica sit, necne, id, quod ad vos
fertur, vestra existimatio est, qui in suffragium ituri estis. Hæc
¹¹ consternatio muliebris, sive sua sponte, sive auctoribus vobis,
M. Fundani et L. Valeri, facta est, ¹² haud dubie^e ad culpam
magistratum pertinens, nescio vobis, tribuni, an consulibus,
magis sit deformis. vobis, si feminas ad concitandas tribuni-
cias seditiones jam adduxistis: nobis, si, ut plebis quondam,
sic nunc mulierum secessionem leges accipiendæ sunt. Equidem
non sine rubore quodam paullo ante per medium agmen mulie-
rum in forum perveni. Quod nisi me verecundia singularum
magis majestatis et pudoris, quam universarum, tenuisset, ne
¹³ compellatæ a consule viderentur, dixissem: Qui hic mos est
in publicum procurrendi, et obsidendi vias, et viros alienos ad-

^b convenerant Gron. Crev.

^c non æque Eæd.

^d pertinet Eæd.

^e dubio

⁶ Conciliabulis] Vid. not. ad XXV.

5. ⁷ Utique] Certe, præcipue. -

⁸ Retinere instituisset] In eo pri-
mum posuisset operam ut retineret.

⁹ Virorum omne genus] Mulierum
Lemniarum facinus intelligit, quæ viros
omnes interfecerunt. Rem fuse narrat
Val. Flaccus, Argon. l. II.

¹⁰ Ab nullo genere non æque sum-
mum] Magis placeret legere, sublata
negatione, ab nullo genere æque sum-
mum, id est, tam magnum periculum
est, supple, atque a mulieribus. Sic
enim et melius sibi constaret oratio,
quum supra agatur de atroci facinore a
feminis patrato, et magis decora esset
Catonis, non solum gravi, sed etiam tru-

ci, quod infra a tribunis objicitur, ora-
tori.

¹¹ Consternatio muliebris] Seditio
concurrentium mulierum. Vid. not. 97.
ad XXI. 24.

¹² Haud dubie] Sic habet noster
Victor. quo rursum incipimus uti. Totus
enim liber XXXIII^{us}. in eo deficit. Sic
et Andreas, et ceteræ editiones, præter
Gronovianas, in quibus legitur haud
dubio.

¹³ Compellatæ] Compellare non est
simpliciter alloqui, sed cum increpa-
tione quadam, aut certe eo modo qui
pudorem aliquem incutiat ei quem com-
pellamus: id quod Gallice dicimus
apostropher.

U. C. 557. *pellandi? Istud ipsum suos quæque domi rogare non potuistis? An blandiores in publico, quam in privato, et alienis, quam vestris, estis? quamquam ne domi quidem vos, si sui iuris finibus matronas contineret pudor, quæ leges hic rogarentur, abrogarenturve, curare decuit. Majores nostri, nullam, ne privatam quidem, rem agere feminas*¹⁴ *sine auctore, voluerunt; in manu esse parentum, fratrum, virorum. nos* (¹⁵*si Diis placet*) *jam etiam rempublicam capessere eas patimur, et foro prope^f, et concionibus, et comitiis inmisceri.*¹⁶ *Quid enim nunc aliud per vias et compita faciunt, quam^g rogationes tribunorum plebis suadent, aliæ legem abrogandam censent?*¹⁷ *Date frenos inpotenti naturæ et indomito animali, et sperate, ipsas modum licentiæ facturæ, nisi vos feceritis^h. Minimum hoc eorum est, quæ iniquo animo feminæ sibi aut moribus aut legibus injuncta patiuntur. omnium rerum libertatem, immo licentiam, (si vera dicere volumus) desiderant. Quid enim, si hoc expugnaverint, non tentabunt?*

III. *Recenserent omnia*¹⁸ *muliebria jura, quibus licentiam earum adligerent majores nostri, per quæque subjecerint viris: quibus omnibus constrictas vix tamen continere potestis. Quid? si carpere singula, et extorquere, et exæquari ad extremum viris patiemi, tolerabiles vobis eas fore creditis? extemplo, simul pares esse cœperint, superiores erunt. At, Hercule, ne quid novum in eas rogetur, recusant. non jus, sed injuriam deprecantur. Immo ut, quam accepistis, jussistis suffragiis vestris legem, quam usu tot annorum et experiendo comprobastis, hanc ut abrogetis: id est, ut unam tollendo legem ceteras infirmetis. Nulla lex satis commoda omnibus est: id modo quæritur, si majori parti et in summam prodest. Si, quod cuiquam privatim obficiet jus, id destruet ac demolietur, quid adtinebit universos rogare leges, quas mox abrogare, in quos latæ sunt, possint? Volo tamen audire,*

^f quoque Gron. Crev.

^g quam quod aliæ Eæd.

^h faciatis Eæd.

¹⁴ *Sine auctore]* Nisi interposita auctoritate, vel patris, quamdiu manebant innuptæ; vel viri, si nuptæ forent; vel, si et patre et viro carent, fratris, aut alicujus ex agnatis, sive cognatis paternis; vel denique tutoris a magistratu dati, si forte tutorem a lege præfinitum non haberent. Itaque semper Romanæ mulieres in potestate alicujus erant, cujus eis necessaria erat auctoritas, ut in judicio starent, ut se obligarent, ut civile negotium gererent. Vid. Cic. pro Mur. n. 27. et in primis Ulpianum de Tutelis.

¹⁵ *Si diis placet]* Formula expri-

menda indignationi usitata.

¹⁶ *Quid enim nunc aliud . . faciunt, quam quod aliæ rogationes . . suadent]* Suspectum est nobis ~~quod~~ quod, male huc, ut videtur, inculcatum, quemadmodum supra l. XXVI. c. 6. Et reciso eo, fiet plane eadem structura verborum, quæ in hoc l. IV. c. 26. loco: Neque aliud tota urbe agi, quam bellum apparari.

¹⁷ *Date frenos]* Laxate frenos. Quæ sequuntur et sperate, per ironiam dicta intelligi debent.

¹⁸ *Muliebria jura]* Jura in iis quæ spectant ad mulieres usu aut legibus constituta.

quid sit, propter quod matronæ consternatæ procurreruntⁱ in U. C. 557.
publicum, ac vix foro se et concione abstinere^h. Ut captivi ab A. C. 195.
Hannibale redimantur parentes, viri, liberi, fratres earum?
Procul abest: absitque semper, talis fortuna reipublicæ. sed
tamen, quum fuit, negastis hoc piis precibus earum. At non
pietas nec sollicitudo pro suis, sed religio, congregavit eas. Ma-
trem Idæam, a Pessinunte ex Phrygia venientem, accepturæ
sunt. Quid honestum dictu saltem seditioni prætenditur mu-
liebri? ¹⁹ Ut auro et purpura fulgeamus, inquit; ut carpen-
tis, festis profestisque diebus, velut triumphantes de lege victa
et abrogata, et captis et ereptis suffragiis vestris, per urbem
vectemur: ²⁰ ne ullus modus sumptibus, ne^l luxuriæ sit.

IV. Sæpe me querentem de feminarum, sæpe de virorum,
nec de privatorum modo, sed etiam magistratuum, sumptibus
audistis; diversisque duobus vitiis, avaritia et luxuria, civita-
tem laborare: quæ pestes omnia magna imperia evertunt.
²¹ Hæc ego, quo melior lætiorque in dies fortuna reipublicæ est,
imperiumque crescit, et jam in Græciam Asiamque transcendi-
mus, omnibus libidinum inlecebris repletas, et regias etiam ad-
trectamus gazas, eo plus horreo, ne illæ magis res nos ceperint,
quam nos illas. ²² infesta, mihi credite, signa ab Syracusis
inlata sunt huic urbi. jam nimis multos audio Corinthi et
Athenarum ornamenta laudantes mirantesque, et ²³ antefixa sic-
tilia Deorum Romanorum ridentes. Ego hos malo propitios
Deos; et ita spero futuros, si in suis manere sedibus patiemur.
Patrum nostrorum memoria per legatum Cineam Pyrrhus, non
virorum modo, sed etiam mulierum animos donis tentavit. non-
dum lex Oppia ad coercendam luxuriam muliebrem lata erat:
tamen nulla accepit. Quam causam fuisse censetis? Eadem
fuit, quæ majoribus nostris nihil de hac re lege sancienti. nulla
erat luxuria, quæ coerceretur. Sicut ante morbos necesse est
cognitos esse, quam remedia eorum; sic cupiditates prius natæ
sunt, quam leges, quæ iis modum facerent. Quid ²⁴ legem Li-
ciniam excitavit de quingentis jugeribus, nisi ingens cupido
agros continuandi? Quid ²⁵ legem Cinciam de donis et mune-

ⁱ procurrant Gron. Crev.^h abstineant Eæd.^l nec Eæd.

¹⁹ Ut auro et purpura fulgeamus, inquit] Supple, quælibet e mulieribus. Vid. similem loquendi formam supra, l. VI. c. 40.

²⁰ Ne ullus modus sumptibus, nec luxuriæ sit] Elegantius, ne luxuriæ: quod habet, teste Jac. Gronovio, codex Thuan.

²¹ Hæc ego . . . eo plus horreo, ne illæ . . . res] Sufficiebat vel hæc, vel illæ res. Sed propter longiorem interpositam periodum Livius, ut claritati consuleret, addendas vel ex supervacuo

duxit duas posteriores voculas.

²² Infesta . . . signa ab Syracusis] Ludit in ambiguitate vocis signa, quæ et signa militaria, et statuas denotat. Statuas quam plurimas Marcellus ab Syracusis Romam deportaverat.

²³ Antefixa] Vid. not. ad XXVI. 23.

²⁴ Legem Liciniam] Vid. l. VI. c. 35.

²⁵ Legem Cinciam] Qua cavetur antiquitus, ne quis ob causam orandam pecuniam donumve accipiat, inquit

U. C. 557. *ribus, nisi quia vectigalis jam et stipendiaria plebes esse senatui*
 A. C. 195. *cæperat? Itaque minime mirum est, nec Oppiam, nec aliam*
ullam tum legem desideratam esse, quæ modum sumtibus mu-
lierum faceret, quum aurum et purpuram data et oblata ultro
non accipiebant. Si nunc cum illis donis Cineas urbem cir-
cumiret; stantes in publico invenisset, quæ acciperent. Atque
ego nonnullarum cupiditatum ne caussam quidem aut rationem
inire possum. nam ut, quod alii liceat, tibi non licere, aliquid
fortasse naturalis aut pudoris aut indignationis habeat; sic,
æquato omnium cultu, quid unaquæque vestrum veretur, ne in
se ²⁶conspiciatur? Pessimus quidem pudor est vel parsimoniæ,
vel paupertatis: sed utrumque lex vobis demit, quum id, quod
habere non licet, non habetis. Hanc, inquit, ipsam exæqua-
tionem non fero, illa locuples. cur non insignis auro et purpu-
ra conspicior? cur paupertas aliarum sub hac legis specie la-
tet, ut, quod habere non possunt, habituræ, si liceret, fuisse
videantur? Vultis hoc certamen uxoribus vestris injicere, Qui-
rites, ut divites id habere velint, quod nulla alia possit; pau-
peres, ne ob hoc ipsum contemnantur, supra vires se extendant?
Næ, simul pudere, quod non oportet, cæperit; quod oportet,
non pudebit. quæ de suo poterit, parabit: quæ non poterit, vi-
rum rogabit. Miserum illum virum, et qui exoratus, et qui
non exoratus erit! quum, quod ipse non dederit, datum ab alio
videbit. Nunc vulgo alienos viros rogant, et, quod majus est,
legem et suffragia rogant, et a quibusdam impetrant, adversus
te, et rem tuam, et liberos tuos inexorabiles. Simul lex modum
sumtibus uxoris tuæ facere desierit, tu numquam facies. Nolite
codem loco existimare, Quirites, futuram rem, quo fuit, ante-
quam lex de hoc ferretur. Et, hominem inprobum non accu-
sari, tutius est, quam absolvi: et luxuria ²⁷non mota tolerabi-
lior esset, quam erit nunc, ipsis vinculis, sicut fera bestia, irri-
tata, deinde emissa. Ego nullo modo abrogandam legem
Oppiam censeo. vos quod faxitis, Deos omnes fortunare ve-
lim.

V. Post hæc tribuni quoque plebei, qui se intercessuros professi erant, quum pauca in eandem sententiam adjecissent; tum L. Valerius pro rogatione ab se promulgata ita disseruit. *Si privati tantummodo ad suadendum dissuadendumque id, quod a nobis rogatur, processissent, ego quoque,*

Oratio L.
 Valerii trib.
 pl. adversus
 legem Op-
 piam.

Tacitus, l. XI. Ann. c. 5. Causarum autem patroni plerique ex ordine senatorio erant. Hinc dicit noster ideo legem Cinciam latam esse, quia plebs vectigalis esse senatui cæperat. Ex Tullio discimus, lib. de Sen. n. 10. legem Cinciam latam esse decimo ante hunc anno, M. Cornelio Cethego, P. Sempronio Tuditano, Coss. ejusque

suasorem fuisse Q. Fabium admodum senem.

26 * *Conspiciatur*] Conspicuum sit et notabile. Vid. not. 18. ad XXI. 4.

27 * *Non mota*] Si eam nos quietam sivissemus, nec impugnassemus lege adversus eam lata, et conatibus ad coercendam eam adhibitis.

quum satis dictum pro utraque parte existimarem, tacitus suffragia vestra exspectassem. nunc, quum vir gravissimus consul M. Porcius, non auctoritate solum, quæ tacita satis momenti habuisset, sed oratione etiam longu et adcurata insectatus sit rogationem nostram, necessum est paucis respondere. qui tamen plura verba in castigandis matronis, quam in rogatione nostra dissuadenda, consumsit: et quidem, ut in dubio poneret, utrum id, quod reprehenderet, matronæ sua sponte, an nobis auctoribus, fecissent. Rem defendam, non nos; in quos jecit magis hoc^m consul verbo tenus, quum ut re insimularet. Cætum, et seditiones, et interdum secessionem muliebrem adpellavit, quod matronæ in publico vos rogassent, ut legem, in se latam per bellum temporibus duris, in pace et florente ac beata republica abrogaretis. Verba magna, quæ rei augendæ caussa conquirantur, et hæc, et alia esse scio: et M. Catonem oratorem non solum gravem, sed interdum etiam trucem, esse scimus omnes, quum ingenio sit mitis. Nam quid tandem novi matronæ fecerunt, quod frequentes in caussa ad se pertinente in publicum processerunt? Numquam ante hoc tempus in publico adparuerunt? ²⁸ Tuas adversus te Origines revolvam. Accipe, quoties id fecerint, et quidem semper bono publico. Jam a principio, regnante Romulo, quum Capitolio ab Sabinis capto, medio in foro signis conlatis dimicaretur, nonne interkursu matronarum inter acies duas prælium sedatum est? Quid? regibus exactis, quum Coriolano Marcio duce, legiones Volscorum castra ad quintum lapidem posuissent, nonne id agmen, quo obruta hæc urbs esset, matronæ averterunt? Jam, urbe capta a Gallis, quo redempta urbs est? nempe aurum ²⁹matronæⁿ consensu omnium in publicum contulerunt. Proximo bello (ne antiqua repetam) nonne et, quum pecunia opus fuit, viduarum pecuniæ adjuverunt ærarium, et, quum Dii quoque novi ad opem ferendam dubiis rebus arcesserentur, matronæ universæ ad mare profectæ sunt ad matrem Idæam accipiendam? Dissimiles, inquis^o, causæ sunt. Nec mihi causas æquare propositum est. nihil novi factum, purgare satis est. Ceterum,

^m hæc Gron. Crev.

ⁿ Gallis, aurum q. r. u. est, nempe matronæ Eæd.

^o inquit Eæd.

28 Tuas . . . Origines] Historias, quas ideo videtur Cato appellasse Origines, quia in secundo et tertio libris docebat unde quæque civitas orta esset Italica. Primus et quatuor ultimi res Romanas continebant. Hæc nos docet testis locuples Cornelius Nepos in Catonis vita. Ceterum idem Corn. Nepos auctor est, Catonem senem historias scribere instituisse. Et id quoque adstrui potest ex ipso Livio, qui l. XLV. c. 25. orationem a Catone jam sene in causa Rhodiorum habitam in

quintum librum Originum ait ab ipso relatam fuisse. Et apud Cic. l. de Senectute, Cato ultimo vitæ suæ anno septimum ait Originum librum sibi esse in manibus. Quæ si ita sunt, veremur ne Livius hic ante tempus mentionem Originum fecerit.

29 Matronæ consensu omnium] Consensu omnium sic dicitur hoc loco quasi consensu unanimi. Sic infra, c. 32. Thessalos, et Phocenses, et Locrenses, consensu omnium scimus partium Philippi fuisse.

U. C. 557.

A. C. 195.

U. C. 557. *quod in rebus ad omnes pariter viros feminasque pertinentibus*
 A. C. 195. *fecisse eas nemo miratus est, in caussa proprie ad ipsas perti-*
nente miramur fecisse? Quid autem fecerunt? superbas, me-
Dius-fidius, aures habemus, si, quum domini servorum non
fastidiant preces, nos rogari ab honestis feminis indignamur.

VI. *Venio nunc ad id, de quo agitur: in quo duplex consu-*
lis oratio fuit. nam et legem ullam omnino abrogari est indig-
natus: et eam præcipue legem, quæ luxuriæ muliebris coercen-
dæ caussa lata esset. Et illa communis pro legibus, visa
³⁰ *consularis oratio est: et hæc adversus luxuriam severissimis*
moribus conveniebat. Itaque periculum est, nisi, quid in utra-
que re vani sit, docuerimus, ne quis error vobis obfundatur.
Ego enim, quemadmodum ex his legibus, quæ non in tempus
aliquod, sed perpetuæ utilitatis caussa in æternum latæ sunt,
nullam abrogari debere fateor, nisi quam aut usus coarguit, aut
status aliquis reipublicæ inutilem fecit; sic, quas tempora aliqua
desiderarunt leges, mortales (ut ita dicam) et temporibus ipsis
mutabiles esse video. Quæ in pace latæ sunt, plerumque bel-
lum abrogat; quæ in bello, pax: ut in navis administratione
alia in secundam, alia in adversam tempestatem usui sunt.
Hæc quum ita natura distincta sint, ex utro tandem genere ea
lex esse videtur, quam abrogamus? ³¹ *An vetus regia lex, si-*
mul cum ipsa urbe nata? An (quod secundum est) ab decemvi-
ris ad condenda jura creatis in duodecim tabulis scripta? Sine
qua quum majores nostri non existimarint decus matronale^p
servari posse, nobis quoque verendum sit, ne cum ea pudorem
sanctitatemque feminarum abrogemus? Quis igitur nescit, no-
vam istam legem esse, ³² *Q. Fabio et^q Ti. Sempronio consulibus*
viginti annis ante latam? sine qua quum per tot annos matro-
næ optimis moribus vixerint, quod tandem, ne abrogata ea ef-
fundantur ad luxuriam, periculum est? Nam si ista lex ideo
lata esset, ut finiret libidinem muliebrem, verendum foret, ne
abrogata incitaret: cur sit autem lata, ipsum ³³ *indicavit tem-*
pus. Hannibal in Italia erat victor ad Cannas: jam Taren-
tum, jam Arpos, jam Capuam habebat: ad urbem Romam ad-
moturus exercitum videbatur: defecerant socii: non milites in
supplementum, non socios navales ad classem tuendam, non pe-
cuniam in ærario habebamus: servi, quibus arma darentur, ita

^p matronale decus Gron. Crev. ^q et del. Eæd.

30 * Consularis] Digna consule.

31 *An vetus regia lex*] *An vetus ali-*
qua lex de earum numero, quæ ab re-
gibus latæ sunt. Primæ Romanorum
leges a regibus latæ fuerant, easque
Sex. Papirius quidam, Tarquinio Su-
perbo regnante, in unum collegerat:
*unde id corpus regiarum legum *jus**
Papirianum appellabatur, teste Pom-

ponio de Orig. juris, n. 2.

32 *Q. Fabio, Ti. Sempronio consuli-*
bus, viginti annis ante] *Hic annus agi-*
tur vicesimus primus a priore Ti. Sem-
pronii consulatu, undevicesimus a se-
cundo. Vid. not. 1. ad c. 1. hujus libri.

33 *Indicabit*] *Vulgo indicavit. Mu-*
tavit Gronovius. Unus e MSS. Hear-
nii indicat: quod fortasse verum est.

ut pretium pro iis bello perfecto dominis solveretur, emebantur: U. C. 557.
²⁴ in eandem diem pecuniæ, frumentum et cetera, quæ belli usus A. C. 195.
 postulabant, præbenda publicani se conducturos professi erant:
³⁵ servos ad remum, numero ex censu constituto, cum stipendio
 nostro dabamus: aurum et argentum omne, ab senatoribus ejus
 rei initio orto, in publicum conferebamus: viduæ et pupilli pecu-
 nias suas in ærarium deferebant: ³⁶ cautum erat, quo ne plus
 auri et argenti facti, quo ne plus signati argenti et æris domi
 haberemus. Tali tempore in luxuria et ornatu matronæ occupa-
 tæ erant, ut ad eam coercendam lex Oppia desiderata sit?
 quum, quia Cereris sacrificium, lugentibus omnibus matronis,
 intermissum erat, senatus finire luctum triginta diebus jussit.
 Cui non adparet, inopiam et miseriam civitatis, et quia om-
 nium privatorum pecuniæ in usum publicum vertendæ erant,
 istam legem scripsisse, tamdiu mansuram, quamdiu caussa scri-
 bendæ legis mansisset? Nam si, quæ tunc temporis caussa aut
 decrevit senatus, aut populus jussit, in perpetuum servari oportet,
 cur pecunias reddimus privatis? ³⁷ cur publica præsentī
 pecunia locamus? cur servi, qui militent, non emuntur? cur
 privati non damus remiges, sicut tunc dedimus?

VII. Omnes alii ordines, omnes homines mutationem in me-
 liorem statum reipublicæ sentient: ad conjuges tantum nostras
 pacis et tranquillitatis publicæ fructus non perveniet? Purpu-
 ra viri utemur, prætextati in magistratibus, id sacerdotiis; li-
 beri nostri prætextis purpura togis utentur; magistratibus in
 coloniis municipiisque, hic Romæ infimo generi ³⁸ magistris vi-
 corum togæ prætextæ habendæ jus permittemus; nec id ut vivi
 solum habeant tantum insigne, sed etiam ut cum eo crementur
 mortui: feminis dumtaxat purpuræ usum interdicemus? et,
 quum tibi viro liceat purpura in veste stragula uti, matrem
 familiæ tuam purpureum amiculum habere non sines? et equus
 tuus speciosius instratus erit, quum uxor vestita? Sed in pur-
 pura, quæ teritur, absuntur, injustam quidem, sed aliquam
 tamen, caussam tenacitatis video: in auro vero, in quo præter

^r et del. Gron. Crev.

^s tunc del. Crev.

34 In eandem diem pecuniæ] Dies pecuniæ est ea, qua pecunia credita solvi debet. Publicani igitur frumen- tum et cetera præbenda conduxerant in eandem diem pecuniæ, id est, ea lege ut pecunia sibi redderetur eodem tempore, quo pretium servorum do- minis persolvendum erat, nempe post confectum bellum. Ceterum hæc optima lectio debetur Gronovio. Libri enim MSS. et editi hic aliquatenus vi- tiosi erant.

35 * Servos ad remum] Vid. supra XXIV. 11.

36 Cautum erat, quo ne plus] De-

finitus erat auri et argenti modus, quo majorem habere vetaremur.

37 * Cur publica præsentī pecunia locamus] Cur ita locamus præbenda ea quæ reipublicæ et exercitiis usui sunt, ut præsentem pecuniam redemptoribus numeremus?

38 Magistris vicorum] Magistri vicorum, seu vicomagistri curationem vicorum habebant, e plebe cujusque viciniæ electi, ut memorat Suet. in Aug. c. 30. Ii ludos Compitalitios prætextati faciebant, teste Asconio Ped. in Pisonem.

U. C. 557. ³⁹manus pretium nihil intertrimenti fit, quæ malignitas est?
 A. C. 195. præsidium potius in eo est et ad privatos, et ad publicos^s usus, sicut experti estis. Nullam æmulationem inter se singularum, quando nulla haberet, esse aiebat. At, Hercule, universis dolor et indignatio est, quum sociorum Latini nominis uxoribus vident ea concessa ornamenta, quæ sibi adempta sint; quum insignes eas esse auro et purpura; quum illas vehi per urbem, se pedibus sequi: tamquam in illarum civitatibus, non in sua, imperium sit. Virorum hoc animos vulnerare posset: quid muliercularum censetis, quas etiam parva movent? Non magistratus, nec sacerdotia, nec triumphi, nec insignia, nec dona, aut spolia bellica his contingere possunt. Munditiæ, et ornatus, et cultus, hæc feminarum insignia sunt: his gaudent et gloriantur; ⁴⁰hunc mundum muliebrem adpellarunt majores nostri. Quid aliud in luctu, quam purpuram atque aurum deponunt? quid, quum eluxerunt, sumunt? quid in gratulationibus supplicationibusque, nisi excellentiores ornatus^u, adjiciunt? Scilicet, si legem Oppiam abrogaveritis, non vestri arbitrii erit, si quid ejus vetare volueritis, quod nunc lex vetat. minus filiæ, uxores, sorores etiam quibusdam in manu erunt. Numquam, salvo suis, exiit servitus muliebris; et ipsæ libertatem, quam viduitas et orbitas facit, detestantur. In vestro arbitrio suum ornatum, quam in legis, malunt esse. Et vos in manu et tutela, non in servitio, debetis habere eas; et malle patres vos aut viros, quam dominos, dici. Invidiosis nominibus utebatur modo consul, seditionem muliebrem et secessionem adpellando. Id enim periculum est, ne Sacrum montem, sicut quondam irata plebs, aut Aventinum capiant. Patiendum huic infirmitati est, quodcumque vos censueritis. quo plus potestis, eo moderatius imperio uti debetis.

Oppia lex
abrogata. VIII. Hæc quum contra legem proque lege dicta essent, aliquanto major frequentia mulierum postero die sese in publicum effudit, unoque agmine omnes tribunorum januas obsederunt, qui collegarum rogationi intercedebant: nec ante abstiterunt, quam remissa intercessio ab tribunis esset. Nulla deinde dubitatio fuit, quin omnes tribus legem abrogarent. anno vigesimo post abrogata est, quam lata. M. Porcius consul, postquam abrogata est Oppia lex, extemplo viginti quinque navibus longis (quinque sociorum erant) ad^a Lunæ portum profectus, eodem exercitu convenire jussu, et, edicto per oram maritimam misso, navibus omnis

Cato it in
Hispaniam.

^s et ad publicos et ad privatos usus, sicuti Gron. Crev. ^t excellentiorem ornatum Ead. ^u longis, quarum quinque sociorum erant, ad Ead.

39 * Manus pretium] Mercedem pro labore et opera aurifici solutam: id quod Gallice dicimus la façon, la main d'œuvre.

40 * Hunc mundum muliebrem appel-

larunt majores nostri] Hæc ita propria sunt mulierum, ut ab iis nomen apud majores nostros acceperint, et vocabulo mundi muliebris fuerint designata.

generis contractis, ab Luna proficiscens edixit, ut ad portum Pyrenæi sequerentur. inde se frequenti classe ad hostes iturum. Prætervecti Ligustinos montes sinumque Gallicum, ad diem, quam edixerat, convenerunt. inde Rhodam ventum, et præsidium Hispanorum, quod in castello erat, vi dejectum. Ab Rhoda secundo vento Emporias perventum. ibi copię omnes, præter socios navales, in terram expositæ.

IX. Jam tunc Emporiæ duo oppida erant muro divisa. Unum Græci habebant, a Phocæa, unde et Massilienses, oriundi: alterum Hispani. sed Græcum oppidum in mare expositum, totum orbem muri minus quadringentos passus patentem habebat: Hispanis retractior a mari trium milium passuum in circuitu murus erat. Tertium genus, Romani coloni ab Divo Cæsare, post devictos Pompeii liberos, adjecti. nunc in corpus unum confusi omnes; Hispanis prius, postremo et Græcis in civitatem Romanam adscitis. Miraretur, qui tum cerneret, aperto mari ab altera parte, ab altera Hispanis, tam feræ et bellicosæ genti, objectos quæ res eos tutaretur. disciplina erat custos infirmitatis, quam inter validiores optime timor continet. Partem muri versam in agros egregie munitam habebant, una tantum in eam regionem porta inposita: cujus assiduus custos semper aliquis ex magistratibus erat. nocte pars tertia civium in muris excubabant: neque moris tantum aut legis causa, sed, quanta si hostis ad portas esset, et servabant vigiliæ, et circumibant, cura. Hispanum neminem in urbem recipiebant. ne ipsi quidem temere urbe excedebant. ad mare patebat omnibus exitus. porta ad Hispanorum oppidum versa nunquam nisi frequentes, pars tertia fere, cujus proxima nocte vigiliæ in muris fuerant, egrediebantur. Causa ex-cundi hæc erat: commercio eorum Hispani, inprudentes maris, gaudebant: mercarique et ipsi ea, quæ externa navibus inveherentur, et ⁴¹agrorum exigere fructus, volebant. hujus mutui usus desiderium, ut Hispana urbs Græcis pateret, faciebat. Erant etiam eo tutiores, quod sub umbra Romanæ amicitiae latebant: quam sicut minoribus viribus, quam Massilienses, pari colebant fide. tunc quoque consulem exercitumque comiter ac benigne acceperunt. Paucos ibi moratus dies Cato, dum exploraret, ubi et quantæ hostium copię essent; ut ne mora quidem segnis esset, omne id tempus exercendis militibus consumsit. Id erat forte tempus anni, ut frumentum in areis haberent. itaque, redempto-

⁴¹ Agrorum exigere fructus] Vendere fructus qui ex agris provenerant. Exigere hic usurpat Livius, quemad-

modum Horatius extrudere. Laudat venales qui vult extrudere merces.

Emporia-
rum de-
scriptio.

U. C. 557. ribus vetitis frumentum parare, ac Romam dimissis, *Bellum*,
A. C. 195. inquit, *se ipsum alet*. Profectus ab Emporiis agros hostium
urit vastatque: omnia fuga et terrore complet.

Celtiberos
Helvius
vincit.

Ovans ur-
bem ingre-
ditur.

Minucii tri-
umphus.

Ilergetes
auxilium a
Romanis
petunt.

X. Eodem tempore M. Helvio, decedenti ex ulteriore Hispania cum praesidio sex millium, dato ab Ap. Claudio praetore, Celtiberi agmine ingenti ad oppidum Illiturgi obcurrerunt⁴². Viginti millia armatorum fuisse, Valerius scribit; duodecim millia ex iis caesa, oppidum Illiturgi receptum, et puberes omnes interfectos. Inde ad castra Catonis Helvius pervenit. et, quia tuta jam ab hostibus regio erat, praesidio in ulteriorem Hispaniam remisso, Romam est profectus, et ob rem feliciter gestam ovans urbem est ingressus. ⁴²Argenti infecti tulit in aërium quatuordecim millia pondo septingenta triginta duo: et ⁴³signati bigatorum septemdecim millia viginti tria: et ⁴⁴Oscensis argenti^x centum viginti millia quadringentos triginta octo. Causa triumphi negandi senatui fuit, quod alieno auspicio et in aliena provincia pugnasset. Ceterum biennio post redierat, quum, ⁴⁵provincia successori Q. Minucio tradita, annum insequentem retentus ibi longo et gravi morbo fuisset. Itaque duobus modo mensibus ante Helvius ovans urbem est ingressus, quam successor ejus Q. Minucius triumpharet. Hic quoque tulit ⁴⁶argenti pondo triginta quatuor millia octingenta, ⁴⁷bigatorum septuaginta octo millia, et ⁴⁸Oscensis argenti ducenta septuaginta octo millia.

XI. In Hispania interim consul haud procul Emporiis castra habebat. Eo legati tres ab Ilergetum regulo Bilistage, in quibus unus filius erat, venerunt, querentes, *castella*

^u occurrunt Crev. ^x argenti viginti millia quadringenta triginta octo Gron. Crev.

42 Argenti . . . quatuordecim millia pondo septingenta triginta duo] Selibras, seu marcas nostrates 23018. cum sex uncis.

43 Signati bigatorum septemdecim millia viginti tria] Denarios 17023. marcas argenti paulo plus 267. Pondus perexiguum. Fortasse aliquis error est in numeris. Verisimile enim non est hic suppleri debere pondo, ut intelligantur libræ Romanæ argenti 17023. Ubi enim Livius bigatorum, aut quadrigatorum mentionem apposito numero facit, numerum ipsorum denariorum exprimit, ut hoc ipso c. infra, ut l. XXXIII. c. 37. et alibi passim.

44 Oscensis argenti] Oscense argumentum videtur fuisse argentum erutum e fodinis, quæ apud Oscam essent. Osca erat valida et opulenta Hispaniæ urbs, quæ nunc vocatur *Huesca*. Argentarias fodinas fuisse in Hispania constat ex c. 21. infra. Ceterum ar-

genti viginti millia pondo quadringenta triginta octo efficiunt marcas nostrates 31934. cum tribus uncis.

45 Provincia successori Q. Minucio tradita] Observavit Glareanus hic in re haud sane magni momenti videri memoria lapsum esse Livium. Helvius enim ex ulteriore provincia decedebat: Minucius autem citiorem sortitus erat, auctore ipso Livio, l. XXXIII. c. 36. et infra, c. 17. Itaque Helvius successorem non habuit Minucium.

46 Argenti pondo triginta quatuor millia octingenta] Marcas nostrates 54375.

47 Bigatorum septuaginta octo millia] Denarios 78000. id est, marcas argenti 1218. cum sex uncis.

48 Oscensis argenti ducenta septuaginta octo millia] Selibras nostrates 434375. Numerus ille immanis est, et qui fidem excedere videatur. Fortasse hic aliquid est mendi.

sua obpugnari, nec spem ullam esse resistendi, nisi præsidio U. C. 557.
Romanus miles esset. Tria^y millia militum satis esse: nec A. C. 195.
hostes, si tanta manus venisset, mansuros. Ad ea consul,
⁴⁹ Moveri quidem se^z vel periculo eorum, vel metu, dicere: sed
sibi nequaquam tantum copiarum esse, ut, quum magna vis
hostium haud procul absit, ⁵⁰ cum qua mox^a signis conlatis di-
micandum sibi in dies expectet, dividendo exercitum minuere
tuto vires posset. Legati, ubi hæc audierunt, flentes ad ge-
nua consulis provolvuntur. Orant, Ne se in rebus tam trepi-
dis deserat. Quo enim se, repulsos ab Romanis, ituros? Nul-
los se socios, nihil usquam in terris aliud spei habere. Potuisse
se extra id periculum esse, si decedere fide, si conjurare cum ce-
teris voluissent. nullis minis, nullis terriculis se motos, speran-
tes satis opis et auxilii sibi in Romanis esse. Id si nullum sit,
si sibi a consule negetur, Deos hominesque se teste facere, in-
vitos et coactos se, ne eadem, quæ Saguntini passi sint^b, pati-
antur, defecturos: et cum ceteris potius Hispanis, quam solos,
perituros esse.

XII. Et illo quidem die sic sine responso dimissi. Consu-
 lem nocte, quæ insecuta est, anceps cura agitare: nolle de-
 serere socios, nolle minuere exercitum; quod aut moram
 sibi ad dimicandum, aut in dimicando periculum adferre
 posset. Stat sententia, non minuere copias, ne quid interim
 hostes inferant ignominiae: sociis spem pro re ostendendam^c
 censet. Sæpe vana pro veris, maxime in bello, valuisse: et
 credentem se aliquid auxilii habere, perinde atque haberet,
 ipsa fiducia, et sperando atque audendo servatum. Postero
 die legatis respondit, *Quamquam vereatur, ne suas vires, aliis* Catonis
eas commodando, minuat; tamen illorum se temporis ac peri- stratagemata.
culi magis, quam sui, rationem habere. Denunciari militum
 parti tertiae ex omnibus cohortibus jubet, ut cibum, quem
 in naves inponant, mature coquant: navesque in diem ter-
 tium expediri jussit. Duos ex legatis Bilistagi atque Iler-
 getibus nunciare ea jubet; filium reguli comiter habendo,
 et muneribus apud se retinet. Legati non ante profecti,
 quam inpositos in naves milites viderunt: id pro haud dubio

^y præsidium Romani misissent. Quina millia Gron. Crev.

^z se del. Gron.

^a cum qua mox leg. et quam mox Crev.

^b sunt Gron. Crev.

^c ostentandam Crev.

⁴⁹ Moveri quidem se] Gronovianæ editiones carent *et* se. Nos ceterarum consensum, quibus accedit unus e MSS. Hearnii, et noster Vict. secuti sumus.

⁵⁰ Et, quam mox signis collatis dimicandum sit, in dies expectet] Hanc elegantem lectionem redonat Livio Jac. Gronovius ex Thuan. codice, cui assentiuntur duo e MSS. Hearnii. Favet quoque noster Victor. nisi quod

pro quam præfert quod. Eodem modo locutus est Livius, l. III. c. 37. *Expectabant, quam mox consulibus creandis comitia edicerentur.* Et l. V. c. 45. *Intenti, quam mox signum daretur.* *Sensus patet. Et expectet in dies instantem jam cum iis dimicationem. †Vulgati hoc loco libri: *cum qua mox signis collatis dimicandum sibi in dies expectet.*

U. C. 557. jam nunciantes, non suos modo, sed etiam hostes, ⁵¹fama
A. C. 195. Romani auxilii adventantis impleverunt.

Catonis
oratio ad
milites.

XIII. Consul, ubi satis, quod in speciem fuit, ostentatum est, revocari ex navibus milites jubet. ipse, quum jam id tempus anni adpeteret, quo geri res possent, castra hiberna tria millia^c passuum ab Emporiis posuit. inde per occasiones, nunc hac parte, nunc illa; modico præsidio castris relicto, prædatum milites in hostium agros educebat. Nocte ferme proficiscebantur, ut et quam longissime ⁵²a castris procederent, et inopinatos^d obprimerent. Et exercebat ea res novos milites, et hostium magna vis excipiebatur: nec jam egredi extra munimenta castellorum audebant. Ubi satis admodum et suorum et hostium animos est expertus, convocari tribunos, præfectosque, et equites omnes, et centuriones jussit. *Tempus, inquit, quod sæpe optastis, venit, quo vobis potestas fieret virtutem vestram ostendendi. Adhuc prædonum magis, quam bellantium, militastis more: nunc justa pugna hostes cum hostibus conseretis manum^e. non agros inde populari, sed urbium opes exhaurire^f licebit. Patres nostri, quum Hispania Karthaginiensium, et imperatores ibi et exercitus essent, ipsi nullum imperatorem, nullos in ea milites haberent; tamen addere hoc in fœdere voluerunt, ⁵³Ut imperii sui Iberus fluxius esset finis. Nunc, quum duo prætores, quum consul, quum tres exercitus Romani Hispaniam obtineant, Karthaginiensium jam prope decem annis nemo in his provinciis sit, imperium nobis citra Iberum amissum est. Hoc armis et virtute recuperetis oportet: et nationem, rebellantem magis temere, quam constanter bellantem, jugum, quo se exiit, accipere rursus cogatis. In hunc modum maxime adhortatus pronunciat, se nocte ad castra hostium ducturum. ita ad corpora curanda dimissi.*

XIV. Nocte media^g, quum auspicio operam dedisset, profectus, ut locum, quem vellet, priusquam hostes sentirent, caperet, præter castra hostium circumducit, et prima luce, acie instructa, sub ipsum vallum tres cohortes mittit. Mirantes barbari ab tergo adparuisse Romanum, discurrere ipsi ad arma. Interim consul apud suos, *Nusquam, nisi in virtute, spes est, milites, inquit, et ego sedulo, ne esset, feci. inter castra nostra et nos medii hostes. ab tergo hostium ager est. quod pulcherrimum, idem tutissimum est, in virtute spem positam habere.* Sub hæc cohortes recipi jubet, ut barbaros

Hostes ad
pugnam
elicit.

^c tria millia l. mille Gron. Crev.

^d inopinantes Eæd.

^e manus Eæd.

^f haurire Eæd. ^g Media nocte Eæd.

51 Fama Romani auxilii adventantis impleverunt] Et quidem Ilergetes hoc modo periculo liberatos clarius indicat Frontinus l. IV. c. 7.

castris: mendose. Refutant antiqui et Vict. codex.

53 Ut imperii sui Iberus] Vid. supra XXI. 2.

52 A castris] Recentiores editi e

simulatione fugæ eliceret. Id, quod crediderat, evenit. per- U. C. 557.
timuisse et cedere rati Romanos, porta erumpunt: et, quan- A. C. 195.
tum inter castra sua et hostium aciem relictum erat loci, ar-
matis complent. Dum trepidant acie instruenda, consul,
jam paratis ordinatisque omnibus, incompósitos adgreditur.
equites primos ab utroque cornu in pugnam educit, sed in
dextro extemplo pulsī, cedentesque trepidi etiam pediti ter-
rorem intulere. Quod ubi vidit consul, duas cohortes delec-
tas ⁵⁴ab dextro latere hostium circumduci jubet, et ab tergo
se ostendere, priusquam concurrerent peditum acies. is ter-
ror objectus hosti rem, metu Romanorum equitum inclina-
tam, æquavit. tamen adeo turbati erant dexteræ alæ equi-
tes peditesque, ut quosdam consul manu ipse reprehende-
rit, ⁵⁵et adversos in hostem verterit^b. ita, et quamdiu missi-
libus pugnatum est, anceps pugna erat: et jam abⁱ dextra
parte, unde terror et fuga cæperat, ægre Romanus resta-
bat. Ab^k sinistro cornu et ab fronte urgebantur barbari, et
cohortes ab tergo instantes pavidi respiciebant. Ut, emissis
⁵⁶soliferreis ⁵⁷falaricisque, gladios strinxerunt, tum velut
redintegrata est pugna. non cæcis ictibus procul ex impro-
viso vulnerabantur: sed, pede conlato, tota in virtute ac
viribus spes erat.

XV. Fessos jam suos consul, ex secunda acie subsidia- Et fugat.
riis cohortibus in pugnam inductis, accendit. nova acies
facta. integri recentibus telis fatigatos adorti hostes pri-
mum acri inpetu, velut cuneo, perculcrunt: deinde dissipa-
tos in fugam averterunt: effusoque per agros cursu, castra
repetebantur. Ubi omnia fuga completa vidit Cato, ipse
ad secundam legionem, quæ in subsidio posita erat, equo
revehitur: et signa præ se ferri, plenoque gradu ad castra
hostium obpugnanda succedere jubet. si quis extra ordinem
avidius procurrit, et ipse interequitans ⁵⁸sparo percutit, et
tribunos centurionesque castigare jubet. Jam castra hos-
tium obpugnabantur: saxisque, et sudibus, et omni genere
telorum submovebantur a vallo Romani. ubi recens admota
legio est, tum et obpugnantibus animus crevit, et infensius
hostes pro vallo pugnabant. Consul omnia oculis perlus-
trat, ut, qua minima vi restaturⁱ, ea parte inrumpat. ad si-

^b et adversos i. h. v. leg. verteritque in hostem Crev. ⁱ a Gron. Crev. ^k a
Eæd. ¹ restituit Gron.

⁵⁴ Ab dextro latere hostium cir- Festo, genus teli totum ferreum: a sol-
cumduci] Circumduci in terga hostium
præter illorum dextrum latus.

⁵⁵ Verteritque in hostem] Sic habere
prioris editos et MSS. a se visos testa-
tur Gronovius, quibus accedit Vict. et
duo e MSS. Hearnii. Vulgo et adver-
sos in hostem verterit.

⁵⁶ Soliferreis] Soliferreum, teste

Festo, genus teli totum ferreum: a sol-
lo, quod vocabulum Osca lingua idem
sonabat, ac Latino sermone totum.

⁵⁷ Falaricis] Falaricæ descriptionem
pete ex nostro, l. XXI. c. 8.

⁵⁸ Sparo] Sparus erat agreste te-
lum, in modum pedi recurvum, si Ser-
vio credimus. Eum vid. ad l. XI. Æn.
v. 682.

U. C. 557. nistram portam infrequentes videt: eo secundæ legionis
A. C. 195. principes hastatosque inducit. Non sustinuit inpetum eorum statio, quæ portæ adposita^m erat, et ceteri, postquam intra vallum hostes vident, ipsis castris exuti, signa armaque abjiciunt. cæduntur in portis, suomet ipsi agmine in arto hærentes: secundani terga hostium cædunt, ceteri castra diripiunt. Valerius Antias supra quadraginta millia hostium cæsa eo die scribit. Cato ipse, haud sane detractor^a laudum suarum, multos cæsos ait; numerum non adscribit.

Hispani se
ei dedunt.

XVI. Tria eo die laudabilia fecisse putatur. unum, quod, circumducto exercitu, ⁵⁹procul navibus suis castrisque, ⁶⁰ubi spem nisi in virtute haberent, inter medios hostes prælium commisit: alterum, quod cohortes ab tergo hostibus objecit: tertium, quod secundam legionem, ceteris omnibus effusis ad sequendos hostes, pleno gradu sub signis compositam instructamque subire ad portam castrorum jussit. Nihil deinde a victoria cessatum. quum, receptui signodato, suos spoliis onustos in castra reduxisset, paucis horis noctis ad quietem datis, ad prædandum in agros duxit. Effusius, ut sparsis hostibus fuga, prædati sunt. quæ res non minus, quam pugna pridie adversa, Emporitano Hispanos adcolasque eorum in deditionem compulit. multi et aliarum civitatum, qui Emporias perfugerant, dediderunt se. quos omnes, adpellatos benigne, vinoque et cibo curatos, domos dimisit. Confestim inde castra movit: et, quacumque incedebat agmen, legati dedentium civitates suas obcurrerant. et quum Tarraconem venit, jam omnis cis Iberum Hispania perdomita erat, captivique et Romani, et socium ac Latini nominis, variis casibus in Hispania oppressi, donum consuli a barbaris reducebantur. Fama deinde vulgatur, consulem in Turdetaniam exercitum ducturum, et ad devios montanos ⁶¹profecturum etiam falso perlatus est. Ad hunc vanum et sine auctore ullo rumorem, Bergistanorum civitatis septem castella defecerunt. ⁶²eos, deducto exercitu, consul sine memorando prælio in potestatem redegit. Haud ita multo post iidem, regresso Tarraconem consule, priusquam inde quoquam procederet, de-

^m opposita Gron. Crev.

^a detractor Ead.

⁵⁹ *Procul navibus*] Appianus, lib. de Bellis Hispanicis, scribit Catonem etiam naves Massiliam remisisse.

⁶⁰ *Ubi spem nisi in virtute haberent*] Vel excidit hoc loco negatio, vel supplenda est ex sensu. Utroque trahunt doctissimi viri, quorum alii existimant nisi interdum sumi pro non . . . nisi; alii negant, et locos omnes, ubi nisi

videtur fungi vice duplicis negationis, vitiatos esse putant.

⁶¹ *Profecturum etiam falso perlatus est*] Hic aliquid est redundantis et obscuri. Forte: et ad devios montanos etiam falso perlatus est.

⁶² *Eos, deducto exercitu*] Gronovius velit, educto: nobis magis placeret inducto.

fecerunt. Iterum subacti: sed non eadem venia victis U. C. 557.
fuit. ⁶³sub corona veniere omnes, ne sæpius pacem sollicita- A. C. 195.
rent.

XVII. Interim P. Manlius prætor, exercitu vetere a Q. Minucio, cui successerat, accepto, adjuncto et Ap. Claudii Neronis ex ulteriore Hispania vetere item exercitu, in Turdetaniam proficiscitur. Omnium Hispanorum maxime inbelles habentur Turdetani. freti tamen multitudine sua obviam ierunt agmini Romano. Eques inmissus turbavit ex templo aciem eorum. pedestre prælium nullius ferme certaminis fuit. milites veteres, periti hostium bellicque, haud dubiam pugnam fecerunt. Nec tamen ea pugna debellatum est. decem millia Celtiberum mercede Turduli conducunt, alienisque armis parabant bellum. Consul interim, rebellionem Bergistanorum ictus, ceteras quoque civitates ratus per occasionem idem facturam, arma omnibus cis Iberum Hispanis ademit. quam rem adeo ægre passi, ut multi mortem sibi met ipsi^o consciscerent: ferox genus, nullam vitam rati sine armis esse. Quod ubi consuli renunciatum est, senatores omnium civitatum ad se vocari jussit, atque iis, *Non nostra, inquit, magis, quam vestra, refert, vos non rebellare: siquidem id majore Hispanorum malo, quam exercitus Romani labore, semper adhuc factum est. Id ut ne fiat, uno modo arbitror caveri posse, ⁶⁴si effectum erit, ne possitis rebellare. Volo id quam mollissima via consequi. vos quoque in ea re consilio me adjuvate. nullum libentius sequar, quam quod vosmet ipsi adtuleritis.* Tacentibus spatium se ad deliberandum dierum paucorum dare dixit. quum revocati secundo quoque concilio tacuissent, ⁶⁵uno die muris omnium dirutis, ad eos, qui nondum parebant, profectus, ut in quamque regionem venerat, omnes, qui circa incolebant, populos in deditionem accepit. Segesticam tantum, gravem atque opulentam civitatem, ⁶⁶vineis et pluteis cepit.

XVIII. Eo majorem habebat difficultatem in subigendis hostibus, quam qui primi venerunt^p in Hispaniam; quod ad illos tædio imperii Karthaginensium Hispani deficiebant; huic ex usurpata libertate ⁶⁷in servitutem velut adserendi

^o sibimetipsis Grøn. Crev.

P venerant Eæd.

⁶³ Sub corona] Vid. not. 98. ad II. 17.

⁶⁴ Si effectum erit, ne possitis rebellare] Postremum verbum non Livii, sed ex margine esse merito existimat Gronovius.

⁶⁵ Uno die muris omnium dirutis] Nempe litteras uno die ad civitates omnes perferri curavit, quibus diruere statim ipsi muros suos juberentur. Igitur percussi improvise imperio His-

pani, quum nescirent cujusque oppidi magistratus, an ceteris omnibus idem mandatum esset, nec tempus haberent ad consultandum in commune cum reliquis populis, paruerunt. Sic fere Appianus libro supra memorato.

⁶⁶ * Vineis et pluteis] Vid. not. 72. ad XXI. 61.

⁶⁷ In servitutem velut adserendi erant] Asserere dicitur in servitutem is qui in jure postulat addici sibi tan-

U. C. 557. erant: et ita mota omnia accepit, ut alii in armis essent,
 A. C. 195. alii obsidione ad defectionem cogerentur: nec, nisi in tem-
 pore subventum foret, ultra sustentaturi fuerint. Sed in
 Laus Cato- consule ea vis animi atque ingenii fuit, ut omnia maxima
 nis. minimaque per se adiret atque ageret: nec cogitaret modo
 imperaretque, quæ in rem essent, sed pleraque ipse per se
 transigeret; nec in quemquam omnium gravius severius-
 que, quam in semet ipsum, imperium exerceret: parsimo-
 nia, et vigiliis, et labore cum ultimis militum certaret; nec
 quidquam in exercitu suo præcipui, præter honorem atque
 imperium, haberet.

In Turdetania it.

XIX. Difficilius bellum in Turdetania prætori P. Manlio
 Celtiberi, mercede exciti ab hostibus, sicut ante dictum est,
 faciebant. itaque eo consul, arcessitus literis prætoris, le-
 giones duxit. Ubi eo venit, (castra separatim Celtiberi et
 Turdetani habebant) cum Turdetanis extemplo levia prælia,
 incursantes in stationes eorum, Romani facere; semperque
 victores ex quamvis temere cæpto certamine abire. Ad
 Celtiberos in colloquium tribunos militum ire consul, atque
 iis trium conditionum electionem ferre, jubet. Primam, si
 transire ad Romanos velint, et duplex stipendium accipere,
 quam quantum a Turdetanis pepigissent: alteram, si domos
 abire, publica fide accepta, nihil eam rem noxæ futuram,
 quod hostibus se Romanorum junxissent: tertiam, si utique
 bellum placeat, diem locumque constituent, ubi secum ar-
 mis decernant. A Celtiberis dies ad consultandum petita.
 concilium inmixtis Turdetanis habitum magno cum tu-
 multu: eo minus decerni quidquam potuit. Quum incertum,
 bellum an pax cum Celtiberis esset, commeatus tamen,
 haud secus quam in pace, ex agris castellisque hostium Ro-
 mani portabant: dein sæpe munimenta eorum, velut com-
 muni pacto commercio privatis induciis, ingredientiæ. Con-
 sul ubi hostes ad pugnam elicere nequit, primum prædatum
 sub signis aliquot expeditas cohortes in agrum ⁶⁸ integræ
 regionis ducit: deinde audito, Seguntia Celtiberum omnes
 sarcinas impedimenta que relicta, eo pergit ducere ad obpug-
 nandum. Postquam nulla moventur re, persoluto stipendio,
 non suis modo, sed etiam prætoris militibus, relictoque omni
 exercitu in castris prætoriis, ipse cum septem cohortibus ad
 Regreditur
 ad Iberum. Iberum est regressus.

Lacetanos
 invadit.

XX. Ea tam exigua manu oppida aliquot cepit. defe-
 cere ad eum Sedetani, Ausetani, Suessetani. Lacetanos,
 deviam et silvestrem gentem, quum insita feritas contine-

quam servum, euni qui se pro libero
 gerat. Quum igitur a consuetudine
 forensi ductam locutionem hic ad bel-
 licas res transferat Livius, ideo appo-

nendam judicavit particulam *velut*.

68 * *Integræ*] Intactæ, quæ nondum
 populationis et belli mala sensisset.

bat in armis, tum conscientia, dum consul exercitusque U. C. 557. Turdulo bello est occupatus, depopulatorum subitis incur- A. C. 195. sionibus sociorum. Igitur ad oppidum eorum obpugnandum consul ducit, non Romanas modo cohortes, sed juventutem etiam merito infensorum iis sociorum. Oppidum longum, in latitudinem haudquaquam tantumdem patens, habebant. quadringentos inde ferme passus constituit signa. Ibi delectarum cohortium stationem relinquens, præcepit eis, ne se ex eo loco ante moverent, quam ipse ad eos venisset. ceteras copias ad ulteriorem partem urbis circumducit. Maximum ex omnibus auxiliis numerum Suessetanæ juventutis habebat. eos ad murum obpugnandum subire jubet. Quorum ubi arma signaque Lacetani cognovere; memores, quam sæpe in agro eorum inpune persultassent, quoties ipsos signis conlatis fudissent fugassentque; patefacta repente porta, universi in eos erumpunt. Vix clamorem eorum, nedum inpetum, Suessetani tulere: quod postquam, sicut futurum ratus erat, consul fieri etiam vidit; equo citato subter murum hostium ad cohortes advehitur: atque eas adreptas, effusis omnibus ad sequendos Suessetanos, qua silentium ac solitudo erat, in urbem inducit: priusque omnia cepit, quam se reciperent Lacetani. mox ipsos, nihil præter arma habentes, in deditionem accepit.

XXI. Confestim inde victor ad Vergium castrum ducit. receptaculum id maxime prædonum erat: et inde incursiones in agros pacatos⁶⁹ provinciæ ejus fiebant. Transfugit inde ad consulem princeps Vergestanus, et purgare se ac populares cœpit; *non esse in manu ipsis rempublicam. prædones receptos totum suæ potestatis id castrum fecisse.* Consul eum domum redire, conficta aliqua probabili, cur abfuisset, caussa, jussit. *Quum se muros subisse cerneret, intentosque prædones ad tuenda mœnia esse; tum uti cum suæ factionis hominibus meminisset arcem occupare.* Id, uti præceperat, factum. Repente anceps terror, hinc muros adscendentibus Romanis, illinc arce capta, barbaros circumvasit. Hujus potitus loci consul eos, qui arcem tenuerant, liberos esse cum cognatis, suaque habere jussit: Vergestanos ceteros, quæstori, ut venderet, imperavit: de prædonibus supplicium sumsit. Pacata provincia, vectigalia magna instituit⁷⁰ ex ferrariis argentariisque; quibus tum institutis, locupletior in dies provincia fuit. Ob has res gestas in Hispania supplicationem in triduum Patres decreverunt.

XXII. Eadem ætate alter consul L. Valerius Flaccus in Valerius Cos. Boios vincit.

69* Provinciæ ejus] Superflua est vox ejus. Provincia sic nude et sine additamento posita significat regionem parentem Romanis.

70 Ex ferrariis argentariisque] Fodinis et officinis ad ferrum et argentum eruendum, excoquendum, expurgandumque institutis.

U. C. 557.
A. C. 195.

Græciæ sta-
tus.

Quinctii
oratio ad
Græcos de
bello adver-
sus Nabin.

Gallia cum Boiorum manu propter Litanam silvam, signis conlatis, secundo prælio confligit. Octo millia Gallorum cæsa traduntur: ceteri, omisso bello, in vicos suos atque agros dilapsi. Consul reliquum æstatis circa Padum Placentiæ et Cremonæ exercitum habuit, restituitque, quæ in iis oppidis bello diruta fuerant. Quum hic status rerum in Italia Hispaniaque esset, T. Quinctio, in Græcia ita hibernis actis, ut, exceptis Ætolis, quibus nec pro spe victoriæ præmia contigerant, nec diu quies placere poterat, universa Græcia, simul pacis libertatisque perfruens bonis, egregie statu suo gauderet, nec magis in bello virtutem Romani ducis, quam in victoria temperantiam justitiamque et moderationem miraretur, ⁷¹senatusconsultum, quo bellum adversus Nabin Lacedæmonium decretum erat, adfertur. Quo lecto, Quinctius, conventu Corinthum omnium sociarum civitatum legationibus in diem certam edicto, ubi frequentes undique principes convenerunt, ita ut ne Ætoli quidem abessent, tali oratione est usus: *Bellum adversus Philippum non magis communi animo consilioque Romani et Græci gesserunt, quam utrique suas causas belli habuerunt. Nam et Romanorum amicitiam, nunc Karthaginienses hostes eorum juvando, nunc hic sociis nostris obpugnandis, violaverat; et in vos talis fuit, ut nobis, etiamsi nostrarum oblivisceremur injuriarum, vestræ injuriæ satis digna causa belli fuerint. Hodierne consultatio tota ex vobis pendet. Refero enim ad vos, utrum Argos, sicut scitis ipsi, ab Nabide occupatos pati velitis sub ditione ejus esse: an æquum censeatis, nobilissimam vetustissimamque civitatem, in media Græcia sitam, repeti in libertatem, et eodem statu, quo ceteras urbes Peloponnesi et Græciæ, esse. Hæc consultatio, ut videtis, tota de re pertinente ad vos est; Romanos nihil contingit, nisi quatenus liberatæ Græciæ, unius civitatis servitus, non plenam, nec integram gloriam esse sinit. Ceterum si vos nec cura ejus civitatis, nec exemplum, nec periculum movet, ne serpat latius contagio ejus mali; nos æqui bonique facimus. De hac re vos consulo, staturus eo, quod plures censeritis.*

XXIII. Post orationem Romani imperatoris, percenseri aliorum sententiæ cæptæ sunt. Quum legatus Atheniensium, quantum poterat gratiis agendis, Romanorum in Græciam merita extulisset, *inploratos auxilium, adversus Philippum tulisse opem; non rogatos, ⁷²ultra adversus tyrann-*

⁷¹ Senatusconsultum, quo bellum adversus Nabin] Hic requirimus Livii diligentiam. Supra enim, XXXIII.

45. scripsit permissum fuisse a senatu T. Quintio, quod ad Nabin attineret, faceret, quæ e republica censeret esse.

Unde minus proprie dici videtur bellum adversus Nabin senatusconsulto decretum.

⁷² Ultra adversus tyrannum Nabin offerre auxilium] Assentimur Gronovio rejicienti ultimam vocem, quæ hic

num Nabin obferre auxilium; indignatusque esset, hæc tanta U. C. 557.
 merita sermonibus tamen aliquorum carpi, futura calumnian- A. C. 195.
 tium; quum futuri potius præteritorum gratiam deberent; ad-
 parebat incesso Ætolos. Igitur Alexander princeps gentis,
 invectus primum in Athenienses, libertatis quondam duces
 et auctores, adsentationis propriæ gratia communem causam
 prodentes¹; questus deinde, *Achæos, Philippo quondam* Ætolorum
militēs, postremum ab inclinata ejus fortuna transfugas, et Co- querelæ.
rinthum recepisse, et id agere, ut Argos habeant: Ætolos, pri-
mos hostes Philippi, semper socios Romanorum, pactos in fœ-
dere suas urbes agrosque fore devicto Philippo, fraudari
Echino et Pharsalo; insimulavit fraudis Romanos: Quod,
vano titulo libertatis ostentato, Chalcidem et Demetriadem
præsidii tenerent; qui Philippo, cunctanti deducere inde præ-
*sidia, objicere*⁷³*semper soliti sunt, numquam, donec Demetrias,*
Chalcisque, et Corinthus tenerentur, liberam Græciam fore:
*postremo, quia*⁷⁴*remanendi in Græcia retinendique exercitus*
*Argos et*⁷⁵*Nabin caussam facerent. Deportarent legiones in*
*Italiam. Ætolos polliceri,*⁷⁵*aut conditionibus et voluntate sua*
Nabin præsidium Argis deducturum, aut vi atque armis coac-
turos in potestate consentientis Græciæ esse.

XXIV. Hac vaniloquentia primum Aristænum præto- Achæorum
 rem Achæorum excitavit. ⁷⁶*Ne istuc, inquit, Jupiter opti-* prætor in
mus maximus sirit, Junoque regina, cujus in tutela Argi sunt, Ætolos in-
ut illa civitas inter tyrannum Lacedæmonium et latrones Æto- vehitur.
los præmium sit posita, in eo discrimine, ut miserius a nobis
recipiat, quam ab illo capta est. Mare interjectum ab istis
prædonibus non tuetur nos, T. Quincti. Quid, si in media Pe-
loponneso arcem sibi fecerint, futurum nobis est? Linguam
tantum Græcorum habent, sicut speciem hominum. Moribus
ritibusque efferatioribus, quam ulli barbari, inmanes belluæ
vivunt. Itaque vos rogamus, Romani, ut et ab Nabide Argos
recuperetis, et ita res Græciæ constituatis, ut ab latrocinio quo-
que Ætolorum satis pacata hæc relinquatis. Romanus, cunc-

¹ qui libertatis . . . proderent Gron. Crev.

² qui Eæd.

odiose et inutiliter inculcatur, totumque hunc locum sic interpungenti: imploratos auxilium adversus Philip-pum tulisse, opem non rogatos ultro ad-versus tyrannum Nabin offerre; in-dignatusque esset.

⁷³ Semper soliti sunt] Lege sint cum utroque Gronovio.

⁷⁴ Nabin causam facerent. Depor-tarent legiones in Italiam] Male hic lo-cus interpungitur in nuperis editis. Ab voce deportarent incipere debet novus sensus. Increpant Ætoli Romanos, jubentque deportare legiones in Ita-liam: ipsi sine Romanis sese pollicen-

tur totum negotium confecturos.

⁷⁵ Aut conditionibus] Non pejus foret id quod ex aliquot scriptis affert Gronovius, aut conditione. Conditio enim, ut recte observat idem, non unum modo caput transactionis, sed sæpe pactionem totam multis capitibus constantem significat: id quod Galli dicimus un traité. Sic Cic. l. VI. ad Fam. ep. 2. Armis aut conditione positis, aut defatigatione abjectis, aut victoria detractis.

⁷⁶ Ne istuc . . . Jupiter . . . sirit] Vulgata lectio siverit: MSS. Syria. Inde effecit Gronovius sirit: recte.

U. C. 557. tis undique increpantibus Ætolos, *responsurum se fuisse iis*,
 A. C. 195. dixit, *nisi ita infensos omnes in eos videret, ut sedandi potius,*
quam irritandi, essent. Contentum itaque opinione ea, quæ de
Romanis Ætolisque esset, referre se, dixit, quid de Nabidis
 Bellum de- bello placeret, nisi redderet Achæis Argos? Quum omnes bel-
 cernitur in lum decressent; auxilia ut pro viribus suis quæque civitates
 Nabidem. mitterent, est hortatus. Ad Ætolos legatum etiam misit:
 magis ut nudaret animos, id quod evenit, quam spe impe-
 trari posse.

Quinctius
 Argos exer-
 citum du-
 cit.

XXV. Tribunis militum, ut exercitum ab Elatia arces-
 serent, imperavit. Per eosdem dies et Antiochi legatis, de
 societate agentibus, respondit, *Nihil se, absentibus decem*
legatis, sententiæ habere. Romam eundem ad senatum iis esse.
 Ipse copias adductas ab Elatia ducere Argos pergit; atque
 ei circa Cleonas Aristænus prætor, cum decem millibus
 Achæorum, equitibus mille, obcurrit: et haud procul inde,
 junctis exercitibus, posuerunt castra. Postero die in cam-
 pum Argivorum descenderunt, et quatuor ferme millia ab Ar-
 gis locum castris capiunt. Præfectus præsidio Laconum erat
 Pythagoras, gener idem tyranni, et uxoris ejus frater: qui
 sub adventum Romanorum et utrasque arces, (nam duas ha-
 bent Argi) et loca alia, quæ aut opportuna, aut suspecta erant,
 validis præsidiis firmavit. sed inter agenda hæc pavorem
 injectum adventu Romanorum dissimulare haudquaquam
 poterat: et ad externum terrorem intestina etiam seditio ac-
 cessit. Damocles erat Argivus, adolescens majoris animi,
 quam consilii: qui primo, jurejurando interposito, de præ-
 sidio expellendo cum idoneis conlocutus, dum vires adjicere
 conjurationi studet, ⁷⁷incautior fidei æstimator fuit. Con-
 loquentem eum cum suis satelles a præfecto missus quum
 arcesseret, sensit proditum consilium esse; hortatusque
 conjuratos, qui aderant, ut potius, quam extorti moreren-
 tur, arma secum caperent: atque ita cum paucis in forum
 ire pergit, clamitans, ut, qui salvam rempublicam vellent,
 auctorem et ducem se libertatis sequerentur. Haud sane
 movit quemquam, quia nihil usquam spei propinquæ, nedum
 satis firmi præsidii, cernebant. Hæc vociferantem eum
 Lacedæmonii, circumventum cum suis, interfecerunt. com-
 prehensi deinde quidam et alii. ex iis occisi plures, pauci in
 custodiam conjecti. multi proxima nocte, funibus per mu-
 rum demissi, ad Romanos transfugerunt.

XXVI. Quinctius, adfirmantibus iis, si ad portas Ro-
 manus exercitus fuisset, non sine effectu futurum eum mo-
 tum fuisse, et, si propius castra admoverentur, non quietu-

77 * *Incautior fidei æstimator fuit]*
 Non sat caute expendit fidem eorum
 quibuscum consilium summa communi-

caret: atque ita res emanavit, prodita
 ab aliquo, cui temere commissa fue-
 rat.

ros Argivos, misit expeditos pedites equitesque, qui circa U. C. 557.
⁷⁸Cylarabin (gymnasium id est minus trecentos passus ab A. C. 195.
 urbe) cum erumpentibus a porta Lacedæmoniis prœlium
 commiserunt, atque eos haud magno certamine compule-
 runt in urbem. et castra eo ipso loco, ubi pugnatum erat,
 imperator Romanus posuit. Diem inde unum in speculis
 fuit, si quid novi motus oriretur. postquam obpressam metu
 civitatem vidit, advocat concilium de obpugnandis Argis.
 Omnium principum Græciæ, præter Aristænum, eadem
 sententia erat; quum caussa belli non alia esset, inde po-
 tissimum ⁷⁹ordiundi bellum. Quinctio id nequaquam place-
 bat, sed Aristænum, contra omnium consensum disserentem,
 cum haud dubia adprobatione audivit. et ipse adjecit, *quum*
pro Argivis adversus tyrannum bellum susceptum sit, quid
minus conveniens esse, quam omisso hoste Argos obpugnari?
Se vero caput belli Lacedæmonem et tyrannum petiturum. Et, Agrum Ar-
 dimisso concilio, frumentatum expeditas cohortes misit. ^{givum vas-}
 Quod maturi erat circa, demessum et convectum est. vi-
 ride, ne hostes mox haberent, protritum et corruptum.
 Castra deinde movit, et, Parthenio superato monte^r, præter
 Tegeam tertio die ad Caryas posuit castra. ibi, priusquam
 hostium intraret agrum, sociorum auxilia exspectavit. Ve- ^{Lacedæ-}
 nerunt Macedones a Philippo mille quingenti, et Thessalo- ^{monem pe-}
 rum equites quadringenti. nec jam auxilia, quorum adfatim ^{tit.}
 erat, sed commeatus finitimis urbibus imperati morabantur
 Romanum. Navales quoque magnæ copiæ conveniebant.
 Jam ab Leucade L. Quinctius quadraginta navibus venerat:
 jam Rhodiæ decem et octo tectæ naves, jam Eumenes rex
 circa Cycladas insulas erat cum decem tectis navibus, tri-
 ginta lembis, mixtisque aliis minoris formæ navigiis. ipso-
 rum quoque Lacedæmoniorum exsules permulti, tyranno-
 rum injuria pulsī, spe recuperandæ patriæ in castra Romana
 convenerant. Multi autem erant, jam ⁸⁰per aliquot ætates,
 ex quo tyranni tenebant Lacedæmonem, ⁸¹alii ab aliis pulsī.
⁸²Princeps erat exsulum Agesipolis, cujus jure gentis reg-

^r monte superato Crev.

⁷⁸ Cylarabin (gymnasium id est] Gymnasium sic nominatum a Cylarabe Stheneli filio, qui regnavit Argis, et in eo gymnasio sepultus est. Vid. Pausan. in Corinth. Illud gymnasium memorat quoque Plut. in Pyrrho.

⁷⁹ Ordindum bellum] Scripti aliquot, inter quos Victorinus, *ordinandi belli*; alii *ordiendi belli*. Idque nobis, quemadmodum Gronovio, verum videtur: *Omnium principum . . . eadem sententia erat . . . nempe sententia ordindū belli.*

⁸⁰ Per aliquot ætates, ex quo ty-

ranni tenebant Lacedæmonem] *Ætas* hic pro perbrevis spatio temporis sumenda. Nam ab eo tempore quo Cleomenes, quem primum fuisse tyrannum Lacedæmone ait noster, regnare coepit, ad hos consules, Catonem et Flaccum, vix effluxere quadraginta anni.

⁸¹ * Alii ab aliis pulsī] Alii quidem ab hoc tyranno, alii vero ab illo pulsī.

⁸² Princeps erat exsulum Agesipolis] Ut facilius intelligantur ea omnia quæ de Lacedæmoniis narrat Livius, libet hic attexere eorum nomina, qui

U. C. 557. num Lacedæmone erat, pulsus infans ab Lycurgo tyranno
A. C. 195. post mortem Cleomenis, qui primus tyrannus Lacedæmone fuit.

Adparatus
tyranni.

XXVII. Quum terra marique tantum belli circumstaret tyrannum, et prope nulla spes esset vere suas hostiumque æstimanti vires⁸³, non tamen omisit bellum: sed et a Creta mille delectos juventutis eorum excivit, quum mille jam haberet: et tria millia mercenariorum militum, decem millia popularium cum⁸⁵ castellanis agrestibus in armis habuit: et fossa valloque urbem communivit. et, ne quid intestini motus oriretur, metu et acerbitate pœnarum⁸⁴ tenebat animos, quoniam, ut salvum vellent tyrannum, sperare non poterat. Quum suspectos quosdam civium haberet, eductis in campum omnibus copiis, (⁸⁵ Dromon ipsi vocant) positis armis, ad concionem vocari jussit Lacedæmonios, atque eorum concioni satellites armatos circumdedit. et pauca præfatus, *Cur sibi omnia timenti caventique ignoscendum in tali tempore foret: et ipsorum referre, si quos suspectos status præsens rerum faceret, prohiberi potius, ne quid moliri possint, quam puniri molientes. Itaque quosdam se in custodia habiturum, donec ea, quæ instet, tempestas prætereat. Hostibus repulsis, (a quibus, si modo proditio intestina satis caveatur, minus periculi esse) extemplo eos emissurum.* Sub hæc citari nomina octoginta ferme principum juventutis jussit: atque eos, ut quisque ad no-

⁸³ esset vires suas hostiumque æstimanti, non etc. Gron. Crev.

ultimis temporibus Spartæ dominati sunt. Leonidas, et Agis ille cujus vitam scripsit Plutarchus, simul regnarunt circa tempora primi Punici belli. Leonida abdicare coacto Cleombrotus gener ejus regnum invasit. Mox Leonidas restitutus cum Ephoris in Agidem conjuravit, qui in carcere strangulatus est: ipse non ita multo post obiit, et Cleomeni filio, illi ipsi cujus vita habetur apud Plutarchum, quem primum Lacedæmoniorum tyrannum numerat Livius, regnum per manus tradidit. Is victus ab Antigono et Macedonibus, in Ægyptum fugit, ibique post triennium perit, paulo ante initium secundi Punici belli. Tum Lacedæmonii regnum detulerunt ad Agesipolim infantem, nepotem Cleombroti illius, qui Leonidam pridem expulerat, ex Heraclidarum stirpe; et Lycurgum, hominem ignobilem, qui pecunia corruptis Ephoris, obtinuit ut Herculis progenies et Spartæ rex haberetur. Ab hoc in exsilium pulsus est Agesipolis, qui hoc loco princeps exsulum nominatur. Lycurgus quum aliquot regnasset annos, obiit relicto filio Pelope.

Post Lycurgum tyrannidem invasit Machamidas, cui a Philopœmene in prælio quodam occiso successit Nabis, isque Pelopem sustulit. Hæc partim ex Plut. in Agide et Cleomene, atque etiam Philopœmene, partim ex Polyb. partim ex Diodoro collecta sunt,

⁸³ Castellanis agrestibus] Ilotis: ut patet ex iis quæ mox sequentur.

⁸⁴ Tenebat animos, quoniam] In vulgatis nova periodus incipit a voce, quoniam. Sed mutanda nobis interpunctio visa est. Tenebat animos metu Nabis, quoniam id sperare non poterat, nempe ut Lacedæmonii salvum tyrannum vellent. Notanda loquendi forma, sperare ut. Sed intelligendum est, quemadmodum interpretati sumus, particulam ut regi a vocula id, licet suppressa. Eodem modo explicat Perizonius hunc Horatii locum: Nam, ut ferula cadas meritum majora subire verbera, non vereor. Non vereor illud, nempe ut cadas ferula.

⁸⁵ Dromon] Δρόμων Græce cursus. Sic dicebatur hic campus, quod in eo juvenes cursu sese exercerent. Pausan. in Lacon.

men responderat, in custodiam tradidit: nocte insequenti ^{U. C. 557.} omnes interfecti. ⁸⁶ Ilotarum deinde quidam, (hi sunt jam ^{A. C. 195.} inde antiquitus castellani, agreste genus) transfugere voluisse insimulati, per omnes vicos sub verberibus acti necantur. hoc terrore obstupuerant multitudinis animi ab omni conatu novorum consiliorum. Intra munitiones copias continebat, nec parem se ratus, si dimicare acie vellet; et urbem relinquere, tam suspensis et incertis omnium animis, metuens.

XXVIII. Quinctius, satis jam omnibus paratis, profectus ab stativis, die altero ad Sellasiam super Ænunta fluvium pervenit: quo in loco Antigonus, Macedonum rex, cum Cleomene, Lacedæmoniorum tyranno, signis conlatis dimicasse dicebatur. inde, quum audisset ⁸⁷ adscensum^t difficilis et artæ viæ esse, brevi per montes circuitu præmissis, qui munirent viam, lato satis et patenti limite ad Eurotam amnem, sub ipsis prope fluentem mœnibus, pervenit. ubi castra metantes Romanos Quinctiumque ipsum, cum equitibus atque expeditis prægressum, auxiliares tyranni adorti, in terrorem ac tumultum conjecerunt, nihil tale expectantes, quia nemo his obvius toto itinere fuerat, ac veluti pacato agro transierant. Aliquamdiu peditibus equites, equi- ^{Auxiliares} tibus pedites vocantibus, quum in se cuique minimum fidu- ^{ejus com-} ciæ esset, trepidatum est. tandem signa legionum superve- ^{pulsi in ur-} nerunt: et, quum primi agminis cohortes inductæ in præ- ^{bem.} lium essent, qui modo terrori fuerant, trepidantes in urbem compulsi sunt. Romani, quum tantum a muro recessissent, ut extra ictum teli essent, acie directa paullisper steterunt. Postquam nemo hostium contra exhibat, redierunt in castra. Postero die Quinctius prope flumen præter urbem sub ipsas ⁸⁸ Menelaii montis radices ducere copias instructas pergit. primæ legionariæ cohortes ibant: levis armatura et equites agmen cogeabant. Nabis intra murum instructos paratosque sub signis habebat mercenarios milites, (in quibus omnis fiducia erat) ut ab tergo hostem adgrederetur. postquam ex-

^t *ascensum Gron.*

⁸⁶ * Ilotarum . . . quidam] Ilotæ, seu Helotæ, publici fuere Lacedæmoniorum servi. † De eorum origine sic habet Pausanias in Laconicis: *Ad mare (quod alluit Laconicam) oppidulum fuit Helos, quo Diores (Lacedæmonem incolentes) per obsidionem sunt potiti: iique primi fuere publici Lacedæmoniorum servi, qui antiquum nomen Helotarum retinuerunt. Obtinuit deinde usus, ut qui postea a Doriis in servitutem redacti sunt, quamvis Masseni forent, Helotæ tamen et ipsi*

vocarentur. Duplex igitur fuit Helotarum genus, alterum antiquius ab urbe Helo, alterum recentius a Messene. Eorum plurima mentio occurrit in Lacedæmoniorum historia. Consule inter ceteros Plut. in Lyc.

⁸⁷ Ascensum] Grönovius edidit *ascensum*, quum quibusdam in scriptis inveniret *descensum*.

⁸⁸ Menelaii montis] Sigonii emendatio nixa Polybio auctore. Firmat Victor. codex, in quo legitur *Menelai Vulgo Mænali*.

U. C. 557. tremum agmen præterit, tum ab oppido, ⁸⁹ eodem quo pridie eruperant tumultu, pluribus simul locis erumpunt. Ap. A. C. 195. Iterum fu-
gantur. Claudius agmen coge-
bat: qui ad id, quod futurum erat, ne inopinatum accideret, præparatis suorum animis, signa ex-
templo convertit, totumque in hostem agmen circumegit. Itaque, velut ⁹⁰ rectæ acies concurrissent, justum aliquam-
diu prælium fuit. tandem Nabidis milites in fugam inclina-
runt. quæ ⁹¹ minus infida ac trepida fuisset, ni Achæi loco-
rum prudentes institissent. hi et cædem ingentem edide-
runt, et dispersos passim fuga plerosque armis exuerunt. Quinctius prope Amyclas posuit castra. inde, quum perpopu-
latus omnia circumjecta urbi ⁹² frequentis et amœni agri loca
esset, nullo jam hostium ⁹³ porta^u excedente, movit castra ad
flumen Eurotam. inde vallem Taygeto subjectam agrosque
ad mare pertinentes evastat.

Gythium
obpugna-
tum.

XXIX. Eodem fere tempore L. Quinctius maritimæ
oræ oppida, partim voluntate, partim metu aut vi, recepit.
certior deinde factus, Gythium oppidum omnium maritima-
rum rerum Lacedæmoniis receptaculum esse, nec procul a
mari castra Romana abesse, omnibus id copiis adgredi con-
stituit. Erat eo tempore valida urbs, et multitudine civium
⁹⁴ incolarumque et omni bellico adparatu instructa. In
tempore Quinctio, rem haud facilem adgredienti, rex Eu-
menes et classis Rhodiorum supervenerunt. ingens multitu-
do navalium sociorum, e tribus contracta classibus, intra
paucos dies omnia, quæ ad obpugnationem urbis terra ma-
rique munitæ facienda opera erant, effecit. Jam ⁹⁵ testudi-
nibus admotis murus subruebatur: jam arietibus quatiebatur.
Itaque una crebris ictibus eversa est turris, quodque
circa muri erat, casu ejus prostratum: et Romani ⁹⁶ simul a
portu^x, unde aditus planior erat, ⁹⁷ ut distenderent ab aper-

^u portam Crev.

^x portu Gron.

89 Eodem quo pridie eruperant tu-
multu . . . erumpunt] Videtur insiti-
tium esse *ἐκ* eruperant. GRONOVIVS.

90 * Rectæ] Recta fronte sibi invi-
cem oppositæ.

91 Minus infida] Suspecta est vox
infida: magis placeret effusa. Nisi
forte recidenda omnino est cum par-
ticula *ac*. Andreas enim, et unus e
MSS. Hearnii, et Victor, utraque illa
voce carent.

92 * Frequentis] Vicis hominibusque
frequentati.

93 Portam excedente] Revocavimus
prisorum editorum lectionem, quam
et duo e MSS. Hearnii, et Victor.
tuentur. Vulgo porta. Sic et l. XXVIII.
c. 14. ubi edere assuerunt castris egre-

ditur, notavimus e Vict. codice castra.
Nec insolita est hæc loquendi forma
apud Livium et optimos scriptores.

94 * Incolarum] Nomen *incola* sæpe
dicitur de eo quicumque incolit sive
habitat aliquem locum. At acriore
sensu designat eum qui non in suo ha-
bitat, qui eam urbem incolit cujus civis
non est.

95 Testudinibus] Vid. not. 12. ad l.
V. c. 5.

96 Simul a portu] Hactenus edeba-
tur a porta. Jac. Gronovius ex Thuan.
cod. id attulit quod habes in contextu.
Consentit Vict. et Andreæ editio.

97 * Ut distenderent ab apertiore loco
hostes] Ut hostes, in varia loca disper-
tire vires suas coactos, averterent ab

tiore loco hostes; simul per patefactum ruina iter inrumpe- U. C. 557.
 re conabantur. nec multum abfuit, quin, qua intenderant, A. C. 195.
 penetrarent. sed tardavit inpetum eorum spes objecta de-
 dendæ urbis, mox deinde eadem turbata. Dexagoridas et
 Gorgopas pari imperio præerant urbi. Dexagoridas mise-
 rat ad legatum Romanum, traditurum se urbem^z. et quum
 ad eam rem tempus et ratio convenisset, a Gorgopa proditor
 interficitur. intentiusque ab uno urbs defendebatur: et
 difficilior facta obpugnatio erat, ni T. Quinctius cum qua-
 tuor millibus delectorum militum supervenisset. Is quum
 supercilio haud procul distantis tumuli ab urbe instructam
 aciem ostendisset, et ex altera parte L. Quinctius ab operi-
 bus suis terra marique instaret; ⁹⁸ tum vero desperatio Gor-
 gopam quoque coëgit id consilii, quod in altero morte vindicaverat, capere. et pactus, ut abducere inde milites, quos
 præsidii caussa habebat, liceret, tradidit Quinctio urbem.
 Priusquam Gythium traderetur, Pythagoras, præfectus Ar-
 gis relictus^y, tradita custodia urbis Timocrati Pellenensi,
 cum mille mercenariis militibus, et duobus millibus Argi-
 vorum, Lacedæmonem ad Nabin venit.

XXX. Nabis, sicut primo adventu Romanæ classis et
 traditione oppidorum maritimæ oræ conterritus erat, sic,
 parva spe quum adquievisset, Gythio ab suis retento, post-
 quam id quoque traditum Romanis audivit esse, quum ab
 terra, ⁹⁹ omnibus circa hostibus^z, nihil spei esset, a mari
 quoque toto se interclusum, cedendum fortunæ ratus, ca-
 duceatorem primum in castra misit ad explorandum, si pa-
 terentur legatos ad se mitti. qua impetrata re, Pythagoras
 ad imperatorem venit, ¹ nullis cum aliis mandatis, quam ut
 tyranno conloqui cum imperatore liceret^a. ² Consilio^b ad-
 vocato, quum omnes dandum conloquium censuissent, dies
 locusque constituitur. In mediæ regionis tumulos, modicis
 copiis sequentibus, quum venissent, relictis ibi in statione
 conspecta utrimque cohortibus, Nabis cum delectis custo-
 dibus corporis, Quinctius cum fratre et Eumene rege, et

Nabis con-
loquium
petit.

^z traditurus urbem Gron. Crev.
Gron. ^a liceat Gron. Crev.

^y relictis Eæd.

^b Consilio Gron.

^z omnibus circa hostium

eo loco qui per ruinam turris et muri
 apertior erat.

⁹⁸ Tum vero desperatio] Vero est a
 conjectura Gronovii pro vera.

⁹⁹ Omnibus circa hostibus] Legi ju-
 bet Gronovius, vel omnibus circa hos-
 tium, id est, quum omnia quæ circa
 erant hostium forent, vel omnibus circa
 hostilibus.

¹ Nullis cum aliis mandatis] Scrip-
 ti respuunt *et cum*, ut et vetustissimi

editi. Et abesse malimus.

² Consilio] Militari. Sic habet Vict.
 codex hoc loco et bis supra c. 26, et
 rursum c. 33. ubi vulgati libri exhi-
 bent concilium et concilio; ut intelli-
 gatur concilium sociale. Nos quatuor
 his locis auctoritatem modo memorati
 codicis secuti sumus: cum qua con-
 sentiunt ea quæ disputavimus ad l.
 XXII. c. 53. de vi et discrimine illa-
 rum vocum.

U. C. 557. Sosilao Rhodio, et Aristæno Achæorum prætore, tribunisque militum paucis descendit.

A. C. 195.
Tyranni
oratio.

XXXI. Ibi ³permissio, ut, seu dicere prius, seu audire mallet, ita coepit tyrannus. *Si ipse per me, T. Quincti, vosque, qui adestis, caussam excogitare, cur mihi aut indixissetis bellum, aut inferretis, possem; tacitus eventum fortunæ meæ exspectassem. nunc imperare animo nequivi, quin, priusquam perirem, cur periturus essem, scirem. Et, Hercule, si tales essetis, quales esse Karthaginienses fama est, apud quos nihil societatis fides sancti haberet; in me quoque ⁴vobis quid faceretis minus pensi esse, non mirarer. Nunc, quum vos intueor, Romanos esse video, qui rerum divinarum fœdera, humanarum fidem socialem sanctissimam habeatis. Quum me ipse respexi, eum esse spero, cui et publice, sicut ceteris Lacedæmoniis, vobiscum vetustissimum fœdus sit: et meo nomine privatim amicitia ac societas, nuper Philippi bello renovata. At enim ego eam violavi et everti, quod Argivorum civitatem teneo. Quomodo hoc tuear? re, an tempore? Res mihi duplicem defensionem præbet. nam et, ipsis vocantibus ac tradentibus, urbem eam accepi, non occupavi. et accepi, quum Philippi partium, non in vestra societate esset. ⁵Tempus autem eo me liberat, quod, quum jam Argos haberem, societas mihi vobiscum convenit: et, ut vobis mitterem ad bellum auxilia, non ut Argis præsidium deducerem, pepigistis. At, Hercle, in ea controversia, quæ de Argis est, superior sum et æquitate rei, quod non vestram urbem, sed hostium; quod volentem, non vi coactam, accepi; et vestra confessione, quod in conditionibus societatis mihi Argos reliquistis. Ceterum nomen tyranni et facta me^c premunt, quod servos ad libertatem voco, quod in agros inopem plebem deduco. De nomine hoc respondere possum, me, qualiscumque sum, eundem esse, qui fui, quum tu ipse mecum, T. Quincti, societatem pepigisti. Tum me regem adpellari a vobis meminisse: nunc tyrannum vocari video. Itaque si ego nomen imperii mutassem, mihi meæ inconstantiae; quum vos mutetis, vobis vestræ reddenda ratio est. Quod ad multitudinem servis liberandis auctam, et egentibus divisum agrum adtinet, possum quidem et in hoc me jure temporis tutari. Jam feceram hæc, qualiacumque sunt, quum societatem mecum pepigistis, et auxilia in bello ad-*

^c me del. Gron. Crev.

3 Permissio ut, seu dicere prius, seu audire mallet] Vacat profecto particula ut, imo turbat, quum nihil sit ad quod referatur. Itaque eam rescandam esse censuerimus. * Permissio, id est, quum ipsi permissum esset utrum mallet, seu ...

4 * Vobis quid faceretis minus pensi esse] Vid. not. ad XXVI. 15.

5 Tempus autem eo me liberat] Eo intellige ea ratione, sive ideo. Nisi malis recidere illam voculam additam a Gelenio, quam Victor. codex, et, teste Jac. Gronovio, Thuanæus ignorant.

versus^a Philippum accepistis. Sed si nunc ea fecissem, non dico, quid in eo vos læsissem, aut vestram amicitiam violassem? sed illud, ne more atque instituto majorum fecissem. Nolite ad vestras leges atque instituta exigere ea, quæ Lacedæmone fiunt. Nihil comparare singula necesse est. vos a censu equitem, a censu peditum legitis: et paucos excellere opibus, plebem subjectam esse illis, vultis. Noster legumlator non in paucorum manu rempublicam esse voluit, quem vos senatum adpellatis; nec excellere unum aut alterum ordinem in civitate: sed per æquationem fortunæ ac dignitatis fore credidit, ut multi essent, qui arma pro patria ferrent. Pluribus me peregissem, quam pro patriæ sermone brevitatis, fateor. Et breviter peroratum esse potuit; Nihil me, postquam vobiscum amicitiam institui, cur ejus vos pæniteret, commisisset.

XXXII. Ad hæc imperator Romanus: *Amicitia et societas nobis nulla tecum, sed⁶ cum Pelope, rege Lacedæmoniorum justo ac legitimo, facta est. Cujus jus tyranni quoque, qui postea per vim tenuerunt Lacedæmone imperium, (quia nos bella nunc Punica, nunc Gallica, nunc alia ex aliis occupaverant) usurparunt; sicut tu quoque hoc Macedonico bello fecisti. Nam quid minus conveniret, quam eos^e, qui pro libertate Græciæ adversus Philippum gereremus bellum, cum tyranno instituere amicitiam? et tyranno⁸ quam, qui umquam, sævissimo et violentissimo in suos? Nobis vero, etiamsi Argos nec cepisses per fraudem, nec teneres, liberantibus omnem Græciam, Lacedæmon quoque vindicanda in antiquam libertatem erat atque in leges suas, quarum modo, tamquam æmulus Lycurgi, mentionem fecisti. An, ut ab Jasso et Bargyliis præsidia Philippi deducantur, curæ erit nobis? Argos et Lacedæmo-*

Responsio
T. Quinctii.

^d adversum Gron. Crev.

^e nos Gron.

6 Cum Pelope] Multa sunt quæ nobis persuadere videantur, nomen ejus Lacedæmoniorum regis, quocum societas a Romanis facta sit, hic vitium esse. Alium enim inter Lacedæmonios reges novimus neminem, qui Pelopis nomen tulerit, quam ejus Lycurgi, qui in regem electus est post mortem Cleomenis, filium. At is rex justus et legitimus appellari a Livio non potest, quum supra, c. 26. pater ejus tyrannus vocatus fuerit. Deinde Pelops si regnavit, circa media tempora secundi Punici belli regnavit: unde nec societas cum eo inita vetustissima dici posset, quo nomine tamen appellavit Nabis fœdus inter Romanos et Lacedæmonios publice ictum; nec Quintius dicere posset post id fœdus Romanos nunc Punicis, nunc Gallicis bellis occupatos fuisse. Itaque super-

est inquirendum, quis ille rex Lacedæmoniorum fuerit, cujus nomen sit hoc loco reponendum. Nisi forte et hoc inter Livii sphalmata numerandum est. * Vid. etiam not. 82. ad c. 26. supra.

7 Quam eos qui . . . gereremus bellum] Hoc dictum est, ut l. XXXII. c. 21. Achæi arma Romana sustinebimus. Hactenus editi præferunt quam nos. Sed consentiunt in eam lectionem quam admisimus, Gronovii et Hearnii codices, et noster Victor.

8 Quam qui unquam, sævissimo] Sævissimo, quantum qui unquam fuere sævissimi. Sic vulgo, quam potero celerime, vel simpliciter, quam celerime: quæ sic resolvi debent, celerime, quantum potero, vel quantum fieri poterit.

U. C. 557. *nem, duas clarissimas urbes, lumina quondam Græciæ, sub pedibus tuis relinquemus; ⁹quæ titulum nobis liberatæ Græciæ servientes deforment? At enim cum Philippo Argivi senserunt. Remittimus hoc tibi, ne nostram vicem irascaris. Satis compertum habemus, duorum, aut summum trium in ea re, non civitatis, culpam esse: tam, Hercle, ¹⁰quam in te tuoque præsidio arcessendo accipiendoque in arcem nihil sit publico consilio actum. Thessalos, et Phocenses, et Locrenses, ¹¹consensu omnium scimus partium Philippi fuisse. ¹²tamen quum ceteram liberaverimus Græciam, quid tandem censes in Argivis, qui insontes publici consilii sint, facturos? Servorum ad libertatem vocatorum, et egentibus hominibus agri divisi crimina tibi objici dicebas. non quidem nec ipsa mediocria: sed quid ista sunt præ iis, quæ a te tuisque quotidie alia super alia facinora eduntur? Exhibe liberam concionem vel Argis, vel Lacedæmone, si audire juvat vera dominationis inpotentissimæ crimina. Ut omnia alia vetustiora omittam, quam cædem Argis Pythagoras iste gener tuus pene in oculis meis edidit? quam tu ipse, quum jam prope in finibus Lacedæmoniorum essem? Agedum, quos in concione comprehensos, omnibus audientibus civibus tuis, in custodia te habiturum esse pronunciasti, jube vinctos produci ut miseri parentes, quos falso lugent, vivere sciant. At ¹³enim^f, ut jam ita sint hæc, quid ad vos, Romani? Hoc tu dicas liberantibus Græciam? hoc iis, qui, ut liberare possent, mare trajecerunt, terra marique gesserunt bellum? Vos tamen, inquis, vestramque amicitiam ac societatem proprie non violavi. Quoties vis te id arguam fecisse? Sed nolo pluribus: summam rem complectar. ¹⁴Quibus igitur rebus amicitia viola-*

^f Enim Gron. Crev.

9 *Quæ titulum] Quæ servientes deformet gloriam quam nobis ex liberata Græcia tribuimus,

10 Quam . . . nihil sit] Magis placeret, quam nihil esse, ut habent vetustiores editi, teste Gronovio.

11 *Consensu omnium] Unanimi suarum civitatum consensu; nullo discrepante. Vid. not. 29. ad c. 5. supra.

12 Tamen, quum ceteram] Si quis hæc attente legerit, facile agnoscet non hic argumentari Quintium a libertate toti Græciæ reddita, sed tantummodo a liberatis Thessalis, et Phocensibus, et Locrensis, qui conspirante civitatum suarum consensu cum Philippo senserant. Itaque videtur legendum esse, Quum eos cum cetera liberaverimus Græcia. For- san delicatulas alicujus aures offendit

geminatio particulæ cum, qui deinde nobis hanc quæ vulgo habetur lectionem invexerit. Sed Livius minutam hanc in dimetiendis syllabis diligentiam plerumque dedignatur. Si cui tamen hæc mutatio audacior videatur, legat, quomodo Andreas edidit: tamen cum cetera (supple, eos) liberavimus Græcia. Quid tandem censes.

13 Enim, ut jam ita sint hæc] Vid. not. ad l. XXIII. c. 45.

14 Quibus igitur rebus amicitia violatur? Nempe his duabus maxime] Illic quoque parvum Vict. codici, vetustisque editis; a quibus haud satis videmus cur dissentiant Gronovianæ editiones, quæ paulo obscuriorem lectionem præferunt: Quibus igitur amicitia violatur? Nempe his duabus rebus maxime.

tur? Nempe his maxime duabus^g, si socios meos pro hos- U.C. 557.
tibus habeas; si cum hostibus te conjungas. ¹⁵ *Utrum non a* A.C. 195.
te factum est? nam et Messenen, uno atque eodem jure fæde-
ris, quo et Lacedæmonem, in amicitiam nostram acceptam, so-
cius ipse sociam nobis urbem vi atque armis cepisti: et cum
Philippo, hoste nostro, non societatem solum, sed, ¹⁶ *si Diis*
placet, adfinitatem etiam per Philoclem præfectum ejus pepi-
gisti: et bellum adversus^h nos gerens mare circa Maleam in-
festum navibus piraticis fecisti: et plures prope cives Roma-
nos, quam Philippus, cepisti atque occidisti: tutiorque Mace-
doniæ ora, quam promontorium Maleæ commeatus ad exercitus
nostros portantibus navibus fuit. Proinde ¹⁷ *parce, sis, fidem*
ac jura societatis jactare; et, omissa ¹⁸ *populari oratione, tam-*
quam tyrannus et hostis loquere.

XXXIII. Sub hæc Aristænus nunc monere Nabin, nunc etiam orare, ut, dum liceret, dum occasio esset, sibi ac fortunis suis consuleret. Referre deinde nominatim ¹⁹ tyrannos civitatum finitimarum cœpit, qui, deposito imperio, restitutaque libertate suis, non tutam modo, sed etiam honoratam inter cives senectutem egissent. His dictis in vicem auditisque, nox prope diremit conloquium. Pos- Nabis os-
 tero die Nabis, *Argis se cedere ac deducere præsidium,* tendit ces-
quando ita Romanis placeret, et captivos et perfugas redditu- surum se
rum, dixit. Aliud si quid postularent, scriptum ut ederent, Argis.
petiit, ut deliberare cum amicis posset. Ita et tyranno ad
consultandum tempus datum est: et Quinctius, sociorum Quinctius
etiam principibus adhibitis, habuit consilium. Maximæ habet super
partis sententia erat: Perseverandum in bello esse, et tollen- tota re con-
dum tyrannum. numquam aliter tutam libertatem Græciæ fore. silium.
Satius multo fuisse, non moveri bellum adversus eum, quam
omitti motum. et ipsum velut comprobata dominatione firmio-
rem futurum, auctore injusti imperii adsumto populo Romano;
et exemplo multos in aliis civitatibus ad insidiandum libertati

^g Quibus i. rebus a. v.? N. h. m. duabus leg. Q. i. a. v.? N. h. duabus re-
 bus maxime Gron. Q. i. rebus a. v.? N. h. duabus maxime Crev. ^h adversum
 Gron. Crev.

¹⁵ *Utrum non a te factum est]* Scripti *utrumnam a te.* Particula negans omnino necessaria est. Suspica-
 tur Gronovius eam absorptam esse ab ultima syllaba vocis præcedentis, Li-
 viumque dedisse, *Utrumnam non a te factum est?*

¹⁶ * *Si diis placet, affinitatem etiam]* Indignatur Quintius, Nabin tyrannum sibi tantum arrogare, ut ad affinitatem cum regia Macedonum domo animos attollere audeat.

¹⁷ * *Parcesis]* Desine quæso. Vox sis usurpatur pro si vis, ut sodes pro si

audes, et molliendæ ad comitatem orationi adhibetur.

¹⁸ * *Populari]* Plausibili in vulgus.

¹⁹ *Tyrannos . . qui deposito imperio]* Aliquot commemorat Polybius, l. II. n. 44. quos procul dubio in animo habebat Aristænus, Lysiadem Megalopolitanum, Xenonem Hermionensem, Cleonymum Phliasium, Aristomachum Argivum, qui omnes Arati vel auctoritate, vel metu adducti, tyrannidem deposuerant, seseque et civitates suas Achæis adjunxerant.

U. C. 557.
A. C. 195.
Socios ad
pacem hor-
tatur.

civium suorum incitaturum. Ipsius imperatoris animus ad pacem inclinatioer erat. videbat enim, compulso intra mœnia hoste, nihil præter obsidionem restare. Eam autem fore diuturnam. *Non enim Gythium, quod ipsum tamen traditum, non expugnatum esset, sed Lacedæmonem, validissimam urbem viris armisque, obpugnatos.* Unam spem fuisse, si qua admoventibus exercitum dissensio inter ipsos ac seditio excitari posset. quum signa portis prope inferri cernerent, neminem se movisse. Adjiciebat, et cum Antiocho infidam pacem, Villium legatum inde redeuntem nunciare: multo majoribus, quam ante, terrestribus navalibusque copiis in Europam eum transisse. Si occupasset obsidio Lacedæmonis exercitum, quibus aliis copiis adversus regem tam validum ac potentem bellum gesturos? Hæc propalam dicebat: illa tacita suberat cura, ne novus consul Græciam provinciam sortiretur, et inchoati belli victoria successorì tradenda esset.

XXXIV. Quum adversus tendendo nihil moveret socios, simulando se transire in eorum sententiam, omnes in adsensum consilii sui traduxit. *Bene vertat, inquit, quando ita placet, obsideamus Lacedæmonem¹. Illud modo ne fallat^k ceterum, quum res tam lenta, quam ipsi scitis, obpugnatio urbium sit, et obsidentibus prius sæpe, quam obsessis, tædium adferat, jam nunc hoc ita proponere vos animis oportet, hibernandum circa Lacedæmonis mœnia esse. Quæ mora si laborem tantum ac periculum haberet, ut et animis, et corporibus ad sustinenda ea parati essetis, hortarer vos. Nunc inpena quoque magna eget in opera, in machinationes, et tormenta, quibus tanta urbs obpugnanda est; in commeatus vobis nobisque^l in hiemem expediendos. Itaque, ne aut repente trepidetis, aut rem inchoatam turpiter destituatis, scribendum ante vestris civitatibus censeo, explorandumque, quid quæque animi, quid virium habeat. Auxiliorum satis superque habeo: sed, quo plures sumus, pluribus rebus egebimus. Nihil jam præter nudum solum ager hostium habet. Ad hoc hiems accedit, ad comportandum ex longinquo difficilis. Hæc oratio primum animos omnium ad respicienda cuique domestica mala convertit; segnitiam, invidiam et obtrectationem domi manentium adversus militantes,²⁰ libertatem difficilem ad consensum, inopiam publicam,²¹ malignitatem conferendi ex*

¹ obsideamus Lacedæmonem, quando ita placet. Gron. Crev.
fallat del. Eæd.

^l nobis vobisque Eæd.

^k Illud modo ne

²⁰ Libertatem difficilem ad consensum] Liberi regiminis formam, quæ hoc incommodi haberet, ut non facile consentiretur in unum consilium. Ubi multi deliberant, non tam facile nec celeriter consilium capitur, quam quum

unus imperat.

²¹ Malignitatem conferendi ex privato] Privatos maligne, parce, tenuiter, ex suo collaturos ad publicos sump-
tus.

privato. Versis itaque subito voluntatibus, facere, quod e U.C. 555. republica populi Romani sociorumque esse crederet, impe- A.C. 195. ratori permiserunt.

XXXV. Inde Quinctius, adhibitis legatis tantum tribunis- Leges pacis tyranno dictæ.
que militum, conditiones, in quas cum tyranno pax fieret, has conscripsit. *Sex mensium induciæ ut essent Nabidi Romanisque, et Eumeni regi, et Rhodiis. Legatos extemplo mitterent Romam T. Quinctius et Nabis, ut pax ex auctoritate senatus confirmaretur. Ex qua die scriptæ conditiones pacis editæ Nabidi forent, ea dies ut induciarum principium esset: et ut ex ea die intra decimum diem ab Argis ceterisque oppidis, quæ ²² in Argivorum agris^k essent, præsidia omnia deducerentur: vacuaque et libera traderentur Romanis. et^l ne quod inde ²³ Mancipium regium publicumve aut privatum educeretur; et, si qua ante educta forent, dominis ²⁴ recte restituerentur. Navæ, quas ²⁵ civitatibus maritimis ademisset, redderet: neve ipse navem ullam, præter duos lembos, qui non plus quam sexdecim remis agerentur, haberet. Perfugas et^m captivos omnibus sociis populi Romani civitatibus redderet, et Messeniis omnia, quæ comparerent, quæque domini cognoscerent. ²⁶ Exsulis quoque Lacedæmoniiis liberos et conjuges restitueret, quæ earum viros sequi voluissent: invita ne qua exsulis comes esset. Mercenariorum militum Nabidis, qui aut in civitates suas, aut ad Romanos transissentⁿ, iis res suæ omnes recte redderentur. In Creta insula ne quam urbem haberet: quas habuisset, redderet Romanis. Ne quam societatem ²⁷ cum ullo^o Cretensium aut quoquam alio institueret, neu bellum gereret. Civitatibus omnibus, quas ipse restituisset, quæque se suaque in fidem ac ditionem populi Romani tradidissent, omnia præsidia deduceret: seque ipse suosque ab his abstineret. Ne quod oppidum, ne quod castellum in suo alienove agro conderet. Obsides, ea*

^k agro Crev. ^l et del. Gron. Crev. ^m et del. Eæd. ⁿ transiissent Eæd.
^o ulla Gron.

22 In Argivorum agro] Minus bene hactenus edebatur agris. . Correximus moniti a Jac. Gronovio, qui Thuan. codicem et Andream auctores allegat. Accedit unus e MSS. Hearnii, et noster Victor.

23 Mancipium regium] Intelligendi videtur servi qui essent Philippi regis Macedonum, cujus in potestate diu fuerat Argos. Publicum. Qui civitatis Argivorum servi forent.

24 Recte restituerentur] Vox recte a jurisconsultis usurpatur eo sensu, ut aliquid sine fraude, sine dolo malo faciendum esse indicent.

25 Civitatibus maritimis] Quæ a L. Quintio captæ, (supra c. 29.) Nabidis dominationi hoc ipso fœdere exi-

muntur, dum jubetur infra se suosque ab his civitatibus abstinere, quæ se suaque in fidem ac ditionem populi Romani tradidissent.

26 Exsulis . . . Lacedæmoniiis liberos et conjuges] Fortasse hic excidit vox bona, ita ut legendum sit: Exsulis . . . Lacedæmoniiis bona, liberos, et conjuges restitueret. Apparet enim ex c. seq. jussum esse Nabin bona exsulis reddere.

27 Cum ullo Cretensium] Populo, dynasta. Gronovianæ editiones exhibent cum ulla Cretensium: per operam, ut videtur, incuriam. Vict. liber et vetustius cusi id servant quod edidimus.

U. C. 557. *ita futura, daret quinque, quos imperatori Romano placuisset;*
 A. C. 195. *filium in his suum: et ²⁸talenta centum argenti in præsenti, et*
quinquaginta talenta in singulos annos per annos octo.

Non pla-
cent illæ
Nabidi.

Neque La-
cedæmo-
niis.

XXXVI. Hæc conscripta, castris propius urbem motis, Lacedæmonem mittuntur. nec sane quidquam eorum satis placebat tyranno: nisi quod, præter spem, reducendorum exsulum mentio nulla facta erat. maxime autem omnium ea res offendeat, quod et naves, et maritimæ civitates ademptæ erant. Fuerat autem ei magno fructui mare, omnem oram Maleæ^p prædatoriis navibus infestam habenti. juventutem præterea civitatum earum ad supplementum longe optimi generis militum habebat. Has condiciones, quamquam ipse in secreto volutaverat cum amicis, vulgo tamen omnes fama ferebant, ²⁹vanis, ut ad ceteram fidem, sic ad secreta tegenda, satellitum regionum ingeniis. Non tam omnia universi, quam ea, quæ ad quemque pertinerent, singuli carpebant. qui exsulum conjuges in matrimonio habebant, aut ex bonis eorum aliquid possederant, tamquam amissuri, non reddituri, indignabantur. servis liberatis a tyranno non irrita modo futura libertas, sed multo fœdior, quam fuisset ante, servitus redeuntibus in iratorum dominorum potestatem ante oculos observabatur. mercenarii milites et pretia militiæ casura in pace ægre ferebant, et reditum sibi nullum esse in civitates videbant, infensas non tyrannis magis, quam satellitibus eorum.

Parant se
ad bellum.

XXXVII. Hæc inter se primo in circulis serentes fremere: deinde ad arma subito discurrerunt. Quo tumultu quum per se satis irritatam multitudinem cerneret tyrannus, concionem advocari jussit. ubi quum ea, quæ imperarentur a Romanis, exposuisset, et graviora atque indigniora quædam falso adfinxisset, et ad singula, nunc ab universis, nunc a partibus concionis, ³⁰adclamaretur, interrogavit, *Quid se respondere ad ea, aut quid facere vellent?* Prope una voce omnes, *Nihil respondere, bellum geri,* jusserunt. et pro se quisque, qualia multitudo solet, bonum animum habere, et bene sperare jubentes, *fortes fortunam adjuvare,* aiebant. His vocibus incitatus tyrannus, et Antiochum Ætolosque adjuturos pronunciat; et sibi ad obsidionem sustinendam copiarum adfatim esse. Exciderat pacis mentio ex omnium animis, et in stationes non ultra quieturi discurrunt. Paucorum lacessentium excursio et emissa jacula extemplo et^q Romanis dubi-

P a Malea Gron. Crev.

q et del. Ead.

28 Talenta centum argenti] Marcas nostrates 9375. Quinquaginta talenta.

Marcas 4687. cum quatuor unciis.

29 Vanis] Quum satellitum regionum ingenia vanæ et fluxæ fidei sint,

et in ceteris rebus, et speciatim ad ar- cana tegenda.

30 Adclamaretur] Per indignationem.

tationem, quin bellandum esset, exemerunt. U. C. 557. A. C. 195. Levia inde proelia per quatrimum primum sine ullo satis certo eventu commissa. quinto die prope justa pugna adeo paventes in oppidum Lacedæmonii compulsi sunt, ut quidam milites Romani, terga fugientium cædentes, per intermissa, ut tunc erant, mœnia urbem intrarint.

XXXVIII. Et tunc quidem Quinctius, satis eo terrore coërcitis excursionibus hostium, nihil præter ipsius obpugnationem urbis superesse ratus, missis, qui omnes navales socios a Gythio arcesserent, ipse interim cum tribunis militum ad visendum urbis situm mœnia circumvehitur. Fuerat quondam sine muro Sparta.³¹ tyranni nuper locis patentibus planisque objecerant murum: altiora loca, et difficiliora aditu, stationibus armatorum pro munimento objectis tutabantur. Ubi satis omnia inspexit, corona obpugnandum ratus, omnibus copiis (erant autem Romanorum sociorumque, simul peditum equitumque, simul terrestrium ac^r navalium copiarum, ad quinquaginta millia hominum) urbem cinxit. Alii scalas, alii ignem, alii alia, quibus non obpugnarent modo, sed etiam terrent, portabant. jussi clamore sublato subire undique omnes, ut, qua primum obcurrerent, quave opem ferrent, ad omnia simul paventes Lacedæmonii ignorarent. Quod roboris in exercitu erat, trifariam divisum. parte una³² a Phœbeo, altera³³ a Dictynneo, tertia ab eo loco, quem³⁴ Heptagonias adpellant (omnia autem hæc aperta sine muro loca sunt) adgredi jubet. Quum tantus undique³⁵ terror urbem circumvasisset; primo tyrannus et ad clamores repentinos, et ad nuncios trepidos motus, ut quisque maxime laboraret locus, aut ipse obcurreret, aut aliquos mittebat. deinde, circumfuso undique pavore, ita obtorpuit, ut nec dicere, quod in rem esset, nec audire posset; nec inops modo consilii, sed vix mentis compos esset.

Spartæ munitiones.

Corona obpugnatur.

XXXIX. Romanos primo sustinebant in angustiis La-

^r terrestriumque ac Gron. Crev.

³¹ Tyranni nuper objecerant murum] Justinus l. XIV. c. 5. memorat Spartam inclusam esse muro ob Cassandri multis in Græcia civitatibus bellum inferentis metum. Pausanias in Achaic. murum tumultuario opere circumdatum esse urbi narrat, primum Demetrio, deinde Pyrrho oppugnantibus: a Nabide tyranno validas munitiones adjectas. Itaque quod hic legimus de muro nuper a tyrannis objecto, id de illis Nabidis munitionibus intelligendum videtur. Vid. tamen not. ad l. XXXIX. c. 37.

³² A Phæbeo] Si hæc vox sana est, intelligendum est Apollinis templum.

At non male videtur suspicatus esse Meursius, ab Ephebeo, qui locus bis a Pausania appellatur in Laconicis. Ibi juvenes ad bellum exituros sacrificare mos erat.

³³ A Dictynneo] Dictynneum, templum est Dictynnæ, sive illa Diana sit, sive Britomartis, de qua Pausanias in Corinthiacis.

³⁴ Heptagonias] Hic locus nomen habuit a septem angulis. ἑπτά septem: γωνία angulus.

³⁵ Terror urbem circumvasisset] Nomen urbem servant scripti et prisce editi. Recentiores operarum, ut videtur, incuria omiserant.

U. C. 557. cedæmonii: ternæque acies tempore uno locis diversis pug-
 A. C. 195. nabant. deinde, crescente certamine, nequaquam erat præ-
 lium par. missilibus enim Lacedæmonii pugnant, a qui-
 bus se et magnitudine scuti perfacile Romanus tuebatur mil-
 les, et quod alii vani, alii leves admodum ictus erant. nam
 propter angustias loci confertamque turbam ³⁶ non modo ad
 emittenda cum procursu, quo plurimum concitantur tela,
 spatium habebant: sed ne ut de gradu quidem libero ac
 stabili conarentur. Itaque ex adverso missa tela, nulla in
 corporibus, rara in scutis hærebant. a circumstantibus ex
 superioribus locis quidam vulnerati sunt: mox progressos
 jam etiam ex tectis non tela modo, sed tegulæ quoque, inop-
 pinantes perculerunt. Sublatis deinde supra capita scutis,
 continuatisque ita inter se, ut non modo ad cæcos ictus, sed
 ne ad inferendum quidem ex propinquo telum loci quid-
 quam esset, testudine facta subibant. ³⁷ et primæ angustię
 paullisper, sua hostiumque refertæ turba, tenuerunt: post-
 quam in patientiorem viam urbis paullatim urgentes hostem
 processere, non ultra vis eorum atque inpetus sustineri pot-
 erant. Quum terga vertissent Lacedæmonii, et effusa fuga
 superiora peterent loca; Nabis quidem, ut capta urbe trepi-
 dans, quam ipse evaderet, circumspectabat. Pythagoras
 quum ad cetera animo officioque ducis fungebatur, tum vero
 Succendun- unus, ne caperetur urbs, caussa fuit. succendi enim ædificia
 tur ab ob- proxima muro jussit. quæ quum momento temporis arsis-
 sessis do- sent, ut adjuvantibus ignem, qui alias ad extinguendum
 mus muro opem ferre solent, ruere in Romanos tecta: nec tegularum
 vicinæ. modo fragmenta, sed etiam ambusta tigna, ad armatos per-
 venire, et flamma late fundi, fumus terrorem etiam majorem,
 quam periculum, facere. Itaque et qui extra urbem
 erant Romanorum, tum maxime inpetus facientes, recessere
 a muro: et, qui jam intraverant, ne incendio ab^s tergo ori-
 ente intercluderentur ab suis, receperunt sese. et Quinctius,
 Recipiunt postquam, quid rei esset, vidit, receptui canere jussit. ita
 se Romani. jam a capta prope urbe revocati redierunt in castra.

XL. Quinctius plus ex timore hostium, quam ex re ipsa,
 spei nactus, per triduum insequens territavit eos; nunc
 præliis lacescendo, nunc operibus intersepiendo quædam;
 ne exitus ad fugam esset. His comminationibus compul-
 sus tyrannus Pythagoram rursus oratorem misit, quem
 Quinctius primo adspersum^t excedere castris jussit. de-
 inde suppliciter orantem, advolutumque genibus, tandem

^s a Gron. Crev.

^t adspersus Eæd.

36 Non modo . . . spatium habebant]
 Non modo non: ut sæpe jam annota-
 vimus.

37 Et primo angustię] Elegantius

Andreas, cui consentit Vict. codex,
 prima. Prima angustię sunt angustię
 primo occurrentes intrantibus.

audivit. Prima oratio fuit omnia permittentis arbitrio Ro-
manorum: dein³⁸, quum ea velut vana et sine effectu ni-
hil proficerent, eo deducta res est, ut his conditionibus, quæ
ex scripto paucis ante diebus editæ erant, induciæ fierent:
pecuniaque et obsides accepti. Dum obpugnatur tyrannus,
Argivi, nunciis aliis prope super alios adferentibus, tantum
non jam captam Lacedæmonem esse, erecti et ipsi, simul
eo quod Pythagoras cum parte validissima præsidii excres-
serat, contempta paucitate eorum, qui in arce erant, dūce
Archippo quodam, præsidium expulerunt. Timocratem Pel-
lenensem, quia clementer præfuerat, vivum fide data emise-
runt. Huic lætitiæ Quinctius supervenit, pace data tyranno,
dimissisque ab Lacedæmone Eumene, et Rhodiis, et L.
Quinctio fratre ad classem.

U. C. 557.
A. C. 195.
Pax cum
Nabide.

Argivi sese
ipsi libe-
rant.

XLI. Læta civitas celeberrimum festorum dierum ac
nobile ludicrum³⁹ Nemeorum, die stata propter belli mala
prætermisum, in adventum Romani exercitus ducisque in-
dixerunt, præfeceruntque ludis ipsum imperatorem. Multa
erant, quæ gaudium cumularent. reducti cives ab Lacedæ-
mone erant, quos nuper Pythagoras, quosque ante Nabis
abduxerant: redierant, qui post compertam a Pythagora
conjunctionem, et cæde jam cœpta, effugerant: libertatem
ex longo intervallo, libertatisque auctores Romanos, quibus
caussa bellandi cum tyranno ipsi fuissent, cernebant. testata
quoque ipso Nemeorum die voce præconis libertas est Ar-
givorum. Achæis quantum⁴⁰ restituti Argi in commune
Achaïæ concilium lætitiæ adferebant; tantum serva Lacedæ-
mon relicta, lateri adhærens tyranni, non sincerum
gaudium præbebat⁴¹. Ætoli vero eam rem omnibus conciliis
lacerare. *Cum Philippo non ante desitum bellari, quam om-
nibus excederet Græciæ urbibus. Tyranno relictam Lacedæ-
monem: regem autem legitimum, qui in Romanis fuerat
castris, ceterosque nobilissimos cives in exilio victuros. Nabi-
dis dominantis satellitem factum populum Romanum.* Quinc-
tius ab Argis Elatiam, unde ad bellum Spartanum profectus

Nemea ce-
lebrata.

Querelæ in
Quinctium.

³⁸ deinde Gron. Crev.

⁴¹ et lateri—tyrannus—præbebant Eæd.

³⁸ Quum ea . . . nihil proficerent] addit vim orationi. Tyrannus est a
Malit Gronovius proficeret, nempe ora-
tio.

³⁹ Nemeorum] Vid. not. ad l.
XXVII. c. 30.

⁴⁰ Restituti Argi in commune] Sic
Victor. codex, omissa particula et, quæ
male præfixa in quibusdam editis erat
reis in commune.

⁴¹ Lateri adhærens tyrannus] Libri
MSS. et antiquitus editi exhibent ty-
ranni. Unde non male suspicatur
Jac. Gronovius tyrannis, id est, tyran-
nica dominatio. Atque illa emendatio

⁴² Regem . . . legitimum] Agesipo-
lim, de quo supra, c. 26.

⁴³ Qui in Romanis fuerat castris]
Lege cum Gronovio fuerit.

⁴⁴ Satellitem factum populum Ro-
manum] Hoc debetur Gelenio. MSS.
pro populum Romanum habent T. Ro-
muleum: qua in voce nugari librariorum
hujus Livii partis jam admonuimus ad
l. XXXIII. c. 42. Utamur Gelenii
emendatione, donec certius quid et ap-
tius reperiatur.

U. C. 557. erat, copias reduxit. Sunt, qui non ex oppido proficis-
 A. C. 195. centem bellum gessisse tyrannum tradant, sed castris adver-
 sus Romana castra positis. diuque cunctatum, quum Æto-
 lorum auxilia exspectasset, coactum ad extremum acie con-
 fligere, inpetu in pabulatores suos ab Romanis facto: eo
 prælio victum, castrisque exutum pacem petisse; quum
 cecidissent quindecim millia militum, capta plus quatuor
 millia essent.

XLII. Eodem fere tempore et a T. Quinctio de rebus ad
 Lacedæmonem gestis, et ab M. Porcio consule et Hispania
 literæ adlatæ. utriusque nomine in dies ternos^x suppli-
 catio a senatu decreta est. L. Valerius consul, quum post
 fusos circa Litanam silvam Boios quietam provinciam ha-
 buisset, comitiorum caussa Romam rediit; et creavit con-
 sules P. Cornelium Scipionem Africanum iterum et Ti.
 Sempronium Longum. Horum patres primo anno secundi
 Punici belli consules fuerant. Prætoria inde comitia ha-
 bita. creati P. Cornelius Scipio, et duo Cn. Cornelii, Me-
 rendæ et Blasio, et Cn. Domitius Ahenobarbus^y, et Sex.
 Digitius, et T. Juventius Thalna. Comitibus perfectis, con-
 sul in provinciam rediit. Novum jus eo anno a Ferentina-
 tibus tentatum, ut Latini, qui in coloniam Romanam no-
 mina dedissent, cives Romani essent. ⁴⁵ Puteolos, Salernum-
 que, et Buxentum adscripti coloni, qui nomina dederant,
 quum ob id se pro civibus Romanis ferrent, senatus judi-
 cavit, non esse eos cives Romanos.

U. C. 558. XLIII. Principio anni, quo P. Scipio Africanus iterum
 A. C. 194. et Ti. Sempronius Longus consules fuerunt, legati Nabidis
 P. Cornelio tyranni Romam venerunt^z. Iis^a extra urbem in æde Apol-
 II. Ti. Sem- linis senatus datus est. pax, quæ cum T. Quinctio conve-
 pronio Coss. nisset, ut rata esset, petierunt, impetraveruntque. De pro-
 Provinciæ. vinciiis quum relatum esset, senatus frequens in eam senten-
 tiam ibat; ut, quoniam in Hispania et Macedonia debella-
 tum foret, consulibus ambobus Italia provincia esset. Sci-

^x ternos in dies Gron. Crev. ^y Ahenobarbus Gron. ^z add. duo Gron. Crev.
^a His Ead.

⁴⁵ Puteolos, Salernumque, et Buxentum adscripti coloni, qui nomina dederant] Adscripti a triumviris coloni, qui sese obtulerant e Latinis, et nomina in eas colonias dederant. Ceterum sensus hujus loci haud sane perspicuus est. Facile intelligeremus Latinos aliquot, puta quosdam e Ferentinatibus, aliisque fortasse Latii populis, quum adscripti essent coloni Puteolos, Salernum, Buxentum, sese pro civibus Romanis gessisse: senatum judicasse eos cives non esse. Verum id turbat, quod Puteoli, Salernum, et Buxentum,

nondum videntur fuisse coloniæ Romanæ, quum in hæc tria oppida coloni Romani deducti esse dicantur infra, c. 45. Sed nimirum tertio ante anno lex lata fuerat, supra l. XXXII. c. 29. ut hæ coloniæ deducerentur, creatique triumviri ii ipsi qui mox c. 45. nominabuntur. Intelligendum est igitur, rem tunc inchoatam esse, sed anno demum sequente ad exitum perductam: initio autem rei incipiendæ, Latinos in eas colonias nomina dedisse, et adscriptos colonos.

pio, *satis esse Italice unum consulem*, censebat: *alteri decernendam Macedoniam esse. Bellum grave ab Antiocho innitere. jam ipsum sua sponte in Europam transgressum. Quid deinde facturum censerent, quum hinc Ætoli haud dudie hostes vocarent ad bellum, illinc Hannibal, Romanis cladibus insignis imperator, stimulet?* Dum de provinciis consulum disceptatur, prætores sortiti sunt. Cn. Domitio urbana jurisdictione, T. Juventio peregrina evenit. P. Cornelio Hispania ulterior, Sex. Digitio citerior: duobus Cn. Corneliis, Blasioni Sicilia, Merendæ Sardinia. In Macedoniam novum exercitum transportari non placuit. eum, qui esset ibi, reduci in Italiam a Quintio, ac dimitti. item eum exercitum dimitti, qui cum M. Porcio Catone in Hispania esset. Consulibus ambobus Italiam provinciam esse, et ⁴⁶ duas urbanas eos legiones scribere: ut, dimissis, quos senatus censuisset, exercitibus, octo omnino Romanæ legiones essent.

XLIV. Ver sacrum factum erat priore anno, M. Porcio et L. Valerio consulibus. id quum P. Licinius pontifex non esse recte factum collegio primum, deinde ex auctoritate collegii Patribus, renunciasset, de integro faciendum arbitrato pontificum censuerunt; ⁴⁷ ludosque magnos, qui una voti essent, tanta pecunia, quanta adsoleret, faciendos. ⁴⁸ Ver sacrum videri pecus, quod natum esset inter Kalendas Martias, et pridie Kalendas Maias, P. Cornelio Scipione et Ti. Sempronio Longo Consulibus. Censorum inde comitia habita sunt. creati censores Sex. Ælius Pætus et C. Cornelius Cethegus principem senatus P. Scipionem consulem, quem et priores censores legerant, legerunt. tres omnino senatores, neminem curuli honore usum, præterierunt. Gratiam quoque ingentem apud eum ordinem pepererunt, quod, ludis Romanis, ædilibus curulibus imperarunt, ut loca senatoria secernerent a populo. nam antea in pro-

Ver sacrum.

Censores.

Loca senatoria in ludis.

46 *Duas urbanas eo legiones*] Merito Gronovius emendat eos. Urbanæ enim legiones, ut ipsum nomen indicio est, ad custodiam urbis destinabantur. Et has quidem, quæ ab hujus anni consulibus scribuntur, Romæ mansisse patet ex c. 56. infra.

47 *Ludosque Magnos, qui una voti essent*] Observat Pighius ludos Magnos, qui una cum vere sacro voti erant, jam pridem factos esse, ut constat ex l. XXVII. c. 33. Itaque hic sermonem esse putat de ludis a P. Sulpicio Galba votis, de quibus infra hoc ipso capite. Ad hunc sensum verba Livii accommodat transpositis duabus voculis. Itaque legit: *ludosque Magnos una, qui*

voti essent, faciendos. Sed sic quoque necesse est adjici, a quo ludi voti fuerint. * Itaque aut Livium hic memoria fefellit, aut aliquid a libris peccatum est.

48 *Ver sacrum videri pecus*] Pecus, quod ex veris sacri voto immolari oporteret, illud esse, quod natum foret inter Kal. Martias, et pridie Kal. Maias. *Videri* hic dictum est pro more solito Romanorum et consueta iudicandi decernendique formula. Ita enim cauti erant in iudicando, ut nunquam rem ita se habere, sed *videri* pronuntiarent. Qua de re vid. Cic. l. IV. Acad. Quæstionum, n. 146.

U. C. 558. miscuo spectabant. Equitibus quoque perpaucis adempti
 A. C. 194. equi, nec in ullum ordinem sævitum. Atrium Libertatis et
⁴⁹Villa publica ab eisdem refecta amplificataque. Ver sa-
 crum ⁵⁰ludique votivi, quos voverat Ser. Sulpicius Galba
 consul, facti. Quum spectaculo eorum occupati animi

Pleminius
 necatus.

omnium essent, ⁵¹Q. Pleminius, qui propter multa in Deos
 hominesque scelera, Locris, admissa, in carcerem conjectus
 fuerat, comparaverat homines, qui pluribus simul locis urbis
 nocte incendia facerent; ut in consternata nocturno tumultu
 civitate refringi carcer posset. ea res indicio conscriptorum
 palam facta, delataque ad senatum est. Pleminius ⁵²in in-
 feriolem demissus carcerem est, necatusque.

Coloniæ
 plures de-
 ductæ.

XLV. Coloniæ civium Romanorum eo anno deductæ
 sunt Puteolos, Vulturum, Liternum; treceni homines in
 singulas. Item Salernum Buxentumque coloniæ civium
 Romanorum deductæ sunt. ⁵³deduxere triumviri, Ti. Sem-
 pronius Longus, qui tum consul erat; M. Servilius, Q. Mi-
 nucius Thermus. Ager divisus est, qui Campanorum fue-
 rat. Sipontum item in agrum, qui Arpinorum fuerat, colo-
 niam civium Romanorum alii triumviri, D. Junius Brutus,
 M. Bæbius Tamphilus, M. Helvius deduxerunt. Tempsam
 item et Crotonem civium Romanorum coloniæ deductæ.
 Tempsanus ager de Bruttiiis captus erat: ⁵⁴Bruttii Græcos
 expulerant. Crotonem Græci habebant. Triumviri Cn.
 Octavius, L. Æmilius Paullus, C. Plætorius Crotonem;
 Tempsam L. Cornelius Merula ⁵⁵et C. Salonijs deduxerunt.

Prodigia.

Prodigia quoque alia visa eo anno Romæ sunt, alia nun-
 ciata. In foro, et comitio, et Capitolio sanguinis guttæ

⁴⁹ Villa publica] Vid. not. 13. ad l.
 IV. c. 22.

⁵⁰ Ludique votivi, quos voverat Ser.
 Sulpicius Galba consul] Lege P. Sul-
 picius. Hic agitur de ludis votis initio
 Macedonici belli, de quibus supra, l.
 XXXI. c. 9. Nec ullus per hos annos
 Ser. Sulpicius consul fuit.

⁵¹ Q. Pleminius, qui propter] Vid.
 supra, l. XXIX. c. 22.

⁵² In inferiorem carcerem] In Tul-
 lianum, de quo vide not. ad locum
 modo memoratum.

⁵³ Deduxere triumviri, Ti. Sempro-
 nius] Vid. supra l. XXXII. c. 29. et
 not. 45. ad c. 42. hujus libri. Porro mi-
 rum videri non debet hos solos nomi-
 nari triumviros in quinque colonias
 deducendas. Eodem modo infra, l.
 XXXIX. c. 23. duabus coloniis dedu-
 cendis, Buxentum Infero, Sipontum
 Supero mari unum triumvirorum col-
 legium præficitur. Vid. et l. XXXIX.
 c. 44. Quod autem observat Glareanus

verisimile non esse, colonis Salernum
 in Picentinos, Buxentum in Lucanos
 deductis divisum esse agrum qui Cam-
 panorum fuerat, ei assentimur. Sed
 videntur hæc verba, *ager divisus est,*
qui Campanorum fuerat, male trajecta
 esse, et retrahi debere in superiora, ut
 intelligantur de solis colonis Puteolos,
 Vulturum, Liternum deductis, quæ
 sunt Campaniæ oppida. Legamus igitur:
Coloniæ . . . deductæ sunt Puteo-
los, Vulturum, Liternum; treceni
homines in singulas. Ager divisus est,
qui Campanorum fuerat. Item Salernum.

⁵⁴ * Bruttii Græcos expulerant]
 Quum olim Græcorum is ager fuisset,
 Bruttii ex eo illos expulerant. Itaque
 is ager primo Græcorum fuerat, tum
 deinde Bruttiorum, denique Romano-
 rum, qui nunc in eum colonos mit-
 tunt.

⁵⁵ Et C. Salonijs] Desideratur no-
 men tertii triumviri.

visæ sunt: et terra aliquoties pluit: et caput Vulcani arsit. U. C. 558.
 Nunciatum est, Nare amni^b lac fluxisse: pueros ingenuos A. C. 194.
 Arimini sine oculis ac naso; et in Piceno agro non manus,
 non pedes habentem natum. ea prodigia ex pontificum
 decreto procurata. Et sacrificium novemdiale factum, quod
 Hadriani nunciaverant, in agro suo lapidibus pluisse.

XLVI. In Gallia L. Valerius Flaccus proconsul circa
 Mediolanum cum Gallis Insubribus, et Boiis, qui Doru-
 laco duce ad concitandos Insubres Padum transgressi
 erant, signis conlatis depugnavit. decem millia hostium sunt
 cæsa. Per eos dies collega ejus M. Porcius Cato ex His-
 pania triumphavit. tulit in eo triumpho ⁵⁶argenti infecti
 viginti quinque millia pondo, ⁵⁷bigati centum viginti tria
 millia, ⁵⁸Oscensis quingenta quadraginta: ⁵⁹auri pondo
 mille quadringenta. Militibus ex præda divisit in singu-
 los, ⁶⁰ducenos septuagenos æris, ⁶¹triplex equiti. Ti. Sem-
 pronius consul, in provinciam profectus, in Boiorum pri-
 mum agrum legiones duxit. Boiorum tum regulus eorum,
 cum duobus fratribus tota gente concitata ad rebellandum,
⁶²castra locis apertis^c posuit: ut adpareret dimicatu-
 ros, si hostis fines intrasset. Consul ubi, quantæ copiæ, quanta
 fiducia esset hosti, sensit, nuncium ad collegam mittit, ut,
 si videretur ei, maturaret venire. se tergiversando in adventum
 ejus rem extracturum. Quæ caussa consuli cunctandi, ea-
 dem Gallis (præterquam quod cunctatio hostium animos
 faciebat) rei maturandæ erat, ut, priusquam conjungeren-
 tur consulum copiæ, rem transigerent. per biduum tamen
 nihil aliud, quam steterunt parati ad pugnandum, si quis
 contra egrederetur: ⁶³tertio^d subire ad vallum, castraque
 Sempronius it in Boios.
 Qui obpugnant castra Romana.

^b Nare amni l. Interamnæ Gron. Crev.

^c idoneis Gron.

^d ins. vi Gron.

⁵⁶ Argenti . . viginti quinque mil-
 lia pondo] Marcas nostrates 39062.
 cum quatuor unciiis.

⁵⁷ Bigati centum viginti tria mil-
 lia] Denarios 123000. id est, marcas
 argenti 1921. cum septem unciiis.

⁵⁸ Oscensis quingenta quadraginta]
 In hoc numero videtur esse vitium, qui
 si nude sumatur, perexiguus est; im-
 manis, si addas millia. Libræ Roma-
 næ 540. sunt marcæ nostrates 843.
 cum unciiis 6. Libræ Romanæ 540000.
 sunt marcæ 843750.

⁵⁹ Auri pondo mille quadringenta]
 Marcas nostrates 2187. cum unciiis 4.

⁶⁰ Ducenos septuagenos æris] Si æs
 grave intelligamus, 270. æris sunt pares
 denarii 27. unciiis argenti nostratibus
 3. cum tribus, ut vocant, grossis.

⁶¹ Triplex equiti] Ante hæc verba
 videtur excidisse: duplex centurioni.

Vid. infra, c. 52.

⁶² Castra locis apertis posuit] Locis
 planis, et quæ facile adiri possent. Ge-
 lenius mutaverat ⁷³apertis, jusseratque
 legi idoneis, atque ei postea obsecuti
 sunt editores. Incuriose profecto:
 quid enim sanius aut clarius, quam hæc
 lectio? Castra locis apertis posuit, ut
 appareret dimicatu-
 ros. Qui in plano
 et aperto locat castra, is ea re ostendit
 sibi mentem esse dimicandi, si hostis
 accedat. Contra vox idoneis substituta
 obscurat sensum, si non pervertit.
 Accedit auctoritas Thuan. codicis a
 Jac. Gronovio inspecti, et Victorini,
 qui id habent quod dedimus.

⁶³ Tertio vi subire] Vocula vi su-
 pervacua videtur. Eam respuit Gele-
 nius, et Victorinus codex. * Melius,
 tertio die.

U. C. 558. ab omni simul parte adgressi sunt. Consul extemplo arma
A. C. 194. capere milites jussit. armatos inde paullisper continuit: ut
et stolidam fiduciam hosti augeret, et disponderet copias,
quibus quæque portis erumperent. Duæ legiones ⁶⁴duabus
principalibus portis signa efferre jussæ. sed in ipso exitu
ita conferti obstitere Galli, ut clauderent viam. Diu in
angustiis pugnatum est. nec dextris magis gladiisque gere-
batur res, quam scutis corporibusque ipsis obnisi urgebant;
Romani, ut signa foras efferrent; Galli, ut aut ipsi in cas-
tra penetrarent, aut exire Romanos prohiberent. nec ante
in hanc aut illam partem moveri acies potuerunt, quam Q.
Victorius ⁶⁵primi pili centurio, et C. Atinius tribunus mili-
tum, quartæ hic, ille secundæ legionis, (rem in asperis
præliis sæpe tentatam) signa ademta signiferis in hostes
injecerunt. dum repetunt enise signum, priores secundani
se porta ejecere.

XLVII. Jam hi extra vallum pugnabant, quarta legione
in porta hærente, quum alius tumultus ⁶⁶ex aversa parte
castrorum est exortus. in ⁶⁷portam quæstoriam intruperant
Galli: resistentesque pertinacius occiderant L. Postumium
quæstorem, cui Tympano fuit cognomen, et M. Atinium, et
P. Sempronium, ⁶⁸præfectos socium, et ducentos ferme mi-
lites. Capta ab ea parte castra erant, donec ⁶⁹cohors ex-
traordinaria, missa a consule ad tuendam quæstoriam por-
tam, et eos, qui intra vallum erant, partim occidit, partim
expulit castris, et inrumpentibus obstitit. Eodem fere tem-
pore et quarta legio cum duabus extraordinariis cohortibus
porta erupit. simul ita tria prælia circa castra locis distan-
tibus erant: clamoresque dissoni ad incertos suorum even-
tus a præsentī certamine animos pugnantium avertebant.
Usque ad meridiem æquis viribus, ac prope pari spe, pug-
natum est. labor et æstus ⁷⁰mollia et fluida corpora Gallo-
rum, et minime patientia sitis, quum decedere pugna cõegis-
set, in paucos restantes inpetum Romani fecerunt, fustosque
compulerunt in castra. Signum inde receptui a consule
datum est; ad quod pars major receperunt sese; pars, cer-

Repellun-
tur.

^cjecerunt Gron. Crev.

⁶⁴ Duabus principalibus portis] Iis, quæ a dextra lævæque castrorum erant. Vid. not. 15. ad l. III. c. 5.

⁶⁵ * Primipili centurio] Vid. not. 45. ad II. 27.

⁶⁶ Ex aversa parte] Scripti alii *aversa*, quidam *versa*. Gronovius ex quibusdam vetustioribus editis recepit *aversa*: recte. Ibi enim porta quæstoria.

⁶⁷ Portam quæstoriam] Porta quæstoria eadem videtur fuisse, ac decumana: ideo dicta quæstoria, quod quæ-

storium in inferiore castrorum parte e regione portæ decumanæ per multas ætates statuere mos fuerit. Vid. not. 23. ad l. X. c. 32. supra, et Lipsium de Milit. Rom. l. V. Dial. 3. et 5.

⁶⁸ * Præfectos socium] Vid. not. ad VIII. 36. et XXIII. 7.

⁶⁹ Cohors extraordinaria] Vid. not. ad l. XXVII. c. 12.

⁷⁰ Mollia et fluida] Sic habet Victor. codex: nec debuit sollicitare Gronovius.

taminis studio et spe potiundi castris hostium, perstitit ad U.C. 558.
vallum. Eorum paucitate contenta, Galli universi ex cas- A.C. 194.
tris eruperunt^f: fusi inde Romani, quæ imperio consulis noluerant, suo pavore ac terrore castra repetunt. ita varia hinc atque illinc nunc fuga, nunc victoria^g fuit. Gallorum tamen ad undecim millia, Romanorum quinque millia, sunt occisa. Galli recepere in intima finium sese.

XLVIII. Consul Placentiam legiones duxit. Scipionem alii, conjuncto exercitu cum collega, per Boiorum Ligu- rumque agros populantem isse, quoad progredi silvæ palu- desque passæ sint, scribunt: alii, nulla memorabili re gesta, comitiorum caussa rediisse Romam. Eodem hoc anno T. Quinctius Elatiæ, quo in hiberna reduxerat copias, totum hiemis tempus jure dicundo consumsit, mutandisque iis, quæ aut ipsius Philippi, aut præfectorum ejus licentia in civitatibus facta erant, quum, suæ factionis hominum vires augendo, jus ac libertatem aliorum deprimeret. Veris ini- Quinctius Græciam relinquens adloquitur socios legatos.
tio Corinthum, conventu edicto, venit. ibi omnium civita- tium legationes in concionis modum circumfusæ est adlo- cutus; orsus ab inita primum Romanis amicitia cum Græ- corum gente, et imperatorum, qui ante se in Macedonia fuissent, suisque rebus gestis. Omnia cum adprobatione ingenti sunt audita; præterquam quum ad mentionem Na- bidis ventum esset, id minime conveniens liberanti Græciam videbatur, tyrannum reliquisse, non suæ solum patriæ gra- vem, sed omnibus circa civitatibus metuendum, hærentem visceribus nobilissimæ civitatis.

XLIX. Nec ignarus hujus habitus animorum Quinctius, *Si sine excidio Lacedæmonis fieri potuisset, fatebatur, pacis cum tyranno mentionem admittendam auribus non fuisse. nunc, quum aliter, quam ruina⁷¹ gravissima^h civitatis, obprimi non posset, satius visum esse, tyrannum debilitatum, ac totis prope viribus ad nocendum cuiquam ademptis, relinqui; quam inter- mori vehementioribus, quam quæ pati posset, remediis civita- tem sinere, ⁷²in ipsa vindicta libertatis perituram.* Præteri- torum commemorationi subjecit, *Proficisci sibi in Italiam, atque omnem exercitum deportare, in animo esse. Demetriadis Chalcidisque præsidia intra decimum diem audituros deducta: Acrocorinthum ipsis extemplo videntibus vacuam Achæis tradi- turum: ut omnes scirent, utrum Romanis, an Ætolis, mentiri*

^f erumpunt Gron. Crev. ^g nunc victoria nunc fuga Eæd. ^h gravissima Crev.

⁷¹ Gravissima civitatis] Inclytæ, bere gravissima: idque admisit Cleri- cus. Firmat Victorinus liber.

maximæ civitatis. Sic supra c. 17. Segesticam, gravem atque opulentam civitatem. Ceterum hic olim legebat- tur ruina gravissima civitatis. Jac. Gronovius monuit Thuan. codicem ha-

⁷² * In ipsa vindicta libertatis peri- turam] Perituram in iis ipsis conati- bus qui adhibiti fuissent ad vindican- dam eam in libertatem.

U.C. 558. mos esset; qui male commissam libertatem populo Romano sermonibus ⁷³distulerint, et mutatos pro Macedonibus Romanos dominos. Sed illis, nec quid dicerent, nec quid facerent, quidquam umquam pensi fuisse. Reliquas civitates monere, ut ex factis, non ex dictis, amicos pensent: intelligantque, quibus credendum, et a quibus cavendum sit. Libertate modice utantur. temperatam eam, salubrem et singulis, et civitatibus esse: nimiam et aliis gravem, et ipsis, qui habeant, effrenatam et precipitem esse. Concordiæ in civitatibus, principes et ordines inter se, et in commune omnes civitates, consulerent. adversus consentientes nec regem quemquam satis validum, nec tyrannum fore. Discordiam et seditionem omnia opportuna insidiantibus facere, quum pars, quæ domestico certamine inferior sit, externo potius se adplicet, quam civi cedat. Alienis armis partam, externa fide redditam libertatem sua cura custodirent servarentque: ut populus Romanus dignis datam libertatem, ac munus suum bene positum sciret.

Cives Romani qui serviebant apud Græcos liberati.

L. Has velut parentis voces quum audirent, manare omnibus gaudio lacrimæ, adeo ut ipsum quoque confunderent dicentem. Paullisper fremitus adprobantium dicta fuit, monentiumque aliorum alios, ut eas voces, velut oraculo missas, in pectora animosque demitterent. Silentio deinde facto, petiit ab iis, ut cives Romanos, si qui apud eos in servitute essent, conquisitos intra duos menses mitterent ad se in Thessaliam. *Ne ipsis quidem honestum esse, in liberata terra liberatores ejus servire.* Omnes adclamarunt, *gratias se inter cetera etiam ob hoc agere, quod admoniti essent, ut tam pio, tam necessario officio fungerentur.* Ingens numerus erat bello Punico captorum, quos Hannibal, quum a suis non redimerentur, venundederat. Multitudinis eorum argumentum sit¹, quod Polybius scribit, ⁷⁴centum talentis eam rem Achæis stetisse: quum ⁷⁵quingenos denarios pretium in capita, quod redderetur dominis, statuissent. ⁷⁶Mille enim ducentos ea ratione Achaia habuit. Adjice nunc pro portione, quot verisimile sit totam Græciam habuisse. Nondum conventus dimissus erat, quum respiciunt præsidium, ab Acrocorintho descendens, protinus ad portam duci atque

¹ est Gron. Crev.

⁷³ Distulerint] Passim proclamaverint.

⁷⁴ Centum talentis] Marcis argenti 9375.

⁷⁵ Quingenos denarios] Quinas argenti libras Romanas pondo. Septenas marcas nostrates cum sex unciis et semuncia.

⁷⁶ Mille enim ducentos] Ex hoc loco dudum annotatum est denarium et drachmam promiscue sumi. Quingen-

ties enim mille ducenta efficiunt 600000. quæ si dividantur per centum talenta, apparebit unumquodque talentum habuisse sex millia denariorum. Constat autem talentum itidem habuisse sex millia drachmarum. *Itaque quum quingeni denarii in capita pretium fuerint, ex uno talento redempti sunt duodecim Romani, ex centum talentis mille ducenti.

abire. Quorum agmen imperator secutus, prosequentibus U. C. 558. cunctis, servatorem liberatoremque adclamantibus, salutatis A. C. 194. dimissisque eis, eadem, qua venerat, via Elatiam rediit. Acrocorinthus, Chal- inde cum omnibus copiis Ap. Claudium legatum dimittit. eis, et Demetrias liberatæ. per Thessaliam atque Epirum ducere Oricum jubet, atque ibi se opperiri. inde namque in animo esse, exercitum in Italiam trajicere. et L. Quinctio fratri, legato et præfecto classis, scribit, ut onerarias ex omni Græciæ ora eodem contraheret.

LI. Ipse, Chalcidem profectus, deductis non a Chalcide solum, sed etiam ab Oreo atque Eretria, præsidii, conventum ibi Euboicarum civitatum habuit: commonitosque, in quo statu rerum accepisset eos, et in quo relinqueret, dimisit. Demetriadem inde proficiscitur: deductoque præsidio prosequentibus cunctis, sicut Corinthi et Chalcide, pergit ire in Thessaliam: ubi non liberandæ modo civitates erant, sed ex omni conluvione et confusione in aliquam tolerabilem formam redigendæ. Nec enim temporum modo vitii, ac violentia, et licentia regia turbati erant: sed inquieto etiam ingenio gentis, nec comitia, nec conventum, nec concilium ullum, non per seditionem ac tumultum, jam inde a principio ad nostram usque ætatem, traducentes. A censu maxime et senatum et judices legit: potentioremque eam partem civitatum fecit, cui salva tranquillaque omnia magis esse expediebat.

LII. Ita quum percensuisset Thessaliam, per Epirum ⁷⁷in Oricum, unde erat trajecturus, venit. Ab Orico copiæ omnes Brundisium transportatæ. inde per totam Italiam ad urbem prope triumphantes, non minore agmine rerum captarum, quam suo, præ se acto, venerunt. Postquam Romam ventum est, senatus extra urbem Quinctio ad res gestas edisserendas datus est, triumphusque meritis ab lubentibus decretus. Triduum triumphavit. die primo arma, Quinctii triumphus. tela, signaque ærea et marmorea transtulit, plura Philippo adempta, ⁷⁸quam quæ ex civitatibus ceperat: secundo die aurum argentumque, factum infectumque et signatum. Infecti ⁷⁹argenti fuit decem et octo millia pondo, et ducenta septuaginta facti: vasa multa omnis generis, cælata pleraque, quædam eximiæ artis: et ex ære multa fabrefacta. ad hoc clipea argentea decem. Signati argenti octoginta qua-

77 In Oricum] Tolle præpositionem: ut supra, ducere Oricum. SIGONIUS.

78 Quam quæ ex civitatibus] Delet quæ Gronovius.

79 Argenti . . . decem et octo millia pondo] Marcæ nostrates 28125. Du-

centa septuaginta. Parvum sane pondus; nimium fortasse, si addas millia. Ut ut sit, libræ Romanæ 270. sunt marcæ nostrates 421. cum uncis 7. Libræ Romanæ 270000. sunt marcæ 421875.

U. C. 558. tuor millia fuere Atticorum: tetradrachma^k vocant: ⁸⁰trium
 A. C. 194. fere denariorum in singulis argenti est pondus. ⁸¹Auri
 pondo fuit tria millia septingenta quatuordecim, et clipeum
 unum ex auro totum: et ⁸²Philippei nummi aurei quatuor-
 decim millia, quingenti quatuordecim. Tertio die coronæ
 aureæ, dona civitatum, translatae centum quatuordecim: et
 hostiæ ductæ: et ante currum multi nobiles captivi obsides-
 que, inter quos Demetrius regis Philippi filius fuit, et Ar-
 menes, Nabidis tyranni filius, Lacedæmonius. Ipse deinde
 Quinctius in urbem est invectus. milites secuti currum fre-
 quentes, ut omni ex provincia exercitu deportato. His
⁸³ducenti quinquageni æris in pedites divisi: duplex cen-
 turioni, triplex equiti. Præbuerunt speciem triumpho ⁸⁴cap-
 itibus rasis secuti, qui servitute exempti fuerant.

Coloniæ
 Latinæ de-
 ductæ.

LIII. Exitu hujus anni Q. Ælius Tubero tribunus plebis
 ex senatusconsulto tulit ad plebem, plebesque scivit, ⁸⁵Ut
Latinæ duæ coloniæ, una in Bruttios, altera in Thurinum

^k tetradrachmum Gron. Crev.

⁸⁰ Trium fere denariorum in singulis argenti est pondus] Supra, c. 50. observavimus ex ipso Livio denarium censi æqualem drachmæ. Itaque, nisi Livius secum ipse pugnat, legendum hic *LIII. fere denariorum*. Addit fere, id est, circiter, quia reipsa denarium pondere drachma paulo superabat: qua de re consule dissertationem Cl. Labarrei a nobis laudatam in disputatione de ponderibus et mensuris. Igitur octoginta quatuor millia tetradrachmum efficiunt denarios 336000. libras argenti Romanas 3360. marcas nostrates 5250.

⁸¹ Auri pondo . . . tria millia septingenta quatuordecim] Marcæ nostrates 5803. cum una uncia.

⁸² Philippei nummi aurei] Nummum aureum apud Græcos pro drachmo sumi affirmat ex communi fere doctorum consensu Gronovius de Pec. Vet. l. II. c. 8. Quod si ita ponatur, quum mina æstimetur centum drachmis, aurei 14514. efficiunt paulo plus 290. minas. Libra autem Romana censetur par minæ. Itaque exurgunt marcæ nostrates 453. cum una uncia.

⁸³ Duceni quinquageni æris] Id est, denarii 25. unciæ argenti nostrates 3. cum uno, ut vocant, grosso. Gronovianæ editiones *ducenti*. Sed vetustiores et Vict. codex præferunt id quod edidimus, et recta loquendi forma postulabat.

⁸⁴ Capitibus rasis] Pro more eorum

qui libertate donati fuerant. Sic Prusiam infra, l. XLV. c. ult. quum se libertum populi Romani diceret, pileatum, capite raso, legatis Romanis obviam solitum ire memoratur.

⁸⁵ Ut Latinæ duæ coloniæ] Credibile est Latinas colonias fuisse eas, in quas Latini, non Romani mitterentur. Latinæ enim coloniæ jus tantum habebant Latii: eo autem jure qui erant, cives Romani non erant. Porro verisimile non est Romanos in ejusmodi colonias fuisse deductos, quibus adscripti civitatem amitterent. Hoc igitur sit discrimen inter Latinas Romanasque colonias, quod Latinæ, utpote e Latinis deductæ, jus haberent Latii; Romanæ, e Romanis, jus haberent Romanæ civitatis. De jure Latii fuse disserit Sigonius, l. I. de antiquo jure Italiæ, c. 4. ubi non omnia fortasse accurate vera. Sed illud constat, eos qui in civitate, quæ jus Latii haberet, magistratum annum gessissent, civitatem Romanam adeptos esse. De Romanis coloniis censet idem Sigonius, l. II. de antiquo jure Italiæ, c. 3. eas non habuisse jus plenum et integrum civitatis, sed tantum jus Quiritium, puta libertatis, patriæ potestatis, tutelarum: denique in omnibus rebus quæ sunt juris privati, eodem fuisse jure, quo Romanos; jure autem publico suffragiorum, honorum adipiscendorum, caruisse. Utrum id liquido probet, eorum sit judicium, qui argumenta ejus perpendere voluerint.

agrum, deducerentur. His deducendis triumviri creati, qui- U. C. 558.
bus in triennium imperium esset, in Bruttios Q. Nævius, A. C. 194.
M. Minucius Rufus, M. Furius Crassipes: in Thurinum
agrum ⁸⁶ Cn. Manlius, Q. ¹ Ælius, L. Apustius. ea bina co-
mitia Cn. Domitius prætor urbanus in Capitolio habuit.
Ædes eo anno aliquot dedicatæ sunt: una ⁸⁷ Junonis Sospi- Ædes dedi-
tæ in foro olitorio, vota locataque quadriennio ante a C. catæ.
Cornelio consule Gallico bello; censor idem dedicavit: al-
tera Fauni. ædiles eam biennio ante ex multaticio argento
faciendam locarant, C. Scribonius, et Cn. Domitius; qui
prætor urbanus eam dedicavit. et ædem ⁸⁸ Fortunæ Primi-
geniæ in colle Quirinali dedicavit Q. Marcius Ralla, duum-
vir ad id ipsum creatus. voverat eam decem annis ante Pu-
nico bello ⁸⁹ P. Sempronius Sophus, locaverat idem censor.
⁹⁰ Et in insula Jovis ædem C. Servilius duumvir dedicavit.
vota erat sex annis ante Gallico bello ab L. Furio Purpu-
reone prætore; ab eodem postea consule locata. Hæc eo
anno acta.

LIV. P. Scipio ex provincia Gallia ad consules subro-
gandos venit^m. Comitia consulum fuere, quibus creati Comitia.
sunt L. Cornelius Merula et Q. Minucius Thermus. Pos-
tero die creati sunt prætores L. Cornelius Scipio, M. Ful-
vius Nobilior, C. Scribonius, M. Valerius Messalla, L.
Porcius Licinus, et C. Flaminius. ⁹¹ Megalesia, ludos sce-
nicos, C. Atilius Serranus, L. Scribonius Libo ædiles curu-
les primi fecerunt. Horum ædilium ludos Romanos pri-
mum senatus a populo secretus spectavit, præbuitque ser-
mones, (sicut omnis novitas solet) aliis, *tandem, quod multo*
ante debuerit, tributum, consentibus, amplissimo ordini; aliis, Rom. tum
primum se-
natus spec-
tat a populo
secretus.
demtum ex dignitate populi, quidquid majestati Patrum adjec-

¹ Q. I. P. Gron. Crev. ^m rediit Ead.

⁸⁶ Cn. Manlius, P. Ælius] Vel hic legendum est, Q. Ælius, vel initic capitis P. Ælius. Qui enim Ælius triumvir fuit coloniae deducendæ, is ipse est qui legem de ea tulerat, ut constat ex l. XXXV. c. 9.

⁸⁷ Junonis Sospitæ] Sic recte Sigonius, quum prius legeretur Junonis Matuta. Supra l. XXXII. c. 30. quum hanc ipsam ædem voverat C. Cornelius, dicitur vovisse ædem Sospitæ Junoni.

⁸⁸ Fortunæ Primigeniæ] Vid. not. ad l. XXIX. c. 36.

⁸⁹ P. Sempronius Sophus: locaverat idem censor] Hic semper antea a Livio nominatus est P. Sempronius Tuditanus. Sed nihil vetat eundem hominem duo cognomina habuisse. Illud moratur magis, quod Sempronius censor quinquennio ante, quam con-

sul, fuerat. Vid. l. XXVII. c. 11. Vovit autem ædem Fortunæ Primigeniæ consul. Vid. l. XXIX. c. 36. Eam ob causam Piglius hoc loco legendum putat, locaverat idem consul. Sed ex ipsa distinctione membrorum, voverat Punico bello: locaverat idem, videtur Livius duo distinguere tempora voluisse, unum votæ, alterum locatæ ædis. Facile crediderimus hic nostrum, ut sæpe alias tenuibus in rebus, dormitasse.

⁹⁰ Et in insula Jovis ædem] In insula Tiberina ædem Jovis dedicavit.

⁹¹ Megalesia, ludos scenicos . . ædiles curules primi fecerunt] Jam ludi Megalesia facti fuerant. Vid. l. XXIX. c. 14. At nimirum ea mens est Livii, ut tum primum in celebrandis Megalesiis datos esse ludos scenicos memoret.

U. C. 558. *tum esset*, interpretantibus. *et omnia discrimina talia, quibus*
 A. C. 194. *ordines discernentur, et concordiae, et* ⁹² *libertatis æque minu-*
endæ esse. Ad quingentesimum quinquagesimum octavarum an-
num in promiscuo spectatum esse. Quid repente factum, cur
inmisceri sibi in cavea Patres plebem nollent? cur dives pau-
perem consessorem fastidiret? novam et superbam libidinem, ab
nullius ante gentis senatu neque desideratam, neque institutam.
 Postremo ipsum quoque Africanum, quod consul auctor
 ejus rei fuisset, pœnituisse ferunt. adeo nihil motum ex an-
 tiquo, ⁹³ probabile est: veteribus, nisi quæ usus evidenter
 arguit, stari malunt.

U. C. 559. LV. Principio anni, quo L. Cornelius, Q. Minucius con-
 A. C. 193. sules fuerunt, terræ motus ita crebri nunciabantur, ut non
 L. Cornelio, rei tantum ipsius, sed feriarum quoque ob id indictarum,
 Q. Minucio homines tæderet. nam neque senatus haberi, neque respub-
 Coss. lica administrari poterat, sacrificando expiandoque occupa-
 Terræ mo- tis consulibus. Postremo, decemviris adire libros jussis,
 tus. ex responso eorum supplicatio per triduum fuit. coronati
 ad omnia pulvinaria supplicaverunt: edictumque est, ut
 omnes, qui ex una familia essent, pariter supplicarent. item
 ex auctoritate senatus consules edixerunt, ne quis, quo die,
 terræ motu nunciato, feriæ indictæ essent, eo die alium
 terræ motum nunciaret. Provincias deinde consules prius,
 tum prætores sortiti. Cornelius Galliam, Minucius Ligu-
 res sortiti sunt. C. Scribonius urbanam, M. Valerius pere-
 grinam, L. Cornelius Siciliam, L. Porcius Sardiniam, C.
 Flaminius Hispaniam citeriorem, M. Fulvius Hispaniam
 ulteriorem.

LVI. Nihil belli eo anno expectantibus consulibus, lite-
 ræ M. Cincii (præfectus isⁿ Pisis erat) adlatæ: *Ligurum*
viginti millia armatorum, conjuratione per omnia conciliabula
universæ gentis facta, Lanensem primum agrum depopulatos,
Pisanum deinde finem transgressos, omnem oram maris pera-
grasse. Itaque Minucius consul, cui Ligures provincia eve-
nerat, ex auctoritate Patrum in Rostra ascendit, et edixit,
Ut legiones duæ urbanæ, quæ superiore anno conscriptæ essent,
post diem decimum Arretii adessent. in earum locum se duas
legiones urbanas scripturum. item ⁹⁴ *sociis et Latino nomini^o,*

ⁿ is del. Gron. Crev.

^o Latini nominis Gron.

92 * *Libertatis æque*] Adverbium
æque parum aut necessarium aut etiam
 utile est. Libenter legeremus *liberta-*
tis æque, id est, quæ æqua inter cives
 omnes esse debet.

93 * *Probabile est*] Facile probatur,
 facile placet.

94 *Sociis et Latino nomini*] Illic tria
 sunt membra, in quibus posterius semper
 superioris sensum explicat et re-

stringit. *Sociis et Latino nomini*, non
 ipsis civitatibus, sed magistratibus le-
 gatisque eorum, non omnium, sed qui
 ex iis milites dare debebant. Nimirum
 tunc quum reipublicæ opus non esset
 magnis exercitibus, non omnibus La-
 tini nominis populis imperabantur mi-
 lites: sed res in orbem ibat. Similiter
 plane structam orationem habes su-
 pra, l. XXVI. c. 33. Hujus loci sanitas

Ligurum
 conjuratio.

Adparatus
 Romano-
 rum.

magistratibus legisque eorum, qui milites dare debebant, U.C. 559.
edixit, ut in Capitolio se adirent. ⁹⁵ Iis^p quindecim millia A.C. 193.
peditum et quingentos equites, pro numero cujusque junio-
rum, descripsit: et inde e Capitolio protinus ire ad portam,
et, ut maturaretur res, proficisci ad delectum jussit. Fulvio
Flaminioque terna millia Romanorum peditum et centeni
equites in supplementum, et quina millia sociûm Latini no-
minis et duceni equites decreti; mandatumque prætoribus,
ut veteres dimitterent milites, quum in provinciam venis-
sent. Quum milites, qui in legionibus urbanis erant, fre-
quentes ⁹⁶tribunos plebis^a adissent, uti causas cognosce-
rent eorum, quibus aut emerita stipendia, aut morbus causæ
essent, quo minus militarent; eam rem literæ Ti. Sem-
pronii discusserunt, in quibus scriptum erat, *Ligurum decem^r*
millia in agrum Placentinum venisse: et eum usque ad ipsa
coloniæ mœnia et Padi ripas cum cædibus et incendiis perpo-
pulatos esse. Boiorum quoque gentem ad rebellionem spectare.
Ob eas res ⁹⁷tumulum esse decrevit senatus; *tribunos plebei* Tumultum
non placere causas militares cognoscere, quo minus ad edictum esse decer-
convenirent. Adjecerunt etiam, ut socii nominis Latini, qui nit senatus.
in exercitu P. Cornelii, Ti. Sempronii fuissent, et dimissi ab
iis consulibus essent, ut, ad quam diem L. Cornelius consul
edixisset, et in quem locum edixisset Etruriæ, convenirent:
et uti^r L. Cornelius consul, in provinciam proficiscens, in
oppidis agrisque, qua iturus esset, si quos ei videretur, mi-
lites scriberet, armaretque, et duceret secum: dimittendique
ei, quos eorum, quandoque vellet, jus esset.

LVII. Postquam consules, delectu habito, profecti sunt Legationes
in provincias, tum T. Quinctius postulavit, *ut de his, quæ* Græciæ et
cum decem legatis ipse statuisset, senatus audiret; eaque, si Asiæ.
videretur, auctoritate sua confirmaret. Id eos facilius factu-
ros, si legatorum verba, qui ex universa Græcia et magna

^p Ex iis Gron.^a plebeios Gron. plebei Crev.^r quindecim Gron. Crev.^s ut Eæd.

debetur Vict. codici. Editi habebant
sociis et Latini nominis magistratibus:
quod plane ferri non poterat. Saltem
scribi debuisset sociorum, ut pridem
coniciebamus. Sed scriptura Vict. li-
bri clara et elegans est. Nec dubita-
mus quin et alii quoque MSS. idem
servent, quamvis sileant editores.

⁹⁵ Iis quindecim millia peditum ...
descripsit] Vulgo habetur ex iis. Re-
secuimus præpositionem, quam a scrip-
tis suis abesse testatur Gronovius, et
ignorat quoque noster Victorinus. Iis
descripsit, id est, non modo imperavit
in universum quindecim millia peditum
et quingentos equites, sed singulis civi-
tatibus, quot quæque pedites, quot

equites daret, pro numero juniorum
cujusque civitatis. Sic Cic. in Ep. ad
Q. Fratrem: *vectigal quod iis equali-*
ter Sulla descripserat. Hinc et *jura*
describere, id est, jus cuique reddere et
quasi dispartiri. Cic. pro Quint. n.
45. et l. V. in Verr. n. 27.

⁹⁶ Tribunos plebei adissent] Dede-
rant hic tribunos plebeios, quomodo
nusquam Livius. Correximus ex auc-
toritate trium codd. unius a Jac. Gro-
novio, alterius ab Hearnio memorati,
tertiî Victorini. Quibus adde et Sigo-
nium, qui affert e suo tribunos plebis.

⁹⁷ Tumultum esse decrevit senatus]
Vid. not. 52. ad l. VII. c. 9.

U. C. 559. *parte Asiæ, quique ab regibus venissent, audissent. Hæ legationes a C. Scribonio prætore urbano in senatum introductæ sunt; benigneque omnibus responsum. Cum Antiocho quia longior disceptatio erat, decem legatis, quorum pars in Asia, aut Lysimachiæ apud regem fuerant, delegata est. T. Quinctio mandatum, ut, adhibitis iis, legatorum regis verba audiret, responderetque iis, quæ ex dignitate atque utilitate populi Romani responderi possent. Menippus et Hegesianax principes regiæ legationis erant. ex iis*

Oratio legatorum Antiochi.

Menippus, Ignorare se, dixit, quidnam perplexi sua legatio haberet, quum simpliciter ⁹⁸ad amicitiam petendam jungendamque societatem venissent. Esse autem tria genera fœderum, quibus inter se paciscerentur amicitias civitates regesque. Unum, quum bello victis dicerentur leges. ubi enim omnia ei, qui armis plus posset, dedita essent, quæ ex iis habere victos, quibus multari eos velit, ipsius jus atque arbitrium esse. Alterum, quum pares bello æquo fœdere in pacem atque amicitiam venirent. tunc enim repeti reddique per conventionem res, et, si quarum turbata bello possessio sit, eas aut ex formula juris antiqui, aut ex partis utriusque commodo componi. Tertium esse genus, quum, qui hostes numquam fuerint, ad amicitiam sociali fœdere inter se jungendam cœant. eos neque dicere, neque accipere leges; id enim victoris et victi esse. Ex eo genere quum Antiochus esset, ⁹⁹mirari se, quod Romani æquum censeant, ei leges dicere, quas Asiæ urbium liberas et immunes, quas stipendiarias esse velint; quas intrare præsidia regia regemque ventent. Cum Philippo enim hoste pacem, non cum Antiocho amico societatis fœdus ita sanciendum esse.

Responsum Quinctii.

LVIII. Ad ea Quinctius: Quoniam vobis distincte agere libet, et genera jungendarum amicitiarum enumerare, ego quoque duas condiciones ponam, extra quas nullam esse regi nuncietis amicitia cum populo Romano jungendæ. Unam, si nos nihil, quod ad urbes Asiæ adtinet, curare velit, ut et ipse omni Europa absteineat. alteram, si se ille Asiæ finibus non contineat, et in Europam transcendat, ut et Romanis jus sit, Asiæ

⁹⁸ * Ad amicitiam petendam jungendamque societatem] Ut quæ verbis jam usurpata pridem erat inter Antiochum populumque Romanum amicitia ac societas, fœdere quoque firmaretur. Hæc dicta Menippi ideo sic interpretamur, quia supra XXXII. 8. socius jam t amicus a senatu Antiochus appellatus est. Vid. et infra XXXVI. 3.

⁹⁹ Mirari se, quod Romani æquum censeant] Hanc locutionem suspectam habuit Gronovius: sed immerito. Ut enim omittamus similia prorsus exempla apud nostrum, l. II. c. 54. Mirari

primo quod non descenderet tribunus, (cui quoque loco corruptionis notam affingere voluit Gronovius) et l. XXXVI. c. 41. Magis mirari se, quod non jam in Asia essent Romani; Cicero non semel eandem loquendi formam usurpavit. Sic l. XVI. ad Att. ep. ult. Non dubito quin mirere, atque etiam stomachare, quod tecum de eadem re agam sapius: et l. II. de Divin. n. 51. Cato mirari se aiebat, quod non rideret aruspex, aruspiciem quum vidisset.

civitatum amicitias et tueri, quas habeant, et novas complecti. U. C. 559. Enimvero id auditu etiam, dicere, indignum esse, Hegesianax, A. C. 193. ¹Thraciæ et Chersonesi urbibus arceri Antiochum; quæ ²Se- Disceptatio legatorum cum Roma-
leucus proavus ejus, Lysimacho rege bello victo et in acie cæso, nis.
per summum decus parta reliquerit; pari cum laude partim ab
Thracibus possessa armis receperit Antiochus, partim deserta,
sicut ipsam Lysimachiam, et revocatis cultoribus frequentave-
rit, et, quæ strata ruinis atque incendiis erant, ingentibus in-
pensis edificaverit. Quid igitur simile esse, ex ea possessione;
ita parta, ita recuperata, deduci Antiochum, et Romanos abs-
tinere Asia, quæ numquam eorum fuerit? Amicitiam Roma-
norum expetere Antiochum: sed quæ impetrata gloriæ sibi, non
pudori, sit. Ad hæc Quinctius, Quandoquidem, inquit, ho-
nesta pensamus; sic ut aut sola, aut prima certe, pensari decet
principi orbis terrarum populo et tanto regi; utrum tandem
videtur honestius, liberas velle omnes, quæ ubique sunt, Græciæ
urbes, an servas et vectigales facere? Si sibi Antiochus pul-
chrum esse censet, quas urbes proavus belli jure habuerit, avus
paterque numquam usurpaverint pro suis, eas repetere in servi-
tutem; et populus Romanus, susceptum patrocinium libertatis
Græcorum non deserere, fidei constantiæque suæ ducit esse.
Sicut a Philippo Græciam liberavit, ita et ab Antiocho Asiæ
urbes, quæ Graii nominis sint, liberare in animo habet. Neque

1 Thraciæ et Chersonesi urbibus ... quæ Seleucus .. parta reliquerit] Nota insignem anomaliam discordantium generum: urbibus, quæ parta. Ac vix nobis persuademus hæc ita a Livio scripta esse. Forsitan dederat ille, urbibus et locis. Haud absimiliter tamen Sallustius, de bello Jug. c. 41. abundantia earum rerum, quæ prima mortales ducunt.

2 Seleucus proavus ejus] Gronovius censet hic Livium abusum esse voce proavus, quum Antiochus Magnus a Seleuco Nicatore quintus fuerit, ortus Seleuco Callinico, hic Antiocho Deo, hic Antiocho Sotere, Seleuci-Nicatoris filio. Hæc si ita se habent, si Antiochus Deus Antiochi Soteris filius fuit, quæ communis est omnium fere, tum veterum, tum recentiorum opinio, Antiochus Magnus abavum habuit Seleucum, non proavum. At ex Appiano nobis quædam hac de re dubitatio suboritur, ut Antiochus Deus frater Antiochi Soteris, non filius fuisse videatur. Hic afferemus ipsa Appiani verba in Syr. versus finem. Σελεύκῳ δ' ἀποθανόντος, διαδεχόμενος παῖδός πατρὸς ἐκδιχομένοι τὴν Σύρον ἀρχὴν, ἰγίνοντο οἱδὲ Ἀντίοχος μὲν πρῶτος οἰδὲ ὁ τῆς μητροῦς ἱεραστὴς, ὁ καὶ Σωτὴρ ἰτεκλήθη ... διούτινος

δὲ Ἀντίοχος ἑτερος, ἐκ τῶνδὲ τῶν γάμων γενομένος, ὅτε ὁ Θεὸς ἐπώνυμος ὑπὸ Μιλησίων γίνεσθαι. Dejuncto Seleuco patri successerunt in Syriæ regnum hi filii: primus hic ipse Antiochus qui novercam adamaverat, cognomento Soter: secundus vero, Antiochus alius, ex hac nupta, id est, Stratonice, genitus, nempe a Seleuco, quem Deum cognominaverunt Milesii. Si recte a nobis mens Appiani intelligitur, profecto Antiochi duo, Soter et Deus, fratres fuerunt. Et optime quadrat id quod Appianus paulo superius testatur, Stratonicen, antequam Antiocho Soteri nuberet, apud Seleucum enixam fuisse. Quin etiam, si vera narrat Appianus, unde ortum duxerit communis error, videmur non inepte suspicari. Potuit nempe Antiochus Deus eo facilius credi Antiochi Soteris filius, quod privignus ejus fuerit, ob Stratonicen, quæ prius Seleuco Nicatori nupta, quum hunc Deum apud eum peperisset, postea, concedente Seleuco, Antiocho Soteri nupsit. Hæc nos non omnino affirmare audemus, quia ceteri scriptores fere dissentiant: sed neque suppressere sustinimus, quum Livii auctoritas Appiani testimonio conjuncta aliquid certe momenti facere debeat.

U. C. 559. *enim in Æolidem Ioniamque coloniæ in servitutem regiam missæ sunt: sed stirpis augendæ causa, gentisque vetustissimæ per orbem terrarum propagandæ.*
 A. C. 193.

LIX. Quum hæsitaret Hegesianax, nec inficiari posset, ³honestiorem causam libertatis, quam servitutis, prætexi titulo; *Quin mittimus ambages*, inquit P. Sulpicius, qui maximus natu ex decem legatis erat. *Alteram ex duabus conditionibus, ⁴quæ modo diserte a Quintio datæ sunt, legite: aut supersedete de amicitia agere.* Nos vero, inquit Menippus, *nec volumus, nec possumus pacisci quidquam, quo regnum Antiochi minuatur.* Postero die Quinctius legationes universas Græciæ Asiæque quum in senatum introduxisset, ut scirent, quali animo populus Romanus, quali Antiochus erga civitates Græciæ essent; postulata et sua, et regis exposuit. *Renunciarent civitatibus suis, populum Romanum, qua virtute quaque fide libertatem eorum a Philippo vindicaverit, eadem ab Antiocho, nisi decedat Europa, vindicaturum.* Tum Menippus deprecari et Quinctium et Patres institit, *Ne festinarent decernere, quo decreto turbaturi orbem terrarum essent. Tempus et sibi sumerent, et regi ad cogitandum darent. cogitaturum, quum renunciatæ conditiones essent: et impetraturum aliquid, aut pacis causa ⁵consensurum.* Ita integra dilata res est. legatos mitti ad regem eosdem, qui Lysimachiæ apud eum fuerant, placuit, P. Sulpicium, P. Vilium, P. Ælium.

Integra res
de Antiocho
differtur.

Hannibal
Antiochum
ad bellum
conciat.

Suadet ut
in Italia bel-
lum gera-
tur.

LX. Vixdum ii profecti erant, quum a Karthagine legati, bellum haud dubie parare Antiochum, Hannibale ministro, adtulerunt, injeceruntque curam, ne simul et Punicum bellum excitaretur. Hannibal, patria profugus, pervenerat ad Antiochum, sicut ante dictum est: et erat apud regem in magno honore, nulla alia arte, nisi quod volutanti diu consilia de Romano bello nemo aptior super tali re particeps sermonis esse poterat. Sententia ejus una atque eadem semper erat, *ut in Italia bellum gereretur. Italiam et commeatus et militem præbiturum externo hosti. Si nihil ibi moveatur, liceatque populo Romano viribus et copiis Italiæ extra Italiam bellum gerere; neque regem, neque gentem ullam*

3* *Honestiorem causam*] Honestiorem causam prætexi titulo libertatis, quam titulo servitutis. Vox titulo est in dandi casu. Titulus hic est id quod præfertur. Præ se ferebant Romani animum ac consilium tuendæ libertatis Græcarum Asiæ civitatum. Contra præ se ferebat Antiochus animum ac consilium repetendarum in servitutem regiam earundem civitatum. Porro honestiore causa splendet professio tu-

endæ libertatis, quam exigendæ servitutis.

4 *Quæ modo diserte a Quintio datæ sunt*] Recte Gronovius emendat *latæ sunt*. Sic l. XXVII. c. 30. victos victori sibi ultro conditiones ferre: et alibi sæpius.

5 *Consensurum*] Magis placeret *consensurum*: quod habent duo scripti, teste Gron.

parem Romanis esse. Sibi centum tectas naves, et' decem U.C. 559. millia peditum, mille equites deposcebat. Ea se classe pri- A.C. 193. mum Africam petiturum. magnopere confidere, et Karthaginenses ad rebellandum ab se compelli posse. Si illi cunctentur, se aliqua parte Italiae bellum excitaturum Romanis. Regem cum ceteris omnibus transire in Europam debere, et in aliqua parte Græciæ copias continere, neque trajicientem, et (quod in speciem famamque belli satis sit) paratum trajicere.

LXI. In hanc sententiam quum adduxisset regem, præ-Concitare parandos sibi ad id popularium animos ratus, literas, ne conatur quo casu interceptæ palam facerent conata, scribere non est Pœnos. ausus. Aristonem quemdam Tyrium nactus Ephesi, exper- Aristone tusque solertiam levioribus ministeriis; partim donis, partim misso Kar- spe præmiorum oneratum, quibus etiam ipse rex adnuerat, thaginem. Karthaginem cum mandatis mittit; edit nomina eorum, quibus conventis opus esset: instruit etiam secretis notis, per quas haud dubie agnoscerent sua mandata esse. Hunc Aristonem Karthagine obversantem non prius amici, quam inimici Hannibalis, qua de caussa venisset, cognoverunt. Et primo in circulis conviviisque celebrata sermonibus res est. deinde in senatu quidam, *Nihil actum esse, dicere, exsilio Hannibalis, si absens quoque novas moliri res, sollicitandoque animos hominum turbare statum civitatis posset. Aristonem quemdam, Tyrium advenam, instructum mandatis ab Hannibale et ab Antiocho rege, venisse: certos homines quotidie cum eo secreta conloquia serere, et in occulto conloqui, quod mox in omnium perniciem erupturum esset. Conclamare omnes, Vocari Aristonem debere, et quæri, quid venisset: et, nisi expromeret, cum legatis Romam mitti. satis pro temeritate unius hominis suppliciorum pensum esse. Privatos suo periculo peccaturos. rempublicam non extra noxam modo, sed etiam extra famam noxæ, conservandam esse. Vocatus Aristo purgare sese, et firmissimo propugnaculo uti, quod literarum nihil^u ad quemquam adtulisset. ceterum nec caussam adventus satis expediebat, et in eo maxime hæsitabat, quod cum⁷ Barcinæ solum factionis hominibus conlocutum eum arguebant. Orta deinde altercatio est, aliis pro speculatore comprehendendi jam et custodiri jubentibus, aliis negantibus, tumultuandi caussam esse. mali rem exempli esse, de nihilo hospites corripere. Idem Karthaginiensibus, et Tyri, et in aliis emporiis, in quæ frequenter commeent, eventu-*

^t et del. Gron. Crev.

^u nihil literarum Crev.

6* *Et in occulto colloqui, quod]* Durum hoc profecto videri debet, nec sapit Livianam elegantiam. Vix dubitamus quin scriptum fuerit coqui. Et hic occultis consultationibus id parari, strui, quod mox in omnium perniciem

erupturum esset. Sic supra VIII. 3. Omnibus consultationibus inter se principes Romanorum coquebant bellum.

7* *Barcinæ . . . factionis]* Vid. not. 10. ad XXI. 2.

U.C. 559. *rum.* Dilata eo die res est. Aristo, Punico ingenio inter
 A. C. 193. Pœnos usus, tabellas conscriptas celeberrimo loco supra sedem quotidianam ⁸magistratuum⁹ prima vespera suspendit. ipse de tertia vigilia navem conscendit et profugit. Postero die, quum Suffetes ad jus dicendum consedisent, conspectæ tabellæ, demtæque, et lectæ. Scriptum erat, ARISTONEM PRIVATIM AD NEMINEM, PUBLICÆ AD SENIORES (ita senatum vocabant) MANDATA HABUISSE. ⁹Publicato crimine, minus intenta de paucis quæstio erat. mitti tamen legatos Romam, qui rem ad consules et ad^x senatum deferrent, placuit; simul qui de injuriis Masinissæ quererentur.

Masinissa
 adgreditur
 Karthaginienses.

Legati Pœnorum et Masinissæ Romam veniunt.

LXII. Masinissa postquam et ¹⁰infames Karthaginienses, et inter se ipsos discordes sensit, principes propter colloquia Aristonis senatui, senatum propter indicium ejusdem Aristonis populo suspectum, locum injuriæ esse ratus, agrum maritimum eorum et depopulatus est, et quasdam urbes vectigales Karthaginiensium sibi coëgit stipendium pendere. Emporia vocant eam regionem. ora est minoris Syrtis, et agri uberis; una civitas ejus Leptis: ea singula in dies talenta vectigal Karthaginiensibus dedit. ¹¹Hanc tum regionem et totam infestam Masinissa, et ex quadam parte dubiæ possessionis, sui regni, an Karthaginiensium esset, effecerat. et quia simul ad purganda crimina, et questum de se Romam eos ituros comperit: qui et illa onerarent suspicionibus, et de jure vectigalium disceptarent, legatos et ipse Romam mittit⁷. Auditi de Tyrio advena primum Karthaginienses curam injecere Patribus, ne cum Antiocho simul et Pœnis bellandum esset. maxime ea suspicio crimen urgebat, quod, quem comprehensum Romam mitti placuisset, nec ipsum, nec navem ejus custodissent. De agro deinde cum regis legatis disceptari cœptum. Karthaginienses jure finium caussam tutabantur; *quod intra eos terminos esset, quibus P. Scipio victor agrum, qui juris esset Karthaginiensium, finisset:* et confessione regis: *qui, quum Aphirem profugum ex regno suo, cum parte Numida-*

⁸ magistratus Gron.

^x ad del. Gron. Crev.

⁷ misit Eæd.

⁸ Magistratuum] Nempe Suffetum, qui infra appellatur. Hæc est lectio scriptorum et vett. editorum, teste Gronovio. Consentit Vict. codex. Recentiores editi male præferebant magistratus.

⁹ Publicato crimine] Quum ex Aristonis indicio suspensiones jam et criminationes in totum communiter senatum, non in privatum quemquam reciderent.

¹⁰ Infames] Suspectos Romanis,

tanquam rebellandi consilia agentes.

¹¹ * Hanc tum regionem] Hanc tum regionem et totam fecerat infestam vastando, urendo; et fecerat quoque ut eadem regio quadam ex parte esset dubiæ possessionis, incertumque esset Numidicæ regni illa pars an Carthaginiensium esset: quia nempe quædam in ea regione loca possidebat, quæ sua esse contenderet, Carthaginienses ut ex se injuste capta repeterent.

rum vagantem circa Cyrenas, persequeretur, precario ab se iter U. C. 559. per eum ipsum agrum, tamquam haud dubie Karthaginiensium A. C. 193. juris, petisset. Numidæ et de terminatione Scipionis mentiri eos arguebant: et, si quis veram originem juris exigere vellet, quem proprium agrum Karthaginiensium in Africa esse? Advenis, ¹² quantum secto bovis tergo amplecti loci potuerint, tantum ad urbem communiendam precario datum. quidquid Byrsam sedem suam excesserint, vi atque injuria partum habere. ¹³ Neque eum^z, de quo agatur, probare eos posse, non modo semper, ex quo cœperint, sed ne diu quidem eos possedissee. Per opportunitates, nunc illos, nunc reges Numidarum, usurpasse jus: semperque penes eum possessionem fuisse, qui plus armis potuisset. Cujus conditionis res fuerit, priusquam hostes Romanis Karthaginienses, socius atque amicus rex Numidarum esset, ejus sinerent esse: nec se interponerent, quo minus, qui possent, tenerent. Responderi legatis utriusque partis placuit, missuros se in Africam, qui inter populum Karthaginiensem et regem in re præsentī disceptarent. Missi P. Scipio Africanus, et C. Cornelius Cethegus, et M. Minucius Rufus; Scipio legatus in Africam missus. audita inspectaque re, suspensa omnia, neutro inclinatis sententiis, reliquere. Id utrum sua sponte fecerint, an quia mandatum ita fuerit, non tam certum est, quam videtur tempori aptum fuisse, ¹⁴ integro certamine eos relinqui. Nam, ni ita esset, unus Scipio, vel notitia rei, vel auctoritate, ita de utrisque meritis, finire nutu disceptationem potuisset.

^z enim Gron.

¹² * Quantum secto bovis tergo] Jamdudum illa fabella a doctis explosa est. Pœni vocaverant primum locum a se communitum Bosra, id est, arcem. Græci, apud quos litteræ s et r nunquam continuantur, dixerunt βύρσα. quæ vox quum designet corium, inde propagata est lepida illa fabella de secto bovis tergo.

¹³ Neque eum de quo agatur] Eum agrum. Vulgo hic legitur, neque enim: male. Eum habet Thuan. codex, teste Jac. Gronovio: et consentit Victorinus. Sed et in iis quæ sequuntur ratio Grammaticæ postulat, ut legatur se possedissee, non eos.

¹⁴ * Integro certamine] Injudicata lite.



EPITOME LIBRI XXXV.

P. SCIPIO Africanus legatus ad Antiochum Ephesi cum Hannibale, qui se Antiocho junxerat, conlocutus est; ut, si fieri posset, metum ei, quem ex populo Romano conceperat, eximeret. Inter alia quum quæreretur, quem fuisse maximum imperatorem Hannibal crederet, respondit: Alexandrum Macedonum regem, quod parva manu innumerabiles exercitus fudisset; quodque ultimas oras, quas visere supra spem humanam esset, peragrasset. Quærenti deinde, quem secundum poneret, Pyrrhum, inquit, castra metari primum docuisse. ad hoc neminem elegantius loca cepisse, præsidia disposuisse. Exsequenti, quem tertium diceret, semet ipsum dixit. Ridens Scipio, Quidnam tu diceres, si me, inquit, vicisses? Tunc vero, inquit, me et ante Alexandrum, et ante Pyrrhum, et ante alios posuissem. Inter cetera prodigia, quæ plurima fuisse traduntur, bovem Cn. Domitii consulis locutum, Roma cave tibi, refertur. Adparant in Antiochum bellum Romani. Nabis Lacedæmoniorum tyrannus, incitatus ab Ætolis, qui et Philippum et Antiochum ad inferendum bellum populo Romano sollicitabant, a populo Romano descivit: et, bello adversus Philopœmenem Achæorum prætorem gesto, ¹ab Ætolis et ab Alexameno duce eorum interfectus est. Ætoli quoque ab amicitia populi Romani defecerunt. cum quibus societate juncta, Antiochus Syriæ rex, quum bellum Græciæ intulisset, complures urbes occupavit; inter quas Chalcidem, et totam Eubœam. Res præterea in Liguribus gestas et adparatum belli ab Antiocho continet.

1 Ab Ætolis et Alexameno duce eorum] Quatuor ultimas voces, quæ a vulgatis absunt, in uno e MSS. suis exstare testatur Gronovius.

T. LIVII PATAVINI

LIBER XXXV.

U. C. 559.
A. C. 193.
Res Hispaniæ.

PRINCIPIO anni, quo hæc gesta sunt, Sex. Digitius prætor in Hispania citeriore cum civitatibus iis, quæ post profectionem M. Catonis permultæ rebellaverant, crebra magis, quam digna dictu, prælia fecit, et adeo pleraque adversa, ut vix ¹dimidium militum, quam quod acceperat, successori tradiderit. Nec dubium est, quin omnis Hispania sublatura animos fuerit, ni alter prætor P. Cornelius Cn. F. Scipio trans Iberum multa secunda prælia fecisset: quo terrore non minus quinquaginta oppida ad eum defece-
runt. Prætor hæc gesserat Scipio. Idem pro prætore, Lusitanos, pervastata ulteriori provincia, cum ingenti præda domum redeuntes, in ipso itinere adgressus ab hora tertia diei ad octavam incerto eventu pugnavit, numero militum impar, superior aliis: nam et acie frequenti armatis adversus longum et inpeditum turba pecorum agmen, et recenti milite adversus fessos longo itinere concurrerat. Tertia namque vigilia exierant hostes: huic nocturno itineri tres diurnæ horæ accesserant: nec ulla quiete date, laborem viæ prælium exceperat. Itaque principio pugnae vigoris aliquid in corporibus animisque fuit, et turbaverant primo Romanos: deinde æquata paullisper pugna est. In hoc discrimine ludos Jovi, ²si vi fudisset cecidissetque hostes, proprætor vovit. Tandem gradum acrius intulere Romani, cessitque Lusitanus. deinde prorsus terga dedit. et, quum institissent fugientibus victores, ad duodecim millia hostium sunt cæsa: capti quingenti quadraginta, omnes fere^a equites: et signa militaria capta centum triginta quatuor. de exercitu Romano septuaginta et tres amissi. Pugnatum haud procul Ilipa urbe est. Eo victorem opulentum prædæ exercitum P. Cornelius reduxit. ea omnis ante urbem exposita est: potestasque dominis suas res cognoscendi facta. cetera vendenda quæstori data: ³quod inde refectum est, militi divisum.

^a ferme Gron. Crev.

¹ *Dimidium militum, quam quod acceperat*] Non agnoscit unus e Gronovii MSS. vocem *quod*, quæ nec necessaria est. Simile mendum irrepserat supra XXXIV. 52. * Vid. ibi not. 78.

² *Si vi fudisset*] Sigonii liber, et

noster Victorinus si *fudisset*: recte.

³ *Quod inde refectum est*] Quod ex divendita præda collectum pecuniæ est. Sic apud Cic. in *Paradoxis*, *antequam tibi ex tuis possessionibus tantum reficiatur, ut . . .*

II. Nondum ab Roma profectus erat C. Flaminius prætor, U. C. 559. quum hæc in Hispania gerebantur. itaque tam adversæ, A. C. 193. quam secundæ res per ipsum amicosque ejus magnis sermonibus celebrabantur: et tentaverat, quoniam bellum ingens Contentio de supplemento in Hispaniam. in provincia exarsisset, et exiguas reliquias exercitus ab Sex. Digitio, atque eas ipsas plenas pavoris ac fugæ accepturus esset, ut unam sibi ex urbanis legionibus decernerent: ad quam quum militem ab se ipso scriptum ex senatusconsulto adjecisset, eligeret ex omni numero sex^b millia et quingentos pedites, et equites trecentos. *Ea se legione (nam in Sex. Digitii exercitu haud multum spei esse) rem gesturum.* Seniores negare, *Ad rumores. a privatis temere in gratiam magistratum confictos, senatusconsulta facienda esse. nisi quod aut prætores ex provinciis scriberent, aut legati renunciarent, nihil ratum haberi debere. Si tumultus in Hispania esset, placere, tumultuarios milites extra Italiam scribi a prætore.* Mens ea senatus fuit, ut in Hispania tumultuarii milites legerentur. Valerius Antias et in Siciliam navigasse delectus caussa C. Flaminius scribit: et ex Sicilia Hispaniam petentem, tempestate in Africam delatum, vagos milites de exercitu P. Africani sacramento rogasse: his duarum provinciarum delectibus tertium in Hispania adjecisse.

III. Nec in Italia segnius Ligurum bellum crescebat. Res Liguræ. Pisas jam quadraginta millia^c hominum, adfluente quotidie multitudine ad famam belli spemque prædæ, circumsedebant. Minucius consul Arretium^d die, quem dixerat^d ad conveniendum militibus, venit. inde quadrato agmine ad Pisas duxit; et, quum hostes mille passuum ab oppido^e trans fluvium movissent castra, consul urbem, haud dubie servatam adventu suo, est ingressus. Postero die et ipse Minucii Cos. res in Liguria gestæ. trans fluvium fere quingentos passus^f ab hoste posuit castra. inde levibus præliis a populationibus agrum sociorum tutabatur. in aciem exire non audebat, novo milite, et ex multis generibus hominum conlecto, ⁵necdum noto satis inter se, ut fidere alii aliis possent. Ligures multitudine freti et in aciem exibant, parati de summa rerum decernere: et abundantes militum numero passim multas manus per extremam finium ad prædandum emittebant: et, quum coacta vis

^b sex l. tria Gron. Crev. ^c millibus Crev. ^d edixerat Gron. Crev. ^e hostes non plus passuum tribus millibus ab oppido Eæd. ^f ferme mille passus Eæd.

4 Die quem edixerat] Plurimi scripti, dixerat: quod magis placet.

5 Necdum noto satis inter se, ut fidere alii aliis possent] Editi ante Gelenium, ut vix fidere: quæ verior et

magis Latina lectio videtur. Necdum noto satis, id est, parum adhuc noto inter se, ita ut vix fidere alii aliis possent.

U. C. 559. magna pecorum prædæque esset, paratum erat præsidium,
A. C. 193. per quod in castella eorum vicosque ageretur.

L. Cornelii
res gestæ
apud Boios.

IV. Quum bellum Ligustinum ad Pisas constitisset, consul alter L. Cornelius Merula per extremos Ligurum fines exercitum in agrum Boiorum induxit, ubi longe alia belli ratio, quam cum Liguribus, erat. Consul in aciem exibat, hostes pugnam detrectabant: prædatumque, ubi nemo obviam exiret, discurrebant Romani; Boii diripi sua inpune, quam tuendo ea conserere certamen, malebant. Postquam omnia ferro ignique satis evastata erant, consul agro hostium excessit, et ad Mutinam agmine incauto, ut inter pacatos, ducebat. Boii, ubi egressum e finibus suis hostem sensere, sequebantur silenti agmine, locum insidiis quærentes. nocte prætergressi castra Romana saltum, qua trans-eundum erat Romanis, insederunt. Id quum parum occulte fecissent, consul, qui multa nocte solitus erat movere castra, ne nox terrorem in tumultuario prælio augetet, lucem exspectavit: et, quum luce moveret, tamen turmam equitum exploratum misit. Postquam relatum est, quantæ copiæ, et in quo loco essent, totius agminis sarcinas in medium conjici jussit. ⁶et triarios vallum circumjicere: cetero exercitu instructo ad hostem accessit. Idem et Galli fecerunt, postquam apertas esse insidias, et recto ac justo prælio, ubi vera virtus vinceret, dimicandum viderunt.

V. Hora secunda ferme concursum est. ⁷sinistra sociorum^s ala et ⁸extraordinarii prima in acie pugnabant. præerant duo consulares legati, M. Marcellus et Ti. Sempronius, prioris anni consul. Novus consul nunc ad prima signa erat, nunc legiones continebat in subsidiis; ne certaminis studio prius procurrerent^h, quam datum signum esset. equites earum extra aciem in locum patentem Q. et P. Minucios tribunos militum educere jussit. inde, quum signum dedisset, inpetum ex aperto facerent. Hæc agenti nuncius venit a Ti. Sempronio Longo, *non sustinere extraordinarios inpetum Gallorum, et casos permultos esse: et, qui supersint, partim labore, partim metu remisisse ardorem pugnae. legionem alteram ex duabus, si videretur, submitteret, priusquam igno-*

^g equitum ins. Crev.

^h concurrerent Gron. Crev.

6 Et Triarios vallum circumjicere] Nempe sarcinis; circum sarcinas vallum jacere: ut vallo objecto sarcinae in tuto essent, ac præsertim, ut haberent ii qui pugnaturi erant, quo se reciperent, si pellerentur. Mos erat Triarios ad custodiam castrorum relinqui: quod observat ex Dionysio Lipsius l. IV. de Mil. Rom. dial. 1.

7 Sinistra sociorum equitum ala] Dele fidenter cum Lipsio, l. II. de Mil. Rom. dial. 7. vocem equitum: hic enim de peditibus sociis agitur. Hoc probat tota prælii narratio. Vid. not. ad l. XXV. c. 21. supra.

8 Extraordinarii] Itidem pedites. Vid. not. ad l. XXVII. c. 12.

minia acciperetur. Secunda legio missa est, et extraordinaria recepti. Tum redintegrata est pugna. ⁹Quum et recens miles, et frequens ordinibus legio successisset^g, et sinistra ala ex prælio subducta est; dextra in primam aciem subiit. Sol ingenti ardore torrebat minime patientia æstus corpora Gallorum: densis tamen ordinibus nunc alii in alios, nunc in scuta incumbentes, sustinebant inpetus Romanorum. Quod ubi animadvertit consul, ad perturbandos ordines eorum C. Livium Salinatorem, qui præerat ¹⁰alariis equitibus, quam concitatissimos equos inmittere jubet: et legionarios equites in subsidiis esse. Hæc procella equestris primo confudit et turbavit, deinde dissipavit aciem Gallorum; non tamen, ut terga darent. Obstabant duces, hastilibus cædentes terga trepidantium, et redire in ordines cogentes: sed interequitantes alarii non patiebantur. Consul obtestabatur milites, *Ut paullulum adniterentur: victoriam in manibus esse. dum perturbatos^h et trepidantes viderent, instarent. si restitui¹¹ ordines sissentⁱ, integro rursus eos prælio et dubio dimicatuross.* Inferre vexillarios jussit signa. omnes connisi tandem averterunt hostem. Postquam terga dabant, et in fugam passim effundebantur, tum ad persequendos eos legionarii equites inmissi. Quatuordecim millia Boiorum eo die cæsa sunt; vivi capti mille nonaginta duo: equites septingenti viginti unus, tres duces eorum, signa militaria ducenta duodecim, carpenta sexaginta tria. Nec Romanis incruenta victoria fuit. supra quinque millia militum, ipsorum aut sociorum, sunt amissa, centuriones tres et viginti, præfecti socium quatuor, et M. Genucius, et M. Marcius, tribuni militum secundæ legionis.

VI. Eodem fere tempore duorum consulum literæ adlatæ sunt, L. Cornelii de prælio ad Mutinam cum Boiis facto, et Q. Minucii a Pisis. *Comitia suæ sortis esse. ceterum adeo suspensa omnia in Liguribus se habere, ut abscedi inde, sine perniciæ sociorum et damno reipublicæ, non possit. Si ita videretur Patribus, mitterent ad collegam, ut is, qui profligatum bellum haberet, ad comitia Romam redirect: si id facere gravaretur, quod non suæ sortis id negotium esset, se quidem facturum, quodcumque senatus censuisset; sed etiam atque etiam¹² viderent, ne magis e republica esset interregnum iniri, quam*

^g successit Gron. Crev.^h turbatos Eæd.ⁱ sissent Eæd.

⁹ Quum ... legio successit. sinistra] Andreas, et Victor. codex cum uno ex MSS. Hearnii, successisset. Et sinistra: quod placet.

¹⁰ Alariis equitibus] Sociorum equitibus. Vid. not. ad l. XXVI. c. 14.

¹¹ Ordines sissent] MSS. Gronoviani scissent: Victor. sissent. Lege sissent.

¹² Viderent ne magis e republica esset] Proba lectio: quæ tamen auctoritate non satis firma stat. Scripti

U. C. 559. *ab se in eo statu relinqui provinciam.* Senatus C. Scribonio negotium dedit, ut duos legatos ex ordine senatorio mitteret ad L. Cornelium consulem, qui literas collegæ ad senatum missas deferrent ad eum; et nunciarent, *senatum, ni is ad magistratus subrogandos Romam veniret, potius, quam Q. Minucius a bello integro avocaretur, interregnum iniri passurum.* Missi legati renunciarunt, *L. Cornelium ad magistratus subrogandos Romam venturum.* De literis L. Cornelii, quas scripserat secundum prælium cum Boiis factum, disceptatio in senatu fuit: quia privatim plerisque senatoribus legatus M. Claudius scripserat, *Fortunæ populi Romani et militum virtuti gratiam habendam, quod res bene gesta esset. Consulis opera et militum aliquantum amissum, et hostium exercitum, cujus delendi oblata fortuna fuerit, elapsum. Milites eo plures perisse, quod tardius ex subsidiis, qui laborantibus opem ferrent, successissent. Hostes e manibus emissos, quod equitibus legionariis et tardius datum signum esset, et persequi fugientes non licuisset.*

VII. De ea re nihil temere decerni placuit: ad frequentiores ¹³consultatio dilata est. Instabat enim cura alia, quod civitas fœnore laborabat: et quod ¹, quum multis fœnebris legibus constricta avaritia esset, via fraudis inita erat, ¹⁴ut in socios, qui non tenerentur iis legibus, nomina transcriberent; ita libero fœnore obruebant debitores. ¹⁵Cujus coercendi^k quum ratio quæreretur, diem finiri placuit ¹⁶Feralia, quæ proxime fuissent: ut, qui post eam diem socii civibus Romanis credidissent pecunias, profiterentur; et ex ea die pecuniæ creditæ, ¹⁷quibus debitor vellet legibus, jus creditori diceretur. Inde, postquam professionibus detecta est

¹ quod del. Gron. Crev.

^k cernendi Eæd.

etenim et omnes editi, teste Hearnio, pro particula *ne* exhibent *si*. Nec aliter Vict. codex.

13 Consultatio dilata] Sic conjece- rat Gronovius, et firmant MSS. Hearnii, consentiente Victorino. Vulgo *delata* est.

14* Ut in socios . . . nomina transcriberent] Nomina hic interpretanda sunt obligations. Si quis Romanus a Romano pecuniam sumeret mutuam, jubebatur a creditore se profiteri scripto debitorem, non ejus a quo vere acceperat, sed alicujus Latini.

15 Cujus cernendi] Sic quidem scripti. Nec malus omnino sensus. Cernendi erit inspiciendi, perpendendi. Mallemus tamen, quod quidam editi habebant, licet repudiatum a Sigonio et Gronovio, *cujus coercendi*.

16 Feralia] Diis Manibus sacrata

festa, inquit Festus. De hujus nominis origine sic habet Ovidius in Fastis, l. II. Hanc, quin justa ferunt, diæra Feralia lucem. Ea notantur in quibusdam Calendariis a. d. IX. Kalend. Martias, sive die 21. Februarii: in Fastis Ovidii, a. d. XII. Kal. Martias, sive 18. Februarii.

17 Quibus debitor vellet legibus] Apparet ex iis quæ præcedunt, legibus Romanis circumscriptam esse fœnerandi licentiam, et e re debitoris fuisse, ut secundum eas potius jus pecuniæ creditæ diceretur, sive judicaretur controversiæ de pecuniis creditis, quam secundum leges, quibus socii Latini nominis utebantur. Ut igitur faveant debitori, permittunt ejus arbitrio decernendum quibusnam legibus, Romanis an Latinis, jus pecuniæ creditæ dici vellet.

magnitudo æris alieni, per hanc fraudem contracti, M. Sempronius tribunus plebis ex auctoritate Patrum plebem rogavit, plebesque scivit, ut ¹⁸ cum sociis ac nomine Latino pecuniæ creditæ jus idem, quod cum civibus Romanis, esset. Hæc in Italia domi militiæque acta. In Hispania nequam tantum belli fuit, quantum auxerat fama. C. Flaminius in citeriori Hispania oppidum Iluciam in Oretanis cepit: deinde in hiberna milites deduxit. et per hiemem prælia aliquot, nulla memoria digna, adversus latronum magis, quam hostium, excursions, vario tamen eventu, nec sine militum jactura, sunt facta. Majores res gestæ a M. Fulvio. Is apud Toletum oppidum cum Vaccæis Vectonibusque et Celtiberis signis conlatis dimicavit: exercitum earum gentium fudit fugavitque: regem Hilermum vivum cepit.

VIII. ¹⁹ Quum¹ hæc in Hispania gerebantur, comitorum jam adpetebat dies. itaque L. Cornelius consul, relicto ad exercitum M. Claudio legato, Romam venit. Is in senatu quum de rebus ab se gestis disseruisset, ²⁰ quoque in statu provincia esset; questus est cum Patribus conscriptis, quod, tanto bello una secunda pugna tam feliciter perfectio, non esset habitus Diis immortalibus honos. Postulavit deinde, ut supplicationem simul triumphumque decernerent. Prius tamen, quam relatio fieret, Q. Metellus, qui consul dictatorque fuerat, *Literas eodem tempore, dixit, et consulis L. Cornelii ad senatum, et M. Marcelli ad magnam partem senatorum, adlatas esse, inter se pugnantes: eoque dilatam esse consultationem, ut præsentibus auctoribus earum literarum disceptaretur. Itaque expectasse sese, ut consul, qui sciret ab legato suo adversus se scriptum aliquid, quum ipsi veniendum esset, deduceret eum secum Romam: quum etiam verius esset,* ²¹ Ti. Sempronio imperium habenti tradi exercitum,

Res Hispaniæ.

L. Cornelius Cos. postulat triumphum sibi decerni.

¹ Dum—agerentur Gron. Crev.

¹⁸ * Cum sociis] Qui pecunias mutuas civibus Romanis dedissent. Socii inter se suis legibus uti procul dubio sinuntur.

¹⁹ Dum hæc in Hispania agerentur] Modius e MS. suo profert, Quum hæc in Hispania gerebantur. Victor. quoque codex habet quum. Nec moræ sumus cuiquam, quominus illam particulam in locum *et dum* admittat. Sed illud assentiri non possumus Gronovio, vulgatam lectionem *σελοικίζειν*, et Latine dici omnino debuisse Dum hæc agebantur. Utrouque enim modo Latina oratio est. Et ipse Gronovius infra, c. 36. ubi legitur, libertatem, quum restitui videretur, interceptam, emen-

dat, dum restitui videretur.

²⁰ Quoque in statu] Duo MSS. teste Gronovio abolent præpositionem: et sic nonnunquam mavult Livius. Lib. III. c. 68. Quid tandem? privatæ res vestre quo statu sunt.

²¹ Ti. Sempronio imperium habenti] Cui imperium ex consulatu prorogatum erat, ut colligitur ex c. 56. l. XXXIV. * Tamen supra c. 5. legatus ille, itidem ut M. Marcellus, dicitur. † Noster Victor. ut et unus e MSS. Gronovianis, Sempronio Tito: ut legendum videatur Sempronio Tiberio. Amat enim interdum Livius prænomina postponere nominibus.

U. C. 559. *quam legato. Nunc videri esse amotum de industria, ne^m ea,*
 A. C. 193. *quæ scripsisset, ²²præsens diceret, aut argueret coram: et, si*
quid vani adferret, argui posset, donec ad liquidum veri-
tas explorata esset. Itaque nihil eorum, quæ postulare
 Nec impe- *consul, decernendum in præsentia censere. Quum pergeret*
 trat. *nihilo segnius referre, ut supplicatio decerneretur, trium-*
phantique sibi urbemⁿ invehi liceret; M. et C. Titinii tri-
buni plebis, se intercessuros, si de ea re fieret senatuscon-
sultum, dixerunt.

Lustrum *IX. Censores erant priore anno creati Sex. Ælius Pætus*
 conditum. *et C. Cornelius Cethegus. Cornelius lustrum condidit.*
censa sunt civium capita ²³centum quadraginta tria millia,
septingenta quatuor. Aquæ ingentes eo anno fuerunt, et
 Prodigia. *Tiberis loca plana urbis inundavit. Circa portam Flumen-*
tanam etiam conlapsa quædam ruinis sunt: et porta Cæli-
montana fulmine icta est, murusque circa multis locis de
cælo tactus. Et Ariciæ, et Lanuvii, et in Aventino, lapidi-
bus pluit; et a Capua nunciatum est, examen vesparum in-
gens in forum advolasse, et in Martis æde consedissee. eas
conlectas cum cura, et igni crematas esse. Horum prodii-
giorum caussa decemviri libros adire jussi, et novemdiale
sacrum factum, et supplicatio indicta est, atque urbs lus-
trata. Iisdem diebus ædiculam Victoriæ Virginis, prope
ædem Victoriæ, M. Porcius Cato dedicavit biennio post,
quam vovit. Eodem anno ²⁴coloniam Latinam ²⁵in agrum
Thurinum triumviri deduxerunt Cn. Manlius Vulso, L.
Apustius Fullo, ²⁶Q. Ælius Tubero, cujus lege deducebatur.
tria millia peditum iere, trecenti equites: numerus exiguus
pro copia agri. Dari potuere tricena jugera in pedites, sexa-
gena in equites. Apustio auctore, tertia pars agri demta
est: quo postea, si vellent, novos colonos adscribere possent.
Vicena jugera pedites, quadragena equites acceperunt.

Multi et po- *X. In exitu jam annus erat, et ambitio magis, quam um-*
 tentes can- *quam alias, exarserat consularibus comitiis. multi et poten-*
 didati con- *tes petebant patricii plebeiique: P. Cornelius Cn. filius Sci-*
 sulatus. *prio, qui ex Hispania provincia nuper decesserat magnis re-*

^m ne l. qui Gron. Crev.

ⁿ in urbem Eyd.

²² *Præsens diceret, aut argueret*
coram, et si quid] Magis placeret: qui
ea quæ scripsisset præsens diceret, et aut,
argueret coram, aut, si quid vani afferret,
argui posset.

²³ * *Centum] Admodum verisimile*
est hunc numerum justo minorem esse,
et Livium scripsisse ducenda. Hoc
probant numeri ejus lustrii cujus pro-
xime præcessit mentio, (supra XXIX.
37.) et lustrii sequentis, infra XXXVIII.
36.

²⁴ *Coloniam Latinam] Vid. not. 85.*

ad l. XXXIV. c. 53.

²⁵ *In agrum Thurinum] Scripti*
cum vetustioribus editis in castrum
Ferentinum. Recte videtur Sigonius
repositisse Thurinum ex l. XXXIV. c.
53. supra. Sed nihil vetat retineri vo-
cem castrum, hecque in castrum Thu-
rinum, qui fortasse est is ipse pagus
Thurinus, de quo Suet. in Aug. c. 2.
Hinc fere Gronovius.

²⁶ *Q. Ælius Tubero] Vid. not. 86.*
ad locum modo memoratum.

bus gestis, et L. Quinctius Flaminius, qui classi in Græcia U. C. 559.
præfuerat, et Cn. Manlius Vulso. hi patricii. Plebei autem A. C. 193.
C. Laelius, Cn. Domitius, C. Livius Salinator, M. Acilius.
sed omnium oculi in Quinctium Corneliumque conjecti. nam
et in unum locum petebant ambo patricii, et rei militaris
gloria recens utrumque commendabat. Ceterum ante om-
nia certamen accendebant fratres candidatorum, duo claris-
simi ætatis suæ imperatores. major gloria in Scipione^o: et,
quo major, eo ²⁷propior invidiam. Quinctii recentior, ut
qui eo anno triumphasset. Accedebat, quod alter decimum
jam prope annum assiduus in oculis hominum fuerat; ²⁸quæ
res minus verendos magnos homines ipsa satietate facit:
consul iterum post devictum Hannibalem, censorque fuerat.
In Quinctio ²⁹nova et recentia omnia ad gratiam erant: ni-
hil nec petierat a populo post triumphum, nec adeptus erat:
*pro fratre germano, non patruale, se petere aiebat: pro legato
et ³⁰participi administrati belli. se terra, fratrem mari, rem
gessisse.* His obtinuit, ut præferretur candidato, quem Scipio vic-
Africanus frater ducebat^p; quem Cornelia gens, Cornelio tus a
consule comitia habente; ³¹quem tantum præjudicium se- Quinctio.
natus, virum e civitate optimum judicatum, qui matrem
Idæam Pessinunte venientem in urbem acciperet. L. Quinc-
tius et Cn. Domitius Ahenobarbus consules facti. adeo ne
in plebeio quidem consule, quum pro C. Lælio niteretur,
Africanus valuit. Postero die prætores creati L. Scribonius
Libo, M. Fulvius Centumalus, A. Atilius Serranus, M. Bæ-
bius Tampilus, L. Valerius Tappo^q, Q. Salonius Sarra.
Ædilitas insignis eo anno fuit M. Æmilii Lepidi et L. Æ-
milii Paulli. Multos pecuarios damnarunt: ex ea pecunia

^o Scipionis; e. q. m. e. p. invidiæ Gron. Crev. ^p deducebat Eæd. ^q Tappus
Eæd.

²⁷ *Propior invidiæ]* Sigonii liber, et unus e Gronovianis exhibent *invi-
diam.* Et alludunt plurimi, inter quos
Victorinus, præferuntque *invidia.* Sane
sic amat loqui Livius. L. I. c. 25. *prope
metum res fuerat.* Et ibidem, *propius
Albam.* Et l. XXVIII. c. 15. *proximus
... hostem.*

²⁸ *Quæ res minus verendos magnos
homines]* Adicere potuit Livius, quod
Valerius Max. testatur, l. II. c. 4. eo
alienatum esse a Scipione vulgi ani-
mum, quod auctor fuisset. discernendi
loca senatoria a populo in ludis spec-
tandis. Vid. supra l. XXXIV. c. 54.

²⁹ *Nova et recentia]* Nova, intac-
ta, nulla mercede, quæ illi exoluta
esset, præflorata. Recentia, nupera.
Contra in Scipione merita non jam
erant aut nova ad gratiam, quum se-

cundo consulatu censuraque remune-
rata viderentur, aut *recentia*, utpote
decimum jam annum habentia.

³⁰ *Participi administrandi belli]*
Hic vulgo legitur *administrati.* Sed
putamus Sigonium, auctorem illius
lectionis quam eliminavimus, nimis
credidisse libro suo, editores Sigonio.
Quod dedimus præferebant editi ante
Sigonium, et servat Vict. codex. At-
que hoc nobis elegantius videtur.

³¹ *Quem tantum præjudicium sena-
tus, virum]* Quem commendabat tan-
tum præjudicium senatus, quod nem-
pe ab amplissimo ordine judicatus es-
set vir e civitate optimus. Unicum
verbum *deducebat* in omnia hujus pe-
riodi membra sufficere Livio visum est,
ex more a nobis notato ad l. III. c.
67.

V.C. 559. clipea inaurata in fastigio Jovis ædis posuerunt. Porticum
A.C. 193. unam extra portam Trigeminam, emporio ad Tiberim ad-
jecto; alteram a porta Fontinali ad Martis aram, qua in
Campum iter esset, perduxerunt.

Res gestæ
apud Ligu-
res. XI. Diu nihil in Liguribus dignum memoria gestum
erat. Extremo ejus anni bis in magnum periculum res ad-
ducta est. nam et castra consulis obpugnata, ægre sunt de-
fensa: et non ita multo post per saltum angustum quum
duceretur agmen Romanum, ipsas fauces exercitus Ligu-
rum insedit. qua quum exitus non pateret, converso agmine
redire institit consul: et ab^r tergo fauces saltus occupatæ a
parte hostium erant, Caudinæque cladis memoria non ani-
mis modo, sed prope oculis, obversabatur. Numidas octin-
gentos ferme equites inter auxilia habebat. eorum præfec-
tus consuli pollicetur, *Se parte, utra vellet, cum suis eruptu-
rum. Tantum uti diceret, utra pars frequentior vicis esset. in
eos se inpetum facturum: et nihil prius quam flammam tectis
injecturum, ut is pavor cogeret Ligures excedere saltu, quem
obsiderent, et discurrere ad opem ferendam suis.* Conlauda-
tum eum consul spe præmiorum onerat. Numidæ equos
conscendunt, et obequitare stationibus hostium, neminem
laccessentes, cœperunt. Nihil primo adspectu contemptius.
equi hominesque ³²paulluli et graciles: discinctus et iner-
mis eques, præterquam quod jacula secum portat: equi
sine frenis, deformis ipse cursus rigida cervice et extento
capite currentium. Hunc contemptum de industria augen-
tes, labi ex equis, et per ludibrium spectaculo esse. Itaque,
qui primo intenti paratique, si laccesserentur, in stationibus
fuerant, jam inermes sedentesque pars maxima spectabant.
Numidæ adequitare, dein refugere, sed propius saltum paul-
latim evehi: ³³velut quos inpotentes regendi equi invitos ef-
ferrent. postremo subditis calcaribus inter^a medias statio-
nes hostium erupere: et, in agrum latiore evecti, omnia
propinqua viæ tecta incendunt. proximo deinde vico infe-
runt ignem, ferro flammaque omnia pervastant. Fumus
primo conspectus, deinde clamor trepidantium in vicis au-
ditus, postremo seniores puerique refugientes tumultum in
castris fecerunt. itaque sine consilio, sine imperio, pro se
quisque currere ad sua tutanda¹: momentoque temporis
castra relicta erant, et obsidione liberatus consul, quo inten-
derat, pervenit.

Numida-
rum equita-
tus.

Liberat ex-
ercitum
Romanum.

Ætolorum
molitiones.

XII. Sed neque Boii, neque Hispani, cum quibus eo an-
no bellatum erat, ³⁴tam inimici infestique erant Romanis,

^r a Gron. Crev.

^s per Eæd.

^t tuenda Crev.

³² Paululi] Parvuli. Supra l. VIII. regendi ab equis inviti efferrentur.
c. 11. pro paulula via.

³⁴ Tam inimici] Victor. una parti-
³³ • Velut quasi] Quasi impotentes cula auctior, tam tunc inimici.

quam Ætolorum gens. Ii post deportatos ex Græcia exer- U. C. 559.
citus primo in spe fuerant, et Antiochum in vacuum Europæ A. C. 193.
possessionem venturum; nec Philippum, aut Nabin quie-
turos. Ubi nihil usquam moveri viderunt, agitandum ali-
quid miscendumque rati, ne cunctando senescerent consi-
lia, concilium Naupactum indixerunt. Ibi Thoas prætor
eorum, conquestus injurias Romanorum statumque Æto-
liæ, *quod omnium Græciæ gentium civitatiumque inhono-
ratissimi post eam victoriam essent, cujus causa ipsi fuis-
sent*, legatos censuit circa reges mittendos, qui non so-
lum tentarent animos eorum, sed suis quemque stimulis
moverent ad Romanum bellum. Damocritus ad Nabin, Concitant
Nicander ad Philippum, Dicæarchus frater prætoris ad reges ad
Antiochum est missus. Tyranno Lacedæmonio Damo- bellum Ro-
critus, ³⁵*ademptis maritimis civitatibus enervatam tyrannidem,*
dicere. inde militem, inde naves navalesque socios habuisse.
inclusum suis prope muris Achæos videre dominantes in Pelo-
ponneso. numquam habiturum recuperandi sua occasionem, si
eam, quæ tum esset, prætermisisset. Nullum exercitum Roma-
num in Græcia esse: ³⁶*nec propter Gythium, aut maritimos*
alios Laconas, dignam causam existimatuos Romanos, cur le-
giones in Græciam rursus^u transmittant. Hæc ad incitandum
animum tyranni dicebantur, ut, quum in Græciam Antio-
chus trajecisset, ³⁷conscientia violatæ per sociorum inju-
rias Romanæ amicitiae, conjungeret se cum Antiocho. Et
Philippum Nicander haud dissimili oratione incitabat. erat
etiam major orationi materia, quo ex altiore fastigio rex,
quam tyrannus, detractus erat, quoque plures ademptæ res.
Ad hoc vetusta regum Macedonia fama, peragratusque or-
bis terrarum victoriis ejus gentis referebatur. *Et tutum vel*
incepto, vel eventu se consilium adferre. nam neque, ut ante
se moveat Philippus, quam Antiochus cum exercitu transierit
in Græciam, suadere; et, qui sine Antiocho adversus Romanos
Ætolosque tam diu sustinuerit bellum, ei, adjuncto Antio-
cho, sociis Ætolis, qui tum graviores hostes, quam Roma-
ni, fuerint, quibus tandem viribus resistere Romanos posse?
Adjiciebat de duce Hannibale, nato adversus Romanos
hoste, qui plures et duces et milites eorum occidisset, quam
quot superessent. Hæc Philippo Nicander. Alia Dicæar-

^u rursus Gron. Crev.

35* *Ademptis maritimis civitatibus]*
Vid. not. 25. ad XXXIV. 35. supra.

36 *Nec propter Gythium . . . dignam*
causam existimatuos] Tolle cum Gro-
novio otiosum et inelegans vocabulum
propter. Simile additamentum nobis
ab aliena manu immissum esse visum
est l. XXIV. c. 8. *Ob eandem causam*

. . . fuisse non negaverim. Ubi monui-
mus tollendam esse voculam *ob.*

37 *Conscientia violatæ . . . Romanæ*
amicitiæ conjungeret se cum Antiocho]
Scripti hic corrupti sunt. Retineamus
vulgatam lectionem, quæ jamdiu editos
obtinet, donec melius quid aut certius
MSS. eruatur.

U. C. 559. chus Antiocho: et omnium primum, *prædam de Philippo*
 A. C. 193. *Romanorum esse dicere, victoriam Ætolorum, et aditum in*
Græciam Romanis nullos alios, quam Ætolos, dedisse; et ad
vincendum vires eosdem præbuisse. deinde quantas peditum
 equitumque copias præbituri Antiocho ad bellum essent:
 quæ loca terrestribus copiis, quos portus maritimis. Tum
 de Philippo et Nabide ³⁸libero mendacio abutebatur: *para-*
tum utrumque ad rebellandum esse: et primam quamque occa-
sionem recuperandi ea, quæ bello amisissent, adrepturos. Ita
 per totum simul orbem terrarum Ætoli Romanis concitabant
 bellum. ³⁹reges tamen aut non moti, aut tardius moti sunt.

Nabis bel-
 lum moli-
 tur.

XIII. Nabis extemplo circa omnes vicos maritimos di-
 misit, ad seditionem in iis miscendas: et alios principum
 donis ad suam causam perduxit, alios pertinaciter in socie-
 tate Romana manentes occidit. Achæis omnium mariti-
 morum Laconum tuendorum a T. Quintio cura mandata
 erat. itaque extemplo ⁴⁰et ad tyrannum legatos miserunt,
 qui admonerent fœderis eum Romani, denunciarentque, ne
 pacem, quam tantopere petisset, turbaret: et auxilia ad
 Gythium, quod jam obpugnabatur a tyranno, et Romam,
 qui ea nunciarent, legatos miserunt. Antiochus rex, ea
 hieme Raphiæ in Phœnice Ptolemæo regi Ægypti filia
 in matrimonium data, quum Antiochiam se recepisset, per
 Ciliciam, Tauro monte superato, extremo jam hiemis Ephe-
 sum pervenit: inde principio veris, Antiocho filio misso in
 Syriam ad custodiam ultimarum partium regni, ne quid,
 absente se, ab tergo moveretur, ipse cum omnibus terrestri-
 bus copiis ad Pisidas, qui circa ⁴¹Sidam incolunt, obpug-
 nandos est profectus. Eo tempore legati Romani P. Sul-
 picius et ^aP. Villius, qui ad Antiochum (sicut ante dictum
 est) missi erant, jussi prius Eumenem adire, Elæam venere;
 inde ⁴²Pergamum (ibi regia Eumenis fuit) escenderunt*.
 Cupidus belli adversus Antiochum Eumenes erat, gravem,
 si pax esset, adcolam tanto potentior regem credens;
 eundem, si motum bellum esset, non magis parem Roma-
 nis fore, quam Philippus fuisset: et aut funditus sublatum

Legati
 Rom. ad
 Antio-
 chum.

^a et del. Gron. Crev.

* ascenderunt Eæd.

38 * *Libero mendacio abutebatur*] Sine
 ullo modo ad utilitatem causæ suæ ute-
 batur libertate mentiendi de Philippo et
 Nabide absentibus. Quum Philippus
 et Nabis abessent, Dicaearchus libere
 de iis mentiri poterat: et quod poterat,
 id licenter omnino, inserviens causæ
 suæ, faciebat.

39 * *Reges tamen*] Ex duobus regi-
 bus alter, nempe Philippus, non mo-
 tus est: alter, Antiochus, tardius mo-
 tus est.

40 *Et ad tyrannum legatos miserunt*] Hic verbum *miserunt* superfluum est, et odiose inculcatum, quum reperiatur idem in fine totius periodi.

41 *Sidam*] Scripti et veteres editi *Sicam*. Correx. Glareanus.

42 *Pergamum . . ascenderunt*] Hoc Gelenii est. Jac. Gronovius, quum scripti et editi habeant *descenderunt*, emendat hic, ut jam ante aliquoties, *escenderunt*.

iri: aut, si pax victo daretur, multa illi detracta sibi accessura: ut facile deinde se ab eo sine ullo Romano auxilio tueri posset. Etiam, si quid adversi casurum foret, satius esse Romanis sociis quamcumque fortunam subire, quam solum aut imperium pati Antiochi, aut abnuentem vi atque armis cogi. Ob hæc, quantum auctoritate, quantum consilio valebat, incitabat Romanos ad bellum.

XIV. Sulpicius æger Pergami substitit. Villius, quum Pisidiæ bello occupatum esse regem audisset, Ephesum profectus, dum paucos ibi moratur dies, dedit operam, ut cum Hannibale, qui tum ibi forte erat, sæpe congrediretur; ut animum ejus et tentaret, si qua posset, et metum demeret periculi ei quidquam ab Romanis esse. His conloquiis aliud quidem actum nihil est: ⁴³secutus tamen sua sponte est, velut consilio petitem esset, ut vilior ob ea regi Hannibal et suspectior ad omnia fieret. ⁴⁴Claudius, secutus Græcos Acilianos libros, P. Africanum in ea fuisse legatione tradit: eumque Ephesi conlocutum cum Hannibale. Et sermonem etiam unum refert, quo quærenti Africano, *quem fuisse maximum imperatorem Hannibal crederet?* respondisse, *Alexandrum Macedonum regem; quod parva manu innumerabiles exercitus fudisset* ⁴⁵*quodque oras^x, quas visere supra spem humanam esset, peragrasset.* Quærenti deinde, *quem secundum poneret?* *Pyrrhum*, dixisse. ⁴⁶*castra metari primum docuisse. ad hoc neminem elegantius loca cepisse, præsidia disposuisse, artem etiam conciliandi sibi homines cum habuisse, ut Italicæ gentes regis externi, quam populi Romani, tamdiu principis in ea terra, imperium esse mallent.* Exsequenti, *quem tertium duceret?* haud dubie semet ipsum dixisse. Tum risum

Conloqui-
um Scipio-
nis cum
Hannibale.

^x ultimas oras Gron. Crev.

⁴³ *Secutum tamen sua sponte est*] ubi Pyrrhus universim dicitur castra metari primus docuisse, quum id tantummodo verum sit de Romanis, qui, teste Frontino, l. IV. Strategem. c. 1. captis ejus castris ex eorum metatione suam emendaverunt. Secundus est, qui mox sequitur, ubi Pyrrhus propterea laudatur, quod effecerit ut Italicæ gentes ejus imperium esse mallent, quam populi Romani, tamdiu principis in ea terra: qua in laude Pyrrho tributa sese simul prodit illa Romanæ gloriæ admiratio, quam ubique præferunt Romanorum scripta. His adde quod Plutarchus in Pyrrho de hoc eodem colloquio agens, aliter omnino rem narrat. Apud eum, nulla Alexandri mentione facta, Pyrrhus ab Annibale primus, secundus Scipio, tertius Annibal ipse nominatur: quomodo perit omnis hujus sermonis, a Livio laudatus, lepos.

Victor. codex pro est substituit tum. Utrumque eradas licet.

⁴⁴ *Claudius secutus Græcos Acilianos libros*] Acilianos libros e Græco in Latinum sermonem convertisse Claudius dicitur supra l. XXV. c. 39. Vid. ea quæ ibi annotamus.

⁴⁵ *Quodque ultimas oras . . . peragrasset*] Parce omnino laudatur Alexander, si ultimas oras peragrasset tantummodo, non et subegisse dicatur. Videtur legendum *victoriis peragrasset*, quemadmodum supra c. 12. *peragratiusque Orbis terrarum victoriis ejus gentis.*

⁴⁶ *Castra metari primum docuisse*] Totum hoc Scipionis cum Annibale colloquium, quum aliunde fabellam non sane admodum ingeniose fictam sapere videtur, tum duobus maxime in locis indicat Romanum aliquem argumenti conditorem. Primus est hic ipse,

U. C. 559. obortum Scipioni, et subjecisse. *Quidnam tu diceres, si me vicisses? Tum me vero, inquit, et ante Alexandrum, et ante Pyrrhum, et ante omnes alios imperatores esse.* Et perplexum Punico astu responsum, et improvisum adsentationis genus Scipionem movisse, quod e grege se imperatorum velut inæstimabilem secrevisset.

Moritur
regio filius.

XV. Villius ab Epheso Apameam processit. eo et Antiochus, audito Romanorum legatorum adventu, obcurrit: Apameæ congressis disceptatio eadem ferme fuit, quæ Romæ inter Quinctium et legatos regis fuerat. mors nuntiata Antiochi, filii regis, quem missum paullo ante dixeram in Syriam, diremit conloquia. Magnus luctus in regia fuit, magnumque ejus juvenis desiderium. id enim jam specimen sui dederat, ut, si vita longior contigisset, magni justique regis in eo indolem fuisse adpareret. Quo carior acceptiorque omnibus erat, eo mors ejus suspectior fuit, gravem successorem eum instare senectuti suæ patrem credentem, per spadones quosdam, talium ministeriis facinorum acceptos regibus, veneno sustulisse. Eam quoque caussam clandestino facinori adjiciebant, quod, quum Seleuco filio Lysimachiam dedisset, Antiocho quam similem daret sedem, ⁴⁷ut procul ab se honore eum quoque ablegaret, non habuisset. Magni tamen luctus species per aliquot dies regiam tenuit: legatusque Romanus, ne alieno tempore incommodus observaretur, Pergamum concessit. Rex Ephesum, omisso, quod inchoaverat, bello, rediit. ibi, per luctum regia clausa, cum Minione quodam, qui princeps amicorum ejus erat, secreta consilia agitavit. Minio, ignarus omnium externorum, viresque æstimans regis ⁴⁸ex rebus in Syria aut Asia gestis, non caussa modo superiorem esse Antiochum, quod nihil æqui postularent Romani, sed bello quoque superaturum credebat. Fugienti regi disceptationem cum legatis, seu jam experto eam minus prosperam, seu mœrore recenti confuso, professus Minio, se, quæ pro caussa essent, dicturum, persuasit, ut a Pergamo arcesserentur legati.

Conloqui-
um legato-
rum Rom.
cum Mi-
nionē.

XVI. Jam convaluerat Sulpicius: itaque ambo Ephesum venerunt. Rex a Minione excusatus, et absente eo res agi cœpta est. Ibi præparata oratione Minio; *Speciosus titulo, inquit, uti vos, Romani, Græcarum civitatum liberandarum video: sed facta vestra orationi non conveniunt; et* ⁴⁹*aliud Antiocho juris statuistis, alio ipsi utimini. Qui enim magis Smyrnaci Lampsacenique Græci sunt, quam Neapolitani, et Rhegini,*

⁴⁷ *Ut procul ab se honore eum quoque ablegaret*] Honore, id est, per honorem, per speciem honoris.

⁴⁸ *Ex rebus in Syria aut Asia gestis*] Res gestæ Antiochi, partim adversus rebelles, partim adversus Ptolemæum

Philopatora regem Ægypti, haud sane contemnendæ, memorantur a Polybio, libb. IV. et V.

⁴⁹ *Aliud Antiocho juris statuistis*] Imo statuistis. JAC. GROSSEVIER.

et Tarentini, a quibus stipendium, a quibus naves ex fœdere exi- U. C. 559.
 gitis? Cur Syracusas, atque in alias Siciliæ Græcas urbes præto- A. C. 193.
 rem quotannis, cum imperio et virgis et securibus, mittitis? nihil
 aliud profecto dicatis, quam armis superatis vos iis has leges in-
 posuisse. Eandem de Smyrna et Lampsaco civitatibusque, quæ
 Ioniciæ aut Æolidis sunt, causam ab Antiocho accipite. Bello
 superatas a majoribus, et ⁵⁰ stipendiarias ac vectigales factas,
 in antiquum jus repetit. itaque ad hæc ei responderi velim, si
 ex æquo disceptatur, et non belli causa quæritur. Ad ea Sul-
 picius, ⁵¹ Fecit verecunde, inquit, Antiochus, qui, si alia pro
 causa ejus non erant, quæ dicerentur, quemlibet ista, quam se,
 dicere maluit. Quid enim simile habet civitatum earum,
 quas comparasti, causa? Ab Rheginis, et Neapolitanis, et
 Tarentinis, ex quo in nostram venerunt potestatem, uno et per-
 petuo tenore juris, semper usurpato, numquam intermisso, quæ
 ex fœdere debent, exigimus. Potesne tandem dicere, ut ii po-
 puli non per se, non per alium quemquam fœdus mutaverint,
 sic¹ Asiæ civitates, ut semel venerunt in majorum Antiochi
 potestatem, in perpetua possessione regni vestri permansisse,
 et non alias earum in Philippi, alias in Ptolemæi fuisse pot-
 estate, alias per multos annos nullo ambigente libertatem usur-
 passe? Nam si, quod aliquando servierunt, temporum iniqui-
 tate pressi, jus post tot ⁵² secula adserendi eos in servitutem fa-
 ciet²; quid abest, quin actum nobis nihil sit, quod a Philippo
 liberavimus Græciam, et repetant posteri ejus Corinthum,
 Chalcidem, Demetriadem, et Thessalorum totam gentem? Sed
 quid ego causam civitatum ago, quam, ipsis agentibus, et nos
 et regem ipsum cognoscere æquius est?

XVII. Vocari deinde civitatum legationes jussit, præ-
 paratas jam ante et instructas ab Eumene, qui, quantum-
 cumque virium Antiocho decessisset, suo id accessurum
 regno ducebat. Admissi plures, dum suas quisque nunc
 querelas, nunc expostulationes inserit, et æqua iniquis mis-
 cent³, e disceptatione altercationem fecerunt. itaque, neque
 remissa ulla re, neque impetrata, æque ac venerant, omnium
 incerti legati Romam redierunt. Rex, dimissis iis, consi-
 lium de bello Romano habuit. Ibi ⁵³ alius alio ferocius (quia

Rex consi-
 lium habet
 de Romano

¹ add. et Gron. Crev.
 miscentes Eæd.

² facit Eæd.

³ postulationes inserit æqua iniquis bello.

⁵⁰ * Stipendiarias ac vectigales] Vid.
 not. 92. ad XXI. 41.

⁵¹ * Fecit verecunde] Pudorem suum
 probat. Etenim impudentis est futi-
 libus sermonibus velle alteri fucum fa-
 cere.

⁵² Secula] *vid. ad IX. 18.*

⁵³ Alius alio ferocius: quia . . . ma-
 jor erat. Alius superbiam postulato-

rum increpare] Posterius hoc alius
 non esse Livii existimamus, sed immis-
 sum ab iis qui non viderunt parenthesi
 includenda ea omnia quæ interposita
 sunt inter adverbium ferocius, et hoc
 membrum, superbiam postulatorum in-
 crepare. * Itaque sensus erit: omnes
 increpare incipiunt superbiam postula-
 torum, certantes inter se quis ferocis-
 sime et audacissime loqueretur.

U.C. 559. quo quisque asperius adversus Romanos locutus esset, eo
 A. C. 193. spes gratiæ major erat) alius superbiam postulatorum increpare, tamquam Nabidi victo, sic Antiocho, maximo Asiæ regum, inponentium leges. *quamquam Nabidi tamen dominationem in patriam suam, et patriam Lacedæmonem, remis- sam.* ⁵⁴ *Antiocho si Smyrna et Lampsacus imperata faciant, indignum videri. alii, parvas et vix dictu dignas belli causas tanto regi eas civitates esse. sed initium semper* ⁵⁵ *a parvis injusta imperandi fieri: nisi crederent. Persas, quum aquam terramque ab Lacedæmoniis petierunt,* ⁵⁶ *gleba terræ et haustu aquæ eguisse. Per similem tentationem* ⁵⁷ *Romanis de duabus civitatibus agi.* ⁵⁸ *et alias civitates, simul duas jugum exuisse vidissent, ad liberatorem populum defecturas. Si non libertas servitute potior sit, tamen omni præsentī statu spem cuique novandi res suas blandiorem esse.*

XVIII. Alexander Acarnan in consilio^c erat, Philippi quondam amicus, nuper relicto eo secutus opulentiores regiam Antiochi: et, tamquam peritus Græciæ, nec ignarus Romanorum, in eum gradum amicitiae regis, ut consiliis quoque arcanis interesset, acceptus erat. Is, tamquam non, utrum bellandum esset, nec ne, consuleretur, sed ubi et qua ratione bellum gereretur, *Victoriam se haud dubiam proponere animo adfirmabat, si in Europam transisset rex, et in aliqua Græciæ parte sedem bello cepisset. Jam primum Ætolos, qui umbilicum Græciæ incolerent, in armis eum inventuros, antesignanos ad asperrima quæque belli paratos. In duobus velut cornibus Græciæ, Nabin a Peloponneso concitaturum omnia, repetentem Argivorum urbem, repetentem maritimas civitates: quibus eum depulsum Romani Lacedæmonis muris inclusissent; a Macedonia Philippum, ubi primum bellicum cani audisset, arma capturum. Nosse se spiritus ejus, nosse animum: scire, ferarum modo, quæ claustris aut vinculis teneantur, ingentes jam diu iras eum in pectore volvere. meminisse etiam se, quoties in bello precari omnes Deos solitus sit, ut Antiochum sibi darent adiutorem. cujus voti si compos nunc fiat, nullam moram rebellandi facturum. Tantum non cunctandum, neque cessandum esse. in eo enim victoriam verti,*

^b semper per jus injusta impetrandi fieri: Gron. ^c concilio Gron. Crev.

⁵⁴ Antiocho si . . . imperata faciant]
 Si Antiocho pareant.

⁵⁵ A parvis injusta imperandi] Sic Rubenius e conjectura emendaverat, quum prius legeretur per jus injusta impetrandi. Firmant emendationem duo MSS. Dujatio, duo Hearnio inspecti, cum nostro Victor. nisi quod particula a non in omnibus reperitur, sed in duobus tantum e quinque memoratis.

⁵⁶ Gleba terræ et haustu aquæ]
 Haud fortasse accommodatum ad rem præsentem exemplum. Quum enim Persæ aquam et terram peterent, non sibi aditum a parvis ad ulteriora præstruebant: sed volebant plane se dominos agnosci, ut constat ex multis passim Herodoti locis.

⁵⁷ Romanis . . . agi] Lege cum Gro-
 novio, a Romanis.

⁵⁸ Et alias] Mallemus sed alias.

⁵⁹ *si et loca opportuna, et socii præoccuparentur. Hannibalem* U. C. 559.
quoque sine mora mittendum in Africam esse ⁶⁰ *ad distringen-* A. C. 193.
dos Romanos.

XIX. Hannibal non adhibitus in consilium, propter Hannibal
 conloquia cum Villio suspectus regi, et in nullo postea ho- suspectus
 nore habitus, primo eam contumeliam tacitus tulit: deinde regi.
 melius esse ratus, et percunctari caussam repentinæ aliena-
 tionis, et purgare se, ⁶¹ tempore apto, quæsitâ simpliciter ira-
 cundiæ caussa auditaque, *Pater Hamilcar, inquit, Antioche,* Se purgat.
parvum admodum me, quum sacrificaret, altaribus admotum
jurjurando adegit, numquam amicum fore populi Romani.
Sub hoc sacramento sex et triginta annos militavi: hoc me in
pace ⁶² *patria mea expulit: hoc patria extorrem in tuam regiam*
adduxit: hoc duce, si tu spem meam destitueris, ubicumque vi-
res, ubi arma esse sciam, huc veniam, toto orbe terrarum quæ-
rens aliquos Romanis hostes. Itaque, si quibus tuorum ⁶³ *meis*
criminibus apud te crescere libet, ⁶⁴ *aliam materiam crescendi*
ex me ^d *querant. Odi, odioque sum Romanis. id me verum*
dicere, pater Hamilcar et Dii testes sunt. Proinde, quum de
bello Romano cogitabis, inter primos amicos Hannibalem ha-
beto. si qua res te ⁶⁵ *ad pacem compellet, in id consilium alium,*
cum quo deliberes, quærito. Non movit modo talis oratio
regem, sed etiam reconciliavit Hannibali. Ex concilio ita
discessum est, ut bellum gereretur.

XX. Romæ destinabant quidem sermonibus hostem An- U. C. 560.
 tiochum, sed nihildum ad id bellum præter animos parabant. A. C. 192.
 Consulibus ambobus Italia provincia decreta est: ita ut inter L. Quinc-
 se compararent, sortirenturve, uter comitiis ejus anni præ- tio, Cn.
 esset. ad utrum ea non pertineret cura, ut paratus esset, si Domitio
 quo eum extra Italiam opus esset ducere legiones. Huic Coss.
 consuli permissum, ut duas legiones scriberet novas, et Provincia
 socium^e Latini nominis viginti millia, et equites octingen- divisâ.
 tos^f. Alteri consuli duæ legiones decretæ, quas L. Corne-

^d *quam ex me* Gron. Crev. ^e *socium ac* Crev. ^f *nongentos* Gron. Crev.

⁵⁹ * Si . . socii præoccuparentur] Si
 maturaret Antiochus sibi socios adscis-
 cere Græciæ populos, antequam Ro-
 mani in Græciam venirent, et Græco-
 rum secum societatem firmarent.

⁶⁰ * Ad distringendos Romanos] Ad
 cogendos Romanos dispartiri in diversa
 curas viresque.

⁶¹ Tempore apto] Placet Gronovii
 conjectura: tempore capto. Sic l. III.
 c. 9. *Insidiatum eum, et tempore capto*
adortum rempublicam. Quod si ad-
 mittatur, distinguendum erit post pur-
 gare se.

⁶² Patria mea expulit] Vulgo ex-
 tulit: minus recte. Illud alterum re-
 vocavit Jac. Gronovius ex aliquot scrip-

tis, quibus assentitur Victor. et An-
 dreæ editio.

⁶³ * Meis criminibus apud te cres-
 cere] Me criminando ad altiorē apud
 te favoris et amicitia gradum sese ex-
 tollere.

⁶⁴ Aliam materiam crescendi quam
 ex me] Aliam aliquam materiam cres-
 cendi ex me. Aliam quam pro aliam
 aliquam, ut sæpe aliud quid, et similia:
 quanquam hoc quidem loco videtur id
 esse paulo durius. Et omitunt rd
 quam Gelenii liber, et noster Victori-
 nus.

⁶⁵ Ad pacem compellet] Thuan. et
 Vict. codices in pacem.

U. C. 560. lius consul superioris anni habuisset: et ⁶⁶sociûm ac Latini
 A. C. 192. nominis ex eodem exercitu^f quindecim millia, et equites
 quingenti. Q. Minucio cum exercitu, quem in Liguribus
 habebat, prorogatum imperium. additum, in supplementum
 ut quatuor millia peditum Romanorum scriberentur, et cen-
 tum quinquaginta equites; et sociis eodem quinque millia
 peditum imperarentur, ducenti quinquaginta equites. Cn.
 Domitio extra Italiam, quo senatus censuisset, provincia
 evenit, L. Quinctio Gallia et comitia habenda. Prætores
 deinde provincias sortiti: M. Fulvius Centumalus urbanam,
 L. Scribonius Libo peregrinam, L. Valerius Tappo Sici-
 liam, Q. Salonus Sarra Sardiniam, M. Bæbius Tamphilus
 Hispaniam citeriorem, A. Atilius Serranus ulteriorem. Sed
 his duobus primum senatusconsulto, deinde plebis etiam
 scito permutatæ provinciæ sunt. Atilio classis et Macedo-
 nia, Bæbio Bruttii decreti. Flaminio Fulvioque in Hispa-
 niis prorogatum imperium. Bæbio Tamphilo in Bruttios
 duæ legiones decretæ, quæ priore anno urbanæ fuissent: ⁶⁷et
 ut^g sociis eodem millia peditum quindecim imperarentur, et
 quingenti equites. Atilius triginta naves quinquere-
 mæ facere iussus, et ex navalibus veteres deducere, si quæ utiles
 essent, et scribere navales socios. Et consulibus impera-
 tum, ut ei duo millia sociûm ac Latini nominis, et mille pe-
 dices darent^h Romanos. Hi duo prætores et duo exercitus,
 terrestres navalesque, adversus Nabin, aperte jam obpugnantes
 socios populi Romani, dicebantur parari. Ceterum
 legati ad Antiochum missi expectabantur: etⁱ, priusquam
 ii redissent, vetuerat Cn. Domitium consulem senatus ab
 urbe discedere.

Classis pa-
ratur.

Prodigia.

XXI. Prætoribus Fulvio et Scribonio, quibus, ut jus
 dicerent Romæ, provincia erat, negotium datum, ut, præter
 eam classem, cui Atilius præfuturus erat, centum quinquere-
 mæ pararent. Priusquam consul prætoresque in provin-
 cias proficiscerentur, supplicatio fuit prodigiorum caussa.
 Capram sex hædos uno fœtu edidisse, ex Piceno nuncia-
 tum est: et Arretii puerum natum unimanum: Amiterni
⁶⁸terra pluuisse: Formis portam murumque de cœlo tacta:
 et (quod maxime terrebat) consulis Cn. Domitii bovem locu-
 tum, ROMA CAVE TIBI. Ceterorum prodigiorum caussa sup-
 plicatum est: bovem cum cura servari aliquæ aruspices jusse-

^f ins. *pedites* Gron. Crev. ^g ut et Eæd. ^h consuli—daret Eæd. ⁱ et del. Eæd.

66 Sociûm ac Latini nominis . . . pe-
dices quindecim millia] Sociûm, sive
ex sociis, *pedites* ad quindecim millia.
Sic infra c. 23. *tumultuariorum mili-
tum ad duodecim millia pedites, et qua-
dringentos equites.*

67 Ut et sociis] Lege potius cum
Gronovio, et ut sociis.

68 Terra pluuisse] Unus e MSS.
Gronovii cum Victorino, et Andreae
editione, *terram pluuisse*. Et sic inter-
dum Livius.

runt. Tiberis, ⁶⁹ infestiore quam priore inpetu inlatus urbi, U. C. 560.
 duo pontes, ædificia multa, maxime circa portam Flumen- A. C. 192.
 tanam, evertit. Saxum ingens, sive imbris, sive motu
 terræ levioze, quam ut alioqui sentiretur, labefactatum, in
 vicum Jugarium ex Capitolio procidit, et multos obpressit.
 In agris passim inundatis pecua ablata, villarum strages
 facta est. Priusquam L. Quinctius consul in provinciam
 perveniret, Q. Minucius in agro Pisano cum Liguribus sig-
 nis conlatis pugnavit: novem millia hostium occidit: cete-
 ros fusos fugatosque in castra compulit. Ea usque in noc-
 tem magno certamine obpugnata defensaque sunt. nocte
 clam profecti Ligures: prima luce Romanus vacua castra
 invasit. prædæ minus inventum est, quod subinde spolia
 agrorum capta domos mittebant. Minucius nihil deinde
 laxamenti hostibus dedit. ex agro Pisano in Ligures pro-
 fectus, castella vicosque eorum igni ferroque pervastavit:
 ibi ⁷⁰ præda Etrusca, quæ missa a populatoribus fuerat, re-
 pletus est miles Romanus.

Ligures
 victi a Mi-
 nucio.

XXII. Sub idem tempus ⁷¹ legati ab regibus Romam
 reverterunt. qui quum nihil, quod satis maturam causam
 belli haberet, nisi adversus Lacedæmonium tyrannum, adtu-
 lissent, quem et Achæi legati nunciabant^k contra fœdus
 maritimam oram Laconum obpugnare; Atilius prætor cum
 classe missus est in Græciam ad socios tuendos. Consules,
 quando nihil ab Antiocho instaret, proficisci ambo in pro-
 vincias placuit. Domitius ab Arimino, qua proximum
 fuit, Quinctius per Ligures in Boios venit. Duo consulum
 agmina diversa late agrum hostium pervastarunt. primo
 equites eorum pauci cum præfectis, deinde universus sena-
 tus, postremo in quibus aut fortuna aliqua, aut dignitas erat,
 ad mille quingenti ad consules transfugerunt. Et in utra-
 que Hispania eo anno res prospere gestæ. nam et C. Flami-
 nius oppidum Litabrum, munitum opulentumque, vineis
 expugnavit, et nobilem regulum Corribilonem vivum cepit:
 et M. Fulvius proconsul cum duobus exercitibus hostium
 duo secunda prælia fecit: oppida duo^l Hispanorum, ⁷² Ves-

Atilius con-
 tra Nabin
 missus.

Res Hispa-
 nicæ.

^k annunciabant Gron. Crev. ^l duo del. Eæd.

⁶⁹ Infestiore quam priore impetu] Infestiore impetu, quam quo prius, anno scilicet superiore, amnis urbi il-
 latus fuerat. Vid. supra, c. 9. Tan-
 Faber legit infestiore, quam priore anno,
 impetu.

⁷⁰ * Præda Etrusca, quæ] Præda, quam ex Etruria collectam Ligures populatores miserant in sua castella vicosque.

⁷¹ Legati ab regibus] Romani le-
 gati ab regibus, ad quos missi fuerant,

Romam reverterunt.

⁷² Vesceliam Holonemque] Parum nota nomina. Vict. cod. cum Thua-
 næo, et Modii libro, Helonemque. Hinc Jac. Gronovius legendum putavit Be-
 lonemque: minima certe in litteris mu-
 tatione; sed situs locorum repugnare videtur. Belo enim urbs Bæticæ mari-
 tima e regione Tingi opposita nimium distat ab Oretanis populis, in quos mox a captis Vescelia et Holone progressus esse dicitur Fulvius. Oretani inter

U. C. 560. celiām Holonemque, et castella multa expugnavit: alia vo-
 A. C. 192. luntate ad eum defecerunt. tum in Oretanis progressus, et
 ibi duobus potitus oppidis, Nolibā et Cusibi, ad Tagum
 amnem ire pergit. Toletum ibi parva urbs erat, sed loco
 munito^m. eam quum obpugnaret, Vectonum magnus exer-
 citus Toletanis subsidio venit. Cum his signis conlatis
 prospere pugnavit: et, fuis Vectonibus, operibus Toletum
 cepit.

Rumores
 de Antio-
 cho.

Legati in
 Græciam
 missi.

XXIII. Ceterum eo tempore minus ea bella, quæ gere-
 bantur, curæ Patribus erant, quam exspectatio nondum
 cœpti cum Antiocho belli. nam etsi per legatos identidem
 omnia explorabantur, tamen rumores, temere sine ullis auc-
 toribus orti, multa falsa veris miscebant. Inter quæ adlatum
 erat, quum in Ætoliā venisset Antiochus, extemplo clas-
 sem eum in Siciliā missurum. Itaque senatus, etsi præto-
 rem Atilium cum classe miserat in Græciā, tamen, quia
⁷³non copiis modo, sed etiam auctoritate opus erat ⁷⁴ad tu-
 endos sociorum animos, T. Quinctium, et Cn.^o Octavium,
 et Cn. Servilium, et P. Villium legatos in Græciā misit;
 et, ut M. Bæbius ex Brutiis ad Tarentum et Brundisium
 promoveret legiones, decrevit; ⁷⁵ut inde, si res posceret, in
 Macedoniā trajiceret; et ut M. Fulvius prætor classem
 navium triginta mitteret ad tuendam Siciliæ oram: et ut^o
 cum imperio esset, qui classem eam duceret: (duxit L.
 Oppius Salinator, qui priore anno ædilis plebis fuerat) et ut
 idem prætor L. Valerio collegæ scriberet, *Periculum esse, ne
 classis regis Antiochi ex Ætolia in Siciliam trajiceret: itaque
 placere senatui, ad eum exercitum, quem haberet, ⁷⁶tumultua-
 riorum militum ad duodecim milliaⁿ, et quadringentos equites
 scribere eum, quibus oram maritimā provinciae, qua vergeret
 in Græciā, tueri posset.* Eum delectum prætor non ex
 Sicilia ipsa tantum, sed etiam ex circumjacentibus insulis
 habuit: oppidaque omnia maritima, quæ in Græciā versa
 erant, præsiidiis firmavit. Addidit alimenta rumoribus adven-

Attalus fra-
 ter Eume-
 nis Romæ.

tus Attali, Eumenis fratris, qui nunciavit, Antiochum regem
^m munita Gron. Crev. ⁿ Cn. I. C. Eæd. ^o ut del. Eæd. ^p add. pe-
 dites Eæd.

Anam et Barim, ad utriusque fluminis
 fontes incolebant. Crediderimus potius
 Vesceliam Holonemque viciniores
 Ibero fuisse, quam Oretanis.

⁷³ * Non copiis modo, sed etiam aucto-
 ritate] Non copiis modo, quæ per
 vim cogerent invitos, sed etiam aucto-
 ritate, quæ volentes suadendo, concili-
 andaque nonnisi Romano reverentia,
 devinciret.

⁷⁴ Ad tuendos sociorum animos] Le-
 ge cum Gronovio: ad tenendos.

⁷⁵ Ut inde . . . in Macedoniā tra-

jiceret] Elegantius abesset *ut*, quod
 ignorat unus e MSS. Hearnii, et Vic-
 tor, et Andrea editio. Contra, paulo
 inferius, libenter addita particula *ut*,
 legeremus, et ut cum imperio esset:
 volente Andrea, et eodem Hearnii
 scripto. Etenim novum est hoc sena-
 tusconsulti caput, nec ad eundem ho-
 minem pertinens.

⁷⁶ Tumultuariorum militum ad duo-
 decim millia pedites] Vid. not. 66. ad c.
 20. supra.

Hellespontum cum exercitu transisse; et^a Ætolos ita se pa- U. C. 560.
rare, ut sub adventum ejus in armis essent. Et Eumeni A. C. 192.
absenti, et præsentī Attalo gratiæ actæ: et ⁷⁷ædes liberæ,
locus, lautia decreta, et munera data, equi duo, bina eques-
tria arma, et vasa argentea ⁷⁸centum pondo, et aurea ⁷⁹vi-
ginti pondo.

XXIV. Quum alii atque alii nuncii bellum instare adfer-
rent, ad rem pertinere visum est, consules primo quoque
tempore creari. Itaque senatusconsultum factum est, ut
M. Fulvius prætor literas extemplo ad consulem mitteret,
quibus certior fieret, senatui placere, provincia exercituque
tradito legatis, Romam reverti eum, et ex itinere præmit-
tere edictum, quo comitia consulibus creandis ediceret. Comitia.
Paruit his literis consul, et, præmisso edicto, Romam venit.
Eo quoque anno magna ambitio fuit, quod patricii tres in
unum locum petierunt, P. Cornelius Cn. F. Scipio, qui
priori anno repulsam tulerat, et L. Cornelius Scipio, et Cn.
Manlius Vulso. P. Scipioni, ut dilatum viro tali, non ne-
gatum, honorem adpareret, consulatus datus est. additur
ei de plebe collega, M'. Acilius Glabrio. Postero die præ-
tores creati, L. Æmilius Paullus, M. Æmilius Lepidus, M.
Junius Brutus, A. Cornelius Mammula, C. Livius, et L.
Oppius; utrique eorum Salinator cognomen erat. Oppius
is erat, qui classem triginta navium in Siciliam duxerat.
Interim dum novi magistratus sortirentur provincias, M.
Bæbius a Brundisio cum omnibus copiis transire in Epirum
est jussus, et circa Apolloniam copias continere: et M.
Fulvio prætori urbano negotium datum est, ut quinquere-
mes novas quinquaginta faceret.

XXV. Et populus quidem Romanus ita se ad omnes co-
natus Antiochi præparabat. Nabis jam non differebat Nabis Gy-
bellum, sed summa vi Gythium obpugnabat; et, infensus thium
Achæis, quod miserant obsessis præsidium, agros eorum obpugnat.
vastabat. Achæi, non antea ausi capessere bellum, quam Achæi bel-
ab Roma revertissent legati, ut, quid senatui placeret, sci- lum in eum
rent, post reditum legatorum et Sicyonem concilium edix- decernunt.
erunt, et legatos ad T. Quinctium miserunt, qui consilium
ab eo peterent. In concilio omnium ad bellum extemplo
capessendum inclinatæ sententiæ erant: literæ T. Quinctii
cunctationem injecerunt, quibus auctor erat prætorem clas-
semque Romanam exspectandi. Quum principum alii in
sententia permanerent; alii utendum ejus, quem ipsi consu-
luissent, consilio censerent; multitudo Philopœmenis sen-

* et del. Crev.

† additus Gron. Crev.

⁷⁷ Ædes liberæ, locus] Vid. not. ad tratium 156. cum unciis 2.

1. XXX. c. 17.

⁷⁹ Viginti pondo] Marcarum 31.

⁷⁸ Centum pondo] Marcarum nos- cum unciis 2.

U. C. 560. tentiam expectabat. Prætor is tum erat, et omnes eo tem-
 A. C. 192. pore ⁸⁰ et prudentia et auctoritate anteibat. Is præfatus,
⁸¹ *Bene comparatum apud Ætolos esse, ne prætor, quum de bello consulisset, ipse sententiam diceret: statuere quamprimum ipsos, quid vellent, jussit. Prætorem decreta eorum cum fide et cura exsecuturum: adnisciturque, ut, quantum in consilio humano positum esset, nec pacis eos pœniteret, nec belli.* Plus ea oratio momenti ad incitandos ad bellum habuit, quam si aperte suadendo cupiditatem res gerendi ostendisset. Itaque ingenti consensu bellum decretum est: tempus et ratio administrandi ejus libera prætori permissa sunt. Philopœmen, præterquam quod ita Quinctio place-ret, et ipse existimabat classem Romanam expectandam, quæ a mari Gythium tueri posset, sed metuens, ne dilatio-nem res non pateretur, et non Gythium solum, sed præsi-dium quoque missum ad tuendam urbem amitteretur, naves Achæorum deduxit.

XXVI. Comparaverat et tyrannus modicam classem ad prohibenda, si qua obsessis mari submitterentur, præsidia, tres tectas naves, et lembos, ⁸²pristesque, tradita vetere classe ex fœdere Romanis. Harum novarum tum navium agilitatem ut experiretur, simul ut ⁸³omnia satis apta ad cer-tamen essent, provectos in altum quotidie remigem militem-que simulacris navalis pugnae exercebat, in eo ratus verti spem obsidionis, si præsidia maritima interclusisset. Prætor Achæorum, sicut terrestrium certaminum arte quemvis cla-rorum imperatorum vel usu vel ingenio æquabat, ita rudis in re navali erat; Arcas, mediterraneus homo, externorum etiam omnium, nisi quod in Creta præfectus auxiliorum militaverat, ignarus. Navis erat quadriremis vetus, ⁸⁴capta annis octoginta ante, quum ⁸⁴Crateri uxorem Nicæam ab Naupacto Corinthum veheret. hujus fama motus (fuerat enim nobile in classe regia quondam navigium) deduci ab Ægio putrem jam admodum et vetustate dilabentem jussit.

⁸ *Harum ut novarum tum navium agilitatem experiretur, simul omnia Gron. Crev.*

80 *Et prudentia*] Duo e MSS. Gronovii et providentia. Accedit Victor.

81 *Bene comparatum apud Ætolos esse*] Imo *apud Achæos*. Quid enim prætori Achæorum cum Ætolis, ut horum sibi instituta sequenda esse existimet? GRONOVIVS.

82 *Pristesque*] Pristis est genus navigii, cujus nomen plerique duci volunt a verbo Græco *πρίω*, seco.

83 *Capta annis octoginta ante, quum Crateri uxorem*] Plutarchus in Philopœmene eam navem quadraginta ante annis captam fuisse dicit, nec, qua occasione id factum fuerit, memorat. Quod ad illum Craterum, qui hic no-

minatur, attinet, censet Gronovius, si verus sit Livii numerus, eum fuisse filium Demetrii Poliorcetæ, fratrem Antigoni Gonatæ regis Macedoniae, cujus Crateri mentionem faciunt Plutarchus in libello *περὶ φιλαδελφίας*, et Prologus 26. Trogi Pompeii. Res clari-or foret, si is exstaret Polybii locus, unde hæc procul dubio Livius excerp-sit.

84* *Crateri*] Hunc Craterum Gronovius existimat fuisse filium Demetrii Poliorcetæ, fratrem Antigoni Gonatæ regis Macedoniae. Res ipsa parum nota.

Hac tum prætoria nave præcedente classem, quum in ea Patrensis Tiso præfectus classis veheretur, obcurrerunt a Gythio Laconum naves: et primo statim incursu ad novam et firmam navem vetus, quæ per se ipsa omnibus compagibus aquam acciperet, divulsa est: captique omnes, qui in nave erant. cetera classis, prætoria nave amissa, quantum quæque remis valuit, fugerunt. ipse Philopœmen in levi speculatoria nave fugit: nec ante fugæ finem,⁸⁵ quam Patras ventum est, fecit. Nihil ea res animum militaris viri, et multos experti casus, inminuit. quin contra, si in re navali, cujus esset ignarus, obfendisset, eo plus in ea, quorum usu calleret, spei nactus, breve id tyranno gaudium se effecturum adfirmabat.

U. C. 560.
A. C. 192.
Classe vincitur Philopœmen.

XXVII. Nabis, quum prospera elatus re, tum spem etiam haud dubiam nactus, nihil jam a mari periculi fore, et terrestres aditus claudere opportune positis præsidiiis voluit. tertia parte copiarum ab obsidione Gythii abducta,⁸⁶ ad Pleias posuit castra. Inminet is locus et Leucis, et⁸⁷ Acris, qua videbantur hostes exercitum admoturi. Quum ibi stativa essent, et pauci tabernacula haberent, multitudo alia casas ex arundine^s textas fronde, quæ umbram modo præberet, texissent; priusquam in conspectum hostium veniret Philopœmen, nec opinantem⁸⁸ eum inproviso genere belli adgredi statuit. Navigia parva in stationem occultam agri Argivi contraxit: in ea expeditos milites, cætratos plerosque, cum fundis et jaculis et alio levi genere armaturæ, inposuit. inde litora legens, quum ad propinquum castris hostium promontorium venisset, egressus callibus notis, nocte Pleias pervenit: et, sopitis vigilibus, ut in nullo propinquo metu, ignem casis ab omni parte castrorum injecit. Multi prius incendio absumti sunt, quam hostium adventum sentirent: et, qui senserant, nullam opem ferre potuerunt. Ferro flammaque omnia absumta: perpauci tamen ex tam ancipiti peste ad Gythium in majora castra perfugerunt. Ita percussis hostibus, Philopœmen protinus ad depopulandam Tripolim Laconici agri, qui proximus⁸⁹ finem Megalopolitarum est, duxit: et, magna vi pecorum hominumque inde abrepta, priusquam a Gythio tyrannus præsi-

Nabidis castra incendit.

^r Acris Grœn. Crev.

^s arundinibus Eæd.

⁸⁵ Quam Patras ventum sit] Victor. codex, ventum est.

⁸⁶ Ad Pleias] Hoc nomen corruptum est. Meursius existimat admodum verisimiliter legendum esse Bœas, cujus oppidi mentio fit tum a Polybio, l. V. tum a Pausania in Laconicis, tanquam vicini Acris et Leucis, quæ hoc loco nominantur.

⁸⁷ Acris] Legendum est Acris, ex auctoribus supra memoratis.

⁸⁸ Eum] Nabin.

⁸⁹ Finem Megalopolitarum] Merito legi jubet Gronovius finem Megalopolitarum. Sic enim amat loqui Livius. l. IX. c. 6. ad finem Campanum. l. X. c. 35. ad finem Lucerinum. Et alibi sæpius.

U. C. 560.
A. C. 192.

Gythium
captum a
Nabide.

dium agris mitteret, discessit. ⁹⁰Inde Tegeam exercitu contracto, concilioque eodem et Achæis et sociis indicto, in quo et Epirotarum et Acarnanum fuere principes, statuit, quoniam satis et suorum a pudore maritimæ ignominia restituti animi, et hostium conterriti essent, ad Lacedæmonem ducere: eo modo uno ratus ab obsidione Gythii hostem abduci posse. Ad ⁹¹Caryas primum in hostium terra posuit castra. Eo ipso die Gythium expugnatum est. cuius rei ignarus Philopœmen, castra ad Barbosthenem (mons est decem millia passuum ab Lacedæmone) promovit. Et Nabis, recepto Gythio, cum expedito exercitu inde profectus, quum præter Lacedæmonem raptim duxisset, ⁹²Pyrri (quæ vocant) castra occupavit: quem peti locum ab Achæis, non dubitabat. inde hostibus occurrit. Obtinebant autem longo agmine propter angustias viæ prope quinque millia passuum. cogeatur agmen ab equitibus, ⁹³et maxime a parte auxiliorum: quod existimabat Philopœmen, tyrannum mercenariis militibus, quibus plurimum fideret, ab tergo suos adgressurum. Duæ res simul inopinatæ perculerunt eum: una, præoccupatus, quem petebat, locus: altera, quod primo agmini occurrisset hostem cernebat, ubi, quum per loca confragosa iter esset, sine levis armaturæ præsidio signa ferri non videbat posse.

Philopœ-
menis so-
lertia et
usus in locis
capiendis.

XXVIII. Erat autem Philopœmen præcipuæ in ducendo agmine locisque capiendis solertiæ atque usus: nec belli tantum temporibus, sed etiam in pace, ad id maxime animus exercuerat. Ubi iter quopiam faceret, et ad difficilem transitu saltum venisset, contemplatus ab omni parte loci naturam, ⁹⁴quum solus iret, secum ipse agitabat animo; quum comites haberet, ab iis quærebat, *Si hostis eo loco adparuisset, quid, si a fronte, quid, si ab latere hoc aut illo, quid, si ab tergo adoriretur, capiendum consilii foret? Posse instructos recta acie, posse inconditum agmen, et tantummodo aptum viæ, obcurrere. Quem locum ipse capturus esset, cogitando aut quærendo exsequebatur; aut quot armatis, aut quo genere armorum (plurimum enim interesse) usus; quo impedimenta, quo sarcinas, quo turbam inermem rejiceret; quanto ea, aut quali præsidio custodiret; et utrum*

^t a Gron. Crev. ^u erat Gron.

⁹⁰ Inde Tegeam] Olim cusi inde Telegam. Nomen oppidi restituit Gelenius. At male recentiores editi pro inde fecerant idem. Correximus, movente Gronovio.

⁹¹ Caryas] Sic nomen hoc scribendum est; non Caryas, quomodo vulgo editi habent.

⁹² Pyrri . . . Castra] Nomen loci.

⁹³ Et maxime a parte auxiliorum] Legi jubet Perizonius, et maxima parte auxiliorum: recte. Quum enim equitatus et pars auxiliorum cogat agmen, qui potest intelligi magis id ab auxiliis, quam ab equitibus præstari?

⁹⁴ Quum solus iret] Vulgo erat: minus eleganter, et contra scriptorum fidem.

pergere, qua cœpisset ire via, ⁹⁵*an eam, qua venisset, re-* U. C. 560.
petere melius esset; castris quoque quem locum caperet, quan- A. C. 192.
tum munimento amplecteretur loci, qua opportuna aquatio,
qua pabuli lignorumque copia esset. qua postero die castra
moventi tutum maxime iter, quæ forma agminis foret. His
 curis cogitationibusque ita ab ineunte ætate animum agi-
 taverat, ut nulla ei nova in tali re cogitatio esset. Et tum
 omnium primum agmen constituit: dein Cretenses auxiliares
 et, quos Tarentinos vocabant, equites, binos secum trahen-
 tes equos, ad prima signa misit: et, jussis equitibus subse-
 qui, super torrentem, unde aquari possent, rupem occupa-
 vit. Eo impedimenta omnia et calorum turbam conjectam
 armatis circumdedit, et pro natura loci castra communivit.
 tabernacula statuere in aspretis et inæquabili solo difficile
 erat. Hostes quingentos passus aberant. ⁹⁶*ex eodem rivo*
utrumque cum præsidio levis armaturæ aquati sunt: et,
 priusquam (qualia in propinquis castris solent) contraheretur
 certamen, nox intervenit. Postero die adparebat pugnan-
 dum pro aquatoribus circa rivum esse. nocte in valle a
 conspectu hostium aversa, quantam multitudinem locus oc-
 culere poterat, condidit, cætratorum.

XXIX. Luce orta, Cretensium levis armatura et Taren-
 tini equites super torrentem prælium commiserunt. Telem-
 nastus⁹⁷ Cretensis popularibus suis, equitibus ⁹⁷Lycortas
 Megalopolitanus præerat. ⁹⁸Cretenses et hostium auxilia-
 res, equitumque idem genus Tarentini, præsidio aquatoribus
 erant. Aliquamdiu dubium prælium fuit, ut eodem ex
 parte utraque hominum genere, et armis paribus. Proce-
 dente certamine, ⁹⁹et numero vicere tyranni auxiliares, et
 quia ita præceptum a Philopœmene præfectis erat, ut, mo-
 dico edito prælio, in fugam inclinarent, hostemque ad insi-
 diarium locum pertraherent. Effuse secuti fugientes per

Prælium
inter Philo-
pœmenem
et Nabin.

* ea Gron.

† Latemnastus Gron. Crev.

⁹⁵ *An eam qua venisset repetere]* Sic habet unus e MSS. Hearnii, et nos-
 ter quoque Vict. Consentit Andræ
 editio. Gronovianæ exhibent *An ea:*
 minus commode.

⁹⁶ *Ex eodem rivo utrumque . . .*
aquati sunt] Andreas, utrique: quod
 magis placet.

⁹⁷ *Lycortas Megalopolitanus]* Is est
 procul dubio Polybii historiarum scrip-
 toris pater.

⁹⁸ *Cretenses et hostium]* Cretenses,
 qui erant et hostium, id est, hostium
 quoque, auxiliares, equitumque idem
 genus, sive genus equitum simile iis
 equitibus, qui pro Achæis pugnabant,
 nempe equites Tarentini, præsidio e-
 rant aquatoribus Nabidis. Intelligen-

dum est igitur utrumque, tum apud
 Achæos, tum apud Nabidem, et Cre-
 tenses, et Tarentinos equites militasse.
 Itaque hic Cretenses adversus Creten-
 ses, Tarentini equites adversus equites
 Tarentinos pugnant. Sic et in pugna
 Philopœmenis adversus Machanidam
 apud Polyb. l. XI. utrumque equites
 Tarentini conspiciuntur.

⁹⁹ *Et numero vicere tyranni auxi-*
liares, et quia] Duplicem ob causam
 vicere tyranni auxiliares, quod nempe
 et numero superabant, et præceptum
 a Philopœmene præfectis erat, ut in
 fugam inclinarent. Itaque absolvitur
 sensus in verbo *pertraherent*. In vul-
 gatis editionibus hic locus mala inter-
 pruntione laborabat.

U. C. 560.
A. C. 192.

convallem, plerique et vulnerati, et interfecti sunt, priusquam occultum hostem viderent. Cætrati ita, quantum latitudo vallis patiebatur, instructi sederant, ut facile per intervalla ordinum fugientes suos acciperent. Consurgunt deinde ipsi integri, recentes, instructi: et in hostes inordinatos, effusos, labore etiam et vulneribus fessos, inpetum faciunt. Nec dubia victoria fuit. extemplo terga dedit tyranni miles: et haud paullo concitatore cursu, quam secutus erat, fugiens, ad castra est compulsus. multi cæsi captique in ea fuga sunt. Et in castris quoque foret trepidatum, ni Philopæmen receptui cani jussisset; loca magis confragosa, et, quacumque temere processisset, iniqua, quam hostem, metuens. Inde et ex fortuna pugnae, et ex ingenio ducis conjectans, in quo tum is pavore esset, unum de auxiliariis specie transfugæ mittit ad eum, qui pro comperto adferret: Achæos statuisse postero die ad Eurotam amnem, qui prope ipsis adfluit mœnibus, progredi², ut intercluderent iter; ne aut tyrannus, quum vellet, receptum ad urbem haberet; aut commeatus ab urbe in castra portarentur: ¹simul etiam tentaturus, si quorum animi sollicitari ad defectionem a tyranno possent. Non tam fidem dictis perfuga fecit, quam percusso metu relinquendi castra caussam probabilem præbuit. Postero die Pythagoram cum auxiliariis et equitatu stationem agere pro vallo jussit. ipse, tamquam in aciem cum robore exercitus egressus, signa ocuis ferri ad urbem jussit.

Castra deserit tyrannus.

XXX. Philopæmen, postquam citatum agmen per angustam et proclivem viam duci raptim vidit, equitatum omnem et Cretensium auxiliares in stationem hostium, quæ pro castris erat, emittit. Illi, ubi hostes adesse, et a suis se desertos viderunt, primo in castra recipere se conati sunt: deinde, postquam instructa acies tota Achæorum admovebatur, metu ne cum ipsis castris caperentur, sequi suorum agmen aliquantum prægressum insistunt. Extemplo cætrati Achæorum ²in castra inpetum faciunt, et diripiunt²; ceteri ad persequendos hostes ire pergunt. Erat iter tale, per quod vix tranquillum ab hostili metu agmen expediri posset. Ut vero ad postremos prælium ortum est, clamorque terribilis a tergo paventium ad prima signa est perlatus, pro se quisque, armis abjectis, in circumjectas itineri silvas dif-

Funditus ejus exercitus.

² procedere Gron. Crev.

² et diripiunt del. Crev.

1 Simul etiam tentaturos] Revocamus veterum editorum lectionem, quam tnetur Vict. Eam Modius immutaverat, jusserratque legi tentaturus: quæ nobis parum felix emendatio visa est.

2 In castra inpetum faciunt. ceteri]

Editi post ² faciunt inserunt duas voces et diripiunt. Sed illæ et male nexæ sunt cum præcedentibus, nec eas ullus e Gronovianis MSS. agnoscit, non Vict. non Hearnii codd. non Andree editio. Itaque delendas duximus.

fugiant, momentoque temporis strage armorum septa via ^{U.C. 560.} est, maxime hastis; quæ, pleræque ^{A.C. 192.} ³adversæ cadentes, vel ut vallo objecto iter inpediebant. Philopœmen, utcumque possent, instare et persequi auxiliariis jussis, (⁴utique enim equitibus haud facilem futuram fugam) ipse gravius agmen via patentiore ad Eurotam amnem deduxit. ibi castris sub occasum solis positis, levem armaturam, quam ad persequendum reliquerat hostem, opperiebatur. qui ubi prima vigilia venerunt, nunciantes, tyrannum cum paucis ad urbem penetrasse, ceteram multitudinem inermem toto sparsam vagari saltu, corpora curare eos jubet. ipse ex cetera copia militum (qui, quia priores in castra venerant, refecti et cibo sumto, et modica quiete erant) delectos, nihil præter gladios secum ferentes, extemplo educit, et ⁵duarum portarum itineribus, quæ Pheras, quæque Barbosthenem ferunt, eos instruxit; qua ex fuga recepturos sese hostes credebat. Nec eum opinio fefellit. nam Lacedæmonii, quoad lucis superfuit quidquam, deviis callibus medio saltu se recipiebant. Primo vespere ut lumina in castris hostium conspexere, e regione eorum occultis semitis se tenuerunt: ubi ea sunt prægressi^b, jam tutum rati, in patentes vias descenderunt. ibi excepti ab insidente hoste passim ita multi cæsi captique sunt, ut vix quarta pars de toto exercitu evaserit. Philopœmen, incluso tyranno in urbem, insequentes dies prope triginta vastandis agris Laconum absumsit, debilitatisque ac prope fractis tyranni viribus, domum rediit, æquantibus eum gloria rerum Achæis imperatori Romano, et, quod ad Laconicum bellum adtineret, præferentibus etiam.

XXXI. Dum inter Achæos et tyrannum bellum erat, ^{Legati} legati Romanorum circumire sociorum urbes, solliciti, ne ^{Rom. in} Ætoli partis alicujus animos ad Antiochum avertissent. ^{Græcia.} minimum operæ in Achæis adeundis consumserunt; quos, quia Nabidi infesti erant, ad cetera quoque satis fidos censebant esse. Athenas primum, inde Chalcidem, inde in Thessaliam iere: adlocutique concilio frequenti Thessalos,

^b ubi prætergressi ea sunt Gron. Crev.

³ *Adversæ cadentes*] Adversa hasta intelligi debet ea quæ ita sita est, ut ferrum objiciat. Itaque *adversæ cadentes hasta* sunt eæ quæ directo in terram ferro cadunt: atque ex iis sic temere in terram fortuito casu infixis efficitur illa imago cujusdam velut valli, quo impeditum fuisse iter dicit Livius.

⁴ *Utique enim equitibus*] Jubet Philopœmen auxiliares suos instare

fugientibus hostibus, et confidit eos facturos operæ pretium, quum fuga per sylvas difficilis futura esset omnibus quidem hostibus, sed maxime equitibus.

⁵ *Duarum portarum*] Urbis Lacedæmonis. Præviderat Philopœmen repentes urbem Laconas per duo maxime itinera venturos esse, a duabus Lacedæmonis portis Pheras Barbosthenæque ferentia.

U. C. 560. ⁶Demetriadem iter flexere. eo Magnetum concilium indic-
 A. C. 192. tum est. Adcuratio ibi habenda oratio fuit, quod pars
 principum alienati a Romanis, totique Antiochi et Ætolorum
 erant: quia, quum reddi filium obsidem Philippo ad-
 latum esset, stipendiumque inpositum remitti, inter cetera
 vana adlatum erat, Demetriadem quoque ei reddituros Ro-
 manos esse. Id ne fieret, Eurylochus princeps Magnetum,
 factionisque ejus quidam, omnia novari Ætolorum Antiochi-
 que adventu malebant. Adversus eos ita disserendum erat,
 ne, timorem vanum iis demendo, spes incisa Philippum
 abalienaret: in quo plus ad omnia momenti, quam in Mag-
 netibus, esset. Illa tantum commemorata, *quum totam Græ-
 ciam beneficio libertatis obnoxiam Romanis esse, tum eam
 civitatem præcipue. Ibi enim non præsidium modo Macedo-
 num fuisse, sed regiam exædificatam, ut præsens semper in ocu-
 lis habendus esset dominus. Ceterum nequidquam ea facta, si
 Ætoli Antiochum in Philippi regiam adducerent, et novus et
 incognitus pro vetere et experto habendus rex esset.* Magnet-
 archen summum magistratum vocant. is tum Eurylochus
 erat. ac potestate ea fretus, negavit dissimulandum sibi et
 Magnetibus esse, quæ fama vulgata de reddenda Deme-
 triade Philippo foret. id ne fieret, omnia et conanda et au-
 denda Magnetibus esse. Et inter dicendi contentionem
 inconsultius evectus projecit, *Tum quoque specie liberam
 Demetriadem esse: re vera omnia ad nutum Romanorum
 fieri.* Sub hanc vocem fremitus ⁷variantis multitudinis
 fuit, partim adsensum, partim indignationem^c, dicere id
 ausum eum. Quinctius quidem adeo exarsit ira, ut, manus
 ad cælum tendens, Deos testes ingrati ac perfidi animi
 Magnetum invocaret. Hac voce perterritis omnibus, Zeno,
 ex principibus unus, magnæ tum ob eleganter actam vitam
 auctoritatis, tum quod semper Romanorum haud dubie
 partis fuerat, ab Quinctio^d legatisque aliis flens petiit, *ne
 unius amentiam civitati adsignarent. Suo quemque periculo
 furere. Magnetæ non libertatem modo, sed omnia, quæ homi-*

Adloquan-
 tur Magne-
 tas.

Eurylochi
 Magnetar-
 chæ respon-
 sum audax
 et inconsul-
 tum.

^c partim assentientium, partim indignantium Crev.

^d ab T. Quinctio Gron.

6 Demetriadem iter flexere] Scripti et olim editi iter direxere. Sed parum interest.

7 Variantis multitudinis, partim assentientium, partim indignantium] Varie agitata, variis animi motibus astuantis. Verbum *variare* *adscriptus* sumptum a Livio est, l. I. c. 43. Ibi si *variaret*. Sic et Lucret. l. V. v. 823. *variantibus formis*. Gronovius ex duobus MSS. dedit *partim assensum, partim indignationem*, ita ut hæc duo

nomina pendeant a verbo *variantis*. *Fremitus multitudinis fuit variantis*, hos est, alternantis, inter se confundentis, *partim assensum, partim indignationem*, quod id dicere esset ausus. Sed hujus loquendi formæ audacia, quæ blandita est Gronovio abruptioris sermonis amanti, nobis non ita placuit, ut vulgatam lectionem, cui favet Vict. codex, quæque simplicior et clarior est, abjiceremus.

nibus sancta caraque sint, T. Quinctio et populo Romano debere. Nihil quemquam ab Diis immortalibus precari posse, quod non Magnetes ab illis haberent; et in corpora sua citius per furorem sævituros, quam ut Romanam amicitiam violarent. U. C. 560.
A. C. 192.

XXXII. Hujus orationem subsecutæ multitudinis preces sunt. Eurylochus ex concilio itineribus occultis ad portam, atque inde protinus in Ætoliā profugit. Jam enim, et id magis in dies, Ætoli defectionem nudabant: eoque ipso forte tempore ⁸Thoas, princeps gentis, quem miserant ad Antiochum, redierat, indeque Menippum secum adduxerat, regis legatum. Qui, priusquam concilium iis daretur, inpleverant omnium aures terrestres navalesque copias commemorando; *ingentem vim peditum equitumque venire: ex India elephantos: ⁹ante omnia* (quo maxime moveri credebant multitudinis animos) *tantum advehi auri, ut ipsos emere Romanos possit.* Adparebat, quid ea oratio in concilio motura esset. nam et venisse eos, et, quæ agerent, omnia Romanis legatis deferebantur: et, quamquam prope absisa res erat, tamen non ab re esse Quinctio visum est, sociorum aliquos legatos interesse ei concilio, qui admonerent Romanæ societatis Ætolos, qui vocem liberam mittere adversus regis legatum auderent. Athenienses maxime in eam rem idonei visi sunt, ¹⁰propter et civitatis dignitatem, et vetustam societatem cum Ætolis. ab iis Quinctius petiit, ut legatos ad Panætolicum concilium mitterent. Thoas primus in eo concilio renunciavit legationem. Menippus post eum intromissus, *Optimum fuisse omnibus, qui Græciam Asiamque incolerent, ait, integris rebus Philippi potuisse intervenire Antiochum: sua quemque habiturum fuisse, neque omnia sub nutum ditionemque Romanam perventura.* Nunc quoque, inquit, si modo vos, quæ inchoastis, consilia constanter perducitis ad exitum, poterit, Diis juvantibus, et Ætolis sociis, Antiochus quamvis inclinatas Græciæ res restituere in pristina dignitate. Ea autem in libertate posita est, quæ suis stat viribus, non ex alieno arbitrio pendet. Athenienses, quibus primis, post regiam legationem, dicendi, quæ vellent, potestas facta est, mentione omni regis prætermissa, Romanæ societatis Ætolos, meritorumque in

Ætoli defectionem nudant.

Concilium Panætolicum.

⁸ ad Gron. Crev.

⁹ et propter Gron.

⁸ Thoas . . . quem miserant ad Antiochum] Supra, c. 12. Dicæarchus frater prætoris, id est, Thoantis, ad Antiochum missus esse dicitur, nulla facta Thoantis ipsius mentione. Sed intelligendum est, et ipsum, circumacto magistratus annui spatio, ad Antiochum profectum esse, ut majore

auctoritate moveret regem.

⁹ Ad omnia] Præter hæc omnia. Forsitan tamen quis malit, quod editi quidam habent, ante omnia.

¹⁰ Propter et civitatis] Vulgo nunc et propter. Nos restituimus eum ordinem vocularum, qui habetur in Vict. cod. et in priscis editis.

U. C. 560. universam Græciam T. Quinctii, admonuerunt, *ne temere*
 A. C. 192. *eam celeritate nimia consiliorum everterent.* ¹¹*Consilia calida et audacia prima specie læta,* ¹²*tractatu dura, eventu tristitia esse. legatos Romanos, et in iis T. Quinctium, haud procul inde abesse. Dum integra omnia essent, verbis potius* ¹³*de iis, quæ ambigerentur, disceptarent, quam Asiam Europamque ad funestum armarent bellum.*

Legati Romani in Ætoliæ eunt.

Ætoli vocandum Antiochum decernunt.

XXXIII. Multitudo avida novandi res, Antiochi tota erat: et ne admittendos quidem in concilio Romanos censebant. principum maxime seniores auctoritate obtinere, ut daretur iis concilium. Hoc decretum Athenienses quum retulissent, eundem in Ætoliæ Quinctio visum est. Aut enim moturum aliquid, aut omnes homines testes fore, penes Ætolos belli culpam esse: Romanos justa ac prope necessaria sumtuos arma. Postquam ventum est eo, Quinctius in concilio, orsus a principio societatis Ætolorum cum Romanis, et quoties ab iis fides mota foederis esset, pauca de jure civitatum, de quibus ambigeretur, disseruit. *Si quid tamen æqui se habere arbitrarentur, quanto esse satius Romam mittere legatos, seu disceptare, seu rogare senatum mallent; quam populum Romanum cum Antiocho,* ¹⁴*lanistis Ætolis, non sine motu magno generis humani, et perniciæ Græciæ dimicare? nec ullos prius cladem ejus belli sensuros, quam qui movissent.* Hæc nequidquam velut vaticinatus Romanus. Thoas deinde ceterique factionis ejusdem, cum adsensu omnium auditi, pervicerunt, ut, ¹⁵*ne dilato quidem concilio, et absentibus Romanis, decretum fieret, quo arcesseretur Antiochus ad liberandam Græciam, disceptatumque inter Ætolos et Romanos.* Huic tam superbo decreto addidit propriam contumeliam Damocritus prætor eorum. nam quum id ipsum decretum posceret eum Quinctius, non veritus majestatem viri, *aliud in præsentia, quod magis instaret, prævertendum sibi esse, dixit: decretum responsumque brevi in Italia, castris super ripam Tiberis positis, daturum.* tantus furor

¹¹ *Consilia calida*] Sic legi jussit Gronovius, quum prius haberetur *calida*. Firmant hanc emendationem unus e MSS. Hearnii, et noster Viet. Et ipse Livius supra l. XXII. c. 24. *Agitabanturque pro ingenio ducis consilia calidiora.*

¹² *Tractatu dura*] Dum tractantur, dum ad effectum perducuntur, difficilia et molesta.

¹³ *De iis quæ ambigerentur*] Vid. quæ hac de re memoravit Livius, l. XXXIII. capp. 34. et 49. et l. XXXIV. c. 23.

¹⁴ *Lanistis Ætolis*] Ætolis com-

mittentibus, subornantibus in certamen; quemadmodum lanistæ gladiatorum paria inter se comparant, et depugnare jubent. Sic in Ep. Antonii, apud Cic. Phil. XIII. n. 40. *Ne videret unius corporis duas acies, lanista Cicerone, dimicantes.*

¹⁵ *Ne dilato quidem concilio et absentibus Romanis*] Ne dilato quidem concilio, ne parva quidem interposita mora, donec absentes essent Romani. Statim, coram ipsis Romanis, decretum fit quo arcessatur in Græciam Antiochus, bellumque proinde cum Romanis sumatur.

illo tempore gentem Ætolorum, tantusque magistratus eorum U. C. 560.
A. C. 192.
cepit.

XXXIV. Quinctius legatique Corinthum redierunt. inde,
¹⁶ut quæque de Antiocho, nihil per se ipsi moti, et sedentes
exspectare adventum viderentur regis, concilium quidem
universæ gentis post dimissos Romanos non habuerunt:
per ¹⁷apocletos autem (ita vocant sanctius consilium^e: ex
delectis constat viris) id agitabant, quonam modo res in
Græcia novarentur. Inter omnes constabat, in civitatibus
principes, optimum quemque, Romanæ societatis esse, et
præsenti statu gaudere. multitudinem, et ¹⁸quorum res non
ex sententia ipsorum essent, omnia novare^h velle. Ætoli
consilium uno die ¹⁹spei quoque non audacis modo, sed
etiam inpudentis, ceperunt, Demetriadem, Chalcidem, et
Lacedæmonem occupandi. Singuli in singulas missi sunt
principes: Thoas Chalcidem, Alexamenus Lacedæmonem,
Diocles Demetriadem. Hunc exsul Eurylochus, de cujus
fuga caussaque fugæ ante dictum est, quia reditus in pa-
triam nulla spes alia erat, adjuvit. Literis Eurylochi admo-
niti propinqui amicique, et qui ejusdem factionis erant,
liberos et conjugem ejus cum sordida veste, tenentes vela-
menta supplicum, concionem frequentem adire jubent,
singulos universosque obtestantes, ne insontem, indemnatum
consensescere in exsilio sinerent. Et simplices homines
misericordia, et improbos seditiososque ²⁰inmiscendi res tu-
multu Ætolico spes movit: pro se quisque ²¹revocare jube-
bant. His præparatis, Diocles, cum omni equitatu (et erat
tunc præfectus equitum) specie reducentis exsulem hospi-
tem profectus, die ac nocte ingens iter emensus, quum
millia sex ab urbe abesset, luce prima tribus electis turmis,
cetera multitudine equitum subsequi jussa, præcessit. post-
quam portæ adpropinquabat, desilire omnes ex equis jussit,

Demetria-
dem occu-
pant.

^e concilium Gron. ^h novari Gron. Crev.

¹⁶ *Ut quæque de Antiocho*] Locus fractus, cujus tamen sensus appareat. Hæc enim videtur fuisse mens Livii. Ætoli, ne, tanquam omnia reponentes in Antiocho, nihil per se ipsi moti, ac sedentes compressis, quod aiunt, manibus exspectare adventum regis viderentur, etsi concilium universæ gentis non habuerunt, per apocletos tamen id agitabant, quonam modo res in Græcia novarentur. Ætoli, pro insita genti ferocia et vanitate, indignum ducebant, si omnia debere viderentur Antiocho, eique probare voluerunt sese posse per se ipsos facere operæ pretium. Hic sensus optime quadrat cum sequentibus: sed ad eum verba Livii refingere non opis est nostræ sine li-

bris.

¹⁷ *Apocletos*] Quos Latine diceret selectos: a verbo ἀποκαλῖω, sevoco.

¹⁸ * *Quorum res non ex sententia ipsorum essent*] Quorum res non in eo statu essent quem optarent ipsi; quorum res male se haberent.

¹⁹ * *Spei quoque*] Etiam spei: etiam si quis spem tantum animo concepisset, non rem ipsam perficiendam, quod fecere Ætoli, aggressus esset.

²⁰ * *Inmiscendi res tumultu Ætolico*] Turbandi res ope Ætolorum, qui tumultum in urbe excitaturi essent.

²¹ *Revocare jubebant*] Vetus Sigonii liber habet *revocari*, quod quidem placeret magis: etsi illud tolerari potest.

U. C. 560. et lorīs ducere equos, itineris maxime modo, solutīs ordinibus: ut comitatus magis præfecti videretur, quam præsidium. Ibi una ex turmis ad portam relicta, ne excludi subsequens equitatus posset, media urbe ac per forum, manu Eurylochum tenens, multis obcurrentibus gratulantibusque, domum deduxit. Mox equitum plena urbs erat, et loca opportuna occupabantur. tum in domos missi, qui principes adversæ factionis interficerent. Ita Demetrias Ætolorum facta est.

Mittunt copias Lacedæmonem.

XXXV. Lacedæmone non urbi vis adferenda, sed tyrannus dolo capiendus erat: quem, spoliatum maritimis oppidis a Romanis, tunc intra mœnia etiam Lacedæmonis ab Achæis compulsus, qui occupasset occidere, eum totius gratiam rei apud Lacedæmonios laturum. Caussam mittendi ad eum habuerunt, quod fatigabat precibus, ut auxilia sibi, quum illis auctoribus rebellasset, mitterentur. Mille pedites Alexameno dati sunt, et triginta delecti ex juventute equites. ²² Iis a prætore Damocrito in consilio arcano gentis, de quo ante dictum est, denunciatum, *Ne se ad bellum Achaicum aut rem ullam, quam sua quisque opinione præcipere posset, crederent missos esse. quidquid Alexamenum res monuisset subiti consilii capere, ad id, quamvis inopinatum, temerarium, audax, obedienter exsequendum parati essent, ac pro eo acciperent, tamquam ad id unum agendum missos ab domo se scirent.* Cum his ita præparatis Alexamenus ad tyrannum venit, quem adveniēns extemplo spei inplevit. *Antiochum jam in Europam transisse, mox in Græcia fore; terras, maria, armis, viris completurum. Non cum Philippo rem esse credituros Romanos. numerum iniri peditum equitumque ac navium non posse: elephantorum aciem conspectu ipso debellaturam. Ætolos toto suo exercitu paratos esse venire Lacedæmonem, quum res poscat: sed frequentes armatos ostendere adveniēti regi voluisse. Nabidi quoque et ipsi faciendum esse, ut, quas haberet copias, non sineret sub tectis marcescere otio: sed educeret, et in armis decurrere cogeret, simul animos acueret, et corpora exerceret. Consuetudine leviorē laborem fore: et comitate ac benignitate ducis etiam non injucundum fieri posse.* Educi inde frequenter ante urbem in campum ad Eurotam amnem cœpere. Satellites tyranni media fere in acie consistebant, tyrannus cum tribus summum equitibus, inter quos plerumque Alexamenus erat, ante signa vectabatur, cornua extrema invisens; in dextro cornu Ætoli erant, et qui ante auxiliares tyranni fuerant, et qui venerant

Alexameni Ætoli oratio ad Nabid.

ⁱ His Crev.

22 His a prætore Damocrito] Tri-, melius intelligatur, reposuimus his, ginta equitibus, ut patet ex his quæ quomodo habet codex Victorinus, pro memorabuntur infra. Atque, ut id is.

mille cum Alexameno. Fecerat sibi morem Alexamenus, U. C. 560. nunc cum tyranno inter paucos ordines circumeundi, mo- A. C. 192. nendique eum, quæ in rem esse videbantur; nunc in dextrum cornu ad suos adequitandi; mox inde, velut imperato, quod res poposcisset, recipiendi se ad tyrannum. Sed, quem diem patrando facinori statuerat, eo paullisper cum tyranno vectatus, quum ad suos concessisset, ²³ tum^k equitibus ab domo secum missis, *Agenda*, inquit, *res est, juvenes, audendaque, quam me duce impigre exsequi jussi estis. Parate animos dextrasque, ne quis in eo, quod me viderit facientem, cesset. Qui cunctatus fuerit, ²⁴ et suum consilium meo interponet, sciat sibi reditum ad penates non esse.* Horror cunctos cepit: et meminerant, cum quibus mandatis exissent. Tyrannus ab lævo cornu veniebat. ²⁵ Ponere hastas equites Alexamenus jubet, et se intueri. colligit et ipse animum confusum tantæ cogitatione rei. Postquam adpropinquabat, inpetum facit, et, transfixo equo, tyrannum deturbat. Jacentem equites confodiunt. multis frustra in lo- Occiditur Nabis. ricam ictibus datis, tandem in nudum corpus vulnera pervenerunt: et, priusquam a media acie subcurreretur, expiravit.

XXXVI. Alexamenus cum omnibus Ætolis citato gradu ad regiam occupandam pergit. Corporis custodes, quum res in oculis gereretur, pavor primo cepit: deinde, postquam abire Ætolorum agmen videre, concurrunt ad relictum tyranni corpus: ²⁶ et spectatorum turba ex custodibus vitæ mortisque ultoribus est^l facta. Nec movisset se quisquam, ²⁷ si extemplo, positis armis, vocata in concionem multitudo fuisset, et oratio habita tempori conveniens, frequentes inde retenti in armis Ætoli^m sine injuria cujusquam. sed,

^k cum Gron. ^l est del. Gron. Crev. ^m frequentibus i. retentis i. a. Ætolis Eæd.

23 Tum equitibus] Mendum hoc loco Gronovianas editiones insederat, cum equitibus. Correximus ex veterioribus et Vict. libro. *longitudo impedimento erat, gladiis rem gerere jubet. Vid. not. 31. ad illum locum.*

24 * Et suum consilium meo interponet] Et meum consilium non unice intuebitur, sed e suo aliquid afferret, quod moram faciat imperiis meis.

25 Ponere hastas] Intelligit Sigonius, reclinare ac demittere hastas, ut solent ii qui hostem invasuri sunt. Quod ut verum putamus esse, si rem ipsam spectemus, et Polybii sensum, quem hic procul dubio verit noster; ita dubitamus an ea Livii mens fuerit. Ponere enim hastas ex vi Latini sermonis, est eas deponere et abjicere: ut, v. g. in illo loco libri XXXIII. c. 8. ubi itidem Livius parum feliciter interpretatus Polybium est: *Macedonum phalangem, hastis positis, quarum*

26 Et spectatorum turba] Hujus loci sanitas debetur Gelenio, qui ex suo exemplari protulit eam lectionem quam editores postea receperunt. Prius *per paucorum turba*. Non absurde monet Jac. Gronovius recidi posse particulam *et*, ut totum hoc membrum intelligatur per appositionem adjunctum præcedentibus.

27 Si extemplo positis armis] Si ipse Alexamenus positis armis vocasset ad concionem Lacedæmonios, et orationem tempori convenientem habuisset: retinens tamen et hoc ipso tempore, et aliquamdiu postea, frequentes in armis Ætolos, sed ita ut nemini injuria fieret.

U.C. 560. ut oportuit in consilio fraude cœpto, omnia in maturan-
 A.C. 192. dam perniciem eorum, qui fecerant, sunt acta. Dux regia
 inclusus diem ac noctem in scrutandis thesauris tyranni
 consumsit: Ætoli, velut capta urbe, quam liberasse vi-
 deri volebant, in prædam versi. Simul indignitas rei, si-
 mul contemptus, animos Lacedæmoniis ad cœcundum fecit.
 alii dicere, exturbandos Ætolos, et libertatem, quum re-
 stitui videretur, interceptam repetendam. alii, ut caput
 agendæ rei esset, regii generis aliquem ²⁸ in speciem adsu-
 mendum. Laconicus ejus stirpis erat puer admodum, edu-
 catus cum liberis tyranni. eum in equum inponunt, et,
 armis adreptis, Ætolos vagos per urbem cædunt. Tum
 regiam invadunt. ibi Alexamenum cum paucis resistentem
 obtruncant. Ætoli circa ²⁹ Chalciceon (Minervæ est tem-
 plum æreum) congregati cæduntur. Pauci, armis abjectis,
 pars Tegeam, pars Megalopolim perfugiunt. ibi, compre-
 hensi a magistratibus, sub corona venierunt.

Lacedæmo-
 nii conci-
 dunt Æto-
 los.

Philopœ- XXXVII. Philopœmen, audita cæde tyranni, profectus
 men Laco- Lacedæmonem, quum omnia turbata metu invenisset; evo-
 nas socie- catis principibus, et oratione habita, qualis habenda ab
 tati Achæo- Alexameno fuerat, societati Achæorum Lacedæmonios ad-
 rum adjun- junxit: eo etiam facilius, quod forte ad idem tempusⁿ A.
 git. Atilius cum quatuor et viginti quinquere milibus ad Gythium
 accessit. Iisdem diebus circa Chalcidem Thoas, per Euthy-
 midam principem, pulsum opibus eorum, qui Romanæ so-
 cietatis erant post T. Quintii legatorumque adventum, et
 Herodorum Ciani mercatorem, sed potentem Chalcide
 propter divitias, præparatis ad prodicionem iis, qui Euthy-
 midæ factionis erant, nequaquam eandem fortunam, qua De-
 metrias per Eurylochum occupata erat, habuit. Euthymi-
 das ab Athenis (eum domicilio delegerat locum) Thebas pri-
 mum, ⁵⁰ hinc Salganea processit; Herodorus ad Thronium.
 Inde haud procul in ³¹ Maliaco sinu duo millia peditum
 Thoas et ^o ducentos equites, onerarias leves ad triginta ha-
 bebat. eas cum sexcentis peditibus Herodorus trajicere in
 insulam Atalantam jussus: ut inde, quum pedestres copias
 adpropinquare jam Aulidi atque Euripo sensisset, Chalcidem

Thoas Æto-
 lus frustra
 Chalcidem
 tentat.

ⁿ quod ad idem forte tempus Gron. Crev. ^o et Thoas Gron.

28 * In speciem] Qui rei gerendæ
 nomen auctoritatemque commodaret.

29 Chalciceon (Minervæ est templum
 æreum] Atque inde illi templo nomen.
 χάλκος enim as, οἶκος domus.

30 Hinc Salganea processit; Hero-
 dorus ad Thronium. Inde] Hujus loci
 interpunctionem emendavimus, quæ
 valde vitiosa erat. Deinde edidimus
 duo millia peditum Thoas et ducentos
 equites: quum vulgo legatur peditum

et Thoas, manifesto mendo. Vict. cod.
 omittit omnino et: nec magna est
 causa, cur retineamus.

31 * Maliaco sinu] Maliacus sinus est
 et ipse sinus maris, et, quemadmodum
 jam observavimus ad XXVIII. 5. cir-
 cumjacens ora. Hic duplici illo sensu
 accipitur. Nam duo hæc millia pedi-
 tum et ducenti equites terram obtine-
 bant, onerariæ mare.

trajiceret. ipse ceteras copias, nocturnis maxime itineribus, U. C. 560.
 quanta poterat celeritate, Chalcidem ducebat. A. C. 192.

XXXVIII. Mictio et Xenocrides, penes quos tum summa rerum, pulso Euthymida, Chalcide erat, seu ipsi per se suspicati, seu indicata re, primo pavidi, nihil usquam spei, nisi in fuga, ponebant. deinde, postquam resedit terror, et prodi et deserere non patriam modo, sed etiam Romanorum societatem, cernebant, consilio tali animum adjecerunt. Sacrum anniversarium eo forte tempore Eretriæ ³² Amarynthidis Dianæ erat: quod non popularium modo, sed Carystiorum etiam cœtu celebratur. Eo miserunt, qui orarent Eretrienses Carystiosque, *Ut et suarum fortunarum in eadem insula geniti misererentur, et Romanam societatem respicerent. ne sinerent Ætolorum Chalcidem fieri. Eubœam habituros, si Chalcidem habuissent. Graves fuisse Macedonas dominos; multo minus tolerabiles futuros Ætolos.* Romanorum maxime respectus civitates movit, et virtutem nuper in bello, et in victoria justitiam benignitatemque expertas. itaque, quod roboris in juventute erat, utraque civitas armavit misitque. His tuenda mœnia Chalcidis oppidani quum tradidissent, ipsi omnibus copiis transgressi Euripum, ad Salganea posuerunt castra. inde caduceator primum, deinde legati ad Ætolos missi percunctatum, quo suo dicto factove socii atque amici ad se obpugnandos venirent? Respondit Thoas dux Ætolorum, *Non ad obpugnandos, sed ad liberandos ab Romanis, venire sese. Splendidiore nunc eos catena,* ³³ *sed p multo graviore, vinctos esse, quam quum præsidium Macedonum in arce habuissent. Se vero, negare Chalcidenses, aut servire ulli, aut præsidio cujusquam egere.* Ita digressi ex conloquio legati ad suos. Thoas et Ætoli, ut qui spem omnem in eo, ut improviso obprimerent, habuissent, ad ³⁴ justum bellum obpugnationemque urbis mari ac terra munitæ haudquaquam pares, domum rediere. Euthymidas, postquam castra popularium ad Salganea esse, profectosque Ætolos audit, et ipse a Thebis Athenas rediit. Et Herodorus, quum per aliquot dies intentus ab Atalanta signum nequidquam exspectasset, missa speculatoria nave, ut, quid moræ esset, sciret, postquam rem omissam a sociis vidit Thronium, unde venerat, repetit.

XXXIX. Quintius quoque, his auditis, ab Corintho

P et Gron.

³² Amarynthidis Dianæ] Hoc Dianæ cognomen inditum est ab Amaryntho oppidulo Eubœæ, haud procul distante ab Eretria. Sub hoc eodem nomine Diana colebatur quoque Athenis, teste Pausania in Atticis.

³³ Sed multo graviore] Reddidimus

huic loco particulam *sed*, ex vetustius censis et codice Victorino, loco *τῇ et*, quod mendose reperitur in Gronovianis editionibus.

³⁴ Justum bellum] Bellum apertum, quod sine fraude insidiisque fieret. Vid. not. 27. ad l. I. c. 4.

U. C. 560. veniens navibus, in Chalcidis Euripo Eumeni regi obcurrit.
 A. C. 192. Placuit, quingentos milites praesidii caussa relinqui Chal-
 cide ab Eumene rege: ipsum Athenas ire. Quinctius, quo
 Quinctius profectus erat, Demetriadem contendit; ratus Chalcidem
 frustra liberatam momenti aliquid apud Magnetas ad repetendam
 Magnetas societatem Romanam facturam. Et, ut praesidii aliquid es-
 set suae partis hominibus, Eunomo praetori Thessalorum
 scripsit, ut armaret juventutem, et Villium ad Demetriadem
 praemisit ad tentandos animos: non aliter, nisi pars aliqua
 inclinaret ad respectum pristinae societatis, rem adgressu-
 rus. Villius quinquere mi nave ³⁵ ad ostium portus est in-
 vectus. Eo multitudo Magnetum omnis quum se effudis-
 set, quæsivit Villius, utrum ad amicos, an ad hostes, sese
 venisse mallet? Respondit Magnetarches Eurylochus, *Ad*
amicos venisse eum: sed abstinere portu, et sineret Magnetas in
concordia et libertate esse, nec per conloqui speciem multitudi-
nem sollicitaret. Altercatio inde, non sermo, fuit: quum ³⁶ Ro-
 manus ut ingratos increparet Magnetas, imminentesque præ-
 diceret clades: multitudo obstreperet, nunc senatum, nunc
 Quinctium accusando. ita irritum incepto Villius ad Quinctium
 sese recepit. At Quinctius, nuncio ad prætorem misso, ut
 reduceret domum copias, ipse navibus Corinthum rediit.

XL. Abstulerunt me velut de spatio Græciæ res inmixtæ
 Romanis: non quia ipsas operæ pretium esset perscribere,
 Res Italiæ. sed quia causæ fuerunt cum Antiocho belli. ³⁷ Consulibus
 designatis, (inde namque diverteram) L. Quinctius et Cn.
 Domitius consules in provincias profecti sunt: Quinctius
 in Ligures, Domitius adversus Boios. Boii quieverunt: at-
 que etiam senatus eorum cum liberis, et præfecti cum equi-
 tatu (summa omnium mille et quingenti) consuli dederunt
 sese. Ab altero consule ager Ligurum late est vastatus,
 castellaque aliquot capta: unde non præda modo omnis ge-
 neris cum captivis parta, sed recepti quoque aliquot cives
 sociique, qui in hostium potestate fuerant. Eodem hoc anno
 Vibonem colonia deducta est ex^q senatusconsulto plebei-
 que scito. tria millia et septingenti pedites ierunt, trecenti equi-
 tes. Triumviri deduxerunt cos, Q. Nævius, M. Minucius,

^q ex del. Gron. Crev.

³⁵ *Ad ostium portus*] Non ingressus est portum Romanus, sed tantum ad ostium accessit.

³⁶ *Romanus ut ingratos*] Male omnino quidam editi ut *integros*. Jam correxerat ex conjectura Sigonius: firman-
 t Andreæ editio et Vict. codex: hic etiam omittit particulam *ut*; eleganter.

³⁷ *Consulibus designatis* . . L. Quinctius et Cn. Domitius consules in pro-

vincias] Hæc sane conciliari non possunt cum iis quæ supra c. 22. et c. 24. narravit Livius. Illic enim ambo consules diserte memorantur profecti primo in provincias; mox Quinctius ad habenda comitia novorum consulum revocatus Romam. Reliqua confer ex hoc loco cum c. 22. ac procul dubio reprehendes hic non immerito, in re quidem tenui, argui posse Livium indigentiam.

M. Furius Crassipes. quina dena jugera agri data in singu-^{U. C. 360.}
 los pedites sunt, ³⁸duplex equitibus. ³⁹Bruttiorum proxi-^{A. C. 192.}
 me fuerat ager: Bruttii ceperant de Græcis. Romæ per
 idem tempus duo maximi fuerunt terrores; ⁴⁰diutinus^r al-
 ter, sed segnior. ⁴¹Terra dies duodequadraginta movit. per
 totidem dies feriæ in sollicitudine ac metu fuere. in triduum
 ejus rei caussa supplicatio habita est. Ille non pavor vanus,
 sed vera multorum clades fuit. incendio a foro Boario orto,
 diem noctemque ædificia in Tiberim versa arsere, tabernæ-
 que omnes cum magni pretii mercibus conflagraverunt.

XLI. Jam fere in exitu annus erat: et in dies magis ^{Adparatus}
 fama de Antiochi bello, et cura Patribus crescebat. Itaque ^{ad bellum.}
 de provinciis magistratum designatorum, quo intentiores
 essent omnes, agitari cœptum est. Decrevit, ut consuli-
 bus Italia, et quo senatus censuisset, (jam esse bellum ad-
 versus Antiochum regem omnes sciebant) provinciæ essent.
 cujus ea sors esset, quatuor millia peditum civium Romano-
 rum, et trecenti equites, sex millia sociûm Latini nominis
 cum quadringentis equitibus sunt decreta. Eorum delec-
 tum habere L. Quinctius consul jussus; ne quid moraretur,
 quo minus consul novus, quo senatus censuisset, extemplo
 proficisci posset. Item de provinciis prætorum decretum
 est: ⁴²prima ut sors duæ, urbanaque et inter cives ac
 peregrinos jurisdictio esset: secunda, Bruttii: tertia, clas-
 sis, ut navigaret, quo senatus censuisset: quarta, Sicilia:
 quinta, Sardinia: sexta, Hispania ulterior. imperatum præ-
 terea L. Quinctio consuli est, ut duas legiones civium Ro-
 manorum novas conscriberet; et sociûm ac Latini nomi-
 nis viginti millia peditum, et octingentos equites. cum ex-
 ercitu prætori, cui Bruttii provincia evenisset, decre-
 verunt. Ædes duæ Jovi eo anno in Capitolio dedicatæ
 sunt. Voverat L. Furius Purpureo prætor Gallico bello
 unam, alteram consul. dedicavit. Q. Marcius Ralla duum-
 vir. Judicia in fœneratores eo anno multa severe sunt facta, ^{Fœnerato-}
 accusantibus privatos ædilibus curulibus, M. Tuccio et P. ^{res damna-}
 Junio Bruto. de multa damnatorum quadrigæ inauratæ in ^{ti.}
 Capitolio positæ in cella Jovis ⁴³supra fastigium ædiculæ,

^r diutius Gron.

³⁸ Duplex equitibus] Victor. liber
 consentit cum iis quos vidit Gronovius,
 habetque equiti.

³⁹ * Bruttiorum] Vid. not. 54. ad
 XXXIV. 45.

⁴⁰ Diutinus alter] Vulgati diutius,
 et sic legebat Sigonius. Hearnii editio
 et quædam aliæ id habent quod,
 ipsa structuræ ratione flagitante, hic
 edendum curavimus.

⁴¹ * Terra dies duodequadraginta mo-

vit] Factus est terræ motus, qui per
 octo et triginta dies assiduus fuit.

⁴² Prima ut sors] Ut prima sors
 duas jurisdictiones complecteretur, ur-
 banam et inter cives ac peregrinos.

⁴³ Supra fastigium ædiculæ] Ædi-
 cula hic intelligenda videtur capsula
 aliqua, quæ fortasse signum Jovis aut
 sacra includeret: quo sensu hanc eam-
 dem vocem sumpsit Plinius l. XXXVI.
 c. 5. Ædicula ejus (Veneris Qnidie)

U. C. 560. et duodecim clipea inaurata: et iidem porticum extra portam Trigeminam ⁴⁴ inter lignarios fecerunt.

Antiochi de Hannibale deliberatio.

XLII. Intentis in adparatum novi belli Romanis, ne ab Antiocho quidem cessabatur. Tres eum civitates tenebant, Smyrna, et Alexandria Troas, et Lampsacus; quas neque vi expugnare ad eam diem ⁴⁵ poterat, neque conditionibus in amicitiam perlicere, neque a tergo relinquere, trahiciens ipse in Europam, volebat. Tenuit eum et de Hannibale deliberatio. Et primo naves apertæ, quas cum eo missurus in Africam fuerat, moratæ sunt: deinde, an omnino mittendus esset, consultatio mota est, maxime a Thoante Ætolo, qui, omnibus in Græcia tumultu completis, Demetriadem adferebat in potestate esse: et, quibus mendaciis de rege, multiplicando verbis copias ejus, erexerat multorum in Græcia animos, iisdem et regis spem inflabat: *omnium votis eum arcessi. concursum ad litora futurum, unde classem regiam prosperissem.* Hic idem ausus de Hannibale est movere sententiam prope jam certam regis. nam neque dimittendam partem navium a classe regia censebat: ⁴⁶ *neque, si mittendæ naves forent, minus quempiam ei classi, quam Hannibalem, præficiendum. Exsulem illum et Pœnum esse, cui mille in dies nova consilia vel fortuna sua, vel ingenium possit facere. Et ipsam eam gloriam belli, qua velut dote Hannibal concilietur, nimiam in præfecto regio esse. Regem ⁴⁷ conspici, regem unum ducem, unum imperatorem videri debere. Si classem, si exercitum amittat Hannibal, idem damni fore, ac si per alium ducem amittantur. si quid prospere eveniat, Hannibalis eam, non Antiochi, gloriam fore. Si vero universo bello vincendi Romanos fortuna detur, quam spem esse, sub rege victurum Hannibalem uni subjectum, qui patriam prope non tulerit? Non ita se a juvenia eum gessisse, spe animoque complexum orbis terrarum imperium, ut in senectute dominum laturus videatur. Nihil opus esse regi Hannibale duce, comite et consiliario eodem ad bellum uti posse. ⁴⁸ Modicum fructum ex ingenio tali neque gravem, neque inutilem fore. si summa petantur, et dantem, et accipientem prægravatura.*

^r quemquam Crev.

totâ aperitur, ut conspici possit undique effigies deæ.

⁴⁴ Inter lignarios] Hoc videtur nomen esse loci sic dicti a lignariis opificibus: ita ut inter lignarios eadem forma dicatur, qua l. I. c. 8. inter duos lucos.

⁴⁵ Poterat] Malletus, potuerat.

⁴⁶ Neque . . . minus quemquam ei classi] Hic τὸν quemquam, quod Siginus affert e suo libro, nos in Vict. quoque exstare comperimus: aptius visum est quam, quomodo vulgo editi, quem-

piam. Vict. codex respuit τὸν ei.

⁴⁷ * Conspici] Vid. not. 64. ad I. 47.

⁴⁸ * Modicum fructum . . . si summa petantur] Hæc sibi ex adverso respondent. Si satis habeat rex modicum fructum, modicam utilitatem ex Annibale sibi quærere, qualis ex comite consiliarioque percipitur, id fieri sine periculo posse. At si ex eo summa petat, si maximos quosque fructus ex eo, ut ex magno duce, sibi quæritos velit, id utrique noxium fore.

XLIII. Nulla ingenia tam prona ad invidiam sunt, quam eorum, qui genus ac fortunam suam animis non æquant: ^{U. C. 560. A. C. 192.} ^{Consilium mittendi Hannibalis in Africam abjicitur.} ^{Antiochus in Europam trajicit.} quia virtutem et bonum alienum oderunt. Extemplo consilium mittendi Hannibalis, quod unum in principio belli utiliter cogitatum erat, abjectum est. Demetriadis maxime defectione ab Romanis ad Ætolos elatus, non ultra differre profectionem in Græciam constituit. Priusquam solveret naves, Ilium a mari adscendit, ut Minervæ sacrificaret. Inde ad classem regressus, proficiscitur quadraginta tectis navibus, apertis sexaginta: et ducentæ onerariæ cum omnis generis commeatu bellicoque alio adparatu sequebantur. Imbrum primo insulam tenuit: inde Scyathum trajecit. ubi, conlectis ⁵⁰in alto, quæ dissipatæ erant, navibus, ad Pteleum primum continentis venit, ibi Eurylochus ei Magnetarches principesque Magnetum ab Demetriade occurrerunt. quorum frequentia lætus, die postero in urbis portum navibus est invectus. Copias haud procul inde exposuit. decem millia peditum fuere, et quingenti equites, sex elephantis; vix ad Græciam nudam occupandam satis copiarum, nedum ad sustinendum Romanum bellum. Ætoli, postquam Demetriadem venisse Antiochum adlatum est, concilio indicto, decretum, quo arcesserent eum, fecerunt. Jam profectus ab Demetriade rex, quia ita decreturos sciebat, Phalara^s in sinum Maliacum processerat. inde, decreto accepto, Lamiam venit, exceptus ingenti favore multitudinis, cum plausibus clamoribusque, et quibus aliis lætitia effusa vulgi significatur.

XLIV. In concilium ut ventum est, ⁵¹ægre a Phænea prætore principibusque introductus, inde facto silentio, rex dicere orsus. *Prima ejus oratio fuit excusantis, Quod tanto minoribus spe atque opinione omnium copiis venisset. Id suæ impensæ erga eos voluntatis maximum debere indicium esse, quod nec paratus satis ulla re, et tempore ad navigandum immaturo, vocantibus legatis eorum, haud gravate obsecutus esset, credidissetque, quum se vidissent Ætoli, omnia vel in se uno posita præsidia existimatos esse. Ceterum eorum quoque se, quorum expectatio destituta in præsentia videatur, spem abunde expleturum. Nam simul primum anni tempus navigabile præbuisset mare, omnem se Græciam armis, viris, equis, omnem oram maritimam classibus completurum. Nec impensæ, nec labori, nec periculo parsurum, donec, depulso cervi-* ^{Antiochi oratio in concilio Ætolorum.}

^s Phaleram Gron. Crev.

⁴⁹ Quia virtutem et bonum alienum oderunt] Magis placeret, ut bonum. Qui conscii sibi sunt pusilli in magna fortuna animi, oderunt virtutem, tanquam bonum alienum, quod quum ad se ni-

hil pertinere intelligant, in aliis reperiri moleste ferunt.

⁵⁰ * In alto quæ] Quæ in alto mari.

⁵¹ Ægre] Ob confluentem turbam. Addidit τὸ ἄγρε ex MS. suo Modius.

U. C. 560. *cibus eorum imperio Romano, liberam vere Græciam, atque in*
 A. C. 192. *ea principes Ætolos fecisset. cum exercitibus commeatus quoque*
omnis generis ex Asia venturos. In præsentia curæ esse Æto-
lis debere, ut copia frumenti suis,⁵² et annona tolerabilis rerum
aliarum suppeditur.

XLV. In hanc sententiam rex cum magno omnium ad-
 sensu locutus discessit. Post discessum regis, inter duos
 principes Ætolorum, Phæneam et Thoantem, contentio fuit.
 Phæneas, reconciliatore pacis et disceptatore de iis, quæ in
 controversia cum populo Romano essent, utendum potius
 Antiocho, censebat, quam duce belli. *Adventum ejus et*
majestatem ad verecundiam faciendam Romanis vim majorem
habituram, quam arma. Multa homines, ne bellare necesse sit,*
voluntate remittere, quæ bello et armis cogi non possint. Thoas
negare, Paci studere Phæneam: sed discutere adparatum belli
velle, ut tædio et inpetus relanguescat regis, et Romani tempus
ad comparandum habeant. Nihil enim æqui ab Romanis im-
petrari posse, toties legationibus missis Romam, toties cum ipso
Quinctio disceptando, satis expertum esse: nec, nisi abscessa
omni spe, auxilium Antiochi inploraturos fuisse. Quo celerius
spe omnium oblato, non esse elanguescendum, sed orandum po-
tius regem, ut, quoniam, quod maximum fuerit, ipse vindex
Græciæ venerit, copias quoque terrestres navalesque arcessat.
Armatum regem aliquid impetraturum: inermem non pro Æ-
tolis modo, sed ne pro se quidem ipso, momenti ullius futurum
apud Romanos. Hæc vicit sententia: imperatoremque re-
gem adpellandum censuerunt: et triginta principes, cum
quibus, si qua vellet consultaret, delegerunt.

Imperato-
rem eum
Ætoli ad-
pellant.

XLVI. Ita, dimisso concilio, multitudo omnis in suas
 civitates dilapsa est. Rex postero die cum apocletis eorum,
 unde bellum ordiretur, consultabat. Optimum visum est,
 Chalcidem, frustra nuper ab Ætolis tentatam, primum ad-
 gredi: et celeritate in eam rem magis, quam magno conatu
 et adparatu, opus esse. Itaque cum mille peditibus rex, qui
 ab Demetriade secuti erant, profectus per Phocidem est: et
 alio itinere principes Ætoli, juniorum paucis evocatis, ad
 Chæroneam occurrerunt, et decem constratis navibus se-
 cuti sunt. Rex, ad Salganea castris positus, navibus ipse
 cum principibus Ætolorum Euripum trajecit, et, quum
 haud procul portu egressus esset, magistratus quoque Chal-
 cidensium et principes ante portam processerunt. Pauci
 utrimque ad colloquium congressi sunt. Ætoli magnopere

* ne bellarent Crev.

52 * Et annona tolerabilis rerum alia-
 rum] Et res aliæ ad victum cultum-
 que necessariae, si minus copiose, at

certe non tenuiter, aut caro nimis
 pretio, suppeditentur.

suadere, ut, salva Romanorum amicitia, regem quoque adsumerent socium atque amicum. Neque enim eum inferendi belli, sed liberandæ Græciæ, caussa in Europam trajecisse; et liberandæ re^t, non verbis et simulatione, quod fecissent Romani. Nihil autem utilius Græciæ civitatibus esse, quam utramque complecti amicitiam. ita enim ab utriusque injuria tutam alterius semper præsidio et fiducia fore. Nam si non recepissent regem, viderent, quid patiendum iis extemplo foret: quum Romanorum procul auxilium, hostis Antiochus, cui resistere viribus suis non possent, ante portas esset. Ad hæc Mictio, unus ex principibus, Mirari se, dixit, ad quos liberandos Antiochus, relicto regno suo, in Europam trajecisset. Nullam enim civitatem se in Græciæ nosse, quæ aut præsidium habeat, aut stipendium Romanis pendat, aut fœdere iniquo adligata, quas nolit, leges patiatur. Itaque Chalcidenses neque vindice libertatis ullo egere^u, quum liberi sint, neque præsidio, quum pacem ejusdem populi Romani beneficio et libertatem habeant. Amicitiam regis non adspernari, neque ipsorum Ætolorum. ⁵³id primum eos pro amicis facturos, si insula excedant, atque abeant. nam ipsis certum esse, non modo non recipere mœnibus, sed ne societatem quidem ullam pacisci, nisi ex auctoritate Romanorum.

XLVII. Hæc renunciata regi ad naves, ubi restiterat, quum essent; in præsentia (neque enim iis venerat copiis, ut vi agere quidquam posset) reverti Demetriadem placuit. ibi, quoniam primum vanum inceptum^x evasisset, consultare cum Ætolis rex, quid deinde fieret. ⁵⁴Placuit, Achæos et Amyndrum, regem Athamanum, tentare. Bœotorum gentem aversam ab Romanis jam inde a ⁵⁵Brachyllæ morte, et quæ secuta eam fuerant, censebant. Achæorum Philopœmenem principem, æmulatione gloriæ in bello Laconum, infestum invisumque esse Quinctio credebant. Amynder uxorem Apamiam, filiam Alexandri cujusdam Megalopolitani, habebat: qui, se oriundum a Magno Alexandro ferens, filiis duobus Philippum atque Alexandrum, et filiæ Apamiam nomina inposuerat: quam, regiis inclitam nuptiis, major ex fratribus Philippus secutus in Athamaniam fuerat. Hunc, forte ingenio vanum, Ætoli et Antiochus inpulerant in spem, ⁵⁶quod is vere regum stirpis esset, regni Ma-

^t trajecisse; liberandæ vero re Gron. Crev.
cœptum Eæd.

^u indigere Eæd.

^x inane

⁵³*Id primum eos] Vid. not. ad XXIV. 47.

⁵⁴ Placuit Achæos et Amyndrum] Certissimum est, quod observavit Perizonius, excidisse hic Bæotos. Hoc probant ea quæ sequuntur, in quibus distincte narratur, et quid impule-

rit Ætolos, ut Bæotos, Achæos, et Amyndrum tentarent, et quid apud singulos eorum effecerint.

⁵⁵ Brachyllæ morte] Vid. l. XXXIII. c. 27. et seq.

⁵⁶ Quod is vere regum stirpis esset] His verbis non res affirmatur, sed re-

U. C. 560. cedoniæ, si Amyndrum Athamanesque Antiocho conjun-
 A. C. 192. xisset. et ea vanitas promissorum non apud Philippum modo, sed etiam apud Amyndrum, valuit.

Legati Antiochi et Ætolorum ad Achæos.

XLVIII. In Achaia legatis Antiochi Ætolorumque, coram T. Quinctio, Ægii datum est concilium. Antiochi legatus prior, quam Ætoli, est auditus. Is, ut plerique, quos opes regiæ alunt, vaniloquus, maria terrasque inani sonitu verborum complevit. *Equitum innumerabilem vim trajici Hellesponto in Europam, partim loricatos, quos cataphractos vocant; partim sagittis ex equo utentes, et, a quo nihil satis tecti sit, aversos refugiente equo certius figentes.* His equestribus copiis quamquam vel totius Europæ exercitus in unum coacti obrui possent, adjiciebat multiplices copias pedatum, et nominibus quoque gentium vix fando auditis terrebatur; Dahas, Medos, Elymæosque et Caddusios adpellans. *Navalium vero copiarum, quas nulli portus capere in Græcia possent, dextrum cornu Sidonios et Tyrios, sinistrum Aradios, et ex Pamphylia Sidetas tenere, quas gentes nullæ umquam nec arte, nec virtute navali æquassent.* Jam pecuniam, jam alios belli adparatus referre, supervacaneum esse. scire ipsos, abundasse semper auro regna Asiæ. Itaque non cum Philippo, nec Hannibale rem futuram Romanis, principe altero civitatis, altero Macedonia tantum regni finibus incluso; sed cum magno Asiæ totius partisque Europæ rege. Eum tamen, quamquam ab ultimis orientis terminis ad liberandam Græciam veniat, nihil postulare ab Achæis, in quo fides eorum adversus Romanos, priores socios atque amicos, lædatur. Non enim, ut secum adversus eos arma capiant, sed ut neutri parti sese conjungant, petere. Pacem utrique parti, quod medios deceat amicos, optent: bello se non interponant. Idem ferme et Ætolorum legatus Archidamus petiit, ut, quæ facillima et tutissima esset, quietem præstarent, spectatoresque belli, fortunarum alienarum eventum sine ullo discrimine rerum suarum opperirentur. Provectus deinde est intemperantia linguæ in maledicta, nunc communiter Romanorum, nunc proprie ipsius Quinctii: *ingratos adpellans, et exprobrans non victoriam modo de Philippo virtute Ætolorum partam, sed etiam salutem; ipsumque et exercitum sua opera servatos.* quo enim illum umquam imperatoris functum officio esse? *Auspicantem, immolantemque, et vota nuncupantem sacrificuli vatis modo in acie vidisse, quum ipse corpus suum pro eo telis hostium obijceret.*

Responsum Quinctii.

XLIX. Ad ea Quinctius, ⁵⁷ *Coram quibus magis, quam*

feritur sermo Ætolorum et Antiochi abutentium misero Philippi errore, et ad ejus mentem verba sua accommodantium.

57* *Coram quibus* . . . apud quas! Prius intelliguntur legati regis, qui tantummodo præsentem adsunt orationi Ætolorum; in altero membro desig-

apud quos, verba faceret, dicere, Archidamum rationem habuisse. Achæos enim probe scire, Ætolorum omnem ferociam in verbis, non in factis, esse: et in conciliis magis concionibusque, quam in acie, adparere. itaque parvi Achæorum existimationem, quibus notos esse se scirent, fecisse: legatis regis, et per eos absentis regi eum se jactasse. Quod si quis antea ignorasset, quæ res Antiochum et Ætolos conjunxisset, ex legatorum sermone potuisse adparere: mentiendo in vicem jactandoque vires, quas non haberent, inflasse vana spe, atque inflatos esse: ⁵⁸ dum ii^s ab se Philippum victum, sua virtute protectos Romanos, et quæ modo audiebatis, narrant; vos ceterasque civitates et gentes suam sectam esse secuturos: rex contra peditum equitumque nubes jactat, et consternit maria suis classibus. Est autem res simillima cænæ Chalcidensis hospitis mei, hominis et boni, et sciti convivatoris. apud quem ⁵⁹ solstitiali tempore comiter accepti quum miraremur, unde illi eo tempore anni tam multa et varia venatio; homo non, quam isti sunt, gloriosus, renidens, condimentis, ait, varietatem illam et speciem ferinæ carnis ex mansueto sue factam. Hoc dici apte in copias regis, quæ paullo ante jactatæ sint, posse. Varia enim genera armorum, et multa nomina gentium inauditarum, Dahas, et Medos, et Caddusios, et Elymæos, Syros omnes esse: haud paullo mancipiorum melius, propter servilia ingenia, quam militum genus. et utinam subjicere oculis vestris, Achæi, possem concursationem regis magni ab Demetriade, nunc Lamiam in concilium Ætolorum, nunc Chalcidem! Videretis vix duarum male plenarum legiuncularum instar in castris regis: videretis regem, nunc mendicantem prope frumentum ab Ætolis, quod militi admetiatur: nunc mutuas pecunias fœnore in stipendium quærentem: nunc ad portas Chalcidis stantem: et mox inde exclusum, nihil aliud quam Aulide atque Euripo spectatis, in Ætoliā redeuntem. Male crediderunt et Antiochus Ætolis, et Ætoli regiæ vanitati. Quo minus vos decipi debetis, ⁶⁰ sed expertæ potius spectatæque Romanorum fidei credere. Nam quod optimum esse ⁶¹ dicant^y, non interponi vos bello: nihil immo

^x hi Crev.

^y dicunt Ead.

nantur Achæi, ad quos etiam dirigitur oratio.

58 Dum hi] Reposuimus hi pro ii, auctore Vict. libro: quod genus mendi jam aliquammultis ex locis sustulimus. Parva sunt hæc, sed non inutilia ad elegantiam claritatemque sermonis.

59 Solstitiali tempore] Æstivo. Quamvis enim duo sint solstitia, tamen veteres solstitium æstivum simpliciter solstitium appellabant; hibernum, brumam vel brumale solstitium. Virgilius septima Ecloga, v. 47. solstitium pecori defendite: et Georg. I. I. v. 100.

Humida solstitia atque hiemes orate serenas.

60 Sed expertæ potius] Sic olim legebatur. Mutaverat postea Sigonius, dederatque sed expertæ toties. Sed pro vetere lectione stat Modii liber, et noster Vict. Itaque eam revocandam duximus.

61 Dicunt, non interponi vos bello] Primo reposuimus dicunt, pro dicant, auctore Gronovio, qui ita habere scriptos et vet. editos testatur; et postulante Latinæ structuræ ratione. Deinde scripti etiam Gronoviani cum

U. C. 560. *tam alienum rebus vestris est. Quippe sine gratia, sine dignitate, præmium victoris eritis.*
 A. C. 192.

L. Nec absurde adversus utrosque respondisse visus est, et facile erat orationem apud faventes æquis auribus accipi. nulla enim nec disceptatio, nec dubitatio fuit, quin omnes, eosdem genti Achæorum hostes et amicos, quos populus Romanus censuisset, judicarent, bellumque et Antiocho, et Ætolis nunciari juberent. Auxilia etiam, quo censuit Quinctius, quingentorum militum Chalcidem, quingentorum Piræum extemplo miserunt. Erat enim haud procul seditione Athenis res, trahentibus ad Antiochum quibusdam spe largitionum venalem pretio multitudinem; donec ab iis, qui Romanæ partis erant, Quinctius est aditus, et, accusante Leonte quodam, Apollodorus auctor defectionis damnatus, atque in exilium est ejectus. Et ab Achæis quidem cum tristi responso legatio ad regem rediit. Bæoti nihil certi responderunt: *quum Antiochus in Bæotiam venisset, tum, quid sibi faciundum esset, se deliberaturos esse.* Antiochus, quum ad Chalcidis præsidium, et Achæos et Eumenem regem misisse audisset, maturandum ratus, ut et prævenirent sui, et venientes, si possent, exciperent, Menippum cum tribus ferme millibus militum, et cum omni classe Polyxenidam mittit. ipse paucos post dies sex millia suorum militum, et ex ea copia, quæ Lamiae repente colligi potuit, non ita multos Ætolos ducit. Achæi quingenti, et ab Eumene rege modicum auxilium missum, duce Xenoclides Chalcidensi, nondum obsessis itineribus, tuto transgressi Euripum, Chalcidem pervenerunt. Romani milites, quingenti ferme et ipsi, quum jam Menippus castra ante Salganea ad Hermæum, qua transitus ex Bæotia in Eubœam insulam est, haberet, venerunt. Mictio erat cum iis, legatus a Chalcide ad Quinctium, ad id ipsum præsidium petendum, missus. qui postquam obsessas ab hostibus fauces vidit, omisso ad Aulidem itinere, Delium convertit, ut inde in Eubœam transmissurus.

Præsidium
Chalcidem
missum.

Ad Delium
cæsi milites
Romani.

LI. Templum est Apollinis Delium, imminens mari: quinque millia passuum a Tanagra abest. minus quatuor millium inde in proxima Eubœæ est mari tractus. Ubi ⁶² et in fano lucoque, ea religione et eo jure sancto, quo sunt templa, quæ^a asyla Græci adpellant, et nondum aut indicto

^a quæ del. Gron. Crev.

Victorino præferunt, non interponendi: ubi necesse foret intelligi consilium, aut aliquid ale. Gronovius quibusdam allatis exemplis id tueri conatur. Nohis durum videtur.

62 Et in fano lucoque . . . et non-

dum aut indicto bello] Duæ erant causæ, ob quas Romani securi palarentur: quia nempe et erant in fano lucoque sanctissimo, et bellum nondum indictum erat.

bello, aut ita commisso, ut strictos gladios, ⁶³ aut sanguinem U. C. 560. usquam factum audissent, quum per magnum otium milites, A. C. 192. alii ad spectaculum templi lucique versi, alii in litore inermes vagarentur, magna pars per agros lignatum pabulatumque dilapsa esset; repente Menippus, palatos passim adgressus, ⁶⁴ eos cecidit, ad quinquaginta vivos cepit. perpauci effugerunt, in quibus Mictio parva oneraria nave exceptus. Ea res Quinctio Romanisque, sicut jactura militum molesta, ita ad jus inferendi Antiocho belli adjecisse aliquantum videbatur. Antiochus, admoto ad Aulidem exercitu, quum rursus oratores, partim ex suis, partim Ætolos, Chalcididem misisset, qui eadem illa, quæ nuper, cum minis gravioribus agerent, nequidquam contra Mictione et Xenocliden tendentibus, facile tenuit, ut portæ sibi aperirentur. Qui Romanæ partis erant, sub adventum regis urbe excesserunt. Achæorum et Eumenis milites Salganea tenebant. Et in Euripo castellum Romani milites pauci custodiæ caussa loci communiebant. Salganea Menippus, rex ipse castellum Euripi obpugnare est adortus. Priores Achæi et Eumenis milites pacti, ut sine fraude liceret abire, præsidio excesserunt. pertinacius Romani ⁶⁵ Euripum tuebantur. Hi quoque tamen, quum terra marique obsiderentur, et jam machinas tormentaue comportari viderent, non tulere obsidionem. Quum id, quod caput erat Eubœæ, teneret rex, ne ceteræ quidem ejus insulæ urbes imperium abnuerunt. magnoque principio sibi orsus bellum videbatur, quod tanta insula et tot opportuna urbes in suam ditionem venissent.

Chalcididem
Antiocho portas
aperiunt.

63 * Aut sanguinem . . . factum] Sic i. II. c. 30. Plus sanguinis . . . factum. mere voluisse numerum eorum qui cæsi sunt.

64 Eos cecidit] In voce eos suspicatur latere mendum: et Livium exprime 65 Euripum] Intellige castellum Euripi, quod modo nominatum est.

EPITOME LIBRI XXXVI.

MAN. *Acilius Glabrio consul* ¹ *Antiochum, apud Thermopylas, Philippo rege adjuvante, victum, Græcia expulit, idemque* ² *Ætolos subegit.* ³ *P. Cornelius Scipio Nasica consul ædem matris Deûm, quam ipse in Palatium intulerat, vir optimus a senatu judicatus, dedicavit; idemque Boios Gallos victos in deditionem accepit, et de iis triumphavit. Præterea navalia certamina prospera adversus præfectos Antiochi regis referuntur.*

¹ *Antiochum apud Thermopylas, Philippo rege adjuvante, victum]* Hic merito carpit epitomarum harum scriptorem Perizonius, Animadv. Hist. c. 9. quod a Livio suo discedat. Ex Livii enim narratione Philippus non adfuit Romanis adversus Antiochum apud Thermopylas bellantibus: et c. 25. infra congressus cum consule, excusat quod morbo impeditus bello non interfuisset.

² *Ætolos subegit]* Hoc quoque non

usquequaque verum aut accuratum est. Ætoli enim ab Acilio consule non subacti sunt, sed datis ad mittendos Romanos legatos induciis discessum est ab eorum regione. Vid. infra c. 35.

³ *P. Cornelius Scipio Nasica consul ædem matris deûm . . . dedicavit]* Tertium hoc est, in brevissima epitome, ejus qui illam scripsit erratum. Non enim Nasica consul, sed M. Junius Brutus eam ædem dedicasse memoratur infra c. 36.

T. LIVII PATAVINI

LIBER XXXVI.

U. C. 561. **P. CORNELIUM** Cn. filium Scipionem et M'. Acilium
A. C. 191. Glabrimonem consules, inito magistratu, Patres, priusquam de
P. Cornelio, provinciis agerent, res divinas facere majoribus hostiis jus-
M'. Acilio serunt in omnibus fanis, in^a quibus¹ lectisternium majorem
Coss. partem anni fieri solet; precarique, quod senatus de novo
bello in animo haberet, ut ea res senatui populoque Ro-
mano bene ac feliciter eveniret. Ea omnia sacrificia læta
fuerunt, ²primisque hostiis perlitatum est: et ita aruspices
responderunt, eo bello terminos populi Romani propagari,
victoriam ac triumphum ostendi. Hæc quum renunciata
essent, solutis religione animis, Patres rogationem ad popu-
lum ferri jusserunt: *Vellent juberentne, cum Antiocho rege,*
quique sectam ejus secuti essent, bellum iniri? si ea rogatio
perlata esset, tum, si ita videretur consulibus, rem integram
ad senatum referrent. P. Cornelius eam rogationem pertu-
lit. tum senatus decrevit, ut consules Italiam et Græciam
provincias sortirentur; cui Græcia evenisset, ³ut præter
eum numerum militum, quem L. Quinctius in eam provin-
ciam ex auctoritate senatus ⁴scripsisset imperassetve, ut
eum exercitum acciperet, quem M. Bæbius prætor anno
priori ex senatusconsulto in Macedoniam trajecisset. Et
extra Italiam permissum, ut, si res postulasset, auxilia ab
sociis, ne supra quinque millium numerum, acciperet. L.
Quinctium superioris anni consulem legari ad id bellum
placuit. Alter consul, cui Italia provincia evenisset, cum
Boiis jussus bellum gerere, utro exercitu mallet ex duobus,
quos superiores consules habuissent; alterum ut mitteret

Bellum a P.
R. in An-
tiochum de-
cernitur.

Provinciæ
et exercitus.

^a in del. Gron.

¹ *Lectisternium majorem partem anni fieri solet*] Hactenus lectisterniorum modo extra ordinem placandæ deum iræ indictorum mentio facta a Livio est. Ex hoc loco intelligimus fuisse et statis temporibus indici solita lectisternia. Hujus generis lectisternium notatur in Calendario Idibus Novembribus, his verbis: *Epulum indictum*, nempe diis. De lectisternio vid. not. 48. ad V. 13.

² *Primisque hostiis perlitatum est*] In primis statim hostiis ea inventa sunt signa, ex quibus judicabatur deos

esse propitios. Hoc ideo observat Livius, quia sæpe complures hostiæ immolabantur, quum primæ non sat felicia eventa prænunciare videbantur, quoadusque perlitatum foret. Vid. hujus rei exemplum infra XLI. 15.

³ *Ut præter eum numerum . . ut eum exercitum*] Notanda geminatio particulæ ut. Vid. supra XXII. 11. et XXVIII. 9.

⁴ *Scripsisset imperassetve*] *Scripsisset*, intelligendum est de Romanis; *imperasset*, de sociis: ut patet ex c. 3. infra.

Romam, æque urbanæ legiones essent paratæ, quo senatus censuisset. U. C. 561.
A. C. 191.

II. His ita in senatu ⁵ad id, quæ cujus provincia foret, decretis, tum demum sortiri consules placuit. Acilio Græcia, Cornelio Italia evenit. Certa deinde sorte senatusconsultum factum est: ⁶*quod populus Romanus eo tempore duellum jussisset esse cum rege Antiocho^b, quique sub imperio ejus essent, ut ejus rei causa supplicationem imperarent consules: utique M'. Acilius consul ludos magnos Jovi voveret, et dona ad omnia pulvinaria.* Id votum in hæc verba, præeunte P. Licinio pontifice maximo, consul nuncupavit: *Si duellum, quod cum Antiocho rege sumi populus jussit, id ex sententia senatus populique Romani confectum erit; tum tibi, Jupiter, populus Romanus ludos magnos dies decem continuos faciet; donaque ad omnia pulvinaria dabuntur de pecunia, quantam senatus decreverit. Quisquis magistratus eos ludos quando ubique facit, hi ludi recte facti, donaque data recte sunt.* Supplicatio inde ab duobus consulibus edicta per biduum fuit. Consulibus sortitis provincias, extemplo et prætores sortiti sunt. M. Junio Bruto jurisdictio utraque evenit, A. Cornelio Mammulæ Bruttii, M. Æmilio Lepido Sicilia, L. Oppio Salinatori Sardinia, C. Livio Salinatori classis, L. Æmilio Paullo Hispania ulterior. His ita exercitus decreti. A. Cornelio novi milites, conscripti priore anno ex senatusconsulto a L. Quinctio consule, dati sunt; jussusque tueri omnem oram circa Tarentum Brundisiumque. L. Æmilio Paullo in ulteriorem Hispaniam præter eum exercitum, quem a M. Fulvio proprætore accepturus esset, decretum est^c, ut novorum militum tria millia duceret, et trecentos equites; ita ut in iis duæ partes sociûm Latini nominis, tertia civium Romanorum esset. Idem supplementi ad C. Flaminium, cui imperium prorogabatur, in Hispaniam citiorem est missum. M. Æmilius Lepidus a L. Valerio, cui successurus esset, simul provinciam exercitumque accipere jussus: L. Valerium, si ita videretur, pro prætore in provincia retinere, et provinciam ita dividere, ut una ab Agri-gento ad Pachynum esset, altera a Pachyno Tyndarium. Eam maritimam oram L. Valerius viginti navibus longis custodiret. Eidem prætori mandatum, ut ⁷duas decumas

^b cum rege Antiocho esse Gron. Crev.

^c est del. Eæd.

⁵ Ad id, quæ cujus provincia foret] Si nihil hic corruptum est, sensus esse videtur: usque ad id caput, nempe, quæ cujus provincia foret: quod quidem caput nondum certum erat. Andreas edidit, quod cujus. Latet hic aliquid vitii.

⁶ Quod . . duellum jussisset cum rege

Antiocho esse] Delet Gronovius verbum esse, quod sane necessarium non est. Sic supra, l. XXXI. c. 8. quod bellum cum Philippo populus jussisset. Et l. XLII. c. 33. quod bellum senatus cum Perseo jussisset.

⁷ Duas decumas frumenti] Obiter annotandum videtur, quod testatur

U. C. 561. frumenti exigeret: id ad mare comportandum devehendum-
 A. C. 191. que in Græciam curaret. Idem L. Oppio de alteris decumis exigendis in Sardinia imperatum. Ceterum non in Græciam, sed Romam, id frumentum portari placere. C. Livius prætor, cui classis evenerat, cum triginta navibus paratis trajicere in Græciam primo quoque tempore jussus, et ab Atilio naves accipere. veteres naves, quæ in navalibus erant, ut reficeret et armaret, M. Junio prætori negotium datum est, et in eam classem socios navales libertinos legeret.

III. Legati terni in Africam ad Karthaginienses et in Numidiam ad frumentum rogandum, quod in Græciam portaretur, missi; pro quo pretium solveret populus Romanus. Adeoque in adparatum curamque ejus belli civitas intenta fuit, ut P. Cornelius consul ediceret, *Qui senatores essent*, ⁸*quibusque in senatu sententiam dicere liceret*, ⁹*quique minores magistratus essent, ne quis eorum longius ab urbe Roma abiret, quam unde eo die redire posset; neve uno tempore quinque senatores ab urbe Roma abessent*. In comparando impigre classem C. Livium prætorem contentio, orta cum colonis maritimis, paullisper tenuit. Nam, quum cohererentur in classem, tribunos plebei^d adpellarunt: ab iis ad senatum rejecti sunt. Senatus ita, ut ad unum omnes consentirent, decrevit, vacationem rei navalis ¹⁰his^e colonis non esse. Ostia, et Fregenæ, et Castrum novum, et Pyrgi, et Antium, et Tarracina, et Minturnæ, et Sinuessa fuerunt, quæ cum prætore de vacatione certaverunt. Consul deinde M. Acilius ex senatusconsulto ad collegium fecialium retulit: *Ipsine ulique regi Antiocho indiceretur bellum, an ad præsidium nunciaretur*^f? *et num Ætolis quoque separatim indici juberent bellum? et num prius societas* ¹¹*eis et amicitia renuncianda esset, quam bellum indicendum?* Feciales responderunt: *Jam ante sese, quum de Philippo consulerentur, decresse, nihil referre, ipsi coram, an ad præsidium, nunciaretur.* ¹²*Amicitiam renunciatam videri, quum legatis, toties repetenti-*

Fecialium
sententia de
ratione in-
dicendi
belli.

^d plebis Gron. Crev.

^e eis Crev.

^f an satis esset ad præsidium aliquod ejus nunciare? Gron. Crev.

Cicero l. III. in Verrem, n. 42. senatum, quum temporibus reipublicæ cohereretur, ut decerneret. ut alteræ decumæ exigenterentur, ita decernere solitum, ut pecunia pro his decumis solveretur aratoribus, ut, quod plus sumebatur, quam deberetur, id emi, non auferri putaretur.

⁸ *Quibusque in senatu sententiam dicere liceret*] Vid. supra, l. XXIII. c. 32. et not. 46. ad l. XXII. c. 49.

⁹ *Quique minores magistratus essent*] Magistratus majores erant censores, consules, prætores, iique comitiis

centuriatis creabantur. Reliqui magistratus, puta ædiles, quæstores, tribuni, minores vocabantur, et creabantur tributis comitiis. Vid. A. Gell. l. XIII. c. 14.

¹⁰ *Eis colonis*] Sic edi jussimus ex Vict. codice, et Andræ editione, quum vulgati haberent *his*: minus proprie.

¹¹ ** Eis*] Hoc pronomen non in solos Ætolos necessario cadit, sed et de Antiocho intelligi potest, qui diu ante socius et amicus Romanorum nuncupatur, supra XXXII. 8.

¹² ** Amicitiam renunciatam videri*]

bus res, nec reddi, nec satisfieri æquum censuissent. ¹³ *Ætolos* U.C. 561. ultro sibi bellum indixisse, quum *Demetriadem*, sociorum urbem, A.C. 191. per vim occupassent; *Chalcidem* terra marique obpugnatum issent; regem *Antiochum* in *Europam* ad bellum populo Romano inferendum traduxissent. Omnibus jam satis compa-
ratis, M'. Acilius consul edixit: Ut, quos L. Quinctius milites conscripisset, et quos sociis nominique Latino imperasset, quos secum in provinciam ire oporteret, et tribuni militum legionis primæ et tertiæ, ¹⁴ uti omnes *Brundisium Idibus Maiis* convenirent. ipse ante diem quintum Nonas Maias paludatus urbe egressus est. Per eosdem dies et prætores in provincias profecti sunt.

IV. Sub idem tempus legati ¹⁵ ab duobus regibus, Philippo Macedoniæ et Ptolemæo Ægypti^æ, Romam venerunt, pollicentes ad bellum auxilia, et pecuniam, et frumentum. ab Ptolemæo etiam ¹⁶ mille pondo auri, viginti millia pondo argenti adlata. Nihil ejus acceptum. Gratia regibus actæ. et, quum uterque se cum omnibus copiis in Ætoliam venturum, belloque interfuturum polliceretur, Ptolemæo id remissum: Philippi legatis responsum, gratum eum senatui populoque Romano facturum, si M'. Acilio consuli non defuisset. Item ab Karthaginiensibus et Masinissa rege legati venerunt. Karthaginienses ¹⁷ tritici modium mille, hordei quingenta millia ad exercitum, dimidium ejus Romam adportaturos polliciti sunt: id ut ab se munus Romani acciperent, petere se. et classem ¹⁸ suorum suo sumtu comparaturos: et stipendium, quod pluribus pensionibus in multos annos deberent, præsens omne daturus. Masinissæ legati quingenta millia modium tritici, trecenta hordei ad

Legati a
Philippo et
Ptolemæo.

Karthagini-
enses et
Masinissa
frumentum
et hordeum
mittunt.

g Philippo et Ptolemæo Ægypti rege Gron.

Satis declaratum videri nullam jam amicitiam populo Romano neque cum Antiocho, neque cum Ætolis esse, quum legatis Romanis toties repetentibus res, et conquerentibus injurias populo Romano factas, rex et Ætoli nec reddi, nec satisfieri æquum censuissent.

13 *Ætolos ultro sibi bellum indixisse*] Nihil opus esse bellum Ætolis ab Romanis solenni denunciatione indici, quum Ætoli ipsi sibi per hostilia in Romanos facta bellum indixerint.

14 *Uti omnes*] Lege, ut hi omnes: quemadmodum, l. XXII. c. 11. ut, quibus oppida castellaque immunita essent, ut hi in loca tuta commigrarent. Vid. et infra, l. XXXVII. c. 4. De geminatione particulæ ut modo monuimus.

15 *Ab duobus regibus, Philippo Macedoniæ, et Ptolemæo Ægypti*] Hæc

est ipsa scriptura Vict. codicis, in qua nihil deest, nihil superest. Nec dubitamus, quin et alii MSS. idem teneant, si editores observare non neglexissent. Vulgata lectio manifeste vitiosa est: *ab duobus regibus, Philippo et Ptolemæo Ægypti rege*.

16 *Mille pondo auri*] Selibras nostrates 1562. cum uncis 4. Viginti millia pondo argenti sunt selibræ nostrates 31250.

17 *Tritici modium mille*] Sigonius observavit hæc tritici summam mendosam procul dubio esse. Hoc intelligitur statim ex summa a Masinissa oblata. Ceterum quingenta millia modium Romanorum efficiunt modios nostrates circiter 385416. trecenta millia, 231250. ducenta quinquaginta millia, 192706.

18 *Suorum*] Vacat hæc vox.

U. C. 561. exercitum in Græciam; Romam trecenta millia modium tritici, ducenta quinquaginta hordei; equites quingentos, elephantos viginti regem ad M. Acilium consulem missurum. De frumento utrisque responsum, ita usurum eo populum Romanum, si pretium acciperent. De classe Karthaginiensibus remissum; præterquam si quid navium ex fœdere deberent. de pecunia item responsum, nullam ante diem accepturos.

Antiochus
civitates
Græciæ sol-
licitat.

V. Quum hæc Romæ agebantur, Chalcide Antiochus, ne cessaret per hibernorum tempus, partim ipse sollicitabat civitatum animos mittendis legatis, partim ultro ad eum ¹⁹veniebant: sicut^h Epirotæ communi gentis consensu, et Elei e Peloponneso venerunt. Elei auxilium adversus Achæos petebant, quos, post bellum non ex sua sententia indictum Antiocho, primum civitati suæ arma inlaturos credebant. Mille iis pedites cum duce Cretensi Euphane sunt missi. Epirotarum legatio erat minime in partem ullam liberi aut simplicis animi. Apud regem gratiam initam volebant cum eo, ut caverent, ne quid offenderent Romanos. petebant enim, ²⁰*ne se temere incausam deduceret, expositos adversus Italiam pro omni Græcia, et primos in petus Romanorum excepturos. Sed, si ipse posset terrestribus navalibusque copiis præsidere Epiro, cupide eum* ²¹*omnes Epirotas et urbibus et portubus suis accepturos. si id non posset, deprecari, ne se nudos atque inermes Romano bello objiceret.* Hac legatione id agi adparebat, ut, sive (quod magis credebant) abstinuisset Epiro, ²²*integra sibi omnia* ²³*apud exercitus Romanos essent, conciliata satis apud regem gratia, quod accepturi fuissent venientem; sive venisset, sic quoque spes veniæ ab Romanis foret, quod, non exspectato longinquo auxilio ab se, præsentis viribus subcubuissent.* Huic tam perplexæ legationi, quia non satis in promptu erat, quid responderet, legatos se missurum ad eos dixit, qui de iis, quæ ad illos seque communiter pertinerent, loquerentur.

VI. In Bæotiam ipse profectus est, caussas in speciem iræ adversus Romanos eas, quas ante dixi, habentem; Brachyllæ necem, et bellum a Quinctio Coroneæ, propter Romanorum militum cædes, inlatum; re vera per multa jam

^h sicuti Gron. Crev.

19 • Veniebant] Legati: ut ab Epirotis, et ab Eleis.

20 • Ne se temere in causam deduceret] Ne vellet se temere in causam regiam descendere, partes regias amplecti.

21 Omnes] Scripti Gronoviani et noster Vict. omnibus. Utrumlibet malis, parum interest.

22 • Integra sibi omnia apud exercitus Romanos essent] Dele vocem exercitus. Sensus est: ut possent videri nihil fecisse, quo Romani offenderentur, et integram, nullaque ex parte læsam, cum iis amicitiam retinuisse.

23 Apud exercitus Romanos] Dele cum Gronovio vocem exercitus.

secula publice privatimque labante egregia quondam disciplina gentis, et ²⁴multorum eo statu, qui diuturnus esse sine mutatione rerum non posset. Obviam effusis undique Bœotiae principibus, Thebas venit. ibi in concilio gentis, quamquam et ad Delium, inpetu in præsidium Romanum facto, et ad Chalcidem commiserat nec a parvis nec dubiis principibus bellum, tamen eandem orationem exorsus, qua in colloquio primo ad Chalcidem, quaque per legatos in concilio Achæorum usus erat, ut amicitiam secum institui, non bellum indici Romanis postularet; neminem, quid ageretur, fallebat. decretum tamen ²⁵sub levi verborum prætextu pro rege adversus Romanos factum est. Hac quoque gente adjuncta, Chalcidem regressus, præmissis inde literis, ut Demetriadem convenirent principes Ætolorum, cum quibus de summa rerum deliberaret, navibus eo ad diem indictam concilio venit. Et Amynander aditus ad consultandum ex Athamania: et Hannibal Pœnus¹, jam diu non adhibitus, interfuit ei concilio. Consultatum de Thessalorum gente est, quorum omnibus, qui aderant, voluntas tentanda videbatur. in eo modo diversæ sententiæ erant; quod alii extemplo agendum; alii ex hieme, quæ tum ferme media erat, differendum in veris principium; et alii legatos tantummodo mittendos; alii cum omnibus copiis eundem censebant, terrendosque metu, si cunctarentur.

Deliberat
cum sociis
de summa
rerum.

VII. Quum circa hanc fere consultationem disceptatio omnis verteretur, Hannibal, nominatim interrogatus sententiam, in universi belli cogitationem regem atque eos, qui aderant, tali oratione avertit: *Si, ex quo trajecimus in Græciam, adhibitus essem in consilium, quum de Eubœa, de Achæis, de Bœotia agebatur; eandem^k sententiam dixissem, quam hodie, quum de Thessalis agitur, dicam. Ante omnia Philippum et Macedonas in societatem belli quacumque ratione ²⁶censeo deducendos esse. nam quod ad Eubœam Bœotosque et Thessalos adtinet, cui dubium est, quin, ut quibus nullæ suæ vires sint, præsentibus adulando semper, quem metum in consilio habeant, eodem ad impetrandam veniam utantur?* ²⁷*simul ac Romanum*

Hannibal
de bello Ro-
mano ora-
tio.

ⁱ Pœnus del. Gron. Crev.

^k eam Eæd.

²⁴ Multorum eo statu, qui] Quum multi per luxum ac delicias fortunis omnibus eversi in eo statu essent, ut incolumes esse nisi turbatis rebus non possent: quales describit Catilinæ socios Sallustius. Egrege hæc illustrat Polybii locus in Excerpt. de Virtutibus et Vitiis, l. XX.

²⁵ Sub levi verborum prætextu] Decretum factum est, ut sumeretur bellum adversus Romanos, non quidem nominatos, sed verbis rem ita leviter prætextentibus, ut tegentibus, ut nihil

esset obscuri.

²⁶ Censeo deducendos] Libenter deleverimus verbum *censeo*. Magis enim videtur fore ad gustum Livii, si legatur: *Eam sententiam dixissem, quam hodie . . . dicam; nempe ante omnia Philippum et Macedonas in societatem belli quacumque ratione deducendos esse*. Judicent ii quibus nota est Liviana phrasis.

²⁷ Simul ac] Malletus cum Gronovio, ac, *simul Romanum imperium*. Simul, pro simul ac, simul atque.

U. C. 561.
A. C. 191.

*exercitum in Græcia viderint, ad consuetum imperium se aver-
tant? nec iis noxæ futurum sit, quod, quum Romani procul
abessent, vim tuam præsentis exercitusque tui experiri nolue-
rint? Quanto igitur prius potiusque est, Philippum nobis con-
jungere, quam hos? cui, si semel in caussam descenderit, nihil
integri futurum sit, quique eas vires adferat, quæ non accessio
tantum ad Romanum esse bellum, sed per se ipsæ nuper susti-
nere potuerint Romanos. Hoc ego adjuncto (absit verbo invi-
dia) qui dubitare de eventu possim? quum, quibus adversus
Philippum valuerint Romani, iis nunc fore videam ut ipsi ob-
pugnentur. Ætoli, qui Philippum (quod inter omnes constat)
vicerunt, cum Philippo adversus Romanos pugnabunt. Amy-
nander atque Athamanum gens, quorum secundum Ætolos plu-
rima fuit opera in eo bello, nobiscum stabunt. Philippus
tum, te quieto, totam molem sustinebat belli: nunc duo maximi
reges, Asiæ Europæque viribus, adversus unum populum, (ut
meam utramque fortunam taceam) patrum certe ætate ne uni
quidem Epirotarum regi parem, (²⁸quid tandem erit vobiscum
comparatus?) geretis bellum. Quæ igitur res mihi fiduciam
præbet, conjungi nobis Philippum posse? Una, communis uti-
litas, quæ societatis maximum vinculum est: altera, auctores
vos Ætoli. Vester enim legatus hic Thoas inter cetera, quæ ad
excipiendum in Græciam Antiochum dicere est solitus, ante om-
nia hoc semper affirmavit; fremere Philippum, et ægre pati,
sub specie pacis leges servitutis sibi inpositas. ²⁹Ille quidem
feræ bestię vincitæ aut clausæ, et refringere claustra cupienti,
regis iram verbis æquabat. cujus si talis animus est, solvamus
nos ejus vincula, et claustra refringamus, ut ³⁰erumpere diu
coërcitam iram in hostes communes possit. Quod si nihil eum
legatio nostra moverit, at nos, quoniam nobis eum adjungere
non possumus, ne^m hostibus nostris ille adjungi possit, cavea-
mus. Seleucus filius tuus Lysimachiæ est: qui si eo exercitu,
quem secum habet, per Thraciam proxima Macedoniæ cæperit
depopulari; facile ab auxilio ferendo Romanis Philippum ad
sua potissimum tuenda avertet. De Philippo meam sententiam
habet. De ratione universi belli quid sentirem, jam ab initio
non ignorasti. quod si tum auditus forem, non in Eubœa Chal-
cidem captam, et castellum Euripi expugnatum Romani, sed
Etruriam Lingurumque et Galliæ Cisalpinæ oram bello ardere,
et, qui maximus iis terror est, Hannibalem in Italia esse au-*

¹ quicquid Gron. qui quid Crev.

^m ut Gron.

²⁸ Qui quid tandem erit] Qui, nempe Pyrrhus. Vulgo hic legitur quicquid, quod certissima conjectura mutavit Dujatius in qui quid. Unde nec admittere eam in contextum dubitavimus.

²⁹ Ille quidem feræ bestię] Observat

Glareanus hanc comparisonem tribui superiore libro, c. 18. non Thoanti, sed Alexandro Acarnani.

³⁰ Erumpere diu coërcitam iram] Sic Tull. l. XVI. ad Att. ep. 3. Ne in me stomachum erumpant.

*dirent. Nunc quoque arcessas censeo omnes navales terrestres- U. C. 561.
que copias. Sequantur classem onerariæ cum commatibus. A. C. 191.
nam hic sicut ad belli munera pauci sumus, sic nimis multi pro
inopia commeatum. Quum omnes tuas contraxeris vires, di-
visam classem partis Corcyræ in statione habebis, ne transitus
Romanis liber ac tutus pateat: partim ad litus Italice, quod
Sardiniam Africamque spectat, trajicies: ipse cum omnibus
terrestribus copiis in Byllinum agrum procedes. Inde Græciæ
præsides, et speciem Romanis trajecturum te præbens, et, si
res poposcerit, trajecturus. Hæc suadeo, qui, ut non omnis pe-
ritissimus sim belli, cum Romanis certe bellare bonis malisque
meis didici. In quæ consilium dedi, in eadem nec infidelem,
nec segnem operam polliceor. Dii adprobent eam sententiam,
quæ tibi optima visa fuerit.*

VIII. Hæc ferme Hannibalis oratio fuit; quam laudarunt Hannibali
magis in præsentia, qui aderant, quam rebus ipsis exsecuti non credit
sunt. nihil enim eorum est factum, nisi quod ad classem Antiochus.
copiasque arcessendas ex Asia Polyxenidam misit. Legati
Larissam ad concilium Thessalorum sunt missi, ³¹et Ætolis
Amynandroque dies ad conveniendum exercitui Pheras est
dictus. eodem et rex cum suis copiis confestim venit. Ibi
³²dum opperiturⁿ Amynandrum atque Ætolos, Philippum
Megalopolitanum cum duobus millibus hominum ad legen-
da ossa Macedonum circa Cynoscephalas, ubi debellatum Legit ossa
erat cum Philippo, misit; sive ³³ab ipso, quærente sibi Macedo-
commendationem ad Macedonum gentem et invidiam regi, num ad
quod insepultos milites reliquisset, monitus; sive ab insita Cynosce-
phalas.
regibus vanitate ad consilium specie amplum, re inane,
animo adjecto. Tumulus est, in unum ossibus, quæ passim
strata erant, coacervatis, factus; ³⁴qui nullam gratiam ad
Macedonas, odium ingens ad Philippum movit. Itaque,
qui ad id tempus fortunam esset in consilio habiturus, is
extemplo ad M. Bæbium proprætorem ³⁵misit, Antiochum
in Thessaliam inpetum fecisse. si videretur ei, moveret ex hiber-
nis: se obviam processurum, ut, quid agendum esset, consulta-
rent.

ⁿ opperiretur Gron.

31 Et Ætolis Amynandroque dies . .
est dictus] Suspiciatur Jac. Gronovius,
et ab Ætolis. Recte omnino. * Ætoli
et Amynander contrahunt copias, dicta
die ad quam exercitus Pheras convenire
deberet. † Idem ex duorum MSS. et
primæ editionis auctoritate jubet re-
scribi dictus, non indictus, ut vulgo. Ei
obsecuti sumus eo libentius, quod ser-
vat eandem scripturam codex Victo-
ria.

32 Dum opperitur] Sic habent scrip-

ti et antiquiores editi, teste Gronovio.
Accedit MS. Vict. Vulgo dum opperi-
retur.

33 Ab ipso] Philippo Megalopoli-
tano. Vid. supra l. XXXV. c. 47.

34 Qui nullam gratiam] Qui ne-
que gratum Macedonibus Antiochum,
et invisum Philippo fecit.

35 Misit] Supple, litteras, vel nun-
cios qui docerent. Vid. supra l. VIII.
c. 23.

U. C. 561.
A. C. 191.
Ejus gesta
in Thessa-
lia.

IX. Antiocho, ad Pheras jam castra habenti, ubi conjunxerant ei se Ætoli et Amynder, legati ab Larissa venerunt, quærentes, quod ob factum dictumve Thessalorum bello lacerasset eos? simul orantes, ut, remoto exercitu, per legatos, si quid ei videretur, secum disceptaret. Eodem tempore quingentos armatos, duce Hippolochus, Pheras in præsidium miserunt: hi, exclusi aditu, jam omnia itinera obsidentibus regiis, Scotussam se receperunt. Legatis Larissæorum rex clementer respondit, *Non belli faciendi, sed tuendæ et stabiliendæ libertatis Thessalorum causa, se Thessaliam intrasse*. Similia his qui cum Pheræis ageret, missus. cui nullo dato responso, Pheræi ipsi^o legatum ad regem, principem civitatis Pausaniam, miserunt. Qui quum haud dissimilia his, ut in causa pari, quæ pro Chalcidensibus in conloquio ad Euripi fretum dicta erant, quædam etiam ferocius, egisset; rex etiam atque etiam deliberare eos jussos, ne id consilii caperent, cujus, dum in futurum nimis cauti et providi essent, extemplo pœniteret, dimisit. Hæc renunciata Pheras legatio quum esset, ne paullum quidem dubitarunt, quin pro fide erga Romanos, quidquid fors belli tulisset, paterentur. Itaque et hi summa ope parabant se ad urbem defendendam: et rex ab omni parte simul obpugnare mœnia est adgressus; ³⁶et, ut qui satis intelligeret, (neque enim dubium erat) in eventu ejus urbis positum esse, quam primam adgressus esset, aut sperni deinde ab universa gente Thessalorum, aut timeri se, omnem undique terrorem obsessis iniecit. Primum inpetum obpugnationis satis constanter sustinuerunt: deinⁿ, quum multi propugnantes caderent, aut vulnerarentur, labare animi cœpere. Revocati deinde castigationibus principum ad perseverandum in proposito, relicto exteriori circulo muri, deficientibus jam copiis, in interiorem partem urbis concesserunt; cui brevior orbis munitionis circumjectus erat. postremo victi malis, quum timerent, ne vi captis nulla apud victorem venia esset, dediderunt sese. Nihil inde moratus rex, quatuor millia armatorum, dum recens terror esset, Scotussam misit. nec ibi mora deditionis est facta, cernentibus Pheræorum recens exemplum: qui, quod pertinaciter primo abnuerant, malo domiti tandem fecissent. cum ipsa urbe Hippolochus Larissæorumque deditum est præsidium. ³⁷Dimissi ab rege inviolati omnes; quod eam rem magni mo-

° add. suum Gron. Crev. P deinde Fæd.

36 Et] Adjecimus particulam et, quæ et necessaria visa est, et exstat in libro Thuan. et primis editionibus, teste Jac. Gronovio.

37 Dimissi ab rege inviolati omnes, quod eam rem . . . futuram rex] Vel tolle ab rege, vel rex. Alterutrum enim vacat.

menti futuram rex ad conciliandos Larissæorum animos U. C. 561.
credebat. A. C. 191.

X. Intra decimum diem, quam Pheras venerat, his perfectis, Cranonem, profectus cum toto exercitu, primo adventu cepit. inde Cypæram et Metropolim, et iis circumjecta castella recepit; omniaque jam regionis ejus, præter Atracem et Gyrtonem, in potestate erant. Tum adgredi Larissam constituit: ratus vel terrore ceterarum expugnatarum, vel beneficio præsidii dimissi, vel exemplo tot civitatum dedentium sese, non ultra in pertinacia mansuros. Elephantis agi ante signa terroris caussa jussis, quadrato agmine ad urbem incessit: ut incerti fluctuarentur animi magnæ partis Larissæorum inter ⁵⁸metum præsentem hostium et verecundiam absentium sociorum. Per eosdem dies Amynder cum Athamanum juventute occupat Pellinæum: et Menippus, cum tribus millibus peditum Ætolorum et ducentis equitibus in Perrhæbiam profectus, Mallœam et Cyretias vi cepit, depopulatusque est agrum Tripolitanum. His raptim peractis, Larissam ad regem redeunt: consultanti, quidnam agendum esset de Larissa, superaverunt. Ibi in diversum sententiæ tendebant: aliis, vim adhibendam, et non differendum censentibus, quin operibus ac machinis simul undique mœnia adgrederentur ⁵⁹urbis sitæ in plano, apertæ, campestri undique aditu⁹: aliis nunc vires urbis, nequaquam Pheris conferendæ, memorantibus: nunc hiemem et tempus anni nulli bellicæ rei, minime obsidioni atque obpugnationi urbium, aptum. Incerto regi inter spem metumque legati a Pharsalo, qui ad dedendam urbem suam forte venerant, animos auxerunt. M. Bæbius interim, cum Philippo in Dassaretiis congressus, Ap. Claudium ex communi consilio ad præsidium Larissæ misit, qui per Macedoniam magnis itineribus in jugum montium, quod super Gonnos est, pervenit. Oppidum Gonni viginti millia ab Larissa abest, in ipsis faucibus saltus, quæ Tempe adpellantur, situm. Ibi castra metatus latius, quam pro copiis, et plures, quam quot satis in usum erant, ignes quum ac-

⁹ in plano, a parte c. u. facilis aditu Gron.

⁵⁸ Metum præsentem hostium] Murætus, præsentium: recte: sequitur enim, absentium sociorum.

⁵⁹ Urbis sitæ in plano, apertæ, campestri undique aditu] Urbs aperta est, quam facile quis intrare potest. Urbs campestri aditu, ea est quæ ex plano, ex campestri aditur. Expressimus scripturam Vict. codicis, cum quo consentit Andreas. Vulgata omnino tollerari non poterat: *urbis sitæ in plano, a parte campestri undique facilis aditu.*

Primo enim, qui distingui potest pars campestris in ea urbe quæ absolute dicitur *sita in plano*? Deinde Jac. Gronovius affirmat vocem *facilis* in MSS. non exstare. Idem de uno e suis testatur Hearnius: ut dubium non sit illam vocem adjectam esse ab iis qui, quum *a parte campestri* in libris invenirent, laboranti sententiæ subvenire voluerunt, id est, vitium vitio addiderunt.

U. C. 561. cendisset, speciem, quam quæsierat, hosti fecit, omnem ibi
 A. C. 191. Romanum exercitum cum rege Philippo esse. Itaque hie-
 mem instare apud suos caussatus rex, unum tantum mora-
 tus diem, ab Larissa recessit, et Demetriadem rediit: Æto-
 lique et Athamanes in suos receperunt se fines. Appius, etsi,
 cujus rei caussa missus erat, solutam cernebat obsidionem,
 tamen Larissam ad confirmandos in reliquum sociorum ani-
 mos descendit: duplexque lætitia erat, quod et hostes ex-
 cesserant finibus, et intra mœnia præsidium Romanum cer-
 nebant.

Antiochus
 nuptias
 Chalcide
 celebrat.

XI. Rex Chalcidem a Demetriade profectus, amore cap-
 tus virginis Chalcidensis Cleoptolemi filiæ, quum patrem,
⁴⁰ primo adlegando, deinde coram ipse rogando, fatigasset,
 invitum se gravioris fortunæ conditioni inligantem, tandem
 impetrata re, tamquam in media pace nuptias celebrat: et
 reliquum hiemis, oblitus quantas simul duas res suscepisset,
 bellum Romanum et Græciam liberandam, omissa omnium
 rerum cura, in conviviis et vinum sequentibus voluptatibus,
 ac deinde, ex fatigatione magis, quam satietate earum, in
 somno traduxit. Eadem ⁴¹ omnes præfectos regiones (qui ubi-
 que, ad Bœotiam maxime, præpositi hibernis erant) cepit
 luxuria: in eandem et milites effusi sunt. nec quisquam
 eorum aut arma induit, aut stationem, aut vigilias servavit;
 aut quidquam, quod militaris operis, aut muneris esset, fe-
 cit. Itaque principio veris, ⁴² quum per Phocidem Chæro-
 neam^r, quo convenire omnem undique exercitum jusserat,
 venisset; facile animadvertit, nihilo severiore disciplina mi-
 lites, quam ducem, hibernasse. Alexandrum inde Acarna-
 na^s et Menippum Macedonem ⁴³ Stratum Ætolia^e copias
 ducere jussit. ipse, Delphis sacrificio Apollini facto, Nau-
 pactum processit. consilio^t principum Ætolia^e habito, via,

Exercitus
 ejus luxuria
 corrupi-
 tur.

^r Chæroneam l. in Acarnaniam Gron. ^s Acarnanem Gron. Crev. ^t con-
 cilio Crev.

40 *Primo allegando*] Primo per
 amicos alloquendo.

41 *Omnēs præfectos regiones, qui ubi-
 que, ad Bæotiam maxime*] Eadem ce-
 pit luxuria præfectos omnes regiones, qui
 præpositi ubique hibernis erant, maxi-
 me ad Bæotiam, ubi pleræque Antio-
 chi copiae hibernabant.

42 *Quum per Phocidem Chærone-
 am . . . venisset*] Jussit legi Sigonius
 per Phocidem in Acarnaniam, eique
 obsecratæ sunt Gronovianæ editiones.
 Sed totum iter Antiochi, Delphos pri-
 mum, inde Naupactum, tum ad Stra-
 tum Ætolia^e, denique in Acarnaniam,
 clare probat eum non statim Chalcide
 egressum in Acarnaniam ivisse. At
 enim, inquit Glareanus, quomodo An-
 tiochus a Chalcide per Phocidem Chæ-

roneam venire poterat, quum Chæro-
 nea urbs sit Bæotia^e, cui Chalcis ab
 ortu, Phocis ab occasu? Facilis re-
 sponsio est. Docet Strabo l. IX. p.
 416. Phocidem antiquitus septentrio-
 nem versus juxta Bæotiam porrectam
 fuisse, et ad mare Euboicum pertinui-
 sisse. Nec aliter Livius, qui infra c. 12.
 narrat Antiochum per Ætolia^e ac Pho-
 cidis urbes Chalcidem rediisse. Non
 necesse erat igitur Bæotiam intrare
 trajecturo vel ab Eubœa in Phocidem,
 vel a Phocide in Eubœam.

43 *Stratum Ætolia^e*] Rursus l.
 XLIII. c. 21. Livius Stratum Ætolia^e
 asserit, quamvis alii scriptores Acar-
 nania^e contribuant. Nimirum illud
 oppidum Ætoli ceperant ex Acarnani-
 bus,

quæ præter ⁴⁴Calydonem^u et Lysimachiam fert ad Stratum, U. C. 561. suis, qui per Maliacum sinum veniebant, obcurrit. Ibi ^{A. C. 191.} Antiochus Mnesilochus princeps Acarnanum, multis emtus donis, non ^{Acarnani-} am petit. ipse solum gentem regi conciliabat, sed Clytum etiam præ-
torem, penes quem tum summa potestas erat, in suam sententiam adduxerat. Is quum Leucadios, quod Acarnaniæ caput est, non facile ad defectionem posse cerneret inPELLI, propter metum Romanæ classis, quæ cum Atilio, quæve circa Cephaleniam erat, arte eos est adgressus. nam quum in concilio dixisset, tuenda mediterranea Acarnaniæ esse, et omnibus, qui arma ferrent, exeundum ad Medionem et Thyrium, ne ab Antiocho aut Ætolis occuparentur; fuere, qui dicerent, nihil adtinere omnes tumultuose concitari: satis esse quingentorum hominum præsidium. eam juventutem nactus, trecentis Medione, ducentis Thyrii in præsidio positis, id agebat, ut pro obsidibus futuri venirent in potestatem regis.

XII. Per eosdem dies legati regis Medionem venerunt. quibus auditis, quum in concione, quidnam respondendum regi esset, consultaretur; et alii manendum in Romana societate, alii non adspernandam amicitiam regis censerent; media visa est Clyti sententia, eoque accepta est, ut ad regem mitterent legatos, peterentque ab eo, ut Medionios super tanta re consultare in concilio Acarnanum pateretur. In eam legationem Mnesilochus, et qui ejus factionis erant, de industria conjecti, clam missis, qui regem admovere copias juberent, ipsi terebant tempus. itaque vixdum iis egressis legatis^x, ⁴⁵Antiochus in finibus, mox^y ad portas erat, et ⁴⁶trepidantibus, qui expertes proditiōis fuerant, tumultuoseque juventutem ad arma vocantibus, ab Clyto et Mnesilochō in urbem est inductus: et, aliis sua voluntate adfluentibus, metu coacti etiam, qui dissentiebant, ad regem convenerunt. quos placida oratione territos quum permul-
sisset, ad spem vulgatæ clementiæ aliquot populi Acarnaniæ defecerunt. Thyrium a Medione profectus est, Mnesilochō eodem et legatis præmissis. Ceterum detecta Medione fraus cautiōres, non timidiōres, Thyrienses fecit, dato ei haud perplexo responso, nullam se novam societatem, nisi ex auctoritate ⁴⁷Romanorum imperatorum, accepturos, portisque clausis, armatos in muris disposuerunt. Et peropportune ad confirmandos Acarnanum animos Cn. Octavius

^u Chalcidem Crev. ^x legatis del. Gron. Crev. ^y et mox Eæd.

44 Chalcidem et Lysimachiam] Ætoliae urbes.

45 Antiochus in finibus, et mox ad portas erat] Copulativam Victor. codex, et, teste Gronovio, veteres editi ignorant.

46* Trepidantibus] Concursantibus et multa molientibus.

47 Romanorum imperatorum] Ultima vox merito suspecta est Gronovio.

U. C. 561. missus a Quinctio, quum præsidium et paucas naves ab
 A. C. 191. ⁴⁸ A. Postumio, qui ab Atilio legato Cephaleniæ præpositus
 fuerat, accepisset, Leucadem venit, inplevitque spei socios:
 M'. Acilium consulem jam cum legionibus mare trajecisse,
 et in Thessalia castra Romana esse. Hunc rumorem quia
 similem veri tempus anni maturum jam ad navigandum fa-
 ciebat; rex, præsidio Medione inposito, et in quibusdam
 aliis Acarnaniæ oppidis, Thyrio abscessit, et per Ætoliæ ac
 Phocidis urbes Chalcidem rediit.

Redit in
 Eubœam.

Philippus
 et Bæbius
 in Thessa-
 lia aliquot
 urbes capi-
 unt.

XIII. Sub idem tempus M. Bæbius et Philippus rex,
 jam ante per hiemem in Dassaretiis congressi, quum Ap.
 Claudium, ut obsidione Larissam eximeret, in Thessaliam
 misissent, quia id tempus rebus gerendis innaturum erat,
 in hiberna regressi, principio veris conjunctis copiis in
 Thessaliam descenderunt. In Acarnania tum Antiochus
 erat. Advenientes, Philippus Mallœam Perrhæbiæ, Bæ-
 bius Phacium est adgressus. quo primo prope inpetu capto,
 Phæstum eadem celeritate capit. inde Atracem quum se
 recepisset, Cyretias hinc et Eritium^u occupat: præsidisque
 per recepta oppida dispositis, Philippo rursus obsidenti
 Mallœam se conjungit. Sub adventum Romani exercitus,
 seu ad metum virium, seu ad spem veniæ, quum dedidis-
 sent sese; ad ea recipienda oppida, quæ Athamanes occu-
 paverant, uno agmine ierunt. Erant autem hæc, Æginium,
 Ericinium^x, Gomphi, Silana, Tricca, Melibœa, Phaloria.
 Inde Pellinæum, ubi Philippus Megalopolitanus cum quin-
 gentis peditibus et equitibus quadraginta in præsidio erat,
 et circumsidunt, et, priusquam obpugnarent, mittunt ad
 Philippum, qui moneret, ne vim ultimam experiri vellet.
 Quibus ille satis ferociter respondit, vel Romanis, vel Thes-
 salis se crediturum fuisse: in Philippi se potestatem com-
 missurum non esse. Postquam adparuit vi agendum, quia
 videbatur et Linnæam eodem tempore obpugnari posse, re-
 gem ad Linnæam ire placuit: Bæbius restitit ⁴⁹ ad Pelli-
 næum obpugnandum^y.

M'. Acilius
 Cos. cum
 exercitu in-
 trat Thes-
 saliam.

XIV. Per eos forte dies M'. Acilius consul, ⁵⁰ cum de-

^u Phricium Gron. Crev.

^x Ericinium Eæd.

^y oppugnandum l. oppidum

⁴⁸ A. Postumio, qui ab Atilio legato
 Cephaleniæ præpositus fuerat] Atilius
 non legatus, sed ipse prætor fuit, cui
 classis et Macedonia decreta erat. Vid.
 supra l. XXXV. c. 20. Credibile est
 igitur fuisse Postumium legatum Atilii,
 legendumque hoc loco legatus. Jæc.
 PERIZONIUS.

⁴⁹ Ad Pellinæum oppugnandum]
 Recentiores editi habent ad Pellinæum
 oppidum, contra vetustiorum et MSS.

fidem.

⁵⁰ Cum viginti millibus peditum]
 Reposuimus viginti pro decem ex Viet.
 codice, et evidenti ratione. Duas enim
 legiones habebat consul, et parem nu-
 merum peditum sociorum. Firmat
 etiam Appianus. In eo quod sequitur
 membro, duobus millibus equitum, ⁵¹
 millibus supervacaneum est, et reci-
 dendum.

cem² millibus peditum, duobus millibus equitum, quindecim U. C. 561.
 elephantis, mari trajecto, pedestres copias Larissam ducere A. C. 191.
 delectos militum tribunos jussit. ipse cum equitatu Lim-
 naeam ad Philippum venit. Adventu consulis deditio sine
 cunctatione est facta: traditumque præsidium regium, et cum Ejus res
 iis Athamanes. Ab Linnæa Pellinæum consul proficiscitur. gestæ.
 Ibi primi Athamanes tradiderunt sese, deinde et Philippus
 Megalopolitanus: cui, decedenti de præsidio, quum obvi-
 us forte fuisset Philippus rex, ad ludibrium⁵¹ regem eum con-
 salutari jussit; ipse congressus fratrem, haud sane decoro
 majestati suæ joco, adpellavit. Deductus inde ad consulem
 custodiri jussus, et haud ita multo post in vinculis Romam
 missus. cetera multitudo Athamanum aut militum Antiochi
 regis, quæ in præsidiis deditorum per eos dies oppidorum
 fuerat, Philippo tradita regi est. fuere autem ad tria mil-
 lia hominum. Consul Larissam est profectus, ibi de summa
 belli consultaturus. in itinere⁵² ab Pieria et Metropoli le-
 gati tradentes urbes suas obcurrerunt. Philippus, Athama-
 num præcipue captivis indulgenter habitis, ut per eos con-
 ciliaret gentem, nactus spem Athamaniae potiundæ, exerci-
 tum eo duxit, præmissis in civitates captivis. Et illi mag-
 nam auctoritatem apud populares habuerunt, elementiam
 erga se regis munificentiamque commemorantes: et Amy-
 nander, cujus præsentis majestas aliquos in fide continuis-
 set, veritus ne traderetur Philippo jam pridem hosti, et Ro-
 manis merito tunc³ propter defectionem infensis, cum con-
 juge ac liberis regno excessit, Ambraciamque se contulit.
 ita Athamania omnis in jus ditionemque Philippi concessit.
 Consul, ad reficienda maxime jumenta, quæ et navigatione,
 et postea itineribus fatigata erant, paucos Larissæ moratus
 dies, velut renovato modica quiete exercitu Cranonem est
 progressus^b. Venienti Pharsalus, Scotussa, et Pheræ, quæ-
 que in eis præsidia Antiochi erant, deduntur. ex iis interro-
 gatis, qui manere secum vellent, mille volentes Philippo
 tradit: ceteros inermes Demetriadem remittit. Proërnā
 inde recepit,⁵³ et quæ circa eam castella erant. Du-
 cere tum porro in⁵⁴ sinum Maliacum cœpit. Adpropin-
 quante faucibus, super quas siti Thaumaci sunt, deserta
 urbe, juvenus omnis armata silvas et itinera insedit, et in
 agmen Romanum ex superioribus locis incursavit. Consul
 primo mittere, qui ex propinquo conloquentes deterrent eos

² viginti Crev.³ tum Gron. Crev.^b profectus Eæd.

51 Regem] Sigonius sic legi jussit, et favet Vict. Quidam libri male habuere regium.

52 Ab Pieria et Metropoli] Lege cum Sigonio, Pialia. Vid. not. 59. ad

XXXII. 15.

53 Et quæ circa eam castella] Me-rito delet Gronovius vocem eam.

54 * Sinum Maliacum] Vid. supra not. 31. ad XXXV. 37.

U. C. 561. a tali furore: postquam perseverare in incepto vidit, tribuno
 A. C. 191. ⁵⁵ cum duorum signorum militibus circummisso, intercludit
 ad urbem iter armatis, vacuamque eam cepit. tum, clamore
 ab tergo captæ urbis audito, refugientium undique ex silvis
 insidiatorum cædes facta est. A Thaumacis altero die con-
 sul ad Sperchium amnem pervenit: inde Hypatæorum agros
 vastavit.

XV. Quum hæc agebantur, Chalcide erat Antiochus:
 qui, jam tum cernens, nihil se ex Græcia, præter amœna
 Chalcide hiberna et ⁵⁶ infames nuptias, petisse, Ætolorum
 vana promissa incusare et Thoantem: Hannibalem vero,
 non ut prudentem tantum virum, sed prope vatem omnium,
 quæ tum evenirent, admirari. ne tamen temere cœpta, seg-
 nitiâ insuper everteret, nuncios in Ætoliam mittit, ut, omni
 contracta juventute, convenirent. Jam et ipse eo decem
 millia fere peditum ex iis, qui postea venerant ex Asia, ex-
 pleta, et equites quingentos duxit. Quo quum aliquanto
 pauciores, quam umquam antea, convenissent, et principes
 tantummodo cum paucis clientibus essent, atque ii dicerent,
 omnia sedulo ab se facta, ut quam plurimos ex civitatibus
 suis evocarent; nec ⁵⁷ auctoritate, nec gratia, nec imperio
 adversus detrectantes militiam valuisse; destitutus undique
 et ab suis, qui morabantur in Asia, et ab sociis, qui ea, in
 quorum spem vocaverant, non præstabant, intra saltum
 Thermopylarum sese recepit. Id jugum, sicut Apennini
 dorso Italia dividitur, ita mediam Græciam dirimit. ante
 saltum Thermopylarum in septentrionem versa Epirus, et
 Perrhæbia, et Magnesia, et Thessalia est, et Phthiotæ
 Achæi, et sinus Maliacus. intra fauces ad meridiem vergunt
 Ætolia pars major, et Acarnania, et cum Locride
 Phocis, et Bœotia adjunctaque insula Eubœa, et, excurrente
 in altum, velut promontorio, Attica terra, sita ab tergo ⁵⁸ et
 Peloponnesus. Hoc jugum, ab Leucate et mari ad occi-
 dentem verso per Ætoliam ad alterum mare orienti objec-
 tum tendens, ea aspreta rupesque interjectas habet, ut non
 modo exercitus, sed ne expediti quidem facile ullas^c ad
 transitum calles inveniant. Extremos ad orientem montes
 Oëtam vocant, quorum quod altissimum est, Callidromon ad-
 pellatur: in cujus valle ad Maliacum sinum vergente iter est
 non latius, quam sexaginta passus. Hæc una militaris via
 est, qua traduci exercitus, si non prohibeantur, possint. ideo

^c ullos Gron. Crev.

⁵⁵ * Cum duorum signorum militibus]
 Vid. not. 2. ad XXXIII. 1.

⁵⁶ * Infames nuptias] Nuptias parum
 decoras tanto regi.

⁵⁷ * Auctoritate . . . gratia . . . im-
 perio] De vocibus auctoritate et impe-

rio vid. not. 49. ad l. 7. Gratia a volen-
 tibus eblanditur: auctoritas injicit ve-
 recundiam recusandi: imperium co-
 git.

⁵⁸ * Et Peloponnesus] Dele super-
 fluam voculam et.

Antiochus
 intra sal-
 tum Ther-
 mopylarum
 castra locat.

Descriptio
 locorum.

Pylæ, et ab aliis, quia calidæ aquæ in ipsis faucibus sunt, U. C. 561.
Thermopylæ locus adpellatur, nobilis Lacedæmoniorum A. C. 191.
adversus Persas morte magis memorabili, quam pugna.

XVI. Haudquaquam pari tum animo Antiochus, intra portas loci ejus castris positus, munitionibus insuper saltum impediēbat. et, quum duplici vallo fossaque, et muro etiam, qua res postulabat, ex multa copia passim jacentium lapidum, permunisset omnia, satis fidens, numquam ea vim Romanum exercitum facturum, Ætolos ex quatuor millibus (tot enim convenerant) partim ⁵⁹ad Heracleam præsidio obtinendam, quæ ante ipsas fauces posita est, partim Hypatam mittit, et Heracleam haud dubius consulē obpugnaturum, et jam multis nunciantibus, circa Hypatam omnia evastari. Consul, depopulatus Hypatensem primo, deinde Cos, ad Heracleensem agrum, inutili utrobique auxilio Ætolorum, Thermopylas, in ipsis faucibus prope fontes calidarum aquarum adversus regem castra posuit. Ætolorum utræque manus Heracleam sese incluserunt. Antiochum, cui, priusquam hostem cerneret, satis omnia permunita et præsidiis obsepta videbantur, timor deinde incessit, ne quas^d per imminētia juga calles inveniret ad transitum Romanus. nam et Lacedæmonios quondam ita a Persis circumitos fama erat; ⁶⁰et nuper Philippum ab iisdem Romanis. itaque nuncium Heracleam ad Ætolos mittit, ut hanc saltem sibi operam eo bello præstarent, ut vertex circa montium occuparent obsiderentque, ne qua transire Romanus posset. Hoc nuncio audito, dissensio inter Ætolos orta est. pars imperio parendum regis atque eundem censebant, pars subsistendum Heracleæ ad utramque fortunam: ut, sive victus a consule rex esset, in expedito haberent integras copias ad opem propinquis ferendam civitatibus suis; sive vinceret, ut dissipatos in fugam Romanos persequerentur. Utraque pars non mansit modo in sententia sua, sed etiam exsecuta est consilium. duo millia Heracleæ substiterunt: duo trifariam divisa Callidromum, et Rhoduntiam, et Tichiunta (hæc nomina cacuminibus sunt) occupavere.

XVII. Consul postquam inessa superiora loca ab Ætolis vidit, M. Porcium Catonem et L. Valerium Flaccum, ⁶¹consulares legatos, cum binis millibus delectorum pedum^e, ad castella Ætolorum, Flaccum in Rhoduntiam et

^d quos Gron. Crev.

^e militum Ead.

⁵⁹ Ad Heracleam . . . quæ] Relativum quæ scripti omittunt. Et illud intelligi interdum mavult Livius. Sic et Virgilius: Est locus, Hesperium Graii cognomine dicunt.

⁶⁰ Et nuper Philippum] Ad Aoum anem.

⁶¹ Consulares legatos] Hi et ab Plutarcho, et ab Appiano tribuni militum dicuntur. Et apud Ciceronem quoque lib. de Sen. n. 32. Cato dicit se tribunum militum depugnasse apud Thermopylas.

U. C. 561.
A. C. 191.
Cos. suos
hortatur.

Tichiunta, Catonem in Callidromum mittit. ipse, priusquam ad hostem copias admooveret, vocatos in concionem milites paucis est adlocutus: ⁶²*Plerosque omnium ordinum, milites, inter vos esse video, qui in hac eadem provincia T. Quinctii ductu auspicioque militaveritis. Macedonico bello inexcuperabilis magis saltus ad amnem Aoum fuit, quam hic. Quippe portæ sunt hæ, et unus, inter duo maria clausis omnibus, velut naturalis transitus est.* ⁶³*munitiones et locis opportunioribus tunc fuerunt, et validiores inpositæ: exercitus hostium ille et numero major, et militum genere aliquanto melior. Quippe illic Macedones Thracesque et Illyrii erant, ferocissimæ omnes gentes: hic Syri et Asiatici Græci sunt, levissima genera hominum et servituti nata. Rex ille bellicosissimus, exercitatus jam inde ab juvenia finitimis Thracum atque Illyriorum, et circa omnium adcolarum bellis; hic, ut aliam omnem vitam omittam^f, is est, qui, quum ad inferendum populo Romano bellum ex Asia in Europam transisset, nihil memorabilius toto tempore hibernorum gesserit, quam quod amoris causa ex domo privata, et obscuri etiam inter populares generis, uxorem duxit: et novus maritus, velut saginatus nuptialibus cænis, ad pugnam processit. Summa virium speique ejus in Ætolis fuit; gente vanissima et ingratissima, ut vos prius experti estis, nunc Antiochus experitur. Nam nec convenerunt frequentes, nec contineri in castris potuerunt, et in seditione ipsi inter se sunt: et quum Hypatam tuendam Heracleamque depoposcissent, neutram tutati, refugerunt in juga montium, pars Heracleæ incluserunt sese. Rex ipse confessus, nusquam æquo campo non modo congre- di se ad pugnam audere, sed ne castra quidem in aperto ponere, relictæ omni ante se regione ea, quam se nobis ac Philippo ademisse gloriabatur, condidit se intra rupes: ne ante fauces quidem saltus, ut quondam Lacedæmonios fama est, sed intra penitus retractis castris: ⁶⁴*quod quantum interest ad timorem**

^f sileam Gron. Crev.

⁶² *Plerosque omnium ordinum, milites, inter vos]* Adjuvimus interpunctione hunc locum, ut appareat vocem milites seorsim legendam, quippe qua consul eos qui audiunt compellet: *plerosque autem omnium ordinum* intelligendos esse non milites solum, sed duces quoque, et centuriones, et præfectos, etc.

⁶³ *Munitiones et locis opportunioribus tunc fuerunt, et validiores inpositæ: exercitus hostium ille et numero major]* Vett. editorum lectio, a qua parum aut nihil abeunt scripti, teste Gronovio, talis est: *Munitioribus tunc fuerunt et validioribus inpositi exercitus hostium locis: exercitus ille et numero major.* Ubi illud offendit, quod gemi-

natur vox exercitus, et quidem in numero primum multitudinis, deinde in singulari, quum utrobique de iisdem copiis agatur, id est, de Philippi exercitu. Victor. omittit posterius illud *exercitus*. Sed si deleatur, nullum jam nomen reliquum est, ad quod reerri possit *et ille*. Exspectemus dum meliores codices reperiantur. Neque enim Gronovii conjecturæ nobis satisfaciunt. Legit ille: *Munitioribus et tunc fuerunt, et validiores inpositi exercitus hostium locis: ille et numerus major: compositio abrupta et subsultans, et ab iuso illo æquabiliter Liviano stylo abhorrens.*

⁶⁴ *Quod quantum interest]* Quid interest ad timorem ostendendum, hoc

ostendendum, an muris alicujus urbis obsidendum sese incluserit? U. C. 561.
Sed neque Antiochum ⁶⁵*tuebuntur angustiae, nec Aetolos verti-* A. C. 191.
ces illi, quos ceperunt. Satis undique provisum atque^s præ-
cautum est, ne quid adversus vos in pugna præter hostes esset.
Illud proponere animo vestro debetis, non vos pro Græciæ li-
bertate tantum dimicare, (quamquam is quoque egregius titulus
esset, liberatam a Philippo ante, nunc ab Aetolis et ab Antio-
cho liberare) neque ea tantum in præmium vestrum cessura,
quæ nunc in regiis castris sunt: sed illum quoque omnem ad-
paratum, qui in dies ab Epheso expectatur, prædæ futurum:
Asiam deinde Syriamque, et omnia usque ad ortus solis ditis-
sima regna imperio Romano aperturos. Quid deinde aber-
rit, quin ab Gadibus ad ⁶⁶*mare rubrum Oceano fines termine-*
mus, qui orbem terrarum amplexu finit, et omne humanum ge-
nus secundum Deos nomen Romanum veneretur? In hæc tanta
præmia dignos parate animos, ut crastino die, bene juvantibus
Diis, acie decernamus.

XVIII. Ab hac concione dimissi milites, priusquam cor- ^{Pugna ad Thermopy-}
 pora curarent, arma telaque parant. Luce prima, signo ^{las.}
 pugnae proposito, instruit aciem consul, arta fronte, ad na-
 turam et angustias loci. Rex, postquam signa hostium
 conspexit, et ipse copias eduxit. Levis armaturæ partem
 ante vallum in primo locavit: tum ⁶⁷Macedonum robur,
 quos Sarissophoros adpellabant, velut firmamentum circa ip-
 sas munitiones constituit. his ab sinistro cornu jaculatorum
 sagittariorumque et funditorum manum sub ipsis radicibus
 montis posuit, ut ex altiore loco nuda latera hostium in-
 cesserent. ⁶⁸ab dextro Macedonibus ad ipsum munimento-
 rum finem, qua loca usque ad mare invia palustri limo et
 voraginibus claudunt, elephantos cum adsueto præsidio po-
 suit; post eos, equites; tum, modico intervallo relicto, ce-
 teras copias in secunda acie. Macedones, pro vallo locati,
 primo facile sustinebant Romanos, tentantes ab omni parte
 aditus: multum adjuvantibus, qui ex loco superiore fundis,
 velut nimbum, ⁶⁹glandes et sagittas simul ac jacula ingere-
 bant. deinde, ut major, nec jam toleranda vis hostium infe-

§ atque l. antequæ Gron. Crev.

ne fecerit, an muris alicujus urbis se
 incluserit? Nonne æque timorem os-
 tendit, dum intra fauces saltus retrahit
 castra, ac si muris alicujus urbis se in-
 cluisset?

⁶⁵ *Tuebuntur angustiae*] Ultima vox
 deest in Gronovianis editionibus, haud
 dubie per operarum incuriam.

⁶⁶ *Mare Rubrum*] Vid. not. ad
 XLII. 52.

⁶⁷ *Macedonum robur*] Macedonas,
 quod roboris erat in exercitu. Mace-

donas autem istos Syro-macedonas in-
 tellige, posteros vel successores eorum,
 qui sub Alexandro, ac deinde Seleuco,
 militaverant.

⁶⁸ *Ab dextro Macedonibus*] Otiosam
 esse vocem *Macedonibus* recte obser-
 vat Gronovius. Potest enim suppleri
 his, quod in fronte periodi positum
 est.

⁶⁹ *Glandes*] Sphærules plumbeas,
 quæ fundis emittebantur.

U. C. 561. rebat se, pulsi loco intra munimenta, subductis ordinibus,
 A. C. 191. concesserunt: inde ex vallo prope alterum vallum, hastis
 præ se objectis, fecerunt. et ita modica altitudo valli erat,
 ut et locum superiorem ad pugnandum suis præberet, et
 propter longitudinem hastarum subjectum haberet hostem.
 Multi, temere subeuntes vallum, transfixi sunt: et aut in-
 cepto irritò recessissent, aut plures cecidissent, ni M. Porcius
 ab jugo Callidromi, dejectis inde Ætolis, et magna ex parte
 cæsis, ⁽⁷⁰⁾ incautos enim et plerosque sopitos obpresserat)
 super imminentem castris collem adparuisset.

Victus An-
 tiochus.

XIX. Flacco non eadem fortuna ad Tichiunta et Rho-
 duntiam, nequidquam subire ad ea castella conato, fuerat.
 Macedones, quique alii in castris regiis erant, primo, dum
 procul nihil aliud, quam turba et agmen, adparebat, Ætolos
 credere, visa procul pugna subsidio venire. ceterum, ut
 primum signaque et arma ex propinquo cognita errorem
 aperuerunt, tantus repente pavor omnes cepit, ut, abjectis
 armis, fugerent. ⁷¹ et munimenta sequentes impelierunt, et
 angustiae vallis, per quam sequendi erant; et maxime om-
 nium, quod elephantum novissimi agminis erant, quos pedes
 ægre præterire, eques nullo poterat modo, timentibus equis,
 tumultumque inter se majorem, quam in prælio, edentibus.
 Aliquantum temporis et direptio castrorum tenuit. Scar-
 phiam tamen eo die persecuti sunt hostem. Multis in ipso
 itinere cæsis captisque, non equis virisque tantum, sed etiam
 elephantis, quos capere non potuerant, interfectis, in castra
 reverterunt; quæ tentata eo die inter ipsum pugnae tempus
 ab Ætolis, Heracleam obtinentibus præsidio, sine ullo haud
 parum audacis incepti effectu, fuerant. Consul, noctis inse-
 quentis tertia vigilia præmisso equitatu ad persequendum
 hostem, signa legionum prima luce movit. Aliquantum
 viæ præceperat rex; ut qui non ante, quam Elatiæ, ab ef-
 fuso constiterit cursu: ubi primum reliquis pugnaeque et
 fugæ conlectis, cum perexigua manu semiernium militum
 Chalcidem se recepit. Romanus equitatus ipsum quidem
 regem Elatiæ adsecutus non est, ⁷² sed magnam partem ag-
 minis, aut lassitudine ⁷³ subsistentis, aut errore, ut qui sine
 ducibus per ignota itinera fugerent, dissipatos obpresse-
 runt. nec præter quingentos, qui circa regem fuerunt, ex
 toto exercitu quisquam effugit: etiam ex decem millibus

Chalcidem
 se recipit.

⁷⁰ *Incautos enim*] Vid. Plut. in Ca-
 tone majore, de hoc egregio facto, quod
 satis jejune hic indicat Livius, plura
 memorantem.

⁷¹ *Et munimenta sequentes impe-*
dierunt] Romanos fugientem hostem
 sequentes et munimenta impelierunt,
 et angustiae vallis quæ transeunda erat

sequentibus victos.

⁷² *Sed magnam partem*] Scripti
 omittunt *sed*, quod sane interdum
 elegantiae causa suppressit Livius.

⁷³ *Subsistentis*] Vel scribe, vel in-
 tellige *subsistentes*. Sequitur enim *dis-*
sipatos.

militum, quos, Polybio auctore, trajecisse secum regem in U. C. 561. Græciam scripsimus, exiguus numerus. quid si Antiati Va- A. C. 191. lerio credamus, sexaginta millia militum fuisse in regio exercitu scribenti, quadraginta inde millia cecidisse, supra quinque millia capta cum signis militaribus ducentis triginta? Romanorum centum quinquaginta in ipso certamine pugnae, ab incurso Ætolorum se tuentes non plus quinquaginta interfecti sunt.

XX. Consule per Phocidem et Bœotiam exercitum ducente, conscia defectionis civitates cum velamentis ante portas stabant, metu ne hostiliter diriperentur. ceterum per omnes dies haud secus, quam in pacato agro, sine violatione ullius rei ⁷⁴agmen processit; donec in agrum Coronæum ventum est. Ibi statua regis Antiochi, posita in templo ⁷⁵Minervæ Itoniæ, iram accendit: permissumque militi est, ut circumjiecum templo agrum popularetur. deinde cogitatio animum subiit, quum communi decreto Bœotorum posita esset statua, indignum esse, in unum Coronensem agrum sævire. . Revocato extemplo milite, finis populandi factus: castigati tantum verbis Bœoti ob ingratum in tantis tamque recentibus beneficiis animum erga Romanos. Inter ipsum pugnae tempus decem naves regiæ cum præfecto Isidoro ad Thronium in sinu Maliaco stabant. eo gravis vulneribus Alexander Acarnan, nuncius adversæ pugnae, quum perfugisset, trepidæ inde recenti terrore naves Cenæum Eubææ petierunt. ibi mortuus sepultusque Alexander. Tres, quæ ex Asia profectæ eundem portum tenuerant, naves, audita exercitus clade, Ephesum redierunt. Isidorus ab Cenæo Demetriadem, si forte eo deferret fuga regem, trajecit. Per eosdem dies A. Atilius, præfectus Romanæ classis, magnos regios commeatus, jam fretum, quod ad Andrum insulam est, prætervectos, excepit: alias mersit, alias cepit naves. ⁷⁶quæ novissimæ agminis erant, cursum in Asiam verterunt. Atilius Piræeum, unde profectus erat, cum agmine captivarum navium revectus, magnam vim frumenti et Atheniensibus et aliis ejusdem regionis sociis divisit.

XXI. Antiochus, sub adventum consulis a Chalcide pro-
Antiochus in Asiam trajecit.

⁷⁴ Agmen] Sic habent tres scripti, unus Jac. Gronovio, alter Hearnio inspectus, tertius noster Vict. Melius quam, ut vulgo, *agmine*.

⁷⁵ Minervæ Itoniæ] Minerva sic cognominata est, auctore Pausania in Bœoticis, ab Itono Amphictyonis filio, patre Bœoti, a quo Bœotia nomen accepit. Si Straboni credimus, l. IX. pagg. 411. et 435. antiquius templum fuit Minervæ Itoniæ in urbe Thessaliæ

It-ne: unde Bœoti exemplum sumpserunt Minervæ sub hoc cognomine colendæ, templique ei apud Coroneam extruendi. In hoc templum Bœoti de rebus communibus deliberaturi conveniebant. Atque ob eam videlicet causam ibi statua Antiocho posita erat.

⁷⁹ Quæ novissimæ agminis] Magis placet id quod Sigonii liber et Victor. habent, *novissimi*.

U.C. 561. fectus, Tenum primo tenuit: inde Ephesum transmisit.
 A.C. 191. Consuli Chalcidem venienti portæ patuerunt, quum, adpropinquante eo, Aristoteles, præfectus regis, urbe excessisset. et ceteræ urbes in Eubœa sine certamine traditæ, post paucosque dies^h, omnibus perpacatis, sine ullius noxa urbis exercitus Thermopylas reductus, multo modestia post victoriam, quam ipsa victoria, laudabilior. Inde consul M. Catonem, ⁷⁷per quem, quæ gesta essent, senatus populusque Romanus haud dubio auctore sciret, Romam misit. Is a Creusa (Thespiensium emporium est, in intimo sinu Corinthiaco retractum) Patras Achaïæ petit: a Patris Corcyram usque Ætoliæ atque Acarnaniæ litora legit, atque ita ad Hydruntum Italiæ trajecit. quinto die inde pedestri itinere Romam ingenti cursu pervenit. ante lucem ingressus urbem, a porta ad prætorem M. Junium iter intendit. Is prima luce senatum vocavit. quo L. Cornelius Scipio, aliquot diebus ante a consule dimissus, quum adveniens audisset, prægressum Catonem in senatu esse, supervenit exponenti, quæ gesta essent. Duo inde legati jussu senatus in concionem sunt producti: atque ibi eadem, quæ in senatu, de rebus in Ætolia gestis exposuerunt. Supplicatio in tri-duum decreta est; et ut quadraginta hostiis majoribus prætor, quibus Diis ei videretur, sacrificaret. Per eosdem dies et M. Fulvius Nobilior, qui biennio ante prætor inⁱ Hispaniam erat profectus, ovans urbem est ingressus: ⁷⁸argenti bigati præ se tulit centum^k triginta millia: et extra numeratum ⁷⁹duodecim millia pondo argenti: ⁸⁰auri pondo centum viginta septem.

Cato nuncius victoriæ.

Ætolos ad resipiscendum invitat Cos.

XXII. Acilius consul ab Thermopylis Heracleam ad Ætolos præmisit, ut tunc saltem, experti regiam vanitatem, resipiscerent; traditaque Heraclea, cogitarent de petenda ab senatu seu ⁸¹furoris sui, seu erroris venia. et ⁸²ceteras^l Græciæ civitates defecisse eo bello ab optime de se meritis Romanis: sed, quia post fugam regis, cujus fiducia officio decessissent, non addidissent pertinaciam culpæ, in fidem receptas esse. Ætolos quoque, quamquam non secuti sint regem, sed arcessierint, et duces belli, non socii, fuerint, ⁸³si pænitere possint, posse et in-

^h paucosque per dies Gron. Crev.
 Eæd. ^l ceteræ Eæd.

ⁱ ins. ulteriorem Eæd.

^k et triginta

⁷⁷ Per quem . . haud dubio auctore]
 Lege cum Gronovio: per quem . . haud dubium auctorem.

⁷⁸ Argenti bigati . . centum et triginta millia] Denarios 130000. Marcas nostrates 2031. cum uncis 2.

⁷⁹ Duodecim millia pondo argenti] Marcas nostrates 18750.

⁸⁰ Auri pondo centum viginti septem] Marcas nostrates 198. cum semi-

unciis 7.

⁸¹ Furoris] Amentia.

⁸² Ceteræ Græciæ civitates] Sive sic legas, ut intelligas ceteræ Græciæ, id est, ceterarum Græciæ partium; sive malis cum Vict. codice et quibusdam editis, ceteras Græciæ civitates, parum scilicet interest.

⁸³ Si pænitere possint] Hæc loquendi forma, quamvis parum usitata, non

columes esse. Ad ea quum pacati nihil responderetur, adpare- U. C. 561.
retque, armis rem gerendam, et, rege superato, bellum Ætoli- A. C. 191.
cum integrum restare; castra ab Thermopylis ad Heracleam
movit: eoque ipso die, ut situm nosceret urbis, ab omni parte
equo mœnia est circumvectus. Sita est Heraclea in radicibus Heracleam
Oëtæ montis: ipsa in campo, arcem imminentem loco alto obsidet.
et undique præcipiti habet. Contemplatus omnia, quæ nos-
cenda erant, quatuor simul locis adgredi urbem constituit.
a flumine Asopo, qua et gymnasium est, L. Valerium ope-
ribus atque obpugnationi præposuit: ⁸⁴arcem extra muros,
quæ frequentius prope, quam urbs, habitabatur, Ti. Sem-
pronio Longo obpugnandam dedit: ⁸⁵a^m sinu Maliaco, quæ
aditum haud facilem pars habebat, M. Bæbium; ab altero
amniculo, quem Melana vocant, adversus Dianæ templum,
Ap. Claudium obposuit. ⁸⁶Horum magno certamine intra
paucos dies tures, arietesque, et alius omnis adparatus ob-
pugnandarum urbium perficitur. Et quum ager Heracleen-
sis paluster omnis frequensque proceris arboribus, benigne
ad omne genus operum materiam suppeditabat: tum, quia
refugerant intra mœnia Ætoli, ⁸⁷deserta, quæ in vestibulo
urbis erant, tecta in varios usus non tigna modo et tabulas,
sed laterem quoque, et cæmenta, et saxa variæ magnitudi-
nis, præbebant.

XXIII. Et Romani quidem operibus magis, quam ar-
mis, urbem obpugnabant: Ætoli contra armis se tueban-
tur. nam, quum ariete quaterentur muri, non laqueis, ⁸⁸ut

^m a del. Gron.

ideo tamen mendi arguenda est. Oc-
currunt enim et alia ejus exempla apud
veteres scriptores. Nonius, c. 7. e
Pacuvio allegat, *nunc pœnitebunt*: et
Justinus, sive potius Trogus, l. XI. c.
3. *Athenienses . . . primi pœnitere cœ-
perunt*: et Gellius, l. V. c. 1. *et perhor-
rescat necesse est, et pudeat tacitus, et
pœniteat, et gaudcat, et admiretur.*
Adde et Plautum, Cas. Act. V. Sc. 2.
v. 3. *ita nunc pudeo, atque ita nunc
paveo.* et Lucret. l. III. v. 894. *Ipsæ
sui miseret.* Ex his exemplis patet,
verba illa, *Pœnitet, Pudet, Miseret*,
non diversi fuisse antiquitus generis,
ac cetera Latinæ linguæ verba, quam-
vis postea in aliam formam transie-
rint, sed ita tamen ut antiquus eorum
usus non omnino obsolesceret.

⁸⁴ *Arcem extra muros, quæ fre-
quentius prope quam urbs habitaba-
tur*] Optime annotavit Glareanus hæc
pugnare cum iis quæ c. 24. traduntur.
Ibi enim Ti. Sempronius ab sua parte
primus urbem capere dicitur: qua cap-

ta Ætoli confugiunt in arcem. Scri-
pti et antiquiores editi pro *quam urbs*
habent *quam in urbe*. Hinc emendat
Gronovius: *partem, qua extra muros*
*frequentius prope quam in urbe habi-
tabatur.* Hanc emendationem egre-
gie firmant hæc verba c. 24. quibus
describitur ea pars, quæ a Ti. Sempro-
nio oppugnabatur: *pars una, in qua*
ædificia extra urbem erant.

⁸⁵ *A sinu Maliaco*] Restituit Hear-
nius voculam *a*, quam omiserant Gron-
ovii.

⁸⁶ *Horum magno certamine*] Quum
hi inter se magno studio certarent,
quis mandatum opus celerius perfec-
ret.

⁸⁷ *Deserta, quæ*] Certissima Gro-
novii emendatio. Editi vulgo *deserta-*
que. Sed scripti, nisi vetustiores, qua-
les paucos hujus Livii partis habemus,
non utuntur diphthongis, ut in iis *quæ*
et que prorsus idem sit.

⁸⁸ *Ut solet*] Nec minus bene, *ut so-*
lent, ii nempe qui oppugnantur. Et

U.C. 561. solet, exceptos declinabant ictus; ⁸⁹sed armati frequen-
 A.C. 191. tes, quidam ignes etiam, quos aggeribus injicerent, fere-
 bant. fornices quoque in muro erant apti ad excurren-
 dum: et ipsi, quum pro dirutis reficerent muros, crebriores
 eos, ut pluribus erumperetur in hostem locis, faciebant.
 Hoc primis diebus, dum integræ vires erant, et frequentes
 et inpigre fecerunt: in dies deinde, pauciores et segnius.
 Etenim, quum multis urgerentur rebus, nulla eos res æque,
 ac vigiliæ conficiebant; Romanis in magna copia militum
 succedentibus aliis in stationem aliorum, Ætolos propter
 paucitatem eosdem dies noctesque assiduo labore urente.
 Per quatuor et viginti dies, ita ut nullum tempus va-
 cuum dimicatione esset, adversus quatuor ē partibus si-
 mul obpugnantem hostem nocturnus diurno continuatus la-
 bor est. Quum fatigatos jam Ætolos sciret consul et ex
 ratione temporis, et quod ita transfugæ adfirmabant, tale
 consilium iniit. media nocte receptui signum dedit, et ab
 obpugnatione simul omnes milites deductos usque ad ter-
 tiam diei horam quietos in castris tenuit. inde cœpta ob-
 pugnatio ad mediam rursus noctem perducta est: inter-
 missa deinde usque ad tertiam diei horam. Fatigationem
 rati caussam esse Ætoli non continuandæ obpugnationis, quæ
 et ipsos adfecerat, ubi Romanis datum receptui signum
 esset, velut ipsi quoque hoc revocati, pro se quisque ex
 stationibus decedebant: nec ante tertiam diei horam armati
 in muris adparebant.

XXIV. Consul, quum nocte media intermisisset obpug-
 nationem, quarta vigilia rursus ab tribus partibus summa vi
 adgressus, ab una Ti. Sempronium tenere intentos milites
 signumque expectantes jussit, ad ea in nocturno tumultu,
 unde clamor exaudiretur, haud dubie ratus hostes concursu-
 ros. Ætoli pars sopiti adfecta labore ac vigiliis corpora
 ex somno moliebantur: pars vigilantes adhuc ad strepitum
 pugnantium in tenebris currunt. Hostes partim per rui-
 nas jacentis muri transcendere conantur; partim scalis ad-
 scensus tentant. adversus quos undique ad opem ferendam
 obcurrunt Ætoli. ⁹⁰Pars una, in qua ædificia extra urbem
 erant, neque defenditur, neque obpugnatur: sed, qui obpug-
 narent, intenti signum expectabant; defensor nemo aderat.

sic Gelenii liber, cum uno e Gronovianis et nostro Vict.

89 Sed armati frequentes] Adjice omnino erumpebant, vel aliud quid simile.

90 Pars una, in qua ædificia extra urbem erant] Hunc locum restituit ex

suo exemplari Gelenius: quum ante eum legeretur: pars una, qua progressi erant. Qua in emendatione hoc unum haud omnino placet, quod additur particula in, ignorata aliis scriptis et vet. editis: quæ quidem elegantius abesset.

Jam dilucescebat, quum signum consul dedit: et sine ullo certamine ⁹¹partim per semiruta, partim scalis integros muros transcendere. Simul clamor, index capti oppidi, est exauditus, undique Ætoli, desertis stationibus, in arcem fugiunt. Oppidum victores permissu consulis diripiunt; non tam ab ira, nec ab odio, quam ut miles, coërcitus ⁹²in tot receptis ex potestate^m hostium urbibus, aliquo tandem loco fructum victoriæ sentiret. Revocatos inde a medio ferme die milites quum in duas divisisset partes, unam radicibus montium circumduci ad rupem jussit, quæ, fastigio altitudinis par, media valle velut abrupta ab arce erat; sed adeo prope geminata cacumina eorum montium sunt, ut ex vertice altero conjici tela in arcem possint: cum dimidia parte militumⁿ consul, ab urbe escensurus^o in arcem, signum ab iis, qui ab tergo in rupem evasuri erant, exspectabat. Non tulere, qui in arce erant, Ætoli primum eorum, qui rupem ceperant, clamorem, deinde inpetum ab urbe Romanorum, et fractis jam animis, et nulla ibi præparata re ad obsidionem diutius tolerandam: utpote congregatis feminis, puerisque, et inbelli alia turba in arcem, quæ vix capere, nedum tueri, multitudinem tantam posset. itaque, ad primum inpetum abjectis armis, dediderunt sese. Traditus inter ceteros princeps Ætolorum Damocritus est: qui principio belli decretum Ætolorum, quo arcessendum Antiochum censuerant, T. Quinctio poscenti responderat: *In Italia daturum, quum castra ibi Ætoli posuissent.* ob eam ferociam majus victoribus gaudium traditus fuit.

XXV. Eodem tempore, quo Romani Heracleam, Philippus Lamiam ex composito obpugnabat, circa Thermopylas cum consule, redeunte ex Bœotia, ut victoriam ipsi populoque Romano gratularetur, excusaretque, quod morbo inpeditus bello non interfuisset, congressus. inde diversi ad duas simul obpugnandas urbes profecti. Intersunt septem millia ferme passuum. ⁹³et quia Lamia quum posita est in

Lamiam
Philippus
obpugnat.

^m ex potestate del. Crev. - ⁿ militum parte Gron. Crev. - ^o ascensurus Gron.

91 *Partim per semiruta*] Plerique libri omittunt tria hæc verba. Adjecta sunt illa a Gelenio. Modius testatur in libro suo legi *partim per erutos*, quod et aliquot editiones expressere. Inde Gronovius efficit *partim prorutos*. Locus igitur totus sic se habebit: *partim prorutos, partim scalis integros muros transcendere.* Nimirum ubi muri proruti erant, ibi nihil opus fuit scalis.

92 *In tot receptis hostium urbibus*] Vulgati auctiores: *receptis ex potestate hostium urbibus.* Resecuimus addita-

mentum inelegans, quod respuunt duo MSS. Hearnii, et Vict. codex, et Andreas.

93 *Et quia Lamia*] Intersunt, inquit Livius, Lamiam inter et Heracleam septem millia passuum: et quia Lamia quum posita in tumulo est, tum regionem eam maxime, (sic enim malleus) quæ ad Heracleam vergit, despectat, oppido quam, id est, valde breve intervallum videtur, et omnia in conspectu sunt. Intervallum inter duas urbes et per se breve est, quippe quod sit septem tantummodo millium, sive

U. C. 561. tumultu, tum regionem ea maxime despectat oppidum, qua^o
 A. C. 191. breve intervallum videtur, et omnia in conspectu sunt;
 quum enise, velut proposito certamine, Romani Macedones-
 que diem ac noctem aut in operibus, aut in prœliis essent,
 hoc major difficultas Macedonibus erat, quod Romani ag-
 gere et vineis, et omnibus supra terram operibus, subtus
 Macedones cuniculis obpugnabant: et in asperis locis silex
 sæpe inpenetrabilis ferro obcurrerat. et, quum parum pro-
 cederet inceptum, per colloquia principum oppidanos ten-
 tabat rex, ut urbem dederent; haud dubius, quin, si prius
 Heraclea capta foret, Romanis se potius, quam sibi, dedi-
 turi essent, ⁹⁴suamque gratiam consul in obsidione liberan-
 da facturus esset. Nec eum opinio est frustrata: confestim
 enim ab Heraclea capta nuncius venit, ut obpugnatione ab-
 sisteret: *æquius esse, Romanos milites, qui acie dimicassent*
cum Ætolis, præmia victoriæ habere. ⁹⁵Ita recessum ab La-
 mia est, et propinquæ clade urbis ⁹⁶ipsi, ne quid simile pa-
 terentur, effugerunt.

Jubetur ab
 ea recedere.

Ætolorum
 legati ad
 Antio-
 chum.

XXVI. Paucis, priusquam Heraclea caperetur, diebus,
 Ætoli, concilio Hypatam coacto, legatos ad Antiochum mi-
 serunt: inter quos et Thoas idem, qui anteaⁿ, missus est.
 mandata erant, ut ab rege peterent, primum, ut ipse, coac-
 tis rursus terrestribus navalibusque copiis, in Græciam tra-
 jiceret: deinde, si qua ipsum teneret res, ut pecuniam et
 auxilia mitteret. *id quum ad dignitatem ejus fidemque perti-
 nere, non prodi socios, tum etiam ad incolumitatem regni, non
 sinere, Romanos, omni cura vacuos, quum Ætolorum gentem
 sustulissent, omnibus copiis in Asiam trajicere.* Vera erant, quæ
 dicebantur: eo magis regem moverunt. Itaque in præsen-

^o oppido quam Crev.

P qui et antea Gron. Crev.

duarum paulo amplius leucarum nos-
 trarum; et ob situm Lamie in tumultu
 positæ brevius etiam videtur. Nempe
 ex loco alto despicientibus aliquod
 iter per plana, spatium illud brevius
 videtur, quam si ex campestri metire-
 mur illud oculis. Deinde Lamia eam
 maxime, quæ ad Heracleam vergit,
 regionem despectat. Ideo omnia quæ
 sunt et fiunt inter duas urbes, in con-
 spectu sunt. *Oppido quam* dixit Li-
 vivius, ut sane quam, et alia multa ejus-
 dem generis. Sic infra l. XXXIX. c.
 47. *oppido quam parva*: et Gellius, l.
 XV. c. 30. *oppido quam fiunt in liti-
 rarum ostentatione inepti et frivoli.*
 Ceterum hic locus longe aliter legeba-
 tur, ex emendatione scilicet Gelenii,
 qui pro *oppido quam* dederat *oppidum*,
quia: et ei obtemperaverant editores.
 Sed Andreas, et Victor. codex, et ipse

sensus stant pro ea lectione quam
 amplexi sumus.

⁹⁴ *Suamque gratiam consul in ob-
 sidione liberanda facturus esset*] Et li-
 beratæ obsidione urbis gratiam in se
 derivaturus esset consul; sive, id actu-
 rus esset ut a se haberent liberatæ ob-
 sidione urbis beneficium obsessi.

⁹⁵ *Ita recessum ab Lamia est*] Op-
 pidumque Romanis deditum, quod doc-
 cet obiter Livius, l. XXXIX. c. 23. non
 tamen statim. (Vid. c. 29. infra.) At-
 que eo nimirum modo clade Heracleæ
 effectum est, ne quid simile Lamia pa-
 teretur.

⁹⁶ *Ipsi ne quid simile paterentur*
effugerunt] Soluta nimirum a Philip-
 po obsidione. Sed tempus duntaxat
 lucrata Lamia est, paucis post mensi-
 bus, ut narratur infra XXXVII. 4. et
 5. expugnata.

tia pecuniam, quæ ad usus belli necessaria erat, legatis U. C. 561. dedit: auxilia terrestria navaliaque adfirmavit missurum. A. C. 191. Thoantem unum ex legatis retinuit, et ipsum haud invitum morantem, ut exactor præsens promissorum adesset.

XXVII. Ceterum Heraclea capta fregit tandem animos ^{Ætoli de pace agunt.} Ætolorum: et post paucos dies, quam ad bellum renovandum addiendumque regem in Asiam miserant legatos, abjectis belli consiliis, pacis petendæ oratores ad consulem miserunt. Quos dicere exorsos consul interfatus, quum alia sibi prævertenda esse dixisset, redire Hypatam eos, datis dierum decem induciis, et L. Valerio Flacco cum iis misso, jussit. ei, quæ secum acturi fuissent, exponere, et si qua vellent alia. Hypatam ut est ventum, principes Ætolorum apud Flaccum concilium habuerunt; consultantes, quonam agendum modo apud consulem foret. His parantibus¹ antiqua fœderum ordiri, meritaque in populum Romanum, *Absistere iis*, Flaccus jussit, *quæ ipsi violassent ac rupissent. confessionem iis culpæ magis profuturam, et totam in preces orationem versam. nec enim in caussa ipsorum, sed in populi Romani clementia spem salutis positam esse. et se suppliciter agentibus iis adfuturum², et apud consulem, et Romæ in senatu. eo quoque enim mittendos fore legatos.* Hæc una via omnibus ad salutem visa est, ⁹⁷*ut in fidem se permitterent Romanorum. Ita enim et illis violandi supplices verecundiam se inposituros: et ipsos nihilominus suæ potestatis fore, si quid melius fortuna ostendisset.*

XXVIII. Postquam ad consulem ventum est, Phæneas legationis princeps longam orationem, et varie ad mitigandam iram victoris compositam, ita ad extremum finivit, ut diceret; *Ætolos se suaque omnia fidei populi Romani permittere.* Id consul ubi audivit: *Etiam atque etiam videte*, inquit, *Ætoli, ut ita permittatis.* Tum decretum Phæneas, in quo id diserte scriptum erat, ostendit. *Quando ergo*, inquit, *ita* ^{Fidei P. R. se permittunt.} *permittitis, postulo, ut mihi Dicæarchum civem vestrum, et* ^{Consulis postulata.} *Menestam³ Epirotam, (Naupactum is cum præsidio ingressus ad defectionem compulerat) et Amyndrum cum principibus Athamanum, quorum consilio ab nobis defecistis, sine mora dedatis.* Prope dicentem interfatus Romanum Phæneas, *Non in servitutem*, inquit, *sed in fidem tuam nos tradidimus. et certum habeo, te imprudentia labi, qui nobis imperes, quæ moris Græcorum non sint.* Ad hæc consul, *Nec Hercle*, inquit,

¹ Parantibus iis Gron. Crev.

² et suppliciter a. i. se affuturum Eæd.

³ Menestam Eæd. ..

⁹⁷ Ut in fidem se permitterent Romanorum] Apud Romanos in fidem se permittere idem prorsus valebat, ac se suaque victoris permittere arbitrio. Id

autem ignorabant Ætoli, nomine fidei in errorem inducti. Vid. Polyb. in Excerpt. Leg. 13.

U. C. 561. *magnopere nunc curo, quid Ætoli satis ex more Græcorum factum esse censeant: dum ego more Romano* ⁹⁸ *imperium inhi- beam in deditos modo decreto suo, ante armis victos. Itaque, ni propere fit, quod impero, vinciri vos jam jubeo: adferrique catenas, et circumstistere lictores jussit. Tum fracta Phæneæ ferocia, Ætolisque aliis est: et tandem, cujus conditionis essent, sensere. et, se quidem, Phæneas, et qui adsint Ætolorum, scire facienda esse, quæ imperentur, dixit: sed ad discernenda ea concilio Ætolorum opus esse. ad id petere, ut decem dierum inducias daret. Petente Flacco pro Ætolis, induciæ datæ; et Hypatam reditum est. Ubi quum in consilio delectorum, quos Apocletos vocant, Phæneas, et quæ imperarentur, et quæ ipsis prope accidissent, exposuisset; ingemuerunt quidem principes conditioni suæ, parendum tamen victori censebant, et ex omnibus oppidis convocandos Ætolos ad concilium.*

Exasperan-
tur Ætoli.

XXIX. Postquam vero omnis coacta multitudo eadem illa audivit, adeo sævitia imperii atque indignitate exasperati animi sunt, ut, si in pace fuissent, illo impetu iræ concitari potuerint ad bellum. Ad iram accedebat et difficultas eorum, quæ imperarentur: *quonam modo enim utique regem Amyndrum se tradere posse?* Et spes forte oblata, quod Nicander, eo ipso tempore ab rege Antiocho veniens, inplevit exspectatione vana multitudinem, terra marique ingens parari bellum. Is duodecimo die, quam conscenderat navem, in Ætoliā, perfecta legatione, rediens Phalara[†] in sinu Maliaco tenuit. inde Lamiam pecuniam quum decessisset, ipse cum expeditis vespera prima inter Macedonum Romanaque castra medio agro, dum Hypatam notis callibus petit, in stationem incidit Macedonum, deductusque ad regem est, nondum convivio dimisso. Quod ubi nuntiatum est, velut hospitis, non hostis, adventu motus Philippus, adcumbere eum epularique jussum[‡], atque inde, dimissis aliis, solum retentum, ipsum quidem de se timere quidquam vetuit. Ætolorum prava consilia, atque in ipsorum caput semper recidentia, accusavit. qui primum Romanos, deinde Antiochum in Græciam adduxissent. *Sed præteritorum, quæ magis reprehendi, quam corrigi, possint, oblitum se, non facturum, ut insultet adversis rebus eorum. Ætolos quoque finire tandem adversus se odia debere; et Nicandrum privatim ejus diei, quo servatus a se foret, meminisse.* Ita datis,

[†] Phalerum Gron.

[‡] jussit Gron. Crev.

⁹⁸ Imperium inhi-beam] Hoc est a certissima Gronovii conjectura, quum vulgati habeant imperium id habeam, scripti adhibeam. Imperium inhibere

est exercere imperium, uti imperio. Vid. supra III. 38. et adde not. 62. ad I. III. c. 59.

qui in tutum eum prosequerentur, Hypatam Nicander con- U. C. 561.
sultantibus de pace Romana supervenit. A. C. 191.

XXX. M'. Acilius, vendita, aut concessa militi circa Heracleam præda, postquam nec Hypatæ pacata esse consilia, et Naupactum concurrisset Ætolos, ut inde totum impetum belli sustinerent, audivit; præmisso Ap. Claudio cum quatuor millibus militum ad occupanda juga, qua difficiles transitus montium erant, ipse Oëtam adscendit, Herculi que sacrificium fecit in eo loco, quem Pyram, quod ibi mortale corpus ejus Dei sit crematum, adpellant. inde toto exercitu profectus reliquum iter satis expedito agmine fecit. Ut ad Coracem est ventum, (mons est altissimus inter Callipolin et Naupactum) ibi et jumenta multa ex agmine præcipitata cum ipsis oneribus sunt, et homines vexati. Et^a facile adparebat, quam cum inerti hoste res esset, qui tam inpeditum saltum nullo præsidio, ut clauderet transitum, insedisset.
⁹⁰ Tum quoque vexato exercitu, ad Naupactum descendit: Cos. Nau-
et, uno castello adversus arcem posito, ceteras partes urbis, pactum ob-
divisis copiis pro situ mœnium, circumscidit. nec minus sidet.
operis laborisque ea obpugnatio, quam Heracleæ, habuit.

XXXI. Eodem tempore et Messene in Peloponneso ab Achæis, quod concilii eorum recusaret esse, obpugnari cœpta est. Etenim duæ civitates, Messene et Elis, extra concilium Achaicum erant: cum Ætolis sentiebant. Elei tamen, post fugatum ex Græcia Antiochum, legatis Achæorum lenius responderant; *dimisso præsidio regio, cogitaturos se, quid sibi faciendum esset.* Messenii, sine responso dimissis legatis, moverant bellum; trepidique rerum suarum, quum jam ager effuso exercitu passim ureretur, castraque prope urbem poni viderent, legatos Chalcidem ad T. Quinctium, auctorem libertatis, miserunt, qui nunciarent, Messenios Romanis, non Achæis, et aperire portas, et dedere urbem paratos esse. Auditis legatis, extemplo profectus Quinctius, a Megalopoli ad Diophanem prætorem Achæorum misit, qui extemplo reducere eum a Messene exercitum, et venire ad se juberet. Dicto paruit Diophanes: et, soluta obsidione, expeditus ipse, prægressus agmen, circa Andaniam, parvum oppidum, inter Megalopolim Messenenque positum, Quinctio obcurrit; et, quum caussas obpugnationis exponeret, castigatum leniter, quod tantam rem sine auctoritate sua conatus esset, dimittere exercitum jussit, nec pacem omnium bono partam turbare. Messeniis imperavit, ut exsules reducerent, et Achæorum concilii essent.

^a Id Gron. Crev.

⁹⁹ Tum quoque] Sic quoque, id est, xatus tamen exercitus est. Frustra itaque Gronovius pro tum legi jubet tam.

U. C. 561. si qua haberent, de quibus aut recusare, aut in posterum ca-
 A. C. 191. veri^x sibi vellent, Corinthum ad se venirent. Diophanem
 Zacynthum concilium Achæorum extemplo sibi præbere jussit. Ibi, de
 repetunt ab Zacyntho intercepta per fraudem insula questus, postulavit,
 Achæis Ro- ut restitueretur Romanis. Philippi Macedonum regis Za-
 mani, cynthus fuerat : eam mercedem Amynandro dederat, ut per
 Athamaniam ducere exercitum in superiorem partem Æto-
 liæ liceret. qua expeditione fractis animis, Ætolos compu-
 lit ad petendam pacem. Amynander Philippum Megalo-
 politanum insulæ præfecit : postea per bellum, quo se An-
 tiocho adversus Romanos conjunxit, Philippo ad munia belli
 revocato, Hieroclem Agrigentinum successorem misit.

XXXII. Is, post fugam ab Thermopylis Antiochi, Amy-
 nandrumque a Philippo Athamania pulsum, missis ultro ad
 Diophanem prætorem Achæorum nunciis, pecuniam pac-
 tus, insulam Achæis tradidit. Id præmium belli suum esse,
 æquum censebant Romani. *non enim M'. Acilium consulem
 legionesque Romanas Diophani et Achæis ad Thermopylas pug-
 nasse.* Diophanes adversus hæc purgare interdum sese gen-
 temque ; interdum de jure facti disserere. Quidam Achæo-
 rum et initio eam se rem adspersatos testabantur, et tunc
 pertinaciam increpitabant prætoris : auctoribusque iis de-
 cretum est, ut T. Quintio ea res permitteretur. Erat
 Quintius, ¹sicut adversantibus asper, ita, si cederes, idem
 placabilis. Omissa igitur contentione vocis vultusque, *Si
 utilem, inquit, possessionem ejus insulæ censerem Achæis esse,
 auctor essem senatui populoque Romano, ut eam vos habere si-
 nerent. ceterum ²sicut testudinem, ubi collecta in suum tegu-
 men est, tutam ad omnes ictus video esse ; ubi exserit partes
 aliquas, quodcumque nudavit, obnoxium atque infirmum habe-
 re ; haud dissimiliter vos, Achæi, clausos undique mari, quæ
 intra Peloponnesi sint terminos ; ea et jungere vobis, et juncta
 tueri facile ; simul aviditate plura amplectendi hinc excedatis,
 nuda vobis omnia, quæ extra sint, et exposita ad omnes ictus
 esse.* Adsentiente omni concilio, nec Diophane ultra ten-
 dere auso, Zacynthus Romanis traditur.

XXXIII. Per idem tempus Philippus rex, proficiscen-
 tem consulem ad Naupactum percunctatus, si se interim,
 quæ defecissent ab societate Romana, urbes recipere vel-
 let, permittente eo, ad Demetriadem copias admovit, haud

Demetrias
 se Philippo
 dedit.

^x cavere Gron. Crev.

¹ Sicut adversantibus asper, ita] hic rem mitigat et mollit.
 Observat Gronovius scriptos et vet-
 editos habere *asper ira, ita.* (Et sic
 quæque noster Viet.) Non absurda
 est ejus conjectura : sicut adversantibus
 asperior, ita. Nomen comparativum

² Sicut testudinem] In nummis an-
 tiquis, ut annotat Jac. de Wilde, p. 79.
 Peloponnesus testudini assimilatur.
 THO. HEARNES. Eo alludere videtur
 Quintius.

ignarus, quanta^y ibi tum perturbatio esset. ³ Destituti enim U. C. 561.
 ab omni spe, quum desertos se ab Antiocho, spem nullam A. C. 191.
 in Ætolis esse cernerent, dies noctesque aut Philippi hostis
 adventum, aut infestiores etiam, quo justius irati erant,
 Romanorum expectabant. Turba erat ibi incondita regio-
 rum: qui, primo pauci in præsidio relict, postea plures,
 plerique inermes, ex prælio adverso fuga delati, nec virium,
 nec animi satis ad obsidionem tolerandam habebant. ita-
 que præmissis a Philippo, qui spem impetrabilis veniæ
 ostendebant, responderunt, patere portas regi. Ad primum
 ejus ingressum principum quidam urbe excesserunt: Eury-
 lochus mortem sibi conscivit. Antiochi milites (sic enim
 pacti erant) per Macedoniam Thraciamque, prosequentibus
 Macedonibus, ne quis eos violaret, Lysimachiam deducti
 sunt. Erant et paucæ naves Demetriade, quibus præerat
 Isidorus: cæ quoque cum præfecto suo dimissæ sunt. Inde
 Dolopiam, et Aperantiam, et Perrhæbiæ quasdam civitates
 recepit.

XXXIV. Dum hæc a Philippo geruntur, T. Quinctius, Quinctius it
 recepta Zacyntho ab Achaico concilio, Naupactum trajecit; Naupac-
 quæ jam per duos menses (sed prope excidium erat) obpug- tum.
 nabatur, et, si capta vi foret, omne ibi nomen Ætolorum ad
 internecionem videbatur venturum. Ceterum, quamquam
 merito iratus erat Ætolis, ⁴ quod solos obtrectasse gloriæ
 suæ, quum liberaret Græciam, meminerat, et nihil auctori-
 tate sua motos esse, quum, quæ tum maxime acciderant,
 casura præmonens, a furioso incepto eos deterreret; ta-
 men, sui maxime operis esse credens, nullam gentem libe-
 ratæ a se Græciæ funditus everti, obambulare muris, ut fa-
 cile nosceretur ab Ætolis, cœpit. Confestim a primis sta-
 tionibus cognitus est, vulgatumque per omnes ordines,
 Quinctium esse. itaque, concursu facto undique in muros,
 manus pro se quisque tendentes, consonante clamore nomi-
 natim Quinctium orare, ut opem ferret ac servaret. Et tum Opem ejus
 quidem, quamquam moveretur his vocibus, manu tamen ⁵ ab- inplorant
 nuivit, quidquam opis in se esse. Ceterum, postquam ad consu- Ætoli.
 lem venit: *Utrum fefellit^z, inquit, te, M'. Acili, quid agatur?*
an, quum satis pervideas^a, nihil id magnopere^b ad summam rem^b

^y quanti Gron.
 Eæd.

^z fallit Gron. Crev.

^a provideas Eæd.

^b rempublicam

³ Destituti enim ab omni spe] Ma-
 lit Jac. Gronovius ab omni ope. Nec
 immerito, ne injucunda repetitio oc-
 currat. Sequitur enim, spem nullam
 in Ætolis esse.

⁴ Quod solos] Melias cum Gronovio
 legas, quos solos.

⁵ Abnuivit quiddam opis in se esse]

Imo, quidquam opis.

⁶ Ad summam rempublicam] Hæc
 quidem elegans est lectio, sed dubiæ
 auctoritatis, et a Gronovii conjectura
 profecta, ut docet ipse in nota ad l.
 XXXVIII. c. 50. Hoc loco scripti ple-
 rique et editi ad summam reipublicæ:
 MSS. Modio inspecti ad summam rem.

U. C. 561. *pertinere censes?* Erexerat expectatione consulem; et, *Quin*
 A. C. 191. *expromis, inquit, quid rei sit?* Tum Quinctius: *Ecquid vi-*
des, te, devicto Antiocho, in duabus urbibus obpugnandis tem-
pus terere, quum jam prope annus circumactus sit imperii tui?
Philippum autem, qui non aciem, non signa hostium vidit, non
solum urbes, sed tot jam gentes, Athamaniam, Perrhabiam, Ape-
rantiam, Dolopiam, sibi adjunxisse? Atqui non tantum inter-
est nostra, Ætolorum opes ac vires minui, quantum, non supra
modum Philippum crescere, et victoriæ tuæ præmium te mili-
tesque tuos nondum duas urbes, Philippum tot gentes^c Græciæ
habere.

XXXV. Adsentiebatur his consul: sed pudor, si irritò incepto abscederet obsidione, obcurrerebat: tota inde Quinctio res permissa est. Is rursus ad eam partem muri, qua paullo ante vociferati Ætoli fuerant, rediit. ibi quum impensius orarent, ut miseretur gentis Ætolorum, exire aliquos ad se jussit. Phæneas ipse principesque alii exemplo egressi sunt. quibus provolutis ad pedes, *Fortuna, inquit, vestra facit, ut et iræ meæ et orationi temperem. Evenerunt, quæ prædixi eventura. et ne hoc quidem reliqui vobis est, ut indignis accidissee videantur. Ego tamen, sorte quadam^d nutriendæ Græciæ datus, ne ingratis quidem benefacere absistam. Mittite oratores ad consulem, qui inducias tantum temporis petant, ut mittere legatos Romam possitis, per quos senatui de vobis permittatis. Ego apud consulem deprecator defensorque vobis adero. Ita, ut censuerat Quinctius, fecerunt: nec adspersus est legationem consul. induciisque in diem certam datis, qua legatio renunciari ab Roma posset, soluta obsidio est, et exercitus in Phocidem missus. Consul cum T. Quinctio ad Achaicum concilium Ægium trajecit. ibi de Eleis et de^d exsulis Lacedæmoniorum restituendis actum. et neutra perfecta res, ⁸quia suæ gratiæ reservari eam Achæi, Elei per se ipsi, quam per Romanos, maluerunt Achaico contribui concilio. Epirotarum legati ad consulem venerunt, quos non sincera fide in amicitia fuisse satis constabat: militem tamen nullum Antiocho dederant. pecunia juvisse eum insimulabantur; legatos ad regem ne ipsi quidem misisse inficiabantur. Iis petentibus, ut in amicitia pristina esse liceret, respondit consul, *Se utrum hostium, an pacatorum eos numero haberet, nondum scire. Senatui ejus rei judicem fore. Integram se causam eorum Romam reji-**

^c nondum tot urbes, quot Philippum, gentes etc. Gron. Crev. ^d de del. Eæd.

⁷ Nutriendæ Græciæ] Fovendæ, juvandæ. Vid. IV. 52. et VII. 4.

⁸ Quia suæ gratiæ reservari eam] Tota eam debet intelligi de re ad Lacedæmonios exsules pertinente, cui insequentibus opponuntur Elei. Sed id

vocabulum non solet adhiberi in partitionibus. Possis legere alteram.

^{*}Sensus est: quia Achæi maluerunt Lacedæmonios exsules sibi obligari, quam Romanis, restitutionis in patriam beneficio.

cere. inducias ad id dierum nonaginta dare. Epirotæ Romam U. C. 561. missi senatum adierunt. iis, magis, quæ non fecissent hos- A. C. 191. tilia, referentibus, quam purgantibus ea, de quibus arguebantur, responsum datum est, quo veniam impetrasse, non caussam probasse, videri possent. Et Philippi regis legati sub idem tempus in senatum introducti, gratulantes de victoria. iis petentibus, ut sibi sacrificare in Capitolio, donumque ex auro liceret ponere in æde Jovis Optimi Maximi, permissum ab senatu. ⁹centum pondo coronam auream posuerunt. Non responsum solum benigne legatis est; sed Philippi quoque filius Demetrius, qui obses Romæ erat, ad patrem reducendus legatis datus est. Bellum, quod cum Antiocho rege in Græcia gestum est a M'. Acilio consule, hunc finem habuit.

XXXVI. Alter consul P. Cornelius Scipio, Galliam Ludi Romæ et ædes dedicatæ. provinciam sortitus, priusquam ad bellum, quod cum Boiis gerendum erat, proficisceretur, postulavit ab senatu, ut pecunia sibi decerneretur ad ludos, quos proprætor in Hispania inter ipsum discrimen pugnæ vovisset. Novum atque iniquum postulare est visus. censuerunt ergo, *quos ludos inconsulto senatu ex sua unius sententia vovisset, eos uti de manubiis, si quam pecuniam ad id reservasset, vel sua ipse impensa faceret.* eos ludos per dies decem P. Cornelius fecit. Per idem fere tempus ædes Matris Magnæ Idææ dedicata est: quam Deam is P. Cornelius, advectam ex Asia P. Cornelio Scipione, cui post Africano fuit cognomen, P. Licinio consulibus, in Palatium a mari detulerat. Locaverant ædem faciendam ex senatusconsulto M. Livius, C. Claudius censores, M. Cornelio, P. Sempronio consulibus; tredecim annis post, quam locata erat, dedicavit eam M. Junius Brutus, ¹⁰ludique ob dedicationem ejus facti, quos primos scenicos fuisse, Antias Valerius^e est auctor, Megalesia adpellatos. Item Juventatis ædem in circo maximo C. Licinius Lucullus duumvir dedicavit. Voverat eam sexdecim annis ante M. Livius consul, quo die Hasdrubalem exercitumque ejus cecidit: idem censor eam faciendam locavit, M. Cornelio, P. Sempronio consulibus. Hujus quoque dedicandæ caussa ludi facti: et eo omnia cum majore religione facta, quod novum cum Antiocho instabat bellum.

XXXVII. Principio ejus anni, quo hæc, jam profecto Prodigia. ad bellum M'. Acilio, manente adhuc Romæ P. Cornelio

^e Valerius Antias Gron. Crev.

⁹ Centum pondo] Marcarum notationem 156. cum unciis 2.

¹⁰ Ludi . . . quos primos scenicos fuisse Valerius Antias] Intellige primos scenicos Megalenses, non omnino primos scenicos. Ludorum scenicorum

apud Romanos origo longe antiquior est. Vid. supra l. VII. c. 2. Sed et jam tertio ante hunc anno, l. XXXIV. c. 54. Megalesia ludos scenicos esse factos memoravit Livius.

U. C. 561. consule, agebantur, boves duos domitos ¹¹ in Carinis per scallas pervenisse in tegulas ædificii, proditum memoriæ est. Eos vivos comburi, cineremque eorum deieci in Tiberim, aruspices jusserunt. Tarracinæ et Amiterni nunciatum est aliquoties lapidibus pluisse; Minturnis ædem Jovis et tabernas circa forum de cœlo tactas esse; Vulturini in ostio fluminis duas naves fulmine ictas conflagrasse. Eorum prodigiorum caussa libros Sibyllinos ex senatusconsulto decemviri quum adissent, renunciarunt, ¹² *Jejunium instituendum Cereri esse, et id quinto quoque anno servandum: et ut novemdiale sacrum fieret, et unum diem supplicatio esset. coronati supplicarent: et consul P. Cornelius, quibus Dīs quibusque hostiis edidissent decemviri, sacrificaret.* Placatis diis, nunc votis rite solvendis, nunc prodigiis expiandis, in provinciam proficiscitur consul, atque inde Cn. Domitium proconsulem, dimisso exercitu, Romam decedere jussit: ipse in agrum Boiorum legiones induxit.

Ligures fusi
a Minucio.

XXXVIII. Sub idem fere tempus Ligures, ¹³ lege sacrata coacto exercitu, nocte improviso castra Q. Minucii proconsulis adgressi sunt. Minucius usque ad lucem intra vallum militem instructum tenuit; intentus, ne qua transcenderet hostis munimenta. Prima luce duabus simul portis eruptionem fecit. nec primo inpetu, quod speraverat, Ligures pulsati sunt: duas amplius horas dubium certamen sustinuerunt. Postremo, quum alia atque alia agmina erumperent, et integri fessis succederent ad pugnam, tandem Ligures, inter cetera etiam vigiliis confecti, terga dederunt. cæsa supra^f quatuor millia hostium; ex Romanis sociisque minus trecenti perierunt. Duobus fere post mensibus P. Cornelius consul cum Boiorum exercitu signis conlatis egregie pugnavit. Duodeciginta millia hostium cæsa, Antias Valerius scribit; capta tria millia et quadringentos; signa militaria centum viginti quatuor; equos mille ducentos triginta; carpenta ducenta quadraginta septem: ex victoribus mille quadringentos octoginta quatuor cecidisse. Ubi ut in numero scriptori parum fidei sit, (quia in augendo eo non alius intemperantior est) magnam victoriam fuisse adparet, quod et castra capta sunt, et Boii post eam pugnam extemplo dederunt sese, et quod supplicatio ejus victoriæ caussa decreta ab senatu, victimæque majores cæsæ.

Boii cæsi a
P. Cornelio
Cos.

^f super Gron. Crev.

¹¹ In Carinis] Sic vocabatur regio quædam urbis Romæ.

¹² Jejunium instituendum Cereri] Jejunio Cererem colebant, ut imitarentur longam ejus in luctu suo, dum raptam a Plutone Proserpinam toto orbe quarit, a cibo potuque abstinentiam. Itaque jejunium in Eleusiniis et

Thesmophoriis usurpatum. Fuere et alia apud ceteros in honorem quorundam deorum earumve jejunia: puta Jovis, apud Horat. Sat. 3. l. 11. illo *Manc die, quo tu indicis jejunia.*

¹³ Lege sacrata] Vid. not. 81. ad l. 11. c. 33. Adde et l. X. c. 38.

XXXIX. ¹⁴Per eosdem dies M. Fulvius Nobilior ex ul-
 teriore Hispania ovans urbem est ingressus. argenti trans-
 tulit duodecim millia pondo: bigati argenti centum^a tri-
 ginta: auri centum viginti septem pondo^b. P. Cornelius
 consul primo, obsidibus a Boiorum gente acceptis, agri
 parte fere dimidia eos^c multavit: quo, si vellet, populus Ro-
 manus colonias mittere posset. Inde, Romam, ut ad tri-
 umphum haud dubium, decedens, exercitum dimisit, et
 adesse Romæ ad diem triumphi jussit. ipse, postero die,
 quam venit, senatu in ædem Bellonæ vocato, quum de rebus
 ab se gestis disseruisset, postulavit, ut sibi triumphanti
 liceret in urbem invehī. P. Sempronius Blæsus tribunus
 plebis, non negandum Scipioni, sed differendum honorem trium-
 phi, censebat. *Bella Ligurum Gallicis semper juncta fuisse:*
eas inter se gentes mutua ex propinquo ferre auxilia. Si P.
Scipio, devictis acie Boiis, aut ipse cum victore exercitu in
agrum Ligurum transisset, aut partem copiarum Q. Minucio
misisset, qui jam tertium ibi annum dubio detineretur bello,
debellari cum Liguribus potuisse. Nunc ad triumphum fre-
quentandum deductos esse milites, qui egregiam navare operam
reipublicæ potuissent: possent etiam, si senatus, quod festina-
tione triumphi prætermissum esset, id restituere differendo tri-
umpho vellet. Juberent, consulem cum legionibus redire in
provinciam; dare operam, ut Ligures subigantur. Nisi illi
cogantur ¹⁵*in jus judiciumque populi Romani, ne Boios qui-*
dem quieturos: aut pacem, aut bellum utrobique habenda.
Devictis Liguribus, paucos post menses proconsulem P. Corne-
lium multorum exemplo, ¹⁶*qui in magistratu non triumphave-*
runt, triumphaturum esse.

Trium-
phum petit
Cos.

Blæsus Tr.
Pl. differen-
dum censet.

XL. Ad ea consul, Neque se Ligures provinciam sortitum
 esse, ait, neque cum Liguribus bellum gessisse, neque trium-
 phum de iis postulare. Q. Minucium confidere brevi, subactis
 iis, meritum triumphum postulaturum atque impetraturum esse.
 se de Gallis Boiis postulare triumphum, quos acie vicerit, cas-
 tris exuerit: quorum gentem biduo post pugnam totam accepe-
 rit in deditionem: a quibus obsides abduxerit, pacis futurae
 pignus. Verum enimvero illud multo majus esse, quod tantum
 numerum Gallorum occiderit¹ in acie, ¹⁷quod cum tot millibus

Cos. conce-
di illico
postulat.

^a ins. et Gron. Crev.

^b septem pondo l. quinque Eæd.

^c ceciderit Eæd.

¹⁴ Per eosdem dies M. Fulvius] Eadem res totidem fere verbis supra memorata est, c. 21. Ac, ne quid desit ad integram similitudinem, notæ numerorum, quæ hic in vulgatis libris paulum discrepant ab iis quas superiore loco reperimus, cum iis plane in Moguntino codice consentiunt, teste Modio. Hujus repetitionis nulla sane alia causa afferri potest, quam scriptoris

oblivio.

¹⁵ In jus judiciumque populi Romani] Sic et l. XXXIX. c. 24. totam Athamaniam sub jus judiciumque regis venisse: et l. XLI. c. 22. sub jus judiciumque suum totam coëgit gentem.

¹⁶ Qui in magistratu non triumphaverunt] Indirectæ orationi magis convenire videretur, triumphaverint.

¹⁷ Quod cum tot millibus] Multum

U.C. 561. certe Boiorum nemo ante se imperator pugnaverit: plus partem
 A. C. 191. dimidiam ex quinquaginta millibus hominum casam, multa
 millia capta: senes puerosque Boiis superesse. Itaque id quem-
 quam mirari posse, cur victor exercitus, quum hostem in pro-
 vincia neminem reliquisset, Romam venerit ad celebrandum
 consulis triumphum? Quorum militum si et in alia provincia
 opera uti senatus velit; ¹⁸utro tandem modo promptiores ad
 aliud periculum novumque laborem ituros credat, si persoluta
 iis sine detrectatione prioris periculi laborisque merces sit, an si
 spem pro re ferentes dimittant, jam semel in prima spe decep-
 tos? Nam, quod ad se attineat, sibi gloriæ in omnem vitam illo
 die satis quæsitum esse, quo se virum optimum iudicatum ad
 accipiendam Matrem Idæam misisset senatus. Hoc titulo, etsi
 nec consulatus nec triumphus adjicitur^k, satis honestam hono-
 ratamque ¹⁹P. Scipionis Nasicæ imaginem fore. Universus
 senatus non ipse modo ad decernendum triumphum consen-
 sit, sed etiam tribunum plebis auctoritate sua compulsi ad
 remittendam intercessionem. P. Cornelius consul triumphavit
 de Boiis. in eo triumpho Gallicis carpentis arma signa-
 que et spolia omnia generis transvexit, et vasa ænea Gal-
 lica: et cum captivis nobilibus equorum quoque captorum
 gregem traduxit. Aureos torques transtulit mille qua-
 dringentos septuaginta unum^l. ad hoc^m ²⁰auri pondo du-
 centa quadraginta septemⁿ, ²¹argenti infecti factique in
 Gallicis vasis, non infabre suo more factis, duo mil-
 lia trecenta quadraginta pondo, ²²bigatorum nummorum
 ducenta triginta quatuor^o. militibus, qui currum secuti
 sunt, ²³trecenos^p vicanos quinos asses divisit; duplex centu-
 rioni; triplex equiti. Postero die, concione advocata, de
 rebus ab se gestis, et de injuria tribuni bello alieno se inli-

Et impe-
trat.

^k addatur Gron. Crev.
 Eæd. ^o tria Eæd.

^l unum del. Eæd.
 P trecentos Gron.

^m hæc Eæd.

ⁿ quinque

aridet Rubenii conjectura, quod cum
 millibus. Supra c. 34. et victoriæ tuæ
 præmium te militesque tuos nondum tot
 urbes, quot Philippum gentes Græciæ
 habere: qui itidem locus in quibusdam
 libris interpolatus erat. Vult igitur
 consul plures a se Boiorum esse cæsos,
 quam quot in ulla unquam acie adver-
 sus ullum imperatorem Romanum
 pugnaverint.

¹⁸ Utrum tandem modo promptiores . .
 ituros credat? Ultima vox supervaca-
 nea est, et videtur ab illis addita, qui
 aliquo velut fulcro hoc membrum egere
 existimarent. Sed nullo eget: non
 magis, quam hoc quod proxime præ-
 cedit: Id quemquam mirari posse?
 Simile additamentum tollendum mo-
 nuimus, supra c. 7.

¹⁹ * P. Scipionis Nasicæ imaginem]
 Imaginibus clarorum virorum subscri-
 bebantur tituli honorum quos gessis-
 sent, et si quid illis ad gloriam insigne
 contigisset.

²⁰ Auri pondo ducenta quadraginta
 quinque] Marcos nostrates 382. cum
 uncis sex et semuncia.

²¹ Argenti . . . duo millia trecenta
 quadraginta pondo] Marcos nostrates
 3656. cum uncis 2.

²² Bigatorum nummorum ducenta
 triginta tria] Supple millia. Denarios
 233000. marcas argenti 3640. cum un-
 ciis 5.

²³ Trecenos vicanos quinos asses] De-
 narios paulo plus 20. Semuncias ar-
 genti nostrates paulo plus 5.

gantis, ut suæ victoriæ fructu se defraudaret, quum disseru- U. C. 561.
isset, milites exauctoratos dimisit. A. C. 191.

XLII. Dum hæc in Italia geruntur, Antiochus Ephesi se- Antiochi
curus admodum de bello Romano erat, tamquam non trans- securitas.
ituris in Asiam Romanis. quam securitatem ei magna pars
amicorum aut per errorem, aut adsentando faciebat. Han-
nibal unus, ²⁴ cujus eo tempore vel maxima¹ apud regem
auctoritas erat, *Magis mirari se, aiebat, quod non jam in* Monita
Asia essent Romani, quam venturos dubitare. ²⁵ *Propius esse,* Hannibalis.
in Asiam ex Græcia, quam ex Italia in Græciam trajicere: et
multo majorem causam Antiochum, quam Ætolos, esse. neque
enim mari minus, quam terra, pollere Romana arma. jampridem
classem circa Malcam esse. Audire sese, nuper novas na-
ves novumque imperatorem rei gerendæ causa ex Italia venisse.
Itaque desineret Antiochus pacem sibi ipse spe vana facere. In
Asia, et de ipsa Asia, brevi terra marique dimicandum ei cum
Romanis esse: et aut imperium adimendum orbem terrarum
adfectantibus, aut ipsi regnum amittendum. Unus vera et
providere, et fideliter prædicere visus. itaque ipse rex navi-
bus, quæ paratæ instructæque erant, Chersonesum petit;
ut ea loca, si forte terra venirent Romani, præsiidiis firmaret.
ceteram classem Polyxenidam parare et deducere jussit; spe-
culatorias naves ad omnia exploranda circa insulas dimisit.

XLII. C. Livius præfectus Romanæ classis, cum quin- Classis Ro-
quaginta navibus tectis profectus, ab Roma Neapolim, quo mana.
ab sociis ejus oræ convenire jusserat apertas naves, quæ ex
fœdere debebantur, Siciliam inde petit: fretoque Messanam
prætervectus, quum sex Punicas naves ad auxilium missas
accepisset, ab Rheginis Locrisque et ejusdem juris sociis
debitas exegisset naves, lustrata classe ad Lacinium, altum
petit. Corcyram, quam primam Græciæ civitatum adiit,
quum venisset, percunctatus de statu belli, (necdum enim
omnia in Græcia perpacata erant) et ubi classis Romana
esset, postquam audivit, circa Thermopylarum saltum in
statione consulem ac regem esse, classem Piræei stare, ma-
turandum ratus omnium rerum causa, pergit protinus na-
vigare Peloponnesum. ²⁶ Samen Zacynthumque, quia par-
tis Ætolorum maluerant esse, protinus depopulatus, Maleam
petit: et, prospera navigatione usus, paucis diebus Piræeum

¹ ut maxima Gron. Crev.

²⁴ Cujus eo tempore ut maxima] Sic habent MSS. teste Gronovio. Assentitur noster Victor. Lege: vel maxima.

²⁵ Propius esse in Asiam ex Græcia] Recte observat Dujatius propius hic usurpari pro eo quod est promptius, facilius. Nam trajectory ipse brevior est

ex Italia in Græciam, quam ex Græcia in Asiam.

²⁶ Samen Zacynthumque, quia partis Ætolorum maluerant esse . . . depopulatus] Hæc facta sunt, antequam Zacynthus Achæis traderetur a præfecto Amynandri. Id apparebit, si conferas tempora hic et c. 32. notata.

U. C. 561. ad veterem classem pervenit. Ad Scyllæum Eumenes rex
 A. C. 191. cum tribus navibus occurrit; quum Æginæ diu incertus
 consilii fuisset, utrum ad tuendum rediret regnum, (audie-
 bat enim Antiochum Ephesi navales terrestresque parare
 copias) an nusquam abscederet ab Romanis, ex quorum
 fortuna sua penderet. A Piræeo A. Atilius, traditis succes-
 sori quinque et viginti navibus tectis, Romam est profec-
 tus. Livius una et octoginta rostratis navibus, multis præ-
 terea minoribus, quæ aut apertæ rostratæ, aut sine rostris
 speculatoriæ erant, Delum trajecit.

Antiochus
 cum ea
 pugnan-
 dum de-
 cernit.

XLIII. Eo fere tempore consul Acilius Naupactum ob-
 pugnabat. Livium Deli per aliquot dies (et est ventosissima
 regio inter Cycladas, fretis alias majoribus, alias minoribus
 divisas) adversi venti tenuerunt. Polyxenidas, certior per
 dispositas speculatorias naves factus, Deli stare Romanam
 classem, nuncios ad regem misit. qui, omissis, quæ in Hel-
 lesponto agebat, cum rostratis navibus, quantum adcelerare
 potuit, Ephesum rediit: et consilium extemplo habuit, fa-
 ciendumne periculum navalis certaminis foret. Polyxenidas
 negabat cessandum: *et utique prius confligendum, quam
 classis Eumenis et Rhodiæ naves conjungerentur Romanis.*
²⁷ *ita numero non ferme in pares futuros se, ceteris omnibus su-
 periores^r, et celeritate navium, et varietate auxiliorum. Nam
 Romanas naves, quum ipsas inscite factas immobiles esse, tum
 etiam, ut quæ in terram hostium veniant, oneratas commeatu
 venire: suas autem, ut pacata omnia circa se relinquentes, nihil
 præter militem atque arma habituras. multum etiam adjuturam
 notitiam maris terrarumque et ventorum: quæ omnia ignaros
 turbatura hostes essent. Movit omnes auctor consilii, qui et
 re consilium exsecuturus erat. Biduum in adparatu morati:
 tertio die centum navibus, quarum ²⁸ septuaginta tectæ,
 ceteræ apertæ, minoris omnes formæ, erant, profecti Pho-
 cæam petierunt. inde, quum audisset, adpropinquare jam
 Romanam classem, rex, quia non interfuturus navali certa-*

^r futuros; ipsum c. o. superiorem Gron. Crev.

²⁷ Ita numero non ferme impares
 futuros se; ceteris omnibus superiores]
 Hanc vetustam esse scripturam testa-
 tur Gelenius, quam et aliquot editiones
 amplexæ sunt. In Gronovianis legi-
 tur: non ferme impares futuros; ip-
 sum ceteris omnibus superiorem. Sed
 quum in tota hac periodo de classe An-
 tiochi agatur, quo pertinet vox ipsum
 capiti alterius membri præfixa? Vict.
 codex præfert: Itaque numero ferme
 impares futuros (Romanos;) ipsum
 (Antiochum) ceteris omnibus superio-
 rem. Sed displicet *et* itaque et ferme
 impares.

²⁸ Septuaginta tectæ, ceteræ apertæ,
 minoris omnes formæ erant] Distingue-
 bant naves majoris et minoris for-
 mæ: ac videntur habuisse pro navibus
 majoris formæ, eas quæ supra triremes
 essent, sive quæ pluribus quam tribus
 remorum ordinibus agerentur. Id colli-
 gi potest ex l. XXXVII. c. 23. infra.
 Significat itaque hoc loco Livius Po-
 lyxenidam habuisse septuaginta tectas
 naves, triginta apertas; omnes, tam
 tectas, quam apertas, minoris formæ:
 ita ut nulla esset navis in ejus classe,
 quæ triremi major esset.

mini erat, Magnesiam, quæ ad Sipylum est, concessit, ad terrestres copias comparandas. classis ad Cyssuntem portum Erythræorum, tamquam ibi aptius expectatura hostem, contendit. Romani, ubi primum aquilones (ii namque per aliquot dies tenuerant) cecidere, ab Delo Phanas, portum Chiorum in Ægæum mare versum, petunt: ²⁹inde ad urbem circumegere naves, commeatuque sumto, ⁵⁰Phocæam trajiciunt. Eumenes, Elæam ad suam classem profectus, paucis post inde diebus, cum quatuor et viginti navibus tectis, apertis pluribus, paullo ⁵¹a Phocæa ad Romanos, parantes instruantesque se ad navale certamen, rediit. Inde ³²centum quinquaginta tectis navibus, apertis ferme quinquaginta, profecti, primo, aquilonibus transversis quum urguerentur in terram, cogebantur tenui agmine prope in ordinem singulæ naves ire; deinde, ut lenita paullum vis venti est, ad Corycum portum, qui super Cyssuntem est, conati sunt trajicere.

XLIV. Polyxenidas, ut adpropinquare hostes adlatum est, occasione pugnandi lætus, sinistrum ipse cornu in altum extendit, dextrum cornu præfectos navium ad terram explicare jubet, et æqua fronte ad pugnam procedebat. Quod ubi vidit Romanus, vela contrahit, malosque inclinat, et, simul armamenta componens, opperitur insequentes naves. Jam ferme triginta in fronte erant, ³³quibus ut æquaret lævum cornu, ³⁴dolonibus erectis altum petere intendit: jussis, qui sequebantur, adversus dextrum cornu prope terram proras dirigere. Eumenes agmen cogebat. ceterum, ut demendis armamentis tumultuari primum cœptum est, et ipse, quanta maxima celeritate potest, concitat naves. ³⁵Jam omnibus^s in conspectu erant: duæ Punicæ naves antecede-
bant Romanam classem, quibus obviæ tres fuerunt regiæ naves. et ut in numero impari, duæ regiæ unam circumsis-
tunt: et primum ab utroque latere remos detergunt: deinde

Pugna na-
valis.

^s omnes Crev.

29 Inde ad urbem] Nempe Chium, cognominem insulæ.

30 Phocæam trajiciunt] Eam urbem, quum pareret Antiocho, metu sese Romanis tum dedidisse Appianus in libro de Syriacis bellis tradit. De ea enim procul dubio intelligendus est, quamvis vitiose apud eum legatur *Φυκιάα*.

31 A Phocæa] Imo ad Phocæam, vel sine præpositione Phocæam. Ex quo enim Romani Phocæam trajecere, nullus alius nominatur locus, quo navigaverint.

32 Centum quinquaginta] Lege cum Jac. Gronovio, centum quinque. Supra c. 42. dicitur C. Livius habuisse unam

et octoginta rostratas naves: quibus additæ quatuor et viginti Eumenis efficiunt numerum quem volumus.

33 Quibus ut æquaret lævum cornu] Volens efficere, ut lævum cornu iis æquari, id est, æqualem habere frontem posset, *ipse in dextram tendens altum petiit, ut subsequenter se navibus spatium ad sinistram prope terram vacuum relinqueretur.

34 Dolonibus erectis] Dolones sunt in navi minora vela, quæ supra majora celeritatis causa eriguntur.

35 Jam omnes in conspectu erant] Vulgo jam omnibus. Sed Andreas habet omnes: quod merito placuit Perizonio. Omnes Romanæ classis naves.

U. C. 561. transcunt armati, et, dejectis cæsisque propugnatoribus,
 A. C. 191. navem capiunt. Una, quæ compari Marte concurrerat,
 postquam captam alteram navem vidit, priusquam a tribus
 simul circumveniretur, retro ad classem refugit. Livius,
 indignatione accensus, prætoria nave in hostes tendit. ad-
 versus quam eadem spe duæ, quæ Punicam unam navem
 circumvenerant, quum inferrentur, demittere in aquam re-
 mos ab utroque latere remiges stabiliendæ navis causa jus-
 sit, et in advenientes hostium naves ferreas manus injicere,
 et, ³⁶ubi pugnam pedestri similem fecisset, meminisse Ro-
 manæ virtutis, nec pro viris ducere regia mancipia. Haud
 paullo facilius, quam ante duæ unam, tunc una duas naves
 expugnavit, cepitque. Et jam classes quoque undique con-
 currerant, et passim permixtis navibus pugnabatur. Eu-
 menes, qui extremus commisso certamine advenerat, ut
 animadvertit lævum cornu hostium ab Livio turbatum,
 dextrum ipse, ubi æqua pugna erat, invadit.

Vincunt
 Romani.

XLV. Nec ita multo post primum ab lævo cornu fuga
 cœpit. Polyxenidas enim, ut virtute militum haud dubie
 superari se vidit, sublatis dolonibus effuse fugere intendit:
 mox idem et, qui prope terram cum Eumene contraxerant
 certamen, fecerunt. Romani et Eumenes, quoad subficere
 remiges potuerunt, et in spe erant extremi agminis vexandi,
 satis pertinaciter secuti sunt. postquam celeritate navium,
 utpote levium, suas commeatu onustas eludi frustra tendentes
 viderunt, tandem abstiterunt; tredecim captis navibus cum
 milite ac remige, decem demersis. Romanæ classis una
 Punica navis, in primo certamine ab duabus circumventa,
 periit. Polyxenidas non prius, quam in portu Ephesi, fu-
 gæ finem fecit. ³⁷Romani eo die, unde egressa regia clas-
 sis erat, manserunt: postero die hostem persequi intende-
 runt. medio fere in cursu obviæ fuere iis quinque et viginti
 tectæ Rhodiæ naves, cum Pausistrato præfecto classis. Iis
 adjunctis, Ephesum hostem persecuti, ante ostium portus
 acie instructa steterunt. Postquam confessionem victis sa-
 tis expresserunt, Rhodii et Eumenes domos dimissi: Roma-
 ni, Chium petentes, Phœnicuntum primum portum Ery-
 thrææ terræ prætervecti, nocte anchoris jactis, postero die
 in insulam ad ipsam urbem trajecerunt. ubi paucos dies re-
 mige maxime reficiendo morati, Phocæam transmittunt. Ibi
 relictis ad præsidium urbis quatuor quinquereuib, ad Ca-
 nas classis venit: et, quum jam hiems adpeteret, fossa val-

³⁶ Ubi pugnam pedestri similem fe-
 cisset] Gronovius jure emendat *fecis-*
sunt, nempe præfecti et propugnatores
 navium.

³⁷ Romani eo die, unde egressa re-

gia classis erat, manserunt] Videtur
 hic excidisse nomen loci, in quo man-
 serunt Romani. Forsan legendum est
Cyssunte, unde egressa. Vid. supra,
 c. 43.


loque circumdatis naves subductæ. Exitu anni comitia U.C. 561.
 Romæ habita, quibus creati sunt consules L. Cornelius A.C. 191.
 Scipio et C. Lælius, ³⁸intuentibus cunctis ad finiendum cum Comitibus.
 Antiocho bellum. Postero die prætores creati, M. Tuc-
 cius, L. Aurunculeius, Cn. Fulvius, L. Æmilius, P. Junius,
 C. Atinius Labeo.

38 *Intuentibus cunctis*] Gronovius
 suspicatur *intentis*: nec plane satisfa-
 cit. Videtur hic locus aliquid celare
 gravioris vitii. Victor. codex hanc no-
 bis auget suspicionem. In eo totus
 hic locus sic legitur: *creati consules*
L. Cornelius Scipio, et C. Lælius.

Africanus legitur annuentibus cunctis
ad finiendum cum Antiocho bellum.

*Mens Livii fuerat omnes de his con-
 sulibus hanc spem habuisse, fore ut ab
 illis finiretur cum Antiocho bellum.

†Omnino hic nobis opus est libro
 emendatiore.



EPITOME LIBRI XXXVII.

L. CORNELIUS Scipio cons^{ul}, legato **P. Scipione** Africano (qui se legatum fratris futurum dixerat, si ei Græcia provincia decerneretur, quum **C. Lælio**, qui multum in senatu poterat, ea provincia dari videretur) profectus ad bellum adversus *Antiochum* gerendum, in *Asiam* primus omnium Romanorum ducum trajecit. **Æmilius Regillus** adversus regiam classem *Antiochi* feliciter pugnavit ad *Myonnesum*, *Rhodiis* adjuvantibus. Filius *Africani*, ab *Antiocho* captus, patri remissus est. **M. Acilius Glabrio** de *Antiocho*, quem Græcia expulerat, et de *Ætolis* triumphavit. Victo deinde *Antiocho* a **L. Cornelio Scipione**, adjuvante *Eumene* rege *Pergami*, *Attali* filio, pax data est ea conditione, ut omnibus provinciis citra *Taurum* montem cederet. *Eumeni*, quo juvante *Antiochus* victus erat, regnum ampliatur. *Rhodiis* quoque, qui et ipsi juverant, quædam civitates concessæ. Colonia deducta est *Bononia*. **Æmilius Regillus**, qui præfectos *Antiochi* navali certamine vicerat, navalem triumphum duxit. **L. Cornelius Scipio**, qui cum *Antiocho* debellaverat, cognomine fratri exæquatus, *Asiaticus* appellatus est.

T. LIVII PATAVINI

LIBER XXXVII.

U. C. 562.
A. C. 190.
L. Cornelio,
C. Lælio
Coss.

Ætoli legati,
infecta
pace,
dimissi.

Provinciæ.

Africanus
fratri lega-
tus.

L. CORNELIO Scipione, **C. Lælio** consulibus, nulla prius secundum religiones acta in senatu res est, quam de Ætolis. Et legati eorum institere, quia brevem induciarum diem habebant; et ab T. Quinctio, qui tum Romam ex Græcia redierat, adjuti sunt. Ætoli, ut quibus plus in misericordia senatus, quam in caussa, spei esset, suppliciter egerunt, veteribus benefactis nova pensantes maleficia. Ceterum et præsentibus interrogationibus. undique senatorum, confessionem magis noxæ, quam responsa, exprimentium, fatigati sunt, et, excedere curia jussi, magnum certamen præbuere. Plus ira, quam misericordia, in caussa eorum valebat; quia non ut hostibus modo, sed tamquam indomitæ et insociabili genti, succensebant. Per aliquot dies quum certatum esset, postremo neque dari, neque negari pacem placuit. duæ conditiones eis latæ sunt: vel senatui liberum arbitrium de se permetterent; vel ¹mille talentum darent, eosdemque amicos atque inimicos haberent. Exprimere cupientibus, quarum rerum in se arbitrium senatui permetterent, nihil certi responsum est. ita infecta pace dimissi, urbe eodem die, Italia intra quindecim dies excedere jussi. Tum de consulum provinciis cœptum est agi. Ambo Græciam cupiebant. Multum Lælius in senatu poterat. is, quum senatus aut sortiri, aut comparare inter se provincias consules jussisset, elegantius facturos dixit, si judicio Patrum, quam si sorti, eam rem permisissent. Scipio, responso ad hoc dato, *cogitaturum, quid sibi faciendum esset*, cum fratre uno locutus, jussusque ab eo permittere audacter senatui, renunciat collegæ, *facturum se, quod is censeret*. Quum res, aut nova, aut vetustate exemplorum memoriæ jam exoletæ, ²relata expectatione certaminis senatum crexisset, P. Scipio Africanus dixit, *Si L. Scipioni fratri suo provinciam Græciam^a decrevissent, se legatum iturum*. Hæc vox, magno adsensu audita, sustulit certamen. Experiri libebat, utrum plus regi Antiocho in Hannibale victo, an in victore Africano consuli legionibusque Romanis, auxilii foret: ac prope omnes Scipioni Græciam, Lælio Italiam decreverunt.

^a Græciam del. Crev.

¹ Mille talentum] Marcus argenti
nostrates 93750.

² Relata] Deliberationi
proposita.

Deliberationi propo-

II. Prætores inde provincias sortiti, L. Aurunculeius ur- U. C. 562.
 banam, Cn. Fulvius peregrinam, L. Æmilius Regillus clas- A. C. 190.
 sem, P. Junius Brutus Tuscos, M. Tuccius Apuliam et
 Bruttios, C. Atinius Siciliam. Consuli deinde, cui Græcia Exercitus.
 provincia decreta erat, ad eum exercitum, quem a M'. Acil-
 io (duæ autem legiones erant) accepturus esset, in supple-
 mentum addita peditum civium Romanorum tria millia,
 equites centum, et sociûm Latini nominis quinque millia,
 equites ducenti: et adjectum, ut, quum in provinciam ve-
 nisset, si e republica videretur esse, exercitum in Asiam tra-
 jiceret. Alteri consuli totus novus exercitus decretus; duæ
 legiones Romanæ, et sociûm Latini nominis quindecim mil-
 lia peditum, equites sexcenti. Exercitum ex Liguribus Q.
 Minucius (jam enim confectam provinciam scripserat, et
 Ligurum omne nomen in deditionem venisse) traducere in
 Boios, et P. Cornelio proconsuli tradere, jussus. ³ Ex agro,
 quo victos bello multaverat Boios, deductæ urbanæ legio-
 nes, quæ priore anno conscriptæ erant, M. Tuccio prætori
 datæ, et sociûm ac^b Latini nominis peditum quindecim
 millia, equites sexcenti, ad Apuliam Bruttiosque obtenen-
 dos. A. Cornelio superioris anni prætori, qui Bruttios cum
 exercitu obtinuerat, imperatum, si ita consuli videretur, ut
 legiones in Ætoliam trajectas M'. Acilio traderet, si is ma-
 nere ibi vellet. si Acilius redire Romam mallet, ut A. Corne-
 lius cum eo exercitu in Ætolia remaneret. C. Atinium La-
 beonem provinciam Siciliam exercitumque a M. Æmilio
 accipere placuit, et in supplementum scribere ex ipsa pro-
 vincia, si vellet, peditum duo millia, et centum equites. P.
 Junius Brutus in Tuscos exercitum novum, legionem unam
 Romanam, et decem millia sociûm ac Latini nominis scri-
 bere, et quadringentos equites; L. Æmilius, cui provincia
 maritima erat, viginti naves longas, et socios navales a M.
 Junio prætore superioris anni accipere jussus, et scribere
 ipse mille navales socios, duo millia peditum: cum iis navi-
 bus militibusque in Asiam proficisci, et classem a C. Livio
 accipere. Duas Hispanias Sardiniamque obtinentibus pro-
 rogatum in annum imperium est, et iidem exercitus decreti.
 Siciliæ Sardiniaque ⁴ binæ eo anno decumæ frumenti impe-
 ratæ: Siculum omne frumentum in Ætoliam ad exercitum
 portari jussus: ex Sardinia pars Romam, pars ⁵ in Æto-
 liam, eodem quo Siculum.

^b ac del. Gron. Crev. paullo infra eadem lectio servatur.

³ Ex agro, quo victos . . multave-
 rat Boios, deductæ urbanæ legiones]
 Nimirum eo mittere urbanas legiones
 necesse fuerat, quia P. Cornelius con-
 sul exercitum de provincia deduxerat,
 et post triumphum exauctoraverat.

Vid. supra l. XXXVI. capp. 39. et 40.
 Scripti habent *deducendæ*: sed vulgata
 lectio magis placet.

⁴ * Binæ . . decumæ] Vid. not. 7. ad
 XXXVI. 2.

⁵ In Ætoliam, eodem quo Siculum]

U. C. 562.
A. C. 190.
Prodigia.

III. Priusquam consules in provincias proficiscerentur, prodigia per pontifices procurari placuit. Romæ Junonis Lucinæ templum de cælo tactum erat, ita ut ⁶fastigium valvæque deformarentur. Puteolis pluribus locis murus et porta fulmine icta, et duo homines exanimati. Nursiæ sereno satis constabat ⁷nimbum ortum: ibi quoque duos liberos homines exanimatos. Terra apud se pluisse Tusculani nunciabant, et Reatini mulam in agro suo peperisse. Ea procurata, Latinæque instauratæ; quod Laurentibus ⁸carnis, quæ dari debet, data non fuerat. Supplicatio quoque earum religionum caussa fuit, ⁹quibus Diis decemviri ex libris ut^e fieret, ediderunt. Decem ingenui, decem virgines, patrimi omnes matrimique, ad id sacrificium adhibiti: et decemviri nocte lactentibus rem divinam fecerunt. P. Cornelius Scipio Africanus, priusquam proficisceretur, ¹⁰fornicem in Capitolio adversus viam, qua in Capitolium ascenditur, cum signis septem auratis, et ^dduobus equis, et marmorea duo labra ante fornicem posuit. Per eosdem dies principes Ætolorum tres et quadraginta, inter quos Damocritus et frater ejus erant, ab duabus cohortibus, missis a M'. Acilio, Romam deducti, et in Lautumias coniecti sunt. cohortes inde ad exercitum redire, L. Cornelius consul jussit. Legati ab ¹¹Ptolemæo et Cleopatra, regibus Ægypti, gratulantes quod M'. Acilius consul Antiochum regem Græcia expulisset, venerunt: adhortantesque, ut in Asiam exercitum trajicerent^e, *omnia perculsa metu non in Asia modo, sed etiam in Syria, esse; reges Ægypti ad ea, quæ censuisset senatus, paratos fore.* Gratia regibus actæ: legatis munera dari jussa, in singulos ¹²quaternum millium æris.

IV. L. Cornelius consul, peractis, quæ Romæ agenda erant, pro concione edixit, ut milites, quos ipse in supplementum scripsisset, quique in Bruttis cum A. Cornelio prætore essent, ut hi omnes Idibus Quinctilibus Brundisium convenirent. Item tres legatos nominavit, Sex. Digitium,

^c ut del. Gron. Crev.

^d et del. Crev.

^e traduceret Gron. Crev.

Primæ duæ voces nobis glossema sapiunt.

⁶* Fastigium] Vid. not. ad XL. 2.

⁷* Nimbum] Imbrem subitum cum tonitru.

⁸ Carnis] Nota carnis in recto casu: quod et observat Priscianus l. VI. De ipsa re vid. not. 68. ad c. 17. l. V. * et not. 4. ad XXXII. l.

⁹ Quibus diis decemviri ex libris fieret, ediderunt] Hæc prava verborum collocatio non videtur a Livio esse. Repone: *Quibus diis fieret, decemviri ex libris ediderunt.*

¹⁰ Fornicem in Capitolio adversus viam qua in Capitolium ascenditur] Hic Capitolii nomen duplici sensu sumitur: primo pro parte planiore et spatiosiore montis, deinde, pro templo ipso Jovis, quod in summo monte constructum erat.

¹¹ Ptolemæo] Epiphane: de quo supra ad l. XXXI. c. 1.

¹² Quaternum millium æris] Si grave æs intelligamus, fient sex argenti marcæ nostrates cum duabus uncis.

L. Apustium, C. Fabricium Luscinum, qui ex ora maritima U. C. 562. undique naves Brundisium contraherent: et, omnibus jam A. C. 190. paratis, paludatus ab urbe est profectus. Ad quinque millia Scipio Cos. voluntariorum ex Romanis sociisque, qui emerita stipendia proficiscitur. sub imperatore P. Africano habebant, præsto fuere exeunti consuli, et nomina dederunt. Per eos dies, quibus est profectus ad bellum consul, ¹³ ludis Apollinaribus, ante diem quintum Idus Quintiles, cælo sereno interdiu obscurata lux est, quum luna sub orbem solis subisset. Et L. Æmilius Regillus, cui navalis provincia evenerat, eodem tempore profectus est. L. Aurunculeio negotium ab senatu datum est, ut triginta quinqueremes, viginti triremes faceret; quia fama erat, Antiochum post prælium navale majorem classem aliquanto reparare. ¹⁴ Ætoli, postquam legati ab Roma retulerunt, nullam spem pacis esse, quamquam omnis ora maritima eorum, quæ in Peloponnesum versa est, depopulata ab Achæis erat, ¹⁵ periculi magis, quam damni, memores, ut Romanis intercluderent iter, Coracem montem occupaverunt. neque enim dubitabant, ad obpugnationem Naupacti eos principio veris redituros esse. Acilio, qui id exspectari sciebat, satius visum est, inopinatam adgredi rem, et ¹⁶ Lamiam Lamia obpugnare. Nam et a Philippo ¹⁷ prope ad excidium adductos esse; et tunc eo ipso, quod nihil tale timerent, obprimi incautos posse. Profectus ab Elatiâ primum in hostium terra circa Sperchium amnem posuit castra: inde nocte motis signis, prima luce coronâ mœnia est adgressus.

13 *Ludis Apollinaribus, a. d. V. Idus Quintiles ... obscurata lux est*] Vide super hac re epistolam Ismaelis Bulliardi, quæ subjecta est ad calcem tertii tomi Liviani in editione Jac. Gronovii. Probat peritissimus Astronomus hanc eclipsim, de qua hic agit Livius, non potuisse incidere in a. d. quintum Idus Quintiles anni veteris Romani, quum ex Astronomorum tabulis referatur ad diem 14. Martii anni Juliani: putatque errorem vel Livii, vel ejus quem exscripsit Livius, natum esse ex vicinitate alterius deliquii solaris, cujus mentio fit infra, l. XXXVIII. c. 36. quod revera incidere potuit in ludos Apollinares, et in a. d. quintum Idus Quintiles. Ceterum et alia diversi generis hic reperiuntur difficultas, quod nempe qui ludi dicuntur hic incidisse in a. d. V. Idus Quintiles, eos Livius supra l. XXVII. c. 23. tradidit fieri solitos a. d. III. Nonas Quintiles. Sed si ludi Apollinares totum octiduum tenuere, ut ex Kalendarario colligi videtur, facile rem conciliabimus. Incipiebant illi nimirum

celebrari a. d. III. Nonas, finiebantur a. d. IV. Idus. Itaque is dies qui hoc loco notatur, septimus erat dies ludorum Apollinarium.

14 *Ætoli, postquam*] Hic recentiores editi habebant *priusquam*, contra vett. editorum et scriptorum fidem. Errorem monstravit Jac. Gronovius: sustulit Clericus.

15* *Periculi magis quam damni memores*] De periculo imminente ab Romanis, quam de damno ab Achæis per populationes illato, magis solliciti.

16 *Lamiam oppugnare*] Jam observavimus ad c. 25. l. XXXVI. Lamiam deditam esse Romanis, auctore Livio infra l. XXXIX. c. 23. postquam ab ea Philippus recesserat. Itaque quum hic eadem urbs rursus oppugnetur; ne pugnet secum Livius, dicamus eam rebellasse. Non raro occurrunt apud nostrum hiantes in hunc modum omissis mediis narrationes. Vid. not. 40. ad c. 12. l. IX.

17 *Prope ad excidium adductos*] Andreas omittit *τὸ ad*: et sic solet Livius.

U. C. 562. V. Magnus pavor ac tumultus, ut in re inprovisa, fuit.
 A. C. 190. constantius tamen, quam quis facturos crederet, in tam subito periculo, quum viri propugnarent, feminae tela omnis generis saxaque in muros gererent, jam^e multifariam scalis adpositis, urbem eo die defenderunt. Acilius, signo receptui dato, suos in castra medio ferme die reduxit: et tunc cibo et quiete refectis corporibus, priusquam¹⁸ prætorium dimitteret, denunciavit, *ut ante lucem armati paratique essent. nisi expugnata urbe, se eos in castra non reducturum.* Eodem tempore, quo pridie, pluribus locis adgressus, quum oppidanos jam vires, jam tela, jam ante omnia animus deficeret, intra paucas horas urbem cepit. Ibi, partim divendita, partim divisa præda, consilium habitum, quid deinde faceret. Nemini ad Naupactum iri placuit, occupato ad Coracem ab Ætolis saltu. ne tamen segnia æstiva essent, et Ætoli non impetratam pacem ab senatu nihilominus per suam cunctationem haberent, obpugnare Acilius Amphissam statuit. ab Heraclea per Oëtam exercitus eo ductus. Quum ad mœnia castra posuisset, non corona, sicut Lamiæ, sed operibus obpugnare urbem est adortus. Pluribus simul locis aries admovebatur; et quum quaterentur muri, nihil adversus¹⁹ tale machinationis^f genus parare, aut comminisci oppidani conabantur. omnis spes in armis et audacia erat. eruptionibus^g crebris et stationes hostium, et eos ipsos, qui circa opera et machinas erant, turbabant.

Amphissa
obpugnata.

Cos. in provin- VI. Multis tamen locis murus decussus erat, quum ad-
 ciam ven- latum est, successorem, Apolloniæ exposito exercitu, per
 nit. Epirum ac Thessaliam venire.²⁰ Cum tredecim millibus peditum et quingentis equitibus consul veniebat. Jam in sinu Maliacum venerat: et præmissis Hypatam, qui tradere urbem juberent, postquam responsum est, nihil, nisi ex communi Ætolorum decreto, facturos; ne teneret se obpugnatio Hypatæ, nondum Amphissa recepta, præmisso fratre Africano, Amphissam ducit. Sub adventum eorum oppidani, relicta urbe, (jam enim magna ex parte nudata mœnibus erat) in arcem, quam inexpugnabilem habent, omnes armati atque inermes concessere. Consul sex millia ferme passuum inde posuit castra. eo legati Athenienses primum ad P. Scipionem, prægressum agmen, (sicut ante

Ætoli pacem quaerunt.

^e jam del. Gron. Crev.

^f oppugnationis Crev.

^g eruptionibusque Ead.

18* Prætorium dimitteret] Vid. not. 47. ad XXI. 54.

19 Tale oppugnationis genus] Sic habere scriptos testatur Gronovius. Vulgo machinationis: quæ vox etsi tollerari poterat, minus tamen idonea huic loco visa est. Paulo infra iidem codices Gronoviani, consentiente nos.

tro Victor. exhibent, qui circa opera et machinationes erant, non machinas. Sed parum interest.

20 Cum tredecim millibus peditum] Sic emendavit Sigonius. Antea legabatur cum tribus millibus peditum: male, ut constabit superiora relegentibus.

dictum est) deinde ad consulem venerunt, deprecantes pro U. C. 562.
 Ætolis. Clementius responsum ab Africano tulerunt: qui, A. C. 190.

²¹causam relinquendi honeste Ætolici belli quærens, Asiam et regem Antiochum spectabat, jusseratque Athenienses, non Romanis solum, ut pacem bello præferrent, sed etiam Ætolis persuadere. Celeriter, auctoribus Atheniensibus, frequens ab Hypata legatio Ætolorum venit: et spem pacis eis sermo etiam Africani, quem priorem adierunt, auxit, commemorantis, *multas gentes populosque in Hispania prius, deinde in Africa, in fidem suam venisse. in omnibus se majora clementiæ benignitatisque, quam virtutis bellicæ, monumenta reliquisse.* Perfecta videbatur res, quum aditus consul ²²idem illud responsum retulit, quo fugati ab senatu fuerant. Eo tamquam novo quum icti Ætoli essent, (nihil enim nec legatione Atheniensium, nec placido Africani responso profectum videbant) referre ad suos dixerunt velle.

VII. Reditum inde Hypatam est, nec consilium expediebatur. nam neque, unde mille talentum daretur, erat; et, permissio libero arbitrio, ne in corpora sua sæviretur, metuebant. Redire itaque eosdem legatos ad consulem et Africanum jusserunt, et petere, ut, si dare vere pacem, non tantum ostendere, frustrantes spem miserorum, vellent, aut ex summa pecuniæ demerent, ²³aut permissionem extra civium corpora fieri juberent. Nihil impetratum, ut mutaret consul: et ea quoque irrita legatio dimissa est. Secuti et Athenienses sunt: et princeps legationis eorum Echedemus fatigatos tot repulsis Ætolos, et complorantes inutili lamentatione fortunam gentis, ad spem revocavit; auctor inducias sex mensium petendi, ut legatos Romam mittere possent. *Dilationem nihil ad præsentia mala, quippe quæ ultima essent, adjecturam. levare per multos casus, tempore interposito, præsentis clades posse.* Auctore Echedemo iidem missi, prius P. Scipione convento, per eum inducias temporis ejus, Inducias impetrant. quod petebant, a consule impetraverunt: et, soluta obsidione Amphissæ, M'. Acilius, tradito consuli exercitu, provincia decessit: et consul ab Amphissa Thessaliam repetit, ut per Macedoniam Thraciamque duceret in Asiam. Tum Cos. ducit in Asiam. Africanus fratri, *Iter, quod insistis, L. Scipio, ego quoque adprobo: sed totum id vertitur in voluntate Philippi. Qui,*

²¹ Causam relinquendi honeste Ætolici belli] Nimirum probe intelligebat Africanus, inquit Polybius in Excerpt. Leg. 17. non in eo belli exitum et omnium quæ moliebatur esse situm, ut Ætolorum gentem sub jugum Romani mitterent, sed in eo potius, ut victo Antiocho Asiam obtinerent.

²² Idem illud responsum retulit]

Rursus dedit, iteravit. Sic l. XXIV. c. 45. *Novam referre proditionem proditiis olim.* Vid. et Cic. pro Cæc. n. 84. et n. 85.

²³ * Aut permissionem] Aut sinerent Ætolos, dum permittunt se libero Romanorum arbitrio, excipere civium corpora.

U. C. 562. *si imperio nostro fidus est, et iter, et commeatus, et omnia, quæ*
 A. C. 190. *in longo itinere exercitus alunt juvantque, nobis suppeditabit.*
si is destituat, nihil per Thraciam satis tutum habebis. Ita-
que prius regis animum explorari placet. optime explorabitur,
*si nihil ex præparato agentem*²⁴*obprimet, qui mittetur. Ti.*
 Sempronius Gracchus, longe tum acerrimus juvenum ad id
 delectus, per dispositos equos prope incredibili celeritate ab
 Amphissa (inde enim est dimissus) die tertio Pellam perve-
 nit. In convivio rex erat, et in multum vini processerat:
 ea ipsa remissio animi suspicionem demisit, novare eum
 quidquam velle. Et tum quidem comiter acceptus hospes.
 postero die commeatus exercitui paratos benigne, pontes in
 fluminibus factos, vias, ubi transitus^f difficiles erant, muni-
 tas vidit. Hæc referens eadem, qua ierat, celeritate Thau-
 macis occurrit consuli. Inde certiore et majore spe lætus
 exercitus ad præparata omnia in Macedoniam pervenit.
 Venientes regio adparatu et^g accepit, et prosecutus est rex.
 Multa in eo et dexteritas, et humanitas visa, quæ commen-
 dabilia apud Africanum erant; virum sicut ad cetera egre-
 gium, ita a comitate, quæ sine luxuria esset, non aversum.
 Inde non per Macedoniam modo, sed etiam Thraciam, pro-
 sequente et præparante omnia Philippo, ad Hellespontum
 perventum est.

Philippus
exercitui
Romano
omnia pa-
rat.

Classem re-
parat Anti-
ochus.

VIII. Antiochus post navalem ad Corycum pugnam,
 quum totam hiemem liberam in adparatus terrestres mariti-
 mosque habuisset, classi maxime reparandæ, ne tota maris
 possessione pelleretur, intentus fuerat. Subcurrebat, *Su-*
peratum se, quum classis abfuisset Rhodiorum. quod si ea quo-
que (nec commissuros Rhodios, ut iterum morarentur) certa-
mini adesset, magno sibi navium numero opus fore, ut viribus
et magnitudine classem hostium æquaret. Itaque et Hanniba-
 lem in Syriam miserat ad Phœnicum arcessendas naves, et
 Polyxenidam, quo minus prospere gesta res erat, eo enisius
 et cas, quæ erant, reficere, et alias parare naves jussit. Ipse
 in Phrygia hibernavit, undique auxilia arcessens: etiam in
 Gallogræciam miserat. Bellicosiores ea tempestate erant,
 Gallicos adhuc, nondum exsoleta stirpe gentis, servantes
 animos. Filium Seleucum in Æolide reliquerat cum exer-
 citu ad maritimas continendas urbes: quas illinc a Pergamo
 Eumenes, hinc a Phocæa Erythrisque Romani sollicitabant.
 Classis Romana, sicut ante dictum est, ad Canas hiberna-
 bat. Eo media ferme hieme rex Eumenes cum duobus
 millibus peditum, equitibus centum, venit. Is, quum mag-
 nam prædam agi posse dixisset ex hostium agro, qui circa

^f transitu Gron. Crev. ^g et del. Crev.

Thyatira esset, hortando perpulit Livium, ut quinque millia militum secum mitteret. missi ingentem prædam intra paucos dies averterunt. U. C. 562.
A. C. 190.

IX. Inter hæc Phocææ seditio orta, quibusdam ad Antiochum multitudinis animos avocantibus. Gravia hiberna navium erant; grave tributum, quod ²⁵togæ quingentæ imperatæ erant, cum quingentis tunicis; gravis etiam inopia frumenti, propter quam naves quoque et præsidium Romanum excessit. tum vero liberata metu factio erat, quæ plebem in concionibus ad Antiochum trahebat. Senatus et optimates in Romana societate perstandum censebant. defectionis auctores plus apud multitudinem valuerunt. Rhodii, quo magis cessatum priore ætate erat, eo maturius æquinocio verno eundem Pausistratum classis præfectum cum sex et triginta navibus miserunt. Jam Livius a Canis cum triginta navibus et septem quadriremibus, quas secum Eumenes rex adduxerat, Hellespontum petebat; ut ad transitum exercitus, quem terra venturum opinabatur, præpararet, quæ opus essent. In portum, quem vocant Achæorum, classem primum advertit. inde Ilium adscendit, sacrificioque Minervæ facto, legationes finitimas ab Elæunte, et Dardano, et Rhœteo, tradentes in fidem civitates suas, benigne audivit. Inde ad Hellesponti fauces navigat; et, decem navibus in statione contra Abydum relictis, cetera classe in Europam ad Sestum^h obpugnandum trajecit. Jam subeuntibus armatis muros ²⁶fanatici Galli primum cum sollemni habitu ante portam occurrunt. Jussu se matris Deum famulos Deæ venire memorant, ad precandum Romanum, ut parceret mœnibus urbiq̃ue. Nemo eorum violatus est: mox universus senatus cum magistratibus ad dedendam urbem processit. Inde Abydum trajecta classis. ubi quum, tentatis per conloquia animis, nihil pacati responderetur, ad obpugnationem sese expediebant.

X. Dum hæc in Hellesponto geruntur, Polyxenidas regius præfectus, (erat autem exsul Rhodius) quum audisset, profectam ab domo popularium suorum classem, et Pausistratum præfectum superbe quædam et contemtim in se concionantemⁱ dixisse, præcipuo certamine animi adversus eum sumto, nihil aliud dies noctesque agitabat animo, quam ut verba magnifica ejus rebus confutaret. Mittit ad eum hominem et illi notum, qui diceret, *Et se Pausistrato patriæque suæ magno usui,* ²⁷*si liceat, fore; et a Pausistrato se restitui*

^h Seston Gron. Crev.

ⁱ concionatum Eæd.

²⁵ Togæ quingentæ] Vid. not. 68.
ad l. XXII. c. 54.

²⁶ Fanatici Galli] Debauchantes pro more Sacerdotes Magnæ Matris deum

Cybeles.

²⁷ Si liceat] Per Pausistratum; si sinat Pausistratus.

Classis
Rom. Hellespontum
petit.

Polyxenidas fraudem Pausistrato struit.

U. C. 562. *in patriam posse.* Quum, quonam modo eo fieri possent, mirabundus Pausistratus percunctaretur, fidem petenti dedit agendæ communiter rei, aut silentio tegendæ. Tum internuncius, *regiam classem aut totam, aut majorem ejus partem, Polyxenidam traditurum ei. pretium tanti meriti nullum aliud pacisci, quam redditum in patriam.* Magnitudo rei, nec ut crederet, nec ut adspernaretur dicta, effecit.
²⁸ Panormum Samiæ terræ petit: ibique ad explorandam rem, quæ oblata erat, substitit. Ultro citroque nuncii cursare: nec fides ante Pausistrato facta est, quam coram nuncio ejus Polyxenidas sua manu scripsit, *se ea, quæ pollicitus esset, facturum,* signoque suo inpressas tabellas misit. Eo vero pignore velut ²⁹ auctoratum sibi proditorem ratus est. Neque enim eum, qui sub rege viveret commissurum fuisse, ut adversus semet ipsum indicia manu sua testata daret. inde ratio simulatæ proditionis composita, *Omnium^k se rerum adparatum omissurum,* Polyxenidas dicere; *non remigem, non* ³⁰ *socios navales ad classem frequentes habiturum: subducturum per simulationem reficiendi quasdam naves, alias in propinquos portus dimissurum: paucas ante portum Ephesi in salo habiturum; quas, si exire res cogeret, objecturus certamini foret.* Quam negligentiam Polyxenidam in classe sua habiturum Pausistratus audivit, eam ipse extemplo habuit. partem navium ad commeatus arcessendos Halicarnassum, ³¹ partem Samum ad urbem misit: ut paratus esset, quum signum adgrediendi a proditore accepisset. Polyxenidas ³² augere simulando errorem: subducit quasdam naves, alias velut subducturus esset, navalia reficit: remiges ex hibernis non Ephesum arcessit, sed Magnesiam occulte cogit.

XI. Forte quidam Antiochi miles, quum Samum rei privatæ caussa venisset, pro speculatore deprehensus^l deducitur Panormum ad præfectum. is percunctanti, quid Ephesi

^k *Omnem Gron. Crev.*

^l *comprehensus Eæd.*

²⁸ *Panormum Samiæ terræ]* Panormus portus Samiorum ditionis fuit, sed, quod nonnullos fugit Geographos, non in Samo insula. Erat ille in Ephesiorum ora, cujus aliquam partem Samii habebant: quæ ideo *Samia terra*, vel simpliciter *Samia* vocabatur, ut infra capp. 12. et 13. et sedulo distinguenda est ab Samo insula. Vid. Strab. l. XIV. pagg. 636. et 639.

²⁹ *Auctoratum]* Mancipatum, ad dictum. Hoc verbum proprie dicitur de gladiatoribus operam suam sanguinemque lanistæ addicentibus.

³⁰ *Socios navales]* Vid. not. 27. ad XXI. 49.

³¹ *Partem Samum ad urbem misit:*

ut paratus esset] Parum hæc coherere videbuntur attente perpendenti. Quum enim ipse Pausistratus Panormi in Ephesiorum ora maneat, ut constat ex sequentibus, quonam modo dici potest ideo partem navium Samum ad urbem mittere, ut paratus sit ad aggrediendum, ubi opus fuerit? Imo Livius observat ab eo partem classis Halicarnassum, partem Samum ablegari, ut notet ejus negligentiam. Itaque suspicamur integrum hic orationis membrum excidisse, quale esset: *ipse Panormi substitit, ut paratus esset.*

³² *Augere simulando errorem]* Auget errorem simulatione negligentiae.

ageretur, incertum metu, an erga suos hand sincera fide, U. C. 562.
omnia aperit: classem instructam paratamque in portu A. C. 190.
stare: ³³remigium omne Magnesiam ad Sipylum missum:
perpaucas naves subductas esse, ³⁴et navalia tegi: numquam
intentius rem navalem administratam esse. Hæc ne pro
veris audirentur, animus errore et spe vana præoccupatus
fecit. Polyxenidas, satis omnibus comparatis, nocte re-
mige a Magnesia arcessito, deductisque raptim, quæ sub-
ductæ erant, navibus, ³⁵quum diem non tam in adparatu
absumsisset, quam quod conspici proficiscentem classem
nolebat; post solis occasum profectus septuaginta navibus
tectis, vento adverso, ante lucem Pygela portum tenuit. Eum incau-
ubi quum interdiu ob eandem causam quiesset, nocte in tum obpri-
proxima Samiæ terræ trajecit. Hinc Nicandro quodam mit.
archipirata quinque^m navibus tectis Palinurum jusso petere,
atque inde armatos, qua proximum per agros iter esset, Pa-
normum ad tergum hostium ducere, ipse interim, classe
divisa, ut ex utraque parte fauces portus teneret, Panormum
petit. Pausistratus primo, ut in re necopinata, turbatus
parumper, deinde vetus miles, celeriter conlecto animo, terra
melius arceri, quam mari, hostes posse ratus, armatos duo-
bus agminibus ad promontoria, quæ cornibus objectis ab
alto portum faciunt, ducit: inde facile ³⁶telis ancipitibus
hostem submoturus. id inceptum ejus ³⁷Nicander a terra
visusⁿ quum turbasset, repente mutato consilio, naves con-
scendere omnes jubet. Tum vero ingens pariter mili-
tum nautarumque trepidatio orta, et velut fuga in naves
fieri, quum se mari terraque simul cernerent circumven-
tos. Pausistratus, unam viam salutis esse ratus, si vim
facere per fauces portus, atque erumpere in mare aper-
tum posset, postquam conscendisse suos vidit, sequi ceteris
jussis, ipse princeps concitata nave remis ad ostium portus
tendit. Superantem jam fauces navem ejus Polyxenidas

^m cum quinque Gron. Crev.ⁿ missus Gron.

33 Remigium omne Magnesiam ad Sipylum missum] Observat Glareanus Magnesiam ad Sipylum urbem esse mediterraneam, quæ longius absit ab Epheso et ab mari, quam ut eo videatur satis commode remiges coëgissee Polyxenidas. Omnino suspecta sunt hæc verba ad Sipylum, tanquam glossema additum ab imperito aliquo emendatore, qui ignoraverit fuisse Magnesiam ad Mæandrum, propiorem Epheso, de qua hic procul dubio intelligendus est Livius. Eo nobis facilius probamus τὰ ad Sipylum insititia esse, quod bis in hac ipsa narratione Magnesia nominatur sine additamento.

34 Et navalia tegi] An, tecta navium refici? Sed quid ad rem? Hic aliquid videtur esse corruptum.

35 * Quum diem] Quum diem totum trivisset, non tam quia hoc spatium necessarium illi fuerat ad apparatus rei aggrediendæ, quam quod...

36 * Telis ancipitibus] Telis ab utroque promontorio, a dextra simul et sinistra, impetituris hostem accedentem ad portum.

37 Nicander a terra visus] Pro hac lectione stant duo e MSS. Hearnii, noster Victor. et antiquiores editi. Male omnino recentiores a terra missus.

U. C. 562. A. C. 190. tribus quinqueremibus circumssistit. Navis rostris icta sub-
 primitur: telis obruuntur propugnatores: inter quos et
 Pausistratus impigre pugnans interficitur. Navium reliqua-
 rum ante portum aliæ, aliæ in portu deprehensæ, quædam a
 Nicandro, ³⁸ dum moliuntur a terra, captæ. quinque tantum
 Rhodiæ naves cum duabus Cois effugerunt, terrore flammæ
 micantis via sibi inter confertas naves facta. ³⁹ contis enim
 binis a prora prominentibus trullis ferreis multum concep-
 tum ignem præ se portabant. Erythrææ triremes, quum
 haud procul a Samo Rhodiis navibus, quibus ut essent præ-
 sidio, veniebant, obviæ fugientibus fuissent, in Hellespon-
 tum ad Romanos cursum averterunt. Sub idem tempus
 Seleucus proditam Phocæam, porta una per custodes aperta,
 recepit; et Cyme aliæque ejusdem oræ urbes ad eum metu
 defecerunt.

XII. Dum hæc in Æolide geruntur, Abydus quum per
 aliquot dies obsidionem tolerasset, præsidio regio tutante
 mœnia, jam omnibus fessis, Philota quoque præfecto præsi-
 dii permittente, magistratus eorum cum Livio de conditio-
 nibus tradendæ urbis agebant. rem distinebat, quod, utrum
 armati, an inermes, emitterentur regii, parum conveniebat.
 Hæc agentibus quum intervenisset nuncius Rhodiorum cla-
 dis, emissa de manibus res est. metuens enim Livius, ne
 successu tantæ rei elatus Polyxenidas classem, quæ ad Ca-
 nas erat, obrimeret, Abydi obsidione custodiaque Helles-
 ponti extemplo relicta, naves, quæ subductæ Canis erant,
 deduxit. Et Eumenes Elæam venit. Livius omni classe,
 cui adjunxerat triremes duas Mitylenæas, Phocæam petit.
 quam quum teneri valido regio præsidio audisset, nec pro-
 cul Seleuci castra esse; depopulatus maritimam oram, et
 præda maxime hominum raptim in naves inposita, tantum
 moratus, dum Eumenes cum classe adsequeretur, Samum
 petere intendit. Rhodiis primo audita clades simul pavo-
 rem, simul luctum ingentem fecit. nam, præter navium mi-
 litumque jacturam, quod floris, quod roboris in juventute
 fuerat, amiserant; ⁴⁰ multis nobilibus secutis inter cetera
 auctoritatem Pausistrati, quæ inter suos merito maxima
 erat. deinde, quod fraude capti, quod a cive potissimum
 suo forent, in iram luctus vertit. Decem extemplo naves,
 et diebus post paucis decem alias, præfecto omnium Euda-

Rhodiorum
 luctus.

Dein ira.

38* *Dum moliuntur a terra*] Dum
 a terra esse in altum promovere nitun-
 tur. In re simili Cic. in Verr. l. V. n.
 88. *ceteræ naves suo in loco moliebantur.*

39* *Contis enim*] Portabant enim
 illæ naves multum ignem accensum in

trullis sive vasis ferreis, quæ quidem
 trullæ sustentabantur contis, sive per-
 ticiis binis a prora prominentibus.

40* *Multis nobilibus secutis*] Quum
 multi nobiles hanc classem conscendis-
 sent, tum ob cetera, tum ob famam
 Pausistrati.

mo, miserunt: quem, aliis virtutibus bellicis haudquaquam U. C. 562.
 Pausistrato parem, cautiorem, quo minus animi erat, du- A. C. 190.
 cem futurum credebant. Romani et Eumenes rex in Ery-
 thraeam primum ⁴¹ classem adplicuerunt. ibi noctem unam
 morati, postero die Corycum Teiorum promontorium te-
 nuerunt. inde quum in proxima Samiæ vellent trajicere,
 non exspectato solis ortu, ex quo statum cœli notare guber-
 natores possent, in incertam tempestatem miserunt. Medio
 in cursu, ⁴² aquilone in septentrionem verso, exasperato fluc-
 tibus mari jactari cœperunt.

XIII. Polyxenidas, Samum petituros ratus hostes, ut se
 Rhodiæ classi conjungerent, ab Epheso profectus, primo ad
 Myonnesum stetit: inde ad Macrin (quam vocant) insulam
 trajecit, ut prætervehentis classis si quas aberrantes ex ag-
 mine naves posset, aut postremum agmen opportune adori-
 retur. Postquam sparsam tempestate classem vidit, occa-
 sionem primo adgrediendi ratus, paullo post increbrescente
 vento, et majores jam volvente fluctus, quia pervenire se
 ad eos videbat non posse, ad Æthalam insulam trajecit, ut
 inde postero die Samum ex alto petentes naves adgrederetur.
 Romani, pars exigua, primis tenebris portum Samiæ
 desertum tenuerunt: classis cetera, noctem totam in alto
 jactata, in eundem portum decurrit. Ibi ex agrestibus cog-
 nito, hostium naves ad Æthalam stare, consilium habitum,
 utrum extemplo decernerent, an Rhodiam exspectarent
 classem. dilata re, (ita enim placuit) Corycum, unde vene-
 rant, trajecerunt. Polyxenidas quoque, quum frustra ste-
 tisset, Ephesum rediit. Tum Romanæ naves vacuo ab hos-
 tibus mari Samum trajecerunt. Eodem et Rhodia classis
 post dies paucos venit. quam ut exspectatam esse adpareret,
 profecti extemplo sunt Ephesum, ut aut decernerent navali
 certamine, aut, si detrectaret hostis pugnam, (quod pluri-
 mum intererat ⁴³ ad animos civitatum) timoris confessio-
 nem exprimerent. Contra fauces portus instructa in fron-
 tem navium acie steterunt. postquam nemo adversus ibat,
 classe divisa, pars in salo ad ostium portus in anchoris
 stetit; pars in terram milites exposuit. ⁴⁴ In eos, jam in-
 gentem prædam late depopulato agro agentes, Andronicus
 Macedo, qui in præsidio Ephesi erat, jam mœnibus adpro-
 pinquantes eruptionem fecit, exutosque magna parte prædæ
 ad mare ac naves redegit. Postero die, insidiis medio

Rom. clas-
 sis ante
 Ephesum.

⁴¹ *Classem applicaverunt*] Tres co-
 dices, teste Jac. Gronovio, et noster
 Vict. applicuerunt.

⁴² *Aquilone in Septentrionem verso*]
 Aquilo est ventus inter Arctum et
 Orientem: Nord-est. Septentrio, sive
 Aparctias flat ab ipsa Arcto: Nord.

⁴³ *Ad animos civitatum*] Adjun-
 gendos Romanis et ab Antiocho alie-
 nandos.

⁴⁴ *In eos jam ingentem prædam . . .*
agentes . . . jam mœnibus] Posterius
 jam omittit Andreas. Prius tamen li-
 bentius deleverimus.

U. C. 562. ferme viæ positis, ad eliciendum extra mœnia Macedonem
 A. C. 190. Romani ad urbem agmine iere: inde, quum ea ipsa suspi-
 cio, ne quis exiret, deterruisset, redierunt ad naves: et,
 terra marique fugientibus certamen hostibus, Samum, unde
 venerat, classis repetit. inde duas sociorum ex Italia, duas
 Rhodias triremes ⁴⁵ cum præfecto Epicrate Rhodiorum ad
 fretum Cephallenia tuendum prætor misit. Infestum id
 latrocinio Lacedæmonius Hybristas cum juventute Cephall-
 lenum faciebat: clausumque jam mare commeatibus Itali-
 cis erat.

Æmilius XIV. Piræei L. Æmilio Regillo, succedenti ad navale
 Livio ad na- imperium, Epicrates occurrit. qui, audita clade Rhodiorum,
 vale impe- quum ipse duas tantum quinqueremes haberet, Epicratem
 rium suc- cum quatuor navibus in Asiam secum reduxit. prosecutæ
 cedit. etiam apertæ Atheniensium naves sunt. ⁴⁶ Ægeο mari tra-
 jecit. Eodem Timasirates Rhodius cum duabus quadrire-
 mibus ab Samo nocte intempesta venit: deductusque ad
 Æmilium, præsidii caussa se missum, ait, quod eam oram
 maris infestam onerariis regiæ naves excursionibus crebris
 ab Hellesponto atque Abydo facerent. Trajicienti Æmilio
 a Chio Samum duæ Rhodiæ quadriremes missæ obviam ab
 Livio, et rex Eumenes cum duabus quinqueremibus occur-
 rit. Samum postquam ventum est, accepta a Livio classe,
 et sacrificio, ut adsolet, rite facto, Æmilium consilium advo-
 cavit. Ibi C. Livius, (is enim est primus rogatus senten-
 tiam) *Neminem fidelius dare posse consilium, dixit, quam eum,*
qui id alteri suaderet, quod ipse, si in eodem loco esset, factu-
rus fuerit. Se in animo habuisse, tota classe Ephesum petere,
et onerarias ducere multa suburra gravatas, atque eas in fauci-
bus portus subprimere. et ⁴⁷ *eo minoris molimenti ea claustra*
esse, quod, in fluminis modum, longum, et angustum, et vado-
sum ostium portus sit. Ita ademturum se maris usum hostibus
fuisse, inutilemque classem facturum.

XV. Nulli ea placere sententia. Eumenes rex quæsivit,
Quid tandem? ubi demersis navibus frenassent ⁴⁸ *claustra ma-*
ris, utrum libera sua classe abscessuri inde forent ad opem fe-
rendam sociis, terroremque hostibus præbendum? an nihilomi-

⁴⁵ Cum præfecto Epicrate Rhodiorum] Lege cum Perizonio, Epicrate Rhodio. Sic et infra, c. 15. Epicrates Rhodius. Præfectus Rhodiorum erat Eudamus. Sed hic Epicrates præfectus est a C. Livio quatuor navibus missis ad fretum Cephallenia tuendum.

⁴⁶ Ægeο mari trajecit. Eodem Timasirates . . . venit] Dubitari non potest, quin hic desit nomen loci, quo trajecisse Regillum, venisse Timasirates dicitur. Illud suggerunt ea quæ sequuntur: trajicienti Æmilio a Chio

Samum. Itaque legamus hic: Ægeο mari Chium trajecit.

⁴⁷ * Eo minoris molimenti ea claustra esse] Eo minore difficultate claudi et obstrui hoc modo portus ostium posse.

⁴⁸ * Claustra maris] Claustra intelli- gi sæpe debent angustia adituum, sive terrestres, ut l. XXXII. c. 21. claustris . . . inexpugnabilibus super Aoum amnem, sive maritimæ, ut hoc loco.

nus tota classe portum obsessuri? Sive enim abscedant, cui du- U. C. 562.
bium esse, quin hostes extracturi demersas moles sint, et minore A. C. 190.
molimento aperturi portum, quam obstruatur? Sin autem man-
endum ibi nihilominus sit, quid adtinere, claudi portum?
Quin contra, illos, tutissimo portu, opulentissima urbe fruen-
tes, omnia Asia præbente, quieta æstiva acturos: Romanos,
aperto in mari fluctibus tempestatibusque objectos, omnium ino-
pes, in assidua statione futuros: ipsos magis adligatos inpeditos-
que, ne quid eorum, quæ agenda sint, possint agere, quam ut hos-
tes clausos habeant. Eudamus, præfectus Rhodiæ classis, magis eam sibi displicere sententiam ostendit, quam ipse, quid censeret faciendum, dixit. Epicrates Rhodius, *Omissa in præsentia Epheso, mittendam navium partem in Lyciam, censuit, et Patara, caput gentis, in societatem adjungenda. in duas res magnas id usui fore. et Rhodios, pacatis contra insulam suam terris, totis viribus incumbere in unius belli, quod adversus Antiochum sit, curam posse: et eam classem, quæ in Lycia compareretur, intercludi, ne Polyxenidæ conjungatur.* Hæc maxime movit sententia. placuit tamen, Regillum tota classe evehi ad portum Ephesi, ad inferendum hostibus terrorem.

XVI. C. Livius cum duabus quinqueringibus Romanis, Livius mittitur in Lyciam.
 et quatuor quadriremibus Rhodiis, et duabus apertis Smyrnæis, in Lyciam est missus, Rhodum prius jussus adire, et omnia cum iis communicare consilia. Civitates, quas prætervectus est, Miletus, Myndus, Halicarnassus, Cnidus, Cous, imperata enise fecerunt. Rhodum ut est ventum, simul et, ad quam rem missus esset, iis exposuit, et consuluit eos. Adprobantibus cunctis, et ad eam, quam habebat, classem adsumtis tribus quadriremibus, navigat Patara. Primo secundus ventus ad ipsam urbem ferebat eos; sperabantque, subito terrore-aliquid moturos. postquam, circum-agentes se vento, fluctibus dubiis volvi cœptum est mare, pervicerunt quidem remis, ut tenerent terram: sed neque circa urbem tuta statio erat, nec ante hostium portus in salo stare poterant, aspero mari, et nocte imminente. Prætervecti mœnia portum ⁴⁹Phœnicunta, minus duûm millium spatio inde distantem, petiere, navibus ab^a maritima vi tutum: sed altæ rupes insuper imminebant, quas celeriter oppidani, adsumtis regiis militibus, quos in præsidio habebant, ceperunt. adversus quos Livius, quamquam erant iniqua ac difficilia ad exitus loca, Issæos auxiliares et Smyr-

^a Gron. Crev.

⁴⁹ Phœnicunta] Andræ editio Phœnicum: Thuanæus codex, teste Jac. Gronovio, Paniceum. Sane Phœnicus portus, de quo mentio fit l. XXXVI. extremo, nihil huc pertinet, in Ery-

thræa terra positus, longe ab Lyciæ ora, de qua hic agitur. Legit ergo Jac. Gronovius Phellum, urbem et portum non longe distantem a Pataris, testibus Scylace et Strabone.

U. C. 562. nāorum expeditos juvenes misit. Ii, dum missilibus primo
 A. C. 190. et adversus paucos levibus excursionibus lacescebatur magis,
 quam conserebatur, pugna, sustinuerunt certamen: post-
 quam plures ab urbe adfluebant, et jam omnis multitudo
 effundebatur, timor incessit Livium, ne et auxiliares cir-
 cumvenirentur, et navibus etiam ab terra periculum esset:
 ita non milites solum, sed etiam ⁵⁰ navales socios, remigum
 turbam, quibus quisque poterat telis, armatos in praelium
 eduxit. Tum quoque anceps pugna fuit; neque milites so-
 lum aliquot, sed L. Apustius tumultuario praelio cecidit.
 postremo tamen fusi fugatique sunt Lycii, atque in urbem
 compulsi: et Romani cum haud incruenta victoria ad naves
 redierunt. Inde in Telmessicum^r profecti sinum, qui latere
 uno Cariam, altero Lyciam contingit, ommissa Patara am-
 plius tentandi spe, Rhodii domum dimissi sunt. Livius,
 prætervectus Asiam, in Græciam transmisit, ut, conventis
 Scipionibus, qui tum circa Thessaliam erant, in Italiam tra-
 jiceret.

Æmilius
 tota classe
 proficisci-
 tur in Ly-
 ciam.

XVII. Æmilius, postquam omissas in Lycia res, et Li-
 vium profectum in Italiam cognovit, quum ipse ab Epheso,
 repulsus tempestate, irrito incepto Samum revertisset, turpe
 ratus, tentata frustra Patara esse, proficisci eo tota classe, et
 summa vi adgredi urbem statuit. Miletum et ceteram oram
 sociorum prætervecti, in Bargylitico^s sinu exscensionem
 ad Jassum fecerunt. Urbem regium tenebat præsidium:
 agrum circa Romani hostiliter depopulati sunt. Missis
 deinde, qui per conloquia principum et magistratum ten-
 tarent animos, postquam nihil in potestate sua responderunt
 esse, ad urbem obpugnandam ducit. Erant Jassensium ex-
 sules cum Romanis: ii frequentes Rhodios orare institerunt,
Ne urbem, et vicinam sibi, et cognatam, innoxiam perire sine-
rent. Sibi exsilii nullam aliam causam esse, quam fidem
erga Romanos. Eadem vi regionum, qua ipsi pulsi sint, teneri
eos, qui in urbe maneat. omnium Jassensium unam mentem
esse, ut servitutem regiam effugerent. Rhodii, moti precibus,
 Eumene etiam rege adsumto, simul suas necessitudines
 commemorando, simul ⁵¹obsessæ regio præsidio ⁵²urbis ca-
 sum miserando, pervicerunt, ut obpugnatione absisteretur.

^r Telmessicum Gron. Crev.

^s Bargylitico Crev.

⁵⁰ Navales socios, remigum tur-
 bam] Duæ postremæ voces sapiunt
 glossema, quod e margine in contex-
 tum irrepperit. * Navales socii inter-
 dum sunt nautæ ac remiges, interdum
 milites tuendis navibus attributi. Vid.
 not. 27. ad XXI. 49. Si prior sensus
 hic locum habet, hoc membrum, *re-*
migum turbam, inutile additamentum
 est; si posterior, lege et remigum tur-

bam.

⁵¹ Obsessæ regio præsidio urbis] Ur-
 bis, quæ sui juris non esset ob regium
 præsidium.

⁵² Urbis casum] Sic legendum esse
 monstravit Jac. Gronovius ex tribus
 scriptis; quibus accedit unus Hearnii,
 et Vict. codex, et Andreæ editio. Vul-
 go *urbis causam*.

Profecti inde, ⁵³pacatis ceteris, quum oram Asiæ legerent, U. C. 562.
 Loryma (portus adversus Rhodum est) pervenerunt. Ibi ⁵⁴in A. C. 190.
 principiis sermo primo inter tribunos militum secretus
 oritur, deinde ad aures ipsius Æmilii pervenit, abduci clas-
 sem ab Epheso, ab suo bello: ut ab tergo liber relictus
 hostis in tot propinquas sociorum urbes omnia inpune conari
 posset. Movere ea Æmilium: vocatosque Rhodios quum
 percunctatus esset, utrumnam Pataris universa classis in
 portu stare posset, quum respondissent, non posse; caussam
 nactus omittendæ rei, Samum reduxit^t naves.

Repetit Sa-
 mum.

XVIII. Per idem tempus Seleucus, Antiochi filius, quum
 per omne hibernorum tempus exercitum in Æolide continu-
 isset, partim sociis ferendo opem, partim, quos in societa-
 tem perlicere non poterat, depopulandis, transire in fines
 regni Eumenis, dum is procul ab domo cum Romanis et
 Rhodiis Lyciæ maritima obpugnaret, statuit. Ad Elæam
 primo infestis signis accessit: deinde, omissa obpugnatione
 urbis, agros hostiliter depopulatus, ad caput arcemque regni
 Pergamum ducit ⁵⁵obpugnandum^u. Attalus primo, stationi-
 bus ante urbem positis, et excursionibus equitum levisque
 armaturæ, magis lacessebat, quam sustinebat, hostem. post-
 remo, quum, per levia certamina expertus, nulla parte vi-
 rium se parèem esse, intra mœnia se recepisset, obsideri urbs
 cœpta est. Eodem ferme tempore et Antiochus, ab Apa-
 mea profectus, Sardibus primum, deinde, haud procul Se-
 leuci castris, ad caput Caici amnis stativa habuit, cum
 magno exercitu mixto variis ex gentibus. Plurimum ter-
 roris in Gallorum mercede conductis quatuor millibus erat.
 hos, paucis admixtis, ad pervastandum passim Pergame-
 num agrum misit. Quæ postquam Samum sunt nunciata,
 primo Eumenes, advocatus domestico bello, cum classe Elæ-
 am petit: inde, quum præsto fuissent equites peditumque
 expediti, præsidio eorum tutus, priusquam hostes sentirent,
 aut moverentur, Pergamum contendit. ibi rursus levia per
 excursiones prælia fieri cœpta, Eumene summæ rei discri-
 men haud dubie detrectante. Paucos post dies Romana
 Rhodiaque classis, ut regi opem ferrent, Elæam ab Samo
 venerunt. Quos ubi exposuisse copias Elææ, et tot classes
 in unum convenisse portum, Antiocho adlatum est; et sub
 idem tempus audivit, consulem cum exercitu jam in Mace-
 donia esse, pararique, ⁵⁶quæ ad transitum Hellesponti opus

Seleucus
 Antiochi
 F. Perga-
 mum ob-
 pugnat.

^t reducit Crev. ^u oppugnandam Gron.

53 * Pacatis ceteris] Quum cetera
 oppida, loca, præter Jassum, pacata
 essent et amica Romanis.

54 In principiis] Vid. not. 65. ad l.
 VII. c. 12. supra.

55 Oppugnandum] Sigonius legi
 jusserat oppugnandam. Sed id quod
 edidimus tuentur libri Modio inspecti,
 et noster Vict. et Andreas.

56 Quæ . . . opus essent] Vocem

U. C. 562.
A. C. 190.
Antiochus
de pace
agit.

essent; tempus venisse ratus, prius, quam terra marique simul urgueretur, agendi de pace, tumultum quemdam adversus Elæam castris cepit. ibi peditum omnibus copiis relictis, cum equitatu (erant autem sex millia equitum) in campos sub ipsa Eleææ mœnia descendit, misso caduceatore ad Æmilium, velle se de pace agere.

Renuit Æ-
milius.

XIX. Æmilium, Eumene a Pergamo adcito, adhibitis et Rhodiis, consilium habuit. Rhodii haud adspernari pacem: Eumenes, *nec honestum esse, dicere, eo tempore de pace agi; nec exitum rei inponi posse.* Qui enim, inquit, aut honeste, *inclusi mœnibus et obsessi velut^u, leges pacis accipiemus? aut cui rata ista pax erit, quam sine consule, non ex auctoritate senatus, non jussu^x populi Romani⁵⁷ pepigerimus?* Quæro enim pace per te facta, rediturusne extemplo in Italiam sis, classem exercitumque deducturus? an expectaturus, quid de ea re consuli placeat, quid senatus censeat, aut populus jubeat? Restat ergo, ut maneat in Asia, et rursus in hiberna copiæ reductæ, omisso bello, exhauriant commeatibus præbendis socios: deinde (si ita visum sit iis, penes quos potestas fuerit) instauremus novum de integro bellum: quod possumus, si ex hoc inpetu rerum nihil prolatando remittitur, ante hiemem, Diis volentibus, perfecisse. Hæc sententia vicit, responsumque Antiocho est, ante consulis adventum de pace agi non posse. Antiochus, pace nequidquam tentata, evastatis^z Elæensium primum, deinde Pergamenum agris, relicto ibi Seleuco filio, ⁵⁸Adramytteum hostiliter itinere facto, petit agrum opulentum, quem vocant ⁵⁹Thebes campum, carmine Homeri nobilitatum. neque alio ullo loco Asiæ major regiis militibus parta est præda. ⁶⁰Eodem Adramytteum, ut urbi præsidio essent, navibus circumvecti, Æmilium et Eumenes venerunt.

Achæi
Pergamum
intromissi.

XX. Per eosdem forte dies Elæam ex Achaia mille pedites cum centum equitibus, Diophanē omnibus his copiis præposito, accesserunt. quos egressos navibus obviam missi ab Attalo nocte Pergamum deduxerunt. Veterani omnes

^u velut del. Gron. Crev. ^x non jussu l. injussu Eæd. ^y peregerimus Gron.
^z vastatis Gron. Crev.

opus, quam desiderabat Sigonius in libris suis, servat Andreas, et Vict. codex.

⁵⁷ Pepigerimus] Verbum solenne et proprium in hac re; quod quum Modius reperiri testetur in MS. Moguntino, et ipsi exstare comperimus in Vict. non dubitavimus recipere. Vulgo peregerimus.

⁵⁸ Adramytteum hostiliter itinere facto, petit agrum] Quum ad urbem Adramytteum hostiliter itinere facto isset, petit agrum opulentum. Mutavimus hujus loci interpunctionem, quæ

in vulgatis vitiosa erat.

⁵⁹ Thebes campum, carmine Homeri nobilitatum] Sæpe mentionem facit Homerus Thebes Eetionææ; de campo Thebes nihil habet, quem et post ejusdem tempora sic nominatum esse Strabo docet l. XIII. p. 612. Hinc Gronovius legit nobilitata, quod referatur ad urbem, non ad campum.

⁶⁰ Eodem Adramytteum] Dele nomen urbis, quod hic interpretamenti loco additum, postea sese in contextum inepte insinuavit. Illud omittit Sigonius, teste Hearnio.

et periti belli erant, et ipse dux Philopœmenis, summi tum U. C. 562.
 omnium Græcorum imperatoris, discipulus. qui biduum si- A. C. 190.
 mul ad quietem hominum equorumque, et ad visendas hos-
 tium stationes, quibus locis temporibusque accederent reci-
 perentque sese, sumserunt. Ad radices fere collis, in quo
 posita est urbs, regii succedebant. ita libera ab tergo popu-
 latio erat, nullo ab urbe, ne in stationes quidem qui procul
 jacularetur, excurrente. Postquam semel compulsi metu
 se mœnibus incluserunt, contemptus eorum, et inde negligen-
 tia, apud regios oritur; non stratos, non ⁶¹ infrenatos magna
 pars habebant equos. paucis ad arma et ordines relictis,
 dilapsi ceteri sparserant se toto passim campo, pars in juve-
 nales² lusus lasciviamque versi, pars vescentes sub umbra,
 quidam somno etiam strati. Hæc Diophanes ex alta urbe
 Pergamo contemplatus, arma suos capere, et ad jussa^a
 præsto esse jubet: ipse Attalum adiit, et in animo sibi esse
 dixit, hostium stationem tentare. Ægre id ⁶² permittente
 Attalo, quippe qui centum equitibus adversus trecentos,
 mille peditibus cum quatuor millibus pugnatorum cerneret,
 porta egressus, haud procul statione hostium, occasionem
 opperiens, consedit. Et qui Pergami erant, amentiam ma- Achæi Per-
gamo
erumpunt.
 gis, quam audaciam credere esse: et hostes, paullisper in
 eos versi, ut nihil moveri viderunt, nec ipsi quidquam ex
 solita negligentia, insuper etiam eludentes paucitatem, mu-
 tarunt. Diophanes quietos aliquamdiu suos, velut ad spec-
 taculum modo eductos, continuit: postquam dilapsos ab
 ordinibus hostes vidit, peditibus, quantum accelerare pos-
 sent, sequi jussis, ipse princeps inter equites cum turma sua,
 quam posset effusissimis habenis, clamore ab omni simul
 pedite atque equite sublato, stationem hostium inproviso
 invadit. Non homines solum, sed equi etiam territi, quum
 vincula abruptissent, trepidationem et tumultum inter suos
 fecerunt; pauci stabant inpavidi equi: eos ipsos non ster-
 nere, non infrenare, aut adscendere facile poterant, multo
 majorem, quam pro numero equitum, terrorem Achæis infe-
 rentibus. Pedites vero ordinati et præparati sparsos per
 negligentiam, et semisomnos^b prope adorti sunt: cædes
 passim fugaque per campos facta est. Diophanes, secutus
 effusus, ⁶³ quoad tutum fuit, magno Achæorum genti decore

² juveniles Gron. Crev.^a portam Eæd.^b semisomnes Eæd.

61 *Infrenatos*] Nota hic *infrenatos*
 eodem sensu, quo *frenatos*, quamvis l.
 XXI. c. 44. opposuerit *equites frenatos*,
 et *infrenatos*. Nec vitiosam hic esse
 vocem probant hæc verba hujusce ip-
 sius capitis infra: *non sternere* (equos)
non infrenare aut ascendere facile pot-
erant. Verbo *infrenare* usus quoque
 Virgilius est, *Æn.* l. XII. v. 287. et

Plin. l. IX. c. 31. et l. XXXII. c. 1.

62 *Permittente Attalo*] Andreas *per-*
mittere Attalus: quod non immerito
 placuit Gronovio.

63 *Quod tutum*] Hæc ipsa est cod.
 Victorini, et Andreæ lectio: ut repo-
 suerat jam Sigonius, quum vitiose le-
 geretur *quoad totum*.

U. C. 562. parto, (spectaverant enim e mœnibus Pergami non viri modo,
A. C. 190. sed feminæ etiam) in præsidium urbis rediit.

Alterâ
eruptio.

Pergami
obsidio sol-
vitur.

XXI. Postero die regiæ, magis compositæ et ordinatæ, stationes quingentis passibus longius ab urbe posuerunt castra: et Achæi eodem ferme tempore, atque in eundem locum processerunt. Per multas horas intenti utrimque velut jam futurum inpetum expectavere: postquam haud procul occasu solis redeundi in castra tempus erat, regii signis conlatis abire agmine, ad iter magis, quam ad pugnam, composito, cœpere. Quievit Diophanes, dum in conspectu erant. deinde eodem, quo pridie, inpetu in postremum agmen incurrit; tantumque rursus pavoris ac tumultus incussit, ut, quum terga cæderentur, nemo pugnandi causa restiterit. trepidantesque, et vix ordinem agminis servantes, in castra compulsi sunt. Hæc Achæorum audacia Seleucum ex agro Pergameno movere castra coëgit. Antiochus, postquam Romanos et Eumenum ad tuendum Adramytteum venisse audivit, ea quidem urbe abstinuit, depopulatus agros. ⁶⁴Peræam inde, coloniam Mitylenæorum, expugnavit. Cotton, et Corylenus, et Aphrodisias, et Crene, primo inpetu captæ sunt. inde per Thyatira Sardes, rediit. Seleucus, in maritima ora permanens, aliis terrori, aliis præsidio erat. Classis Romana cum Eumene Rhodiisque Mitylenen primo, inde retro, unde profecta erat, Elæam rediit. Inde Phocæam petentes ad insulam, quam Bachiū vocant, (inminet urbi Phocæensium) adpulerunt, et, quibus ante abstinerant templis signisque, (egregie autem exornata insula erat) quum hostiliter diripuissent, ad ipsam urbem transmiserunt. eam divisim inter se partibus quum obpugnarent, et viderent, ⁶⁵sine operibus, armis sealisque capi non posse; missum ab Antiocho præsidium trium millium armatorum quum intrasset urbem; extemplo, obpugnatione omissa, classis ad insulam se recepit, nihil aliud quam depopulato circa urbem hostium agro.

XXII. Inde placuit Eumenum domum dimitti, et præparare consuli atque exercitui, quæ ad transitum Hellespontii opus essent: Romanam Rhodiamque classem redire Sa-

⁶⁴ *Peræam*] Andreas habet *Pheæam*: Victor. liber et *feræam*: in Thuan. codice legisse se Jac. Gronovius affirmat et *peream*. Inde ille efficit *Eupatriam*, urbem Mysiæ, memoratam Stephano. *Peræa* regio est, non oppidum. Sed et in iis quæ sequuntur nominibus magna est difficultas. *Cotton* et *Corylenus* nomina prorsus ignota sunt. Pro *Corylenus* non inepte reponit Dujatius *Doryleum*, ut-

bem Phrygiæ. *Aphrodisias* in Caria nota est, sed nihil huc attinet. Pro *Crene* Andreas habet *Prienne*: Gileareanus reperiebat in suis *Priene*, pro quo nomine suspicatur reponi posse *Pitane*, quæ urbs est Mysiæ.

⁶⁵ *Sine operibus, armis sealisque capi non posse*] Non posse vi sola armorum, et per scalas impetu capi, sed necessarium fore ut operibus oppugnaretur.

mum, atque ibi in statione esse, ne Polyxenidas ab Epheso U. C. 562. moveret. Rex Elæam, Romani et Rhodii Samum redierunt. A. C. 190. Ibi M. Æmilius, frater prætoris, decessit. Rhodii celebra-^{Rhodiæ na-} tis exsequiis, adversus classem, quam fama erat ex Syria^{ves adver-} venire, tredecim suis navibus, et una Coa quinquere-^{sus classem} tera Gnidia, Rhodum, ut ibi in statione essent, profecti^{Syriacam} sunt. Biduo ante, quam Eudamus cum classe a Samo^{profiscun-} veniret, tredecim a Rhodo naves cum Pamphilida præfecto adversus eandem Syriacam classem missæ, adsumtis navi-^{tur.} bus quatuor, quæ Cariæ præsidio erant, obpugnatis regiis, ⁶⁶Dædala et quædam alia parva castella obsidione ex-
emerunt. Eudamum confestim exire placuit. additæ huic quoque sunt ad eam classem, quam habebat, sex apertæ na-
ves. Profectus quum, quantum adcelerare poterat, matu-
rasset, ad portum, quem Megisten vocant, prægressos con-
sequitur. inde uno agmine Phaselidem quum venissent, op-
timum visum est, ibi hostem opperiri.

XXIII. In confinio Lyciæ et Pamphyliae Phaselis est: Phaselis.
prominet penitus in altum, conspiciturque prima terrarum
Rhodum a Cilicia petentibus, ⁶⁷et procul navium præbet
prospectum. eo maxime, ut in obvio classi hostium essent,
electus locus est. Ceterum, quod non providerunt, et
loco gravi, et tempore anni, (medium enim ætatis erat)
ad hoc insolito odore ingruere morbi vulgo, maxime in
remigis, cœperunt. cujus pestilentiae metu profecti, quum
præterveherentur Pamphylium sinum, ad Eurymedontem
annem adpulsa classe, ⁶⁸audiunt ab Aspendiis, ad Sidam
jam hostes esse. Tardius navigaverant regii, ⁶⁹adverso
tempore Etesiarum, quod velut statum Favoniis ventis
esset. Rhodiorum duæ et triginta quadriremes, et^c qua-
tuor triremes fuere. Regia classis septem et triginta ma-

^c et del. Gron. Crev.

⁶⁶ *Dædala, et quædam alia parva castella*] Jac. Gronovius legit et quædam alia Perææ castella. Eo ducunt Thuan. et Victor. codices, qui habent peræa vel per ea castella. *Peræa est regio Cariæ, quæ Rhodiorum juris erat. Vid. supra XXXIII. 18.

⁶⁷ *Et procul*] Et facultatem præbet prospiciendi e longinquo naves.

⁶⁸ *Audiunt ab Aspendiis*] Ex Aspendiis, quorum urbs est ad Eurymedontem haud procul ab ostio fluminis, cognoscunt Rhodii, hostes jam esse ad Sidam, propinquam urbem.

⁶⁹ *Adverso tempore Etesiarum*] Quum adversum iis esset tempus Etesiarum, id est, quum eo tempore anni navigarent, quo adversos Etesias ventos experirentur; quod quidem tempus sta-

tum est Favoniis ventis, sive ventis ab Occasu flantibus, qui singulis annis circa æstivum solstitium surgere incipiunt. Etesias venti sunt, qui semper eodem tempore anni exsurgunt: unde et illis nomen. ἱπέρτος enim est anniversarius ab ἴσος annus. Qua autem ex parte cœli spirent, magna inter scriptores controversia est. Cellarius, lib. I. Geographiæ Antiquæ, c. 8. probat Etesias proprie eos dici ventos, qui flant ex ea cœli parte, quæ inter Occasum et Septentrionem est, circa solstitii tempus. Hanc opinionem firmat tum aliis testimoniis allatis, tum ex Cic. ad Att. l. VI. ep. 7. et ad Fam. l. XII. ep. 25. ex Tacito, l. II. Hist. c. 98. &c.

U. C. 562. joris formæ navium erat, ⁷⁰ in quibus tres hepteres et
 A. C. 190. quatuor hexeres habebat. præter has decem triremes
 erant. ⁷¹ et hi^d adesse hostes ex specula quadam cog-
 novere. Utraque classis postero die luce prima, tamquam

Pugna inter
 regios et
 Rhodios.

Rhodiî promontorium, quod ab Sida prominet in altum, ex-
 templo et conspecti ab hostibus sunt, et ipsi eos viderunt.
⁷² Ab regiis^e sinistro cornu, quod ab alto objectum erat,
 Hannibal, dextro Apollonius, purpuratorum unus, præerat.
 et jam in frontem directas habebant naves. Rhodiî longo
 agmine veniebant. prima prætoria navis Eudami erat; co-
 gebat agmen Chariclitus; Pamphilidas mediæ classi præ-
 erat. Eudamus, postquam hostium aciem instructam et pa-
 ratam ad concurrendum vidit, et ipse in altum evehitur, et
 deinceps, quæ sequebantur, servantes ordinem in frontem
 dirigere jubet. Ea res primo tumultum præbuit. nam nec
 sic in altum evectus erat, ut ordo omnium navium ad ter-
 ram explicari posset: et festinans ipse præpropere cum
 quinque solis navibus Hannibali obcurrit. ceteri, quia in
 frontem dirigere jussi erant, non sequebantur. Extremo
 agmini loci nihil ad terram relictum erat; trepidantibusque iis
 inter se, jam in dextro cornu adversus Hannibalem pugna-
 batur.

Vincunt
 Rhodiî.

XXIV. Sed momento temporis et navium virtus, et usus
 rei maritimæ terrorem omnem Rhodiis demisit. nam et in
 altum celeriter evectæ naves locum post se quæque venienti
 ad terram dedere; et, si qua concurrerat rostro cum hos-
 tium navi, aut proram lacerabat, aut remos detergebat, aut,
 libero inter ordines discursu prætervecta, in puppim inpe-
 tum dabat. maxime exterruit heptervis regia, a multo minore
 Rhodia nave uno ictu demersa. Itaque jam haud dubie
 dexterum cornu hostium in fugam inclinabat. Eudamum
 in alto, multitudine navium maxime Hannibal, ceteris om-
 nibus longe præstantem, urgebat: et circumvenisset, ni,
 signo sublato ex prætoria nave, (quo dispersam classem in
 unum colligi mos erat) ⁷³ omnes, quæ in dextro cornu vice-

^d alii Gron.

^e regio Ead.

⁷⁰ In quibus tres hepteres . . habebat] Ultimam vocem merito delet Gronovius.

⁷¹ Et hi adesse hostes] Et hi, id est, regii quoque cognoverunt adesse hostes, quemadmodum Rhodiî ab Aspendiis audierant hostes vicinos esse. Vulgo legitur et alii: male. Andreas, et Moguntina editio, et unus e MSS. Hearnii, præferunt et ii: quæ proba lectio est. Sed melius adhuc noster Victor. et hi, quomodo edidimus.

⁷² Ab regiis] Vulgo ab regio. Modius testatur legi in MSS. suis quomodo edi curavimus.

⁷³ Omnes quæ in dextro cornu vice-rant] Imo in lævo, vel, si levior mutatio placet, in altero. Nam in iis quæ proxime præcedunt, dextrum cornu hostium inclinasse dicitur. Ergo ab Rhodiis lævum cornu vicerat. Totâ prælii narratio id probat. Simile Livii, sive librariorum erratum tum alibi jam aliquoties notavimus, tum l.

rant, naves ad opem ferendam suis concurrissent. tum et ^{U. C. 562.} Hannibal, quæque circa eum erant naves, capessunt fugam: ^{A. C. 190.} nec insequi Rhodii, ex magna parte ægris, et ob id celerius fessis remigibus, potuerunt. Quum in alto, ubi substiterant, cibo reficerent vires, contemplatus Eudamus hostes, claudas mutilatasque^f naves apertis navibus remulco trahentes, viginti paullo amplius integras abscedentes, e turri prætoriae navis silentio facto, *Exsurgite*, inquit, *et egregium spectaculum capessite oculis!* Consurrexere omnes, contemplatique ⁷⁴trepidationem fugamque hostium, prope una voce exclamavere omnes, ut sequerentur. Ipsi Eudami multis ictibus vulnerata navis erat. Pamphilidam et Chariclitum insequi, quoad putarent tutum, jussit. Aliquamdiu secuti sunt: postquam terræ adpropinquabat Hannibal, veriti ne includerentur vento in hostium ora, ad Eudamum revecti, ⁷⁵hepterem captam, quæ primo concursu icta erat, ægre Phaselidem pertraxerunt. inde Rhodum, non tam victoria læti, quam alius alium accusantes, quod, quum potuisset, non omnis submersa aut capta classis hostium foret, redierunt. ⁷⁶Hannibal, ictus uno prælio adverso, ne tum quidem prætervehi Lyciam audebat, quum conjungi veteri regiae classi quamprimum cuperet. Et, id ne ei facere liberum esset, Rhodii Chariclitum cum viginti navibus rostratis ad Patara et Megisten portum miserunt. Eudamum cum septem navibus maximis ex ea classe, cui præfuerat, Samum redire ad Romanos jusserunt; ut, quantum consilio, quantum auctoritate valeret, compelleret Romanos ad Patara obpugnanda.

XXV. Magnam lætitiā Romanis jam prius nuncius victoriæ, deinde adventus adtulit Rhodiorum. et adparebat, si ea cura Rhodiis demta esset, vacuos eos tuta ejus regionis maria præstatu-⁷⁷ros. sed, profectio Antiochi ab Sardibus, ne obprimerentur urbes maritimæ, ⁷⁷abscedere custodia Io-

^f *mutilasque Crev.*

XXXIII. c. 9. Vid. et not. ad l. XXVII. c. 48.

⁷⁴ *Trepidationem*] Aliquot MSS. inter quos Victorinus, dubitationem de hoc loco movent, pro *trepidationem* substituentes *expugnationem*. Inde Jac. Gronovius legi posse putat *exsternationem*. Nobis magis placet in vulgato acquiescere.

⁷⁵ *Hepterem . . . quæ primo concursu icta erat*] Vel aliam hepterem intellige, quam quæ initio prælii demersa dicitur: vel in illo priore loco demersa nihil aliud erit, quam ita perforata, ut aquam acciperet, et paulum sideret.

⁷⁶ *Annibal . . . ne tum quidem*

prætervehi Lyciam audebat] Hoc absurdum est: quasi vero clades accepta animos Annibali facere debuisset ad peragendum inceptum. Vitium residere videtur in verbo *audebat*. Sed sine libris nihil conamur. Hanc fuisse Livii mentem arbitramur, ut diceret Annibalem, quamvis prælio adverso ictum, ne tam improspere quidem successu deterritum esse, quominus Lyciam prætervehi in animo haberet.

⁷⁷ *Abscedere custodia . . . prohibuerunt*] Romani prohibuerunt Rhodios abscedere custodia Ionæ et Æolidis. Ceterum multo melius et planius tota periodus in hunc modum formaretur:

U. C. 562.
A. C. 190.

Antiochus
Prusiam ad
bellum con-
citat.

Prusias a
Rom. ad
pacis consi-
lia revoca-
tur.

Antiochus
it ad clas-
sem.

niæ atque Æolidis prohibuit^f. Pamphilidam cum quatuor navibus tectis ad eam classem, quæ circa Patara erat, miserunt. Antiochus non civitatum modo, quæ circa se erant, contrahebat præsidia; sed ad Prusiam, Bithyniæ regem, miserat legatos literasque, quibus transitum in Asiam Romanorum increpabat: *Venire eos ad omnia regna tollenda, ut nullum usquam orbis terrarum, nisi Romanum, imperium esset. Philippum et Nabin expugnatos; se tertium peti. ut quisque proximus ab obpresso sit, per omnes velut continens incendium pervasurum. Ab se gradum in Bithyniam fore, quando Eumenes in voluntariam servitutem concessisset.* His motum Prusiam literæ Scipionis consulis, sed magis ejus fratris Africani, ab suspitione tali averterunt: qui, præter consuetudinem perpetuam populi Romani augendi omni honore regum sociorum majestatem, domesticis ipse exemplis Prusiam ad promerendam amicitiam suam compulit. *Regulos se acceptos in fidem in Hispania reges reliquisse. Masinissam non in patrio modo locasse regno, sed in Syphacis, a quo ante expulsus fuisset, regnum inposuisse. et esse eum non Africæ modo regum longe opulentissimum, sed toto in orbe terrarum cuivis regum vel majestate, vel viribus parem. Philippum et Nabin, hostes bello superatos ab T. Quinctio, tamen in regno relictos. Philippo quidem anno priore etiam stipendium remissum, et filium obsidem redditum: et quasdam civitates extra Macedoniam, patientibus Romanis imperatoribus, recepisse eum. In eadem dignitate et Nabin futurum fuisse, nisi eum suus primo furor, deinde fraus Ætolorum absumsisset.* Maxime confirmatus est animus regis, postquam ad eum C. Livius, qui prætor ante classi præfuerat, legatus ab Roma venit, et edocuit; quanto et spes victoriæ certior Romanis, quam Antiocho, et amicitia sanctior firmiorque apud Romanos futura esset.

XXVI. Antiochus, postquam a spe societatis Prusiæ decidit, Ephesum ab Sardibus est profectus ad classem, quæ per aliquot menses instructa ac parata fuerat, visendam; magis quia terrestribus copiis exercitum Romanum et duos Scipiones imperatores videbat sustineri non posse; quam quod res navalis ipsa per se aut tentata sibi umquam felicit, aut tunc magnæ et certæ fiduciæ esset. Erat tamen⁷⁸ momentum in præsentia spei, quod et magnam partem Rho-

^f profecto Antiocho. prohibuerunt Gron. Crev.

sed profectio Antiochi ab Sardibus . . . abscedere (Rhodios) custodia Ionici atque Æolidis prohibuit. Et sic plane Modii membranæ et Andreas, nisi quod retinuerunt ^{et} prohibuerunt, quod manifesta ratione corrigi in hac

orationis mutatione necesse est. Victor. quoque codex præfert Antiochi, non Antiocho.

⁷⁸ * Momentum . . spei] Aliquid quod ad spem impelleret: nempe quod &c.

diæ classis circa Patara esse, et Eumenem regem cum om- U. C. 562.
 nibus navibus suis consuli obviam in Hellespontum profec- A. C. 190.
 tum audierat. aliquid etiam inflabat animos classis Rhodia,
 ad Samum per occasionem fraude præparatam absunta.
 His fretus, Polyxenida cum classe ad tentandam omni mo-
 do certaminis fortunam misso, ipse copias ad Notium du-
 cit: id oppidum Colophonium, mari imminens, abest a ve-
 tere Colophone duo ferme millia passuum: ⁷⁹et ipsam ur-
 bem suæ esse potestatis volebat, adeo propinquam Epheso,
 ut nihil terra marive ageret, quod non subjectum oculis
 Colophoniorum, ac per eos notum extemplo Romanis esset:
 quos, audita obsidione, non dubitabat ad opem ferendam
 sociæ urbi classem a Samo moturos. eam occasionem Poly-
 xenidæ ad rem gerendam fore. Igitur, operibus obpug- Colopho-
 nare urbem adgressus, et ad mare partibus duabus pariter nem obpug-
 munitionibus deductis, utrimque vineas et aggerem muro nat.
 injunxit, et ⁸⁰testudinibus arietes admovit. Quibus territi
 malis Colophonii oratores Samum ad L. Æmiliū, fidem
 prætoris populique Romani inplorantes, miserunt. Æmi-
 lium et Sami segnis diu mora obfendebat, nihil minus opi-
 nantem, quam Polyxenidam, bis nequidquam ab se provo-
 catum, potestatem pugnæ facturum esse: et turpe existima-
 bat, Eumenis classem adjuvare consulem ad trajiciendas in
 Asiam legiones; se Colophonis obsessæ auxilio, incertam^e
 finem habituro, adligari. Eudamus Rhodius, qui et tenuerat
 eum Sami, cupientem proficisci in Hellespontum, cunctique
 instare et dicere, *Quanto satius esse, vel socios obsidione exi-
 mere, vel victam jam semel classem iterum vincere^h, totamque
 maris possessionem hosti eripere, quam, desertis sociis, tradita
 Antiocho Asia terra marique, in Hellespontum, ubi satis esset
 Eumenis classis, ab sua parte belli discedere?*

XXVII. Profecti ab Samo ad petendos commeatus, con-
 sumtis jam omnibus, Chium parabant trajicere. id erat hor-
 reum Romanis; eoque omnes ex Italia missæ onerariæ di-
 rigebant cursum. Circumvecti ab urbe ⁸¹ad aversa insulæ
 (objecta aquiloni ad Chium et Erythras sunt) quum para-
 rent trajicere, literis certior fit prætor, frumenti vim mag-
 nam Chium ex Italia venisse; vinum portantes naves
 tempestatibus retentas esse. Simul adlatum est, Teios re-
 giæ classi benigne commeatus præbuisse; quinque millia
 vasorum vini esse pollicitos. Teum ex medio cursu classem Æmilius
 repente avertit, aut volentibus iis usurus commeatu parato Teum petit.

⁷⁹ incertum Crev.

^h vincere iterum Gron. Crev.

⁷⁹ Et ipsam urbem] Colophonem, ut pellebant.
 patet ex iis quæ sequuntur.

⁸⁰ * Testudinibus] Ope testudinum, ⁸¹ Ad aversa insulæ] Ad partem in-
 sulæ Sami aversam ab urbe.

sub quibus latebant ii qui arietem im-

U. C. 562. hostibus, aut ipsos pro hostibus habiturus. Quum direxissent
 A. C. 190. ad terram proras, quindecim ferme eis naves circa Myonnesum adparuerunt, quas primo ex classe regia prætor esse ratus, instituit sequi. adparuit inde, piraticas celoces et lembos esse. Chiorum maritimam oram depopulati, cum omnis generis præda revertentes, postquam videre ex alto classem, ⁸²in fugam verterunt. et celeritate superabant, levioribus et ad id fabrefactis navigiis, et propiores terræ erant. Itaque, priusquam adpropinquaret classis, Myonnesum perfugerunt. unde se a portu ratus abstracturum naves, ignarus loci sequebatur prætor. ⁸³Myonnesus promontorium inter Teum Samumque est. ipse collis est in modum metæ in acutum cacumen a fundo satis lato fastigatus¹: a continenti artæ semitæ aditum habet: a mari exesæ fluctibus rupes claudunt; ita ut quibusdam locis superpendentia saxa ⁸⁴plus in altum, quam, quæ in statione sunt, naves, promineant. Circa ea adpropinquare non ausæ naves, ne sub ictu ⁸⁵superstantium rupibus piratarum essent, diem trivere. tandem, sub noctem vano incepto quum abstitissent, Teum postero die accersere: et, in portu, qui ab tergo urbis est, (Geræsticum ipsi adpellant) navibus constitutis, prætor ad depopulandum circa urbem agrum milites emisit.

Myonnesus.

XXVIII. Teii, quum in oculis populatio esset, oratores cum infulis et velamentis ad Romanum miserunt. quibus purgantibus civitatem omnis facti dictique hostilis adversus Romanos, *et juvisse eos commeatu classem hostium arguit, et quantum vini Polyxenidæ promississent: quæ si eadem classi Romanæ darent, revocaturum se a populatione militem; sin minus, pro hostibus eos habiturum.* Hoc tam triste responsum quum retulissent legati, vocatur in concionem a magistratibus populus, ut, quid agerent, consultarent. ⁸⁶Eo forte Polyxenidas cum regia classe a Colophone profectus, postquam movisse a Samo Romanos audivit, et, ad Myonnesum piratas persecutos, Teiorum agrum depopulari, naves in Geræstico portu stare, ipse adversus Myonnesum in

Polyxenidas ad Marcin.

¹ fastigiatus Gron. Crev.

⁸² *In fugam verterunt*] Naves suas. Nisi forte hic aliquid est vitii.

⁸³ *Myonnesus . . inter Teum Samumque est*] Accuratus videretur Dujatio, inter Teum Labedumque. Atque hoc modo descriptus est situs Myonnesi a Stephano.

⁸⁴ *Plus in altum . . promineant*] Longius porrigantur versus altum mare, quam quæ in statione sunt naves, et ultra eas promineant.

⁸⁵ *Superstantium rupibus*] Vulgo in rupibus. Sustulimus præpositionem,

obsecuti Vict. codici, et uni e MSS. Hearnii, et editioni Andreæ.

⁸⁶ *Eo forte Polyxenidas*] Libenter crediderimus Livium scripsisse, *Eo forte tempore Polyxenidas.* Neque enim eo, id est, versus eam regionem, in qua tum Romani erant, profectus erat: non solverat a Colophone eo consilio, ut Myonnesum aut Teum peteret. Sed in ea loca ideo tantum venit, ut sequatur Romanos, cum quibus configere jussus erat.

insula (Macrin nautici vocant) anchoras portu occulto jecit. U. C. 562. inde ex propinquo explorans, quid hostes agerent, primo in A. C. 190. magna spe fuit, quemadmodum Rhodiam classem ad Samum, circumsessis ad exitum faucibus portus, expugnasset, sic et Romanam expugnaturum. nec est dissimilis natura loci. Promontoriis coëuntibus inter se ita clauditur portus, ut vix duæ simul inde naves possint exire. Nocte occupare fauces Polyxenidas in animo habebat, et, denis navibus ad promontoria stantibus, quæ ab utroque cornu in latera exeuntium navium pugnarent, ex cetera classe, sicut ad Panormum fecerat, armatis in litora expositis, terra marique simul hostes obprimere. quod non vanum ei consilium fuisset, ni, quum Teii facturos se imperata promisissent, ad accipiendos commeatus aptius visum esset Romanis, in eum portum, qui ante urbem est, classem transire. Dicitur et Eudamus Rhodius vitium alterius portus ostendisse, quum forte duæ naves in arto ostio implicitos remos fregissent. et inter alia id quoque movit prætorem, ut traduceret classem, quod ab terra periculum erat, haud procul inde Antiocho stativa habente.

XXIX. Traducta classe ad urbem, ⁸⁷ignaris omnibus, egressi milites nautæque sunt ad commeatus et vinum maxime dividendum in naves; quum medio forte diei agrestis quidam, ad prætorem adductus, nunciat, ⁸⁸*alterum jam diem classem stare ad insulam Macrin, et paullo ante visas quasdam moveri, tamquam ad profectionem, naves.* Re subita percussus prætor tubicines canere jubet, ut, si qui per agros palatii essent, redirent: tribunos in urbem mittit ad cogendos milites nautasque in naves. Haud secus, quam in repentino incendio aut capta urbe, trepidatur, aliis in urbem currentibus ad suos revocandos, aliis ex urbe naves cursu repentibus: incertisque clamoribus (quibus ipsis tubæ obstreperent) turbatis imperiis, tandem concursum ad naves est. Vix suam quisque noscere aut adire præ tumultu poterat: trepidatumque cum periculo et in mari, et in terra foret, ni, partibus divisus, Æmilius, cum prætoria nave primus e portu in altum evectus, excipiens insequentes, suo quamque ordine in frontem instruxisset; Eudamus Rhodiaque classis substitissent ad terram, ut et sine trepidatione conscenderent, et, ut quæque parata esset, exiret navis. Ita et explicuere ordinem primæ in conspectu prætoris, et coactum agmen ab Rhodiis est: instructaque acies, velut cerneret regios, in altum processit. inter Myonnesum et Coryceum

Æmilius
contendit
ad hostem.

⁸⁷ Ignaris omnibus} Omnibus, sive Romanis, sive Rhodiis, ignorantibus tam propinquam hostium classem esse.

⁸⁸ Alterum] Sic vetustius cusi, et MS. Victor. non alterum.

U. C. 562. promontorium erant, quum hostem conspexere. Et regia
A. C. 190. classis, binis in ordinem navibus longo agmine veniens, et ipsa aciem adversam explicuit; tantum lævo evecta cornu, ut amplecti et circumire dexterum cornu Romanorum posset. quod ubi Eudamus, qui cogeat agmen, vidit, non posse æquare^k ordinem Romanos, et tantum non jam circumiri a dextro cornu,⁸⁹ concitat naves; (et erant Rhodiæ^l longe omnium celerrimæ tota classe) æquatoque cornu, prætoriae navi, in qua Polyxenidas erat, suam objecit.

Pugna
commit-
titur.

XXX. Jam totis classibus simul ab omni parte pugna conserta erat. Ab Romanis octoginta naves pugnabant, ex quibus Rhodiæ duæ et viginti erant. Hostium classis undenonaginta navium fuit, et maximæ formæ naves tres hexeres habebat, duas hepteres. Robore navium et virtute militum⁹⁰ Romani longe regiones præstabant: Rhodiæ naves agilitate, et arte gubernatorum, et scientia remigum. Maximo tamen hostibus terrori fuere, quæ ignes præ se portabant: et, quod unum iis ad Panormum circumventis saluti fuerat, id tum maximum momentum ad victoriam fuit. nam metu ignis adversi regiae naves,⁹¹ ne prora concurrerent, quum declinassent, neque ipsæ ferire rostro hostem poterant, et obliquas se ipsæ ad ictus præbebant. et, si qua concurrerat, obruebatur infuso igni; magisque ad incendium, quam ad prælium, trepidabant. Plurimum tamen, quæ solet, militum virtus in bello valuit. mediam namque aciem hostium Romani quum rupissent, circumvecti ab tergo pugnantibus adversus Rhodios regiis sese objicere: momentoque temporis et media acies Antiochi, et lævo in cornu circumventæ naves mergebantur. Dextera pars integra, sociorum magis clade, quam suo periculo, terrebatur. ceterum, postquam alias circumventas, prætoriam navem Polyxenidæ, relictis sociis, vela dantem videre, sublati rap-

Vincunt
Romani.

^k exæquare Gron. Crev.

^l add. naves Fæd.

⁸⁹ Concitat naves; (et erant Rhodiæ naves] Ultimam vocem respuunt Thuan. et Victor. codices: et ingrata hic ejus repetitio est.

⁹⁰ Romani longe regiones præstabant; Rhodiæ naves] Ante Gelenium hic vulgo legebatur: Romani longe regiones præstabant; regiae naves. Is ex codice Mog. inexit eam lectionem, quam omnes post eum amplexi sunt; sive potius restituit eam, quam Andreas jam olim expresserat: Romani longe Rhodios præstabant: Rhodiæ naves. Utraque lectio jure visa est Perizonio ex parte recta, ex parte corrupta, ac proinde emendanda eo modo, quo edi-

cūravimus. In iis quæ præcedunt exposuit Livius, quanam re superiores essent regii, nempe numero navium. Hic observat ceteris omnibus superiores fuisse prætoris classem, quum robore navium et virtute militum Romani; Rhodii navium agilitate et peritia gubernatorum regiones superarent.

⁹¹ Ne prora concurrerent] Vict. codex, Ne prope. Vult nempe prære, id est (neque enim in illo libro diphthongorum est usus) proræ. Ne proræ suæ, et hostiles ignibus armatæ concurrerent: ne proræ suæ incurrerent in proras hostilium navium, quæ ignes præ se portabant.

tim dolonibus (et erat secundus petentibus Ephesum ven-
tus) capessunt fugam, quadraginta duabus navibus in ea
pugna amissis; quarum decem et tres captæ in potestatem
hostium venerunt, ceteræ incensæ aut demersæ. Romano-
rum duæ naves fractæ sunt, vulneratæ aliquot. Rhodia una
capta memorabili casu. nam, quum rostro percussisset Si-
doniam navem, ancora, ictu ipso excussa e nave sua, unco
dente, velut manu ferrea injecta, adligavit alterius proram:
inde tumultu injecto, ⁹²quum, divellere se ab hoste cupien-
tes, inhiherent Rhodii, tractum ancorale et implicitum remis,
latus alterum deterisit: debilitatam^k ea ipsa, quæ icta cohæ-
serat, navim cepit. Hoc maxime modo ad Myonnesum
navali prælio pugnatum est.

XXXI. Quo territus Antiochus, quia, possessione maris
pulsus, longinqua tueri diffidebat se posse, præsidium ab
Lysimachia, ne obprimeretur ibi ab Romanis, deduci pravo,
ut res ipsa postea docuit, consilio jussit. non enim tueri
solum Lysimachiam a primo inpetu Romanorum facile erat:
sed obsidionem etiam per totam hiemem tolerare, et obsi-
dentes quoque ad ultimam inopiam adducere extrahendo
tempus, et interim spem pacis per occasiones tentare. Nec
Lysimachiam tantum hostibus tradidit post adversam nava-
lem pugnam, sed etiam Colophonis obsidione abscessit, et
Sardes recepit se: atque inde in Cappadociam ad Ariara-
then, qui auxilia arcesserent, et quocumque alio poterat ad
copias contrahendas, in unum jam consilium, ut acie dimi-
caret, intentus, misit. Regillus Æmilius, post victoriam
navalem profectus Ephesum, directis ante portum navibus,
quum confessionem concessi maris ultimam hosti expressis-
set, Chium, quo ante navale prælium cursum a Samo inten-
derat, navigat. ibi naves in prælio quassatas quum refecis-
set, L. Æmilium Scaurum cum triginta navibus Hellespon-
tum ad exercitum trajiciendum misit: Rhodias, parte præ-
dæ et spoliis navalibus decoratas, domum redire jubet.
Rhodii impigre ⁹³prævertere, ad trajiciendasque copias
consulis iere: atque, eo quoque functi officio, tum demum
Rhodum rediere. Classis Romana ab Chio Phocæam tra-
jecit. in sinu maris intimo posita hæc urbs est, oblonga
forma. duûm millium et quingentorum passuum spatium
muris amplectitur: coit deinde ex utraque parte in artio-
rem velut cuneum, ⁹⁴Lamptera ipsi adpellant. mille et du-

U.C. 562.
A. C. 190.

Antiochus
Lysimachi-
am deserit.

Copias con-
trahit.

Phocææ si-
tus.

^k et debilitatam Crev.

⁹² Quum . . . inhiherent Rhodii] Quum Rhodii retro agerent navem, tractum ancorale, id est, funis cui ancora alligatur protractus, et magna parte evolutus extra navem in mare, unius lateris remos deterisit.

⁹³ * Prævertere] Antequam redirent domum, aliud sibi prævertendum, sive prius faciendum esse duxerunt, id nempe quod mox narratur.

⁹⁴ Lamptera] Sic appellatus esse videtur hic locus, quia ibi pharus erat,

U. C. 562. centos passus ibi latitudo patet : inde in altum lingua mille
 A. C. 190. passuum excurrrens medium fere sinum velut nota distinguit; ⁹⁵ ubi cohæret faucibus angustis, duos in utramque regionem versos portus tutissimos habet. qui in meridiem vergit, ab re adpellant ⁹⁶Naustathmon¹, quia ingentem vim navium capit: alter prope ipsum Lamptera est.

XXXII. Hos portus tutissimos quum occupasset Romana classis; priusquam aut scalis, aut operibus, mœnia
 Eam classis Romana obpugnât. adgrederetur, mittendos censuit prætor, qui principum magistratuumque animos tentarent. postquam obstinatos vidit, duobus simul locis obpugnare est adortus. Altera pars infrequens ædificiis erat; templa Deum aliquantum tenebant loci: ea prius ariete admoto, quaterne muros turresque cœpit. deinde, quum eo multitudo obcurreret ad defendendum, altera quoque parte admotus aries. et jam utrimque sternebantur muri. ad quorum casum quum inpetum Romani milites per ipsam stragem ruinarum facerent, alii scalis etiam adscensum in muros tentarent; adeo obstinate restiterunt oppidani, ut facile adpareret, plus in armis et virtute, quam in mœnibus, auxilii esse. coactus ergo periculo militum prætor receptui cani jussit, ne objiceret incautos furentibus desperatione ac rabie. Diremto prælio, ne tum quidem ad quietem versi; sed undique omnes ad munienda et obmolienda, quæ ruinis strata erant, concurrerunt. Huic operi intentis supervenit Q. Antonius, a prætore missus: qui, castigata pertinacia eorum, *Majorem curam Romanis, quam illis, ostenderet, esse, ne in perniciem urbis pugnaretur. si absistere furore vellent, potestatem iis dare eadem conditione, qua prius C. Livii in fidem venissent, se tradendi.* Hæc quum audissent, quinque dierum spatio ad deliberandum sumto, tentata interim spe auxilii ab Antiocho, postquam legati missi ad regem, nihil in eo esse præsidii, retulerant^m; tum portas aperuerunt, pacti ne quid hostile paterentur. Quum signa in urbem inferrentur, et pronunciasset prætor, parci se deditis velle, clamor undique est sublatus, *indignum facinus esse, Phocæenses, numquam fidos socios, semper infestos hostes, impune eludere.* Ab hac voce, velut signo a prætore dato, ad diripiendam urbem passim discurrerunt. Æmilius primo resistere et revocare, dicendo, *captas, non deditas, diripi urbes: et in his tamen arbitrium esse imperatoris, non militum.* Postquam ira et avaritia imperio potentiora erant, præconibus per urbem missis, liberos omnes in forum ad se

Phocæenses portas aperiant.
 Urbs diripitur.

¹ Naustathmos ab re appellatur Gron. Crev. ^m retulerunt Eæd.

quod signum esset navigantibus. Hæc enim est vis et usus nominis Græci λαμπτήρ.

⁹⁵ Ubi cohæret] Eo loco, ubi co-

hæret Lampteri per fauces angustas. ⁹⁶ Naustathmos] Græcum nomen, a ναῦς navis, et στάθμος statio.

convenire jubet, ne violarentur: et in omnibus, quæ ipsius U. C. 562.
potestatis fuerunt, fides constitit prætoris. Urbem, agros. A. C. 190.
que, et suas leges iis restituit: et, quia jam hiems adpe-
tebat, Phocææ portus ad hibernandum classi delegit.

XXXIII. Per idem fere tempus consuli, transgresso
Æniorum Maronitarumque fines, nunciatur, victam regiam
classem ad Myonnesum, relictamque a præsidio Lysima-
chiam esse. ⁹⁷Id multo, quam de navali victoria, lætius
fuit: utique postquam eo venerunt, refertaque urbs omnium
rerum commeatibus, velut in adventum exercitus præpara-
tis, eos excepit; ubi inopiam ultimam laboremque in obsi-
denda urbe sibi proposuerant. Ibi paucos dies stativa ha-
buere, ut impedimenta ægrique consequerentur, qui passim
per omnia Thraciæ castella, fessi ⁹⁸morbis ac longitudine
viæ, relictæ erant. Receptis omnibus, ingressi rursus iter
per Chersonesum, Hellespontum perveniunt. ubi, omnibus
cura regis Eumenis ad trajiciendum præparatis, velut in
pacata litora, nullo prohibente, aliis alio delatis navibus,
sine tumultu trajecere. Ea vero res Romanis auxit animos,
concessum sibi transire cernentibus in Asiam; quam rem
magni certaminis futuram crediderant. Stativa deinde ad
Hellespontum aliquamdiu habuerunt, quia ⁹⁹dies forte, qui-
bus ancilia moventur, religiosi ad iter inciderant. iidem dies
P. Scipionem propiore etiam religione, quia Salus erat,
disjunxerant ab exercitu: caussaque et is ipse moræ erat,
dum consequeretur.

XXXIV. Per eos forte dies legatus ab Antiocho in cas-
tra venerat Byzantius Heraclides, de pace adferens man-
data: quam impetrabilem fore, magnam ei spem adtulit
mora et cunctatio Romanorum; quos, simul Asiam adi-
gissent, effuso agmine ad castra regia ituros crediderat.
Statuit tamen non prius adire consulem, quam P. Scipio-
nem: et ita mandatum ab rege erat. in eo maximam spem
habebat, ¹præterquam quod et magnitudo animi et satietas
gloriæ placabilem eum maxime faciebat; notumque erat
gentibus, qui victor ille in Hispania, qui deinde in Africa
fuisset: etiam quod filius ejus captus in potestate regis erat.
Is ubi, et quando, et quo casu captus sit, sicut pleraque

Legatus
Antiochi
de pace.

Filius Afri-
cani capti-
vus apud
Antiochum.

⁹⁷ *Id multo quam de navali victoria lætius fuit*] Supplet Dujatius, *quam nuncius de navali victoria*. Sed ellipsis profecto est durior, quam ut ea credamus uti voluisse Livium. Suspica-
mur hic aliquid esse corrupti.

⁹⁸ *Morbis*] Vict. codex, ut et Thuanæus, *morbo*: idque genuinum esse Livii Jac. Gronovius affirmat. Nos hæud in magno ponimus discrimine.

⁹⁹ *Dies . . . quibus Ancilia moven-*

tur] Dies, quibus Salii Ancilia ferentes per urbem eunt cum tripudiis solenni-
que saltatu. De Saliis et Ancilibus vid. l. I. c. 20. *Dies . . . religiosi ad iter sunt dies, quibus per religionem non licet iter facere.*

¹ **Præterquam quod . . . etiam quod*] Hæc eodem plane recidunt, ac si scripsisset Livius, *tum quia . . . tum præsertim quia . . .*

U. C. 562. alia, parum inter auctores constat. alii principio belli, a
 A. C. 190. Chalcide Oreum petentem, circumventum ab regis navibus tradunt: alii, postquam transitum in Asiam est, cum turma Fregellana missum exploratum ad regia castra, effuso obviam equitatu, quum reciperet sese, in eo delapsum tumultu ex equoⁿ, cum duobus equitibus obpressum, ita ad regem deductum esse. Illud satis constat, si pax cum populo Romano maneret, hospitiumque privatim regi cum Scipionibus esset, neque liberalius, neque benignius haberi colique adolescentem, quam cultus est, potuisse. Ob hæc quum adventum P. Scipionis legatus exspectasset, ubi is venit, consulem adit, petitque, ut mandata audiret.

Legati oratio de pace.

XXXV. Advocato frequenti consilio, legati verba sunt audita. Is, multis ante legationibus nequidquam ultro citroque de pace missis, eam ipsam fiduciam impetrandi sibi esse, dixit, quod priores legati nihil impetrassent. Smyrnam enim, et Lampsacum, et Alexandriam Troadem, et Lysimachiam in Europa, jactatas in illis discepcionibus esse. quarum Lysimachia jam cessisse regem, ne quid in Europa habere eum dicerent: eas, quæ in Asia sint, civitates tradere, paratum esse, et si quas alias Romani, quod suarum partium fuerint, vindicare ab imperio regio velint. Impensæ quoque, in bellum factæ, partem dimidiam regem præstaturum populo Romano. Hæ conditiones erant pacis. Reliqua oratio fuit, Ut memores rerum humanarum, et suæ fortunæ moderarentur,² et alienam ne urgerent. Finirent Europa imperium. id quoque immensum esse. Et^o parari singula acquirendo facilius potuisse, quam universa teneri posse. quod si Asiæ quoque partem aliquam abstrahere velint, dummodo non dubiis regionibus finiant, vinci suam temperantiam Romana cupiditate, pacis et concordie causa, regem passurum. Ea, quæ legato magna ad pacem impetrandam videbantur, parva Romanis visa. Nam, et impensam, quæ in bellum facta esset, omnem præstare regem, æquum censebant, cujus culpa bellum excitatum esset; et, non Ionia modo atque Æolide deduci debere præsidia regia: sed, sicut Græcia omnis liberata esset, ita, quæ in Asia sint, omnes liberari urbes. Id aliter fieri non posse, quam ut cis Taurum montem possessione Asiæ Antiochus cedat.

Responsum Romanorum.

Africani animum tentat legatus.

XXXVI. Legatus, postquam nihil æqui in consilio impetrare se censebat, privatim (sic enim imperatum erat) P. Scipionis tentare animum est conatus. Omnium primum, filium ei sine pretio redditurum regem, dixit: deinde, ignarus et animi Scipionis, et moris Romani, auri

ⁿ in eo tumultu delapsus equo Gron. Crev. ^o et del. Crev.

2* Et alienam ne urgerent] Et alienæ labascenti ne graves incumbereant. editiones, aliam. Notavit id Gronovius, nec tamen e contextu expunxit. Mendum hic irrepit in recentiores.

pondus ingens est pollicitus, et, nomine tantum regio ex-
 cepto, societatem omnis regni, si per eum pacem impetras-
 set. Ad ea Scipio: *Quod Romanos omnes, quod me, ad* U. C. 562.
A. C. 190.
quem missus es, ignoras, minus miror; quum te fortunam ejus, Responsum
Africani.
a quo venis, ignorare cernam. Lysimachia tenenda erat, ne
Chersonesum intraremus; aut ad Hellespontum obsistendum,
ne in Asiam trajiceremus: si pacem tamquam ab sollicitis de
belli eventu petitura eratis. Concesso vero in Asiam transitu,
et ³*non solum frenis, sed etiam jugo accepto, quæ disceptatio ex*
æquo, quum imperium patiendum sit, relicta est? Ego ex mu-
nificentia regia maximum donum filium habeo: aliis, Deos
precor, ne unquam fortuna egeat mea; animus certe non ege-
bit. Pro tanto in me munere gratum me esse in se sentiet, si
privatam gratiam pro privato beneficio desiderabit. publice nec
habeo^o quidquam ab illo, nec dabo. Quod in præsentia dare
possim, fidele consilium est. Abi, nuncia meis verbis, bello
absistat, pacis conditionem nullam recuset. Nihil ea move-
runt regem, tutam fore belli aleam ratum, quando perinde
ac victo jam sibi leges dicerentur. omissa igitur in præsen-
tia mentione pacis, totam curam in belli adparatum inten-
dit.

XXXVII. Consul, omnibus præparatis ad proposita ex-
 sequenda, quum ex stativis movisset, Dardanum primum,
 deinde Rhæteum, utraque civitate obviam effusa, venit.
 inde Ilium processit, castrisque in campo, qui est subjectus
 moenibus, positus, in urbem arcemque quum escendisset⁴,
 sacrificavit Minervæ præsidi arcis; et Iliensibus⁴ in omni
 rerum verborumque honore ab se oriundos Romanos præfe-
 rentibus, et Romanis lætis origine sua. inde profecti sextis
 castris ad caput Caici annis pervenerunt. Eo et Eumenes
 rex, conatus primo ab Hellesponto reducere classem in hi-
 berna Elæam, adversis deinde ventis quum aliquot diebus
 superare Læton promontorium non potuisset, in terram
 egressus, ne deesset principiis rerum, qua proximum fuit,
 in castra Romana cum parva manu contendit. Ex castris
 Pergamum remissus ad commeatus expediendos, tradito
 frumento, quibus jusserat consul, in eadem stativa rediit.
 inde, plurium dierum præparatis cibariis, consilium erat ire
 ad hostem, priusquam hiems obprimeret. Regia castra
 circa Thyatira erant: ibi quum audisset Antiochus, P. Sci-
 pionem ægrum Elæam delatum, legatos, qui filium ad eum

Consul ad
Antiochum
ducit.

Antiochus
Africano fi-
lium remit-
tit.

³ habeo Gron. Crev.

⁴ ascendisset Ead.

³ Non solum frenis, sed etiam jugo
 accepto] Aliter Polybius in Excerpt.
 Leg. 23. non solum frenis, sed etiam
 insessore accepto. Alludit autem ad
 apologum equi, de quo Horatius, Non
 equitem dorso, non frenum depulit ore.

⁴ In omni rerum verborumque ho-
 nore] Elegantius abesset *et in*. *Sen-
 sus est: Iliensibus omni rerum verbo-
 rumque honore testantibus agnosci a
 se in Romanis stirpem suam.

U. C. 562. reducerent, misit. Non solum animo patrio gratum munus;
A. C. 190. sed corpori quoque salubre gaudium fuit: satiatusque tandem complexu filii, *Renunciate*, inquit, *gratias regi me agere: referre gratiam aliam nunc non posse, quam ut suadeam, ne ante in aciem descendat*, ⁵*quam ut in castra me redisse audierit*. Quamquam sexaginta^a duo millia peditum, plus duodecim millia equitum animos interdum ad spem certaminis faciebant; motus tamen Antiochus tanti auctoritate viri, in quo ad incertos belli eventus omnis fortunæ posuerat subsidia, ⁶recepit se, transgressus Phrygium amnem, circaque Magnesiam, quæ ad Sipylum est, posuit castra: et, ne, si^c extrahere tempus velle, munimenta Romani tentarent, fossam ⁷sex cubita^s altam, duodecim latam quum duxisset, extra duplex vallum fossæ circumdedit: interiore labro murum cum turribus crebris objecit; unde facile arceri transitu fossæ hostis posset.

XXXVIII. Consul, circa Thyatira regem esse ratus, continuis itineribus quinto die ad Hyrcanum campum descendit. inde quum profectum audisset, secutus vestigia citra Phrygium amnem, quatuor millia ab hoste, posuit castra. Eo mille ferme equites, (maxima pars Gallogræci erant, et Dahæ quidam aliarumque gentium sagittarii equites intermixti) tumultuose amne trajecto, in stationes inpetum fecerunt. Primo turbaverunt incompositos. deinde, quum longius certamen fieret, ⁸Romanorum, ex propinquis castris facili subsidio, cresceret numerus, regii, fessi jam et plures non sustinentes, recipere se conati, circa ripam amnis, priusquam flumen ingrederentur, ab instantibus tergo aliquot interfecti sunt. Biduum deinde silentium fuit, neutris transgredientibus amnem. tertio post die Romani simul omnes transgressi sunt, et duo millia fere^t et quingentos passus ab hoste posuerunt castra. Metantibus et muniendo occupatis, tria millia delecta equitum peditumque regionum magno terrore ac tumultu advenere. ⁹aliquanto pauciores,

^a septuaginta Gron. Crev. ^c si l. dum Eæd. ^s cubitis Eæd. ^t ferme Eæd.

5 *Quam ut in castra*] Delet Gronovius otiosam particulam *ut*, quæ nata videtur ex iis quæ proxime præcedunt, *quam ut suadeam*.

6 *Recepit se transgressus Phrygium amnem*] Lege cum Gronovio *trans Phrygium amnem*. Is amnis est Straboni, l. XIII. p. 626. veteri nomine Hyllus. In Hermum delabitur. Plinius, l. V. c. 29. Phrygem ab Hylo diversum facit.

7 *Sex cubitis*] Jac. Gronovius e Thuanæo legendum monet *sex cubita*: ut infra c. 40. *longos quaterna cubita*. Sane jam observavimus ad l. XXI. c. 8.

et XXXI. c. 34. Livium malle uti in mensuris quarto casu, quam sexto.

8 *Romanorum*] Videtur ante hoc nomen excidisse vocula *et*.

9 *Aliquanto pauciores qui in statione erant, duo tantum millia per se*] Hanc lectionem elegantissimam profecto exhibet Vict. codex, nisi quod præfert *tn*, id est, *tamen*, pro *tantum*. Sed *td* *tantum* præferebant editi ante Gelenium, ipso teste. Et alii quoque MSS. Jac. Gronovio memorati parum abeunt ab ea scriptura quam representamus. Gelenius eam invexerat quam postea editores secuti fuerant: *Aliquanto*

qui in statione crant, duo tamen^u millia per se^x, nullo a munimento castrorum milite avvocato, et primo æquum prælium sustinuerunt, et, crescente certamine, pepulerunt hostes, centum ex his occisis, centum ferme captis. Per quatrimum insequens instructæ utrimque acies pro vallo stetere. quinto die Romani processere in medium campi. Antiochus nihil promovit signa, ita ut extremi minus mille pedes a vallo abessent.

U. C. 562.
A. C. 190.

XXXIX. Consul, postquam detrectari certamen vidit, postero die in consilium advocavit, *Quid sibi faciendum esset, si Antiochus pugnandi copiam non faceret? Instare hiemem. aut sub pellibus habendos milites fore, aut, si concedere in hiberna vellent, differendum esse in æstatem bellum.* Nullum umquam hostem Romani æque contemserunt. conclamatum undique est, *duceret extemplo, et uteretur ardore militum:* qui, tamquam non pugnandum cum tot millibus hostium, sed par numerus pecorum trucidandus esset, per fossas, per vallum castra invadere parati erant, si in prælium hostis non exiret. ¹⁰Cn. Domitius, ad explorandum iter, et qua parte adiri vallum hostium posset, missus, postquam omnia certa retulit, postero die propius castra admoveri placuit. tertio signa in medium campi prolata, et instrui acies cœpta est. Nec Antiochus ultra tergiversandum ratus, ne et suorum animos minueret detrectando certamen, et hostium spem auget, et ipse copias eduxit; ¹¹tantum progressus a castris, ut dimicaturum adpareret. Romana acies unius prope formæ fuit, et hominum et armorum genere. ¹²duæ legiones Romanæ, duæ sociûm ac Latini nominis erant: quina millia et quadringenos singulæ habebant. Romani mediam aciem, cornua Latini tenuerunt: hastatorum prima signa, deinde principum erant: triarii postremos claudebant. Extra hanc veluti justam aciem, a parte dextera consul Achæorum cætratis inmixtos auxiliares Eumenis, tria millia ferme peditum, æquata fronte instruxit: ultra eos equitum minus tria millia obposuit; ex quibus Eumenis octingenti, reliquis omnis equitatus Romanus erat: extremos Tralles et Cretenses (quingentorum utrique numerum explebant)

Acies utrimque instruitur.
Romana.

^u tantum Crev.
Gron. y e Ead.

^x aliquanto pauciores in statione erant, et tamen per se nullo

pauciores in statione erant, et tamen per se.

¹⁰ Cn. Domitius] Hunc Domitium Africanus vices suas obire apud fratrem iusserat, eumque consilio juvare, dum ipse abesset, testibus Plut. in Apophthegm. et Appiano in Syr.

¹¹ Tantum progressus a castris, ut dimicaturum adpareret] Non longius

progressus a castris, quam quantum necesse erat, ut dimicaturum adpareret. Gronovianæ editiones habent e castris: mendose.

¹² Duæ legiones Romanæ, duæ sociûm] Lege duæ alæ sociûm. Legionis enim nomen ad solos Romanos pertinet; alæ, ad socios.

U. C. 562. statuit. Lævum cornu non videbatur egere talibus auxiliis,
 A. C. 190. quia flumen ab ea parte ripæque disruptæ clauderant. quatuor tamen inde turmæ equitum obpositæ. Hæc summa copiarum erat Romanis, et duo millia mixtorum Macedonum Thracumque, qui voluntate secuti erant^Y. Hi præsidio relictis sunt castris. Sexdecim elephantos post triarios in subsidio locaverunt. nam, præterquam quod multitudinem regionum elephantorum (erant autem quatuor et quinquaginta) sustinere non videbantur posse, ne pari quidem numero Indicis Africi resistunt; sive quia magnitudine, (longe enim illi præstant) sive robore animorum vincuntur.

Regia.

XL. Regia acies varia magis multis gentibus, dissimilitudine armorum auxiliorumque erat. decem et sex millia peditum more Macedonum armati fuere, qui phalangitæ adpellabantur. hæc media acies fuit ¹⁵ in fronte, in decem partes divisa. Partes eas ¹⁴ interpositis binis elephantis distinguebat: a fronte introrsus in duos et triginta ordines armatorum acies patebat. hoc et roboris in regiis copiis erat, et, ¹⁵ perinde quum alia specie, tum eminentibus tantum inter armatos elephantis, magnum terrorem præbebat. Ingentes ipsi erant. addebant speciem frontalia, et cristæ, et tergo inpositæ turres, turribusque superstantes, præter rectorem, quaterni armati. Ad latus dexterum phalangitarum ¹⁶ mille et quingentos equites Gallogræcorum obposuit. his tria millia ¹⁷ equitum loricatorum (cataphractos ipsi adpellant) adjunxit. addita his ala mille ferme equitum: agema eam vocabant. Medi erant lecti viri, et ejusdem regionis mixti multarum gentium equites. continens his grex sedecim elephantorum est obpositus in subsidiis: ab eadem parte, paullulum producto cornu, regia cohors erat: ¹⁸ Ar-

Y erant, præsidio relictis Gron. Crev.

13* *In fronte*] Inane additamentum: nisi forte excedit numerus phalangitarum in fronte structorum, qui debent fuisse quingenti. Etenim ex quingentis in lineam, et duobus ac triginta in altitudinem, efficitur numerus sexdecim millium. Si conjectura hæc nostra, quam firmat Appianus, admittatur, tunc non redundans hoc loco, sed inanis erit oratio, et ita explenda erit, ut frons hujus mediæ aciei fuisse quingentorum armatorum intelligatur.

14 *Interpositis binis elephantis distinguebat*] Non satis apparet, quo referri debeat verbum *distinguebat*. Melius oratio procederet, si legeremus: *interpositi bini elephantis distinguebant*.

15* *Perinde*] Quenadmodum magni roboris erat illa phalaux, ita et magnum terrorem præbebat.

16 *Mille et quingentos equites Gallogræcorum*] Olim hic, et infra ubi nunc legimus *Ab lævo cornu phalangitis adjuncti erant Gallogræci equites mille et quingenti*, ante Sigonium editi habebant *pedites non equites*: et iis consentit Viet. codex. Mutavit Sigonius, nulla ex scripti codicis auctoritate, sed non sine probabilibus rationum momentis: quod nempe et ita scribat Appianus, et tota aciei descriptio per hanc emendationem planior sit, et melius sibi constet.

17 *Equitum*] Et hic quoque legebatur *peditum*. Sed quum nulla apud veteres mentio fiat peditum Cataphractorum, Sigonius substituit *equitum*.

18 *Argyraspidēs a genere armorum*] A clypeis argenteis.

gyraspides a genere armorum adpellabantur. Dahæ de-^{U.C. 562.}
inde, equites sagittarii, mille et ducenti. tum levis armatura^{A.C. 190.}
trium millium,¹⁹ pari ferme numero pars Cretenses, pars
Tralles. duo millia et quingenti²⁰ Mysi sagittariis adjuncti
erant. Extremum cornu claudebant quatuor millia mixti
Cyrtaei funditores, et Elymaei sagittarii. Ab lævo cornu
phalangitis adjuncti erant Gallogræci equites mille et quin-
genti: et similiter his armati duo millia Cappadocum: (ab
Ariarathe missi erant regi²). Inde auxiliares mixti omnium
generum duo millia et septingenti, et tria millia cataphrac-
torum equitum, et mille alii equites, regia ala levioribus te-
gumentis suis equorumque, alio haud dissimili habitu: Syri
plerique erant Phrygibus et Lydis inmixti. Ante hunc
equitatum falcatae quadrigæ et cameli, quos adpellant droma-
das. his insidebant Arabes sagittarii, gladios habentes te-
nues, longos quaterna cubita, ut ex tanta altitudine contin-
gere hostem possent. ²¹Inde alia multitudo, par ei, quæ in
dextro cornu erat; primi ²²Tarentini, deinde Gallogræcorum
equitum duo millia et quingenti, inde ²³Neocretes mille, et
eodem armatu Cares et Cilices mille et quingenti, et totidem
Tralles, et tria millia cætratorum; (Pisidæ hi^a erant, et
Pamphylii, et Lycii) tum Cyrtaeorum et Elymaeorum paria
in dextro cornu locatis auxilia, et sexdecim elephantum mo-
dico intervallo distantes.

XLI. Rex ipse in dextero cornu erat: Seleucum filium et
Antipatrum fratris filium in lævo præposuit: media acies tri-
bus permissa, Minioni, et Zeuxidi, et Philippo magistro ele-
phantorum. ²⁴Nebula matutina, crescente die levata in nu-
bes, caliginem dedit. humor inde, ab austro velut, perfudit
omnia. Quæ nihil admodum Romanis, eadem perincommoda
regiis erant. nam et obscuritas lucis in acie modica Romanis
non adimebat in omnes partes conspectum; et humor, toto
fere gravi armatu, nihil gladios aut pila hebetabat. Regii,
tam lata acie, ne ex medio quidem cornua sua circumspicere
poterant, nedum extremi inter se conspicerentur: et humor

² missi rege Gron. Crev.

^a hi del. Ead.

¹⁹ *Pari ferme numero, pars Cre-
tenses, pars Tralles*] Ita ut par fere
numerus esset Cretensium et Tral-
lium.

²⁰ *Mysi sagittarii* adjuncti erant*] Sigonius ex vetere libro affert sagittarii.
Recte. Mysos enim recenset Appianus
inter equites sagittarios.

²¹ *Inde alia multitudo, par ei quæ
in dextro cornu erat*] Fere par: ali-
qua enim differunt. Ceterum non-
nulla sunt in tota hac descriptione in-
tricata et incerta, quæ ad liquidum ad-

ducere nec possit fortasse quisquam
sine librorum ope, nec magnopere
velle debeat.

²² *Tarentini*] De iis vid. supra
XXXV. 28.

²³ *Neocretes*] Novi Cretes. At qui-
nam illi sint, non liquet: nisi quod
apud Polyb. l. V. capp. 65. et 79. Cre-
tensibus adjunguntur et annumeran-
tur.

²⁴ *Nebula matutina*] Nebula ma-
tutina oriente die caliginem dedit:
crescente, levata est in nubes.

U. C. 562.
A. C. 190.
Falcatae
quadrigae.

arcus fundasque et jaculorum amenta emollierat. Falcatae quoque quadrigae, quibus se perturbaturum hostium aciem Antiochus crediderat, in suos terrorem verterunt. armatae autem in hunc maxime modum erant. ²⁵ cuspides circa temonem ab jugo decem cubita exstantes, velut cornua, habebant; quibus, quidquid obvium daretur, transfigerent. et in extremis jugis binæ circa eminebant falces; altera æquata jugo, altera inferior in terram devexa: illa, ut, quidquid ab latere objiceretur, abscinderet: hæc, ut prolapsos ²⁶ subeuntesque contingeret. item ab axibus rotarum utrimque binæ eodem modo diversæ deligabantur falces. Sic armatas quadrigas, quia, si in extremo, aut in medio locatae forent, per suos agendaerant, in prima acie, ut ante dictum est, locaverat rex. Quod ubi Eumenes vidit, haud ignarus pugnae, et quam anceps esset auxilii genus, si quis pavorem magis equis injiceret, quam justa adoriretur pugna, Cretenses sagittarios, funditoresque, ²⁷ et jaculatores equitum, non confertos, sed, quam maxime possent, dispersos, excurrere jubet; simul omnibus partibus tela ingerere. Hæc velut procella, partim vulneribus missilium undique conjectorum, partim clamoribus dissonis, ita consternavit equos, ut repente, velut effrenati, passim incerto cursu ferrentur: quorum inpetus et levis armatura, et expediti funditores, et velox Cretensis momento declinabant: et eques insequendo tumultum ac pavorem equis ²⁸ camelisque, et ipsis simul consternatis, augebat, clamore et ab alia circumstantium turba multiplici adjecto. Ita medio inter duas acies campo exiuntur quadrigae: amotoque inani ludibrio tum demum ad justum proelium, signo utrimque dato, concursus est.

XLII. Ceterum vana ille res veræ mox cladis causa fuit. auxilia enim subsidiaria, quæ proxima locata erant, pavore et consternatione quadrigarum territa, et ipsa in fugam versa, nudarunt omnia usque ad cataphractos equites. ad quos quum, dissipatis subsidiis, pervenisset equitatus Romanus, ne primum quidem inpetum ²⁹ pars eorum sustinuerunt. alii fusi sunt; alii propter gravitatem tegumentorum armo-

Lævum
cornu An-
tiochi tur-
batur.

²⁵ *Cuspides decem cubita exstantes*] Cubito legit Schefferus de re vehicul. l. II. c. 15. HEARNIUS. Hæc Schefferi conjectura admittenda videtur, ne immanis sit illarum cuspidum longitudo, et simul ut cuspidum curru unicuique affixarum numerus notetur. Exstabant igitur ex unoquoque curru decem cuspides ad cubiti unius longitudinem.

²⁶ *Subeuntes*] Eos qui subitus accedere conarentur.

²⁷ *Et jaculatores equitum*] Et ex

equitibus, eos qui jaculatores essent. Nisi si forte aliquid hic excidit, quale esset cum aliquot turmis equitum. Infra enim quatuor diversa genera distinguuntur eorum qui quadrigas illas expulerunt: *levis armatura, expediti funditores, velox Cretensis, eques.*

²⁸ *Camelisque et ipsis*] Et camelis quoque ipsis, qui vicini quadrigis erant.

²⁹ *Pars eorum*] Valde suspecta sunt hæc duæ voces, et iis recisis sensus nihilominus integer constat.

rumque obpressi sunt. Totum deinde lævum cornu inclina-
vit; et, turbatis auxiliariis, qui inter equites^b, et quos ^{U. C. 562.}
adpellant phalangitas, erant, usque ad mediam aciem terror ^{A. C. 190.}
pervenit. Ibi simul perturbati ordines, et inpeditus inter-
cursu suorum usus prælongarum hastarum, (sarissas Mace-
dones vocant) intulere signa Romanæ legiones, et pila in
perturbatos coniecere. ne interpositi quidem elephantum mili-
tem Romanum deterrebant, adsuetum jam ab Africis bellis
et vitare inpetum belluæ, et ex transverso aut pilis incesse-
re, aut, si propius subire posset, ³⁰ gladio nervos incidere.
Jam media acies fere omnis a fronte prostrata erat, et sub-
sidia circumita a tergo cædebantur: quum in parte alia <sup>Media acies
prostrata.</sup>
fugam suorum, et prope jam ad ipsa castra clamorem pa-
ventium accepere. Namque Antiochus a dextro cornu,
quum ibi fiducia fluminis nulla subsidia cerneret, præter
quatuor turmas equitum, et eas, dum adplicant se suis,
ripam nudantes, inpetum in eam partem cum auxiliis et ca-
taphracto equitatu fecit^c. nec a fronte tantum instabat, sed, <sup>Sinistrum
cornu Rom.
fugit ad
castra.</sup>
circumito a flumine cornu, jam ab latere urgebat; donec
fugati equites primum, deinde proximi peditum effuso cursu
ad castra compulsi sunt.

XLIII. Præerat castris M. Æmilius tribunus militum,
M. Lepidi filius, qui post paucos annos^d pontifex maximus
factus est. Is, qua fugam cernebat suorum, cum præsidio
omni obcurrit; et stare primo, deinde redire in pugnam,
jubebat, pavorem et turpem fugam increpans. Minæ exinde
erant, in perniciem suam cæcos ruere, ni dicto parerent.
postremo dat signum suis, ut primos fugientium cædant,
turbam insequentium ferro et vulneribus in hostes redigant.
Hic major timor minorem vicit. ancipiti coacti metu primo
constiterunt; deinde et ipsi redierunt in pugnam, et Æmi-
lius cum suo præsidio (erant autem duo millia virorum for-
tium) effuse sequenti regi acriter restitit. Et Attalus, Eume-
nis frater, a dextro cornu, a quo lævum hostium primo in-
petu fugatum fuerat, ut ab sinistro fugam suorum et tumultum
circa castra vidit in tempore cum ducentis equitibus
advenit. Antiochus, postquam et eos, quorum terga modo <sup>Repellit
Antiochus,
et fugit.</sup>
viderat, repetentes pugnam, et aliam et a castris et ex acie
adfluentem turbam conspexit, in fugam vertit equum. Ita
utroque cornu victores Romani per acervos corporum
(quos in media maxime acie cumulaverant, ubi et robur for-
tissimorum virorum, et arma gravitate fugam inpedierant)
pergunt ad castra diripienda. equites primi omnium Eume-
nis, deinde et alius equitatus toto passim campo sequuntur

^b equitem Gron. Crev.^c facit Ead.^d post annos paucos Ead.

U. C. 562. hostem, et postremos, ut quosque adepti sunt, cædunt. Ceterum fugientibus major pestis, ³¹ intermixtus quadrigis, elephantisque, et camelis erat, et sua ipsorum turba: quum, solutis ordinibus, velut cæci super alios alii ruentes, incursu belluarum obtererentur. In castris quoque ingens, et major prope quam in acie, cædes est edita. nam et primorum fuga in castra maxime inclinavit; et hujus fiducia multitudinis, qui in præsidio erant, pertinacius pro vallo pugnarunt. retenti in portis valloque, quæ se inpetu ipso capturos crediderant, Romani, postquam tandem perruperunt, ab ira graviolem ediderunt cædem.

XLIV. Ad quinquaginta millia peditum cæsa eo^e die dicuntur, equitum tria^f millia; mille et quadringenti capti, et quindecim cum rectoribus elephanti. Romanorum aliquot vulnerati sunt; ceciderunt non plus trecenti pedites, quatuor et viginti equites; et de Eumenis exercitu quinque et viginti. Et illo quidem die victores, direptis hostium castris, cum magna præda in sua reverterunt; postero die spoliabant cæsorum corpora, et captivos contrahebant. Legati ³² ab Thyatira et a Magnesia ad Sipylum ad dedendas urbes venerunt. Antiochus, cum paucis fugiens, in ipso itinere pluribus congregantibus se, modica manu armatorum media ferme nocte Sardes contendit^g. inde, quum audisset, Seleucum filium et quosdam amicorum Apameam prægressos, et ipse quarta vigilia cum conjuge ac filia petit Apameam, Zenoni tradita custodia urbis, Timone Lydiæ præposito: quibus spretis, consensu oppidanorum et militum qui in arce erant, legati ad consulem missi sunt.

Asiae urbes
se dedunt.

XLV. Sub idem fere tempus et ab Trallibus, et a Magnesia, quæ super Mæandrum est, et ab Epheso legati ad dedendas urbes venerunt. Reliquerat Ephesum Polyxenidas, audita pugna, et, classe usque ad Patara Lyciæ pervectus, metu stationis Rhodiarum navium, quæ ad Megisten ³³ erat^h, in terram egressus, cum paucis itinere pedestri Syriam petiit. Asiae civitates in fidem consulis ditionemque populi Romani sese tradebant. Sardibus jam consul erat. eo et P. Scipio ab Elæa, quum primum pati laborem viæ potuit, venit. Sub idem fere tempus caduceator ab Antiocho per P. Scipionem a consule petiit, impetravitque, ut oratores mittere liceret regi. Paucos post dies Zeuxis, qui præfectus Lydiæ fuerat, et Antipater fratris filius venerunt.

Antiochi
legatus pa-
cem petit.

^e ea Gron. Crev.

^f quatuor Eæd.

^g concessit Eæd.

^h erant Crev.

31 • *Intermistis*] Libenter adderemus præpositionem, ab *intermistis*.

32 *Ab Thyatira*] Vulgo hujus urbis nomen effertur neutro genere, numero plurativo. Sed quemadmodum hic Livius, sic et Plinius, l. V. c. 29. *Thy-*

atira alluitur Lyco. Et Stephanus hanc quoque nominis formam probat.

33 *Erant*] Vulgo *erat*. Sed melius videtur verbum referri ad *naves*: et ita habet Vict. codex.

hi, prius Eumene convento, quem propter vetera certamina ^{U. C. 562.}
aversum maxime a pace credebant esse, et placatiore eo et ^{A. C. 190.}
sua et regis spe invento, tum P. Scipionem, et per eum consulē,
adierunt: præbitoque iis petentibus frequenti consilio ad mandata edenda, *Non tam, quid ipsi dicamus, habemus,* inquit Zeuxis, *quam ut a vobis quæramus, Romani, quo piaculo expiare errorem regis, pacem veniamque impetrare a victoribus possimus. Maximo semper animo victis regibus populisque ignovistis. quanto id majore et placatiore animo decet vos facere in hac victoria, quæ vos dominos orbis terrarum fecit? Positis jam adversus omnes mortales certaminibus, haud secus quam Deos, consulere et parcere vos generi humano oportet.* Jam ante, quam legati venirent, decretum erat, quid responderetur. respondere Africanum placuit. Is in hunc modum locutus fertur: *Romani ex iis, quæ in Deum immortalium potestate erant, ea habemus, quæ Dii dederunt. Animos, qui nostræ mentis sunt, eosdem in omni fortuna gessimus, gerimusque: neque eos secundæ res extulerunt, nec adversæ minuerunt. ejus rei, ut alios omittam, Hannibalem vestrum vobis darem testem, nisi vos ipsos dare possem. Postquam Hellespontum trajecimus, priusquam castra regia, priusquam aciem videremus, quum communis Mars et incertus belli eventus esset, de pace vobis agentibus, quas pares paribus ferebamus conditiones, easdem nunc victores victis ferimus. Europa abstinete, Asiaque omni, quæ cis Taurum montem est, decedite. Pro inpensis deinde in bellum factis quindecim millia ³⁴ talentum Euboicorum dabit: quingenta præsentia; duo millia et quingenta, quum senatus populusque Romanus pacem ³⁵ comprobaverint; millia deinde talentum per duodecim annos. Eumeni quoque reddi quadringenta talenta, et quod frumenti reliquum ex eo, quod patri debitum est, placet. Hæc quum pepigerimus, facturos vos ut pro certo habeamus, erit quidem aliquod pignus, si obsides viginti nostro arbitratu dabit: sed ³⁶ numquam¹ satis liquebit nobis, ibi pacem esse populo Romano, ubi Hannibal*

Responsum
Africani.

Pacis conditiones.

¹ nusquam Gron.

34 Talentum Euboicorum] Talentum Euboicum Festus esse ait quatuor millium denariorum. Quod si admittatur, Euboicum minus erit Attico una tertia parte. Quatuor enim millia denariorum efficiunt quadraginta minas, quas Atticum talentum habet sexaginta. At Budæus, l. IV. de Asse, colligit ex Herodoto talentum Euboicum habuisse minas sex et quingenta cum duabus minæ partibus: quæ summa reduci debet ad sex et sexaginta supra sexcentos et quinquies mille denarios. Ultra æstimatione

standum sit, Budæine an Festi, nobis non satis liquet. Sufficiat diversas amborum sententias exposuisse. Si Budæi auctoritatem sequamur, talentum Euboicum erit marcarum argenti nostratium paulo plus 88. Si Festi, marcarum 62. cum uncis 4.

35 Comprobaverint] Vict. codex, ut et Sigonii liber comprobaverit: quod fortasse anteponendum. Vid. not. 38. ad l. I. c. 58.

36 Nunquam] Reposuimus nunquam ex Vict. codice, quum vulgati libri præferant nusquam: minus proprie.

U. C. 562.
A. C. 190.

*crit. eum ante omnia deposcimus. Thoantem quoque Ætolum, concitorem Ætolici belli, qui et illorum fiducia vos, et vestra illos in nos armavit, dedetis, et cum eo*³⁷*Mnasimachum*ⁱ*Acar-nana, et Chalcidenses Philonem et Eubulidam. In deteriore sua fortuna pacem faciet rex, quia serius facit, quam facere potuit. Si nunc moratus fuerit, sciat, regum majestatem difficilius ab summo fastigio ad medium detrahi, quam a mediis ad ima præcipitari. Cum his mandatis ab rege missi erant legati, ut omnem pacis conditionem acciperent. itaque Romam mitti legatos placuit. Consul in hiberna exercitum Magnesiam ad Mæandrum et Tralles Ephesumque divisit. Ephesum ad consulem paucos post dies obsides ab rege adducti sunt: et legati, qui Romam irent, venerunt. Eu-menēs quoque eodem tempore profectus est Romam, quo legati regis. secutæ eos sunt legationes omnium Asiæ populorum.*

M. Acilius
de Antio-
cho trium-
phat.

XLVI. Dum hæc in Asia geruntur, duo fere sub idem tempus cum triumphi spe proconsules de provinciis Romam redierunt; Q. Minucius ex Liguribus, M. Acilius ex Ætolia. Auditis utriusque rebus gestis, Minucio negatus triumphus, Acilio magno consensu decretus: isque triumphans de rege Antiocho et Ætolis urbem est invectus. Præлата sunt in eo triumpho signa militaria ducenta triginta: et³⁸ argenti infecti tria millia pondo; signati³⁹ tetradrachmum Atticum centum tredecim millia,⁴⁰ cistophorum ducenta quadraginta octo: vasa argentea cælata multa, magnique ponderis. Tulit et suppellectilem regiam argenteam, ac vestem magnificam; coronas aureas, dona sociarum civitatum, quadraginta quinque; spolia omnis generis: captivos nobiles, Ætolos et regios duces, sex et triginta duxit. Damocritus Ætolorum dux paucos ante dies, quum e carcere nocte effugisset, in ripa Tiberis consecutis custodibus, priusquam comprehenderetur, gladio se transfixit. Milites tantum, qui sequerentur currum, defuerunt: alioqui magnificus et spectaculo et fama rerum triumphus fuit. Hujus triumphi minuit lætitiā nuncius ex Hispania

ⁱ Mnasilochem Crev.

³⁷ Mnasilochem] Error in hoc nomen irreperat, legebaturque Mnasimachum. Correximus ex Polyb. legat. 24. et 35. et Livio ipso, supra l. XXXVI. capp. 11. et 12. Idem mendum tolle, l. XXXVIII. c. 38.

³⁸ Argenti . . . tria millia pondo] Marcæ nostrates 4687. cum unciiis 4.

³⁹ Tetradrachmum Atticum centum tredecim millia] Drachmæ, seu, quod idem est, denarii 452000. Marcæ argenti 7062. cum unciiis 4.

⁴⁰ Cistophorum] Cistophorus num-

mus fuit, quem Turnebus lib. III. Advers. c. 5. sic appellatum censet, quod in eo essent sculpti cistigeri, id est, ii qui sacrorum mysticorum cistis inclusorum arcana ferebant, ut in Cybeles mysteriis, Bacchi orgiis, Cereris Initiis. Porro quatuor denarii septem cistophoros cum semisse æquabant, teste Festo in voce Euboicum: unde sequitur cistophoros 248000, pares esse denariis amplius 132266. marcis argenti nostratibus præpmodum 2067.

tristis, adversa pugna in Vastetanis, ⁴¹ductu L. Æmilii U. C. 562. proconsulis, apud oppidum Lyconem cum Lusitanis sex A. C. 190. millia de exercitu Romano cecidisse. Ceteros, paventes Adversa pugna in Hispania. intra vallum compulsos, ægre castra defendisse, et in^k modum fugientium magnis itineribus in agrum pacatum reductos. Hæc ex Hispania nunciata. Ex Gallia legatos Placentinorum et Cremonensium L. Aurunculeius prætor in senatum introduxit. iis querentibus inopiam colonorum, aliis belli casibus, aliis morbo absumtis, quosdam tædio adcolarum Gallorum reliquisse colonias, decrevit senatus, *Uti C. Lælius consul, si ei videretur, sex millia familiarum conscriberet, quæ in eas colonias dividerentur: et ut L. Aurunculeius prætor triumviros crearet ad eos colonos deducendos.* Creati M. Atilius Serranus, L. Valerius P. F. Flaccus, L. Valerius C. F. Tappo^l.

XLVII. Haud ita multo post, quum jam consularium comitiorum adpeteret tempus, C. Lælius consul ex Gallia Romam rediit. is non solum, ex facto absente se senatusconsulto, in supplementum Cremonæ et Placentiæ colonos scripsit; sed, ut novæ coloniæ duæ in agrum, qui Boiorum fuisset, deducerentur, et retulit, et auctore eo Patres censuerunt. Eodem tempore L. Æmilii prætoris literæ adlatæ de navali pugna ad Myonesum facta, et L. Scipionem consulem exercitum in Asiam trajecisse. Victoriæ navalis ergo in unum diem supplicatio decreta est: in alterum diem, quod exercitus Romanus tum primum in Asia posuisset castra, ut ea res prospera et læta eveniret. vicenis majoribus hostiis in singulas supplicationes sacrificare consul est iussus. Inde consularia comitia magna contentione habita. Comitia. M. Æmilius Lepidus petebat adversa fama hominum, quod provinciam Siciliam petendi caussa, non consulto senatu, ut sibi id facere liceret, reliquisset. petebant cum eo M. Fulvius Nobilior, Cn. Manlius Vulso, M. Valerius Messalla^m. Fulvius consul unus creatur, ⁴²quum ceteri centurias non explessent: ⁴³isqueⁿ postero die Cn. Manlium, Lepido dejecto, (nam Messalla tacuit) collegam dixit. Prætores exinde facti, duo Q. Fabii, Labeo et Pictor, (⁴⁴flamen Qui-

^k ad Crev. ^l Tappus Gron. Crev. ^m Messalla Ewd. ⁿ is quoque Gron.

⁴¹ Ductu L. Æmilii proconsulis] Hic est Æmilius ille Paullus, quem postea clarabit victoria de Perseo rege et Macedonibus. Ideo autem hic vocatur proconsul, quia, licet prætor in Hispaniam profectus esset, ut constat ex c. 2. l. XXXVI. supra, cum imperio tamen consulari missus est, ita ut non sex fasces, sed duodecim haberet, teste Plutarcho in ejus vita.

⁴² Quum ceteri centurias non ex-

plessent] Quum ceteri non habuissent legitimum suffragiorum numerum, id est, plus parte dimidia centuriarum in suffragia euntium. Sic l. III. c. 64. tribus non explerent.

⁴³ Isque] Vulgo is quoque. Mutavimus ex Vict. codice et Andreæ editione.

⁴⁴ Flamen Quirinalis eo anno inauguratus fuerat] Nempe Fabius Pictor, qui postremo loco nominatus est.

rinalis eo anno inauguratus fuerat) M. Sempronius Tuditanus, Sp. Postumius Albinus, L. Plautius Hypsæus, L. Bæbicus Dives.

U. C. 563. XLVIII. M. Fulvio Nobiliore et Cn. Manlio Vulsone
A. C. 189. consulibus, Valerius Antias auctor est, rumorem celebrem
M. Fulvio, Romæ fuisse, et pene pro certo habitum, recipiendi Scipio-
Cn. Manlio nis adolescentis caussa, consulem L. Scipionem, et cum eo
Coss. P. Africanum, in colloquium evocatos regis, et ipsos com-

Rumor va- nus de cap- tis Scipioni- bus, prehensos esse; et, ducibus captis, confestim ad castra Ro-
mana exercitum ductum, eaque expugnata, et deletas omnes
copias Romanorum esse. Ob hæc Ætolos sustulisse ani-
mos, et abnuisse imperata facere, principesque eorum in
Macedoniam, et in Dardanos, et in Thraciam, ad condu-
cenda mercede auxilia profectos. Hæc qui nunciarent Ro-
mam, A. Terentium Varronem et M. Claudium Lepidum
ad A. Cornelio proprætore ex Ætolia missos esse. Subtextit
deinde fabulæ huic, legatos Ætolos in senatu inter cetera
hoc quoque interrogatos esse; unde audissent, imperatores
Romanos in Asia captos ab Antiocho rege, et exercitum
deletum esse? Ætolos respondisse, ab suis legatis se, qui
cum consule fuerint, certiores factos. Rumoris hujus quia
neminem alium auctorem habeo, neque adfirmata res mea
opinionem sit, nec pro vana prætermissa.

Legati Æ- XLIX. Ætoli legati in senatum introducti, quum et
tolorum in- caussa eos sua et fortuna hortaretur, ut confitendo seu suæ
fecta pace culpæ seu errori veniam peterent supplices; orsi a beneficiis
dimissi. in populum Romanum, et prope exprobrantes virtutem
suam in Philippi bello, et obtenderunt aures insolentia ser-
monis; et eo, vetera et oblitterata repetendo, rem adduxe-
runt, ut haud paullo plurium maleficiorum gentis, quam be-
neficiorum, memoria subiret animos Patrum, et, quibus mi-
sericordia opus erat, iram et odium irritarent. Interrogati
ab uno senatore, *permitterentne arbitrium de se populo Ro-
mano?* deinde ab altero, *habituine eosdem, quos populus
Romanus, socios et hostes essent?* nihil ad ea respondentes,
egredi templo jussi sunt. Conclamatum deinde prope ab
universo senatu est, *Totos adhuc Antiochi Ætolos esse, et ex
unica ea spe pendere animos eorum. Itaque bellum cum haud
dubiis hostibus gerendum, perdomandosque feroces animos esse.*
Etiam illa res accendit, quod eo ipso tempore, quo pacem
ab Romanis petebant, Dolopiae atque Athamaniae bellum
inferebant. Senatusconsultum in M. Acilii sententiam, qui
Antiochum Ætolosque devicerat, factum est, *Ut Ætoli eo die
juberentur proficisci ab urbe, et intra quintumdecimum diem*

Res minime dubia est, ex capp. 50. et huic membro præponeretur hic.
51. infra. Sed clarior oratio foret, si

Italia excedere. A. Terentius Varro ad custodiendum iter U. C. 563.
eorum missus, denunciatumque, *Si qua deinde legatio ex* A. C. 189.
Ætolis, nisi permissu imperatoris, qui eam provinciam obtine-
ret, et cum legato Romano, venisset Romam, pro hostibus om-
nes futuros. Ita dimissi Ætoli.

L. De provinciis deinde consules retulerunt: sortiri eos Ætoliam et Asiam placuit. qui Asiam sortitus esset, exerci- Consulares
tus ei, quem L. Scipio haberet, est decretus, et in eum sup- exercitus.
plementum quatuor millia peditum Romanorum, ducenti
equites, et sociorum ac Latini nominis octo millia peditum,
et quadringenti equites: his copiis ut bellum cum Antiocho
gereret. Alteri consuli exercitus, qui erat in Ætolia, est
decretus; et, ut supplementum scriberet, permissum, civium
sociorumque eundem numerum, quem collega. naves quo-
que idem consul, quæ priore anno paratæ erant, ornare jus-
sus, ac ducere secum: nec cum Ætolis solum bellum gerere,
sed etiam in Cephalleniam insulam trajicere. Mandatum
eidem, utⁿ, si per commodum reipublicæ facere posset, ut
ad comitia Romam rediret. nam, præterquam quod magis-
tratus annui subrogandi essent, censores quoque placere
creari. si qua res eum teneret, senatum certiore faceret, se
ad comitorum tempus obcurrere non posse. Ætolia M. Provinciae.
Fulvio, Asia Cn. Manlio sorte evenit. Prætores deinde sor-
titi sunt, Sp. Postumius Albinus urbanam et inter peregrinos,
M. Sempronius Tuditanus Siciliam, Q. Fabius Pictor
flamen Quirinalis Sardiniam, Q. Fabius Labeo classem, L.
Plautius Hypsæus Hispaniam citeriorem, L. Bæbius Dives
Hispaniam ulteriorem. Siciliæ legio una et classis, quæ in
ea provincia erat, decreta; et ut duas decumas frumenti no-
vum prætor imperaret Siculis, earum alteram in Asiam, alte-
ram in Ætoliam mitteret. Idem ab Sardis exigi, atque ad
eosdem exercitus id frumentum, ad quos Siculum, deportari
jussum. L. Bæbio supplementum in Hispaniam datum
mille Romani pedites, equites quinquaginta, et sex millia
peditum Latini nominis, ducenti^o equites. Plautio Hypsæo
in Hispaniam citeriorem mille Romani dati sunt pedites,
duo millia socium Latini nominis, et ducenti equites. cum
his supplementis ut singulas legiones duæ Hispaniæ habe-
rent. Prioris anni magistratibus, C. Lælio cum suo exer-
citu prorogatum in annum imperium est. prorogatum et P.
Junio proprætori in Etruria cum eo exercitu, qui in pro-
vincia esset; et M. Tuccio proprætori^p in Bruttis et
Apulia.

LI. Priusquam in provincias prætores irent, certamen Certamen
inter P. Licinium pontificem maximum fuit et Q. Fabium inter Pont.
Max. et Fl.
Quirina-
lem.

ⁿ ut del. Eæd.^o et 'ducenti Eæd.^p prætori Eæd.

U. C. 563.
A. C. 189.

Pictorem flaminem Quirinalem, quale patrum memoria inter L. Metellum et Postumium Albinum fuerat. Consulens illum, cum C. Lutatio collega in Siciliam ad classem proficiscentem, ad sacra retinuerat Metellus pontifex maximus; prætorem hunc, ne in Sardiniam proficisceretur, P. Licinius tenuit. Et in senatu, et ad populum magnis contentionibus certatum est; et ⁴⁵ imperia inhibita ultro citroque, et ⁴⁶ pignora capta, et multæ dictæ, et tribuni adpellati, et provocatum ad populum est. Religio ad postremum vicit, ut dicto audiens esset flamen pontifici; et multæ ex jussu populi remissæ. Ira provinciæ ereptæ¹ prætorem magistratu abdicare se conantem Patres auctoritate sua deterruerunt: et, ut jus inter peregrinos diceret, decreverunt. Delectibus deinde intra paucos dies (neque enim multi milites legendi erant) perfectis, consules prætoresque in provincias proficiscuntur. Fama deinde de rebus in Asia gestis temere vulgata sine auctore: et post dies paucos nuncii certi literæque imperatoris Romam adlatæ; quæ non tantum gaudium ab recenti metu adtulerunt, (desierant enim victum in Ætolia metuere) ⁴⁷ quam averterunt famam: quod ineuntibus id bellum gravis hostis et suis viribus, et quod Hannibalem rectorem militiæ haberet, visus fuerat. nihil tamen aut de consule mittendo in Asiam mutandum, aut minuendas ejus² copias, censuerunt; metu, ne cum Gallis foret bellandum.

Senatus
Eumeni
datus.

LII. Haud multo post M. Aurelius Cotta, legatus L. Scipionis, cum Antiochi regis legatis, et Eumenes rex ⁴⁸ Rhodique Romam venerunt. Cotta in senatu primum, deinde in concione jussu Patrum, quæ acta in Asia essent, exposuit. Supplicatio inde in triduum decreta est, et quadraginta majores hostiæ inmolari jussæ. Tum omnium primum Eumeni senatus datus est. Is quum breviter et egisset gratias Patribus, *quod obsidione se ac fratrem exemissent, regnumque ab injuriis Antiochi vindicassent*: et gratulatus esset, *quod mari terraque prospere res gessissent; quodque regem Antiochum, fusum fugatumque et exutum castris, prius Europa, post et Asia, quæ cis Taurum montem est, expulissent*: sua deinde merita malle eos ex imperatoribus suis lega-

¹ Ita provincia erepta Gron. Crev.

² eas Ead.

⁴⁵ * Imperia inhibita ultro citroque] Prætor nimirum, pro jure prætoris potestatis, jubente pontificem absistere incepto; pontifice maximo, tanquam summo sacrorum antistite, jubente prætorem, qui Flamen Quirinalis erat, atque ideo jussis pontificis maximi subiectus, sibi dicto audientem esse.

⁴⁶ Pignora capta] Ut muletæ sol-

vendæ necessitas injungeretur. Vid. not. 70. ad l. III. c. 33.

⁴⁷ Quam averterunt famam] Ingeniose et vere Alb. Rubenius, *quam a vetere fama*. Sic scripsisse Livium vix dubitabit, qui et ea quæ præcedunt, et ea quæ sequuntur, paulo attentius perpenderit.

⁴⁸ Rhodique] Vel intellige, vel adde legati.

lisque, quam se commemorante, ⁴⁹cognoscere, dixit. Hæc ad- U.C. 563.
 probantibus cunctis, jubentibusque dicere ipsum, ⁵⁰omissa A.C. 189.
 in id verecundia, quid sibi a senatu populoque Romano tribui
 æquum censeret: propensius cumulatusque, si quo possit,
⁵¹prout ejus merita sint, senatum facturum; ad ea rex: Si ab
 aliis sibi præmiorum optio deferretur, libenter, data modo fa-
 cilitate consulendi senatum Romanum, consilio amplissimi or-
 dinis usurum fuisse, ne quid aut immoderate cupisse, aut petisse
 parum modeste videri posset: verum enimvero, quum ipsi da-
 turi sint, multo magis munificentiam eorum in se fratresque
 suos ipsorum arbitrii debere esse. Nihil hac oratione ejus
 Patres conscripti deterriti sunt, quo minus dicere ipsum ju-
 berent. et quum aliquamdiu, hinc indulgentia, hinc modes-
 tia, ⁵²inter permittentes in vicem, non magis mutua, quam
⁵³inexplicabili facilitate, certatum esset, Eumenes ⁵⁴templo
 excessit. Senatus in eadem perstare sententia, ut absurdum
 esse diceret, ignorare regem, quid sperans, aut petens venerit.
 quæ adcommodata regno suo sint, ipsum optime scire: Asiam
 longe melius, quam senatum, nosse. revocandum igitur et co-
 gendum, quæ vellet, quæque sentiret, expromere.

LIII. Reductus a prætore in templum rex, et dicere jus- Oratio Eu-
 sus: Perseverassem, inquit, tacere, Patres conscripti, nisi menis.
 Rhodiorum legationem mox vocaturos vos scirem: et, illis au-
 ditis, mihi necessitatem fore dicendi. Quæ quidem eo diffi-
 cilior oratio erit, quod ea postulata eorum futura sint, ut non
 solum nihil, quod contra me sit, sed ne quod ad ipsos quidem
 proprie pertineat, petere videantur. Agent enim causam civi-
 tatium Græcarum, et liberari eas dicent debere. quo impetrato,
 cui dubium est, quin et a nobis aversuri sint non eas modo civi-
 tates, quæ liberabuntur, sed etiam veteres stipendiarias nostras;
 ipsi autem tanto obligatos beneficio verbo socios, re vera subjec-
 tos imperio et obnoxios habituri sint? Et, (si Diis placet)
 quum has tantas opes adfectabunt, dissimulabunt, ulla parte id
 ad se pertinere: vos modo id decere, et conveniens esse antefac-
 tis, dicent. Hæc vos ne decipiat oratio, providendum vobis
 erit; neve non solum inæqualiter alios nimium deprimatis ex

⁵ sunt Gron. Crev.

49 Cognoscere] Scripti cognosci: unde Gronovius legendum putat cognosce.

50 Omisa in id verecundia] Duæ voculæ in id restringunt parum alioquin decoram adhortationem ad omitte-
 tendam verecundiam.

51 Prout ejus merita sint] Facile est interpretari, quum tanta ejus merita sint. Magis tamen placeret: Propensius cumulatusque . . . quam ejus merita sint. Quod ne regem possit of-

fendere, ideo ad rem molliendam vide-
 tur inserta esse hæc parenthesis, si
 quo, si qua in re possit.

52* Inter permittentes invicem] Inter Eumenem permittentem Patribus quid dare vellent, et Patres permittentes Eumeni quid petere ei placeret.

53* Inexplicabili] Cui nullus terminus, nulla finiendæ rei via reperiretur.

54 Templo] Vid. not. 19. ad l. I. c. 30.

U. C. 563. *sociis vestris, alios præter modum extollatis; sed etiam, ne,*
 A. C. 189. ⁵⁵*qui adversus vos arma tulerint, in meliore statu sint, quam*
socii et amici vestri. Quod ad me adinet, in aliis rebus ces-
sisse intra finem juris mei cuilibet videri malim, quam nimis
pertinaciter, in obtinendo eo tetendisse; in certamine autem
amicitiæ nostræ^a, benevolentiae erga vos, honoris, qui a vobis
habebitur, minime æquo animo vinci possum. Hanc ego ma-
ximam hæreditatem a patre accepi, qui primus omnium Asiam
Græciamque incolentium in amicitiam vestram venit, eamque
perpetua et constanti fide ad extremum finem vitæ perduxit:
nec dumtaxat animum^x vobis bonum ac fidelem præstitit, sed
omnibus interfuit bellis, quæ in Græcia gessistis, terrestribus,
navalibus^y; omni genere commeatuum ita, ut nemo sociorum
vestrorum æquari ulla parte posset, vos adjuvit. Postremo
quum Bæotos ad societatem vestram hortaretur, in ipsa con-
cione intermortuus, haud multo post expiravit. Hujus ego
vestigia ingressus, voluntati quidem et studio in colendis vobis
adjicere (etenim inexcusable hæc erant) nihil potui: rebus
ipsis meritisque et impensis officiorum ut superare possem, for-
tuna, tempora, Antiochus, et bellum in Asia gestum præbue-
runt materiam. Rex Asiæ et partis Europæ Antiochus filiam
suum in matrimonium mihi dabat; restituebat extemplo civita-
tes, quæ defecerant a nobis; spem magnam in posterum⁵⁶ am-
plicandi regni faciebat, si secum adversus vos bellum gessis-
sem. Non gloriabor eo, quod nihil in vos deliquerim. illa po-
tius, quæ⁵⁷ vetustissima domus nostræ vobiscum amicitia digna
sunt, referam. Pedestribus navalibusque copiis, ut nemo ves-
trorum sociorum me æquiparare posset, imperatores vestros
adjuvi: commeatus terra marique suppeditavi: navalibus præ-
liis, quæ multis locis facta sunt, omnibus adfui; nec labori
meo, nec periculo usquam peperci. Quod miserrimum est in
bello, obsidionem passus sum, Pergami inclusus cum discrimine
ultimo simul vitæ regnique. Liberatus deinde obsidione, quum
alia parte Antiochus, alia Seleucus circa arcem regni mei cas-
tra haberent, relictis rebus^z, tota classe ad Hellespontum L.

¹ in del. Gron. Crev.

^a vestræ Eæd.

^x animum duntaxat Eæd.

^y na-

valibusque Eæd.

^z rebus meis Crev.

55* Qui adversus vos arma tulerint] Primo malleus tulerunt. Deinde, quod ad rem ipsam attinet, hic designantur civitates Græcæ, quæ sociæ Antiochi fuerunt; quæque, si in libertatem restituantur, præmium habebunt belli adversus Romanos gesti, libertatem, dum ipse Eumenes, socius et amicus populi Romani, pro tot laboribus periculis, nullam mercedem referet, nisi vastitatem regni sui, exhaustas opes, toleratam obsidionem, etc. In fine orationis eadem rursus

sententia iisdem pene verbis iteratur.

56 Amplificandi] Major scriptorum pars, ampliandi.

57 Vetustissima domus nostræ vobiscum amicitia] Amicitia illa ab Attalo Eumenis patre cæpta erat, non ita multos ante annos. Sed nimirum, si respicias ceteros Asiæ Græciæque reges et populos, primus omnium Attalus, ut supra memoravit Eumenes, in amicitiam Romanorum venerat: et hoc sensu vetustissima hic dicitur Attaliæ domus cum Romanis amicitia.

Scipioni consuli vestro occurri, ut eum in trajiciendo exercitu adjuvarem. postquam in Asiam exercitus vester est transgressus, numquam a consule abscessi: nemo miles Romanus magis assiduus in castris vestris fuit, quam ego fratresque mei. nulla expeditio, nullum equestre praelium sine me factum est. In acie ibi steti, eam partem sum tutatus, in qua me consul esse voluit. Non sum hoc dicturus, Patres conscripti, quis hoc bello meritis erga vos mecum comparari potest? Ego nulli omnium neque populorum, neque regum, quos in magno honore habetis, non ausim me comparare. Hostis Masinissa ante vobis^z, quam socius, fuit: nec incolumi regno cum auxiliis suis, sed extorris, expulsus, amissis omnibus copiis, cum turma equitum in castra confugit vestra. tamen eum, quia in Africa adversus Syphacem et Karthaginienses fideliter atque impigre vobiscum stetit, non in patrium solum regnum restituitis, sed, adjecta opulentissima parte Syphacis regni, præpotentem inter Africæ reges fecistis. Quo tandem igitur nos præmio atque honore digni apud vos sumus, qui numquam hostes, semper socii fuimus? Pater, ego, fratresque mei non in Asia tantum, sed etiam procul ab domo in Peloponneso, in Bæotia, in Ætolia, Philippi, Antiochi, Ætolico bello, terra marique pro vobis arma tulimus. Quid ergo postulas? dicat aliquis. Ego, Patres conscripti, quoniam dicere utique volentibus vobis parendum est, si vos ea mente ultra Tauri juga emostis Antiochum^a, ut ipsi teneretis eas terras, nullos adcolas, nec finitimos habere, quam vos, malo; nec ulla alia re tutius stabilisque regnum meum futurum spero. Sed si vobis decedere inde, atque exercitus deducere in animo est; neminem digniorem esse ex sociis vestris, qui bello a vobis parta possideat, quam me, dicere ausim. At enim magnificum est liberare civitates servas. Ita opinor, si nihil hostile adversus vos fecerunt: sin autem Antiochi partis⁵⁸ fuerunt^b; quanto est vestra prudentia et æquitate dignius, sociis bene meritis, quam hostibus, vos consulere?

LIV. Grata oratio regis Patribus fuit: et facile adparebat, munifice omnia et propenso animo facturos. Interposita Smyrnæorum brevis legatio est, quia non aderant quidam Rhodiorum. Conlaudatis egregie Smyrnæis,⁵⁹ quod omnia ultima pati, quam se regi tradere, maluissent, introducti Rhodii sunt. quorum princeps legationis, expositis initiis amicitiae cum populo Romano, meritisque Rhodio-

^z Masinissa hostis vobis ante Gron. Crev. rint Gron.

^a Antiochum emostis Eæd.

^b fue-

⁵⁸ Fuerunt] Gronovianæ editiones, fuerint. Quod minus placuit, quia verbum subiectivi modi hic aliquam significare videretur dubitationem, quæ

tamen nulla est. Ideo revocavimus ex vetustioribus fuerunt.

⁵⁹ Quod omnia ultima pati] Vid. XXXIII. 38. et XXXV. 42.

U.C. 563.
A.C. 189.
Rhodiorum
legatorum
oratio.

rum Philippi prius, deinde Antiochi bello: *Nihil, inquit, nobis tota nostra actione, Patres conscripti, neque difficilius, neque molestius est, quam quod cum Eumene nobis disceptatio est: cum quo uno maxime regum et privatum singulis, et, quod magis nos movet, publicum civitati nostræ hospitium est. Ceterum non animi nostri, Patres conscripti, nos, sed rerum natura, quæ potentissima est, disjungit; ut nos liberi etiam aliorum libertatis causam agamus; reges serva omnia et subjecta imperio suo esse velint. Utcumque tamen res se habet, magis verecundia nostra adversus regem nobis obstat, quam ipsa disceptatio aut nobis impedita est, aut vobis perplexam deliberationem præbitura videtur. Nam, si aliter socio atque amico regi, et bene merito hoc ipso in bello, de cuius præmiis agitur, honos haberi nullus posset, nisi liberarum civitates ei in servitutem traderetis, esset deliberatio anceps; ne aut regem amicum inhonoratum dimitteretis, aut decederetis instituto vestro, et gloriam, Philippi bello partam, nunc servitute tot civitatum deformaretis. Sed ab hac necessitate, aut gratiæ in amicum minuendæ, aut gloriæ vestræ, egregie vos fortuna vindicat. Est enim Deum benignitate non gloriosa magis, quam dives, victoria vestra: quæ vos facile isto velut ære alieno exsolvat. nam et Lycaonia, et Phrygia utraque, et Pisidia omnis, et Chersonesus,⁶⁰ quæque circumjacent Europæ, in vestra sunt potestate. quarum una quælibet regi adjecta multiplicare regnum Eumenis potest: omnes vero datæ maximis eum regibus æquare. Licet ergo vobis, et præmiis belliditare socios, et non decedere instituto vestro; et meminisse, quem titulum prætenderitis prius adversus Philippum, nunc adversus Antiochum, belli: quid feceritis, Philippo victo; quid nunc a vobis, non magis quia fecistis, quam quia id vos facere decet, desideretur atque exspectetur. Alia enim aliis et honesta est et probabilis^c causa armorum. Illi agrum, hi viros, hi oppida, hi portus, oramque aliquam maris ut possideant. Vos nec cupistis hæc, antequam haberetis: nec nunc, quum orbis terrarum in ditione vestra sit, cupere potestis. Pro dignitate et gloria apud omne genus humanum,⁶¹ quod vestrum nomen imperiumque juxta ac Deos immortales jam pridem intuetur, pugnastis. quæ parare et querere arduum fuit, nescio an tueri difficilius sit. Gentis vetustissimæ nobilissimæque, vel fama rerum gestarum, vel omni commendatione humanitatis*

^c et probabilis est Gron. Crev.

60 Quæque circumjacent Europæ] Et eæ regiones Europæ, quæ circumjacent, sive adjacent iis quæ modo nominatæ sunt terris. Vid. Polyb. Leg. 25.

61 Quid vestrum nomen imperiumque juxta ac deos . . intuetur] Parti-

cula ac videtur ab iis adjecta esse, qui ignorarent præpositionis juxta eandem fere esse vim ac τοῦ secundum, non minus quam. Sic l. IX. c. 9. apud quos juxta divinas religiones fides humana colitur.

doctrinarumque, tuendam ab seruitio regio libertatem suscepis. ^{U. C. 563.}
⁶² hoc patrociniū receptæ in fidem et in^d clientelam vestram ^{A. C. 189.}
 universæ gentis^e perpetuum vos præstare decet. ⁶³ Non, quæ in
 solo modo antiquo sunt, Græcæ magis urbes sunt, quam coloniæ
 earum, illinc quondam profectæ in Asiam. Nec terra mutata
 mutavit genus aut mores, certare pio certamine cuiuslibet bonæ
 artis ac virtutis ausi sumus cum parentibus quæque civitas et
 conditoribus suis. Adistis Græciæ, adistis Asiæ urbes pleri-
 que, nisi quod longius a vobis absumus, nulla vincimur alia re.
 Massilienses, quos, si natura insita ⁶⁴ velut ingenio terræ vinci
 posset, jam pridem efferassent tot indomitæ circumfusæ gentes,
 in eo honore, in ea merito dignitate audimus apud vos esse, ac
 si medium umbilicum Græciæ incolerent. non enim sonum
 modo linguæ vestitumque et habitum, sed ante omnia mores, et
 leges, et ingenium sincerum integrumque a contagione adcola-
 rum, servarunt. Terminus est nunc imperii vestri mons Tau-
 rus. quidquid intra cum cardinem est, nihil longinquum vobis
 videri debet. quo arma vestra pervenerunt, eodem jus hinc
 profectum perveniat. Barbari, quibus pro legibus semper do-
 minorum imperia fuerunt, quo gaudent, reges habeant: Græci
 suam fortunam, vestros animos gerunt. Domesticis quondam
 viribus etiam imperium amplectebantur; nunc, imperium ubi
 est, ibi ut sit perpetuum, optant. libertatem vestris tueri armis
 satis habent, quoniam suis non possunt. At enim quædam
 civitates cum Antiocho senserunt. Et aliæ prius cum Philippo,
 et cum Pyrrho Tarentini. Ne alios populos enumerem, Kar-
 thago libera cum suis legibus est. Huic vestro exemplo quan-
 tum debeatis, videte, Patres conscripti. Inducetis in animum
 negare Eumenis cupiditati, quod justissimæ iræ vestræ negastis.
 Rhodii et in hoc, et in omnibus bellis, quæ in illa ora gessistis,
 quam forti fidelique opera vos adjuverimus, vestro iudicio re-
 linquimus. nunc in pace id consilium adferimus; quod si com-
 probaveritis, magnificentius vos victoria usos esse, quam vicisse,
 omnes existimaturi sint. Apta magnitudini Romanæ oratio
 visa est.

LV. Post Rhodios Antiochi legati vocati sunt. Ii, vul-
 gato petentium veniam more, errorem fassi regis, obtestati
 sunt Patres conscriptos, Ut suæ potius clementiæ, quam regis
 culpæ, qui satis superque pœnarum dedisset, memores ⁶⁵ consule-

d in del. Crev. e gentis del. Gron. Crev.

⁶² * Hoc patrociniū] Quum eam sunt] Modo hic intelligimus, etiam-
 gentem, Græcam scilicet, in fidem cli-
 entelanque vestram receperitis, vos
 decet hoc ei patrociniū præstare, ex-
 solvere fidem vestram, patronos vos ei
 exhibendo, universæ, ubicumque tan-
 dem, sive in Græcia ipsa, sive in Asia
 Græci degant, et in perpetuum.

⁶⁴ * Velut ingenio terra] Ingenium
 est id quod ingenium est, nativæ do-
 tes. Quia tamen paulo audacius tri-
 buitur terræ, ideo appositæ est parti-
 cula velut, quæ rem molliat.

⁶⁵ * Consulerent] Deliberarent, sta-
 tuerent.

U. C. 563. *rent. postremo pacem datam a L. Scipione imperatore, quibus*
 A. C. 189. *legibus dedisset, confirmarent auctoritate sua. Et senatus eam*

pacem servandam censuit, et paucos post dies populus jussit. Fœdus in Capitolio cum Antipatro principe legationis, et eodem fratris filio regis Antiochi, est ictum. Auditæ deinde et aliæ legationes ex Asia sunt. Quibus omnibus datum est responsum, Decem legatos more majorum senatum missurum ad res Asiæ disceptandas componendasque. Summam tamen hanc fore: ut cis Taurum montem, quæ intra regni Antiochi fines fuissent, Eumeni adtribuerentur, præter Lyciam Cariamque usque ad Mæandrum amnem. ea civitatis Rhodiorum essent. Ceteræ civitates Asiæ,⁶⁶ quæ Attali stipendiariæ fuissent, eadem Eumeni vectigal penderent: quæ vectigales Antiochi fuissent, eæ liberæ atque immunes essent.

Decem legati in Asiam mittuntur.

Decem legatos hos decreverunt, Q. Minucium Rufum, L. Furium Purpureonem, Q. Minucium Thermum, Ap. Claudium Nerone, Cn. Cornelium Merulam, M. Junium Brutum, L. Aurunculeium, L. Æmilium Paullum, P. Cornelium Lentulum, P. Ælium Tuberonem.

Senatus-consultum de Asia.

LVI. His, quæ præsentis disceptationis essent, libera mandata. de summa rerum senatus constituit: ⁶⁷Lycaoniam omnem, et Phrygiam utramque, et Mysiam, regias silvas, ⁶⁸et Lydiæ Ioniæque, extra ea oppida, quæ libera fuissent, quo die cum rege Antiocho pugnatum est, et nominatim Magnesiam ad Sipylum, et ⁶⁹Cariam, quæ Hydrela adpellatur, agrumque Hydrelatanum ad Phrygiam vergentem, et castella vicosque ad Mæandrum amnem, et oppida, nisi quæ libera ante bellum fuissent; Telmissum item nominatim, et castra Telmissium, præter agrum, qui Ptolemæi Telmissii fuisset: hæc omnia, quæ supra scripta sunt, ⁷⁰regi Eumeni jussa dari. Rhodiis Lycia data, extra eundem Telmissum, et castra Telmissium, et agrum, qui Ptolemæi Telmissii fuisset: hæc et ab Eumene, et ab Rhodiis excepta. Ea quoque his pars data Cariæ, quæ propior Rhodum insulam trans Mæandrum amnem est; oppida, vici, castella, agri, qui ad Pisidiam vergunt: nisi quæ eorum

⁶⁶ Quæ Attali stipendiariæ fuissent, eadem Eumeni vectigal penderent] Hic stipendium et vectigal prorsus idem sonant, ut patet ex Polybio, ex quo hæc omnia cum duabus Eumenis et Rhodiorum orationibus exscripta sunt. Ejus enim hæc sunt verba in Excerpt. Leg. 25. τῶν πόλεων τῶν Ἑλληνίδων ὅσαι μὲν Ἀπτάλῳ φόρον ἰστέλλων, ταύτας τὸν αὐτὸν Εὐμείνῳ τελεῖν.

⁶⁷ Lycaoniam omnem] Hoc decretum valde obscurum et confusum est ob duplicem accusativum, quorum alter cadit in verbum dari, alter regitur

a præpositione extra: ita ut facile non sit liquido discernere ea quæ dantur Eumeni, ab iis quæ excipiuntur.

⁶⁸ Et Lydiæ Ioniæque, extra ea oppida] Vel lege Lydiam Ioniæque, vel intellige Lydiæ Ioniæque oppida.

⁶⁹ Cariam, quæ Hydrela appellatur] Hanc Cariam probat Cellarius urbem esse Phrygiæ, non regionem. Eum adi l. III. Geogr. Antiquæ, c. 4. Vid. et Strabonem, l. XIV. p. 650.

⁷⁰ Regi Eumeni jussa dari] Vox jussa hic vitiat legitimam orationis structuram.

oppida in libertate fuissent, pridie quam cum Antiocho rege in Asia pugnatum est. Pro his quum gratias egissent Rhodii, de Solis urbe, quæ in Cilicia est, egerunt: *Argis et illos, sicut sese, oriundos esse. ab ea germanitate fraternam sibi cum iis caritatem esse. Petere hoc extraordinarium munus, ut eum civitatem ex servitute regia eximerent.* Vocati sunt regis Antiochi legati, actumque cum iis est: nec quidquam impetratum, testante foedera Antipatro, adversus quæ ab Rhodiis non Solos, sed Ciliciam peti, et juga Tauri transcendendi. Revocatis in senatum Rhodiis, quum, quantopere tenderet legatus regius, exposuissent Patres, adjecerunt; *Si utique eam rem ad civilis dignitatem pertinere censerent Rhodii, senatum omni modo expugnaturum pertinaciam legatorum.* Tum vero impensius, quam ante, Rhodii gratias egerunt, cessurosque se potius adrogantiæ Antipatri, quam caussam turbandæ pacis præbituros, dixerunt. ita nihil de Solis mutatum est.

LVII. Per eos dies, quibus hæc gesta sunt, legati Massiliensium nuntiaverunt^c, *L. Bæbium prætorem, in provinciam Hispaniam proficiscentem, ab Liguribus circumventum; magna parte comitum cæsa, vulneratum ipsum, cum paucis, sine lictoribus, Massiliam perfugisse, et intra triduum exspirasse.* Senatus, ea re audita, decrevit, uti *P. Junius Brutus, qui proprætor in Etruria esset, provincia exercituque traditis uni, cui videretur, ex legatis, ipse in ulteriorem Hispaniam proficeretur, eaque ei provincia esset.* Hoc senatusconsultum lictæque a Sp. Postumio prætore in Etruriam missæ sunt: profectusque in Hispaniam est P. Junius proprætor. In qua provincia prius aliquanto, quam successor veniret, *L. Æmilius Paullus, qui postea regem Persea magna gloria vicit, quum priore anno haud prospere rem gessisset, tumultuario exercitu conlecto, signis conlatis cum Lusitanis pugnavit. Fusi fugatique sunt hostes. cæsa decem et octo millia armatorum; tria millia trecenti capti, et castra expugnata. Hujus victoriæ fama tranquilliores in Hispania res fecit. Eodem anno ante diem tertium Kalendas Januarias* ⁷¹ Bononiam Latinam coloniam ex senatusconsulto L. Valerius Flaccus, M. Atilius Serranus, L. Valerius Tappus triumviri deduxerunt. tria millia hominum sunt deducta: equitibus septuagena jugera, ceteris colonis quinquagena sunt data. Ager captus de Gallis Boiis fuerat: Galli Tuscos expulerant. Eodem anno censuram multi et clari viri petierunt. quæ res, tamquam in se parum magni cer-

Æmilius
Lusitanos
vincit.

Certamen
de censura.

^c nunciaverunt Gron. Crev.

71 Bononiam Latinam coloniam . . inde jus tantum Latii haberet. Vid. deduxerunt] Duxere Bononiam colo- not. 85. ad l. XXXIV. c. 53.
nos e Latinis, ita ut colonia illa pro-

U. C. 563. taminis caussam haberet, aliam contentionem multo majorem excitavit. Petebant T. Quinctius Flaminius, P. Cornelius Cn. F. Scipio, L. Valerius Flaccus, M. Porcius Cato, M. Claudius Marcellus, M^r. Acilius Glabrio, qui Antiochum ad Thermopylas Ætolosque devicerat. in hunc maxime, ⁷²quod multa congiaria habuerat, quibus magnam partem hominum obligaverat^f, favor populi se inclinabat. Id quum ægre paterentur tot nobiles, novum sibi hominem ⁷³tantum præferri; P. Sempronius Gracchus et C. Sempronius Rutilus, tribuni plebis, ei diem dixerunt, quod pecuniæ regiæ prædæque aliquantum, captæ in Antiochi castris, neque in triumpho tulisset, neque in ærarium retulisset^g. Varia testimonia legatorum tribunorumque militum erant. M. Cato ante alios testes conspiciebatur: ⁷⁴cujus auctoritatem, perpetuo tenore vitæ partam, toga candida elevabat. Is testis, quæ vasa aurea atque argentea, captis castris, inter aliam prædam regiam vidisset, ea se in triumpho negabat vidisse. Postremo ⁷⁵in hujus maxime invidiam desistere se petitione Glabrio dixit; quando, quod taciti indignarentur nobiles homines, id æque novus competitor ⁷⁶inæstimabili perjurio incesseret.

Censores
creati.

Triumphus
navalis Æ-
milii.

LVIII. ⁷⁷Centum millium multa inrogata erat. ⁷⁸bis de ea re^h certatum est. tertio, quum de petitione destitisset reus, nec populus de multa suffragium ferre voluit, et tribuni eo negotio destiterunt. Censores T. Quinctius Flaminius, M. Claudius Marcellus creati. Per eosdem dies L. Æmilio Regillo, qui classe præfectum Antiochi regis devicerat, extra urbem in æde Apollinis quum senatus datus esset, auditis rebus gestis ejus, quantis cum classibus hostium dimicasset, quot inde naves demersisset aut cepisset, magno consensu Patrum triumphus navalis est decretus. Triumpham

^f obligarat Gron. Crev.

^g detulisset Gron.

^h re del. Crev.

⁷² Quod multa congiaria habuerat] Quod multa dederat populo viritum distribuenda. Congiaria enim sunt munera vini, olei, tritici, interdum etiam pecuniæ, ut patet ex Tac. Ann. l. XIII. c. 31. quæ singulis civibus ab aliquo principe viro dividerentur.

⁷³ Tantum præferri] Tantopere, tam longe anteponi.

⁷⁴ * Cujus auctoritatem . . . toga candida elevabat] Cujus auctoritas ideo in presenti negotio minor erat, quod candidatus esset ejusdem honoris quem petebat is contra quem ille testimonium dicebat.

⁷⁵ * In hujus . . . invidiam desistere se petitione] Catonem sibi caussam esse desistendi petitione, et invidiam, si qua oritura esset ex necessitate sibi

imposita desistendi, in Catonem recidere debere.

⁷⁶ Inæstimabili perjurio] An, perjurio, cui satis digna multa dici non posset? Placeret magis cum Gronovio legere inexcipiabili, vel intestabili.

* Incesset autem idem est quod impugnaret. Cato impugnabat testimonio suo destinatum Glabriori censuræ honorem, quum nobiles id quidem indignarentur, sed taciti.

⁷⁷ Centum millium] Supple, aris gravis: id est, marcarum argenti Paris. 156. cum uncis 2.

⁷⁸ Bis de ea certatum est] Scilicet de multa. Vulgati habent de ea re. Sed vocula re abest ab Andræ editione, et ab Viet. codice: et plane inutilis est.

* Vid. not. 17. ad XXV. 3.

vit Kalendis Februariis. in eo triumpho undequingenta U. C. 563.
 coronæ aureæ translatae sunt: pecunia ⁷⁹ nequaquam tanta, A. C. 189.
 pro specie regii triumphi; ⁸⁰ tetradrachma Attica triginta
 quatuor millia septingenta, ⁸¹ cistophori centum triginta
 unum millia trecenti. Supplicationes deinde fuerunt ex se-
 natusconsulto, quod L. Æmiliusⁱ in Hispania prospere rem-
 publicam gessisset. Haud ita multo post L. Scipio ad ur-Scipio Asia-
 bem venit. qui, ⁸² ne cognomini fratris^k cederet, Asiaticum^{ticus}.
 se adpellari voluit. Et in senatu, et in concione de rebus
 ab se gestis disseruit. Erant, qui fama id majus bellum,
 quam difficultate rei, fuisse interpretarentur; uno memora-
 bili prælio debellatum, gloriamque ejus victoriæ ⁸³ præflora-
 tam ad Thermopylas esse. Ceterum vere æstimanti Æto-
 licum magis ad Thermopylas bellum, quam regium fuit.
 Quota enim parte virium suarum ibi dimicavit An-
 tiochus? in Asia totius Asiæ steterunt vires, ab ulti-
 mi^l Orientis partibus omnium gentium contractis auxi-
 liis.

LIX. Merito ergo et Diis immortalibus, ⁸⁴ quantus maxi-
 mus poterat, habitus est honos, quod ingentem victoriam
 facilem etiam fecissent, et imperatori triumphus est decre-
 tus. Triumphavit ⁸⁵ mense intercalario pridie Kalendas Triumphat
 Martias. qui triumphus spectaculo oculorum major, quam de Antio-
 Africani fratris ejus, fuit; recordatione rerum et æstimatio-
 ne periculi certaminisque non magis comparandus, quam
 si imperatorem imperatori, aut Antiochum ducem Hanni-
 bali conferres. Tulit in triumpho signa militaria ducenta
 triginta quatuor; oppidorum simulacra centum triginta
 quatuor; eburneos dentes mille ducentos triginta unum^m;

ⁱ add. Paullus Gron. Crev.

^k cognomine fratri Eæd.

^l ultimis Eæd.

^m triginta unum l. viginti Eæd.

⁷⁹ Nequaquam tanta pro specie] As-
 sentimur Gronovio delenti vocem tanta,
 quæ redundat prorsus, imo et deformat
 orationem. Nequaquam pro specie, id
 est, quæ non sustineret speciem regii
 triumphi.

⁸⁰ Tetradrachma Attica triginta
 quatuor millia septingenta] Drachmæ
 138800. Marcæ argenti nostrates 2168.
 cum uncis 6. Ceterum hic pro tetra-
 drachma Andreas, assentiente Victo-
 rino codice, habet tetracina. Hinc
 judicat Hearnius legendum esse tinar-
 nica, ex nummo, qui in Ponto Euxino
 repertus est cum hac inscriptione ΑΘΕ
 TINAPNIKA ΑΡΧΕ. Tinarnica autem
 paria facit drachmis. Sit penes auc-
 torem fides.

⁸¹ Cistophori centum triginta unum
 millia trecenti] Denarii plus 70000.

qui pares sunt marcis argenti nostrati-
 bus 1093. cum uncis 6. De Cistopho-
 rôm æstimatione vid. not. 40. ad 46.
 supra.

⁸² Ne cognomine fratri cederet]
 Aliquot MSS. et antiquiores editi ha-
 beat, teste Gronovio, ne cognomini
 fratris cederet: quod procul dubio a
 Livio est.

⁸³ * Præfloratam] Primum hujus
 victoriæ decus ac velut florem præcep-
 tum esse a M. Acilio ad Thermopylas
 Antiochi victore.

⁸⁴ Quantus] Sic habent vetustius
 cusi, et Vict. codex: non, ut Grono-
 vianæ editiones, quantum.

⁸⁵ Mense Intercalario] De inter-
 calationibus vid. not. 29. ad c. 19.
 l. I.

U. C. 563. aureas coronas ducentas triginta^m quatuor; ⁸⁶ argenti pondo centum triginta septem millia et quadringenta viginti; ⁸⁷ tetradrachmum Atticorum ducenta viginti quatuor millia; ⁸⁸ cistophorum trecenta triginta unum millia et septuaginta; ⁸⁹ nummos aureos Philippeos centum quadraginta millia; ⁹⁰ vasorum argenteorum (omnia cælata erant) mille pondo et quadringenta viginti quatuor, aureorum mille pondo viginti quatuor. et duces regii, præfecti, et purpurati duo et triginta ante currum ducti. Militibus ⁹¹ quini viceni denarii dati, duplex centurioni, triplex equiti. et stipendium militare et frumentum duplex post triumphum datum. ⁹² prælio in Asia facto, duplex dederat. Triumphavit anno fere post, quam consulatu abiit.

Fabius Pr.
in Cretam
insulam
trajicit.

LX. Eodem fere tempore et Cn. Manlius consul in Asiam, et Q. Fabius Labeo prætor ad classem venit. Ceterum consuli non deerat cum Gallis belli materia. mare pacatum erat, devicto Antiocho. ⁹³ Cogitantiⁿ Q. Fabio, cui rei potissimum insisteret, ne otiosam provinciam habuisse videri posset, optimum visum est, in Cretam insulam trajicere. Cydoniæ bellum adversus Gortynios Gnosiosque gerebant, et captivorum Romanorum atque Italici generis magnus numerus in servitute esse per totam insulam dicebatur. Classe ab Epheso profectus, quum primum Cretæ litus adtigisset, nuncios circa civitates misit, ut armis absisterent, captivosque in suis quæque urbibus agrisque conquisitos reducerent, et legatos mitterent ad se, cum quibus de rebus ad Cretenses pariter Romanosque pertinentibus ageret. Nihil magnopere ea Cretenses moverunt. captivos, præter Gortynios, nulli reddiderunt. Valerius Antias ad quatuor millia captivorum, quia belli minas timuerunt, ex tota insula reddita

^m viginti Gron. Crev.

ⁿ add. itaque omisso Q. Eæd.

⁸⁶ Argenti pondo centum triginta septem millia et quadringenta viginti] Marcas nostrates 214718. cum unciis 6.

⁸⁷ Tetradrachmum Atticorum ducenta viginti quatuor millia] Drachmas 896000. Marcas argenti 14000.

⁸⁸ Cistophorum trecenta triginta unum millia et septuaginta] Id est, denarios amplius 176570. qui pares sunt marcis argenti 2758. cum septem unciis, et duobus, ut vocant, grossis.

⁸⁹ Nummos aureos Philippeos centum quadraginta millia] Supple ad ante centum: vel fortasse hæc notis numerorum scripta a Livio librarii postea nominibus expresserunt. Ceterum nummi aurei 140000. efficiunt minas 2800. (vid. not. 82. ad lib. XXXIV.

c. 52.) ac proinde marcas auri nostrates 4375.

⁹⁰ Vasorum argenteorum . . . mille pondo et quadringenta viginti quatuor] Marcas nostrates 2225. Aureorum mille pondo viginti quatuor. Marcas 1600.

⁹¹ Quini viceni denarii] Ternæ argenti unciae nostrates cum gravis 72.

⁹² Prælio in Asia facto, duplex dederat] Videtur excidisse aliqua particula, ut quoque, vel itidem, vel jam, quæ jungatur τῷ duplex.

⁹³ Cogitanti itaque Fabio] Conjectura Sigonii. Scripti habent cogitante Fabio: unde legendum putamus Cogitanti Q. Fabio. Nihil vulgarius hoc genere mendi in scriptis. Vid. not. 32. ad XXII. 24. et not. 89. ad XXIII. 41.

scripsit : eamque caussam Fabio, quum rem nullam aliam U.C. 563.
gessisset, navalis triumpho impetrandi ab senatu fuisse. A A.C. 189.
Creta Ephesum Fabius rediit : inde tribus navibus in Thra-
ciæ oram missis, ab Æno et Maronea^o præsidia Antiochi
deduci iussit, ut in libertate eæ civitates essent.

^o *Maronia* Gron. Crev.

EPITOME LIBRI XXXVIII.

M. FULVIUS consul in Epiro Ambracienses obsessos in deditionem accepit, Cephalleniam subegit, Ætolis perdomitis pacem dedit. Cn. Manlius consul, collega ejus, ¹Gallogræcos Tolistoboios, et Tectosagos, et Trocmos, qui Brenno duce in Asiam transierant, quum soli citra Taurum montem non parent, vicit. Eorum origo, ²et quemadmodum ea loca, quæ tenent, occupaverint, refertur. Exemplum quoque virtutis et pudicitiae in femina traditur. nam quum Ortiagontis, regis Gallogræcorum, uxor captiva esset, centurionem custodem, qui ei vim intulerat, occidit. Lustrum a censoribus conditum est. censa sunt civium capita ducenta quinquaginta octo millia et trecenta viginti octo. Cum Ariarathe, rege Cappadociae, amicitia juncta est. Cn. Manlius, contradicentibus decem legatis, ex quorum consilio fœdus cum Antiocho conscripserat, de Gallogræcis, acta pro se causa in senatu, triumphavit. Scipio Africanus, die ei dicta, ut quidam aiunt, a Q. Petillio tribuno plebis, ut quidam, a Nævio, quod præda ex Antiocho capta ærarium fraudasset, postquam is dies venit, evocatus in Rostra, Hac die, inquit, Quirites, Karthaginem vici: et, prosequente populo, Capitolium adscendit. Inde, ne amplius tribuniciiis injuriis vexaretur, in voluntarium exilium Liternum concessit: incertum ibi, an Romæ, defunctus. nam ejus monumentum utrobique fuit. L. Scipio Asiaticus, frater Africani, eodem peculatus crimine accusatus damnatusque, quum in vincula et carcerem duceretur, Ti. Sempronius Gracchus, tribunus plebis, qui antea Scipionibus ³inimicus fuerat, intercessit; et ob id beneficium Africani filiam duxit. ⁴Quum quæstores in bona ejus publice possidenda missi essent, ⁵non modo in iis ullum vestigium pecuniæ regiae adparuit, sed nequaquam tantum redactum, quantæ summæ erat damnatus. Conlatam a cognatis et amicis innumerabilem pecuniam accipere noluit: quæ necessaria ei erant ad cultum, redempta.

¹ Gallogræcos . . . qui Brenno duce in Asiam transierant] Galli non transierunt in Asiam Brenno duce, sed Leonorio et Lutario ducibus, ut narrat Liv. infra c. 16. Brennus in Delphorum oppugnatione periit. Hanc scriptoris epitomarum incuriam observavit Perizonius Animadv. Hist. c. 9.

² Et, quemadmodum ea loca quæ tenent, occupaverint, refertur] Hæc lectio expeditissima sane, quam Gronovianæ editiones præferunt, undenam profecta fuerit, et a quo inducta, ignoramus. Olim legebatur: et cum eo loca quæ tenent occupaverantque re-

feruntur. Sigonius suos libros habere affirmat: et quando loca quæ tenent, occupaverint referuntur.

³ Inimicus fuerat] Sic libri a Sigonio et Gronovio inspecti. Vulgo: erat.

⁴ Quum quæstores in bona ejus possidenda publice missi essent] Sigonius dederat: Quum prætor quæstores . . . misisset. Sed vox prætor abest a libris quos vidit Gronovius. Itaque ille effecit id, quod post Clericum edidimus.

⁵ Non modo in iis nullum vestigium] Sic edidit Sigonius. Alii, ut lum.

T. LIVII PATAVINI

LIBER XXXVIII.

U. C. 563.
A. C. 189.
Res Ætoliae
et Athama-
niae.

DUM in Asia bellum geritur, ne in Ætolis quidem quietæ res fuerant, principio a gente Athamanum orto. Athamania ea tempestate, pulso Amyndandro, sub præfectis Philippi regio tenebatur præsidio: qui superbo atque inmodico imperio desiderium Amyndandri fecerant. Exsulanti tum Amyndandro in Ætolia literis suorum, indicantium statum Athamaniae, spes recuperandi regni facta est. remissique nuncii ab eo ad principes^a Argitheam, (id enim caput Athamaniae erat) si popularium animos satis perspectos¹ haberet^b, impetrato ab Ætolis auxilio, in Athamaniam se venturum² cum delectis Ætolorum, quod consilium esset gentis, et Nicandro prætore, quos, ubi ad omnia paratos esse vidit, certiores subinde facit, quo die cum exercitu Athamaniam ingressurus esset. Quatuor primo fuere conjurati adversus Macedonum præsidium. hi senos sibi adjuutores ad rem gerendam adsumserunt: deinde, paucitate parum freti, quæ celandæ rei, quam agendæ, aptior erat, parem priori numerum adjecerunt. Ita duo et quinquaginta facti, quadrifariam se diviserunt: pars una Heracleam, altera Tetraphyliam petit, ubi custodia regiae pecuniae esse solita erat, tertia Theudoriam, quarta Argitheam. Ita inter omnes convenit, ut primo quieti, velut ad privatam rem agendam venissent, in foro obversarentur: die certa multitudinem omnem convocarent ad præsidia Macedonum arcibus expellenda. Ubi ea dies advenit, et Amyndander cum mille Ætolis in finibus erat; ex composito quatuor simul locis præsidia Macedonum expulsa, literæque in alias urbes passim dimissæ, ut vindicarent sese ab inpotenti dominatione Philippi et restituerent in patrium ac legitimum regnum. Undique Macedones expelluntur. Theium oppidum, literis a Zenone præfecto præsidii interceptis, et arce ab regiis occupata, paucos dies obsidentibus restitit: deinde id quoque

Athamania
expulsi Ma-
cedones.

^a remissique ab eo nunciant principibus Gron. Crev.

^b haberent Euxd.

1 *haberent*] Plurimi codd. teste Hearnio, *haberet*. Consentit noster Vict. Andreas et Gronoviana: editiones servant *haberent*. Utrumlibet legas, parvi refert. Si *haberent*, intelliges

eos qui scripserant ad Amyndandrum; si *haberet*, Amyndandrum ipsum.

2 *Cum delectis Ætolorum*] Cum Apocletis, de quibus supra, l. XXXV. c. 34.

traditum Amynandro est, et omnis Athamania in potestate U. C. 563.
erat, præter Athenæum castellum, finibus Macedoniae sub- A. C. 189.
jectum.

II. Philippus, audita defectione Athamaniae, cum sex mil- Philippus
libus armatorum profectus, ingenti celeritate Gomphos per- Athama-
venit. ibi relicta majore parte exercitus, (neque enim ad niam ingre-
tanta itinera ³subfecissent) cum duobus millibus Athe- ditur.
næum, quod unum a præsidio suo retentum fuerat, perve-
nit. inde, proximis tentatis, quum facile animadvertisset,
cetera hostilia esse, Gomphos regressus, omnibus copiis
simul in Athamaniam rediit. Zenonem inde, cum mille
peditibus præmissum, ⁴Ethopiam occupare jubet, opportune
Argithæe imminuentem: quem ubi teneri a suis locum vidit,
ipse circa templum Jovis Acræi posuit castra. ibi unum
diem fœda tempestate retentus, postero die ducere ad Argi-
theam intendit. Euntibus extemplo adparuere Athamanes,
in tumulos imminentes viæ discurrentes. ad quorum con-
spectum constitere prima signa, totoque agmine pavor et
trepidatio erat: et pro se quisque, quidnam futurum esset,
cogitare, si in valles subjectas rupibus agmen foret demis-
sum. Hæc tumultuatio regem, cupientem, si se sequeren- Repellitur.
tur, raptim evadere angustias, revocare primos, et eadem,
qua venerat, via referre cœgit signa. Athamanes primo ex
intervallo quieti sequebantur: postquam Ætoli se conjun-
xerunt, hos, ut ab tergo agmini instarent, reliquerunt; ipsi
a lateribus se circumfuderunt. quidam, per notos calles bre-
viore via prægressi, transitus insedere: tantumque tumultus
Macedonibus est injectum, ut fugæ magis effusæ, quam iti-
neris ordinati modo, multis armis virisque relictis, ⁵flumen
trajecerint. hic finis sequendi fuit. Inde tuto Macedones
Gomphos, et a Gomphis in Macedoniam redierunt. Atha-
manes Ætolique Ethopiam, ad Zenonem ac mille Macedo-
nas obprimendos, undique concurrerunt. Macedones, pa-
rum loco freti, ab Ethiopia in altiore deruptioremque undi-
que tumulum concessere. quo pluribus locis aditu invento,
expulere eos Athamanes: dispersosque, et per invias atque
ignotas rupes iter fugæ non expedientes, partim ceperunt,
partim interfecerunt: multi pavore in derupta præcipitati,

³ Suffecissent] Aliquot MSS. ha-
bent, teste Jac. Gronovio, *sufficerent*.
Accedit iis noster Victorinus. Atque
id videtur male mutatum ab iis, qui
nescient has temporum in verbis va-
riationes ab optimis quibusque scrip-
toribus crebro usurpari.

⁴ Ethopiam occupare] Similiter in-
fra Athamanes Ætolique Ethopiam.
Sed hoc nomen Geographis incogni-

tum est. Modius testatur in membra-
nis suis sub finem hujus capitis legi
Alopam: cujus nominis plures urbes
memorantur a Strabone, l. IX. Meminit
quoque Plinius *Alopes* in Locris, l. IV.
c. 7. In Victor. codice deformatum
utroque loco nomen occurrit: primo
Ethiopum, dein *Eopam*.

⁵ Flumen trajecerint] Quodnam sit
illud flumen, indicare debuerat Livius.

U. C. 563. perpauci cum Zenone ad regem evaserunt. ⁶postero die per
A. C. 189. inducias sepeliendi cæsos potestas facta est.

Ætoli Am-
philochiam
et alia oc-
cupant.

III. Amynander, recuperato regno, legatos ⁷et^a Romam ad senatum, et ad Scipiones in Asiam, Ephesi post magnum cum Antiocho prælium morantes, misit. Pacem petebat, excusabatque sese, quod per Ætolos recuperasset paternum regnum. Philippum incusabat. Ætoli ex Athamania in Amphilochos profecti sunt, et majoris partis voluntate in jus ditionemque totam redegerunt gentem. Amphilochia recepta, (nam fuerat quondam Ætolorum) eadem spe in Aperantiam transcenderunt. ea quoque magna ex parte sine certamine in deditionem venit. Dolopes numquam Ætolorum fuerant: Philippi erant. hi primum ad arma concurre- runt: ceterum, postquam Amphilochos cum Ætolis esse, fugamque ex Athamania Philippi, et cædem præsidii ejus accipere, et ipsi a Philippo ad Ætolos deficiunt. Quibus circumjectis gentibus jam undique se a Macedonibus tutos credentibus esse, Ætolis fama adfertur, Antiochum in Asia victum ab Romanis. nec ita multo post legati ab Roma redire sine spe pacis, Fulviumque consulem nunciantes jam cum exercitu trajecisse. His territi, prius ab Rhodo et Athenis legationibus excitis, ut per auctoritatem civitatum earum suæ preces nuper repudiatae faciliorem aditum ad senatum haberent, principes gentis ad tentandum ultimam spem Romam miserunt: ⁸nihil, ne bellum haberent, prius, quam pene in conspectu hostis erat, præmeditati. Jam M. Fulvius, Apollonium exercitu tracto, cum Epirotarum principibus consultabat, unde bellum inciperet. Epirotis Ambraciam placebat adgredi, quæ tum contribuerat se Ætolis. *sive ad tuendam eam^b venirent Ætoli, apertos circa campos ad dimicandum esse: sive detrectarent certamen, obpugnationem fore haud difficilem. nam et copiam in propinquo materiæ ad aggeres excitandos et cetera opera esse: et Arethontem, navigabilem amnem, opportunum ad comportanda, quæ usui sint, præter ipsa mœnia fluere: et æstatem aptam rei gerendæ adesse.* his persuaserunt, ut per Epirum duceret.

Fulvius
Cos. in Epi-
ro.

IV. Consuli, ad Ambraciam advenienti, magni operis ob-

^a et del. Gron.

^b eam del. Crev.

6 Postero die] Andreas, et tres scrip-
ti, unus Jac. Gronovio, alter Hearnio
inspectus, tertius noster Vict. pro his
duabus vocibus exhibent *postea*. Sane,
si nulli Macedones in Athamania re-
manserunt, haud facile intelligitur,
quomodo ii qui per Gomphos in Ma-
cedoniam ad Philippum recurrerant,
potuerint *postero die* cum Amyandro
pacisci. Nimia est locorum distantia.

7 Et Romam] Et adjecimus, auc-
toribus Thuan. et Vict. codicibus.

8 Nihil, ne bellum haberent . . præ-
meditati] Quum nihil præcavissent ad
impetrandum, ne sibi bellum inferre-
tur, donec eo res adducta esset, ut hos-
tis pene in conspectu foret. Mirum
est, Sigonium in re tam clara hæsi-
tasse.

pugnatio visa est. Ambracia tumulo aspero subjecta est^c, U. C. 563.
 Perranthem incolæ vocant. urbs, qua murus vergit in cam- A. C. 189.
 pos et flumen, occidentem; arx, quæ inposita est tumulo^d, Ambraciæ
 orientem spectat. amnis Aretho, ex Athamania^e fluens, ca- situs.
 dit in sinum maris, ab nomine propinquæ urbis Ambracium
 adpellatum. præterquam quod hinc amnis munit, hinc tu-
 muli; muro quoque firmo septa erat, patente in circuitu
 paullo amplius tria millia passuum. Fulvius bina a campo
 castra, modico inter se distantia intervallo, unum castellum
 loco edito contra arcem objecit. ea omnia vallo ac fossa ita
 jungere parat, ne exitus inclusis ab urbe, neve aditus foris
 ad auxilia intromittenda esset. Ad famam obpugnationis
 Ambraciæ Stratum jam edicto Nicandri prætoris convene-
 rant Ætoli. Inde primo copiis omnibus ad prohibendam
 obsidionem venire in animo fuerat. deinde, postquam urbem
 jam magna ex parte operibus septam viderunt, Epirotarum
 trans flumen loco plano castra posita esse, dividere copias
 placuit. cum mille expeditis Eupolemus Ambraciam profec-
 tus, per nondum commissa inter se munimenta urbem intra-
 vit. Nicandro cum cetera manu primo Epirotarum castra
 nocte adgredi consilium fuerat, haud facili ab Romanis au-
 xilio, quia flumen intererat. deinde, periculosum inceptum
 ratus, ne qua sentirent Romani, et regressus inde in tutum
 non esset, deterritus ab hoc consilio, ad depopulandam
 Acarnaniam iter convertit.

V. Consul, jam munimentis, quibus sepienda urbs erat,
 jam operibus, quæ admovere muris parabat, perfectis, quin-
 que simul locis mœnia est adgressus. ⁹ tria paribus interval-
 lis faciliore aditu a campo adversus ¹⁰ Pyrrheum, quod vo-
 cant, admovit; unum e regione ¹¹ Æsculapii; unum adver- Obpugna-
 sus arcem. Arietibus muros quatiebat, asseribus falcatis tio.
 detergebat pinnas. Oppidanos primo et ad speciem et ad
 ictus mœnium, cum terribili sonitu editos, pavor ac trepida-
 tio cepit. deinde, ut præter spem stare muros viderunt, con-
 lectis rursus animis, in arietes ¹² tollenonibus libramenta
 plumbi aut saxorum ¹³ stipitesve robustos incutiebant; fal-

^c est del. Gron. Crev. ^d quæ posita in tumulo est Eæd. ^e Acarnania Eæd.

⁹ *Tria paribus intervallis . . . ad-*
movit] Intellige ex c. seq. tria opera
 adversus unum Pyrrheum admota: a
 quibus diversa fuerunt ea quæ post
 nominantur: ita ut quinque a Romanis
 opera adversus Ambraciam admota fue-
 rint.

¹⁰ *Pyrrheum*] Qui locus sic vide-
 tur dictus a Pyrrho rege, cujus regiam
 in ea urbe fuisse docet Livius infra,
 c. 9.

¹¹ *Æsculapii*] Hoc dictum intelli-

gimus, quasi ab Æsculapio, ii, quod
 est templum Æsculapii, Græcis, Ἄσκλη-
 πιον. Eadem forma dicunt Latini
Dianium, Minervium.

¹² * *Tollenonibus*] Vid. not. 82. ad
 XXIV. 34.

¹³ *Stipites . . . robustos*] Stipites e
 robore, durissimo ligno. Polybius, ex
 quo hæc sumpta fuerant, ut apparet
 ex insigni ejus fragmento, habet εὐκων
 δρύϊνα.

U. C. 563.
A. C. 189.

ces, ancoris ferreis injectis in interiorē partē muri trahentes asserem, præfringebant^f: ad hoc eruptionibus, et nocturnis in custodias operum, et diurnis in stationes, ultro terrorem inferebant. In hoc statu res ad Ambraciam quum essent, jam Ætoli a populatione Acarnaniæ Stratum redierant. inde Nicander prætor, spem nactus solvendæ incepto forti obsidionis, Nicodamum quemdam cum Ætolis quingentis Ambraciam intromittit. noctem certam tempusque etiam noctis constituit, quo et illi ab urbe opera hostium, quæ adversus Pyrrheum erant, adgrederentur, et ipse ad castra Romana terrorem faceret; posse ratus, ancipiti tumultu et^g nocte augente pavorem, memorabilem rem geri. Et Nicodamus intempesta nocte, quum alias custodias fefelisset, per alias inpetu constanti¹⁴ erupisset, ¹⁵superato brachio in urbem penetrat; animique aliquantum ad omnia audenda et spei obsessis adjecit; et, simul constituta nox venit, ex composito repente opera est adgressus. Id inceptum conatu, quam effectu, gravius fuit, quia nulla ab exteriorē parte vis admota est; seu metu deterrito prætore Ætolorum, seu quia potius visum est, Amphilochis opem ferre nuper receptis; quos Perseus Philippi filius, missus ad Dolopiam Amphilochosque recipiendos, summa vi obpugnabat.

Ætoli erumpentes repelluntur.

VI. Tribus locis, sicut ante dictum est, ad Pyrrheum opera Romana erant: quæ omnia simul, sed nec adparatu, nec vi simili, Ætoli adgressi sunt. alii cum ardentibus facibus, alii stuppam picemque et ¹⁶malleolos ferentes, tota conlucente flammis acie, advenere. multos primo inpetu custodes obpresserunt. deinde, postquam clamor tumultusque in castra est perlatus, datumque a consule signum, arma capiunt, et omnibus portis ad opem ferendam effunduntur. Uno in loco ferro ignique gesta res est. a duobus irritō incepto, quum tentassent magis, quam inissent, certamen, Ætoli abscesserunt. Atrox pugna in unum inclinaverat locum. ibi diversis partibus duo duces Eupolemus et Nicodamus pugnantes hor-

^f præfringebant Gron. Crev.

^g et del. Ead.

14 Erupisset] Malleus perrupisset.

15 Superato brachio] Superato munimento, quod bina castra et castellum inter se jungebat.

16 Malleolos] Duplicis generis malleolos distinguit Lipsius Poliore. l. V. Dial. 5. alios simplices magis ac rudes, de quibus ita Nonius Marcellus: Malleoli sunt manipuli spartei, pice connecti, qui incensi aut in muros, aut in testudines jaciuntur. Alterum genus magis efficax et militare Ammianus

Marcellinus describit, l. XXIII. Malleoli, teli genus, figurantur hac specie: sagitta est canna, inter spiculum et arundinem multifido ferro coagmentata, quod in muliebris colli formam, quo ventur lintea stamina, concavatur, ventre subtiliter et plurifariam patens: atque in alveo ipso ignem cum aliquo suscipit alimento. Et sic emissa lentius invalido arcu, jactu enim rapidiore exstinguitur, si hæserit usquam, tenaciter cremat.

tabantur, et ¹⁷prope certa fovebant spe, jam Nicandrum ex U. C. 563.
composito adfore, et terga hostium invasurum. Hæc res A. C. 189.
aliquamdiu animos pugnantium sustinuit. ceterum, postquam nullum ex composito signum a suis accipiebant, et crescere numerum hostium cernebant, destituti segnius instare: postremo, re omissa, jam vix tuto receptu, fugientes in urbem compelluntur, parte operum incensa, et pluribus aliquanto, quam ipsi ceciderant, interfectis. quod si ex composito acta res fuisset, haud dubium erat, expugnari una utique parte opera cum magna cæde hostium potuisse. Ambracienses, quique intus erant Ætoli, non ab ejus solum noctis incepto recessere, sed in reliquum quoque tempus, velut proditi a suis, segniores ad pericula erant. jam nemo eruptionibus, ut ante, in stationes hostium, sed, dispositi per muros et turres, ex tuto pugnabant.

VII. Perseus, ubi adesse Ætolos audivit, omissa obsidione urbis, quam obpugnabat, depopulatus tantum agros, Amphilochiam^b excessit, atque in Macedoniam rediit. Et Ætolos inde avocavit populatio maritimæ oræ. Pleuratus Illyriorum rex, cum sexaginta lembis Corinthium sinum invectus, adjunctis Achæorum, quæ Patris erant, navibus, maritima Ætoliæ vastabat. adversus quos mille Ætoli missi, quacumque se classis circumegerat per litorum amfractus, brevioribus semitis obcurrerant. Et Romani ad Ambraciam, pluribus locis quatiendo arietibus muros, aliquantum urbis nudaverant. nec tamen penetrare in urbem poterant. Nam et pari celeritate novus pro diruto murus objiciebatur, et armati, ruinis superstantes, instar munimenti erant. Itaque, quum aperta vi parum procederet consuli res, cuniculum occultum, vineis ante contexto loco, agere instituit. et aliquamdiu, quum dies noctesque in opere essent, non solum sub terra fodientes, sed egerentes etiam humum, fefellere hostem. Cumulus repente terræ eminens index operis oppidanis fuit. pavidique, ne jam, subrutis muris, facta in urbem via esset, fossam intra murum e regione ejus operis, quod vineis contextum erat, ducere instituunt. cujus ubi ad tantam altitudinem, quantæ esse solum infimum cuniculi poterat, pervenerunt, silentio facto, pluribus locis ¹⁸aure admota, soni-

Cuniculo
Rom. Ambraciam
tentant.

^b Amphilochia Gron. Crev.

¹⁷* *Prope certa fovebant spe*] Fovebant pugnantes, pugnantium animos incendebant prope certa spe auxilii a Nicandro advertantis.

¹⁸ *Aure admota*] Exstat fragmentum Polybianum ab Henr. Valesio communicatum Jac. Gronovio, et per hunc publici juris factum in Dissertat. Epistol. ad Jo. Georgium Grævium: quod quidem fragmentum spectat obsi-

dionem Ambraciensem, et hæc ipsa quæ a Livio hoc loco memorantur. Ex illo discimus Ambracienses non modo *aure admota* captasse fodientium sonum, sed appositis æramentis tenuissimis, ut patinis, etc. quæ subsultantia et resonantia ad exteriorem sonum indicarent ubinam fodere-tur. Ideo Jac. Gronovius suspicatur Livium hic dedisse *aure ari admota*,

U. C. 563. tum fodientium captabant. Quem ubi ¹⁹acceperunt¹, aperiunt rectam in cuniculum viam. nec fuit magni operis momento enim ad inane, suspenso furculis ab hostibus muro, pervenerunt. ibi commissis operibus, quum e fossa in cuniculum pateret iter, primo ipsis ferramentis, quibus in opere usi erant, dein celeriter armati etiam subeuntes occultam sub terram ediderunt pugnam. segnior deinde ea facta est; intersepientibus cuniculum, ubi vellent, nunc ²⁰ciliciis prætentis, nunc foribus raptim objectis. Nova etiam haud magni operis adversus eos, qui in cuniculo erant, excogitata res est. dolium a fundo pertusum, qua fistula modica inseri posset, et fistulam ferream operculumque dolii ferreum, et ipsum pluribus locis perforatum, fecerunt. hoc tenui pluma completum dolium ore in cuniculum verso posuerunt. ²¹Per operculi foramina prælongæ hastæ, quas sarissas vocant, ad submovendos hostes eminebant. scintillam levem ignis inditam plumæ, folle fabrili ad caput fistulæ inposito, flando accenderunt. inde non solum magna vis fumi, sed acrior etiam fædo quodam nidore ex adusta pluma, quum totum cuniculum ²²complesset, vix durare quisquam intus poterat.

Repelluntur.

VIII. Quum in hoc statu res ad Ambraciam esset, legati ab Ætolis Phæneas et Damoteles, cum liberis mandatis, decreto gentis, ad consulem venerunt. nam prætor eorum, quum alia parte Ambraciam obpugnari cerneret, alia infestam oram navibus hostium esse, alia Amphilochos Dolopiamque a Macedonibus vastari, nec Ætolos simul ad tria diversa bella obcursantes subficere, convocato concilio, Ætolos principes, quid agendum esset, consuluit. Omnium eo sententiæ decurrerunt, *ut pax, si posset, æquis; si minus, tolerandis conditionibus peteretur. Antiochi fiducia bellum susceptum. Antiocho terra marique superato, et prope extra orbem terræ ultra iuga Tauri exacto, quam spem esse sustinendi belli? Phæneas et Damoteles, quod e re Ætolorum, ut in tali casu, fideque sua esse censerent, agerent. Quod enim sibi consilium, aut cujus rei electionem a fortuna relictam? Cum his mandatis legati missi orare consulem, ut parceret urbi, miseretur gentis quondam sociæ, nolle dicere injuriis, miseriis*

Ætoli pacem petunt.

ⁱ acceperant Gron.

vel ære admoto. Sed hoc, ut ipse annotat, brevius justo esset, nec planerem explicaret.

¹⁹ Acceperunt] Sic vetustiores editi et codex Vict. Gronovianæ editiones, ex operarum profecto incuria, habent acceperant.

²⁰ Ciliciis] Cilicia sunt texta et pilo caprino quasi quedam vela.

²¹ Per operculi foramina] Bina, ex

eodem illo fragmento.

²² Complesset] Scripti Gronoviani et noster Vict. adimpleret. Verbum rarissimum, cujus et aliud exemplum reperiebatur apud Plin. l. XI. c. 37. Cochleis oculorum vicem cornicula bina prætentatu adimplent. Sed in editione a Clar. Harduino adornata legitur implent: nulla tamen addita ratione, cur a veteri lectione recessum sit.

certe coactæ insanire. Non plus mali meritos Ætolos Antiochi U. C. 563.
bello, quam boni ante, quum adversus Philippum bellatum sit, A. C. 189.
fecisse. nec tum large gratiam relatum sibi, nec nunc inmodice
pœnam injungi debere. Ad ea consul respondit: Magis sæpe,
quam vere unquam, Ætolos pacem petere. imitarentur Antio-
chum in petenda pace, quem in bellum traxissent. Non paucis
urbibus eum, de quarum libertate certatum sit, sed omni Asia
cis Taurum montem, opimo regno, excessisse. Ætolos, nisi
inermes, de pace agentes non auditurum se. arma illis prius
*equosque omnes tradendos esse, deinde*²³*mille talentum argenti*
populo Romano dandum: cujus summæ dimidium præsens nu-
meraretur, si pacem habere vellent. Ad ea adjecturum etiam
in fœdus esse, ut eosdem, quos populus Romanus, amicos atque
hostes habeant.

IX. Adversus quæ legati, et quia gravia erant, et quia suorum animos indomitos²⁴ ac mutabiles^k noverant, nullo reddito responso, domum regressi sunt, ut etiam atque etiam, quid agendum esset, re integra, prætorem et principes consulerent. Clamore et jurgio excepti, *quam diu*^l*rem traherent, qualemcumque pacem referre jussi?* quum redirent Ambraciam, Acarnanum insidiis prope viam positis,²⁵ quibuscum bellum erat, circumventi²⁶ Thyrium^m custodiendi deducuntur. Hæc mora injecta est paci. Quum jam Atheniensium Rhodiorumque legati, qui ad deprecandum pro his venerant, apud consulem essent; Amynder quoque, Athamanum rex, fide accepta, venerat in castra Romana magis pro Ambracia urbeⁿ, ubi majorem partem temporis exsulaverat, quam pro Ætolis, sollicitus. Per hos certior factus consul de casu legatorum, adduci eos a Thyrio jussit. quorum post adventum agi cœptum est de pace. Amynder, quod sui maxime operis erat, inipigre agebat, ut Ambracienses compelleret ad deditionem.²⁷ id quum per conloquia principum,

^k immutabiles Gron.
ⁿ urbe del. Eæd.

^l quam diu l. quod Gron. Crev.

^m Thyrrheum Eæd.

23 Mille talentum] Marcas argenti 93750.

24 Ac mutabiles] Hæc est lectio omnium scriptorum, testibus Gronovio et Hearnio: nec dissentit Victor. liber. Itaque sic edendum curavimus. Nimirum verebantur legati indomitos simul ac mutabiles suorum animos; imo ob eam causam in negotio præsentibus mutabiles, quod indomiti forent. Quum enim nulla eos vis mali posset cogere, ut subacta cervice ferrent jugum, fieri poterat, ut qui pacem quibuscumque conditionibus, modo tolerabilibus, accipere parati fuerant, postea dictas a consule Romano leges, tanquam graviores justo, aspernaren-

tur. Vulgo legebatur ac immutabiles. Ubi malos correctores etiam illud fefellerat, particulam ac non bene locari ante vocalem.

25 Quibuscum bellum erat] Hoc membrum videtur suo loco excessisse. Repone: Acarnanum, quibuscum bellum erat, insidiis prope viam positis circumventi.

26 * Thyrrheum] Hæc eadem est urbs, quæ supra XXXVI. 11. dicitur Thyrium: quæ quidem vera hujus nominis scriptura est.

27 Id quum . . . succedens murum parum proficeret] Vel dele id, vel ejus loco restitue Et. Gronovius in nota ad hunc locum probare conatur τὸ ἰδ

U. C. 563. succedens murum, parum proficeret: postremo, consulis
 A. C. 189. permissu ingressus urbem, partim consilio, partim precibus,
 Ambracien- evicit, ut permitterent se Romanis. Et Ætolos C. Valerius
 ses se de- Lævini filius, ²⁸ qui cum ea gente primum amicitiam pepi-
 dunt. gerat, consulis frater, matre genitus eadem, egregie adjuvit.
 Ambracienses, prius pacti, ut Ætolorum auxiliares sine
 fraude emitterent, aperuerunt portas. ²⁹ dein (Ætoliⁿ.) ut
 Leges pacis quingenta ³⁰ Euboica darent talenta; ex quibus ducenta præ-
 Ætolis a sentia, trecenta per annos sex pensionibus æquis: captivos per-
 Cos, dictæ. fugasque redderent Romanis: ³¹ urbem ne quam formulæ sui
 juris facerent, quæ post id tempus, quo T. Quinctius trajecisset
 in Græciam, aut vi capta ab Romanis esset, aut voluntate in
 amicitium venisset: Cephalleria insula ut extra jus fœderis
 esset. Hæc quamquam spe ipsorum aliquanto leviora erant,
 petentibus Ætolis, ut ad concilium referrent, permissum est.
 Parva disceptatio de urbibus tenuit. ³² quæ quum sui juris
 aliquando fuissent, avelli velut a corpore suo ægre patiebantur.
 ad unum tamen omnes accipi pacem jusserunt. Am-
 bracienses coronam auream consuli ³³ centum et quinquaginta

ⁿ Ætoli del. Gron.

posse retineri, tanquam non inelegan-
 tem pleonasmum: et in eam rem ali-
 quot exempla allegat, in quibus sive
 id, sive quod παρίλκει. Sed non anim-
 advertit vir doctissimus, si quando
 hæ voces illo modo usurpantur, id ita
 fieri, ut sequatur aliquod orationis
 membrum, quo explicetur id quod illis
 velut involutum fuerat. Sic in primo
 allato exemplo ex l. XXXVI. c. 26.
Id quum ad dignitatem ejus fideaque
pertinere, non prodi socios, tum etiam
ad incolomitatem regni, non sinere
Romanos omni cura vacuos: patet
τοῖς, non prodi socios et non sinere Ro-
manos, id evolvi quod inclusum late-
bat in τῷ id: ut vis totius periodi
hæc sit: Id, nempe non prodi socios,
pertinere ad dignitatem fidemque ejus:
et similiter id, nempe non sinere Ro-
manos omni cura vacuos, pertinere ad
incolomitatem regni. At hoc loco ni-
hil est quo explicetur et evolvatur τῷ
id. Recte igitur illud mendosum ju-
dicamus. Hæc ideo pluribus disputa-
vimus, ut appareret non sine causa nos
a tanti viri auctoritate discedere. Ex
scriptis et veteribus editis revocavi-
mus, succedens murum, auctore Gron-
ovio, quod sine ulla ratione Sigonius
mutaverat in succedens muris.

28 * Qui cum ea gente primum] Re-
 fer τὰ qui ad nomen Lævini. De ipsa
 re vid. supra XXVI. 44.

29 Dein Ætoli] Adiecit Perizonius

vocem Ætoli, gravissimis ac certissi-
 mis momentis adductus: nempe, quod
 hæ conditiones quæ sequuntur, non
 ejusmodi sunt, quæ ab una urbe exigi
 possent et præstari; quod post expo-
 sitas has leges dicantur legati Ætolo-
 rum petisse, ut ad concilium referrent,
 ac deinde, c. 10. pax concilio Ætolo-
 rum approbata; quod c. 11. eadem
 prorsus fœderis cum Ætolis leges re-
 petuntur; quod denique ita habet Po-
 lybius, quem hic vertit noster.

30 Euboica . . . talenta] Vid. not.
 34. ad lib. XXXVII. c. 45.

31 Urbem ne quam formulæ sui juris
 facerent] Ne quam urbem contribue-
 rent sibi, et ad formulam legum Æto-
 licarum alligarent. Hoc vertit Livius
 ex Græco Polybii, πόλιν δὲ μηδεμίαν ἔχειν
 ἐν τῇ συμπολιτείᾳ. In illo fœderis ca-
 pite respexit procul dubio consul ad
 illas Thessaliæ urbes, Pharsalum, E-
 chinum, Leucadem, quas sibi non red-
 ditas fuisse adeo indignati fuerant Æ-
 toli, ut hac ira maxime Antiochum
 in Græciam vocarent. Vid. supra
 XXXIII. 13. et 34. et XXXIV. 23.
 etc.

32 Quæ quum sui juris] Lege cum
 Mureto quas, quum. * Sui juris autem
 intellige Ætolici.

33 Centum et quinquaginta pondo]
 Marcarum nostratium 234. cum un-
 ciis 3.

ginta pondo dederunt: signa ænea marmoreaque et tabulæ U. C. 563. pictæ, quibus ornatior Ambracia, (quia regia ibi Pyrrhi A. C. 189. fuerat) quam ceteræ regionis ejus urbes erant, sublata omnia avectaque. nihil præterea tactum violatumve.

X. Profectus ab Ambracia consul in mediterranea Ætolia, ad Argos Amphilochium^o (viginti duo millia ab Ambracia abest) castra posuit. eo tandem legati Ætoli, ³⁴mirante consule, quod morarentur, venerunt. Inde, postquam adprobasse pacem concilium Ætolorum accepit, jussis proficisci Romam ad senatum, permissoque, ut et Rhodii, et Athenienses^p deprecatores irent, dato, qui simul cum iis proficisceretur, C. Valerio fratre, ipse in Cephalleniam trajecit. Præoccupatas aures animosque principum Romæ criminibus Philippi invenerunt; qui, per legatos, per literas, ³⁵Dolopas, Amphilochosque, et Athamaniam ereptas sibi querens, præsidiaque sua, postremo etiam filium Persea ex Amphilochis pulsum, averterat senatum ab audiendis precibus eorum. Rhodii tamen et Athenienses cum silentio auditi sunt. Atheniensis legatus Leon, Icesiae filius, eloquentia etiam dicitur movisse: qui vulgata similitudine, mari tranquillo, quod ventis concitaretur, æquiparando multitudinem Ætolorum, usus, *quum in fide Romanæ societatis mansissent*, ³⁶*insita gentis tranquillitate quiesse eos aiebat: postquam* ³⁷*flare ab Asia Thoas et Dicaærchus, ab Europa Menestasi¹ et Damocritus cæpissent; tum illam tempestatem coortam, quæ ad Antiochum eos,* ³⁸*sicuti^r in scopulum, intulisset.*

XI. Diu jactati Ætoli, tandem ut conditiones pacis convenirent, effecerunt. Fuerunt autem hæ: ³⁹*Imperium majestatemque populi Romani gens Ætolorum conservato sine* Pax Ætolis data Romæ.

^o Amphilochicum Crev. ^p et Athenienses et Rhodii Gron. Crev. ^q Menestas Eæd. ^r sicut Gron. ^s sicut ad Crev.

³⁴ Mirante . . . quod morarentur] Hic nobis, ut et Gronovio, magis placeret quid. Non tamen omnino receptam lectionem improbamus. Vid. not. 99. ad l. XXXIV. c. 57.

³⁵ Dolopas, Amphilochosque, et Athamaniam ereptas] Si ita scripsit Livius, magis ad sensum quam ad voces attendit, prorsus quasi dixisset, Dolopiam, Amphilochiamque, et Athamaniam. Sed fortasse dederat ereptam.

³⁶ Insita gentis tranquillitate] Sic lib. XXVIII. c. 24. insita hominum libidine.

³⁷ Flare] Livius persequitur cæptam tractari similitudinem, loquiturque de belli Ætolici concitoribus, tanquam de ventis quibusdam violentis qui mare, per se tranquillum, agitent.

³⁸ Sicut ad scopulum] Hæc est ve-

terum editorum lectio, teste Gronovio. Nunc vulgo in scopulum. Sed displicet ad Antiochum, sicut in scopulum. Firmat admissam a nobis lectionem Terentius, Phorm. Act. IV. Sc. 4. Hem, si quid velis, huic mandes, qui te ad scopulum e tranquillo inferat.

³⁹ Imperium majestatemque] Huc facit allatus a Sigonio locus Ciceronis ex oratione pro Corn. Balbo, n. 35. Adjunctum illud etiam est, quod non est in omnibus fæderibus: Majestatem populi Romani comiter conservanto. Id habet hanc vim, ut sit ille in fædere inferior Quum alterius populi majestas conservari jubetur, de altero si letur, certe ille populus in superiori conditione causaque ponitur, cujus majestas fæderis sanctione defenditur.

U. C. 563. *dolo malo. Ne quem exercitum, qui adversus socios amicosque eorum ducetur, per fines suos transire sinito; neve ulla ope juvato. Hostes eosdem habeto, quos populus Romanus, armaque in eos fert, bellumque pariter gerito. perfugas, fugitivos, captivosque reddito Romanis sociisque; præterquam si qui capti, quum domos redissent, iterum capti sunt; aut si qui eo tempore ex iis capti sunt, qui tum hostes erant Romanis,*⁴⁰*quum intra præsidia Romana Ætoli essent. Aliorum qui comparebunt, intra dies centum Corcyræorum magistratibus sine dolo malo tradantur: qui non comparebunt, quando quisque eorum primum inventus fuerit, reddantur¹. obsides quadraginta arbitrato consulis Romani dato, ne minores duodecim annorum, neu majores quadraginta. Obses ne esto prætor, præfectus equitum, scriba publicus: neu quis, qui ante obses fuerit apud Romanos. Cephallenia extra pacis leges esto. De pecuniæ summa, quam penderent, pensionibusque ejus, nihil ex eo, quod cum consule convenerat, mutatum. Pro argento si aurum dare mallent, darent, convenit; ⁴¹dum pro argenteis decem aureus unus valeret. Quæ urbes, qui agri, qui homines Ætolorum juris aliquando fuerunt, qui eorum*⁴²*T. Quintio Cn. Domitio consulibus, postve eos consules,*

² bellum Gron. Crev.

¹ reddatur Crev.

³ T. l. L. Gron.

40 Quum intra præsidia Romana Ætoli essent] Vulgo inter præsidia. Sequimur emendationem Gronovii, nixam auctoritate ipsius Livii, supra XXV. 24. et 31. Inter præsidia Romana, id est, in exercitibus, in castris Romanis. Præsidium enim est id omne quo aliquid defenditur, (vid. not. ad l. XXVII. c. 44.) tamque intelligi potest de exercitibus universis, quam de minore militum numero, tuendæ alicui regioni, vel loco, attributo. Hæc autem locutio intra præsidia videtur ad eos tantum pertinere qui in alicujus regis vel populi exercitibus, castris, tanquam socii, auxiliares, amici, versantur, non de propriis illius regis vel populi copiis. Vid. c. 48. hujus libri, et l. XLIII. c. 7.

41 Dum pro argenteis decem aureus unus valeret] Principio quindecuplam auri ad argentum proportionem Romæ servatam fuisse statuunt Gronovius et Budæus, alter l. III. de Pec. Vet. c. 4. alter l. III. de Asse, hancque æstimationem ex Plinio probant. Verum, postquam auri copia major Romæ fuit, tum ejus pretium decrescere incepit: aurique ad argentum proportio, quæ primo quindecupla, jam decupla tantum facta est, ut constat ex hoc loco, præsertim si eum conferas cum verbis Polybii, ex quo sumpsit hæc Livius.

Illa sunt in Excerpt. Leg. 28. ἀντὶ . . . τῶν δέκα μὲν ἀργυρίων, χρευσίς μὲν διδόνταις. Pro decem argenti minis, auri minam danto.

42 T. Quintio] Vulgati nunc habent L. Quintio ex Sigonii emendatione. Hanc ejus conjecturam Perizonius, Animadv. Hist. c. 1. refellit multis validisque rationum momentis; nempe, quod L. Quintio, Cn. Domitio coss. nihil rei in Græcia gestum sit; quod supra c. 9. ubi consul cum Ætolis paciscitur, vetantur illi ullam urbem formulæ sui juris facere, quæ post id tempus, quo T. Quintius in Græciam trajecisset, in Romanorum venisset potestatem, aut sese iis adjunxisset; quod eam legem quæ a Fulvio consule hac in re dicta Ætolis fuerat, mutatam esse a senatu nullomodo sit verisimile. Quum enim sex annis post T. Quintium consulem L. Quintius consul fuerit, Patres infestissimi Ætolis mitius tamen cum eis agerent, quam Fulvius fecerat, atque etiam concederent iis ut contribuere sibi possent illas Thessaliæ civitates, quas eis reddere ita pertinaciter recusaverant, ut mallent eos ad bellum adigere, quam decedere de sententia. Denique Glareanus et Sigonius ipse testes sunt olim hic scriptum fuisse T. Quintio, Cn. Domitio coss. Et sic revera Andream et

aut^u armis subacti, aut voluntate, in ditionem populi Romani U. C. 563.
venerunt, ne quem eorum Ætoli recepisce velint. *Æniadæ cum* A. C. 189.
urbe agrisque Acarnanum sunt. His legibus fœdus ictum
 cum Ætolis est.

XII. Eadem non æstate solum, sed etiam iisdem prope diebus, quibus hæc a M. Fulvio consule in Ætolia gesta sunt, consul alter Cn. Manlius in Gallogræcia bellum ges- Bellum cum Gallogræcis.
 sit, quod nunc ordini pergam. Vere primo Ephesum consul venit, acceptisque copiis a L. Scipione, et exercitu lustrato, concionem apud milites habuit: qua, conlaudata virtute eorum, quod cum Antiocho uno prælio debellassent, adhortatus eos ad novum cum Gallis suscipiendum bellum, qui et auxiliis Antiochum juvissent, et adeo indomita haberent ingenia, ut nequidquam Antiochus emotus ultra juga Tauri montis esset, nisi frangerentur opes Gallorum, de se quoque pauca, nec falsa, nec inmodica, adjecit. Læti milites^{*} cum frequenti adsensu consulem audiverunt, partem virium Antiochi fuisse Gallos credentes; rege superato, nullum momentum in solis per se Gallorum copiis fore. Eumenem haud in tempore abesse (Romæ tunc erat) credere consul, gnarum locorum hominumque, et cujus interesset frangi Gallorum opes. Attalum igitur fratrem ejus arcessit a Pergamo, hortatusque ad capessendum secum bellum, pollicentem suam suorumque operam domum ad comparandum dimittit. Paucos post dies profecto ab Epheso consuli ad Magnesiam occurrit Attalus cum mille peditibus, equitibus ducentis, Athenæo fratre jusso cum ceteris copiis subsequi, commendata iis custodia Pergami, quos fratri regnoque fidos credebat. Consul, conlaudato juvene, cum omnibus copiis ad Mæandrum progressus, castra posuit, quia vado superari amnis non poterat, et contrahendæ naves erant ad exercitum trajiciendum. Transgressi Mæandrum ad Hieran Comen pervenerunt.

XIII. Fanum ibi augustum Apollinis et oraculum: sortes versibus haud inconditis dare vates dicuntur. Hinc alteris castris ad Harpasum flumen ventum est: quo legati ab Alabandis venerunt, ut castellum, quod ab ipsis nuper descisset, aut auctoritate, aut armis, cogeret jura antiqua

^u aut del. Gron. Crev.

^{*} milites del. Eæd.

Vict. codicem habere comperimus. Eam itaque germanam esse Livii scripturam Perizonius existimat. Verum inde nova exoritur difficultas. T. Quintius enim non cum Cn. Domitio, sed cum P. Ælio consulatum gessit: Cn. Domitius vero L. Quintii collega in consulatu fuit. Respondet Perizonius Livium hic humani aliquid pas-

sum fuisse, et imprudentem a Polybio, quem hic excipit, in errorem induc- tum fuisse. Idem enim error et apud Græcum scriptorem reperitur. Eum vid. Leg. 28. Polybius igitur memoria lapsus est: errantem secutus est Livius. Hæc fusius disputat Perizonius loco supra memorato.

U. C. 563. pati. Eodem et Athenæus, Eumenis et Attali frater, cum
 A. C. 189. Cretensi Leuso et Corrago Macedone venit. mille pedites
 mixtarum gentium et trecentos equites secum adduxerunt.
 Consul, tribuno militum misso cum modica manu, castellum
 vi captum^x Alabandensibus reddit. ipse, nihil via digressus,
 Mæander et ad Antiochiam super Mæandrum amnem posuit castra.
 Celænæ. Hujus amnis fontes Celænis oriuntur. Celænæ urbs caput
 quondam Phrygiæ fuit. migratum inde haud procul veteri-
 bus Celænis, novæque urbi Apameæ nomen inditum⁴³ ab
 Marsyas Apamea, sorore Seleuci regis. Et Marsyas amnis, haud
 annis. procul a Mæandri fontibus oriens, in Mæandrum cadit.
 Famaque ita tenet, Celænis Marsyam cum Apolline tibi-
 cantu certasse. Mæander, ex arce summa Celænarum ortus,
 media urbe decurrens, per Caras primum, deinde Ionas, in
 sinum maris editur, qui inter Prienen^y et Miletum est. Ad
 Antiochiam in castra consulis Seleucus, Antiochi filius, ex
 fœdere icto cum Scipione, ad frumentum exercitui dandum
 venit. Parva disceptatio de Attali auxiliaribus orta est;
 quod, Romano tantum militi, pactum Antiochum, ut dare-
 tur frumentum, Seleucus dicebat. ⁴⁴Discussa ea quoque
 est constantia consulis, qui ⁴⁵dimisso tribuno edixit, ne
 Romani milites acciperent, priusquam Attali auxilia acce-
 pissent. Inde ad ⁴⁶Gorditichos, quod vocant, processum
 est. ex eo loco ad Tabas tertiis castris perventum. in finibus
 Pisidarum posita est urbs, in ea parte, quæ vergit ad Pam-
 phylum mare. ⁴⁷Integris viribus regionis ejus, feroces ad
 bellandum habebat viros. Tum quoque equites, in agmen
 Romanum eruptione facta, haud modice primo inpetu tur-
 bavere: deinde, ut adparuit, nec numero se, nec virtute pares
 esse, in urbem compulsi, veniam erroris petebant, dedere
 urbem parati. ⁴⁸quinque et viginti talenta argenti, et ⁴⁹de-
 cem millia medimnûm tritici imperata. ita in dediti-
 onem ac-
 cepti.

XIV. Tertio inde die ad Chaum amnem perventum:
 inde profecti Erizam urbem primo inpetu ceperunt. Ad
 Thabusion castellum, imminens flumini Indo, ventum est;

^x receptum Crev.

^y Prienum Gron.

⁴³ Ab Apamea sorore Seleuci] Imo uxore Seleuci, filia Artabazi, matre Antiochi Soteris, qui conditor urbis Apameæ fuit. Hæc testatur Strabo, l. XII. p. 578.

⁴⁴ Discussa ea quoque est constantia consulis] Quum de nulla alia disceptatione mentio superius facta sit, non est hic locus particulæ quoque. Itaque ea aut recidenda, aut immutanda est.

⁴⁵ Dimisso tribuno] Per legiones et corpora exercitus. Magis tamen placet misso, quod habet Vict. liber.

⁴⁶ Gorditichos, quod vocant] Sic emendavit Gronovius. Prius legebatur, quos vocant: male. Est enim Γορτίου τοῦ ἱεροῦ, urbis nomen, non populi.

⁴⁷ Integris viribus] Olim, quum integræ vires essent.

⁴⁸ Quinque et viginti talenta] Marcæ argenti nostrates 2343. cum uncis 6.

⁴⁹ Decem millia medimnûm] Modii Romani 60000. nostrates 46250.

cui fecerat nomen Indus, ab elephanto^a dejectus. Haud
 procul a Cibra aberant: nec legatio ulla a Moagete, ty-
 ranno civitatis ejus, homine ad omnia infido atque inpor-
 tuno, veniebat. Ad tentandum ejus animum C. Helvium,
 cum quatuor millibus peditum et quingentis equitibus, con-
 sul præmittit. Huic agmini, jam fines ingredienti, legati
 obcurrerunt, nunciantes, paratum esse tyrannum imperata
 facere. orabant, ut pacatus fines iniret, cohiberetque a po-
 pulatione agri militem. ⁵⁰ et^a coronam auream quindecim
 talentum^b adferebant. Helvius, integros a populatione
 agros servaturum pollicitus, ire ad consulem legatos jussit.
 quibus eadem referentibus, consul, *Neque Romani*, inquit,
bonæ voluntatis ullum signum erga nos tyranni habemus: et
ipsum talem esse inter omnes constat, ut de pœna ejus magis,
quam de amicitia, nobis cogitandum sit. Perturbati hac voce
 legati nihil aliud petere, quam ut coronam acciperet; veni-
 endique ad eum potestatem tyranno, et copiam loquendi ac
 purgandi se, faceret. Permissu consulis postero die in cas-
 tra tyrannus venit; vestitus comitatusque vix ad privati

U. C. 563.
 A. C. 189.
 Moaetes
 tyrannus
 male habi-
 tus a Ro-
 manis.

^a elephante Gron. Crev.

^a et in c. Eæd.

^b talenta Eæd.

50 Et in coronam auream quindecim talenta] Polybius, Legat. 30. hanc eandem rem sic exprimit, *εἰς φανὸν ἀπὸ πέντε καὶ δέκα ταλάντων, coronam ex quindecim talentis.* Fieri tamen omnino non potest, ut vel Livius, vel etiam Polybius, intellexerint coronam e quindecim talentis pondo auri, id est, marcis auri nostratibus 1406. uncis 2. quod esset immane et pretium et pondus. Nec videtur quoque intelli-
 gi posse corona aurea, quæ pretio æquaret quindecim argenti talenta, ne pondus coronæ, licet jam multo minus, tamen sic quoque verisimilitudinem omnem excedat. Quum enim tunc, ut observavimus ad c. II. supra, proportio auri ad argentum decupla esset, quindecim argenti talenta, sive 1400. marcæ, neglectis iis quæ excurrunt, æquant marcas auri 140. Unde etiamsi detrahatur manûs pretium, corona illa longe superaret tamen centum marcas pondo. Quod et per se parum credibile est: et præterea falsum convincitur ex eo quod l. XXXIX. c. 7. coronæ aureæ a Manlio in triumpho latæ dicuntur fuisse duodecim pondo. Superest ergo, ut intelligamus quindecim talenta argenti data coronæ nomine. Et vero ex Suida, in voce *Στεφανίδης*, apparet coronarum nomine intellectum esse quidquid non ex tributi necessitate, sed tanquam a volentibus muneris loco dare-

tur imperanti. Itaque Polybius apud eundem Suidam, in voce *Στακτή*, refert Antiochum a Gerrhæis coronatum esse quincentis argenti talentis, mille thuris, ducentis stactes: ubi manifestum est ex thure et stacte, quæ minime in coronas impendi possunt, coronatum nihil aliud esse, quam coronæ nomine donatum. Non tamen negamus veras quoque coronas datas esse imperatoribus Romanis a provinciis et regibus, quæ in triumpho ferrentur, ut passim in descriptionibus triumphorum hujus ævi memorat Livius. Novimus quoque memoratum Juvenali, Sat. X. v. 40. *coronæ tantum orbem, quanto cervix non sufficit ulla:* quo referre licet *Donaticus* apud Festum coronas, quæ erant, ut ille loquitur, *super modum aptarum capitibus.* Unde et corona triumphanti sustinebatur a tergo, teste Plinio, l. XXXIII. c. 1. manibus servi publici, ut docet Juvenalis. Sed hinc tantummodo sequitur, et coronas magni interdum ponderis, et aurum coronæ nomine a civitatibus dari solita. Atque hoc quod dicimus, firmat Dio apud Vales. l. LXXVII. p. 745. distinguens, plane ut volumus, τὸ τῶν στεφάνων ποίημα, et τὸ τῶν χειρῶν πλῆθος τῶν ἐπ' ὀνόματι αὐτῶν δίδομένων. Utrumque veniebat nomine auri coronarii, cujus frequens apud scriptores mentio. Vid. Lips. l. II. de Magnitudine Rom. c. 9.

U. C. 563. modice locupletis habitum. et oratio fuit submissa et in-
 A. C. 189. fracta, extenuantis opes suas, urbiumque suæ ditionis eges-
 tatem querentis. Erant autem sub eo, præter Cibyram, et^c
 Syleum, et Alimne quæ^d adpellatur. ex his, ut se suosque
 spoliaret, quinque et viginti talenta se confecturum, prope
 ut diffidens, pollicebatur. *Enimvero*, inquit consul, *ferri*
jam ludificatio ista non potest. Parum est, non erubuisse ab-
sentem, quum per legatos frustrareris nos: præsens quoque in
eadem impudentia persistis^e. *Quinque et viginti talenta tyran-*
nidem tuam exhaurirent? ⁵¹*Quingenta ergo talenta nisi tri-*
duo numeras, populationem in agris, obsidionem in urbe ex-
specta. Hac denunciatione conterritus, perstare tamen in
 pertinaci simulatione inopiæ. et paullatim inliberali adjec-
 tione, nunc ⁵²per cavillationem, nunc precibus et simulatis
 lacrymis, ad centum talenta est perductus. adjecta decem
 millia medimnûm frumenti. Hæc omnia intra sex dies
 exacta^f.

XV. A Cibra per agros Sindensium exercitus ductus,
 transgressusque Caularem amnem, posuit castra. Postero
 die est præter Caralitin paludem agmen ductum. ⁵³ad Man-
 dropolim manserunt. inde progredientibus ad Lagon, proximi-
 mam urbem, metu incolæ fugerunt. Vacuum hominibus,
 et refertum rerum omnium copia, oppidum diripuerunt.
 inde ab Lysis fluminis fonte, postero die ad Cobulatum
 amnem progressi. Termessenses eo tempore Isiondensium
 arcem, urbe capta, obpugnabant: inclusi, quum alia spes
 auxilii nulla esset, legatos ad consulem, orantes opem, mi-
 serunt. *cum conjugibus ac liberis in arce inclusos se mortem in*
dies, aut ferro aut fame patiendam, expectare. Volenti con-
 suli caussa in Pamphyliam divertendi oblata est. adveniens
 obsidione Isiondenses exemit. Termesso pacem dedit,
⁵⁴quinquaginta talentis argenti acceptis: item Aspendiis
 ceterisque Pamphyliæ populis. Ex Pamphylia rediens ad
 fluvium Taurum primo die, postero ad Xylinen (quam vo-
 cant) comen posuit castra. Profectus inde continentibus
 itineribus ad Cormasa^g urbem pervenit. Darsa proxima
 urbs erat. eam, metu incolarum desertam, plenam omnium
 rerum copia invenit. Progredienti præter paludes legati
 ab Lysinoë, dedentes civitatem, venerunt. Inde in agrum
 Sagalassenum, uberem fertilemque omni genere frugum,

^c et del. Gron. Crev.
 persistas? Eæd.

^d et quæ Alimne Eæd.

^e nisi præsens q. i. e. i.

^f acta Eæd.

^g Cormasam Eæd.

⁵¹ *Quingenta talenta*] Marcas ar-
 genti 46875. Centum talenta, marcas
 9375.

⁵² * *Per cavillationem*] Per morosas
 argutias, quas Galli dicimus *chicanes*.

⁵³ *Ad Maudropolim*] Multum hic

variant scripti, et veteres editi. Jac.
 Gronovius legit *Mordicum*, urbem Pi-
 sidie memoratam Stephano.

⁵⁴ *Quinquaginta talentis*] Marcis
 4687. cum uncis 4.

ventum est. Colunt Pisidæ, longe optimi bello regionis U. C. 563. ejus. quum ea res animos facit, tum agri fœcunditas, et A. C. 189. multitudo hominum, et situs inter paucas munitæ urbis. Consul, quia nulla legatio ad finem præsto fuerat, prædatum in agros misit. tum demum fracta pertinacia est, ut ⁵⁵ferri agique res suas viderunt. Legatis missis, pacti quinquaginta talentis, et ⁵⁶viginti millibus medimnûm tritici, viginti hordei, pacem impetraverunt. Progressus inde ad Obrimæ fontes, ad vicum, quem ⁵⁷Aporidos comen vocant, posuit castra. Eo Seleucus ab Apamea postero die venit. Ægros inde et inutilia impedimenta quum Apameam dimississet, ducibus itinerum ab Seleuco acceptis, profectus eo die in Metropolitanum campum, postero die Dinias Phrygiæ processit. Inde Synnada venit, metu omnibus circa oppidis desertis. quorum jam præda grave agmen trahens, vix quinque millium die toto itinere perfecto, ad Beudos, quod vetus adpellant, pervenit. ad Anabura inde, et altero die ad ⁵⁸Alandri fontes, tertio ad Abbassum posuit castra. ibi plures dies stativa habuit, quia perventum erat ad Tolisoboiiorum fines.

XVI. Galli^b, magna hominum vis, seu inopia agri, seu prædæ spe, nullum gentem, per quam ituri essent, parem armis rati, Brenno duce in Dardanos pervenerunt. ibi seditio orta, et ad viginti millia hominum, cum Leonorio ac Lutario regulis, secessione facta a Brenno, in Thraciam iter averterunt. ubi cum resistentibus pugnando, pacem petentibus stipendium inponendo, Byzantium quum pervenissent, aliquamdiu oram Propontidis vectigalem habendo, regionis ejus urbes obtinuerunt. Cupido inde eos in Asiam transeundi, audientes ex propinquo, quanta ubertas terræ ejus esset, cepit: et, Lysimachia fraude capta, Chersonesoque omni armis possessa, ad Hellespontum descenderunt. Ibi vero exiguo ⁵⁹divisamⁱ freto cernentibus Asiam multo magis animi ad transeundum accensi; nunciosque ad Antipatrum, præfectum ejus oræ, de transitu mittebant. quæ res quum lentius spe ipsorum traheretur, alia rursus nova inter regulos orta seditio est. Leonorius retro, unde venerat, cum majore parte hominum repetit Byzantium: Lutarius Macedonibus, per speciem legationis ab Antipatro ad spe-

Gallogræcorum origo.

Transeunt in Asiam.

^b Hi Galli Crev.

ⁱ divisas Gron.

⁵⁵ * Ferri agique] Vid. not. 27. ad XXII. 3.

⁵⁶ Viginti millibus medimnûm] Modis Romanis 120000. nostratibus 92500.

⁵⁷ Aporidos] Jac. Gronovius emendat *Acaridos*. Acaris est urbs Phrygiæ, propter quam situm fuisse vicum

hunc ille suspicatur, et ab ea nomen traxisse.

⁵⁸ Alandri] Olim *Mandri*. Emendavit Sigonius ex c. 18. infra.

⁵⁹ Divisam] Hæc est scriptura codicis Vict. Vulgo legitur *divisis*: minus eleganter.

U. C. 563. culandum missis, duas tectas naves et tres lembos adimit.
 A. C. 189. his, alios atque alios dies noctesque transvehendo, intra paucos dies omnes copias trajecit. Haud ita multo post Leonorius, adjuvante Nicomede Bithyniæ rege, a Byzantio transmisit. Coëunt deinde in unum rursus Galli, et auxilia Nicomedi dant, adversus ⁶⁰ Zyboetamⁱ, partem tenentem Bithyniæ, gerenti bellum. Atque eorum maxime opera devictus Zyboeta est, Bithyniaque omnis in ditionem Nicomedis concessit. Profecti ex Bithynia in Asiam processerunt. non plus ex viginti millibus hominum, quam decem armata erant. tamen tantum terroris omnibus, quæ cis Taurum incolunt, gentibus injecerunt, ut, quas adissent, quasque non adissent, pariter ultimæ propinquis, imperio parerent. Postremo, quum tres essent gentes, Tolistoboi, Trocmi, Tectosagi, in tres partes, qua cuique populorum suorum vectigalis Asia esset, dividerunt. Trocmis Hellesponti ora data; Tolistoboi Æolida atque Ioniam, Tectosagi mediterranea Asiæ sortiti sunt. et stipendium tota cis Taurum Asia exigebant. Sedem autem ipsi sibi circa Halyn flumen ceperunt. tantusque terror eorum nominis erat, multitudine etiam magna sobole aucta, ut Syriæ quoque ad postremum reges stipendium dare non abnuerent. Primus Asiam incolentium abnuit Attalus, pater regis Eumenis: audacique incepto, præter omnium opinionem, adfuit fortuna, et signis conlatis superior fuit. non tamen ita infregit animos eorum, ut absisterent imperio. Eadem opes usque ad bellum Antiochi cum Romanis manserunt. tum quoque, pulso Antiocho, magnam spem habuerunt, quia procul mari incoherent, Romanum exercitum ad se non perventurum.

Sedem capiunt circa Halyn.

Vincuntur ab Attalo.

Manlius
Cos. exercitum hortatur.

XVII. Cum hoc hoste, tam terribili omnibus regionis ejus, quia bellum gerendum erat, pro concione milites ⁶¹ maxime in hunc modum adlocutus est consul: *Non me præterit, milites, omnium, quæ Asiam colunt, gentium Gallos fama belli præstare. Inter mitissimum genus hominum ferocæ natio, pervagata bello prope orbem terrarum, sedem cepit. proceræ corpora, promissæ et rutilatæ comæ, vasta scuta, prælongi gladii: ad hoc cantus incuntium^k prælium, et ululatus, et tripudia, et quatientium scuta in patrium quemdam modum^l horrendus armorum crepitus: omnia de industria composita ad terrorem. Sed hæc, quibus insolita atque insueta sunt, Græci, et*

ⁱ Zyboetam Gron. Crev.

^k inchoantium Ead.

^l morem Ead.

⁶⁰ Zyboetam] Vel potius Zybatam, conjectura est.

quomodo membranæ Meguntinæ habent, teste Gronovio: qui observat eum regem a Memnone Ζεφύριον, a Diodoro Ζεφύριον appellari: * eum fratrem Nicomedis fuisse non absurda fore.

⁶¹ * Maxime in hunc modum] Sic infra XXXIX. 9. hoc maxime modo. In hac locutione maxime idem est ac fore.

Phryges, et Cares timeant: ⁶² *Romanis, Gallici tumultus adsue-* U. C. 568.
tis, etiam vanitates notæ sunt. Semel primo congressu ad Alliam A. C. 189.
olim fuderunt majores nostros: ex eo tempore per ducentos jam
annos pecorum in modum consternatos cædunt fugantque; et plu-
res prope de Gallis triumphî, quam de toto orbe terrarum, acti
sunt. Jam usu hoc cognitum est, si primum inpetum, quem
fervido ingenio et cæca ira effundunt, sustinueris, fluunt sudore
et lassitudine membra, labant arma: mollia corpora, molles,
ubi ira consedit, animos sol, pulvis, sitis, ⁶³ *ut ferrum non ad-*
moveas, prosternunt. Non legionibus legiones eorum solum ex-
periti sumus, sed vir unus cum viro congregiendi, T. Manlius,
M. Valerius, quantum Gallicam rabiem vinceret Romana vir-
tus, docuerunt. Jam M. Manlius unus agmine scandentes in
Capitolium Gallos detrusit. Et illis majoribus nostris cum
haud dubiis Gallis in terra sua genitis res erat. Hi jam de-
generes sunt; mixti, et Gallogræci vere, quod adpellantur: sic-
ut in frugibus pecudibusque, non tantum semina ad servandam
indolem valent, quantum terræ proprietatis cœlique, sub quo
aluntur, mutat. Macedones, qui Alexandriam in Ægypto, qui
Seleuciam ac Babyloniâ, quique alias sparsas per orbem ter-
rarum colonias habent, in Syros, Parthos, Ægyptios degenera-
runt. Massilia, inter Gallos sita, traxit aliquantum ab ad-
colis animorum. Tarentinis quid ex Spartana, dura illa et hor-
rida, disciplina mansit? ⁶⁴ *Generosius in sua quidquid sede*
gignitur; insitum alienæ terræ, in id, quo alitur, natura ver-
tente se, degenerat. Phrygas igitur Gallicis oneratos armis,
sicut in acie Antiochi cecidistis, victos victores cædetis. Magis
id vereor, ne parum inde gloriæ, quam ne nimium belli sit.
Attalus eos rex sæpe fudit fugavitque. Nolite existimare, bel-
luas tantum recens captas feritatem illam silvestrem primo ser-
varæ, deinde, quum diu manibus humanis alantur, mitescere;
in hominum feritate mulcenda non eandem naturam esse. Eos-
demne hos creditis esse, qui patres eorum avique fuerunt? ex-
torres inopia agrorum profecti domo per asperrimam Illyrici
oram; Pæoniâ inde et Thraciâ, pugnando cum ferocissimis
gentibus, emensi, has terras ceperunt. Duratos eos tot malis
exasperatosque accepit terra, quæ copia rerum omnium sagina-
ret. uberrimo agro, mitissimo cœlo, clementibus adcolarum in-
geniis, omnis illa, cum qua venerant, mansuefacta est feritas.
Vobis, mehercule, Martis viris, cavenda ac fugienda quampri-

62 *Romanis Gallici tumultus*] Romanis vanitates quoque Gallici tumultus notæ sunt, quemadmodum et tumultus ipse, utpote assuetis; Romani, utpote assueti Gallicis bellis, et illum ad terrorem compositum pugnandi morem norunt, et quam vanus sit ille terror.

63* *Ut*] Etiam si.

64 *Generosius in sua quidquid sede gignitur*] Nihil hic videtur opus esse mutatione. Interdum enim quidquid pro quidque positum reperitur. Sic Cicero pro Cluent. n. 52. sed ut quidquid ego apprehenderam, statim accusator extorquebat e manibus.

U. C. 563. *mum amcenitas est Asiæ. tantum hæ peregrinæ voluptates ad*
 A. C. 189. *exstinguendum vigorem animorum possunt; tantum contagio*
disciplinæ morisque adcolarum valet. Hoc tamen feliciter eve-
nit, quod, sicut vim adversus vos nequaquam, ita famam apud
Græcos parem illi antiquæ obtinent, cum qua venerunt: belli-
que gloriam victores eandem inter socios habebitis, quam si ser-
vantes antiquum specimen animorum Gallos vicissetis.

Galatiam
 ingrediun-
 tur Roma-
 ni.

XVIII. Concione dimissa, missisque ad Eposognatum
 legatis, qui unus ex regulis et in Eumenis amicitia manse-
 rat, et negaverat Antiocho adversus Romanos auxilia, cas-
 tra movit. primo die ad Alandrum flumen, postero ad vi-
 cum, quem vocant Tyscon, ventum. Eo legati Oroanden-
 sium quum venissent, amicitiam petentes, ⁶⁵ducenta talenta
 iis sunt imperata; precantibusque, ut domum renunciarent,
 potestas facta. Ducere inde exercitum consul ad Pliten-
 dum: deinde ad Alyattos castra posita. Eo missi ad Epos-
 ognatum redierunt, ⁶⁶et legati cum illis reguli orantes, ne
⁶⁷Tectosagis bellum ⁶⁸inferret^m. *ipsum in eam gentem itu-*
rum Eposognatum, persuasurumque, ut imperata faciant.
Data venia regulo, duci inde exercitus per Axylon (quam
vocant) terram cœptus. Ab re nomen habet. non ligni
modo quidquam, sed ne spinas quidem, aut ullum aliud ali-
mentum fert ignis. Fimo bubulo pro lignis utuntur. Ad
Cuballum, Gallogræciæ castellum, castra habentibus Roma-
nis adparuere cum magno tumultu hostium equites. nec
turbarunt tantum stationes Romanas, repente invecti; sed
quosdam etiam occiderunt. qui tumultus quum in castra
perlatus esset, effusus repente omnibus portis equitatus Ro-
manus fudit fugavitque Gallos, et aliquot fugientes occidit.
Inde consul, ut qui jam ad hostes perventum cerneret, ex-
plorato deinde et cum cura coacto agmine procedebat. etⁿ
continentibus itineribus quum ad Sangarium flumen per-
venisset, pontem, quia vado nusquam transitus erat, fa-
cere instituit. Sangarius, ex Adoreo monte per Phry-
giam fluens, miscetur ad Bithyniam Tymbreti^o fluvio. inde
major jam geminatis aquis per Bithyniam fertur, et ⁶⁹in

^m inferrent Gron.

ⁿ et del. Gron. Crev.

^o Thymbri Eæd.

⁶⁵ Ducenta talenta] Marcæ argenti
 18750.

⁶⁶ Et legati cum illis reguli] Gro-
 novius, quum quidam scripti præferant,
 legati compulsi reguli, ex voce compulsi
 fecit cum illis.

⁶⁷ Tectosagis] Debuit Livius scri-
 bere Tolistoboiis. Ita enim habet Po-
 lybius, unde hæc desumpta sunt. Eum
 vid. Leg. 33. Et vero legati Eposso-
 gnati infra hoc ipso capite nunciant

eos ad quos profectus erat ille regulus,
 Olympum montem petere. Oroanden-
 sium autem legati c. seq. narrant To-
 listoboiurum civitatem Olympum mon-
 tem cepisse: diversos Tectosagos alium
 montem, qui Magaba dicatur, petiisse.
 Hæc fere Perizonius Animadv. Hist.
 c. 9.

⁶⁸ Inferret] Sic dedimus, Andream
 secuti. Vulgo inferrent.

⁶⁹ In Propontidem sese effundit]

Propontidem sese effundit; non tamen tam magnitudine U. C. 563.
 memorabilis, quam quod piscium adcolis ingentem vim præ- A. C. 189.
 bet. Transgressis ponte perfecto flumen, præter ripam
 euntibus Galli Matris Magnæ a Pessinunte occurrere cum
 insignibus suis, vaticinantes fanatico carmine, Deam Roma-
 nis viam belli et victoriam dare, imperiumque ejus regionis.
 Accipere se omen quum dixisset consul, castra eo ipso loco
 posuit. postero die ad Gordium pervenit. Id haud magnum
 quidem oppidum est, sed ⁷⁰plus, quam mediterraneum, ce-
 lebre et frequens emporium. tria maria pari ferme distantia
 intervallo habet, ⁷¹Hellespontum^p, ad Sinopen, et alterius
 oræ litora, qua Cilices maritimi colunt. multarum magna-
 rumque præterea gentium fines contingit, quarum commercium
 in eum maxime locum mutui usus contraxere. id tum
 desertum fuga incolarum oppidum, refertum idem copia re-
 rum omnium, invenerunt. Ibi stativa habentibus legati ab
 Eposognato venerunt, nunciantes, *Profectum eum ad regu-
 los Gallorum nihil æqui impetrasse. ex campestribus vicis agris-
 que frequentes demigrare, et cum conjugibus ac liberis, quæ
 ferre atque agere possint^a, præ se agentes portantesque Olym-
 pum montem petere, ut inde armis locorumque situ sese tue-
 antur.*

XIX. Certiora postea ⁷²Oroandensium^r legati adtule- Galli in
montes con-
fugiant.
 runt: *Tolistobiorum civitatem Olympum montem cepisse;
 diversos Tectosagos alium montem, qui Magaba dicatur, pe-
 tisse. Trocmos, conjugibus ac liberis apud Tectosagos deposi-
 tis, armatorum agmine Tolistoboiis statuisset auxilium ferre.*
 Erant autem tunc trium populorum reguli Ortiagon, et
 Combolomarus, et Gaulotus. Iis hæc maxime belli ratio
 sumendi fuerat, quod, quum montes editissimos ejus regio-
 nis tenerent, convectis omnibus, quæ ad usum quamvis
 longi temporis subficerent, tædio se fatigaturos hostem^s
 censebant. *Nam neque ausuros per tam ardua atque iniqua
 loca subire eos: et, si conarentur, vel parva manu prohiberi ac
 deturbari posse. nec quietos, in radicibus gelidorum montium
 sedentes, frigus aut inopiam laturos.* Et quum ipsa altitudo
 locorum eos tutaretur, fossam quoque et alia munimenta
 verticibus iis, quos insederant, circumjecere. Minima ad-

^p ad Hellespontum Crev.
 Gron.

^a possent Gron. Crev.

^r Enoandensium

^s hostes Gron. Crev.

Imo in Pontum, quod monet Sigonius
 in nota ad hunc locum, et Cellarius,
 Antiquæ Geogr. I. III. c. 8.

⁷⁰ * Plusquam mediterraneum] Plus
 quam sciet frequentari emporium me-
 diis in terris longe a mari situm.

⁷¹ Ad Hellespontum] Sic habere
 veteres omnes affirmat Gronovius. In-

telligendum est mare ad Hellespontum:
 ita ut Hellespontus sumatur pro regione,
 non pro mari.

⁷² Oroandensium] Sic vett. editi:
 et hi nempe iidem sunt, qui c. præce-
 denti appellati sunt. Male in Grono-
 vianis editionibus legitur Enoanden-
 sium. Vide et not. 27. ad c. 37. infra.

U. C. 563. paratus missilium telorum cura fuit, quod saxa adfatim præbituram asperitatem ipsam locorum credebant.
A. C. 189.

Consul ad
Olympum
montem
ducit, quem
ceperant
Tolistoboi.

XX. Consul, quia non cominus pugnam, sed procul locis obpugnandis, futuram præceperat animo, ingentem vim pilorum, ⁷³velitarium hastarum, sagittarum, glandisque, et modicorum, qui funda mitti possent, lapidum paraverat. instructusque missilium adparatu ad Olympum montem ducit, et a quinque ferme millibus locat castra. Postero die cum quadringentis equitibus et Attalo progressum eum, ad naturam montis situmque Gallicorum castrorum visendum, equites hostium, duplex numerus, effusi castris in fugam averterunt. occisi quoque pauci fugientium, vulnerati plures. Tertio die cum omnibus ad loca exploranda profectus, quia nemo hostium extra munimenta processit, tuto circumvectus montem, animadvertit, meridiana regione terrenos et placide adclivos ⁷⁴ad quemdam finem colles esse, ad septentrionem arduas et rectas prope rupes; atque, omnibus ferme aliis inviis, itinera tria esse: unum medio monte, qua terrena erant: duo difficilia ab hiberno solis ortu, et ab æstivo occasu. Hæc contemplatus, eo die sub ipsis radicibus posuit castra. postero die, sacrificio facto, quum primis hostiis litasset, trifariam exercitum divisum ducere ad hostem pergit. ipse cum maxima parte copiarum, qua æquissimum aditum præbebat mons, adscendit. L. Manlium fratrem ab hiberno ortu, quoad loca patiantur, et tuto possit, subire jubet. si qua periculosa et prærupta obcurrant, non pugnare cum iniquitate locorum, neque inexsuperabilibus vim adferre; sed obliquo monte ad se declinare, et suo agmini conjungi. C. Helvium cum tertia parte circumire sensim per infima montis, deinde ab æstivo occasu erigere agmen. et Attali auxilia trifariam æquo numero divisit: secum esse ipsum juvenem jussit. equitatum cum elephantis in proxima tumulis planitie reliquit. Edictum præfectis, ut intenti, quid ubique geratur, animadvertant; opemque ferre, ⁷⁵quo postulent res, prope-
rent.

XXI. Galli, duobus lateribus satis fidentes invia esse, ab ea parte, quæ in meridiem vergeret, ut armis clauderent viam, quatuor ferme millia armatorum ad tumulum, imminentem viæ minus mille passuum a castris, occupandum mittunt; eo se rati velut castello iter inpedituros. Quod ubi Romani viderunt, expediunt sese ad pugnam. ante signa modico intervallo velites eunt, et ab Attalo Cretenses

⁷³ Velitarium hastarum] Earum
breve descriptionem pete ex not. 74.
ad l. XXIV. c. 34.

⁷⁴ Ad quemdam finem] Usque ad

quamdam altitudinem.

⁷⁵ Quo postulent res] Magis vide-
retur ex more Livii postulet.

sagittarii, et funditores, ⁷⁶et Tralli, et Thraces: signa pedum, ut per arduum, leni gradu ducuntur, ita præ se habentium scuta, ut missilia tantum vitarent, pede conlato non viderentur pugnaturi. Missilibus ex intervallo loci prælium commissum est, primo par, Gallos loco adjuvante, Romanos varietate et copia telorum. Procedente certamine, nihil jam æqui erat. scuta longa, ceterum ad amplitudinem corporum parum lata, et ea ipsa plana, male tegebant Gallos. Nec jam tela alia^u habebant, præter gladios: quorum, quum manum hostis non consereret, nullus usus erat. Saxis, nec modicis, ut quæ non præparassent, sed quod cuique temere trepidanti ad manum venisset, ⁷⁷ut insueti, nec arte nec viribus adjuvantes ictum, utebantur. sagittis, glande, jaculis incauti ab omni parte configebantur: nec, quid agerent, ira et pavore obcæcatis animis, cernebant: et erant deprehensi genere pugnae, in quod minime apti sunt. Nam quemadmodum cominus, ubi in vicem pati et inferre vulnera licet, accendit ira animos eorum; ita, ubi ex occulto et procul levibus telis vulnerantur, nec, quo ruant cæco inpetu, habent, velut feræ transfixæ in suos temere incurrunt. Detegebat vulnera eorum, quod nudi pugnant, et sunt ⁷⁸fusa et candida corpora, ⁷⁹ut quæ nunquam, nisi in pugna, nudentur: ita et plus sanguinis e multa carne fundebatur, et foediores patebant plagæ, et candor corporum magis sanguine atro maculabatur. Sed non tam patentibus plagis moventur. interdum ⁸⁰insecta cute, ubi latior, quam altior, plaga est, etiam gloriosius se pugnare putant. Iidem, quum aculeus sagittæ aut glandis, abditæ introrsus, tenui vulnere in speciem urit, et ⁸¹scrutantes, quæ vellant, telum non sequitur; tum, in rabiem et pudorem tam parvæ perimentis pestis versi, prosternunt corpora humi, sic ut passim procumberent. Alii, ruentes in hostem,

Prælium
committitur.

Missilibus
Galli turbantur.

^t et del. Gron. Crev.

^u alia del. Crev.

76 Et Tralli Thraces] Lege cum Sigonio, et Tralli, et Thraces. Tralli enim sunt non e Thracia, sed ex Illyrico. Vid. supra, XXXI. 35. et XXXIII. 4.

77 Ut insueti] Videtur excidisse vocula et, quæ responderet membro præcedenti nec modicis. Saxis nec modicis utebantur, et, utpote insueti, ita utebantur, ut nec arte, nec viribus adjuvarent ictum.

78 Fusa . . corpora] Levia, et multa carne teretia, ut nihil asperum, nihil scabrum, quod in corporibus macilentis contingit, emineat.

79 Ut quæ nunquam, nisi in pugna, nudentur] Notat his verbis Livius di-

versitatem a consuetudine Romanorum et Græcorum, apud quos frequens balnei et palæstræ usus.

80 * Insecta cute] Intus secta cute. Ipsi secant cutem, ubi, latiore quam profundiore plaga, spes est evelli posse telum quo vulnerati sunt: atque sic dilatatis plagis, eo se gloriosius pugnare putant, latas illas plagas, tanquam pignora fortitudinis, ostentantes.

81 Scrutantes quæ vellant] Lege cum Perizonio, nulla prorsus mutatione, scrutantes quæ evellent. Non enim scrutandum erat ipsis quid evellent, sed qua via infixum et interdum abditum telum evellent.

U.C. 563. undique configebantur: et, quum coninus venerant, gladiis
 A.C. 189. a velitibus trucidabantur. Hic miles tripedalem parmam
 habet, et in dextra hastas, quibus eminus utitur. gladio
 Hispaniensi est cinctus. quod si pede conlato pugnandum
 est, translatis in lævam hastis, stringit gladium. Pauci su-
 pererant jam Gallorum. qui, postquam ab levi armatura su-
 peratos se viderunt, et instare legionum signa, effusa fuga
 castra repetunt, pavoris et tumultus jam plena: ⁸²ut ubi fe-
 minæ, puerique, et alia inbellis turba permixta esset. Ro-
 manos victores deserti fuga hostium acceperunt tumuli.

Effusa fuga
 castra repe-
 tunt.

XXII. Sub idem tempus L. Manlius et C. Helvius, quum, quoad viam colles obliqui dederunt, escendissent^u, postquam ad invia ventum est, flexere iter in partem montis, quæ una habebat iter: et sequi consulis agmen, modico uterque intervallo, velut ex composito, cœperunt: quod primo optimum factu fuisset, in id necessitate ipsa compulsi. Subsidia enim in talibus iniquitatibus locorum maximo sæpe usui fuerunt: ut, primis forte deturbatis, secundi et tegant pulsos, et integri pugnam excipiant. Consul, postquam ad tumulos, ab levi armatura captos, prima signa legionum pervenerunt, respirare et conquiescere paullisper militem jubet; simul strata per tumulos corpora Gallorum ostentat: Et, quum levis armatura tale prælium ediderit, quid ab legionibus, quid ab justis armis, quid ab animis, fortissimorum militum expectari? Castra illis capienda esse, in quæ compulsus ab levi armatura hostis trepidet. Præcedere tamen jubet levem armaturam: quæ, quum staret agmen, colligendis per tumulos telis, ⁸³ut missilia subficerent, haud segne id ipsum tempus consumserat. Jam castris adpropinquabant: et Galli, ne parum se munimenta sua tegerent, armati pro vallo constiterant. obruti deinde omni genere telorum, quum, quo plures ac densiores erant, eo minus vani quidquam intercideret teli, intra vallum momento temporis compelluntur, stationibus tantum firmis ad ipsos aditus portarum relictis. In multitudinem, compulsam in castra, vis ingens missilium telorum conjiciebatur; et, vulnerari multos, clamor, permixtus mulierum atque puerorum ploratibus, significabat. In eos, qui portas stationibus suis clausserant, legionum antesignani pila conjecerunt. hi vero non vulnerabantur, sed, transverberatis scutis, plerique inter se conserti hærebant: nec diutius inpetum Romanorum sustinuerunt.

^u ascendissent Gron. Crev.

82* *Ut ubi*] Quum in iis, nempe pia sibi esset missilium in novum cœ-
 castris. tamen.

83* *Ut missilia sufficerent*] Ut co-

XXIII. Patentibus jam portis, priusquam inrumperent victores, fuga e castris Gallorum in omnes partes facta est. ruunt cæci per vias, per invia: nulla præcipitia saxa, nullæ rupes obstant: nihil præter hostem metuunt. Itaque plerique præcipientes per vastam altitudinem prolapsi aut debilitati exanimantur. consul, castris captis, ⁸⁴ direptione prædaque abstinere militem: sequi pro se quemque, et instare, et percussis pavorem addere jubet. Supervenit et alterum cum L. Manlio agmen; nec eos castra intrare sinit. protinus ad persequendos hostes mittit: et ipse paullo post, tradita captivorum custodia tribunis militum, sequitur; debellatum ratus, si in illo pavore quam plurimi cæsi forent, aut capti. Egresso consule, C. Helvius cum tertio agmine advenit. nec continere suos a direptione castrorum valuit: prædaque eorum, iniquissima sorte, qui pugnae non interfuerant, facta est. Equites diu, ignari et pugnae et victoriae suorum, steterunt. deinde et ipsi, quantum equis subire poterant^x, sparsos fuga Gallos circa radices montis consecrati cecidere, aut cepere. Numerus interfectorum haud facile iniri potuit, quia late inter omnes amfractus montium fugaque et cædes fuit: et magna pars rupibus invisi in profundæ altitudinis convalles delapsa est; pars in silvis vepribusque occisa. Claudius, qui bis pugnatum in Olympo monte scribit, ad quadraginta millia hominum cæsa, auctor est: Valerius Antias, ⁸⁵ qui magis immodicus in numero augendo esse solet, non plus decem millia. Numerus captivorum haud dubie millia quadraginta explevit, quia omnis generis ætatisque turbam secum traxerant, demigrantium magis, quam in bellum euntium, modo. Consul, armis hostium in uno concrematis cumulo, ceteram prædam conferre omnes jussit: et aut vendidit, quod ejus in publicum redigendum erat: aut cum cura, ut quam æquissima esset, per milites divisit. Laudati quoque pro concione omnes sunt, donatique pro merito quisque: ante omnes Attalus, summo ceterorum adsensu. nam singularis ejus juvenis quum virtus et industria in omnibus laboribus periculisque, tum modestia etiam fuerat.

XXIV. Supererat bellum integrum cum Tectosagis. Ad eos profectus consul, tertiis castris Ancyram, nobilem in illis locis urbem, pervenit, unde hostes paullo plus decem millia aberant. Ubi quum stativa essent, facinus memorabile a captiva factum est. ⁸⁶ Ortiagontis reguli uxor

Ad In Tectosagos proficitur Cos.

Gallæ captivæ facinus.

^x quantum equi in colles subire poterant Crev.

84 Direptione prædaque abstinere militem. Sequi pro se quemque jubet] Sic interpungendum esse recte admonet Dujatius. Abstinere, id est, arcet, prohibet.

et vett. editi omittunt vocem immodicus, sine qua tamen sensus constare posse non videtur. In Moguntina editione adjectam eam fuisse monet Gronovius.

85 Qui magis immodicus] Scripti

86 Ortiagontis reguli uxor] Nomine

U. C. 563. forma eximia custodiebatur inter plures ⁸⁷ captivos, cui custodiae centurio praeerat, et libidinis et avaritiae militaris. Is primo ejus animum tentavit. quem quum abhorrentem a voluntario videret stupro, corpori, ⁸⁸ quod servum fortuna erat, vim fecit. Deinde, ad leniendam indignitatem injuriæ, ⁸⁹ spem reditus ad suos mulieri facit; et ne eam quidem, ut amans, gratuitam. certo auri pondere pactus, ne quem conscium suorum haberet, ipsi permittit, ut, quem vellet, unum ex captivis nuncium ad suos mitteret. Locum prope flumen constituit; ⁹⁰ quo duo, ne plus, necessarii captivæ cum auro venirent nocte insequenti ad eam accipiendam. Forte ipsius mulieris servus inter captivos ejusdem custodiae erat. hunc nuncium primis tenebris extra stationes centurio educit. Nocte insequenti et duo necessarii mulieris ad constitutum locum, et centurio cum captiva venit. ubi quum aurum ostenderent, quod summam talenti Attici (tanti enim pepigerat) expleret; mulier lingua sua, *stringerent ferrum, et centurionem pensantem aurum occiderent*, imperavit. Jugulati præcisum caput ipsa involutum veste ferens, ad virum Ortiagontem, qui ab Olympo domum refugerat, pervenit. quem priusquam complecteretur, caput centurionis ante pedes ejus abiecit: mirantique ejusnam id caput hominis, aut quod id facinus haudquaquam muliebres esset, et injuriam corporis, et ultionem violatæ per vim pudicitiae confessa viro est: aliaque (ut traditur) sanctitate et gravitate vitæ hujus matronalis facinoris decus ad ultimum conservavit.

Tectosagum legati.

XXV. Ad Ancyram in stativa Tectosagum oratores ad consulem venerunt, petentes, ne ante ab Ancyra castra moveret, quam conlocutus cum suis regibus esset. nullas conditiones pacis iis non bello fore potiores. Tempus in posterum diem constituitur, locusque qui maxime medius inter castra Gallorum et Ancyram est visus. Quo quum consul ad tempus cum præsidio quingentorum equitum venisset, nec ullo Gallorum ibi viso, regressus in castra esset; oratores iidem redeunt, excusantes, religione objecta venire reges non posse. principes gentis, per quos æque res trans-

Chiomara, teste Plut. in libro de Virt. Mulierum.

87 Captivas] Vulgo editi captivos. Nobis Vict. libri scriptura potior visa est. Et favet Plut. in libro de Virt. mulierum.

88 Quod servum fortuna erat] Nobis, ut et Gronovio, magis placeret, fortuna fecerat.

89 Spem reditus ad suos mulieri facit; et ne eam quidem, ut amans, gra-

tuitam. Certo auri] Sic distinximus, fit vox gratuitam regatur a verbo facit. Ut amans, id est, quod consentaneum erat facere amantem.

90 Quo duo, ne plus] Hoc elegantius visum est, (quod et ex duobus MSS. affert Jac. Gronovius, et antiquiores editi retinent) quam quomodo nunc in vulgatis legitur, nec plus. Firmant Hearnii codices.

igi posset, venturos. Consul se quoque Attalum missurum U. C. 563. dixit. Ad hoc conloquium utrinque ventum est. trecentos A. C. 189. equites Attalus præsidii caussa quum adduxisset, ⁹¹jactæ sunt pacis conditiones. Finis rei quia absentibus ducibus imponi non poterat, convenit, uti consul regesque eo loco postero die congredierentur. Frustratio Gallorum eo spec- Galli insi-
tabat, primum ut tererent tempus, donec ⁹²res suas^y, quibus^{diantur} consuli.
periclitari nolebant, cum conjugibus ac liberis trans Halyn flumen trajicerent: deinde quod ipsi consuli, parum cauto adversus conloquii fraudem, insidiabantur. Mille ad eam rem ex omni numero audaciæ expertæ delegerunt equites. Et successisset fraudi, ni pro jure gentium, cujus violandi consilium initum erat, stetisset fortuna. Pabulatores lignatoresque Romani in eam partem, in qua conloquium futurum erat, ducti sunt; tutius id futurum tribunis ratis, quia consulis præsidium et ipsum pro statione habituri erant, hosti obpositum. suam tamen alteram stationem propius castra sexcentorum equitum posuerunt. Consul, adfirmante Attalo, venturos reges, et transigi rem posse, profectus e castris, quum eodem, quo antea, præsidio equitum quinque milia fere processisset, nec multum a constituto loco abesset, repente concitatis equis cum inpetu hostili videt Gallos venientes. constituit agmen, et expedire tela animosque equitibus jussis primo constanter initium pugnae acceperunt, nec cessit. dein, quum prægravaret multitudo, cedere sensim, nihil confusis turmarum ordinibus, cœpit. postremo, quum jam plus in mora periculi, quam in ordinibus conservandis præsidii esset, omnes passim in fugam effusi sunt. tum vero instare dissipatis Galli, et cedere: magnaue pars obpressa foret ni statio pabulatorum, sexcenti equites, obcurrissent. Ii, procul clamore pavido suorum exaudito, quum tela equosque expedissent, integri profligatam pugnam acceperunt. Itaque versa extemplo fortuna est, versus in victores a victis terror. et primo inpetu fusi Galli sunt, et ex agris concurrebant pabulatores, et undique obviis hostis Gallis erat: ut ne fugam quidem facilem aut tutam haberent, quia recentibus equis Romani fessos sequebantur. Pauci ergo effugerunt. captus est nemo: major multo pars ⁹³per fidem violati conloquii pœnas morte luerunt. Romani, ardentibus

^y cum ins. Crev.

⁹¹ Jactæ sunt pacis conditiones] Lege cum Gronovio, jactatæ: *id est, agitatæ, hinc et inde pensatæ.

⁹² Res suas, cum quibus periclitari] Duo scripti, unus e Gronovianis, et noster Vict. ignorant præpositionem. Nec quidquam incommodi est eam relegari. Periclitari enim aliqua re di-

cunt Latini. Sic infra l. XI. c. 15. quid aliud quam ingenii fama periclitarer.

⁹³ Per fidem violati colloquii pœnas] Pœnas colloquii interposita fide fraudulententer violati. Sic l. I. c. 9. per fas ac fidem decepti.

U. C. 563. ira animis, postero die omnibus copiis ad hostem perve-
 A. C. 189. niunt.

Prælium.

XXVI. Biduum natura montis per se ipsum explo-
 randa, ne quid ignoti esset, absumsit consul. tertio die,
 quum auspicio operam dedisset, deinde immolasset, in qua-
 tuor partes divisas copias educit: duas ut medio monte
 duceret, duas ab lateribus ut adversus cornua Gallorum
 erigeret. Hostium quod roboris erat, Tectosagi et Trocmi
 mediam tenebant aciem, millia hominum quinquaginta.
 equitatum (quia equorum nullus inter inæquales rupes usus
 erat) ad pedes deductum, decem millia hominum, ab dex-
 tro locaverunt cornu. Ariarathis Cappadoces et ⁹⁴Morzi
 auxiliares in lævo quatuor ferme millium numerum ex-
 plebant. Consul, sicut in Olympo monte, prima in acie
 locata levi armatura, telorum omnis generis ut æque magna
 vis ad manum esset, curavit. Ubi adpropinquarunt, om-
 nia eadem utrimque, quæ fuerant in priore prælio, erant
 præter animos, et victoribus ab re secunda auctos, et hosti-
 bus fractos: quia, etsi non ipsi victi erant, suæ gentis ho-
 minum cladem pro sua ducebant. itaque a paribus initiis
 cœpta res eundem exitum habuit. Velut nubes levium
 telorum coniecta obruit aciem Gallorum. nec aut procurrare
 quisquam ab ordinibus suis, ne nudarent undique corpus ad
 ictus, audebant: et stantes, quo densiores erant, hoc plura,
⁹⁵velut destinatum petentibus, vulnera accipiebant. Con-
 sul, jam per se turbatis si legionum signa ostendisset, versu-
 ros extemplo in fugam omnes ratus, receptis inter ordines
 velitibus et alia turba auxiliorum, aciem promovit.

Vincunt
 Romani.

XXVII. Galli, et memoria Tolistoboiorum cladis territi,
 et inhærentia corporibus gerentes tela, fessique et stando et
 vulneribus, ne primum quidem inpetum et clamorem Roma-
 norum tulerunt. Fuga ad castra inclinavit. sed pauci intra
 munimenta sese^x recepere: pars major, dextra lævaque
⁹⁶prælati, qua quemque inpetus tulit, fugerunt. victores,
 usque ad castra secuti, ceciderunt terga: deinde in castris
 cupiditate prædæ hæserunt, nec sequebatur quisquam. In
 cornibus Galli diutius steterunt, quia serius ad eos perven-
 tum est. ceterum ne primum quidem coniectum telorum
 tulerunt. Consul, ⁹⁷qui ingressos in castra ab direptione abs-
 trahere non poterat, eos, qui in cornibus fuerant, protinus
 ad sequendos hostes misit. per aliquantum spatium secuti,

^x se Gron. Crev.

94 Morzi auxiliares] Docet ex Stra-
 bonis l. XII. p. 562. Sigonius Morzem
 fuisse l'aphlagonum regem.

95 Velut destinatum petentibus] Ro-
 mani tanquam ad scopum tela diri-

gentibus. Destinatum hic intelligen-
 dum est scopus.

96 Prælati] Impetu fugæ præter
 castra ablatis.

97 * Qui] Mallemus quia.

non plus tamen octo millia hominum in fuga (nam pugna nulla fuit) ceciderunt: reliqui flumen Halyn trajecerunt. Romanorum magna pars ea nocte in hostium castris mansit; ceteros in sua castra consul reduxit. Postero die captivos prædamque recensuit: quæ tanta fuit, quantum avidissima rapiendi gens, quum eis montem Taurum omnia armis per multos tenuisset annos, coacervare potuit. Galli, ex dissipata passim fuga in unum locum congregati, magna pars saucii aut inermes, nudati omnibus rebus, oratores de pace ad consulem miserunt. Eos Manlius Ephesum venire jussit. ipse, (jam enim medium autumnus erat) locis gelidis propinquitate Tauri montis excedere properans, victorem exercitum in hiberna maritimæ oræ reduxit.

XXVIII. Dum hæc in Asia geruntur, in ceteris provinciis tranquillæ res fuerunt. Censores Romæ T. Quinctius Flaminius et M. Claudius Marcellus senatum perlegerunt. princeps in senatu tertium lectus P. Scipio Africanus. quatuor soli ⁹⁸ præteriti sunt, nemo curuli usus honore. et in equitatu recensendo mitis admodum censura fuit. ⁹⁹ Substructionem super Æquimælium in Capitolio, et ¹ viam silice sternendam a porta Capena ad Martis locaverunt. ² Campani, ubi censerentur, senatum consuluerunt. decretum, uti Romæ censerentur. Aquæ ingentes eo anno fuerunt. Tiberis duodecies campum Martium planaque urbis inundavit. Ab C. Manlio consule bello in Asia cum Gallis perfecto, alter consul M. Fulvius, perdomitis Ætolis, quum trajecisset in Cephalleniam, circa civitates insulæ misit percunctatum, utrum se dedere Romanis, an belli fortunam experiri, mallent? Metus ad omnes valuit, ne deditionem recusarent. obsides inde imperatos pro viribus inopis populi, ³ vicanos Nesiotæ, Cranii, Palenses^y et Samæi dederunt.

U. C. 563.
A. C. 189.

Censuræ
acta.

Fulvius Cephalleniam
recipit.

^y Pallenses Gron. Crev.

⁹⁸ * Præteriti] Vid. not. 18. ad IX. 30.

⁹⁹ Substructionem super Æquimælium] Locavere censores extruendum ædificium in Æquimælio, quæ area nuda manserat ab eo tempore, quo ædes Mælii dirutæ fuerant. Vid. supra l. IV. c. 16. In Capitolio intellige, in clivo Capitolino, non in arce ipsa.

¹ Viam . . . a porta Capena ad Martis] Quæ nempe committeretur ei viæ quæ a Martis ad Bovillas strata erat, supra l. X. c. 47. * Antiquitus semitam a porta Capena ad Martis saxo quadrato stratum fuisse docet Livius, X. 23. Hic jam non semita, sed via, sternenda locatur, silice tamen, non saxo quadrato. Martis ædes extra

portam Capenam erat, testante ipso Livio supra VII. 23.

² Campani ubi censerentur] Ex quo Capua a Romanis capta fuerat, nullum erat in ea urbe corpus civitatis, nulli magistratus. Vid. supra l. XXVI. c. 16. Hinc videtur oriri illa difficultas, ubinam censi deberent Campani.

³ Vicanos Nesiotæ, Cranii] Olim legebatur, teste Sigonio, vicanos autem Cranonii. Quod substitutum est Cranii, merito factum est. Hoc enim nomen reperitur apud Thucydidem, Stephanum, etc. At Nesiotæ a nescio quo inductum temere est. Hujus enim urbis incolas Περωνίους vocat Thucydides; urbem ipsam Polybius, Περώνους, Strabo Περώνων.

U. C. 563.
A. C. 189.
Samæi de-
seiscunt.

Obpugna-
tur.

Funditores
Achæi.

Inesperata pax Cephallenia adfulserat; quum repente una ci-
vitas, incertum quam ob causam, Samæi desciverunt. Quia
opportuno loco urbs posita esset, timuisse se aiebant, ne de-
migrare cogerentur ab Romanis. ceterum ipsine sibi cum
finxerint metum, et timore vano quietem exuerint, an jacta-
ta sermonibus res apud Romanos perlata ad eos sit, nihil
compti est: nisi quod, datis jam obsidibus, repente por-
tas clausurunt; et ne suorum quidem precibus (miserat enim
suo muros consul ad tentandam misericordiam parentum
populariumque) desistere ab incepto voluerunt. Obpugna-
ri deinde, postquam nihil pacati respondebatur, cœpta urbs
est. adparatum omnem tormentorum machinarumque trans-
vectum ab Ambraciæ obpugnatione habebat: et opera, quæ
facienda erant, impigre milites perfecere. duobus igitur
locis admoti arietes quatiebant muros.

XXIX. Nec ab Samæis quidquam, quo aut opera, aut
hostis arceri posset, prætermisum est. duabus tamen maxi-
me resistebant rebus: una, interiorem semper ⁴juxta vali-
dum pro diruto novum obstruentes murum; altera, eruptio-
nibus subitis, nunc in opera hostium, nunc in stationes. et
plerumque iis præliis superiores erant. Una ad coercendos
inventa haud magna memoratu res est. Centum fundito-
res ab Ægio et Patris et Dymis aditi. A pueris ii, more
quodam gentis, saxis globosis, quibus ferme arenæ immix-
tis strata litora sunt, funda mare apertum incessentes, exer-
cebantur. itaque longius certiusque et validiore ictu, quam
Baliaris funditor, eo telo usi sunt. et est non simplicis habe-
næ, ut Baliarica aliarumque gentium funda: sed ⁵triplex
scutale, crebris suturis duratum, ne ⁶fluxa habena volute-
tur in jactu glans; ⁷sed, librata quum sederit, velut nervo
missa excutiat. coronas modici circuli magno ex intervallo
loci adsuæi trajicere, non capita solum hostium vulnera-
bant, sed quem locum destinassent oris. Eæ fundæ Samæos
cohibuerunt, ne tam crebro, neve tam audacter erumperent:
adeo ut precarentur ex muris Achæos, ut parumper absee-
derent; et se, cum Romanis stationibus pugnantes, quiete
spectarent. Quatuor menses obsidionem Samæ sustinuit.

4 *Juxta validum*] Vel æque vali-
dum, ac priorem: vel *juxta* erit prope,
eum scilicet locum ubi prior inurus
fuerat.

5 *Triples scutale*] Vocem *scutale*,
quæ nusquam fortasse alibi reperitur,
Turnebus l. XIV. Advers. c. 11. et
Lipsius l. IV. Poliore. Dial. 3. acci-
piunt pro ipsa habena. Nomen Tur-
nebus inde natum existimat, quod ex
eo genere corii, ex quo scuta, confice-
retur illa habena. Nam, inquit idem.

ut apud Polybium est, exterior senti
facies corio vitulino obducta erat. Sea-
liger et Marcellus Donatus maluerunt
scutale interpretari mediam fundæ
partem, in qua lapis ponitur. Vid.
Martin. Lexicon in hac voce.

6* *Fluxa habena*] Si habena mi-
nus firma sit.

7 *Sed librata quum sederit*] Sed
quum glans manserit immota in fundo,
dum libratur rotata habena...

⁸ quum ex paucis quotidie aliqui eorum caderent, aut vulne- U. C. 563.
rarentur, et, qui superarent, fessi et corporibus et animis A. C. 189.
essent; Romani nocte per arcem, quam Cyatidem vocant,
(⁹ nam urbs, in mare devexa, in occidentem vergit) muro
superato, in forum pervenerunt. Samæi, postquam captam
urbis partem ab hostibus senserunt, cum conjugibus ac
liberis in maiorem refugerunt arcem. inde postero die de-
diti, direpta urbe, sub corona omnes venierunt.

XXX. Consul, compositis rebus Cephallenæ, præsidio Cos. in Pe-
Samæ inposito, in Peloponnesum, jam diu arcessentibus Æ- lonne-
giensibus maxime ac Lacedæmoniis, trajecit. Ægium, a sum tra-
principio Achæici concilii, semper conventus gentis indicti jecit.
sunt; seu dignitati urbis id, seu loci opportunitati datum
est. hunc morem Philopœmen eo primum anno labefactare
conatus, legem parabat ferre, ut in omnibus civitatibus, quæ
Achæici concilii essent, in vicem conventus agerentur. et
sub adventum consulis, ¹⁰ Damiurgis civitatum, qui sum-
mus est magistratus, Ægium evocantibus, Philopœmen
(prætor tum erat) Argos conventum edixit. quo quum ad-
pareret omnes fere conventuros, consul quoque, quamquam
Ægiensium favebat causæ, Argos venit: ubi quum discep-
tatio fuisset, et rem inclinatam cerneret, incepto destitit.
Lacedæmonii deinde eum in sua certamina averterunt. Sol-
licitam eam civitatem exsules maxime habebant: quorum
magna pars in maritimis Laconicæ oræ castellis, ¹¹ quæ
omnis ademta erat, habitabant. id ægre patientes Lacedæ-
monii, ut aliqua^z liberum ad mare haberent aditum, si
quando Romam aliove quo mitterent legatos, simulque ut
emporium et receptaculum peregrinis mercibus ad necessa-
rios usus esset, nocte adorti vicum maritimum, nomine
Lan, inproviso occupavere. Vicani, quique ibi exsules ha-
bitabant, primo inopinata re territi sunt: deinde, sub lu-
cem congregati, levi certamine expulerunt Lacedæmonios.
terror tamen omnem maritimam oram pervasit: legatosque
communiter, et castella omnia vicique, et exsules, quibus
ibi domicilia erant, ad Achæos miserunt.

XXXI. Philopœmen prætor, jam inde ab initio exsulum Decretum
causæ et amicus, et auctor semper Achæis minuendi opes Achæorum
et auctoritatem Lacedæmoniorum, concilium querentibus in Lacedæ-
dedit. decretumque, eo referente, factum est, ¹² Quum in monios.

^z aliquem Gron. Crev.

⁸ Quum ex paucis quotidie aliqui eorum caderent] Redundat τὸ eorum.

⁹ * Nam urbs] Quonam pertineat hæc parenthesis, unde pendeat, fate-
mur nos parum videre. Aliquid hic excidisse suspicamur.

¹⁰ Damiurgis] Damiurgi ex vi vo-
cabuli sunt ii qui publica negotia ad-

ministrant: a δᾶμος, Dorice δᾶμος, po-
pulus, et ἔργον, opus. * De iis vid. nos-
trum supra XXXII. 22.

¹¹ * Quæ omnis ademta erat] Vid.
supra XXXV. 12. et not. 25. ad
XXXIV. 35.

¹² * Quum in fidem Achæorum] Vid.
supra XXXV. 13.

U. C. 563. *fidem Achæorum tutelamque T. Quinctius et Romani Laconicæ*
 A. C. 189. *oræ castella et vicos tradidissent, et, quum abstinere his ex fœ-*
dere Lacedæmonii deberent, Las vicus obpugnatus esset, cædes-
que ibi facta; qui ejus rei auctores adfinesque essent, nisi dede-
rentur Achæis, violatum videri fœdus. Ad exposcendos eos
 legati extemplo Lacedæmonem missi sunt. Id imperium

Lacedæmo-
 niorum in-
 dignatio.

adeo superbum et indignum Lacedæmoniiis visum est, ut, si
 antiqua civitatis fortuna esset, haud dubie arma extemplo
 capturi fuerint. maxime autem consternavit eos metus, si
 semel primis imperiis obediendo jugum acceperant, ne, id
 quod jam diu moliretur, Philopœmen exsulis Lacedæmo-
 nem traderet. Furentes igitur ira, triginta hominibus ex
 factione, cum qua consiliorum aliqua societas Philopœmeni
 atque exsulis erat, interfectis, decreverunt, renunciandam
 societatem Achæis, legatosque extemplo Cephalleniam mit-
 tendos, qui consuli M. Fulvio, quique Romanis Lacedæmo-
 nem dederent; orarentque eum, ut veniret in Peloponnesum
 ad urbem Lacedæmonem in fidem ditionemque populi Ro-
 mani accipiendam.

Achæi in
 Lacedæmo-
 nios bellum
 decernunt.

XXXII. Id ubi legati ad Achæos retulerunt, omnium
 civitatum, quæ ejus concilii erant, consensu bellum Lace-
 dæmoniiis indictum est. ne extemplo gereretur, hiems inpe-
 diit. Incursionibus tamen parvis, latrocinii magis quam
 belli modo, non terra tantum, sed etiam navibus a^a mari
 fines eorum vastati. Hic tumultus consulem in Peloponne-
 sum adduxit; jussuque ejus Elin concilio indicto, Lacedæ-
 monii ad disceptandum aditi. Magna ibi non disceptatio
 modo, sed etiam altercatio fuit. cui consul, quum alia,
 satis¹³ ambitiose partem utramque fovendo, incerta respon-
 disset, una denunciatione, ut bello abstinere, donec Ro-
 mam legatos ad senatum misissent, finem inposuit. Utrim-
 que legatio missa Romam est. exsules quoque Lacedæmo-
 niorum suam causam legationemque Achæis injunxerunt.
 Diophanes et Lycortas, Megalopolitani ambo, principes
 legationis Achæorum fuerunt. qui, dissidentes in republica,
 tum quoque minime inter se convenientes orationes habue-
 runt. Diophanes senatui disceptationem omnium rerum
 permittebat: eos optime controversias inter Achæos ac La-
 cedæmonios finituros esse. Lycortas ex præceptis Philopœ-
 menis postulabat, ut Achæis ex fœdere ac legibus suis, quæ
 decressent, agere liceret: libertatemque sibi inlibatam, cu-
 jus ipsi auctores essent, præstarent. Magnæ auctoritatis
 apud Romanos tum gens Achæorum erat: novari tamen
 nihil de Lacedæmoniiis placebat. ceterum responsum ita

Legati ab
 utrisque
 Romam
 mittuntur.

^a e Gron. Crev.

13 *Ambitiose*] Molliter, et accommodate ad gratiam captandam.

perplexum fuit, ut et Achæi sibi de Lacedæmone permis-
sum acciperent; et Lacedæmonii non omnia concessa iis
interpretarentur. hac potestate inmodice Achæi ac superbe
usi sunt.

XXXIII. Philopœmeni continuatur magistratus: qui
veris initio, exercitu indicto, castra in finibus Lacedæmo-
norum posuit. legatos deinde misit ad deposcendos aucto-
res defectionis, et civitatem in pace futuram, si id fecissent,
pollicens, et illos nihil indicta caussa passuros. Silentium
præ metu ceterorum fuit. quos nominatim depoposcerat,
ipsi se ituros professi sunt; fide accepta ab legatis, vim ab-
futuram, donec caussam dixissent. ierunt alii etiam inlus-
tres viri, et ¹⁴advocati privatis, et quia pertinere caussam
eorum ad rempublicam censebant. Numquam alias exsu-
les Lacedæmoniorum Achæi secum adduxerant in fines,
quia nihil æque alienaturum animos civitatis videbatur.
tunc exercitus totius prope antesignani exsules erant. Ii
venientibus Lacedæmoniis ad portam castrorum agmine
facto obcurrerunt. et primo lacessere jurgiis: deinde alter-
catione orta, quum accenderentur iræ, ferocissimi exsulum
inpetum in Lacedæmonios fecerunt. Quum illi Deos et
fidem legatorum testarentur, et legati et prætor submoveret
turbas, et protegeret Lacedæmonios, vinculaque jam quos-
dam injicientes arceret, ¹⁵crescebat tumultu concitato^b tur-
ba. Et Achæi ad spectaculum primo concurrerant^c. de-
inde vociferantibus exsulis, quæ passi forent, et orantibus
opem, adfirmantibusque simul, *Numquam talem occasionem
habitueros, si eam prætermisissent: fœdus, quod in Capitolio,
quod Olympicæ, quod in arce Athenis sacratum fuisset, irritum
per illos esse: priusquam alio de integro fœdere obligarentur,
noxios puniendos esse;* accensa his vocibus multitudo ad vo-
cem unius, qui, ut ferirent, inclamavit, saxa conjecit: atque
ita septemdecim, quibus vincula per tumultum injecta
erant, interfecti sunt: sexaginta tres postero die compre-
hensi, a quibus prætor vim arcuerat, non quia salvos vellet,
sed quia perire caussa indicta nolebat, objecti multitudini
iratæ, quum aversis auribus pauca locuti essent, damnati
omnes, et traditi sunt ad supplicium.

XXXIV. Hoc metu injecto, Lacedæmoniis imperatum
primum, ut muros diruerent: deinde, ut omnes externi
auxiliares, qui mercede apud tyrannos militassent, terra

Lacedæmo-
nii princi-
pes violan-
tur ab ex-
sulis.

Leges pacis
dictæ Lacedæ-
moniiis.

^b concitata Gron. concita Crev.

^c concurrerunt Gron. Crev.

14^a Advocati privatis] Adfuturi iis
qui evocati fuerant, ob privatam cum
iis necessitudinem.

15 Crescebat tumultu concita turba]
Sic fere scripti, nisi quod alii concitato,

alii, concito: unde Gronovius legen-
dum judicavit concita. Vulgo editi
habebant crescebat tumultus concitata
turba: quod etsi tolerari poterat, Gro-
noviana emendatio magis placet.

V. C. 563. Laconica excederent: tum, uti, quæ servitia tyranni libe-
 A. C. 189. rassent, (ea magna multitudo erat) ante diem certam libe-
 rent; qui ibi mansissent, eos prehendi, vendendi, abdu-
 cendi Achæis jus esset. Lycurgi leges moresque abroga-
 rent. Achæorum adsuescerent legibus institutisque. ita
 unius eos corporis fore, et de omnibus rebus facilius consen-
 suros. ¹⁶ Nihil obedientius fecerunt, quam ut muros
 diruerent: nec ægrius passi sunt, quam exsules reduci.
 Decretum Tegeæ in concilio communi Achæorum de resti-
 tuendis iis factum est. et, mentione inlata, externos auxilia-
 res dimissos, et Lacedæmoniis adscriptos (ita enim voca-
 bant, ¹⁷ qui a tyrannis liberati erant) urbe excessisse, in
 agros dilapsos; priusquam dimitteretur exercitus, ire præ-
 torem cum expeditis, et comprehendere id genus hominum,
 et vendere jure prædæ placuit. Multi comprehensi veni-
 erunt. porticus ex ea pecunia Megalopoli permissu Achæo-
 rum refecta est, quam Lacedæmonii diruerant. Et ager
 Belbinates^d, quem injuria tyranni Lacedæmoniorum posse-
 derant, restitutus eidem civitati, ex decreto vetere Achæo-
 rum, quod factum erat, Philippo Amyntæ filio regnante.
 Per hæc velut enervata civitas Lacedæmoniorum diu Achæis
 obnoxia fuit. nulla tamen res tanto erat damno, quam disci-
 plina Lycurgi, cui per septingentos annos adsueverant, sub-
 lata.

Disciplina
 Lycurgi
 sublata.

Comitia.

XXXV. A concilio, ubi apud consulem inter Achæos
 Lacedæmoniosque disceptatum est, M. Fulvius, quia jam
 in exitu annus erat, comitiorum caussa profectus Romam,
 creavit consules M. Valerium Messallam et C. Livium Sali-
 natorem, quum M. Æmilium Lepidum inimicum, eo quo-
 que anno petentem, deiecisset. Prætores inde creati Q.
 Marcius Philippus, M. Claudius Marcellus, C. Stertinus,
 C. Atinius, P. Claudius Pulcher, L. Manlius Acidinus.
 Comitibus perfectis consulem M. Fulvium in provinciam ad
 exercitum redire placuit; eique et collegæ Cn. Manlio
 imperium in annum prorogatum est. Eo anno in ædem
 Herculis signum Dei ipsius ex decemviro- rum responso, et
 sejuges in Capitolio aurati a P. Cornelio positi. ¹⁸ consulem

^d Belbinites Gron. Crev.

¹⁶ Nihil obedientius fecerunt, quam
 ut muros diruerent] Quia nempe muri
 a tyrannis exstructi, deformes velut
 cicatrices ipsorum servitutis erant, ut
 loquitur Livortas, infra l. XXXIX.
 c. 37. Vid. ibi not. et not. 31. ad
 XXXIV. 38. supra.

¹⁷ Qui a tyrannis liberati erant]
 Servos a tyrannis libertate donatos.

¹⁸ Consulem dedisse inscriptum est]
 Mos fuit veterum, ut in donariis dedi-

candis, monumentisve consecrandis,
 honorum quos gessissent, ac præsertim
 consulatus mentionem facerent, sese-
 que consules v. g. inscriberent, quam-
 vis consulatus tempus tum exactum
 esset, quum ille titulus inscriberetur.
 Id invicte probat Perizonius, Animadv.
 Hist. c. 7. Igitur, licet Livius hic du-
 bitare videatur; P. Cornelius dum in-
 scripsit se consulem sejuges dedisse,
 significare tantum voluit se honore

dedisse inscriptum est. Et duodecim ¹⁹clipea aurata^d ab U. C. 563.
 ædilibus curulibus, P. Claudio Pulchro^e et Ser. Sulpicio A. C. 189.
 Galba, sunt posita ex pecunia, qua frumentarios ²⁰ob anno-
 nam compressam damnarunt. et ædilis plebis Q. Fulvius
 Flaccus duo signa aurata, ²¹uno reo damnato, (nam separa-
 tim accusaverant) posuit. collega ejus A. Cæcilius ²²nemi-
 nem condemnavit. Ludi Romani ter, plebei quinque toti
 instaurati. M. Valerius Messalla inde et C. Livius Salinator U. C. 564.
 consulatum idibus Martiis quum inissent^f, de republica, A. C. 188.
 deque provinciis et exercitibus senatum consuluerunt. De M. Valerio,
 Ætolia et Asia nihil mutatum est. Consulibus, alteri Pisæ C. Livio,
 cum Liguribus, alteri Gallia provincia decreta est. compa- Coss.
 rare inter se, aut sortiri jussi, et novos exercitus, binas Provincie.
 legiones, scribere, et ut sociis Latini nominis quina dena
 millia peditum, imperarent, et mille et³ ducentos equites.
 Messallæ Ligures, Salinatori obtigit Gallia. Prætores inde
 sortiti sunt. M. Claudio urbana, P. Claudio peregrina
 jurisdictio evenit. Q. Marcius Siciliam, C. Stertinius Sar-
 diniam, L. Manlius Hispaniam citeriorem, C. Atinius ulte-
 riorem est sortitus.

XXXVI. De exercitibus ita placuit. e Gallia legiones, Exercitus.
 quæ sub C. Lælio fuerant, ad M. Tuccium proprætorem in
 Bruttios traduci: et, qui in Sicilia esset, dimitti exercitum:
 et classem, quæ ibi esset, Romam reducere M. Sempronium
 proprætorem. Hispaniis legiones singulæ, quæ tum in iis
 provinciis erant, decretæ: et ut terna millia peditum, du-
 cenos equites ambo prætores in supplementum sociis impe-
 rarent, secumque transportarent. Priusquam in provincias
 novi magistratus proficiscerentur, supplicatio in triduum
²³pro collegio decemvirorum imperata fuit in omnibus
 compitis, ²⁴quod luce inter horam tertiam ferme et quar-
 tam tenebræ obortæ fuerant. et novemdiale sacrificium Luce tene-
 bræ obortæ.

^d ærata Gron. Crev.
 Eæd.

^e Pulchro del. Eæd.

^f iniissent Eæd.

^g et del.

consulatus esse perfunctum, non vero
 tunc consulem se fuisse, quum illud
 donum daret.

19 *Clypea ærata*] An non potius,
aurata? Et sic habet unus e MSS.
 Hearnii.

20 *Ob annonam compressam*] Ob
 compressum et retentum domi fru-
 mentum, unde annona arctior ac pro-
 inde carior facta fuerat.

21 *Uno reo damnato*, (nam separa-
 tim accusaverant] Ædiles accusabant
 ad populum: populus judex erat. Ita-
 que quem reum dicitur damnassee Q.
 Fulvius, is intelligendus est a Q. Ful-
 vio ædili reus factus, a populo damna-
 tus. Præterea solebant ædiles ambo

simul accusare. Hic igitur observat
 Livius, hos ædiles separatim accusasse,
 id est, non communi consilio ambos
 iisdem reis, sed alium alii diem ad
 populum dixisse.

22 * *Neminem condemnavit*] Ex iis
 quos reos fecit, nemo condemnatus
 est.

23 *Pro collegio decemvirorum*] Vi-
 detur dici supplicatio imperata pro col-
 legio decemvirorum, id est, ex delibe-
 ratione et jussu collegii decemvirorum,
 quemadmodum fere l. IV. c. 44. pro
 collegii sententia.

24 *Quod luce . . . tenebræ obortæ
 fuerant*] Ob defectum solis. Vid. not.
 13. ad l. XXXVII. c. 4. supra.

U.C. 564. indictum est, quod in Aventino lapidibus pluisset. Cam-
 A.C. 188. pani, quum eos ex senatusconsulto, quod factum erat priore
 anno^h, censores Romæ censeri coëgissent, (nam antea in-
 certum fuerat, ubi censerentur) petierunt, ut sibi cives Ro-
 manas ducere uxores liceret; et, si qui prius duxissent, ut
 habere eas, et ante eam diem nati, uti iusti sibi liberi hære-
 desque essent. utraque res impetrata. De Formianis Fun-
 danisque municipibus et Arpinatibus C. Valerius Tappus
 tribunus plebis promulgavit, uti iis suffragii latio (nam
 ante sine suffragio habuerant civitatem) esset. Huic roga-
 tioni quatuor tribuni plebis, quia non ex auctoritate senatus
 ferretur, quum intercederent, edocti, populi esse, non sena-
 tus jus suffragium, quibus velit, inpartiri, destiterunt in-
 cepto. Rogatio perlata est, ut in Æmilia tribu Formiani
 et Fundani, in Cornelia Arpinates ferrent. atque in his tri-
 bubus tum primum ex Valerio plebiscito censi sunt. M.
 Claudius Marcellus censor, sorte superato T. Quinctio, lus-
 trum condidit. censa suntⁱ civium capita ducenta quinquaginta octo millia trecenta decem et octo^k. Lustrum perfecto,
 consules in provincias profecti sunt.

Legationes
 Asiæ ad
 Manlium.

XXXVII. Hieme ea, qua hæc Romæ gesta sunt, ad
 Cn. Manlium, consulem primum, deinde pro consule, hi-
 bernantem in Asia, legationes undique ex omnibus civitati-
 bus gentibusque, quæ cis Taurum montem incolunt, conve-
 niebant. et ut clarior nobiliorque victoria Romanis de rege
 Antiocho fuit, quam de Gallis; ita lætior sociis erat de
 Gallis, quam de Antiocho. Tolerabilior regia servitus fue-
 rat, quam feritas inmanium barbarorum, incertusque in dies
 terror, quo velut tempestas eos populantes inferret. itaque,
 ut quibus libertas, Antiocho pulso, pax, Gallis domitis,
 data esset, non gratulatum modo venerant, sed coronas
 etiam aureas, pro suis quæque facultatibus, adtulerant. Et
 ab Antiocho legati, et ab ipsis Gallis, ut pacis leges dice-
 rentur, et ab Ariarathe rege Cappadocum venerunt, ad ve-
 niam petendam, luendamque pecunia noxam, quod auxiliis
 Antiochum juvisset. ²⁵ Huic sexcenta^l talenta argenti sunt
 imperata. Gallis responsum, quum Eumenes rex venisset,
 tum daturum iis leges. civitatum legationes cum benignis
 responsis, lætiores etiam quam venerant, dimissæ. Antiochi
 legati pecuniam in Pamphyliam, frumentumque ex pacto
 cum L. Scipione fœdere jussi advehere; eo se cum exer-

^h quod priore anno factum erat Gron. Crev.
 octo Eæd. ⁱ Ei ducenta Eæd.

^l sunt dei. Eæd.

^k trecenta

²⁵ Ei ducenta talenta] Magis pla-
 cet huic; *hinc enim partitio quadri-
 membris incipit: Huic . . Gallis . . ci-
 vitatum legationes . . Antiochi legati:

† et eam in MSS. suis exstare monet
 Modius. Ducenta talenta sunt mar-
 cæ argenti 18750.

citu venturum. Principio deinde veris, lustrato exercitu, U. C. 564. profectus, die octavo Apameam venit. ibi triduum stativis A. C. 188. habitis, tertiis rursus ab Apamea castris in Pamphyliam, quo pecuniam frumentumque regiones convehere jusserat, pervenit. ²⁶mille et quingenta¹ talenta argenti accepta Apameam deportantur. frumentum exercitui dividitur. Inde ad Pergam ducit: quæ una in iis locis regio tenebatur præsidio. Adpropinquant præfectus præsidii obvius fuit, triginta dierum tempus petens, ut regem Antiochum de urbe tradenda consuleret. dato tempore, ad eam diem præsidio decessum est. A Perga, L. Manlio fratre cum quatuor millibus militum ²⁷Oroanda^m, ad reliquum pecuniæ ex eo, quod pepigerant, exigendum, misso, ipse, quia Eumenem regem et decem legatos ab Roma Ephesum venisse audierat, jussis sequi Antiochi legatis, Apameam exercitum reduxit.

XXXVIII. Ibi ex decem legatorum sententia fœdus in hæc verba fere cum Antiocho conscriptum est. *Amicitia* ^{Fœderis} regi Antiocho cum populo Romano his legibus et conditionibus ^{cum Antiocho} esto. Ne quem exercitum, qui cum populo Romano ^{sociisve} bellum gesturus erit, rex per fines regni sui, eorumve, qui sub ditione ejus erunt, transire sinito: neu commcatu, neu qua alia ope juvato. Idem Romani sociique Antiocho, et iis, qui sub imperio ejus erunt, præstent. Belli gerendi jus Antiocho ne esto cum iis, qui insulas colunt, neve in Europam transeundi. Excedito urbibus, agris, vicis, castellis cis Taurum montem ²⁹usque ad Tanaim amnem, et a valle Tauri usque ad juga, qua in Lycaoniam vergit. Ne qua arma efferto, ex iis oppidis, agris, castellisque, quibus excedat. si qua extulit, quæ quoque oportebit, ³⁰recte restituito. Ne militem, neu quem alium ex regno Eumenis recipito. Si qui earum urbium cives, quæ regno abscedunt, cum rege Antiocho intraque fines ejus regni sunt, Apameam omnes ante diem certam redeant. Qui ex regno Antiochi apud Romanos sociosque sunt, iis jus ab-

¹ quinquaginta Crev.^m Enoanda Gron.ⁿ sociisque Ead.

²⁶ Mille et quinquaginta talenta] Scribe duo millia et quingenta, ex Polyb. in Excerpt. Leg. 35. et Livio ipso supra lib. XXXVII. c. 45. RUBENIUS. Porro talenta 2500. sunt marcæ argenti Paris. 234375.

²⁷ Oroanda] Hic Sigonius legi jussit Enoanda, et similiter c. 39. ab Enoandis. Ei nimis facile obsecutæ sunt Gronovianæ editiones, refragante Polybio, Legat. 35. refragante et ipsa re. Si quidem hic pecuniæ exiguntur ex pactione quæ cum Oroandensibus facta memoratur supra c. 18. Et hoc igitur loco, et c. 39. reponendam duxi-

mus veterem lectionem. Hoc debemus Cellario, quem adi l. III. Geogr. Antiq. c. 4. Idem mendum correximus et c. 45. infra.

²⁸ Sociisve ... eorumve] Sic prisci editi. Gronovianæ editiones sociisque ... eorumque: minus apposite.

²⁹ Usque ad Tanaim amnem] Imo Halyn, quod recte Gronovius post Budæum annotavit. Tanais procul ab his regionibus abest. Favet huic emendationi codex Vict. qui habet usque Achanym amnem.

³⁰ Recte restituito] Vid. not. 24. ad XXXIV. 35.

U. C. 564. *eundi manendique esto. Servos seu fugitivos, seu bello captos, seu qui liber captus aut transfuga erit, reddito Romanis sociisque. Elephantos tradito omnes, neque alios parato. Tradito et naves longas armamentaque earum:* ³¹*neve plures, quam decem naves actuarias, (nulla quarum^o plus quam triginta remis agatur) habeto: neve monerem ex belli causa, quod ipse inlaturus erit. Neve navigato citra* ³²*Calycadnum, neve Sarpedonem, promontoria: extra quam, si qua navis pecuniam, stipendium, aut legatos, aut obsides portabit. Milites mercede conducendi ex iis gentibus, quæ sub ditione populi Romani sunt, Antiocho regi jus ne esto: ne voluntarios quidem recipiendi. Rhodiorum sociorumve quæ ædes ædificiaque intra fines regni Antiochi sunt, quo jure ante bellum fuerunt, eo Rhodiorum sociorumve sunt. Si quæ pecuniæ debentur, earum exactio esto. Si quid ablatum est, id conquirendi, cognoscendi, repetendique jus item esto. Si quas urbes, quas tradi oportet, ii tenent, quibus Antiochus dedit, et^p ex iis præsidia deducito; utique recte tradantur, curato.* ³³*Argenti probi duodecim millia*

^o quarum del. Gron. Crev.

P et del. Ead.

31 *Neve plures quam decem naves actuarias*] Hic dissentit Livius a Polybio, qui decem naves constratas Antiocho concessas esse dicit, nullam actuariam. Gronovius Livii verba ad Polybiani contextus normam refingere nititur. Sed hic Polybium potius corruptum esse crediderimus. Itaque hæc videtur esse hujus loci sententia. Monerem distinguit Livius a nave actuaria. Monerem itaque intelligimus navem longam minimæ formæ, ut quæ uno ordine remorum agatur: sed tamen altiore et validiorem actuaria, quæ aperta erat. Jubetur ergo Antiochus tradere naves omnes longas, quas tunc temporis habeat. Conceduntur ei decem actuariæ naves pacem agent. Si bellum ipse inferat, nihilo plus navium habere ei permittitur. Si bello lacessatur, licet ei naves longas parare, sed moneres, nec definitur earum numerus. Hæc nobis maxime probabilia videntur. Ceterum qui locum hunc fusi tractatum videre voluerit, legat bene longam Jac. Gronovii dissertationem epistolicam ad Jo. Georgium Grævium, Tom. II. Liviano.

32 *Calycadnum*] Olim *Calycandrum*. Sigonius emendavit ex Appiano in Syriac. et Strabone.

33 *Argenti probi duodecim millia Attica talenta . . . Talentum ne minus pondo octoginta Romanis ponderibus pendat*] Atqui talentum Atticum sexaginta minarum est. Mina autem Attica par censetur Romanæ libræ. Gro-

novius l. III. de Pec. Vet. c. 3. ut hanc difficultatem tollat, emendat ex Polybio. *Argenti probi Attici (ἀργυρίου Ἀττικῶ ἀργίου) duodecim millia talentum.* Talentum autem octoginta librarum ponderibus Romanis, Ægyptium est, ut testatur Varro apud Plinium, l. XXXIII. c. 3. Porro quod hic exiguntur ejusmodi talenta, quum talenta tantum Euboica, quæ minora sunt Atticis, postulentur in conditionibus a Scipione latis, supra l. XXXVII. c. 45. id quidem mirum videri non debet. Præterquam quod enim nullum unquam hostem ita contempserunt Romani, ut Antiochum, sæpe senatus populusque Romanus aliquid addebant ad leges foederum ad imperatoribus dictas. Exemplum insigne habes in Lutatiano foedere, de quo supra l. XIX. capp. 60. et 61. Ceterum duodecim millia talentum, quorum unumquodque octoginta pondo pendat, paria sunt marcis argenti 1500000. Aliter, et quidem peringeniose, nodum hunc de talentis quæ octoginta librarum Romanarum esse debeant, solvit Clar. Labarreus, Disputatione de ponderibus, T. VIII. Commentariorum regię Inscriptionum et litterarum Academię. Ex ejus mente talentum vulgare par erat libris Romanis pondo 70. Sed quia Romanis hic mos erat, ut quidquid auri argentique ad officinam monetæ flandum feriendum afferretur, ex eo octavam partem lucraretur respubli- ca, ideo non libris 70. quod genuinum

Attica talenta dato intra duodecim annos pensionibus æquis, U. C. 564.
(talentum ne minus pondo octoginta Romanis ponderibus pen- A. C. 188.
dat) ³⁴*et tritici quingenta quadraginta millia modium. Eu-*
meni regi ³⁵*talenta trecenta quinquaginta intra quinquennium*
dato: et pro frumento, ³⁶*quod æstimatione fiat, talenta centum*
viginti septem. Obsides Romanis viginti dato, et triennio
mutato; ne minores octonum denum annorum, neu majores qui-
nium quadragenum. Si qui sociorum populi Romani ultro
bellum inferent Antiocho, vim vi arcendi jus esto; dum ne
quam urbem aut belli jure teneat, aut in amicitiam accipiat.
Controversias inter se jure ac judicio disceptanto, aut, si utris-
que placebit, bello. De Hannibale Pœno, et Ætolo Thoante,
et Mnasimacho Acarnane, et Chalcidensibus Eubulida et
Philone, dedendis, in hoc quoque fœdere adscriptum est. et
ut, si quid postea addi, demi, mutarive placuisset, ut id
salvo fœdere fieret.

XXXIX. Consul juravit in hoc fœdus. ab rege qui exi-
gerent jusjurandum, profecti Q. Minucius Thermus et L.
Manlius, qui tum forte ab Oroandis rediit. et Q. Fabio La-
beoni, qui classi præerat, scripsit, ut Patara extemplo pro-
ficisceretur; quæque ibi naves regiæ essent, concideret cre-
maretque. Profectus ab Epheso, quinquaginta tectas na-
ves aut concidit, aut incendit. Telmissum¹ eadem expedi-
tione, territis subito adventu classis oppidanis, recepit. Ex
Lycia protinus, jussis ab Epheso sequi, qui ibi relictæ erant,
per insulas in Græciam trajecit. Athenis paucos moratus
dies, dum Piræeum ab Epheso naves venirent, totam inde
classem in Italiam reduxit. Cn. Manlius quum inter cete-
ra, quæ accipiendæ ab Antiocho erant, elephantos quoque
accepisset, donoque Eumeni omnes dedisset; deinde caus-
sas civitatum, multis inter novas res turbatis, cognovit.
Et Ariarathes rex, parte dimidia pecuniæ imperatæ, Eume-
nis beneficio, cui desponderat per eos dies filiam, remis-
sa, in amicitiam est acceptus. Civitatum autem cognitæ

Res regum
et urbium
compositæ.

¹ Telmessum Gron. Crev.

erat talenti pondus, sed 80. talentum
sibi ab Antiocho solvendum æstimant.
Nobis non licet hanc conjecturam se-
qui, propterea quod minam facimus
parem libræ Romanæ, drachmam dena-
rio, ex vulgari antiquorum æstima-
tione; ac proinde talentum nobis est,
ut Varroni apud Plinium l. XXXV. c.
11. sex millium denariorum, librarum
Romanarum 60.

³⁴ Et tritici quingenta quadra-
ginta millia modium] Modios nostrates
416250.

³⁵ Talenta trecenta quinquaginta]
Si hæc sunt talenta Attica, ut solet
intelligi, quando talentum absolute

ponitur, fiunt marcæ argenti 32812.
cum uncis 4.

³⁶ Quod æstimatione fiat] Latet
mendum in voce fiat. Id arguit Poly-
bius, qui habet καὶ οὗτος ἰσχυρὸν ὁ βασι-
λεὺς Ἀντίοχος. Jussus erat Antiochus
Eumeni reddere quod frumenti reli-
quum erat ex eo quod patri debebatur.
Hic pro illo frumento dare jubetur
talenta centum viginti septem, ex æsti-
matione quam ipse fecerat: id est, ex
pretio quo ipse frumentum taxaverat.
Talanta Attica centum viginti septem
efficiunt marcas argenti 11906. cum
uncis 2.

U. C. 564. caussis, decem legati aliam aliarum fecerunt conditionem.
 A. C. 188. Quæ stipendiariæ regi Antiocho fuerant, et cum populo Romano senserant, iis immunitatem dederunt: quæ partium Antiochi fuerant, aut stipendiariæ Attali regis, eas omnes vectigal pendere Eumeni iusserunt. nominatim præterea ³⁷Colophonii, qui in Notio habitant, et ³⁸Cymæis, et Mylasenis immunitatem concesserunt. Clazomeniis, super immunitatem, et Drymusam insulam dono dederunt: et Milesiis, quem sacrum adpellant, agrum restituerunt: et Iliensibus Rhœteum et Gergithum addiderunt, non tam ob recentia ulla merita, quam originum memoria. eadem et Dardanum liberandi caussa fuit. Chios quoque, et Smyrnæos, et Erythræos, pro singulari fide, quam eo bello præstiterunt, et agro donarunt, et in omni præcipuo honore habuerunt. Phocænsibus et ager, quem ante bellum habuerant, redditus; et, ut legibus antiquis uterentur, permissum. Rhodiis adfirmata, quæ data priore decreto erant; Lycia et Caria datæ usque ad Mæandrum amnem, præter Telmissum. Regi Eumeni Chersonesum in Europa et Lysimachiam, castella, vicos, agros, quibus finibus tenuerat Antiochus, adjecerunt: in Asia Phrygiam utramque, (alteram ad Hellespontum, maiorem alteram vocant) et Mysiam, quam Prusias rex ademerat, ei restituerunt: et Lycaoniam, et Milyada, et Lydiam, et nominatim urbes Tralles, atque Ephesum, ³⁹et Telmissum. De Pamphylia disceptatum inter Eumenem et Antiochi legatos quum esset; quia pars ejus citra, pars ultra Taurum est, integra res ad senatum rejicitur.

Gallis leges dictæ.

Manlius in Europam trajicit.

XL. His fœderibus decretisque datis, Manlius, cum decem legatis omnique exercitu ad Hellespontum profectus, evocatis eo regulis Gallorum, leges, quibus pacem cum Eumene servarent, dixit; denunciavitque, ut morem vagandi cum armis finirent, agrorumque suorum terminis se continerent. Contractis deinde ex omni ora navibus, et Eumenis etiam classe per Athenæum fratrem regis ab Elæa adducta, copias omnes in Europam trajecit. inde, per Chersonesum modicis itineribus grave præda omnis generis agmen trahens, Lysimachiæ stativa habuit; ut quam maxime recentibus et integris jumentis Thraciam, per quam iter vulgo horrebant, ingrederetur. Quo profectus est ab

[†] præstiterant Crev.

37 * Colophonii qui in Notio habitant] Notium, oppidum Colophonium erat, et sic designatur a Livio supra XXXVII. 26.

38 Cymeis et Mylasenis] Scribendum est Cymæi, non Cyme; Græce Κυμαῖοι. Jam pro Milesiis reposuimus

Mylasenis, auctore Polybio, et faventibus MSS. et vet. editis, qui exhibent sive Milosenis, sive Mileseis.

39 Et Telmissum] Tamen supra, lib. XXXVII. c. 56. Telmissum excipitur; tanquam neque Rhodiis danda, neque Eumeni.

Lysimachia die, ad amnem, Melana quem vocant, inde pos- U. C. 564
 tero die Cypsela pervenit. a Cypselis via decem millium A. C. 188
 fere silvestris, angusta, confragosa excipiebat. propter cu-
 jus difficultatem itineris in duas partes divisus exercitus. et
 præcedere una jussa, altera magno intervallo cogere ag-
 men, media inpedimenta interposuit: plaustra cum pecunia
 publica erant, pretiosaque alia præda. Itaque, quum per
 saltum iret, Thracum decem haud amplius millia ex qua-
 tuor populis, Astii, et Cæni, et Maduateni, et Coreli³, ad
 ipsas angustias viam circumsederunt. Opinio erat, non sine
 Philippi regis Macedonum fraude id factum. eum scisse,
 non alia, quam per Thraciam, redituros Romanos, et quan-
 tam pecuniam secum portarent. In primo agmine impera-
 tor erat, sollicitus propter iniquitatem locorum. Thraces
 nihil se moverunt, donec armati transirent. postquam pri-
 mos superasse angustias viderunt, postremos nondum ad-
 propinquantes, inpedimenta et sarcinas invadunt. cæsisque
 custodibus, partim ea, quæ in plaustris erant, diripere, par-
 tim sub oneribus jumenta abstrahere. Unde postquam cla-
 mor primum ad eos, qui, jam ingressi saltum, sequebantur,
 deinde etiam ad primum agmen est perlatus, utrimque in
 medium concurritur, et inordinatum simul pluribus locis
 prælium conseritur. Thrakas præda ipsa inpeditos oneri-
 bus, et plerosque (ut ad rapiendum manus vacuas haberent)
 inermes, ad cædem præbet; Romanos iniquitas locorum,
 barbaris per calles notos obscursantibus⁴, et latentibus inter-
 dum per cavas valles, prodebat. ipsa etiam onera plaustra-
 que, ut fors tulit, his aut illis incommode objecta, pugnan-
 tibus inpedimento sunt: alibi prædo, alibi prædæ vindex
 cadit. Prout locus iniquus æquusve his aut illis, prout ani-
 mus pugnantium est, prout numerus, (alii enim pluribus,
 quam ipsi erant, alii paucioribus, obcurrerant) varia pugnae
 fortuna est. multi utrimque cadunt. Jam nox adpetebat,
 quum prælio excedunt Thraces, non fuga vulnere aut
 mortis, sed quia satis prædæ habebant.

Thraces
 eum inva-
 dunt.

XLI. Romanorum primum agmen extra saltum ⁴⁰ circa
 templum Bendidium castra loco aperto posuit: pars altera
 ad custodiam inpedimentorum medio in saltu, duplici cir-
 cumdata vallo, mansit. Postero die, prius explorato saltu,
 quam moverent, primis se conjungunt. In eo prælio, quum
 et inpedimentorum pars et calorum, et milites aliquot,
 quum passim toto prope saltu pugnaretur, cecidissent, plu-
 rimum Q. Minucii Thermi morte damni est acceptum, for-

³ Cæletæ Gron. Crev.

⁴ incursantibus Eæd.

⁴⁰ Circa templum Bendidium] Bendidia ejus feriæ Athenis vocabantur.
 dis, ut scribit Hesychius, lingua Thra- Turnebus, l. XIV. Advers. c. 11.
 cum Diana appellatur: unde et Ben-

U. C. 564.
A. C. 188.

Alterum
prœlium.

tis ac strenui viri. Eo die ad Hebrum flumen perventum est. inde Æniorum fines præter Apollinis, ⁴¹ Zerynthium quem vocant incolæ, templum superant. Aliæ angustiae circa Tempyra excipiunt, (hoc loco nomen est) nec minus ⁴²confragosæ, quam priores: sed, quia nihil silvestre circa est, ne latebras quidem ad insidiandum præbent. Huc ad eandem spem prædæ Thrausi (gens et ipsa Thracum) convenere: sed, quia nudæ valles, procul ut conspicerentur angustias obsidentes, efficiebant, minus terroris tumultusque fuit apud Romanos. quippe etsi iniquo loco, prælio tamen justo, acie aperta, conlatis signis dimicandum erat. Conferti subcuntes cum clamore, inpetu facto, primum expulere loco hostes; deinde avertere. fuga inde cædesque, suis ipsos impredientibus angustias, fieri cœpta est. Romani victores ad vicum Maronitarum (Saren adpellant) posuerunt castra. postero die patenti itinere Priaticus campus eos excepit; triduumque ibi, frumentum accipientes, manserunt, partim ex agris Maronitarum, conferentibus ipsis, partim ex navibus suis, quæ cum omnis generis commeatu sequebantur. Ab stativis diei via Apolloniam fuit. hinc per Abderitarum agrum Neapolim perventum est. Hoc omne per Græcorum colonias pacatum iter fuit. reliquum inde per medios Thracas, dies noctesque, etsi non infestum, suspectum tamen, donec in Macedoniam pervenerunt. Mitiores Thracas idem exercitus, quum a Scipione eadem via duceretur, habuerat, nullam ob aliam causam, quam quod prædæ minus, quod peteretur, fuerat. Quamquam tum quoque Claudius auctor est, ad quindecim millia Thracum, præcedenti ad exploranda loca agmen Mutini Numidæ obcurrisse. quadringentos equites fuisse Numidas, paucos elephantos. Mutinis filium per medios hostes cum centum quinquaginta delectis equitibus perrupisse. eundem mox, quum jam Mutines, in medio elephantis conlocatis, in cornua equitibus dispositis, manum cum hoste conseruisset, terrorem ab tergo præbuisse. atque inde turbatos equestri velut procella hostes ad peditum agmen non accessisse. Cn. Manlius per Macedoniam in Thessalam exercitum traduxit. inde per Epirum Apolloniam quum pervenisset, nondum adeo hiberno contento mari, ut trajicere auderet, Apolloniæ hibernavit.

XLII. Exitu prope anni M. Valerius consul ex Liguri-

⁴¹ Zerynthium quem vocant incolæ] Zerynthium reposuimus ex MSS. Gelenii pro Zerynthum, quod præferunt Gronovianæ editiones. Zerynthius Apollo dicebatur a Zeryntho antro, et urbe cognomine. Ceterum vox quem

videtur hinc ableganda, quæ facile suppleri potest, et videtur huc, invito Livio, qui libenter genus hoc provocabuli suppressit, irrepsisse.

⁴² * Confragosæ] Asperæ ac difficiles ob inæqualia vallium colliumque,

bus ad magistratus subrogandos Romam venit, nulla me- U.C. 564.
morabili in provincia re gesta, ut ea probabilis moræ caussa A. C. 188.
esset, quod solito serius ad comitia venisset. Comititia con- Comititia.
sulibus rogandis fuerunt ante diem duodecimum Kalendas
Martias. creati M. Æmilius Lepidus, C. Flaminius. Pos-
tero die prætores facti Ap. Claudius Pulcher, Ser. Sulpi-
cius Galba, Q. Terentius Culleo, ⁴³ L. Terentius Massiliota^a,
Q. Fulvius Flaccus, M. Furius Crassipes. Comititiis perfec-
tis, quas provincias prætoribus esse placeret, retulit ad sena-
tum consul. decreverunt duas Romæ, juris dicundi caussa;
duas extra Italiam, Siciliam et Sardiniam; duas in Italia,
Tarentum et Galliam. et extemplo, priusquam inirent ma-
gistratum, sortiri jussi. Ser. Sulpicius urbanam, Q. Teren-
tius peregrinam est sortitus. L. Terentius Siciliam, Q. Ful-
vius Sardiniam, Ap. Claudius Tarentum, M. Furius Gal-
liam. Eo anno L. Minucius Myrtilus et L. Manlius, quod Qui pulsa-
legatos Karthaginienses pulsasse dicebantur, jussu M. Clau- rant Pœnos
dii prætoris urbis per feciales traditi sunt legatis, et Kar- legatos, tra-
thaginem avecti. In Liguribus magni belli, et gliscentis diti. U. C. 565.
in dies magis, fama erat. itaque consulibus novis, quo die A. C. 187.
de provinciis et de republica retulerunt, senatus utrisque^x M. Æmilio
Ligures provinciam decrevit. Huic senatusconsulto Lepi- C. Flamini-
dus consul intercedebat, *Indignum esse prædicans, consules* Coss.
ambos in valles Ligurum includi. M. Fulvium et Cn. Man- Ligures
lium biennium jam, alterum in Europa, alterum in Asia, velut provincia
pro Philippo atque Antiocho substitutos, regnare. Si exercitus Coss.
in his terris esse placeat, consules iis potius, quam privatos,
præesse oportere. Vagari eos cum belli terrore per nationes,
quibus bellum indictum non sit, pacem pretio venditantes. Si
eas provincias exercitibus obtinere opus esset; ⁴⁴ *sicut M. Aci-*
lio L. Scipio consul, L. Scipioni^y M. Fulvius et Cn. Manlius
successissent consules; ita Fulvio Manlioque C. Livium et M.
Valerium consules debuisse succedere. nunc certe, perfecto Æto-
lico bello, recepta ab Antiocho Asia, devictis Gallis, aut consules
ad exercitus consulares mitti, aut reportari legiones inde, reddi-

^a Massaliota Gron. Massa Crev. ^x utrique Gron. Crev. ^y L. Scipio consul, L. Scipioni l. L. Scipioni consulibus Eæd.

43 L. Terentius Massa] Cognomen hujus prætoris legitur hoc loco in editis Massaliota: in Vict. codice Nasica. Reposuimus Massa, quomodo supra l. XXXI. c. 50. et infra l. XL. c. 35.

44 Sicut Man. Acilio, L. Scipioni consulibus M. Fulvius et Cn. Manlius successissent] Hæc non omnino accurata sunt. Neque enim collegæ fuerunt Man. Acilius et L. Scipio, quemadmodum M. Fulvius et Cn. Manlius; nec eodem anno imperium habuerunt,

hic in Asia, ille in Ætolia. Sed Man. Acilio L. Scipio, L. Scipioni Cn. Manlius successit, collegæ interim M. Fulvio bellum Ætolicum semestri spatio intermissum redintegrante. Ceterum hanc culpam librariorum esse, non Livii, ostendit Victorini codicis scriptura: Sicut M. Tullio L. Scipio consul, L. Scipioni M. Fulvius et M. Manlius successissent. Lege Man. Acilio pro M. Tullio, et Cn. Manlius pro M. Manlius: jam omnia sana sunt.

U. C. 565. *que tandem reipublicæ debere.* Senatus, his auditis, in sententia perseveravit, ut consulibus ambobus Ligures provincia esset: Manlium Fulviumque decedere de provinciis, et exercitus inde deducere, ac redire Romam, placuit.

XLIII. Inimicitiae inter M. Fulvium et M. Æmilium consulem erant: et super cetera Æmilius, serius biennio se consulem factum M. Fulvii opera, ⁴⁵ducebat. itaque ad invidiam ei faciendam legatos Ambracienses in senatum, ⁴⁶subornatos criminibus, introduxit. Qui sibi, *quum in pace essent*, ⁴⁷*imperataque a* ²*prioribus consulibus fecissent, et eadem præstare obedienter M. Fulvio parati essent*, bellum inlatum questi, agros primum depopulatos, terrorem direptionis et cædis urbi injectum, ut eo metu claudere cogerentur portas. obsessos deinde et obpugnatos se, et ⁴⁸*omnia exempla belli edita in se, cædibus, incendiis, ruinis, direptione urbis: conjuges, liberos in servitium abstractos: bona ademta, et, quod se ante omnia moveat, templa tota urbe spoliata ornamentis. simulacra Deum, Deos immo ipsos, convulsos ex sedibus suis, ablatos esse*; ⁴⁹*parietes postesque nudatos, quos adorent, ad quos precentur et supplicent, Ambraciensibus superesse*. Hæc querentes, interrogando ⁵⁰criminoſe ex composito, consul ad plura, velut non sua sponte dicenda, eliciebat. Motis Patribus, alter consul C. Flaminius M. Fulvii causam excepit: qui, *veterem et obsoletam viam ingressos Ambracienses*, dixit. ⁵¹*Sic M. Marcellum a Syracusanis, sic Q. Fulvium a Campanis accusatos. quin* ⁵²*eadem opera T. Quinctium a Philippo rege, M. Acilium et L. Scipionem ab Antiocho, Cn. Manlium a Gallis, ipsum M. Fulvium ab Ætolis et Cephaleniæ populis accusari paterentur. Ambraciam obpugnatam et captam, et signa inde ornamentaque ablata, et cetera facta,*

¹ dicebat Crev.

² a del. Crev.

³ non superesse Gron.

^b M. del. Gron. Crev.

⁴⁵ Dicebat] Sic Andreas et Vict. codex. Nec videmus cur Gronovianæ editiones id mutatum voluerint in dicebat.

⁴⁶ * Subornatos criminibus] Clam instructos criminationibus.

⁴⁷ Imperataque prioribus consulibus fecissent] Sic supra, l. XXXV. c. 17. Antiocho si Smyrna et Lampſacus imperata faciant. Vulgati habent a prioribus. Sed Andreas, et unus e MSS. Hearnii, et noster Victor. omittunt particulam a.

⁴⁸ * Omnia exempla belli edita in se] Vid. not. ad XXIX. 27.

⁴⁹ Parietes postesque nudatos, quos adorent. . . Ambraciensibus superesse] Secuti sumus auctoritatem librorum, tum a Gelenio, tum a Gronovio, tum ab Hearnio inspectorum, qui sic

habent, quomodo edi curavimus. Sensus est, nihil aliud superesse Ambraciensibus, quod adorent, ad quod conversi precentur et supplicent, nisi parietes postesque nudatos, ablatis a M. Fulvio deorum simulacris. In vulgatis legitur: parietes postesque nudatos, supple, esse. Quos adorent, ad quos conversi precentur et supplicent, Ambraciensibus non superesse.

⁵⁰ * Criminoſe] Accusatorie; ita ut iis occasionem præberet novarum in Fulvium criminationum.

⁵¹ * Sic M. Marcellum] De his accusationibus Syracusanorum in Marcellum, Campanorum in Q. Fulvium, egit Livius l. XXVI. c. 26. et seqq.

⁵² * Eadem opera] Uno tenore, pariter simulque.

quæ captis urbibus soleant, negaturum aut me pro *M. Fulvio*, U. C. 565. aut ipsum *M. Fulvium* censetis, *Patres conscripti*? qui ob A. C. 187. has res gestas triumphum a vobis postulaturus sit; *Ambraciam* captam, signaque, quæ ablata criminantur, et cetera spolia ejus urbis ante currum laturus, ⁵³ et fixurus in postibus suis. Nihil est, quod se ab *Ætolis* separent. eadem *Ambraciensium* et *Ætolorum* caussa est. Itaque collega meus vel in alia caussa inimicitias exerceat, vel, si in hac utique mavult, retineat *Ambracienses* suos in adventum *M. Fulvii*. Ego nec de *Ambraciensibus*, nec de *Ætolis* decerni quidquam, absente *M. Fulvio*, patiar.

XLIV. Quum *Æmilius* callidam malitiam inimici, velut omnibus notam, insimularet, et tempus eum morando extracturum diceret, ne consule inimico Romam veniret^c; certamine consulum biduum absumtum est. nec præsentem *Flaminio* decerni quidquam videbatur posse. Captata occasio est, quum æger forte *Flaminius* abesset; et, referente *Æmilio*, senatusconsultum factum est, Ut *Ambraciensibus* S. C. in gratiam *Ambraciensium*. omnes suæ res redderentur: in libertate essent, ac legibus suis uterentur: portoria, quæ vellent, terra marique caperent, dum eorum immunes *Romani* ac socii *Latini* nominis essent. Signa aliaque ornamenta, quæ quererentur ex ædibus sacris sublata esse, de iis, quum *M. Fulvius* Romam revertisset, placere ad collegium pontificum referri, et, quod ii censuissent, fieri. Neque his contentus consul fuit, sed postea per infrequentiam adjecit senatusconsultum^d, ⁵⁴ *Ambraciam non videri vi captam esse*. Supplicatio inde, ex decemvirorum decreto, pro valetudine populi fuit per triduum, quia gravis pestilentia urbem atque agros vastabat. *Latina* inde fuerunt. Quibus religionibus liberati consules, et delectu perfecto, (novis enim uterque maluit uti militibus) in provinciam profecti sunt: veteresque omnes dimiserunt. Post consulum Manlii profectionem *Cn. Manlius* proconsul Romam venit, cui quum ab *Ser. Sulpicio* prætore senatus ad ædem *Bellonæ* datus esset, et ipse, commemoratis rebus ab se gestis, postulasset, ut ob eas *Diis* immortalibus honos haberetur, sibi que triumphanti urbem invehi liceret; contradixerunt pars major decem legatorum, qui cum eo fuerant, et ante alios *L. Furius Purpureo*, et *L. Æmilius Paullus*. Manlius petit triumphum.

XLV. Legatos sese *Cn. Manlio* datos pacis cum *Antiocho* Legati ipsius contrafaciendæ caussa, ⁵⁵ fæderisque et legum, quæ cum *L. Scipione* inchoatæ fuissent, perficiendarum. *Cn. Manlium* summa ope dicunt.

^c rediret Gron. Crev.

^d senatusconsulto Eæd.

⁵³ Et fixurus in postibus suis] Vid. not. 29. ad l. X. c. 7.

⁵⁴ Ambraciam non videri] Vid. not. 48. ad l. XXXIV. c. 44.

⁵⁵ Fæderisque et legum] Dele copulam et, quæ abest ab MSS. Thuanæo et Victor.

U. C. 565. *tetendisse, ut eam pacem turbaret, et Antiochum, si sui potestatem fecisset, insidiis exciperet: sed illum, cognita fraude consulis, quum sæpe conloquiis petitis captatus esset, non congressum modo, sed conspectum etiam ejus vitasse. Cupientem transire Taurum ægre omnium legatorum precibus, ne carminibus Sibyllæ prædictam superantibus terminos fatales cladem experiri vellet, retentum. admovisse tamen exercitum, et prope ipsis jugis ⁵⁶ ad divortia aquarum castra posuisse. Quum nullam ibi causam belli invenirent, quiescentibus regiis, circumegisse exercitum ad Gallogræcos: cui nationi non ex senatus auctoritate, non populi jussu, bellum inlatum. quod quem unquam de sua sententia facere ausum? Antiochi, Philippi, Hannibalis et Pœnorum recentissima bella esse. de omnibus his consultum senatum, populum jussisse. sæpe legatos ante missos, res repetitas, postremo, qui bellum indicerent, missos. Quid eorum, Cn. Manli, factum est, ut istud publicum populi Romani bellum, et non tuum privatum latrocinium ducamus? At eo ipso contentus fuisti; recto itinere duxisti exercitum ad eos, quos tibi hostes desumseras: an et per omnes amfractus viarum, quum ad bivia consisteres, ut, quo flexisset agmen Attalus Eumenis frater, eo ⁵⁷ consul mercenarius cum exercitu Romano sequereris, Pisidiæ, Lycaoniæque, et Phrygiæ recessus omnes atque angulos peragrasti, stipem a tyrannis castellanisque deviis colligens? Quid enim tibi ⁵⁸ cum Oroandis? quid cum aliis æque innoxiiis populis? Bellum autem ipsum, cujus nomine triumphum petis, quo modo gessisti? Loco æquo, tempore tuo pugnasti? Tu vero recte, ut Diis immortalibus honos habeatur, postulas: primum, quod pro temeritate imperatoris, ⁵⁹ nullo jure gentium bellum inferentis, pœnas luere exercitum noluerunt: deinde, quod belluas, non hostes, nobis objecerunt.*

XLVI. ⁶⁰ *Nolite^f nomen tantum existimare mixtum esse Gallogræcorum. multo ante et corpora et animi mixti ac vitati sunt. An, si illi Galli essent, cum quibus millies vario eventu in Italia pugnatum est, quantum in imperatore nostro fuit, nuncius illinc redisset? Bis cum iis pugnatum est, bis loco iniquo subiit, in valle inferiore pedibus pene hostium*

^c dicamus Gron. Crev.

^f Nolito Gron.

⁵⁶ *Ad divortia aquarum]* Divortia aquarum, inquit Turnebus, l. XIV. Advers. c. 11. juga sunt, unde in diversa aquæ et cœlestes et perennes divertunt.

⁵⁷ *Consul mercenarius . . stipem a tyrannis . . colligens]* Non immerito obiectam esse Manlio avaritiam docet Polybius uno verbulo, quod in Excerpt. Leg. 31. reperitur. Nam quum Isiondenses, de quibus Livius c. 15. supra, auxilium ejus adversus Telmis-

senses implorarent, ipse, inquit Polybius, hanc sibi offerri a propitio Mercurio prædam putans, illico in Pamphyliam flexit iter.

⁵⁸ *Cum Oroandis]* Vid. not. 27. ad c. 37. supra.

⁵⁹ ** Nullo jure gentium]* Sine ulla ex iis belli causis quæ jure gentium legitimæ habentur.

⁶⁰ *Nolite]* Mendum hic insecerat Gronovianas editiones: nolito.

aciem subiecit. utz non tela ex superiore loco mitterent, sed corpora sua nuda injicerent, obruere nos potuerunt^h. Quid igitur incidit? Magna fortuna populi Romani est, magnum et terribile nomen. Recenti ruina Hannibalis, Philippi, Antiochi,⁶¹ prope attoniti erant, tantæ corporum moles. Fundis sagittisque in fugam consternati sunt: gladius in acie cruentatus non est Gallico bello: ⁶²velut avium examina, ad crepitum primum missilium avolare. At, Hercule, nos iidem, (admonente fortuna, quid, si hostem habuissemus, casurum fuisset) quum redeuntes in latrunculos Thracas incidissemus, cæsi, fugati, exuti impedimentis sumus. Q. Minucius Thermus, in quo haud paullo plus damni factum est, quam si Cn. Manlius, cujus temeritate ea clades inciderat, perisset, cum multis viris fortibus cecidit: ⁶³exercitus, spolia regis Antiochi referens, trifariam dissipatus, alibi primum, alibi postremum agmen, alibi impedimenta, inter vepres in latebris ferarum noctem unam delituit. Pro his triumphus petitur? Si nihil in Thracia cladis ignominiaque foret acceptum, de quibus hostibus triumphum peteres? de iis, ut opinor, quos tibi hostes senatus aut populus Romanus dedisset. Sic huic L. Scipioni, sic illi M'. Acilio de rege Antiocho, sic paullo ante T. Quinctio de rege Philippo, sic P. Africano de Hannibale, et Pœnis, et Syphace, triumphus datus. ⁶⁴et minima illa, quum jam senatus censuisset bellum, quæsitâ tamen sunt, quibus nunciandum esset: ipsis utique regibus nunciaretur; an satis esset, ad præsidium aliquod nunciari? ⁶⁵Vultis ergo hæc omnia pollui et confundi? tolli fecialia jura? nullos esse feciales? fiat (pace Deum dixerim) jactura religionis: oblivio Deorum capiat pectora vestra. Num senatum quoque de bello consuli non placet? non ad populum ferri, velint, jubeantne cum Gallis

g ut, si Gron. Crev.

h potuerint Eæd.

61 Prope attoniti erant. Tantæ corporum moles, fundis sagittisque . . . consternati sunt] Verbum consternati sunt refertur ad Gallos, qui hic designantur per hæc verba, tantæ corporum moles: prorsus quasi scripsisset Livius: Galli, tantæ corporum moles, consternati sunt. Porro male distinguitur hic locus in vulgatis: prope attoniti erant, tantæ corporum moles. Fundis sagittisque. . . . Qui enim opponuntur stupor ille quo defixi steterunt, et corporum moles? At mirum est profecto vasti et proceri corporis homines fundis sagittisque in fugam consternatos esse.

62 Velut avium examina] Sigonius e libro suo affert apum: in Victorino legitur apum. Utrumlibet parum interest. Sed ad apes aptissime referuntur et ipsa vox examina, et erepitis

ille quo fugantur.

63 Exercitus . . . trifariam dissipatus . . . delituit] Intellige nomen exercitus inniti verbo delituit, ita ut triplex hoc membrum, alibi primum, alibi postremum agmen, alibi impedimenta, connectendum sit his vocibus, trifariam dissipatus, tanquam iis explicandis appositum.

64 Et minima illa . . . quæsitâ tamen sunt] Consulti sunt feciales de his, quæ haud sane magni momenti esse videantur, nempe, utrum regibus ipsis nunciari oporteret, an etc. Id factum memoravit Livius quum in Philippo, l. XXXI. c. 8. tum in Antiocho, l. XXXVI. c. 3.

65 Vultis ergo] Thuan. Velitis ergo, quod non temere fastidiendum. Sic l. V. c. 53. Velitisne illos Romanos, vos Veientes esse? JAC. GRONOVIVS.

U. C. 565.
A. C. 187.

U. C. 565. *bellum geri? Modo certe consules Græciam atque Asiam volebant, tamen perseverantibus vobis, Ligures provinciam discernere, dicto audientes fuerunt. Merito ergo a vobis, prospere bello gesto, triumphum petent, quibus auctoribus gesserunt.*

Manlius se defendit.

XLVII. Talis oratio Furii et Æmilii fuit. Manlium in hunc maxime modum respondisse accepimus. Tribuni plebis antea solebant triumphum postulantibus adversari, Patres conscripti. Quibus ego gratiam habeo, quod seu mihi, seu magnitudini rerum gestarum, hoc dederunt, ut non solum silentio comprobarent honorem meum, ⁶⁶sed referre etiam, si opus esset, viderentur parati esse. Ex decem legatis, si Diis placet, quod consiliumⁱ dispensandæ cohonestandæque victoriæ imperatoribus majores dederunt nostri, adversarios habeo. L. Furius, L. Æmilii curram triumphalem me conscendere prohibent, coronam insignem capiti detrahunt; quos ego, si tribuni me triumphare prohiberent, testes citaturus fui rerum a me gestarum. Nullius equidem invideo honori, Patres conscripti. Vos ⁶⁷tribunos plebei nuper, viros fortes ac strenuos, impediennes Q. Fabii Labeonis triumphum, auctoritate vestra deterruistis. triumphavit, quem non bellum injustum gessisse, sed hostem omnino non vidisse, inimici jactabant. Ego, qui cum centum millibus ferocissimorum hostium signis conlatis toties pugnavi, qui plus quadraginta millia hominum cepi aut occidi, qui bina castra eorum expugnavi, qui citra juga Tauri omnia pacatiora, quam terra Italia est, reliqui, non triumpho modo fraudor; sed caussam apud vos, Patres conscripti, accusantibus meis ipse legatis, dico. Duplex eorum, ut animadvertistis, Patres conscripti, accusatio fuit. nam, nec gerendum mihi fuisse bellum cum Gallis, et gestum temere atque imprudenter, dixerunt. non erant Galli hostes, sed tu eos pacatos imperata facientes violasti. Non sum postulaturus a vobis, Patres conscripti, ut, quæ communiter de inmanitate gentis Gallorum, de infestissimo odio in nomen Romanum scitis, ea de illis quoque, qui Asiam incolunt, existimetis ⁶⁸Gallis. Remota^k

¹ concilium Gron.
Gron. Crev.

^k qui terras has incolunt, existimetis. Gallos remota etc.

66* Sed referre etiam] Jus referendi ad senatum, sive senatum consulendi de iis quæ viderentur ad rempublicam pertinere, habebant tribuni plebis.

67 Tribunos plebei . . impediennes Q. Fabii Labeonis triumphum] De hoc Fabio duobus tantummodo locis egit Livius, nempe c. ult. l. XXXVII. et c. 39. hujus libri, nec ullam hujus certaminis tribunorum adversus eum mentionem fecit.

68 Gallos . . per seipsos æstimate]

Recte observat Perizonius vocem Gallos hic suspectam esse debere locum accuratius inspicienti. Neque enim communiter de Gallis universis, sed de illis proprie qui Asiam incolebant, agitur. Videtur igitur legere debere, quomodo in Mogantina editione habetur, cui accedit unus e MSS. Hearnii: ea de illis quoque, qui terras has incolunt, existimetis Gallis. Remota universæ gentis infamia atque invidia, per se ipsos æstimate.

universæ gentis infamia atque invidia, per se ipsos æstimate. Utinam res Eumenes, utinam Asiæ civitates omnes adessent, et illos potius querentes, quam me accusantem, audiretis! Mittite, agetum, legatos circa omnes Asiæ urbes, et quærite, ultra¹ graviore servitute, Antiocho ultra Tauri juga emoto, an Gallis subactis, liberati sint? quoties agri eorum vastati sint, quoties prædæ abactæ, referant: quum vix redimendi captivos copia esset, et mactatas humanas hostias inmolatosque liberos suos audirent. Stipendium, scitote, pependisse socios vestros Gallis: et nunc, liberatos per vos regio imperio, fuisse pensuros, si a me foret cessatum.

XLVIII. Quo longius Antiochus emotus esset, hoc inpotentius in Asia Galli dominarentur: et, quidquid est terrarum citra Tauri juga, Gallorum imperio, non vestro, adjecissetis. At enim sunt quidem ista vera. etiam ⁶⁹ Delphos, quondam commune humani generis oraculum, umbilicum orbis terrarum, Galli spoliaverunt: nec ideo populus Romanus his bellum indixit, aut intulit. Equidem aliquid interesse rebar inter id tempus, quo nondum in jure ac ditione vestra Græcia atque Asia erat, ad curandum animadvertendumque, quid in his terris fieret; et hoc, quo finem imperii Romani Taurum montem statuistis, quo libertatem immunitatemve civitatibus datis, quo aliis fines adjicitis, alias agro multatis, aliis vectigal inponitis: regna augetis, minuitis, donatis, adimitis: curæ vestræ censeatis esse, ut pacem terra marique habeant. ⁷⁰ An, nisi præsidia deduxisset Antiochus, quæ quieta in suis arcibus erant, non putaretis liberatam Asiam? si Gallorum exercitus effusi vagarentur, rata dona vestra, quæ dedistis, regi Eumeni, rata libertas civitatibus esset? Sed quid ego hæc ita argumentor; tamquam non acceperim, sed fecerim hostes Gallos? Te, L. Scipio, adpello, cujus ego mihi, succedens in vicem imperii tui, virtutem felicitatemque pariter non frustra ab Diis immortalibus precatus sum; te, P. Scipio, qui legati jus, collegæ majestatem, et apud fratrem consulem, et apud exercitum habuisti; sciatisme, in exercitu Antiochi Gallorum legiones fuisse? videritis in acie eos, in cornu utroque (id enim roboris esse videbatur) locatos? pugnaveritis, ut cum hostibus justis? cecideritis? spolia eorum retuleritis?

¹ utrum a Gron. Crev.

69* Delphos . . . umbilicum Orbis terrarum] Sic Græci quamplurimi, et post eos Latini. Vid. Cellar. Geogr. Ant. l. I. c. 4.

70 An, nisi præsidia] Duo quæ sequuntur membra inter se ita connexa intelligi debent, ut unum ambo sen-

sum efficiant. Qui non putaretis liberatam Asiam, nisi præsidia deduxisset Antiochus, an credetis ratam libertatem civitatibus futuram fuisse, si per eandem Asiam effusi Gallorum exercitus vagarentur?

U. C. 565. ⁷¹ *Atqui cum Antiocho, non cum Gallis, bellum et^m senatus decreverat, et populus jusserat. sed simul, ut opinor, cum his decreverant jusserantque, qui⁷³ intra ejus præsidia fuissent. ex quibus, præter Antiochum, cum quo pacem pepigerat Scipio, et cum quo nominatim fœdus ut fieret, mandaveratis, omnes hostes erant, qui pro Antiocho arma adversus nos tulerunt. In qua caussa quum Galli ante omnes fuissent, et reguli quidam, et tyranni; ego tamen et cum aliis, pro dignitate imperii vestri coactis⁷⁴ luere peccata sua, pacem pepigi: et Gallorum animos, si possent mitigari a feritate insita, tentavi; et, postquam indomitos atque inplacabiles cernebam, tum demum vi atque armis coercendos ratus sum. Nunc, quoniam suscepti belli purgatum est crimen, gesti reddenda est ratio. in quo confiderem equidem causæ meæ, etiamsi non apud Romanum, sed apud Karthaginiensem senatum agerem; ubi in crucem tolli imperatores dicuntur, si prospero eventu, pravo consilio rem gesserunt. Sed ego in ea civitate, quæ ideo omnibus rebus incipiendis gerendisque Deos adhibet, quia⁷⁵ nullius calumniæ subjicit ea, quæ Dii comprobaverunt, et in sollemnibus verbis habet, quum supplicationem aut triumphum decernit? Quod bene ac feliciter rempublicam administrarit; si nollem, si grave, ac superbum existimarem virtute gloriari; ⁷⁶ pro felicitate mea exercitusque mei, quod tantam nationem sine ulla militum jactura devicimus, postularem, ut Diis immortalibus honos haberetur, et ipse triumphans in Capitolium adscenderem, unde, votis rite nuncupatis, profectus sum. negaretis hoc⁷⁷ mihi cum Diis immortalibus?*

XLIX. *Iniquo enim loco dimicavi. Dic igitur, quo æquore potuerim dimicare? Quum montem hostes cepissent, loco munito se tenerent, nempe eundem ad hostes erat, si vincere vellem. Quod? si urbem eo loco haberent, et mœnibus se te-*

^m et l. his Gron.

⁷¹ * *Atqui cum Antiocho*] Hæc dicitur cum respectu ad ea quæ præcessere. Pugnare Scipiones cum Gallis, ut cum hostibus justis, veris, legitimis, licet Antiocho, non Gallis nominatim bellum indictum esset. Sed nimirum decretum senatus complectebatur eos quoque qui Antiochi sectam secuti essent, et intra ejus præsidia fuissent. Quum igitur Galli inter auxiliares Antiochi fuerint, legitimum cum iis bellum et Scipiones et ego gessimus.

⁷² *Non cum Gallis bellum et senatus decreverat*] Sic habere MS. Thuanæum testatur Jac. Gronovius. Accedit noster Vict. Vulgo: non cum Gallis bellum his senatus decreverat.

⁷³ *Intra ejus præsidia*] Editi ante Gronovium *inter ejus præsidia*. Sed vid. not. 40. ad c. 11. hujus libri.

⁷⁴ * *Luere peccata sua*] Pecunia. Sic excusatur et mitigatur Maunius, suppresso etiam invidioso pecunie nomine, illam quæ ei objecta fuerat avaritiam, exactasque a tyrannis castellanisque ingentes auri et argenti summas.

⁷⁵ * *Nullius calumniæ subjicit*] Nullius injustis et malitiosis cavillationibus deteri sinit.

⁷⁶ *Pro felicitate mea*] Libenter et hic præfigeremus particulam *si*. Neque enim facile videtur posse suppleri.

⁷⁷ *Mihi cum diis*] Si nihil hic vitii est, sensus erit: et mihi, et diis.

nerent? nempe obpugnandi erant. Quid? ad Thermopylas U. C. 565.
 æquone loco M'. Acilius cum rege Antiocho pugnavit? Quid? A. C. 187.
 Philippum non eodem modo super Aoum amnem juga tenentem
 montium T. Quinctius dejecit? Equidem adhuc, qualem aut
 sibi fingant, aut vobis videri velint hostem fuisse, non invenio.
 Si degenerem et emollitum amcenitate Asiæ, quid periculi vel
 iniquo loco subeuntibus fuit? si timendum et feritate animo-
 rum, et robore corporum, ⁷⁸ huicne tantæ victoriæ triumphum
 negatis? Cæca invidia est, Patres conscripti, nec quidquam
 aliud scit, quam ⁷⁹ detrectare virtutes, conrumpere honores ac
 præmia earum. mihi, quæso, ita ignoscatis, Patres conscripti,
 si longiorem orationem non cupiditas ⁸⁰ gloriandi de me, sed
 necessaria criminum defensio fecit. An etiam per Thraciam
 saltus patentes, qui angusti erant, et plana ex arduis, et culta
 ex silvestribus facere potui, et præstare, necubi notis sibi late-
 bris delitescerent latrones Thraces, ne quid sarcinarum rape-
 retur, ne quod jumentum ex tanto agmine abstraheretur, ne
 quis vulneraretur, ne ex vulnere vir fortis ac strenuus Q. Mi-
 nucius moreretur? ⁸¹ In hoc casu, quo infeliciter incidit, ut
 talem civem amitteremus, hærent. Quod saltu iniquo, loco
 alieno, quum adortus hostis nos esset, duæ simul acies primi et
 novissimi agminis hærentem ad impedimenta nostra exercitum
 barbarorum circumvenerunt; quod multa millia ipso die, plura
 multo post dies paucos ceciderunt et ceperunt; hoc, si ipsi
 tacuerint, vos scituros, quum testis orationis meæ totus exerci-
 tus sit, non credunt? Si gladium in Asia non strinxissem, si
 hostem non vidissem; tamen proconsulⁿ triumphum in Thracia
 duobus præliis merueram. Sed jam dictum satis est. quin pro
 eo, quod pluribus verbis vos, quam volui, fatigavi, veniam a
 vobis petitam impetratamque velim, Patres conscripti.

L. Plus crimina eo die, quam defensio, valuissent, ni al-
 tercationem in serum perduxissent. dimittitur senatus in
 ea opinione, ut negaturus triumphum fuisse videretur. Pos-
 tero die et cognati amique Cn. Manlii summis opibus Triumphus
 adnisi sunt, et auctoritas seniorum valuit, negantium, exem- Manlio de-
 plum proditum memoriæ esse, ut imperator, qui, perduelli- cretus.
 bus devictis, confecta provincia, exercitum reportasset,
 sine curru et laurea privatus inhonoratusque, urbem iniret.

ⁿ proconsul del. Gron. Crev.

⁷⁸ Huicne] Unus e MSS. Gronovianis
 et noster Vict. Huicne.

⁷⁹ Detrectare virtutes] Obtreare
 virtutibus, debitam illis detrahare lau-
 dem: quemadmodum supra l. XXXIV.
 c. 15. Cato, haud sane detrectator laudum
 suarum.

⁸⁰ Gloriandi de me] Duas ultimas
 voces addidit Gelenius, haud sane ne-

cessarias. Eas ignorat Vict. codex et
 unus e MSS. Hearnii.

⁸¹ In hoc casu . . . hærent] In hoc
 infortunio, cujus culpam casus susti-
 net, exaggerando verbis hærent: in ea
 re multi sunt. At sedulo tacent ea
 quæ mihi in hoc ipso prælio laudi dari
 debent. Frustra tamen, quum testis
 adsit omnis exercitus.

U. C. 565. hic pudor malignitatem vicit, triumphumque frequentes de-
 A. C. 187. creverunt. Obpressit deinde mentionem memoriamque om-
 nem contentionis hujus majus et cum majore et clariore viro
 Scipio Afri- certamen ortum. P. Scipioni Africano (ut Valerius Antias
 canus accu- auctor est) duo Q. Petillii diem dixerunt. id, prout ejus-
 satur. que ingenium erat, interpretabantur. Alii non tribunos
 plebis; sed universam civitatem, quæ id pati posset, incu-
 sabant. *Duas maximas orbis terrarum urbes ingratas uno
 prope tempore in principes inventas: Romam ingratiorem; si
 quidem victa Karthago victum Hannibalem in exilium expu-
 lisset; Roma victrix victorem Africanum expellat.* Alii, Ne-
 minem unum civem tantum eminere debere, ut legibus interro-
 gari non possit: nihil tam æquandæ libertatis esse, quam po-
 tentissimum quemque ⁸²posse dicere causam. Quid autem
 tuto cuiquam, nedum summam rempublicam, permitti, si ratio
 non sit reddenda? qui jus æquum pati non possit, in eum
 vim haud injustam esse. Hæc agitata sermonibus, donec dies
 dicendæ causæ venit. nec alius antea quisquam, nec ille
 ipse Scipio consul censorve majore omnis generis hominum
 frequentia, quam reus illo die, in forum est deductus. Jus-
 sus dicere causam, sine ulla criminum mentione orationem
 adeo magnificam de rebus ab se gestis est exorsus, ut satis
 constaret, neminem umquam neque melius, neque verius
 laudatum esse. Dicebantur enim ab eodem animo ingenio-
 que, a quo gesta erant: et ⁸³aurium fastidium aberat, quia
 pro periculo, non in gloriam, referebantur.

Tribuno-
 rum crimi-
 nationes.

LI. Tribuni plebis ⁸⁴vetera luxuriæ crimina Syracusano-
 rum hibernorum, et Locris Pleminianum tumultum, quum
 ad fidem præsentium criminum retulissent; suspicionibus
 magis, quam argumentis, pecuniæ captæ reum accusarunt.
*Filium captum sine pretio redditum, omnibusque aliis rebus
 Scipionem, tamquam in ejus unius manu pax Romana bellum-
 que esset, ab Antiocho cultum. Dictatorem eum consuli, non
 legatum, in provincia fuisse; nec ad aliam rem eo profectum,
 quam ut, id quod Hispaniæ, Galliæ, Sicilia, Africa jampri-
 dem persuasum esset, hoc Græciæ Asiæque et omnibus ad ori-
 entem ⁸⁵versis regibus gentibusque adpareret; unum hominem
 caput columenque imperii Romani esse: sub umbra Scipionis
 civitatem dominam orbis terrarum latere: nutum^v ejus pro*

° versus Gron. Crev. P nutus Ead.

82 * Posse dicere causam] Posse ac-
 cusari.

83 * Aurium fastidium aberat] Nec
 audientium aures aspernabantur, gra-
 vabantur hanc laudationem ab ipso
 Scipione sibi dictam.

84 * Vetera . . . crimina] De his cri-
 minationibus in Scipionem egit Livius

supra XXIX. 19. et seqq.

85 Versus regibus] Testatur Hear-
 nius MSS. et ceteras editiones habere
 versis. Et consentit noster Vict. Non
 sustinimus tamen mutare Gronovianarum
 editionum lectionem, quæ nobis
 longe elegantior videtur.

decretis Patrum, pro populi jussis esse. ⁸⁶infamia intactum U. C. 565.
 invidia, qua possunt, urgent. Orationibus in noctem per- A. C. 187.
 ductis, ⁸⁷producta dies est. ubi ea venit, tribuni in Rostris
 prima luce consederunt. Citatus reus magno agmine ami-
 corum clientiumque per mediam concionem ad Rostra sub-
 iit: silentioque facto, *Hoc, inquit, die, tribuni plebis, vosque* Scipionis ad
Quirites, cum Hannibale et Karthaginensibus signis conlatis, pop. oratio.
in Africa bene ac feliciter pugnavi. Itaque, quum hodie liti-
bus et jurgiis supersederi æquum sit, ego hinc extemplo in Ca-
pitolum ad Jovem optimum maximum Junonemque et Miner-
vam ceterosque Deos, qui Capitolio atque arcu præsident,
salutandos ibo: hisque gratias agam, quod mihi et hoc ipso
die, et sæpe alias, egregie reipublicæ gerendæ mentem faculta-
temque dederunt. Vestrum quoque quibus commodum est, ite
mecum, Quirites, et orate Deos, ut mei similes principes habea-
tis. ⁸⁸ita, si ⁸⁹ab annis septemdecim ad senectutem semper vos
 ætatem meam honoribus vestris anteistis, ego vestros honores
 rebus gerendis præcessi. Ab Rostris in Capitolium adscen-
 dit. simul se universa concio avertit, et secuta Scipionem
 est: adeo, ut postremo scribæ ⁹⁰viatoresque tribunos relin-
 querent, nec cum iis, præter servilem comitatum et præco-
 nem, qui reum ex Rostris citabat, quisquam esset. Scipio
 non in Capitolio modo, sed per totam urbem omnia templa
 Deum cum populo Romano circumiit. Celebratior is prope
 dies favore hominum et æstimatione veræ magnitudinis
 ejus fuit, quam quo triumphans de Syphace rege et Kartha-
 giniensibus urbem est invectus.

LII. Hic speciosus ultimus dies P. Scipioni inluxit. Scipio in
 post quem quum invidiam et certamina cum tribunis pro- Linterninum
 spiceret, die longiore producta, in Linterninum concessit.
 certo consilio, ne ad caussam dicendam adesset. Major
 animus et natura erat, ac majori fortunæ adsuetus, quam ut
 reus esse sciret, et submittere se in humilitatem caussam
 dicentium. Ubi dies venit, citarique absens est cœptus,
 L. Scipio morbum caussæ⁹ esse, cur abesset, excusabat.
 quam excusationem quum tribuni, qui diem dixerant, non

⁹ caussam Gron. Crev.

⁸⁶ * *Infamia intactum, invidia*] Quum non possent infamiam ei verorum criminum impingere, invidiam in eum concitant: quod ut possent viri magnitudo faciebat.

⁸⁷ * *Producta dies est*] Vid. not. 57. ad III. 57.

⁸⁸ *Ita, si*] Quod quidem vos ita precari decet, si... non aliter postulo ut id oreis deos, quam si...

⁸⁹ *Ab annis septemdecim*] Ab anno ætatis decimo septimo. Anno demum

ætatis vigesimo quarto missus in Hispaniam fuit Scipio. Sed tribunus militum erat in pugna Cannensi, quo tempore haud multum egressus erat annos septemdecim: ac deinde etiam, antequam in Hispaniam iret, ædilis curulis summa populi voluntate, quum legitimam ætatem nondum haberet, factus fuerat. Vid. supra XXII. 53. et XXV. 2.

⁹⁰ * *Viatores*] Vid. not. 21. ad II. 56.

U. C. 565. acciperent, et ab eadem superbia non venire ad caussam
 A. C. 187. dicendam arguerent, qua iudicium et tribunus plebis et
 concionem reliquisset; et, quibus jus de se dicendæ senten-
 tiæ et libertatem ademisset, his comitatus, velut captos tra-
 hens, triumphum de populo Romano egisset, secessionem-
 que eo die in Capitolium a tribunis plebis fecisset: *Habetis
 ergo temeritatis illius mercedem. quo duce et auctore nos reli-
 quistis, ab eo ipsi relictis estis. et tantum animorum in dies no-
 bis decrescit, ut, ad quem*⁹¹*ante annos*^c *septemdecim, exercitum
 et classem habentem, tribunos plebis ædilemque mittere in Sici-
 liam*^a *ausi sumus, qui prehenderent eum, et Romam reducerent,
 ad eum privatum ex villa sua extrahendum, ad caussam dicen-
 dam, mittere non audeamus?* Tribuni plebis, adpellati ab L.
 Scipione, ita decreverunt, *Si morbi caussa excusaretur, sibi
 placere, accipi eam caussam, diemque a collegis prodici.* Tri-
 bunus plebis eo tempore Ti. Sempronius Gracchus erat, cui
 inimiciæ cum P. Scipione intercedebant. is, quum vetuis-
 set nomen suum decreto collegarum adscribi, tristioremq[ue]
 omnes sententiam expectarent, ita decrevit: *Quum L. Sci-
 pio excuset morbum esse causse*^c *fratri, satis id sibi videri. Se
 P. Scipionem, priusquam Romam redisset, accusari non passu-
 rum. tum quoque, si se adpellet, auxilio ei futurum, ne caus-
 sam dicat. Ad id fastigium rebus gestis, honoribus populi
 Romani, P. Scipionem Deorum hominumque consensu perve-
 nisse, ut sub Rostris reum stare, et præbere aures adolescen-
 tium conviciis, populo Romano magis deforme, quam ipsi, sit.*

Gracchi de-
 cretum in
 gratiam
 Scipionis.

LIII. ⁹²Adjecit decreto indignationem: *Sub pedibus ves-
 tris stabit, tribuni, domitor ille Africæ, Scipio? ideo quatuor
 nobilissimos duces Pænorum in Hispania, quatuor exercitus
 fudit fugavitque: ideo Syphacem cepit, Hannibalem devicit,
 Karthaginem vectigalem nobis fecit, Antiochum (recepit enim
 fratrem consortem hujus gloriæ L. Scipio) ultra Tauri juga
 emovit, ut duobus Petilliis subcumberet, vos de P. Africano
 palmam peteretis? Nullisne meritis suis, nullis vestris honori-
 bus unquam in arcem tutam et velut sanctam clari viri perve-
 nient: ubi, si non venerabilis, inviolata saltem senectus eorum
 considat? Movit et decretum, et adjecta oratio non ceteros
 modo, sed ipsos etiam accusatores: et, deliberaturos se,
 quid sui juris et officii esset, dixerunt. Senatus deinde,
 concilio plebis dimisso, haberi est cœptus. ibi gratiæ in-
 gentes ab universo ordine, præcipue a consularibus seniori-*

^a annis Gron. Crev.

^b in Siciliam mittere Crev.

^c caussam Gron. Crev.

91 Ante annis septemdecim] Magis placeret ante annos: quomodo MS. 92 * Adjecit decreto indignationem] Decreto, quod modo memoratum est. Moguntinus habet, teste Hearnio. Sed adjecit orationem plenam indignatio-
 Victor. pro tribus his vocibus, antea: nis.
 recte.

busque, Ti. Graccho actæ sunt, quod rempublicam privatis U. C. 565.
 simultatibus potiorē habuisset: et Petillii vexati sunt A. C. 187.
 probris, quod splendēre aliena invidia voluissent, et spolia
⁹³ex Africani triumpho peterent. Silentium deinde de
 Africano fuit. ⁹⁴vitam Literni egit sine desiderio urbis. Mo-
 rientem rure eo ipso loco sepeliri se jussisse ferunt, monu-
 mentumque ibi ædificari, ne funus sibi in ingrata patria
 fieret. Vir memorabilis: bellicis tamen, quam pacis, arti-
 bus memorabilior^u prima pars vitæ, quam postrema, fuit:
 quia in juvenia bella assidue gesta: cum senecta res quo-
 que defloruere, nec præbita est materia ingenio. Quid ad
 primum consulatum secundus, etiamsi censuram adjicias?
 quid Asiatica legatio, et valetudine adversa inutilis, et filii
 casu deformata, et post reditum necessitate aut subeundi
 judicii, aut simul cum patria deserendi? Punici tamen belli
 perpetrati, quo nullum neque majus neque periculosius Ro-
 mani gessere, unus præcipuam gloriam tulit.

LIV. Morte Africani crevere inimicorum animi. quo-
 rum princeps fuit M. Porcius Cato, qui vivo quoque eo
 adlatrare ejus magnitudinem solitus erat. hoc auctore existi-
 mantur Petillii et, vivo Africano, rem ingressi, et, mortuo,
 rogationem promulgasse. Fuit autem rogatio talis: ⁹⁵*Ve-* Rogatio de
litis, jubeatis, quærat, quæ pecunia capta, ablata, coacta ab pecunia
rege Antiocho est, quique sub ejus imperio fuerunt; quod ejus Antiochi.
in publicum relatum non est, uti de ea re Ser. Sulpicius præ-
tor urbanus ad senatum referat? quem eam rem velit senatus
querere de iis, qui prætores nunc sunt? Huic rogationi primo
 Q. et L. Mummii intercedebant: senatum quærere de pe-
 cunia non relata in publicum, ita ut antea semper factum
 esset, æquum censebant. Petillii nobilitatem et regnum in
 senatu Scipionum accusabant. L. Furius Purpureo con-
 sularis, qui in decem legatis in Asia fuerat, latius rogan-
 dum censebat: non quæ ab Antiocho modo pecuniæ captæ
 forent, sed quæ ab aliis regibus gentibusque, Cn. Manlium
 inimicum incessens. Et L. Scipio, quem magis pro se,
 quam adversus legem, dicturum adparebat, dissuasor pro-
 cessit. is post mortem P. Africani fratris, viri omnium for-

^u bellicis tamen magis, quam pacis artibus. Memorab. Crev.

93 * *Et Africani triumpho*] Ex Scipione Africano triumphato.

94 *Vitam Literni egit*] De hac villa Scipionis operæ pretium est legere ep. 86. Senecæ.

95 *Velitis, jubeatis, quærat, quæ pecunia*] Nobis admodum suspecta est vox *quærat*. Has rogationum decretorumque formulas Romani incipere solent a pronomine, et integra est suisque numeris constans hæc oratio: *velitis, jubeatis, uti prætor urba-*

nus ad senatum referat de ea pecunia, quæ capta ab Antiocho est, quod ejus, id est, de ea scilicet illius pecuniæ parte, quæ in publicum relata non est. *De ea re* dixit, non simpliciter *de ea*, quia vox *pecunia* nimio intervallo distat: et nota est formula omnium senatusconsultorum, *de ea re ita censuerunt*. Non absimiliter structas orationes vid. l. I. c. 32. et hoc ipso libro. c. 11. Igitur pro *quærat* hoc loco legendum putamus *Quirites*.

U. C. 565. tissimi clarissimique, eam exortam rogationem est conques-
 A. C. 187. tus. *Parum enim fuisse, non laudari pro Rostris P. Africa-
 num post mortem, nisi etiam accusaretur. Et Karthaginienses
 exsilio Hannibalis contentos esse: populum Romanum ne mor-
 te quidem P. Scipionis exsatiari, nisi et ipsius fama sepulti
 laceretur, et frater insuper, ⁹⁶accessio invidia, mactetur.* M.
 Cato suasit rogationem, (exstat oratio ejus de pecunia regis
 Antiochi) et Mummios tribunos auctoritate deterruit, ne
 adversarentur rogationi. Remittentibus ergo his interces-
 sionem, omnes tribus, uti rogassent^x, jusserunt.

LV. Ser. Sulpicio deinde referente, quem rogatione Pe-
 tillia quærere vellent, Q. Terentium Culleonem Patres jus-
 scrunt. Ad hunc prætorem, adeo amicum Cornelie fami-
 liæ, ut, qui Romæ mortuum elatumque P. Scipionem (est
 enim ea quoque fama) tradunt, pileatum, sicut in triumpho
 ierat, in funere quoque ante lectum isse, memoriæ prodide-
 rint, et ad portam Capenam ⁹⁷mulsum prosecutis funus de-
 disse, quod ab eo inter alios captivos in Africa ex hostibus
 receptus esset: aut adeo inimicum eundem, ut propter in-
 signem simultatem ab ea factione, quæ adversa Scipioni-
 bus erat, delectus sit potissimum ad quæstionem exercen-
 dam; ceterum ad hunc nimis æquum aut iniquum præto-
 rem reus extemplo factus L. Scipio; simul et delata et re-
 cepta nomina legatorum ejus, A. et L. Hostiliorum Cato-
 num, et C. Furii Aculeonis quæstoris: et, ut omnia con-
 tacta societate peculatus viderentur, scribæ quoque duo et
 accensus. L. Hostilius, et scribæ, et accensus, priusquam
 de Scipione judicium fieret, absoluti sunt: Scipio, et A.
 Hostilius legatus, et C. Furius damnati: *Quo commodior
 pax Antiocho daretur, Scipionem ⁹⁸sex millia pondo auri, qua-
 dringenta octoginta argenti plus accepisse, quam in ærarium
 retulerit: A. Hostilium ⁹⁹octoginta pondo auri, argenti qua-
 dringenta tria: Furium quæstorem ¹auri pondo centum tri-
 ginta, argenti ducenta¹.* Has ego summas auri et argenti
 relatas apud Antiatem inveni. in L. Scipione malim equi-

Damnatur
 L. Scipio.

^x rogasset Crev.

^y auri centum triginta, argenti ducenta pondo Gron. Crev.

96* Accessio invidia] Altera victima
 invidia in P. Scipionem concitata; se-
 cundo loco objectus invidia, qua prior
 P. Scipio conflagrarat.

97 Mulsum prosecutis funus dedisse]
 Mulsum est potio ex vino et melle tem-
 perata, quæ apud veteres erat in deli-
 cius. Eo milites in triumpho ab im-
 peratore donabantur, ut probat ex
 Plauto Turnebus Advers. l. XIV. c.
 11. Ita co exemplo et more tum Li-
 vius significat Culleonem in Africani
 funere, renovata triumphus ejus memo-

ria, dedisse mulsum, aut triumphus
 imitatum liberalitatem et imaginem hoc
 fecisse.

98 Sex millia pondo auri] Marcas
 9375. quadringenta octoginta argenti:
 marcas 750.

99 Octoginta pondo auri] Marcas
 125. Argenti quadringenta tria. Marcas
 629, uncias 5. semunciam 1.

1 Auri (pondo) centum triginta]
 Marcas 293. unciam 1. Argenti ducento
 pondo. Marcas 312. uncias 4.

dem librarii mendum, quam mendacium scriptoris, esse in U. C. 565. summa auri atque argenti. Similius enim veri est, argenti, A. C. 187. quam auri, majus pondus fuisse; et potius ²quadragies, quam ³ducenties quadragies litem aestimatam: eo magis, quod, ⁴tantæ summæ rationem etiam ab ipso P. Scipione requisitam esse in senatu, tradunt: librumque rationis ejus, quum Lucium fratrem adferre jussisset, inspectante senatu suis ipsum manibus concepisse: indignantem, quod, quum ⁵bis millies in ærarium intulisset, quadragies ratio ab se posceretur. ab eadem fiducia animi, quum quæstores pecuniam ex ærario contra legem promere non auderent, poposcisse claves, et se aperturum ærarium dixisse, ⁶qui, ut clauderetur, effecisset.

LVI. Multa alia, in Scipionis exitu maxime vitæ, dieque dicta, morte, funere, sepulcro, in diversum trahunt: ut, cui famæ, quibus scriptis adsentiar, non habeam. Non de accusatore convenit: alii M. Nævium, alii Petillios diem dixisse scribunt: non de tempore, quo dicta dies sit: non de anno, quo mortuus sit: non ubi mortuus, aut elatus sit. Alii Romæ, alii Literni et mortuum, et sepultum: utrobi-

2 *Quadragies*] Supple, centenis millibus sestertium. Scilicet hæc circiter summa efficeretur, si poneremus trajectas esse, in iis quæ Valerius de pecunia a Scipione exacta dixerat, numerorum notas, ita ut ille scripserit: *quadringenta octoginta pondo auri, sex millia argenti*. Nam libra argenti est quadringentorum sestertium, ut fuse probat Gronovius, l. I. de Pec. Vetere. Unde sequitur sex millia pondo argenti efficere vices sestertium cum quadringentis sestertiorum millibus, sive sestertios 2400000. Jam vero quadringenta octoginta pondo auri, si statuatur auri ad argentum proportio decupla, æquiparantur libris argenti 4800. quæ efficiunt decies sestertium cum nongentis et viginti sestertiorum millibus. Verum 2400000. et 1920000. si addantur sibi invicem, exurgunt 4320000. sive quadragies sestertium cum trecentis et viginti sestertiorum millibus. Excurrentem autem illam trecentorum et viginti millium summam neglexit Livius, ut numerum suum rotundaret. Perizonius, Animadv. Hist. c. 10. ut propius absit ab quadragies sestertio, mavult suspicari eam Livii mentem fuisse, ut librarium Valerii Antiatis crediderit peccasse in ipsis numerorum notis, veramque Valerii scripturam fuisse DC. sive, sexcenta pondo auri, CIO CIO CIO CIO et LXXX. id est, quatuor millia et

octoginta argenti: quod revera auri argenteque pondus efficit 4032000. sestertios. Ceterum quadragies sestertium efficit marcas argenti nostrates 15625.

3 *Ducenties quadragies*] Supple item, centenis sestertium millibus. Sic aestimat Livius in Romana pecunia summam sex millium pondo auri, et quadringentorum octoginta argenti: quæ si accurate omnino aestimaretur, efficeret ducenties quadragies sestertium cum centum et nonaginta duobus millibus sestertiorum. Ducenties quadragies sestertium æquiparatur marcis argenti 93750.

4 *Tantæ summæ*] Nempe quadragies sestertii.

5 *Bis millies*] Sestertios 200000000. id est, marcas argenti 781250.

6 *Qui ut clauderetur effecisset*] Hoc dictum Scipionis aliquid obscuri habet. An ideo a se clausum esse ærarium dixit, quod in illud tantam pecuniam intulisset, ut jam opus non esset conferri a populo tributum, nec proinde ærarium ad tributum accipiendum aperi? Sed id nusquam memoratum, et extincti tributum decus ad victoriam Pauli Æmilii de Perseo rege refertur. An ideo, quod perpetrato Punico bello finem attulerit sumptibus illis, quibus immensis exhaustum fuerat ærarium? Judicet lector, aut quid commodius ipse excogitet.

U. C. 565. que monumenta ostenduntur et statuæ. Nam et Literni
 A. C. 187. monumentum monumentoque statua superinposita fuit,
 quam tempestate disjectam nuper vidimus ipsi. Et Romæ
 extra portam Capenam in Scipionum monumento tres statuæ sunt: quarum duæ P. et L. Scipionum dicuntur esse, tertia poëtæ Q. Ennii. Nec inter scriptores rerum discrepat solum, sed orationes quoque, si modo ipsorum sunt, quæ feruntur, P. Scipionis et Ti. Gracchi abhorrent inter se. Index orationis P. Scipionis nomen M. Nævii tribuni plebis habet: ipsa oratio sine nomine est accusatoris. ⁷nebulonem modo, modo nugatorem adpellat. Ne Gracchi quidem oratio aut Petilliorum, accusatorum Africani, aut dici dictæ Africano ullam mentionem habet. Alia tota serenda fabula est Gracchi orationi conveniens: et illi auctores sequendi sunt, qui, quum L. Scipio et accusatus, et damnatus sit pecuniæ captæ ab rege, legatum in Etruria fuisse Africanum tradunt. quo post famam de fratris casu adlatam, relicta legatione cucurrisse eum Romam; et, quum a porta recta ad forum se contulisset, quod in vincula duci fratrem dictum erat, repulisse a corpore ejus viatorem: et tribunis retinentibus, ⁸magis pie, quam civiliter, vim fecisse. Hinc ⁹enim ipse Gracchus quæritur, dissolutam esse a privato tribuniciam potestatem: et ad postremum, ⁹quum auxilium L. Scipioni pollicetur^a, adjicit, tolerabilioris exempli esse, a tribuno plebis potius, quam a privato, victam videri et tribuniciam potestatem, et rempublicam esse. Sed ita hanc unam inpotentem ejus injuriam invidia onerat, ut, increpando quod degenerarit tantum a se ipse, cumulas ei veteres laudes moderationis et temperantiæ ¹⁰pro reprehensione præsentis reddat. Castigatum enim quondam ab eo populum, ait, quod eum perpetuum consulem et dictatorem vellet facere. prohibuisse statuas sibi in comitio, in Rostris, in curia, in Capitolio, in cella Jovis poni. prohibuisse, ne decerneretur, ut imago sua triumphali ornata e templo Jovis optimi maximi exiret.

LVII. Hæc, vel in laudatione posita, ingentem magnitudinem animi moderandis ¹¹ad civilem habitum honoribus

⁷ Hæc Gron. Crev.

^a polliceretur Eæd.

⁷ Nebulonem modo, modo nugatorem appellat] Unum ex his modo relegant MSS. Thuan. et Vict. Et sic sæpe Livius in distributionibus. Lib. III. c. 37. Virgis caedi, alii securi subijci. L. V. c. 8. Pauci reipublicæ; huic atque illi, ut quosque studium privatum aut gratia occupaverunt, adsumt.

⁸ Magis pie quam civiliter] Ita ut prius fratrem ageret magis, quam civem legum observantem. Sic, l. VII.

c. 5. Consilium . . . non civilis exempli.

⁹ Quum auxilium . . . polliceretur] Melius pollicetur: quod habet Andreas et MS. Moguntinus.

¹⁰ Pro reprehensione præsentis] Ad pensandam hanc præsentem recentis facti reprehensionem.

¹¹ Ad civilem habitum] Ad modum qui civem liberæ reipublicæ deceat, qui non officiat æqualitati civium inter se.

significarent, quæ exprobrando inimicus fatetur. Huic U. C. 565. A. C. 187. Graccho nupta Cornelia. Graccho minorem ex duabus filiis (nam major P. Cornelio Nasicæ haud dubie a patre conlocata erat) nuptam fuisse convenit. Illud parum constat, utrum post mortem patris et desponsa sit, et nupserit; an veræ illæ opiniones sint, Gracchum, quum L. Scipio in vincula duceretur, nec quisquam collegarum auxilio esset, jurasse, *Sibi inimicitias cum Scipionibus, quæ fuissent, manere; nec se gratiæ quærendæ causa quidquam facere. sed in quem carcerem reges et imperatores hostium ducentem vidisset P. Africanum, in eum se fratrem ejus duci non passurum.* Senatum, eo die forte cœnantem in Capitolio, consurrexisse, et petisse, ut inter epulas Graccho filiam Africanus desponderet. quibus ita inter publicum sollemne sponsalibus rite factis, quum se domum recepisset, Scipionem Æmiliæ uxori dixisse, filiam se minorem despondisse. quum illa, muliebriter indignabunda, nihil de communi filia secum consultatum, adjecisset, non, si Ti. Graccho daret, expertem consilii debuisset matrem esse; lætum Scipionem tam concordii judicio, ipsi desponsam respondisse. hæc de tanto viro, quamquam et opinionibus, et monumentis literarum variarent, proponenda erant.

LVIII. Judiciis a Q. Terentio prætore perfectis, Hostilius et Furius damnati, prædes eodem die quæstoribus urbanis dederunt. Scipio, quum contenderet, omnem, quam accepisset, pecuniam in ærario esse, nec se quidquam publici habere, in vincula duci est cœptus. P. Scipio Nasica L. Scipio in carcerem duci jubetur. tribunus adpellavit; orationemque habuit plenam veris decoribus, non communiter modo Corneliæ gentis, sed propriæ familiæ suæ. *Parentes suos et P. Africani ac L. Scipionis, Defenditur a Nasica. qui in carcerem duceretur, fuisse Cn. et P. Scipiones, clarissimos viros. Eos, quum per aliquot annos in terra Hispania, adversus multos Pænorum Hispanorumque et duces et exercitus, nominis Romani famam auxissent, non bello solum, sed quod Romanæ temperantiæ fideique specimen illis gentibus dedissent, ad extremum ambo pro republica^b morte obcubuisse. quum illorum tueri gloriam posteris satis esset, P. Africanum tantum paternas superavisse laudes, ut fidem fecerit, non sanguine humano, sed stirpe divina satum se esse. L. Scipionem, de quo agatur, (ut, quæ in Hispania, quæ in Africa, quum legatus fratris esset, gessisset, prætereantur) consulem et ab senatu dignum visum, cui extra sortem Asia provincia et bellum cum Antiocho rege decerneretur; et a fratre, cui post duos consulatus censuramque et triumphum legatus in Asiam iret. Ibi, ne magnitudo et splendor legati laudibus consulis obficeret, forte ita incidisse, ut, quo die ad Magnesiam signis conlatis*

^b republica l. populo Romano Gron. Crev.

U. C. 565. *L. Scipio Antiochum devicisset, æger P. Scipio Elæ dierum aliquot via abesset. Non fuisse minorem eum exercitum, quam Hannibalis, cum quo in Africa esset pugnatum. Hannibalem eundem fuisse inter multos alios regios duces, qui imperator Punici belli fuerit. Et bellum quidem ita gestum esse, ut ne fortunam quidem quisquam criminari possit. In pace crimen quæri. eam dici*¹²*venisse. Hic decem legatos simul argui, quorum ex consilio data pax esset. quin exstitisse ex decem legatis, qui Cn. Manlium accusarent: tamen non modo ad criminis fidem, sed ne ad moram quidem triumphi*¹³*eam accusationem valuisse.*

LIX. *At, Hercule, in Scipione ipsas leges pacis, ut nimium adcommodatas Antiocho, suspectas esse. integrum enim ei regnum relictum: omnia possidere eum victum, quæ ante bellum ejus fuerint: auri et argenti quum vim magnam habuisset, nihil in publicum relatum, omne in privatum versum.*¹⁴*An non præter omnium oculos tantum auri argentique in triumpho L. Scipionis, quantum non decem aliis triumphis, si omne in unum conferatur, sit latum? Nam quid de finibus regni dicam? Asiam omnem et proxima Europæ tenuisse Antiochum? Ea quanta regio orbis terrarum sit, a Tauro monte in Ægæum usque prominens mare, quot non urbes modo, sed gentes amplectatur, omnes scire. Hanc regionem,*¹⁵*dierum plus triginta in longitudinem, decem inter duo maria in latitudinem patentem, usque ad Tauri montis juga Antiocho ademptam, expulso in ultimum angulum orbis terrarum. Quid, si gratuita pax esset, plus adimi ei potuisse? Philippo victo Macedoniam, Nabidi Lacedæmonem relictam. nec Quinctio crimen quæsitum: non enim habuisse eum Africanum fratrem; cujus quum gloria prodesse L. Scipioni debuisset, invidiam nocuisse. Tantum auri argentique judicatum esse in domum L. Scipionis inlatum, quantum, venditis omnibus bonis, redigi non posset. Id ubi ergo esse regium aurum? ubi tot hæreditates acceptas? In domo, quam sumtus non exhausserint, exstare debuisse novæ fortunæ cumulum. At enim, quod ex bonis redigi non possit, ex corpore et tergo per vexationem et contumelias L. Scipionis petituros inimicos: ut in carcerem inter fures nocturnos et latrones vir clarissimus includatur, et*¹⁶*in robore et tenebris exspiret: deinde nudus ante carcerem projiciatur. Non id*

¹² Venisse] Venumdatam esse.

¹³ Eam accusationem] Gronovianæ editiones etiam accusationem: contra scriptorum et vet. editorum fidem.

¹⁴ An non . . tantum auri . . sit latum] Dele verbum sit, et suppl. esse. Sed et malleinus, si omnes . . conferantur.

¹⁵ Dierum plus triginta . . paten-

tem] Supple. itinere. Quod sane durius videri non immerito possit.

¹⁶ In robore] Robur, inquit Festus, in carcere dicitur is locus, quo præcipitur maleficorum genus, quod ante arcis robusteis includebatur. Nimirum olim fontes includebantur arcis e robore, sive, ligno durissimo, factis.

Corneliæ magis familiæ, quam urbi Romanæ, fore erubescendum. U. C. 565.
A. C. 187.

LX. Adversus ea Terentius prætor rogationem Petilliam, et senatusconsultum, et iudicium de L. Scipione factum recitavit; se, ni referatur pecunia in publicum, quæ iudicata sit, nihil habere, quod faciat, nisi ut prehendi damnatum, et in vincula duci jubeat. Tribuni quum in consilium secessissent, paullo post C. Fannius ex sua collegarumque aliorum, præter Gracchum, sententia pronunciavit, *prætori non intercedere tribunos, quo minus sua potestate utatur.* Tⁱ. Gracchus ita decrevit: *Quo minus ex bonis L. Scipionis, quod iudicatum sit, redigatur, se non intercedere prætori.* L. Scipionem (qui regem opulentissimum orbis terrarum devicerit, imperium populi Romani propagaverit in ultimos terrarum fines, regem Eumenem, Rhodios, alias tot urbes Asiæ devinxit populi Romani beneficiis, plurimos duces hostium in triumpho ductos carcere incluserit) non passurum ¹⁷inter hostes populi Romani L. Scipionem^e in carcere et in vinculis esse, mittique eum se jubere. Tanto adsensu auditum est decretum, adeo dimissum L. Scipionem læti homines viderunt, ut vix in eadem civitate videretur factum iudicium. ¹⁸In bona deinde L. Scipionis possessum publice quæstores prætor misit. neque in iis non modo vestigium ullum compa-ruit pecuniæ regiæ, sed nequaquam tantum redactum est, quantæ summæ damnatus fuerat. Conlata pecunia a cognatis amicisque et clientibus est L. Scipioni; ut, si acciperet eam, locupletior aliquanto esset, quam ante calamitatem fuerat. Nihil accepit. quæ necessaria ad cultum erant, ¹⁹redempta ei a proximis cognatis sunt. Verteratque Scipionum invidia in prætorem, ²⁰et consilium ejus, et accusatores.

^e L. Scipionem del. Crev.


17 *Inter hostes populi Romani*] Post hæc verba a mala manu rursus insertum erat L. Scipionem: quod quum et sensus, et duo scripti, unus a Gronovio memoratus, alter Viet. noster, repudient, resecandum censuimus.

18 * *In bona*] Jussit prætor quæstores in bona L. Scipionis jus possessionis nomine populi Romani exercere.

19 * *Redempta*] Intelligendum est

vendita esse ea omnia quæ L. Scipionis erant, ut pecunia ex eis redacta in ærarium inferretur: ad illam autem venditionem accessisse proximos L. Scipionis cognatos, et ea quæ maxime necessarii usus erant redemisse, ac Scipioni reddidisse.

20 *Et consilium ejus*] Et iudices qui cum eo L. Scipionem damnaverant.



EPITOME LIBRI XXXIX.

M. ÆMILIUS consul, *Liguribus* subactis, viam a *Placentia* usque *Ariminum* perductam *Flaminiae* junxit. *Initia* luxuriæ, introducta ab exercitu *Asiatico*, referuntur. *Ligures*, quicumque citra *Apeninnum* erant, subacti sunt. *Bacchanalia* sacrum *Græcum*, et quidem nocturnum, scelorum omnium seminarium, quum ad ingentis turbæ conjurationem pervenisset, a consule investigatum, et multorum pœna sublatum est. A censoribus *L. Valerio Flacco* et ¹*M. Porcio Catone*, et belli et pacis artibus maximo, motus est senatu *L. Quinctius Flamininus*, *T. Quinctii* frater, eo quod, quum *Galliam* provinciam consul obtinuerat, ²rogatus in convivio a *Philippo Pæno*, quem amabat, scorto nobili, *Gallum* quemdam sua manu occiderat: sive, ut quidam tradiderunt, unum ex damnatis securi percusserat, rogatus a meretrice *Placentina*, cujus amore deperibat. Exstat in eum *M. Catonis* oratio. *Scipio Litterni* decessit. Et, tamquam jungente fortuna circa idem tempus duo funera maximorum virorum, *Hannibal*, a *Prusia Bithyniæ* rege, ad quem, victo *Antiocho*, confugerat, quum dederetur *Romanis*, qui ad exposcendum illum *T. Quinctium Flamininum* miserant, veneno sibi mortem conscivit. *Philopæmen* quoque, dux *Achæorum*, vir maximus, a *Messenis* interemitus veneno, quum ab iis bello captus esset. *Coloniæ* ³*Potentia*, et *Pisaurum*, et *Mutina*, et *Parma* deductæ sunt. Præterea res adversus *Celtiberos* prospere gestas, et initia caussasque belli *Macedonici* continet; cujus origo inde fluxit, quod *Philippus* ægre ferebat, regnum suum inminui a *Romanis*, et quod cogeretur, a *Thracibus* aliisque locis præsidia deducere.

1 *M. Porcio Catone . . maximo*] *Libri* habebant *vir . . maximus*. Mutavit *Sigonius*, ut hæ laudes in *Catonem*, non in *L. Quintium* caderent. Et quidem *Andreas* habet *maximo*, sed omitit τοῦ viρο.

2 *Rogatus in convivio*] *Duas* postremas voces adjecimus, quas et *Sigonius* in veteribus libris, et *Gronovius* in tribus *MSS.* exstare testantur. Et consentit *Livius*, infra c. 42.

3 *Pollentia*] Sic habent olim editi.

Sigonius legi jusserat *Potentia*, quod nomen in suis libris reperiri affirmat: et assentitur quoque *Velleius* lib. I. ubi de coloniis agit. *Plinius* quoquæ *Potentiae* urbis in *Piceno* mentionem facit, l. III. c. 13. Sed idem ibidem *Pollentinos* quoque appellat. Quum igitur in *Piceno* fuerint et *Potentia* et *Pollentia* urbes, nulla nobis esse ratio visa est, cur veterem hujus loci lectionem repudiaremus. *Campanus* tamen habet *Potentia*.

T. LIVII PATAVINI

LIBER XXXIX.

U. C. 565.
A. C. 187.
Ligures
hostes per-
petui P. R.

DUM hæc (si modo hoc anno acta sunt) Romæ aguntur, consules ambo in Liguribus gerebant bellum. Is hostis velut natus ad continendam¹ inter magnorum intervalla bellorum Romanis militarem disciplinam erat: nec alia provincia militem magis ad virtutem acuebat. nam Asia, et amœnitate urbium, et copia terrestrium maritimarumque rerum, et mollitia hostium regiisque opibus, ditiores, quam fortiores, exercitus faciebat. præcipue sub imperio Cn. Manlii solute ac negligenter habiti sunt. itaque asperius paullo iter in Thracia, et exercitior hostis magna clade eos castigavit. In Liguribus omnia erant, quæ militem excitarent: loca montana et aspera,² quæ et ipsis capere labor erat, et ex præoccupatis dejicere hostem: itinera ardua, angusta, infesta insidiis: hostis levis, et velox, et repentinus, qui nullum usquam tempus, nullum locum quietum aut securum esse sineret: obpugnatio necessaria munitorum castellorum, laboriosa simul periculosaque: inops regio, quæ parsimonia adstringeret milites, prædæ haud multum præberet. Itaque non lixa sequebatur, non jumentorum longus ordo agmen extendebat: nihil, præter arma et viros omnem spem in armis habentes, erat. Nec deerat umquam cum iis vel materia belli, vel caussa; ³ quia propter domesticam inopiam vicinos agros incursabant. nec tamen in discrimen summæ rerum pugnabatur.

Adversus
eos consu-
lum res
gestæ.

II. C. Flaminius consul, cum Friniatibus Liguribus in agro eorum pluribus præliis secundis factis, in deditionem gentem accepit, et arma ademit: ea quia non sincera fide tradebant, quum castigarentur, relictis vicis, in montem Auginum confugerunt. confestim secutus est consul. Ce-

1 *Inter magnorum intervalla bellorum*] Aliquot scripti, inter quos Victorinus, *per* exhibent pro *inter*: quod admittendum videtur, ne male concurrant sibi mutuo hæ duæ voces *inter* . . . *intervalla*.

2 *Quæ et ipsis capere labor est*] Lege cum Schelio: *quæ et ipsa capere labor erat*, vel potius, *labor esset*. *Ipsa*, id est, etiamsi nemo obstaret. *quod esset* firmant ea quæ sequuntur verba, subjunctivi omnia modi, *hostis* . . . *qui* . . .

sineret; *inops regio, quæ* . . . *adstringeret*.

3 * *Quia propter . . . nec tamen*] Hæc duo membra referenda sunt ad ea quæ præcessere, *vel materia belli, vel causa*. Nunquam deerat causa belli, quia Ligures semper vicinos agros incursabant: nunquam deerat materia, quia non cum iis ita pugnabatur, ut decerneretur de summa rerum, ut tota natio jam ferre jugum subacta cervice cogeretur.

teri effusi rursus, et pars maxima inermes, per invia et rupes deruptas præcipitantes fugerunt, qua sequi hostis non posset. ita trans Apenninum abierunt. qui castris se tenuerant, circumsessi expugnati sunt. Inde trans Apenninum ductæ legiones. ibi montis, quem ceperant, altitudine paulisper se tutati, mox in deditionem concesserunt. tum conquisita cum intentiore cura arma, et omnia adempta. Translatum deinde ad Apuanos Ligures bellum; qui in agrum Pisanum Bononiensemque ita incursaverant, ut coli non posset. His quoque perdomitis, consul pacem dedit finitimis. et, quia, a bello quieta ut esset provincia, effecerat, ne in otio militem haberet, ⁴viam a Bononia perduxit Arretium. M. Æmilius alter consul agros Ligurum vicosque, qui in campis aut vallibus erant, ipsis montes duos Balistam Suismontiumque tenentibus, deussit depopulatusque est. deinde eos, qui in montibus erant, adortus, primo levibus præliis fatigavit; postremo coactos in aciem descendere justo prælio devicit: in quo et^a ædem Dianæ vovit. Subactis cis Apenninum omnibus, tum transmontanos adortus (in his et ⁵Friniates^b Ligures erant, quos non adierat C. Flaminius) omnes Æmilius subegit, armaque ademit, et de montibus in campos multitudinem deduxit. Pacatis Liguribus, in agrum Gallicum exercitum duxit. ⁶viamque ab Placentia, ut Flaminia committeret, Ariminum perduxit. Prælio ultimo, quo cum Liguribus signis conlatis conflixit, ædem Junoni Reginae vovit. Hæc in Liguribus eo anno gesta.

III. In Gallia M. Furius prætor insontibus Cenomanis, in pace speciem belli quærens, ademera arma. Id Ceno-

Cenomanis
arma ad-
empta et
reddita.

^a et del. Gron. Crev.

^b Briniates Gron.

4 *Viam a Bononia perduxit Arretium*] Aliter Strabo, qui l. V. p. 217. vult hunc Flaminium munivisse viam ab Roma per Etruriam et Umbriam ad urbem Ariminum usque. Nimirum ille credidit celebrem illam et a multis memoratam Flaminiam viam, quæ revera ab Roma ad Ariminum perducta fuerat, munitam esse ab hoc consule C. Flaminio. At illa opus est Flaminii censoris, illius ipsius qui in pugna ad Trasymenum lacum periit, et est hujusce Flaminii consulis pater. Id testantur Cassiodorus et Festus. Vid. supra l. XX. c. 58. Et firmat ipse Livius, dum mentionem facit, l. XXII. c. 11. multo ante hæc tempora, Flaminia viæ, et in ea urbis Oriculi, quæ urbs in Itinerario quoque Antonini prima occurrit in Flaminia via ab Roma Ariminum euntibus.

5 *Friniates Ligures*] Vulgati olim

habebant *Friniates*. Sigonii vetus liber, ipso teste, *Friniates*, quod ipse mutavit in *Briniates*: sed nullo satis valido momento adductus. Intelligi enim possunt ii Friniatium Ligurum, quos Flaminius non adierat. Atque ideo nimirum adjecit Livius omnes ab Æmilio subactos, quod pars tantum eorum a Flaminio domita fuerat.

6 *Viamque ab Placentia, ut Flaminia committeret, Ariminum perduxit*] Hæc est via Æmilia, quæ etiam regioni nomen dedit. Ceterum notandum est hic rursus dissentire a Livio Strabonem, qui tradit Æmilium munivisse viam ab Arimino Bononiam, atque inde Aquileiam usque. Ut ut sit, hic Flaminia via accipienda est ea quam ab Roma Ariminum ducebat, non ea quam collega hujus Æmili Flaminii a Bononia Arretium perduxisse modo memoratus est. * Vide l. XXII. c. 11.

U. C. 565. mani conquesti Romæ apud senatum, rejectique ad consulem Æmilium; cui, ut cognosceret statueretque, senatus permiserat, magno certamine cum prætor habito, tenuerunt caussam. arma reddere^c Cenomanis, decedere provincia prætor jussus. Legatis deinde sociorum Latini nominis, qui toto undique ex Latio frequentes convenerant, senatus datus est. his querentibus, magnam multitudinem civium suorum Romam commigrasse, et ibi censos esse, Q. Terentio Culleoni prætori negotium datum est, ut eos conquireret, et, quem C. Claudio, M. Livio censoribus, postve eos censores, ipsum parentemve ejus apud se censum esse, probassent socii, ut redire eo cogeret, ubi censi essent. Hac conquisitione duodecim millia Latinorum domos redierunt, jam tum multitudine alienigenarum urbem onerante.

Fulvius petiit triumphum.

IV. Priusquam consules redirent Romam, M. Fulvius proconsul ex Ætolia rediit. isque^d, ad ædem Apollinis in senatu quum de rebus in Ætolia Cephalleniaque ab se gestis disseruisset, petiit a Patribus, ut æquum censerent, ob rempublicam bene ac feliciter gestam, et Diis immortalibus honorem haberi jubere, et sibi triumphum decernere. M. Aburius tribunus plebis, si quid de ea re ante M. Æmilii consulis adventum decerneretur, intercessurum se ostendit: *eum contradicere velle, proficiscentemque in provinciam ita sibi mandasse, ut ea disceptatio integra in adventum suum servaretur.* ⁷ *Fulvium temporis jacturam facere. senatum etiam præsentem consule, quod vellet, decreturum.* M. Fulvius: *Si aut simultas M. Æmilii secum ignota hominibus esset, aut quam is eas inimicitias impotenti ac prope regia ira exerceret; tamen non fuisse ferendum, absentem consulem et Deorum immortalium honori obstare, et meritum debitumque triumphum morari: imperatorem, rebus egregie gestis, victoremque exercitum cum præda ac captivis⁸ ante portas stare, donec consuli, ob hoc ipsum moranti, redire Romam libitum esset. Verum enimvero, quum sint⁹ nobilissimæ sibi cum consule inimiciæ, quid ab eo quemquam posse æqui expectare, qui per infrequentiam surtim¹⁰ senatusconsultum factum ad ærarium detulerit, Am-*

^c reddita Gron. Crev.

^d itaque Eæd.

⁷ *Fulvium temporis jacturam facere*] Id est, nullius rei, nisi temporis. Mox pro M. Fulvio, Muretus Tum Fulvius. GRONOVIVS.

⁸ *Ante portas stare*] Qui exacto magistratu triumphum petebat, ei non licebat intrare urbem, quia ingredienti portas statim minuebatur imperium, quod integrum servare debebat ad eam diem quo triumphaturus esset.

⁹ *Nobilissime . . inimiciæ*] Sic solent loqui Livius. Lib. XXVII. c. 35.

Inimiciæ nobiles inter eos erant. Et rursus l. XL. c. 45. Inter hos viros nobiles inimiciæ erant.

¹⁰ *Senatusconsultum . . . ad ærarium detulerit*] Pridem ad ædem Cereris deferbantur senatusconsulta: cujus moris initium memoravit Livius l. III. c. 55. Postea ad ærarium illa deferri placuit: ac tum demum rata habebantur. De ipsa re, de qua queritur hic Fulvius, vid. supra XXXVIII. 44.

braciam non videri vi captam; quæ aggere ac vineis obpugnata sit; ubi, incensis operibus, alia de integro facta sint; ubi circa muros supra subterque terram per dies quindecim pugnatum; ¹¹ubi a prima luce, quum jam transcendisset muros miles, usque ad noctem diu anceps prælium tenuerit; ubi plus tria millia hostium sint cæsa. Jam de Deorum immortalium templis, spoliatis in capta urbe, qualem calumniam ad pontifices adtulerit? Nisi Syracusarum ceterarumque captarum civitatum ornamentis urbem exornari fas fuerit, in Ambraciam unam captam non valuerit belli jus. Se et Patres conscriptos orare, et ¹²ab tribunis^e petere, ne se superbissimo inimico ludibrio esse sinant.

V. Undique omnes, alii deprecari tribunum, alii castigare. Ti. Gracchi collegæ plurimum oratio movit: Ne suas quidem simultates pro magistratu exercere boni exempli esse: ¹³alienarum vero simultatum tribunum plebis cognitorem fieri, turpe et indignum collegii ejus potestate et sacratis legibus esse. Suo quemque judicio et homines odisse aut diligere, et res probare aut inprobare debere; non pendere ex alterius vultu ac nutu, nec alieni momentis animi circumagi, adstipularique irato consuli tribunum plebei: et, quid privatim M. Æmilius mandaverit, meminisse; tribunatum sibi a populo Romano mandatum oblivisci; et mandatum pro auxilio ac libertate privatorum, non pro consulari regno. Ne hoc quidem cernere eum, fore, ut memoriæ ac posteritate mandetur, ejusdem collegii alterum e duobus tribunis plebis suas inimicitias remisisse rei publicæ, alterum alienas et mandatas exercuisse. His victus ^{Triumphus} ^{decernitur} ^{Fulvio.} castigationibus tribunus, quum templo excessisset, referente Ser. Sulpicio prætore, triumphus M. Fulvio est decretus. Is quum gratias Patribus conscriptis egisset, adjecit; Ludos magnos se Jovi optimo maximo eo die, quo Ambraciam cepisset, vovisse. in eam rem sibi ¹⁴centum^f pondo auri a civitatibus conlatum. Petere, ut ex ea pecunia, quam in triumpho latam in ærario positurus esset, id aurum secerni juberent.

^e tribuno Crev.

^f decem Gron. Crev.

¹¹ Ubi a prima luce, quum jam transcendisset muros miles] Hæc videntur denotare ultimum aliquod ad Ambraciam prælium, quo ad extremum urbs expugnata fuisset. Sed constat ex l. XXXVIII. c. 9. Ambracienses sese consuli, postquam aliquamdiu obsidionem tolerassent, dedidisse. Itaque intelligenda est hic aliqua pugna, qua pars murorum tantum capta sit, nec tamen penetratum sit in urbem.

¹² Ab tribuno] Vulgo ab tribunis. Sed id quod edidimus, vet. editorum est; quibus accedit unus e MSS. Gro-

novianis, et noster Vict. Et vero unus e tribunis M. Aburius Fulvio negotium facessebat.

¹³ Alienarum . . . simultatum cognitorem fieri] Mandatas et delegatas exercere alienas simultates. Cognitor est, auctore Festo, qui litem alterius suscipit coram eo, cui datus est: procurator autem absentis nomine auctor fit. Sed apparet ex hoc loco cognitorem esse eum quoque qui absentis rem agit.

¹⁴ Centum decem pondo auri] Marcas nostrates 171. uncias 7.

U.C. 565.
A.C. 187.

Senatus pontificum collegium consuli jussit, num omne id aurum in ludos consumi necessum esset? Quum pontifices negassent, ad religionem pertinere, quanta impensa in ludos fieret; senatus Fulvio, quantum² inpenderet, permisit, dum ne summan¹⁵ octoginta millium excederet. Triumphare mense Januario statuerat: sed quum audisset, consulem M.^b Æmiliū, literis Aburii tribuni plebis acceptis de remissa intercessione, ipsum ad impediendum triumphum Romam venientem, ægrum in via substitisse, ne plus in triumpho certaminum, quam in bello, haberet, prætulit triumphi diem. triumphavit ante diem decimum Kalendas Januarias de Ætolis, et de Cephallenia. ¹⁶ Aureæ coronæ, centum duodecim pondo, ante currum latæ sunt: ¹⁷ argenti pondo millia octoginta tria: auri pondo ducenta quadraginta tria: ¹⁸ tetradrachmū Atticū centum octodecim millia: ¹⁹ Philippii nummi duodecim millia quadringenti viginti duo: signa ænea ducenta octoginta quinque: signa marmorea ducenta triginta: arma, tela, cetera spolia hostium, magnus numerus. ad hocⁱ catapultæ, ballistæ, tormenta omnis generis: duces, aut Ætoli et Cephallenes, aut regii ab Antiocho ibi relictī, ad septem et viginti. ²⁰ Multos eo die, priusquam in urbem invehetur, in circo Flaminio tribunos, præfectos, equites, centuriones, Romanos sociosque, donis militaribus donavit. militibus ex præda ²¹ vicenos quinos denarios divisit, duplex centurioni, triplex equiti.

Comitia.

VI. Jam consularium comitiorum adpetebat tempus;

² ins. vellet Gron. Crev.

^b M. del. Eæd.

ⁱ hæc Eæd.

15 *Octoginta millium*] Supple. æris. In his enim numeris, quando nihil adjicitur, videmur annotasse intelligendos esse asses, non sestertios. Nec offendere debet summæ exiguitas, quæ quadruplo etiam major est ea quæ M. Æmilio censori ad ludos itidem decernitur infra l. XI. c. 52. Octoginta millia æris gravis paria sunt marcis argenti nostratibus 125.

16 *Aureæ coronæ centum, duodecim pondo*] Horum verborum sensus nullus alius esse potest, nisi centum aureas coronas latas fuisse, quarum unaquæque librarum Romanarum duodecim pondo esset. Itaque pro *duodecim* legendum videtur esse *duodena*, ut numerus *partitive* sumendus intelligatur. Centum autem *coronæ duodena pondo* eadem forma dicuntur, qua l. III. c. 29. et l. IV. c. 20. supra, *coronam auream libram pondo*: qua de locutione consule Gronovium, de Pec. Vet. l. I. c. 6. Ceterum duodecim libræ Romanæ pares sunt marcis nostratibus decem et octo, uncis sex. Itaque pon-

dus universum illarum centum coronarum erit marcarum Parisiensium 1875.

17 *Argenti pondo millia octoginta tria*] Marcæ nostrates 129687. unciz 4. Auri pondo ducenta quadraginta tria. Marcæ 379. unciz 5. semuncia 1.

18 *Tetradrachmū Atticū centum octodecim millia*] Marcæ argenti nostrates. 7375. Ceterum Andreas hic quoque habet *tetracina Attica*: Vict. codex *tetragina*. Vid. not. 80. ad l. XXXVII. c. 58.

19 *Philippii nummi*] Aurei, ut apparet ex l. XXXIV. c. 52. Porro nummi aurei 12422. pondere æquiparantur marcis nostratibus fere 388.

20 *Multos . . . donis militaribus donavit*] Et quidem ei M. Cato objecit, teste Gellio, l. V. c. 6. milites ab eo per ambitionem levissimis de causis coronis donatos, v. g. quod vallum curassent, aut quod puteum strenue fodissent.

21 *Vicenos quinos denarios*] Amplius ternas uncias argenti nostrates.

quibus quia M. Æmilius, cujus sortis ea cura erat, obcurrere non potuit, C. Flaminius Romam venit. ab eo creati consules Sp. Postumius Albinus, Q. Marcius Philippus. Prætores inde facti T. Mænius, P. Cornelius Sulla, C. Calpurnius Piso, M. Licinius Lucullus, C. Aurelius Scæurus, L. Quinctius Crispinus. Extremo anni, magistratibus jam creatis, ante diem tertium Nonas Martias Cn. Manlius Vulso de Gallis, qui Asiam incolunt, triumphavit. serius ei triumphandi causa fuit, ne, Q. Terentio Culleone prætore, causam lege Petillia diceret, et incendio alieni judicii, quo L. Scipio damnatus erat, conflagraret; eo infensioribus in se, quam in illum, iudiciis, quod disciplinam militarem, severe ab eo conservatam, successor ipse omni genere licentiæ conruperat. Neque ea sola infamiæ erant, quæ in provincia procul ab oculis facta narrabantur: sed ea etiam magis, quæ in militibus ejus quotidie conspiciebantur. Luxuria enim peregrinæ origo ab exercitu Asiatico inventa in urbem est. ii primum lectos æratos, vestem stragulam pretiosam, plagulas, et alia textilia, et, quæ tum magnificæ suppellectilis habebantur, monopodia et abacos Romanam advexerunt. tunc psaltriæ sambucistriæque, et convivalia ludionum oblectamenta addita epulis: epulæ quoque ipsæ et cura et sumtu majore adparari cœptæ: tum coquus, vilissimum antiquis mancipium et æstimatione et usu, in pretio esse; et, quod ministerium fuerat, ars haberi cœpta. vix tamen illa, quæ tum conspiciebantur, semina erant futuræ luxuriæ.

Manlii triumphus de Gallis.

Luxus inde Romam introductus.

VII. In triumpho tulit Cn. Manlius coronas aureas, ducentas duodecim pondo: argenti pondo ducenta viginti millia: auri pondo duo millia centum tres: tetradrach-

i ea del. Crev.

k centum tres l. ducenta tria Gron. Crev.

22 *Lectos æratos*] Intellige lectos, in quibus epulaturi discumberent, ut patet ex Plinio, l. XXXIV. c. 3. qui de hoc ipso Manlio agens, dicit eum primum triclinia ærata Romam invexisse.

23 *Plagulas*] Plagulæ sunt vela et textilia, quibus lecticæ et lecti intendebantur aut involvebantur. Nonius *plagus* interpretatur grandia lintea, et toral, et lecticarium sindonem, unde per diminutionem plagulæ, inquit, dicuntur. Turn. l. I. Advers. c. 29.

24 *Monopodia*] Mensas uno pede fultas.

25 *Sambucistriæ*] Mulieres Sambucam pulsantes. Sambuca autem est musicum organum, triangulari forma, quod ex inæqualibus longitudine, sicut et crassitudine, nervis efficitur. Illud

quidam putant idem esse cum eo, quod vocamus harpe.

26 *Conspiciebantur*] Insignia et notabilia videbantur.

27 *Coronas aureas ducentas, duodecim pondo*] Lege *duodena pondo*, ut supra c. 5. Pondus universarum illarum coronarum æquat marcas Parisienses 3750.

28 *Argenti pondo ducenta viginti millia*] Marcas nostrates 343750. Auri pondo duo millia ducenta tria. Marcas nostrates 3442. semuncias 3.

29 *Tetradrachmum Atticum ducenta viginti septem millia*] Marcas argenti 14187. uncias 4. Ceterum hic quoque Andreas habet *tetrachinam*: Vict. liber *tetraginum*. Gronovius in nota ad hunc locum multis probat sic legendum esse, non *tetradrachma Attica*. Sed

U. C. 565. mûm Atticûm centum viginti septem millia: ⁵⁰cistophorûm
 A. C. 187. ducenta quinquaginta: ⁵¹Philippeorum aureorum nummo-
 rum sedecim millia trecentos viginti: et arma spoliisque
 multa Gallica, carpentis transvecta. duces hostium duo et
 quinquaginta ducti ante curram. militibus ⁵²quadragenos
 binos denarios divisit, duplex centurioni; et stipendium
 duplex in pedites dedit, triplex in equites. Multi omnium
 ordinum, donati militaribus donis, curram secuti sunt.
 carminaque a militibus ea in imperatorem dicta, ut facile
 adpareret, in ducem indulgentem ⁵³ambitosumque ea dici;
 triumphum esse militari magis favore, quam populari, cele-
 brem. Sed ad populi quoque gratiam conciliandam amici
 Manlii valuerunt. quibus adnitentibus senatusconsultum
 factum est, *Ut ex pecunia, quæ in triumpho translata esset,*
⁵⁴*stipendium, conlatum a populo in publicum, quod ejus solu-*
tum antea non esset, solveretur. Vicenos quinos et semisses
 in millia æris quæstores urbani cum fide et cura solverunt.
 Per idem tempus tribuni militum duo ex duabus Hispaniis
 cum literis C. Atinii et L. Manlii, qui eas provincias obti-
 nebant, venerunt. Ex iis literis cognitum est, Celtiberos
 Lusitanosque in armis esse, et sociorum agros populari. de
 ea re consultationem integram senatus ad novos magistra-

et in exemplaribus ante eum editis re-
 peritur hæc lectio, quam ille plurimis
 verbis velut novam a se proditam as-
 seruit. Nec tamen illa altera scrip-
 tura, quam damnat idem, caret exem-
 plis. Vide supra l. XXXVII. c. 59. et
 l. XXXV. c. 20.

30 Cistophorûm ducenta quinquaginta]
 Supple millia. Denarios amplius
 133333. Marcas argenti nostrates plus
 2073.

31 Philippeorum aureorum num-
 morum sedecim millia CCCXX] Pon-
 dus erit marcarum nostratium amplius
 509.

32 Quadragenos binos denarios] Un-
 cias argenti nostrates 5. cum duobus,
 ut vocant, grossis.

33* Ambitosum] Qui nimia facilitate
 gratiam apud milites captasset.

34 Stipendium collatum a populo in
 publicum] Quid significet hoc loco Li-
 vivius, haud facile est statuere. Prima
 difficultas occurrit in voce *stipendium*,
 quæ nec pro militari stipendio accipi
 potest, de quo hic nullo modo agi-
 tur; neque pro tributo a civibus col-
 lato, (quamvis interdum hoc sensu su-
 matur, ut l. II. c. 9.) quandoquidem
 quæstores urbani mox dicuntur cum
 cura et fide solvisse pecuniam, nempe
 privatis ex ærario: si autem de tri-

buto sermo esset, non privatis ali-
 quid solvendum ex ærario fuisset, sed
 privati immunes faciendi a solvendo
 eo quod ærario deberent. Superest
 ergo ut hic sermo esse existimetur de
 pecunia a privatis collata ad juvan-
 dam ærarii inopiam. Sed nec nomen
stipendii sic unquam acceptum esse
 novimus, et præterea post finitum bellum
 Punicum secundum nullo tali auxi-
 lio respublica eguisse memoratur;
 quæ autem pecuniæ per illud bellum
 a privatis collatæ erant, earum ulti-
 mam pensionem solutam esse narra-
 vit Livius, l. XXXIII. c. 42. Secundo
 quod dicuntur quæstores *vicenos qui-*
nos et semisses in millia aris solvisse,
 horum quidem verborum sic nude posi-
 torum sensus non obscurus est. In-
 telliguntur facile in singula assium
 millia viceni et quini asses cum semisse
 soluti esse a quæstoribus. Sed quænam
 sunt illa assium millia? quo nomine
 solvuntur viceni et quini asses cum
 semisse? An usurarum nomine? ut
 pro singulis assium millibus quæ a
 civibus collata forent, præter sortem
 etiam viceni et quini asses cum semisse
 usuris numerarentur. Ita interpretatur
 Glareanus: nos rem omnem in medio
 relinquimus.

tus rejecit. Ludis Romanis eo anno, quos P. Cornelius Cethegus, A. Postumius Albinus faciebant, ³⁵malus in circo instabilis in signum Pollentiæ procidit, atque id deiecit. ea religione moti Patres, et diem unum adjiciendum ludorum celebritati censuerunt, et ³⁶signa duo pro uno reponenda, et novum auratum faciendum. Et plebeiî ludi ab ædilibus C. Sempronio Blæso et M. Furio Lusco diem unum instaurati sunt.

VIII. Insequens annus Sp. Postumium Albinum et Q. Marcium Philippum consules ab exercitu bellorumque et provinciarum cura ad intestinæ conjurationis vindictam avertit. Prætores provincias sortiti sunt, T. Mænius urbanam, M. Licinius Lucullus inter cives et peregrinos, C. Aurelius Scaurus Sardiniam, P. Cornelius Sulla Siciliam, L. Quinctius Crispinus Hispaniam citeriorem, C. Calpurnius Piso Hispaniam ulteriorem. Consulibus ambobus quæstio de clandestinis conjurationibus decreta est. Græcus ignobilis in Etruriam primum venit nulla cum arte earum, quas multas ad animorum corporumque cultum nobis eruditissima omnium gens invexit, sacrificulus et vates: nec is, qui aperta religione, propalam et quæstum et disciplinam profitendo, animos ³⁷horrore¹ imbueret, sed occultorum et nocturnorum^m antistes sacrorum. ³⁸Initia erant, quæ primo paucis tradita sunt: deinde vulgari cœpta suntⁿ per viros mulieresque. additæ voluptates religioni vini et epularum, quo plurium animi illicerentur. ³⁹Quum vinum animos, et nox et mixti feminis mares, ætatis teneræ majoribus, discrimen omne pudoris extinxissent; corruptelæ primum omnis generis fieri cœptæ, quum ad id quisque, quo natura pronioris libidinis esset, paratam voluptatem haberet. Nec unum genus noxæ, stupra promiscua ingenuorum feminarumque, erant: sed falsi testes, ⁴⁰falsa signa testimoniaque et ⁴¹indicia ex ea-

¹ errore Crev.^m et nocturnorum del. Gron. Crev.ⁿ sunt del. Eæd.

³⁵ *Malus in Circo instabilis in signum Pollentiæ procidit*] Intelligendum hoc est de signo deæ Pollentiæ, sive Potentiæ: utrumque enim nomen idem est. Malum autem, a quo dejectum Pollentiæ signum tradit Livius, unum ex illis fuisse arbitramur, quibus vela expansa suffulciuntur ad æris injurias arcendas, ut commodius spectatores ludos spectare possint. MARCELLUS DONATUS.

³⁶ *Signa duo pro uno*] Vetus scilicet signum reponendum, adjuncto novo uno, quod quidem auratum fieri jubetur.

³⁷ *Error*] Sic vet. editi et MS. Viet. melius, quam quod a Sigonio

prolatum editores receperant, *horrore*.

³⁸ *Initia erant*] Intellige mysteria, quibus initiabantur: quemadmodum supra, l. XXXI. c. 14. *per Initiorum dies*.

³⁹ *Quum vinum animos et nox*] Haud dubie corrupta est vox *animos*. Gronovius emendat, *vinum, clamores, nox*: Clericus, *vinum, amor, et nox*.

⁴⁰ *Falsa . . . indicia*] Falsæ delationes, falsa crimina in insontes coniecta. Non absimilem Catilinæ chorum tribuit Cicero, ex *indiciis atque sicariis*, pro Mur. n. 49.

⁴¹ *Indicia*] Proba Sigonii emendatio. *Ante judicium*.

U. C. 566. dem officina exhibant. Venena indidem intestinæque cæ-
 A. C. 186. des: ita ut ne corpora quidem interdum ad sepulturam ex-
 starent. Multa dolo, pleraque per vim audebantur. occu-
 lebat vim, quod præ ululatibus, tympanorumque et cym-
 balorum strepitu, nulla vox quiritantium inter stupra et
 cædes exaudiri poterat.

IX. Hujus mali labes ex Etruria Romam, velut conta-
 gione morbi, penetravit. primo urbis magnitudo capacior
 patientiorque talium malorum ea celavit: tandem indicium
 Innotes- hoc maxime modo ad Postumium consulem pervenit. P.
 cunt P. Æ- Æbutius, cujus pater publico equo stipendia fecerat, pupil-
 butii opera. lus relictus, mortuis deinde tutoribus, sub tutela Duroniæ
 matris et vitrici T. Sempronii Rutili educatus fuerat. Et
 mater dedita viro erat: et vitricus, quia tutelam ita gesse-
 rat, ut rationem reddere non posset, aut tolli pupillum, aut
 obnoxium sibi vinculo aliquo fieri cupiebat. via una cor-
 ruptelæ Bacchanalia erant. Mater adolescentulum adpellat,
Se pro ægro eo vovisse, ubi primum convalesceret, ⁴² Bacchis
eum se initiaturam. ⁴³ damnatam voti, Deum benignitate, ex-
solvere id velle. Decem dierum castimonia opus esse. decimo
die cœnatum, deinde pure lautum in sacrarium deducturam.

Hisपाला Fe- Scortum nobile libertina Hisपाला Fecenia, ⁴⁴ non digna
 cenia. quæstu, cui ancillula ⁴⁵ adsuerat, etiam postquam manu-
 missa erat, eodem se genere tuebatur. Huic consuetudo
 juxta vicinitatem cum Æbutio fuit, minime adolescentis
 aut rei aut famæ damnosa: ultro enim amatus adpetitusque
 erat: et, maligne omnia præbentibus suis, meretriculæ mu-
 nificentia sustinebatur. Quin eo processerat consuetudine
 capta, ut post patroni mortem, quia in nullius manu erat,
⁴⁶ tutore a tribunis et prætore petito, quum testamentum
 faceret, unum Æbutium institueret hæredem.

X. Hæc amoris pignora quum essent, nec quidquam
 secretum alter ab altero haberent, per jocum adolescens ve-
 tat eam mirari, si per aliquot noctes secubisset. *Religionis*
se caussa, ut voto pro valetudine sua facto liberetur, Bacchis
initiari velle. Id ubi mulier audit, perturbata, Dii me-
liora! inquit: mori et sibi et illi satius esse, quam id faceret;
⁴⁷ *et in caput eorum detestari minas periculaque, qui id suas-*

⁴² *Bacchis eum se initiaturam*] Quia
 primo id sacrarium feminarum fuit,
 nec vir quisquam eo admittebatur,
 propterea, quasi Baccharum sacrum
 esset, Bacchis initiari dixerunt, qui se
 sacro illi committeret. SICONIUS.

⁴³ *Damatam voti*] Vid. not. ad
 lib. XXVII. c. 45.

⁴⁴ *Non digna quæstu*] Cujus libe-
 ralis indoles digna erat, quam non
 deformaret meretricii quæstus tur-

pitudo.

⁴⁵ *Assuerat*] Sic Gronoviani scripti
 et noster Vict. Et id sæpe placuit Li-
 vio. Vulgo assueverat.

⁴⁶ *Tutore a tribunis et prætore petito*]
 Femina enim nihil civilis negotii agere
 sine auctore poterant. Vid. supra,
 XXXIV. 2.

⁴⁷ *Et in caput eorum detestari mi-*
 nas] Et precibus obtestari deos cepit,
 ut minas periculaque ex illo consilio

scnt. Admiratus quum verba, tum perturbationem tantam U. C. 566.
 adolescens, *Parcere execrationibus* jubet. *matrem id sibi*, A. C. 186.
adsentiente vitrico, imperasse. *Vitricus ergo, inquit, tuus* ^{Æbutium}
(matrem enim insimulare forsitan fas non sit) pudicitiam, fa- ^{initiari vo-}
nam, spem, vitamque tuam perditum ire hoc facto properat. ^{lentem de-}
 Eo magis mirabundo, quærentique quid rei esset, pacem ^{terret.}
 veniamque precata Deorum Dearumque, si coacta caritate
 ejus, silenda enunciasset, *ancillam se, ait, dominæ comitem id*
sacrarium intrasse, liberam numquam eo accessisse. *Scire cor-*
ruptelarum omnis generis eam officinam esse: et jam biennio
constare neminem initiatum ibi majorem annis viginti. *Ut*
quisque introductus sit, velut victimam tradi sacerdotibus. eos
deducere in locum, qui circumsonet ululatus, cantuque sym-
phonice, et cymbalorum et tympanorum pulsu, ne vox quiritan-
lis, quum per vim stuprum inferatur, exaudiri possit. Orare
 deinde atque obsecrare, ut eam rem quocumque discuteret
 modo: nec se eo præcipitaret, ubi omnia infanda patienda
 primum, deinde facienda essent. neque ante dimisit eum,
 quam fidem dedit adolescens, ab his sacris se temperatu-
 rum.

XI. Postquam domum venit, et mater mentionem intu- ^{Æbutius}
 lit, quid eo die, quid deinceps ceteris, quæ ad sacra pertine- ^{expellitur}
 rent, faciendum esset; negat, eorum se quidquam factu- ^{a matre.}
 rum, nec initiari sibi in animo esse. Aderat sermoni vitri-
 cus. confestim mulier exclamat, *Hispalæ concubitu carere*
eum decem noctes non posse, illius ⁴⁸ *excetræ delinimentis et*
venenis imbutum, nec parentis, nec vitrici, nec Deorum vere-
cundiam habere. jurgantes hinc mater, hinc vitricus, cum
 quatuor eum servis domo exegerunt. Adolescens inde ad
 Æbutiam se amitam contulit: caussamque ei, cur esset a
 matre ejectus, narravit. deinde ex auctoritate ejus postero
 die ad consulem Postumium, arbitris remotis, rem detulit.
 Consul post diem tertium ad se jussum redire dimisit: ipse
 Sulpiciam, gravem feminam, socrum suam, percunctatus
 est, *ccquam anum Æbutiam ex Aventino nosset?* quum eam
 nosse, probam, et antiqui moris feminam, respondisset; opus
 esse sibi ea conventa dixit. *mitteret nuncium ad eam, ut veni-*
ret. Æbutia adcita ad Sulpiciam venit. et consul paullo
 post, velut forte intervenisset, sermonem de Æbutio fratris
 ejus filio infert. Lacrimæ mulieri obortæ, et miserari ca-
 sum adolescentis cœpit, qui spoliatus fortunis, a quibus mi-
 nime oporteret, apud se tunc esset, ejectus a matre, quod

° nec vitrici nec parentis Gron. Crev.

impudentia in caput eorum verterent,
 qui talia suasissent.

48 Excetræ] Hydram Lernæam ex-
 cetræ appellatam fuisse probat Mar-
 cellus Donatus ex Plauto in Persa,

Act. I. Sc. 1. Adde Servium ad VI.
 Æn. v. 287. Hic per contumeliam eo
 nomine designat Æbutii mater Hispa-
 lam.

U. C. 566. probus adolescens (⁴⁹Dii propitii essent) obscœnis, ut fama
 A. C. 186. esset, sacris initiari nollet.

Hispala vo-
 catur a con-
 sule.

XII. Satis de Æbutio exploratum ratus consul, non v-
 num auctorem esse, dimissa Æbutia, socrum rogat, ut His-
 palam, indidem ex Aventino libertinam, non ignotam vici-
 niæ, arcesseret ad sese. eam, quoque esse, quæ pereunctari
 vellet. Ad cujus nuncium perturbata Hispala, quod ad tam
 nobilem et gravem feminam ignara causæ arcesseretur:
 postquam lictores in vestibulo turbamque consularem et
 consulem ipsum conspexit, prope exanimata est. In inte-
 riorem partem ædium abductam socru adhibita consul, *Si*
vera dicere inducere in animum posset, negat, perturbari de-
bere. fidem vel a Sulpicia, tali femina, vel ab se acciperet.
expromeret sibi, quæ ⁵⁰*in luco Similiæ Bacchanalibus in sacro*
nocturno solerent fieri. Hoc ubi audivit, tantus pavor tre-
 morque omnium membrorum mulierem cepit, ut diu hiscere
 non posset: tandem confirmata, *puellam admodum se ancil-*
lam initiatam cum domina, ait. *aliquot annis, ex quo manu-*
missa sit, nihil, quid ibi fiat, scire. jam id ipsum consul lau-
 dare, *quum initiatam se non inficiaretur. sed et cetera eadem*
fide expromeret. neganti ultra quidquam scire ⁵¹*non eandem,*
dicere, si coarguatur ab alio, ac per se fatenti, veniam aut
gratiam fore. eum sibi omnia exposuisse, qui ab illa audisset.

XIII. Mulier, haud dubie, id quod erat, Æbutium indi-
 cem arcani rata esse, ad pedes Sulpiciæ procidit, et eam
 primo orare cœpit, *Ne mulieris libertinæ cum amatore sermo-*
nem in rem non seriam modo, sed capitalem etiam, verti vellet:
se terrendi ejus caussa, non quo sciret quidquam, ea locutam
esse. Hic Postumius accensus ira, *Tum quoque,* ait, *eam*
cum Æbutio se amatore cavillari credere, non in domo gravis-
simæ feminae et cum consule loqui. et Sulpicia ad tollere pa-
 ventem; simul illam adhortari, simul iram generi lenire.
 Tandem confirmata, multum incusata perfidia Æbutii, qui
 optimi in eo ipso meriti talem gratiam retulisset, *Magnum*
sibi metum Deorum, quorum occulta initia enunciaret, mayo-
rem multo, dixit, hominum esse, qui se indicem manibus suis

49 (Dii propitii essent!) obscœnis . .
 sacris] Mulier timide religiosa non au-
 det Bacchi sacris obscœnitatis notam
 injungere, sine præfatione, qua deorum
 iram deprecetur. Ideo ante vocem
 obscœnis, præmittit illam precationem,
 Dii propitii essent!

50 In luco Similiæ] Suspiciatur Ge-
 lenius Semelen Bacchi matrem detorta
 nonnihil voce ab indocto vulgo dic-
 tam esse *Similam*. At scholiastes Ju-
 venalis ad secundam satyram, de his
 ipsis Bacchanalibus agens, appellat

Stimula dea lucum. Stimulam quo-
que deam nominat Augustinus, de Civ.
Dei, l. IV. capp. 11. et 16. Itaque hic
quoque idem Stimula nomen admit-
tendum esse crediderimus.

51 * Non eandem . . . veniam aut
 gratiam fore] Non eadem facilitate
 impetraturam, ut aut venia conceda-
 tur sibi, ut etiam gratia habeatur.
 Nempe minis promissa miscens con-
 sul innuit fatenti non veniam modo
 paratam esse, sed etiam laudem atque
 mercedem.

discerpturi essent. itaque hoc se Sulpiciam, hoc consulem orare, U. C. 566. ut se extra Italiam aliquo amandarent, ubi reliquum vitæ de- A. C. 186. gere tuto posset. Bono animo esse jubere eam consul, et, sibi curæ fore, dicere, ut Romæ tuto habitaret. Tum Hispala Indicium originem sacrorum expromit. Primo sacrarium id femina- Hispalæ. rum fuisse, nec quemquam virum eo admitti solitum. Tres in anno statos dies habuisse, quibus interdum Bacchis initiarentur. Sacerdotes ⁵² in vicem matronas creari solitas. Pacullam An- niam^p Campanam sacerdotem omnia, tamquam Deum monitu, inmutasse. nam et viros eam primam suos filios initiasse, Mi- nium et Herennium Cerrinios. et nocturnum sacrum ex diurno, et pro tribus in anno diebus quinos singulis mensibus dies ini- tiorum fecisse. Ex quo in promiscuo sacra sint, et permixti viri feminis, et noctis licentia accesserit, nihil ibi facinoris, ni- hil flagitii prætermissum. plura virorum inter sese, quam femi- narum, esse stupra. Si qui minus patientes dedecoris sint, et pigriores ad facinus, pro victimis immolari: nihil nefas ducere, hanc summam inter eos religionem esse. Viros, velut mente capta, cum jactatione fanatica corporis vaticinari; matronas Baccharum habitu crinibus sparsis^a cum ardentibus facibus decurrere ad Tiberim, demissasque in aquam faces (quia ⁵³vi- rum sulphur cum calce insit) integra flamma efferre. Raptos a Diis homines dici, quos machinæ inligatos ex conspectu in ab- ditos specus abripiant. eos esse, qui aut conjurare, aut sociari facinoribus, aut stuprum pati noluerint. Multitudinem ingen- tem, alterum jam prope populum esse: in his nobiles quosdam viros feminasque. Bieunio proximo institutum esse, ne quis major viginti annis initiaretur. captari ætates et erroris et stupri patientes.

XIV. Peracto indicio, advoluta rursus genibus preces easdem, ut se ablegaret, repetivit. Consul rogat socrum, ut aliquam partem ædium vacuum faceret, quo Hispala immigraret. cœnaculum super ædes datum est, scalis feren- tibus in publicum obseratis, aditu in ædes verso. Res om- nes Feceniæ extemplo translatae, et familia arcessita. et Æbutius migrare ad consulis clientem jussus. Ita quum indices ambo in potestate essent, rem ad senatum Postu- mius defert, omnibus ordine expositis, quæ delata primo, quæ deinde ab se inquisita forent. Patres pavor ingens cepit, quum publico nomine, ne quid cæ conjurationes cœ- tusque nocturni fraudis occultæ aut periculi inportarent,

^p Miniam Gron. Crev.

^a passis Eæd.

⁵² In vicem] Per vices: in ordi- nem.

⁵³ Vivum sulphur] Vivum sulphur, Plinio teste, l. XXXV. c. 15. est illud quod ignem non est expertum, *ἀπυρον* Græcis vocatum. Nam reliqua genera

coctione paratur. Hoc glebosum et solidum effoditur, et avidissime flam- mam concipit. * Reperitur frequens ad radices montium ignivorum, qua- lis est Vesuvius in Campania. † Turn. l. I. Advers. c. 29.

U. C. 566. ⁵⁴tum privatim suorum quisque vicem, ne quis adfinis ei noxae
A. C. 186. esset. Censuit autem senatus, gratias consuli agendas, quod
eam rem et cum singulari cura, et sine ullo tumultu investi-

Quæstio de
Bacchanali-
bus Coss.
mandatur.

gasset. Quæstionem deinde de Bacchanalibus sacrisque nocturnis extra ordinem consulibus mandant: indicibus, *Æbutio ac Feceniæ*, ne fraudi ea res sit, curare, ⁵⁵et alios indices præmiis invitare jubent. sacerdotes eorum sacrorum, seu viri seu feminæ essent, non Romæ modo, sed per omnia fora et conciliabula conquiri, ut in consulum potestate essent. edici præterea in urbe Roma, et per totam Italiam edicta mitti, *Ne quis, qui Bacchis initiatus esset, coïsse aut convenisse causa sacrorum velit, neu quid talis rei divinæ fecisse.* ⁵⁶ante omnia, ut quæstio de his habeatur, qui coierint, conjuraverint^s, quo stuprum flagitiumve inferretur. Hæc senatus decrevit. Consules ædilibus curulibus imperarunt, ut sacerdotes ejus sacri omnes conquirerent, comprehensosque libero conclavi ad quæstionem servarent; ⁵⁷ædiles plebis videre, ne qua sacra in operto fierent. ⁵⁸Triumviris capitalibus mandatum est, ut vigilias disponderent per urbem, servarentque, ne qui nocturni cætus fierent; utque ab incendiis caveretur, ⁵⁹adjutores triumviris quinqueviri uti cis Tiberim suæ quisque regionis ædificiis præessent.

XV. Ad hæc officia dimissis magistratibus, consules in Rostra escenderunt; et, concione advocata, quum ⁶⁰sol-

¹ et alios illicere ac præmiis Crev.

² coïssent conjurassentve Gron. Crev.

⁵⁴ Tum privatim suorum quisque vicem] Supple. metuere cœpit. Alioquin nullum esset verbum, ad quod referretur *et quisque*. Vel lege quemque, ut regatur ab eo quod præcessit, *pa-*
vor . . . cepit.

⁵⁵ Et alios illicere ac præmiis invitare] Sic habere MSS. suos et vet. editos testatur Gronovius. Consentit noster Vict. nisi quod caret *et ac*. Vulgo et alios indices præmiis invitare. Sed vox indices facile ex iis quæ præcedunt suppleri potest.

⁵⁶ Ante omnia, ut quæstio] Hæc verba sunt senatusconsulti, non edicti: atque adeo diverso formarum typographicarum caractere, quod fecimus, edenda. Nec offendere debet orationis struendæ mutatio, quod cetera senatusconsulti capita per infinita efferruntur, hoc per particulam ut. Nihil enim crebrius apud Livium. Sic l. XXXV. c. 5. Equites earum extra aciem . . . tribunos militum educere jussit. Inde . . . impetum ex aperto facere. l. X. c. 43. Legatum cum legione prima . . . ire adversus subsidium hostium jussit: quocunque in loco fuisset obitus, obsisteret ac moraretur, ma-

nimque . . . conferret. Et alibi sæpissime.

⁵⁷ Ædiles plebis videre] Supple ex sensu, jussi sunt.

⁵⁸ Triumviris capitalibus] Vid. not. 5. ad XXV. 1.

⁵⁹ Adjutores triumviris quinqueviri uti cis Tiberim] Adjutores triumviris idem plane est, atque adjuturi triumviro, vel, ut adjuvarent triumviros. Quod quidem non observavimus, nisi doctissimos viros hæc locutio morata esset, qui et inseri voluerunt vocem dati, sine ulla necessitate. Sed præterea *et uti* sic positum nobis suspectum est. Victor. liber etiam præfert ut hi. Legendum putamus *uls et cis Tiberim*. Antiqui dicebant *uls pro ultra*, teste Festo. Et Varro, l. IV. de lingua Lat. dixit, plane quomodo hic volumus, et *uls et cis Tiberim*: ut hæc loquendi forma videatur usitata fuisse in formulis, ac per eam causam hic a Livio esse usurpata.

⁶⁰ Solemne carmen precatiois] Ejus carminis mentionem facit, et ex eo aliqua describit Tullius in principio orationis pro Muræna. In eo appellatos esse illos deos, qui maxime ab Ro-

lemne carmen precationis, quod præfari, priusquam populum adloquantur, magistratus solent, peregisset consul, ita cœpit: *Nulli umquam concioni, Quirites, non solum apta, sed etiam necessaria, hæc sollemnis Deorum comprecatio fuit; quæ vos admoneret, hos esse Deos, quos colere, venerari, precarique majores vestri instituissent: non illos, qui pravis et externis religionibus captas mentes, velut furialibus stimulis, ad omne scelus et ad omnem libidinem agerent. Equidem, nec quid taceam, nec quatenus proloquar, invenio: si aliquid ignorabitis, ne locum negligentiae dem; si omnia nudavero, ne nimium terroris obfundam vobis, vereor. quidquid dixerò, minus, quam pro atrocitate et magnitudine rei, dictum scitote esse. ut ad cavendum satis sit, dabitur opera a nobis. Bacchanalia tota jam pridem Italia, et nunc per urbem etiam multis locis esse, non fama modo accepisse vos, sed crepitibus etiam ululatusque nocturnis, qui personant tota urbe, certum habeo; ceterum, quæ ea res sit, ignorare. alios Deorum aliquem cultum, alios concessum ludum et lasciviam esse credere, et, quaecumque sit, ad paucos pertinere. Quod ad multitudinem eorum adinet, si dixerò, multa millia hominum esse, illico necesse est, exterreamini; nisi adjunxero, qui qualesque sint. Primum igitur mulierum magna pars est, et is fons mali hujusce fuit: deinde simillimi feminis mares, stuprati et constupratores, ⁶¹ fanatici vigiles; vino, strepitibus, clamoribusque nocturnis adtoniti. Nullas adhuc vires conjuratio, ceterum incrementum ingens virium habet, quod in dies plures fiunt. Majores vestri, ne vos quidem, nisi ⁶² quum aut, vexillo in arce posito, comitiorum caussa exercitus eductus esset, ⁶³ aut plebi*

U.C. 566.
A.C. 186.
Oratio Postumii Cos. de Bacchanalibus.

† tam non Gron. Crev.

manis colebantur, puta Jovem, Junonem, Minervam, etc. patet ex iis quæ sequuntur hic in oratione consulum.

61 *Fanatici vigiles*] Legimus, fanatici, vigiliis. vino . . . attoniti. * Attonitos autem expone de possessione mentis deturbatos, tanquam propiore fulmine adflatos.

62 *Quum . . . vexillo in arce posito comitiorum caussa exercitus eductus esset*] Describuntur comitia centuriata. In iis dicebatur exercitus imperari, quia sub signis, et iis armis instructi, quæ cuicque classi erant per Servium Tullium auctorem centuriarum assignata, conveniebant. Eductus dicitur exercitus, quia extra urbem in Campo Martio illa comitia habebantur. Quod ad vexillum attinet, rem hoc modo exponit Dio, l. XXXVII. Quum olim assidui a finitimis populis terrores Romanam circumstarent, veriti Romani ne, dum ipsi comitia centuriata haberent,

hostes ex improvviso urbem adorirentur, Janiculumque occuparent, statuerunt non omnes simul ire in suffragia: sed ita rem inter se partiri, ut, dum alii in suffragia irent, alii armati excubias agerent in Janiculo. Hunc igitur locum custodiebant, quamdiu comitia durarent: quum autem solvenda erant comitia, vexillum a Janiculo removebatur, custodesque discedebant. Non licebat autem, custodibus ab illa arce remotis, quidquam amplius agere. Ex his Dionis verbis patet arcem in hoc nostro Livii loco esse Janiculum.

63 *Aut plebi concilium*] Proprie et signate. Is enim qui non universum populum, sed partem populi aliquam adesse jubet, non comitia, sed concilium edicere debet. Tribuni autem neque advocant patricios, neque ad eos referre de ulla re possunt. A. Gell. l. XV. c. 27.

U. C. 566. *concilium tribuni edixissent, aut aliquis ex magistratibus* ⁶⁴*ad*
 A. C. 186. *concionem vocasset, forte temere coire* ⁶⁵*voluerunt: et, ubicum-*
que multitudo esset, ibi et legitimum rectorem multitudinis cen-
sebant debere esse. Quales primum nocturnos catus, deinde
promiscuos mulierum ac virorum, esse creditis? Si, quibus æta-
tibus initientur mares, sciatis, non misereat vos eorum solum,
sed etiam pudeat. Hoc sacramento initiatos juvenes milites
faciendos censetis, Quirites? iis ex obscæno sacrario eductis
arma committenda? hi, cooperti stupris suis alienisque, pro
pudicitia conjugum ac liberorum vestrorum ferro decernent?

XVI. Minus tamen esset, si flagitiis tantum effeminati fo-
 rent, (ipsorum id magna ex parte dedecus erat) a facinoribus
 manus, mentem a fraudibus abstinuissent. Numquam tantum
 malum in republica fuit, nec ad plures, nec ad plura pertinens.
 quidquid his annis libidine, quidquid fraude, quidquid scelere
 peccatum est, ex illo uno sacrario scitote ortum esse. Necdum
 omnia, in quæ conjuraverunt, edita facinora habent. adhuc
 privatis noxiis, quia nondum ad rempublicam obprimendam
 satis virium est, conjuratio sese impia tenet. crescit et serpit
 quotidie malum. ⁶⁶*jam majus est, quam ut capere id privata*
fortuna possit: ad summam rempublicam spectat. Nisi præ-
cavetis, Quirites, jam huic diurnæ, legitime ab consule vocatæ,
par nocturna concio esse poterit. nunc illi vos singuli universos
concionantes timent: jam, ubi vos dilapsi domos et in rura
vestra eritis, illi coërint, consultabunt de sua salute simul ac
vestra pernicie; tum singulis vobis universi timendi erunt.
Optare igitur unusquisque vestrum debet, ut bona mens suis
omnibus fuerit. Si quem libido, si furor in illum gurgitem
abripuit, illorum eum, cum quibus in omne flagitium et facinus
conjuravit, non suum judicet esse. Ne quis etiam errore laba-
tur, vestrum quoque non sum securus. nihil enim in speciem
fallacius est, quam prava religio. Ubi Deorum numen præ-
tenditur sceleribus, subit animum timor, ne fraudibus, humanis
vindicandis divini juris aliquid inmixtum violemus. Hac vos
religione innumerabilia decreta pontificum, senatusconsulta,
aruspicum denique responsa liberant. Quoties hoc patrum
avorumque ætate negotium est magistratibus datum, ut sacra
externa fieri vetarent, sacrificulos vatesque foro, circo, urbe pro-
hiberent, vaticinos libros conquirerent comburerentque, omnem

64 *Ad concionem vocasset*] Aliud est, inquit idem Gellius, l. XIII. c. 15. cum populo agere, aliud concionem habere. Nam cum populo agere, est rogare quid populum, quod suffragiis suis fubeat, aut vetet; concionem autem habere, est verba facere ad populum sine ulla rogatione.

65 *Voluerunt*] Gronovianæ editio-

nes noluerunt: manifesto mendo, quod redarguant et vetustius cusi, et codex Viet.

66 *Jam majus est, quam ut capere id privata fortuna possit*] Jam majus est, quam ut privatorum tantum fortunis convellendis ac labefactandis sese contineat.

disciplinam sacrificandi, præterquam more Romano, abolerent? U. C. 566. Judicabant enim prudentissimi viri omnis divini humanique ju- A. C. 186. ris, nihil æque dissolvendæ religionis esse, quam ubi non patrio, sed externo ritu sacrificaretur. Hæc vobis prædicenda ratus sum, ne qua superstitio agitarret animos vestros, quum⁶⁷ demolientes nos Bacchanalia discutientesque nefarios cætus cernere- tis. Omnia, Diis propitiis volentibusque, ea faciemus: qui, quia suum numen sceleribus libidinibusque contaminari indigne ferebant, ex occultis ea tenebris in lucem extraxerunt. nec pate- fieri, ut impunita essent, sed ut vindicaretur et obprimerentur, voluerunt. Senatus quæstionem extra ordinem de ea re mihi collegæque meo mandavit: nos, quæ ipsis nobis agenda sunt, impigre exsequemur. Vigiliarum nocturnarum curam per urbem minoribus magistratibus mandavimus. Vos quoque, æquum est, quæ vestra munia sunt, quo quisque loco positus erit, quod imperabitur, impigre præstare, et dare operam, ne quid fraude noxiorum periculi aut tumultus oriatur.

XVII. Recitari deinde senatusconsulta jusserunt, ⁶⁹indici-
que præmium proposuerunt, si quis quem ad se deduxisset,
nomenve absentis detulisset. *Qui nominatus profugisset, diem
certam se finituros; ad quam nisi citatus respondisset, absens
damnaretur. si quis eorum, qui tum extra terram Italiam
essent, nominaretur, ei laxiorem diem daturus, si venire ad
causam dicendam vellet.* Edixerunt deinde, *ne quis quid
fugæ causa vendidisse, neve emissee vellet: ne quis reciperet,
celaret, ope ulla juvaret fugientes.* Concione dimissa, terror
magnus urbe tota fuit: nec mœnibus se tantum urbis aut
finibus Romanis continuit; sed passim per totam Italiam,
literis hospitum de senatusconsulto, et concione, et edicto
consulum acceptis, trepidari cœptum est. Multi ea nocte,
quæ diem insecuta est, quo in concione res palam facta est,
custodiis circa portas positis, fugientes a triumviris compre-
hensi et reducti sunt: multorum nomina delata. quidam ex
iis viri feminæque mortem sibi consciverunt. Conjurasse
supra septem millia virorum ac mulierum dicebantur. ca-
pita autem conjurationis constabat esse, ⁶⁹M. et C. Atinios
de plebe Romana, et Faliscum L. Opiternium, et Minium
Cerrinium Campanum: ab his omnia facinora et flagitia
orta: eos maximos sacerdotes conditoresque ejus sacri esse.

67 *Demolientes Bacchanalia*] Hic et infra aliquoties Bacchanalium nomine designantur loca, in quibus sacra illa nefaria celebrabantur.

68 Indicique *præmius* proposuerunt, si quis] Mutavimus interpunctionem, quæ vitiosa est in plerisque libris. Si quis non est initium novæ periodi, sed refertur ad ea quæ præce-

dunt. Promittunt præmium indici, si quis, id est, qui vel aliquem deduxisset ad consules, vel nomen absentis detulisset.

69 *M. et C. Altinius*] Antea legebatur, *M. et L. Çatinios*. Corrigendum levem hunc errorem monstravere Sigonius et Gronovius.

U. C. 566. Data opera est, ut primo quoque tempore comprehenderentur. Adducti ad consules, fassique de se, nullam moram iudicio fecerunt.

Conjuratorum pœnæ.

Senatusconsultum de Bacchanalibus.

XVIII. Ceterum tanta fuga ex urbe facta erat, ut, ⁷⁰quia multis actiones et res peribant, cogerentur prætores T. Mænius et M. Licinius ⁷¹per senatum res in diem trigesimum differre, donec quæstiones a consulibus perficerentur. Eadem solitudo, quia Romæ non respondebant, nec inveniebantur, quorum nomina delata erant, coëgit consules circa fora proficisci, ibique quærere et iudicia exercere. Qui tantum initiati erant, et ex carmine sacro, præeunte verba sacerdote, preces fecerant, in quibus nefanda conjuratio in omne facinus ac libidinem continebatur, nec earum rerum ullam in quas jurejurando obligati erant, in se aut alios admiserant, eos in vinculis relinquebant: qui stupris aut cædibus violati erant, qui falsis testimoniis, signis adulterinis, subjectione testamentorum, fraudibus aliis contaminati, eos capitali pœna adiciebant. Plures necati, quam in vincula coniecti sunt. magna vis in utraque causa virorum mulierumque fuit. Mulieres damnatas cognatis, aut in quorum manu essent, tradebant, ut ipsi in privato animadverterent in eas. si nemo erat idoneus supplicii exactor, in publico animadvertebatur. Datum deinde consulibus negotium est, ut omnia Bacchanalia Romæ primum, deinde per totam Italiam, diruerent; extra quam si qua ibi vetusta ara aut signum consecratum esset. in reliquum deinde ⁷²senatusconsulto cautum est, *Ne qua Bacchanalia Romæ, neve in Italia essent. si quis tale sacrum sollemne et necessarium duceret, nec sine religione et piaculo se id omittere posse, apud prætorem urbanum profiteretur, prætor senatum consulere. si ei permissum esset, quum in senatu centum non minus essent, ita id sacrum faceret, dum ne plus quinque sacrificio interessent, neu qua pecunia communis, neu quis magister sacrorum, aut sacerdos esset.*

XIX. Aliud deinde huic conjunctum, referente Q. Marcio consule, senatusconsultum factum est, *Ut de iis, quos pro indicibus consules habuissent, integra res ad senatum referretur, quum Sp. Postumius, quæstionibus perfectis, Romam redisset.* Minium Cerrinium Campanum Ardeam in vincula

⁷⁰ Quia multis actiones et res peribant] Ex illis nempe qui fugerant multi erant, qui quum lites coram iudicibus pendentes haberent, ob absentiam, tanquam deserto vadimonio, condemnabantur, ac proinde amittebant et jus persequendi in iudicio quod sibi deberetur, et res ipsas de quibus lis foret.

⁷¹ Per senatum] Ex auctoritate senatus.

⁷² Senatusconsulto cautum est] Integri senatusconsulti exemplum, ex ærea tabula, post tot secula superstite, dedit Jac. Gronovius in sua Ciceronis editione, Lugduni Batavorum, anno 1692. Commentario nuper illustravit doctus Italus.

mittendum censuerunt, magistratibusque Ardeatium prædicendum, ⁷³ut^a intentiore eum custodia adservarent; non solum ne effugeret, sed ne mortis consciscendæ locum haberet. Sp. Postumius aliquanto post Romam venit eo referente, de P. Æbutii et Hispalæ Fecenæ præmio, quod eorum opera indicata Bacchanalia essent, senatusconsultum factum est, ⁷⁴Ut singulis his ⁷⁵centena millia æris quæstores urbani ex ærario darent. Utique consul cum tribunis plebis ageret, ut ad plebem primo quoque tempore ferrent, ut P. Æbutio emerita stipendia essent, ne invitus militaret, ⁷⁶neve censor ei equum publicum assignaret. Utique Fecenæ Hispalæ ⁷⁷datio, deminutio, gentis enuptio, tutoris optio item esset, quasi ei vir testamento dedisset. Utique ei ingenuo nubere liceret: neu quid ei, qui eam duxisset, ob id fraudi ignominiaere esset. Utique consules prætoresque, qui nunc essent, quive postea futuri essent, curarent, ne quid ei mulieri injuriæ fieret,

U. C. 566.
A. C. 186.

Indicum
præmia.

^a ut in int. Gron. Crev.

73 Ut in intentiore . . . custodia] Dele supervacuam præpositionem.

74 Ut singulis his] Magis placeret cum Gronovio legere: ut singula his.

75 Centena millia æris] Id est, marcas argenti nostrates 156. cum unciiis 2.

76 Neve censor ei equum publicum assignaret] Mirum videri possit hoc dari Æbutio præmii loco, ne censor ei equum publicum assignaret, id est, eum in ordinem equestrem allegeret. Nihil aliud suspicari possumus, quam voluisse Patres, ne omnino Æbutio militare invito necesse esset. Quia autem, quibus equus publicus assignatus erat, ii debebant stipendia facere, et equestrem militiam suscipere, hoc illi onus, splendidum licet, exemptum voluit senatus.

77 Datio, diminutio, gentis enuptio, tutoris optio] Hunc locum explicat Turn. l. XXX. Advers. c. 26. in hunc fere modum. Decernitur senatusconsulto, ut Hispalæ jus esset dandi et diminuendi, quod est, de suo peculio largiendi, et diminuendarum fortunarum. Quod addit Livius datam ei gentis enupationem, interpretatur Turnebus jus ei datum, ut alius quam libertis sui patroni, aut gentis ex qua patronus erat, posset nubere. Gens enim libertorum, inquit Gronovius ad hunc locum, non erat alia quam patroni, a quo nomen accipiebant, et ejusdem gentis novam familiam humiliorem ordiebantur. Denique quum datur ei tutoris optio, decernitur, ut tutorem sibi, quandoquidem sine auctore nihil agere apud Romanos feminae

poterant, quem vellet legeret. Ex hac expositione, quam summa vi tuetur Gronovius, sequeretur eam fuisse antiquitus libertorum conditionem, ut nihil de suis bonis detrahere possent, nisi ex auctoritate patroni, ut nulla possent jungere matrimonia, nisi cum libertis ejus gentis ex qua erat patronus. Utrumque probare aggreditur Gronovius, sed iis argumentis, quæ rem fortasse probabilem, non tamen omnino certam ac liquidam efficiunt. Rursus id turbat, quod Fecenia, mortuo patrono, jam tutorem a prætore et tribunis petierat, jam testamentum fecerat. Unde nihil ei juris videtur hic a senatu datum, quod non jam haberet, præter gentis enupationem. Respondet Gronovius hanc fuisse mentem senatusconsulti, ut Fecenia ingenuis mulieribus exæquaretur, ac plane pro ingenua haberetur. Morte autem patroni etsi acquisita ipsi fuerant illa jura, non tamen abolita fuerat macula libertinae conditionis. Ideo cautum est senatusconsulto, ut, quod ante jus acquisitum erat Hispalæ per mortem patroni, quum maneret libertini ordinis, id jam et competere jure privilegii, quo ingenuis æquabatur, tanquam mulieri quæ mortuo viro in nullius potestate esset. Hæc fere post Turnebum Gronovius ad hujus loci explanationem affert: quæ, qualiacunque sunt, longe tamen sunt iis verisimiliora, quæ Marcellus Donatus et Gutherius ad interpretationem Livianorum verborum commenti sunt.

U. C. 566. *utique tuto esset, id senatum velle, et æquam censere, ut ita fieret.* Ea omnia lata ad plebem, factaque sunt ex senatusconsulto; et de ceterorum indicum impunitate præmiisque consulibus permissum est.

Exercitus
consulares.

XX. Et jam Q. Marcius, quæstionibus suæ regionis perfectis, in Ligures provinciam proficisci parabat; tribus millibus peditum Romanorum, centum quinquaginta equitibus, et quinque millibus Latini nominis peditum, ducentis equitibus in supplementum acceptis. Eadem provincia, idem numerus peditum equitumque et collegæ decretus erat. Exercitus acceperunt, quos priore anno C. Flaminius et M. Æmilius consules habuerunt. duas præterea legiones novas ex senatusconsulto scribere jussi sunt: et viginti millia peditum sociis et nomini Latino imperarunt, et equites mille trecentos, ⁷⁸ et tria millia peditum Romanorum, ducentos equites. totum hunc exercitum, præter legiones, in supplementum Hispaniensis exercitus duci placebat. itaque consules dum ipsi quæstionibus inpediebantur, T. Mænum delectui habendo præfecerunt. Perfectis quæstionibus, prior Q. Marcius in Ligures Apuanos est profectus. Dum penitus ⁷⁹ in abditos saltus, quæ latebræ receptaculaque semper illis fuerant, persequitur; in præoccupatis angustiis, loco iniquo est circumventus. quatuor millia militum amissa; et legionis secundæ signa tria, undecim vexilla socium Latini nominis in potestatem hostium venerunt, et arma multa, quæ, quia inpedimento fugientibus per silvestres semitas erant, passim jactabantur. prius sequendi Ligures finem, quam fugæ Romani, fecerunt. Consul, ubi primum ex hostium agro evasit, ne, quantum deminutæ copiæ forent, adpareret, in locis pacatis exercitum dimisit. Non tamen obliterare famam rei male gestæ potuit. nam saltus, unde cum Ligures fugaverant, Marcius est adpel-

Saltus Mar-
cius.

Res in His-
pania ges-
ta.

XXI. Sub hunc nuncium ex Ligustinis vulgatum literæ, ex Hispania mixtam gaudio tristitiam adferentes, recitatae sunt. C. Atinius, qui biennio ante prætor in eam provinciam profectus erat, cum Lusitanis in agro Astensi signis conlatis pugnavit. ad sex millia hostium sunt cæsa: ceteri fusi, fugati, castrisque exuti. Ad oppidum deinde Astram obpugnandum legiones ducit. id quoque haud multo majore certamine cepit, quam castra: sed, dum incautius subit muros, ictus ex vulnere post dies paucos moritur. Literis de morte proprætoris recitatis, senatus censuit mittendum,

⁷⁸ Et tria millia peditum Romanorum, ducentos equites] Supple, scripserunt, quum de Romanis agitur; non, imperarunt.

⁷⁹ In abditos saltus] Et hic quoque mendum insederat Gronovianas editiones nempe in abdito. Correximus ex aliis editionibus et Viet. codice.

qui ad Lunæ portum C. Calpurnium prætorem consequere-^{U. C. 566.}
 tur; nunciaretque, senatum æquum censere, ne sine impe-^{A. C. 186.}
 rio provincia esset, maturare eum proficisci. Quarto die,
 qui missus erat, Lunam venit. paucis ante diebus Calpur-
 nius profectus erat. Et in citeriore Hispania L. Manlius
 Acidinus, qui eodem tempore, quo C. Atinius, in provin-
 ciam ierat, cum Celtiberis acie conflixit. incerta victoria
 discessum est, nisi quod Celtiberi castra inde nocte proxima
 moverunt: Romanis et suos sepeliendi, et spolia legendi
 ex hostibus potestas facta est. Paucos post dies, ma-
 jore coacto exercitu^u, Celtiberi ad Calagurrim oppidum
 ultro laceraverunt prælio Romanos. Nihil traditur, quæ
 caussa numero aucto infirmiores eos fecerit. superati prælio
 sunt. ad duodecim millia hominum cæsa, plus duo capta:
 et castris Romanus potitus. et, nisi successor adventu suo
 inhibuisset inpetum victoris, subacti Celtiberi forent. Novi
 prætores ambo exercitus in hiberna deduxerunt.

XXII. Per eos dies, quibus hæc ex Hispania nunciata
 sunt, ⁸⁰ludi Taurii^x per biduum facti religionis caussa.
 (⁸¹per dies^y) decem ⁸²adparatos deinde ludos M. Fulvius,
 quos voverat Ætolico bello, fecit. Multi ⁸³artifices ex
 Græcia venerunt^z honoris ejus caussa. Athletarum quoque
 certamen tum primo Romanis spectaculo fuit, et venatio
 data leonum et pantherarum; et prope hujus seculi copia
 ac varietate ludicrum celebratum est. Novemdiale deinde
 sacrum tenuit, quod in Piceno per triduum lapidibus plue-
 rat, ignesque cœlestes multifariam orti adussisse complu-
 rium levi adflatu vestimenta maxime dicebantur. Addita et
 unum diem supplicatio est ex decreto pontificum, quod
 ædes Opis in Capitolio de cœlo tacta erat. hostiis majoribus
 consules procurarunt, ⁸⁴urbemque lustraverunt. Sub idem
 tempus et ex Umbria nunciatum est, semimarem duodecim
 ferme annos natum inventum. id prodigium abominantes,
 arceri Romano agro necarique quamprimum jusserunt.

^u coacto majore exercitu Gron. Crev. ^x Taurilia Eæd. ^y per dies sublati
 uncinis, velut ab emendatione illæ voces non venissent. Eæd. ^z venerant Eæd.

⁸⁰ Ludi Taurilia] Hi ludi, qui et
 Taurii dicuntur, quomodo hic quoque
 Andreas habet, et duo e MSS. Hearnii,
 instituti memorantur a Festo diis In-
 feris ex hac causa. Turquinio Super-
 bo regnante, quum magna incidisset
 pestilentia in mulieres gravidas, earum
 fœtus infecti sunt ex carne direndita
 populo taurorum immolatorum. Ob
 hoc ludi Taurii appellati sunt, et fiunt
 in Circo Flaminio, ne intra muros evo-
 centur dii Inferi. Addit autem Livius
 religionis causa, ut distinguat horum
 ludorum solennem statamque religio-

nem a ludis votivis M. Fulvii, de qui-
 bus mox dicturus est; qui quidem etsi
 religionis quoque nomine, tamen multo
 magis pompæ et oblectationis causa
 edebantur.

⁸¹ Per dies decem] Adjecit Sigonius
 τὰ per dies ex probabili conjectura.

⁸² Apparatos . . ludos] Ludos appa-
 rate magnificeque factos, ut loquitur
 Livius, l. XXXI. c. 4.

⁸³ Artifices] Vid. not. 2. ad l. V.
 c. 1. supra.

⁸⁴ Urbemque lustraverunt] Vid. not.
 ad l. XLII. c. 20. infra.

U. C. 566.
A. C. 186.
Galli in
Venetiam
transgressi.

Eodem anno Galli Transalpini, transgressi in Venetiam sine populatione aut bello, haud procul inde, ubi nunc Aquileia est, locum oppido condendo ceperunt. Legatis Romanis, de ea re trans Alpes missis, responsum est, *Neque profectos ex auctoritate gentis eos, nec, quid in Italia facerent, se scire.* L. Scipio ludos eo tempore, quos bello Antiochi vovisse sese dicebat, ex conlata ad id pecuniā ab regibus civitatibusque per dies decem fecit. Legatum eum post damnationem et bona vendita missum in Asiam, ad dirimenda inter Antiochum et Eumenem reges certamina, Valerius Antias est auctor. tum conlatas ei pecunias, congregatosque per Asiam artifices: et, quorum ludorum post bellum, in quo votos diceret, mentionem non fecisset, de iis post legationem demum in senatu actum.

Comitia.

XXIII. Quum jam in exitu annus esset, Q. Marcius absens magistratu abiturus erat. Sp. Postumius, quæstionibus cum summa fide curaque perfectis, comitia habuit. creati sunt consules Ap. Claudius Pulcher, M. Sempronius Tuditanus. Postero die prætores facti P. Cornelius Cethegus, A. Postumius Albinus, C. Afranius Stellio, C. Atilius Serranus, L. Postumius Tempsanus,⁸⁵ M. Claudius Marcellinus^a. Extremo anni, quia Sp. Postumius consul renunciaverat, peragrantem se propter quæstiones utrumque litus Italiæ desertas colonias, Sipontum supero, Buxentum infero mari, invenisse; triumviri ad colonos eo scribendos ex senatusconsulto ab T. Mænio prætore urbano creati sunt, L. Scribonius Libo, M. Tuccius, Cn. Bæbius Tamphilus. Cum Perseo rege et Macedonibus bellum, quod imminebat, non unde plerique opinantur, nec ab ipso Perseo causas cepit. inchoata initia a Philippo sunt: et is ipse, si diutius vixisset, id bellum gessisset. Una eum res, quum victo leges inponerentur, maxime angebat; quod, qui Macedonum ab se defecerant in bello, in eos jus sæviendi ademptum ei ab senatu erat: quum, quia rem integram Quinctius in conditionibus pacis distulerat, non desperasset impetrari posse. Antiocho rege deinde bello superato ad Thermopylas, divisis partibus, quum per eodem dies consul Acilius Heracleam, Philippus Lamiam obpugnasset; capta Heraclea, qui jussus abscedere a mœnibus Lamiæ erat,⁸⁶ Romanis-

U. C. 567.
A. C. 185.
Ap. Claudio, M.
Sempronio
Coss.
Caussæ
belli cum
Perseo.

^a Marcellus Crev.

85 M. Claudius Marcellus] Sic unus ex Hearnii codicibus, et nonnullæ editiones. Plerique et scripti et editi vitiant cognomen, et pro Marcellus exhibent Marcellinus. Sed Marcellinus est cognomen ejus qui e Marcellorum familia in aliam adoptatus foret. Itaque cum hoc cognomine de-

beret reperiri aliud gentile nomen, quam Claudius, quod fuit Marcellorum.

86 * Romanisque oppidum deditum est] Aliter res narrata est supra, XXXVI. 25. et XXXVII. 4. Alios nimirum alibi auctores secutus est Livius.

que oppidum deditum est, ægre eam rem tulerat. permulsit iram ejus consul, quod, ad Naupactum ipse festinans, quo se ex fuga Ætoli contulerant, Philippo permisit, ut Athamaniae et Amynandro bellum inferret; et urbes, quas Thessalis Ætoli ademerant, regno adjiceret. Haud magno certamine et Amynandrum Athamania expulerat, et urbes aliquot receperat. Demetriadem quoque, urbem validam et ad omnia opportunam, et Magnetum gentem suæ ditionis fecit. inde et in Thracia quasdam urbes, novæ atque insuetae libertatis vitio, seditionibus principum turbatas, partibus, quæ domestico certamine vincerentur, adjungendo sese, cepit.

XXIV. His sedata in præsentia regis ira in Romanos est. numquam tamen remisit animum a colligendis in pace viribus, quibus, quandoque data fortuna esset, ad bellum uteretur. Vectigalia regni ⁸⁷ non fructibus tantum agrorum portoriisque maritimis auxit; sed metalla etiam et vetera intermissa recoluit, et nova multis locis instituit. Ut vero antiquam multitudinem hominum, quæ belli cladibus amissa erat, restitueret; non sobolem tantum stirpis parabat, cogendis omnibus procreare atque educare liberos, sed Thracum etiam magnam multitudinem in Macedoniam traduxerat, quietusque aliquamdiu a bellis, omni cura in augendas regni opes intentus fuerat. Rediere deinde causssæ, quæ de integro iram moverent in Romanos. Thessalorum, et Per-
Thessalorum et aliorum querelæ de Philippo.
 rhæborum querelæ de urbibus suis ab eo possessis, et legatorum Eumenis regis de Thraciis oppidis per vim occupatis, traductaque in Macedoniam multitudine, ita audite erant, ut eas non neglegi satis adpareret. Maxime moverat senatum, quod jam Æni et Maroneæ adfectari possessionem audierant; minus Thessalos curabant. Athamanes quoque venerunt legati ^d, non partis amissæ, non finium jacturam querentes, sed totam Athamaniam ⁸⁸ sub jus judiciumque regis venisse. ⁸⁹ Et Maronitarum exsules (erant pulsi, quia libertatis causam defendissent, ab regio præsidio) ii non Maroneam modo, sed etiam Ænum in potestate nunciabant Philippi esse. Venerant et a Philippo legati ad purganda ea: qui nihil, nisi permissu Romanorum imperatorum, factum adfirmabant. *Civitates Thessalorum, et*

^b se Gron. Crev.
^c et del. Eæd.

^c quodocunque Eæd.

^d legati venerunt Eæd.

⁸⁷ * Non fructibus] Non solum in eo quod spectat ad fructus agrorum et portoria maritima, ex quibus vel novos sibi redditus instituit, vel pristinos amplificavit.

⁸⁸ Sub jus judiciumque regis] Simi-

lis locutio jam observata est supra l. XXXVI. c. 39.

⁸⁹ Et Maronitarum exsules erant pulsi] Lege omnino venerant, nempe Roman. Hoc postulat totus narrationis contextus.

U. C. 567. *Perrhæborum, et Magnetum, et cum Amyndro Athamanum gentem, in eadem caussa, qua Ætolos, fuisse. Antiocho rege pulso, occupatum obpugnandis Ætolicis urbibus consulem ad recipiendas eas civitates Philippus misisse. armis subactos parere.* Senatus, ne quid absente rege statueret, legatos ad eas controversias disceptandas misit, Q. Cæcilium Metellum, M. Bæbium Tamphilum, Ti. Sempronium. quorum sub adventum ad Thessalica Tempe omnibus iis civitatibus, quibus cum rege disceptatio erat, concilium indictum est.

Legati Roma missi disceptatores.

XXV. Ibi quum Romani legati disceptatorum loco, Thessali Perrhæbique et Athamanes haud dubii accusatores, Philippus ad audienda crimina tamquam reus, concessissent; pro ingenio quisque eorum, qui principes legationum erant, et gratia cum Philippo aut odio, acerbius leniusve egerunt. In controversiam autem veniebant, Philippopolis, Tricca, Phaloria, et ⁹⁰Eurymenæ, et cetera circa eas oppida; utrum Thessalorum iuris, quum vi ademptæ possessæque ab Ætolis forent, (nam Philippum Ætolis ademisse eas constabat) an Ætolica antiquitus ea oppida fuissent. *ita enim Acilium regi concessisse, si Ætolorum fuissent, et si voluntate, non si^f vi atque armis coacti, cum Ætolis essent.* Ejusdem formulæ disceptatio de Perrhæborum Magnetumque oppidis fuit. omnium enim jura possidendo per occasiones Ætoli miscuerant. Ad hæc, quæ disceptationis erant, querelæ Thessalorum adjectæ, *quod ea oppida, si jam redderentur sibi, spoliata ac deserta redditurus esset. nam, præter belli casibus amissos, quingentos principes juventutis in Macedoniam abduxisse, et opera eorum in servilibus abuti ministeriis: et, quæ reddiderit coactus Thessalis, inutilia ut redderet, curasse.* ⁹¹*Thebas Phthias unum maritimum emporium fuisse, quondam Thessalis quæstuosum et frugiferum.* ⁹²*Ibi navibus onerariis comparatis, regem, quæ præter Thebas Demetriadem cursum dirigerent, negotiationem maritimam omnem eo avertisse. Jam ne a legatis quidem, qui jure gentium*

Audiunt querelas.

^f si del. Gron. Crev.

⁹⁰ Eurymenæ, et cetera circa eas oppida] Eurymenæ eadem fortasse urbs est, quæ Straboni, l. IX. p. 443. dicitur Erymnæ. Ceterum libenter resecta voce eas legeremus, et cetera circa oppida, per usitatum apud Livium ellipsin.

⁹¹ Thebas Phthias] Thebæ Phthiæ eadem est urbs quæ supra, hoc ipso capite, dicitur Philippopolis. Illam captam Philippus, et a magna parte incolarum desertam, (quod docet obiter Livius l. XXVIII. c. 7.) novis colonis frequentaverat, et de suo nomine Phi-

lippopolin dici jusserat. Sed nimirum Thessali, qui illam urbem hic sibi reddi postulant, vetus de industria usurpant nomen, spreto illo novo, quod Philippus, adversus quem litigant, indiderat.

⁹² Ibi navibus onerariis] Sensus videtur esse, Philippum Thebis cœmissee onerarias naves, quibus negotiationem exercens ipse, et advectas ex aliis regionibus merces comportans Demetriadem, frequentaret illud emporium, et negotiationem eo modo a Thebis Demetriadem averteret.

sancti sint, violandis abstinere. insidias positas euntibus ad T. U. C. 567. Quinctium. ⁹⁵ *Itaque ergo in tantum metum omnes Thessalos A. C. 185. conjectos, ut non in civitatibus suis, non in communibus gentis conciliis, quisquam hiscere audeat. procul enim abesse libertatis auctores Romanos: lateri adharere gravem dominum, prohibentem uti beneficiis populi Romani. Quid autem, si vox libera non sit, liberum esse? Nunc se fiducia et præsidio legatorum ingemiscere magis, quam loqui. nisi provideant aliquid Romani, quo et Græcis Macedoniam adcolentibus metus, et audacia Philippi minuatur, nequidquam et illum victum, et se liberari esse. Ut* ⁹⁴ *equum tenacem, non parentem frenis asperioribus castigandum esse. Hæc acerbe postremi: quum priores leniter permulsissent iram ejus, petentes, Ut ignosceret pro libertate loquentibus; et ut, deposita domini acerbitate, adsuiceret socium atque amicum sese præstare; et imitaretur populum Romanum, qui caritate, quam metu, adjungere sibi socios mallet. Thessalis auditis, Perrhæbi Gonnocondylum, quod Philippus Olympiadem adpellaverat, Perrhæbiæ fuisse, et ut sibi restitueretur, agebant. et de Malloea et Ericinio eadem postulatio erat. Athamanes libertatem repetebant, et castella Athenæum et Pætneum.*

XXVI. Philippus, ut accusatoris potius, quam rei, speciem haberet, et ipse a querelis orsus, *Menelaïdem in Dolo-* Respondet Philippus.
pia, quæ regni sui fuisset, Thessalos vi atque armis expugnasse, questus est: item Petram in Pieria ab iisdem Thessalis Perrhæbisque captam. Xynias quidem, haud dubie Ætolicum oppidum, sibi eos contribuuisse; et Paracheloïda, quæ sub Athamania esset, nullo jure ⁹⁵ *Thessalorum formulæ factam. Nam quæ sibi crimina objiciantur, de insidiis legatorum, et maritimis portubus frequentatis aut desertis; alterum deridiculum esse, se reddere rationem, quos portus mercatores aut nautici petant; alterum mores suos respuere. Tot annos esse, per quos numquam cessaverint legati, nunc ad imperatores Romanos, nunc Romam ad senatum crimina de se deferre. quem umquam verbo violatum esse? Semel ad Quinctium euntibus insidias dici factas. sed, quid iis acciderit, non adjici.* ⁹⁶ *Quærentium, quod* falso objiciant, quum veri nihil*

* quid Gron.

⁹³ * Itaque ergo] Vid. not. 76. ad I. 25.

⁹⁴ Equum tenacem non parentem] Lege cum Dujatio sternacem, id est, qui sessorem excutit sternitque. Hac voce usus est Virgilius, Æn. XII. v. 364. Videmur delere posse ~~et~~ non parentem, quæ sapiunt glossema additum interpretandæ parum tritæ voci sternacem.

⁹⁵ Thessalorum formulæ factam] Thessalis contributam. Sic l. XXXVIII. c. 9. Urbem ne quum formulæ sui juris facerent.

⁹⁶ Quærentium quod] Libri fere habent quid: vitiose, ut observat Gronovius. Quærentium enim hic non est interrogantium, sed conquiritium. Quum igitur Vict. codex præferat quod, incunctanter recepimus.

U. C. 567. *habeant, ea crimina esse. Insolenter et inmodice abuti Thessalos indulgentia populi Romani, velut ex diutina siti nimis avidè meram haurientes libertatem. Itaque^h, servorum modo præter spem repente manumissorum,⁹⁷ licentiam vocis et linguæ experiri, et jactare sese insectatione et convitiis dominorum. Elatus deinde ira adjecit,⁹⁸ Nondum omnium dierum solem occidissee. Id minaciter dictum, non Thessali modo in sese, sed etiam Romani acceperunt. et quum fremitus post eam vocem ortus, et tandem sedatus esset, Perrhæborum inde Athamanumque legatis respondit, *Eandem, de quibus illi agant, civitatum causam esse. consulem Acilium et Romanos sibi dedisse eas, quum hostium essent. Si suum munus, qui dedissent, adimere velint, scire se, cedendum esse: sed meliori ac fideliori amico, in gratiam levium et inutilium sociorum, injuriam eos esse facturos. Nec enim ullius rei minus diuturnam esse gratiam, quam libertatis: præsertim apud eos, qui male utendo eam corrupturi sint. Causa cognita, pronuntiaverunt legati, Placere, deduci præsidia Macedonum ex iis urbibus, et antiquis Macedonia terminis regnum finiri. De injuriis, quas ultro citroque inlatas querantur, quo modo inter eas gentes et Macedonas disceptetur,⁹⁹ formulam juris exsequendi constituendam esse.**

Legatorum
judicium.

Querelæ le-
gatorum
Eumenis de
Thraciæ ur-
bibus.

XXVII. Inde, graviter offenso rege, Thessalonicen ad cognoscendum de Thraciæ urbibus proficiscuntur. ibi legati Eumenis: *Si liberas esse Ænum et Maroneam velint Romani, nihil sui pudoris esse ultra dicere,¹ quam ut admoneant, re, non verbo, eos liberos relinquant, nec suum munus intercipi ab alio patiantur. Sin autem minor cura sit civitatum in Thracia positarum, multo verius esse, quæ sub Antiocho fuerint, præmia belli Eumenem, quam Philippum, habere, vel pro patris Attali meritis bello, quod adversus Philippum ipsum gesserit populus Romanus:² vel suis, quod Antiochi bello terra marique laboribus¹ periculisque omnibus interfuerit. Habere eum præterea decem legatorum in eam rem³ præjudicium, qui*

^h Ita Gron.

ⁱ laboribusque Ead.

97* Licentiam vocis et linguæ experiri] Experimentum capere licentiæ sermonum, cujus novitas illis mire placeat.

98 Nondum omnium dierum solem occidissee] Quasi diceret: Ne nimium confiderent præsentī rerum statui: superesse et sibi et illis satis temporis, ut mutatas res videre possent.

99* Formulam juris exsequendi constituendum esse] Constituendam esse formulam, ex qua Philippus et adversariæ civitates apud se, vel apud senatum, de injuriis mutuis disceptarent.

Vid. not. 42. ad XL. 12.

1 Quam ut admoneant] Ipsi qui loquuntur, Eumenis legati. Verba sequentia relinquant, patiantur, pertinent ad Romanos. Gronovianæ editiones admoneat: contra editorum omnium et scriptorum fidem, teste Hearnio. Repugnat et sensus, ex quo verbum referri debet ad legatos Eumenis, ac proinde pluralis esse numeri.

2 Vel suis, quod] Lege cum Gronovio vel suis, qui.

3* Præjudicium] Vid. not. 80. ad III. 40.

quum Chersonesum *Lysimachiamque* dederint, *Maroneam* quo- U. C. 567.
que atque *Ænum* profecto dedisse, quæ ipsa propinquitate re- A. C. 185.
gionis velut appendices majoris muneris essent. Nam *Philippum* quidem quo aut merito in populum Romanum, aut
jure imperii, quum tam procul a finibus *Macedoniæ* absint, ci-
vitatibus his præsidia inposuisse? Vocari *Maronitas* juberent.
ab iis certiora omnia de statu civitatum earum scituros. Le-
gati *Maronitarum* vocati, Non uno loco tantum urbis præsi- Maronita-
dium regum esse, sicut in aliis civitatibus, dixerunt, sed plu- rum quere-
ribus simul, et plenam *Macedonum* *Maroneam* esse. itaque do- læ.
minari adsentatores regios. his solis loqui et in senatu et in
concionibus licere. eos omnes honores et capere ipsos, et dare
aliis. Optimum quemque, quibus libertatis, quibus legum
cura sit, aut exulare pulsos patria, aut inhonoratos et deterio-
ribus obnoxios silere. De jure etiam finium pauca adjece-
runt: ⁴Q. *Fabium Labeonem*, quum in regione ea fuisset, di-
rexisset finem *Philippo* veterem viam regiam, ⁵quæ ad* *Thra-*
ciæ Paroreiam subeat, nusquam ad mare declinantem. *Phi-*
lippum novam postea deflexisse viam, qua *Maronitarum* urbes
agrosque amplectatur.

XXVIII. Ad ea *Philippus* longe aliam, quam adversus Responso
Thessalos Perrhæbosque nuper, ingressus disserendi viam, Philippi.
Non cum *Maronitis*, inquit, mihi aut cum *Eumene* disceptatio
est; ⁶sed jam¹ vobiscum, *Romani*; a quibus nihil æqui me im-
petrare jam diu animadverto. Civitates *Macedonum*, quæ a
me inter inducias defecerant, reddi mihi æquum censebam;
non quia magna accessio ea regni futura esset, (sunt enim et
parva oppida, et in finibus extremis posita) sed quia multum
ad reliquos *Macedonas* continendos exemplum pertinebat. ne-
gatum est mihi. Bello *Ætolico* *Lamiam* obpugnare jussus a
consule M'. *Acilio*, quum diu fatigatus ibi præliis operibusque
essem, transcendentem me jam muros a capta prope urbe revo-
cavit consul, et abducere copias inde coëgit. Ad hujus solatium
injuriam permissum est, ut *Thessaliæ Perrhæbiæque* et *Athama-*
num reciperem quædam castella magis, quam urbes. ea quoque
ipsa vos mihi, Q. *Cæcili*, paucos ante dies ademistis. Pro non

* ad del. Crev.

¹ etiam Gron.

⁴ Q. *Fabium Labeonem*] Hic est
qui quinquennio ante classi præfuerat,
et dicitur supra, l. XXXVII. c. 60. cu-
ravissee deducenda ab *Æno* et *Maronea*
Antiochi præsidia.

⁵ Quæ *Thraciæ Paroreiam* subeat] Quæ
sub finem *Paroreiæ* *Thraciæ* por-
rigatur. Adi *Strabonem*, l. VII. p.
326. et *Plin.* l. IV. c. 10. *Paroreia* est
Græca vox, qua notatur regio adjacens
montibus. *Erasimus* voculam ad ante
Thraciæ, moniti a *Gronovio*, qui eam

ab omnibus scriptis et editis, quos in-
spexit, abesse affirmat. Nec eam ag-
noscit *Vict.* codex. Mox sequitur nus-
quam ad mare declinantem: ubi pro
ultima voce, quæ a *Gelenio* est, idem
Gronovius testatur ubique legisse se
ferentem. Favet ei hic quoque noster
MS.

⁶ Sed jam] Sic membranæ *Jac.*
Gronovio inspectæ; itemque MSS.
Hearnii, et noster *Vict.* et *Andrea*
editio. Vulgo sed etiam: minus apte.

U. C. 167. dubio paullo ante, si Diis placet, legati Eumenis sumebant,
 A. C. 185. quæ Antiochi fuerunt, Eumenem æquius esse, quam me, habere. id ego aliter longe judico esse. Eumenes enim, non nisi vicissent Romani, sed nisi bellum gessissent, manere in regno suo non potuit. Itaque ille vestrum meritum habet, non vos illius: mei autem regni, tantum aberat, ut ulla pars in discrimine fuerit, ut ⁷tria millia talentum, et quinquaginta tectas naves, et omnes Græciæ civitates, quas antea tenuissem, pollicentem ultro Antiochum in mercedem societatis sim adspersatus. hostemque ei me esse prius etiam, quam M⁷. Acilius exercitum in Græciam trajiceret, præ me tuli: et cum eo consule belli partem, quamcumque mihi delegavit, gessi. et insequentî consuli L. Scipioni, quum terra statuisset ducere exercitum ad Hellespontum, non iter tantum per regnum nostrum dedi, sed vias etiam muniri, pontes feci, commeatus præbui: nec per Macedoniam tantum, sed per Thraciam etiam, ubi^m inter cetera ⁸pax quoque præstanda a barbaris erat. Pro hoc studio meo erga vos, ne dicam merito, utrum adjicere vos, Romani, aliquid, et amplificare et augere regnum meum munificentia vestra oportebat, an, quæ haberem aut meo jure, aut beneficio vestro, eripere? id quod nunc facitis. Macedonum civitates, quas regni mei fuisse fatemini, non restituntur. Eumenes, tamquam ad Antiochum, adⁿ spoliandum me venit, et, si Diis placet, decem legatorum decretum calumniæ impudentissimæ prætendit; quo maxime et refelli et coargui potest. Desertissime enim planissimeque in eo scriptum est, Chersonesum et Lysimachiam Eumeni dari. Ubi tandem Ænus, et Maronea, et Thraciæ civitates adscriptæ sunt? quod ab illis ne postulare quidem est ausus, id apud vos, tamquam ab illis impetraverit, obtinebit? Quo in numero me apud vos esse velitis, ⁹refert. Si tamquam inimicum et hostem insectari propositum est, pergite, ut cœpistis facere. Sin aliquis respectus est mei, ut socii atque amici regis, deprecor, ne me tanta injuria dignum judicetis.

XXIX. Movit aliquantum oratio regis legatos. itaque medio responso rem suspenderunt: Si decem legatorum decreto Eumeni datæ civitates eæ essent, nihil se mutare. si Philippus bello cepisset eas, præmium victoriæ jure belli habiturum. si neutrum eorum foret, placere cognitionem senatui reservari: et, ¹⁰ut omnia in integro manerent, præsidia, quæ in iis urbibus sint, deduci. Hæ causæ maxime animum Philippi aliena-

Legati medio responso rem suspendunt.

^m ubi etiam Gron. Crev.

ⁿ ad del. Eæd.

7 Tria millia talentum] Marcas argentei 281250.

8* Pax . . . præstanda a barbaris erat] Danda opera erat, ut pacem tutam, ut nullam vim a barbaris transiens exercitus experiretur.

9 Refert] Id agitur: id spectandum venit: in eo res vertitur.

10* Ut omnia in integro manerent] Ut neutram in partem res inclinata videretur, sed plane inter utrosque suspensa.

verunt ab Romanis: ut non a Perseo filio ejus novis caus- U.C. 567.
sis motum, sed ob has a patre bellum relictum filio videri A.C. 185.
possit. Romæ nulla belli Macedonici suspicio erat. L. Manlius ex
Manlius proconsul ex Hispania redierat. cui postulanti ab Hispania
senatu in æde Bellonæ triumphum rerum gestarum magni- ovans.
tudo impetrabilem faciebat, exemplum obstabat; quod ita
comparatum more majorum erat, ne quis, qui exercitum
non deportasset, triumpharet, nisi perdomitam pacatamque
provinciam tradidisset successori. medius tamen honos
Manlio habitus, ut ovans urbem iniret. Tulit coronas au-
reas quinquaginta duas: ¹¹auri præterea pondo centum
triginta^o duo: argenti sedecim millia trecenta: et pronun-
ciavit in senatu, ¹²decem millia pondo argenti, et octoginta
auri Q. Fabium quæstorem advehere. id quoque se in æra-
rium inlaturum. Magnus motus servilis eo anno in Apulia
fuit. Tarentum provinciam L. Postumius prætor habebat.
Is de pastorum conjuratione, qui vias latrociniis pascuaque
publica infesta habuerant, quæstionem severe exercuit. ad
septem millia hominum condemnavit: multi ¹³inde fuge-
runt, de multis sumtum est supplicium. Consules, diu
retenti ad urbem delectibus, tandem in provincias profecti
sunt.

XXX. Eodem anno in Hispania prætores C. Calpurnius Res gestæ
et L. Quinctius, quum primo vere ex hibernis copias educ- in Hispan-
tas in Bæturia junxissent, in Carpetaniam, ubi hostium-
castra erant, ¹⁴progressi sunt, communi animo consilioque
parati rem gerere. Haud procul Hippone et Toletu urbi-
bus inter pabulatores pugna orta est. quibus dum utrimque
subvenitur a castris, paullatim omnes copię in aciem eductę
sunt. in eo tumultuario certamine et ¹⁵loca sua et genus
pugnę pro hoste fuere. duo exercitus Romani fusi atque
in castra compulsi sunt. non institere percussis hostes. Romanis
Prætores Romani, ne postero die castra obpugnarentur, vincuntur.
silentio proximę noctis ¹⁶tacito signo exercitum abduxe-
runt. Luce prima Hispani acie instructa ad vallum acces-
serunt, vacuaque præter spem castra ingressi, quę derelicta

° viginti Gron. Crev.

11 Auri pondo centum viginti
duo] Marcas Parisienses 190. uncias 5.
Argenti sedecim millia trecenta. Marcas
25468. uncias 6.

12 Decem millia pondo argenti]
Marcas 15625. Octoginta auri. Mar-
cas 125.

13 Inde fugerunt] Vacat et inde.

14 Progressi sunt, communi ani-
mo] Victorinus codex, ut et scripti
veteresque editi Gronovio excussi, ro-
tundiorum orationem exhibet: pro-

gressi, communi animo consilioque rem
gesserunt.

15 * Loca sua] Loca sibi, id est, His-
panis opportuna.

16 Tacito signo] Signum tacitum
intelligendum videtur, non vocale,
quod tuba, aut classico, aut cornu dari
solet: sed mutum clandestinumque,
id est, per tesseram datum. Silius,
LXV. v. 475. tacitum dat tessera sig-
num. * De tessera vid. not. 61. ad VII.
35.

U. C. 567. inter nocturnam trepidationem erant, diripuerunt: regres-
 A. C. 185. sique in sua castra, paucos dies quietis stativis manserunt. Romanorum sociorumque, in prælio fugaque, ad quinque millia occisa; quorum se spoliis hostes armarunt. inde ad Tagum flumen profecti sunt. Prætores interim Romani omne id tempus contrahendis ex civitatibus sociis Hispanorum auxiliis, reficiendisque ab terrore adversæ pugnae militum animis, consumserunt. ubi satis placuere vires, et jam miles quoque, ad delendam priorem ignominiam, hostem posebat; duodecim millia passuum ab Tago flumine posuerunt castra. inde tertia vigilia sublatis signis, quadrato agmine principio lucis ad Tagi ripam pervenerunt. Trans fluvium in colle hostium castra erant. extemplo, qua duobus locis vada nudabat amnis, dextera parte Calpurnius, læva Quinctius exercitum traduxerunt; quieto hoste, dum miratur subitum adventum, consultatque, qui tumultum injicere trepidantibus in ipso transitu amnis potuisset. Interim Romani, impedimentis quoque omnibus traductis contractisque in unum locum, quia jam moveri videbant hostem, nec spatium erat castra communiendi, aciem instruxerunt. in medio locatæ quinta Calpurnii legio et octava Quinctii. id robur toto exercitu erat. Campum apertum usque ad hostium castra habebant, liberum a metu insidiarum.

XXXI. Hispani, postquam in citeriore ripa duo Romanorum agmina conspexerunt, ut, priusquam se jungere atque instruere possent, occuparent eos, castris repente effusi
 Acriter iterum pugnat-
 tur. fuit, et Hispanis recenti victoria ferocibus, et insueta ignominia milite Romano accenso. acerrime media acies, duæ fortissimæ legiones, dimicabant; quas quum aliter moveri loco non posse hostis cerneret, cuneo institit pugnare: et usque plures confertioresque, medios urgebant. Ibi postquam laborare aciem Calpurnius prætor vidit, T. Quinctilium Varum et^p L. Juventium Thalmam legatos ad singulas legiones adhortandas propere mittit. Docere et monere jubet, *in illis spem omnem vincendi et retinendæ Hispaniæ esse. Si illi loco cedant, neminem ejus exercitus non modo Italiam, sed ne Tagi quidem ulteriorem ripam, umquam visurum.* Ipse, cum equitibus duarum legionum paullulum circumvectus, in cuneum hostium, qui mediam urgebat aciem, ab latere incurrit. ¹⁷Quinctius cum suis equitibus

P et del. Gron. Crev.

¹⁷ *Quintius cum suis equitibus]* Quinam sunt illi equites proprii Quinctii, quum duarum legionum equites Calpurnius duxisse in hostem supra dicatur? Alii non videntur intelligi posse

quam equites socii: quos sibi nempe Quintius desumpserat, quum legionarios equites ejus collega in hostes duceret. Optarem, ut clarius mentem suam aperuisset Livius.

alterum hostium latus invadit: sed longe acrius Calpur- U. C. 567.
 niani equites pugnabant, et prætor ipse ante alios. nam et A. C. 185.
 primus hostem percussit, et ita se immiscuit mediis, ut vix,
 utrius partis esset, nosci posset. et equites prætoris eximia
 virtute, et equitum pedites accensi sunt. Pudor movit
 primos centuriones, qui inter tela hostium prætorem con-
 spexerunt. Itaque urgere signiferos pro se quisque, jubere
 inferre signa, et confestim militem sequi. Renovatur ab
 omnibus clamor. inpetus fit velut ex superiore loco. Haud
 secus ergo, quam torrentis modo, fundunt sternuntque per-
 culsos, ¹⁸nec sustinere alii super alios inferentes sese pos-
 sunt. Fugientes in castra equites persecuti sunt, et per-
 mixti turbæ hostium intra vallum penetraverunt. ubi ab
 relictis in præsidio castrorum prælium instauratum: co-
 actique sunt Romani equites descendere ex equis. Dimi-
 cantibus iis, legio quinta supervenit: deinde, ut quæque
 potuerant, copiæ adfluebant. Cæduntur passim Hispani
 per tota castra; nec plus quam quatuor millia hominum
 effugerunt. inde tria millia fere, qui arma retinuerant, mon-
 tem propinquum ceperunt: mille semiermes maxime per
 agros palati sunt. Supra triginta quinque millia hostium
 fuerant, ex quibus tam exigua pars pugnae superfuit. signa
 capta centum triginta tria. Romani sociique paullo plus
 sexcenti, et provincialium auxiliorum centum quinquaginta
 ferme ceciderunt. tribuni militum quinque amissi, et pauci
 equites Romani, ¹⁹cruentæ maxime victoriæ speciem fece-
 runt. In castris hostium, quia ipsis spatium sua commu-
 niendi non fuerat, manserunt. Pro concione postero die
 laudati donatique a C. Calpurnio equites ²⁰phaleris. pronun-
 ciavitque, eorum maxime opera hostes fusos, castra capta
 et expugnata esse. Quinctius alter prætor ²¹suos equi-
 tes ²²catellis ac fibulis donavit. donati et centuriones ex
 utriusque exercitu permulti; maxime qui mediam aciem
 tenuerunt.

Vincuntur
Hispani.

XXXII. Consules delectibus aliisque, quæ Romæ agen- Res in Li-
 dæ erant, peractis rebus, in Ligures provinciam exercitum guria gesta.
 duxerunt. Sempronius, a Pisis profectus in Apuanos Li-
 gures, vastando agros, urendoque vicos et castella eorum,
 aperuit saltum usque ad fluvium Macram et Lunæ portum.

18 *Nec sustinere alii super alios]*
 Lege sine ulla dubitatione cum Peri-
 zonio: *nec sustineri. . possunt, nempe*
 Romani.

19 * *Cruentæ]* Maxime fecerunt spe-
 ciem cruentæ victoriæ, maxime in
 causa fuerunt cur victoria cruenta ju-
 dicaretur. Etenim insignes viri amissi
 majus sunt quam pro numero damnum.

20 *Phaleris]* Vid. not. 5. ad c. 46.
 l. IX.

21 *Suos equites]* Eos equites, quos
 in pugna circa se habuerat. Vid. not.
 17. supra.

22 *Catellis]* Id est, catenulis, quæ
 essent pro quibusdam quasi torqui-
 bus.

U. C. 567. Hostes montem, antiquam sedem majorum suorum, ceperunt: et inde, superata locorum iniquitate, proelio dejecti sunt. Et Ap. Claudius felicitatem virtutemque collegæ in Liguribus Ingaunis æquavit secundis aliquot præliis. sex præterea oppida eorum expugnavit: multa millia hominum in iis cepit: belli auctores tres et quadraginta securi percussit. Jam comitiorum adpetebat tempus. prior tamen Claudius, quam Sempronius, cui sors comitia habendi obtigerat, Romam venit; quia P. Claudius frater ejus consulatum petebat. Competitores^q habebat patricios L. Æmilius, Q. Fabium^r, Ser. Sulpicium Galbam, veteres candidatos, et ab repulsis eo magis debitum, quia primo negatus erat, honorem repetentes. etiam, quia plus quam unum ex patriciis creari non licebat, artior petitio quatuor petentibus erat. Plebei quoque gratiosi homines petebant, L. Porcius, Q. Terentius Culleo, Cn. Bæbius Tamphilus.²³ et hi^s repulsi, in spem impetrandi tandem aliquando honoris dilati. Claudius unus ex omnibus novus candidatus erat. Opinione hominum²⁴ haud dubie destinabantur Q. Fabius Labeo et L. Porcius Licinus. sed Claudius consul sine licitoribus cum fratre toto foro volitando, clamitantibus^t adversariis et majore parte senatus, meminisse eum debere prius, se consulem populi Romani, quam fratrem P. Claudii, esse: quin ille, sedens pro tribunali, aut arbitrum, aut tacitum spectatorem comitiorum se præberet; coërceri tamen ab effuso studio nequii. Magnis contentionibus tribunorum quoque plebei, qui aut contra consulem, aut pro studio ejus pugnant, comitia aliquoties turbata: donec pervicit Appius, ut, dejecto Fabio,²⁵ fratrem traheret. Creatus P. Claudius Pulcher præter spem suam et ceterorum. locum suum tenuit L. Porcius Licinus, quia moderatis studiis, non²⁶ vi Claudiana, inter plebeios certatum est. Prætorem inde comitia sunt habita. C. Decimius Flavus, P. Sempronius Longus, P. Cornelius Cethegus, Q. Nævius Matho, C. Sempronius Blæsus, A. Terentius Varro, prætores facti. Hæc eo anno, quo Ap. Claudius, M. Sempronius consules fuerunt, domi militiæque gesta.

^q, competitorum Gron. Crev.
^t clamantibus Gron. Crev.

^r add. Labeonem Eæd.

^s ii Gron.

23 Et hi repulsi] Vulgo et ii. Deditur et hi, auctore Victor. codice. Sensus est: hi quoque, quod repulsam antea consulatum petentes tulerant, dilati erant et rejecti in spem impetrandi tandem aliquando honoris. Repulsos absolute dici eos qui quum honorem aliquem a populo peterent, eum consequi non potuerant, constat ex Orat. Cic. de Har. Resp. n. 56.

24 Haud dubie] Unus e MSS. Gronovianis, assentiente nostro Vict. pro non dubie. Unde legendum fortasse videatur pro non dubiis.

25 Fratrem traheret] Fratrem ad consulatum per vim quodammodo proveharet.

26 Vi Claudiana] Violentia propria Claudie gentis, in qua velut hæreditaria erat imperiosa contumacia.

XXXIII. Principio insequentis anni P. Claudius, L. U. C. 563. Porcius consules, quum Q. Cæcilius, M. Bæbius, et Ti. A. C. 184. Sempronius, qui ad disceptandum inter Philippum et Eu- P. Claudio, menem reges Thessalorumque civitates missi erant, legatio- L. Porcio Coss. nem renunciassent^u, regum quoque eorum civitatumque legatos in senatum introduxerunt. Eadem utrimque iterata, quæ dicta apud legatos in Græcia erant. Aliam deinde legationem novam Patres, cujus princeps Ap. Claudius fuit, in Macedoniam et in Græciam decreverunt ad visendum, redditaene civitates^x ²⁷Thessalis et Perrhæbis essent. Iis- Legati missi in Græciam. dem mandatum, ut ab Æno et Maronea præsidia deducerentur, maritimaque omnis Thraciæ ora a Philippo et Macedonibus liberaretur. Peloponnesum quoque adire jussi, unde prior legatio discesserat incertiore statu rerum, quam si non venissent. nam super cetera etiam ²⁸sine responso dimissi, nec datum petentibus erat Achæorum concilium. De qua re querente graviter Q. Cæcilio, simul Lacedæmoniis deplorantibus, mœnia diruta, abductam plebem in Achaïam et venundatam, ademptas, quibus ad eam diem civitas stetisset, Lycurgi leges, Achæi maxime concilii negati crimen excusabant, recitando legem, quæ, nisi belli pacisve causa, et quum legati ab senatu cum literis aut scriptis mandatis venirent, vetaret indici concilium. Ea ne postea excusatio esset, ostendit senatus, curæ iis esse debere, ut Romanis legatis semper adeundi concilium gentis potestas fieret; quemadmodum et illis, quoties vellent, senatus daretur.

XXXIV. Dimissis iis legationibus, Philippus, a suis certior factus, cedendum civitatibus, deducendaque præsidia esse, infensus omnibus, in Maronitas iram effundit. Onomasto, qui præerat maritimæ oræ, mandat, ut partis adversæ principes interficeret. Ille per Casandrum^y quem- Maronitæ a Philippo crudeliter trucidati. dam, unum ex regiis jam diu habitantem Maronæ, nocte Thracibus intromissis, velut in bello capta urbe, cædem fecit. ²⁹Id apud Romanos legatos querentes tam crudeliter adversus innoxios Maronitas, tam superbe adversus populum Romanum factum, ut, quibus libertatem restituendam

^u anni P. Claudio, L. Porcio consulibus, Q. Cæcilius, M. Bæbius, et Ti. Sempronius, qui . . . renunciarunt etc. Gron. Crev. ^x Rhodiis et Thess. et P. Eæd.
^y Casandrum Crev.

²⁷ Rhodiis et Thessalis] Cur hic Rhodi nominentur, parum liquet. Neque enim ulla eorum, in querelis populorum de Philippo memorandis, aut supra apud Livium, aut in Excerptis e Polybio legationibus exstat mentio. Et vero τὰ Rhodiis et non comparent in codice Vict.

²⁸ Sine responso dimissi] Fusius rem exponit Polybius, Legat. 41. do-

cetque Q. Cæcilius non sine responso dimissum ab Achæis, sed responsum ab Achæorum magistratibus accipere noluisse, indignatum quod sibi negatum fuisset concilium gentis.

²⁹ Id apud Romanos legatos querentes] Notabile hyperbaton. Apud Romanos legatos querentes id factum tam crudeliter . . .

U. C. 568. senatus censuisset, ii pro hostibus trucidarentur, abnuebat,
 A. C. 184. *quidquam eorum ad se, aut quemquam suorum pertinere. Seditione inter ipsos dimicatum, quum alii ad se, alii ad Eumenum civitatem traherent. id facile scituros esse⁹. percunctarentur ipsos Maronitas: haud dubius, percussis omnibus terrore tam recentis cædis, neminem hiscere adversus se ausurum. Negare Appius, Rem evidentem pro dubia quærendam. si ab se culpam removere vellet, Onomastum et Casandrum, per quos acta res diceretur, mitteret Romam, ut eos senatus percunctari posset. Primo adeo perturbavit ea vox regem, ut non color, non vultus ei constaret. deinde, conlecto tandem animo, Casandrum, qui Maroneæ fuisset, si utique vellent, se misurum dixit. Ad Onomastum quidem quid eam rem pertinere, qui non modo Maroneæ, sed ne in regione quidem propinqua fuisset? Et parcebat magis Onomasto, honoratori amico, et eundem indicem haud paullo plus timebat; quia et ipse sermonem cum eo contulerat, et multorum talium ministrum et conscium habebat. Casander quoque, missis, qui per Epirum ad mare prosequerentur eum, ne qua indicium emanaret, ³⁰veneno creditur sublatus.*

Philippus
 Demetrium
 F. Romam
 mittit.

XXXV. Et legati a Philippi conloquio ita digressi sunt, ut præ se ferrent, nihil eorum sibi placere: et Philippus, minime, quin rebellandum esset, dubius, quia tamen in maturæ ad id vires erant, ad moram interponendam Demetrium, minorem filium, mittere Romam, simul ad purganda crimina, simul ad deprecandam iram senatus, statuit: satis credens, ipsum etiam juvenem, quod Romæ obses specimen regiæ indolis dedisset, aliquid momenti facturum. Interim per speciem auxilii Byzantiis ferendi, re ipsa ad terrorem regulis Thracum injiciendum, profectus, percussis iis uno prælio, et Amadoco duce capto, in Macedoniam rediit, missis ad adcolas Istri fluminis barbaros, ut in Italiam inrumperent, sollicitandos. Et in Peloponneso adventus Romanorum legatorum, qui ex Macedonia in Achaïam ire jussi erant, expectabatur: adversus quos ut præparata consilia haberent, Lycortas prætor concilium indixit. Ibi de Lacedæmoniis actum. *Ex hostibus eos accusatores factos: et periculum esse, ne victi magis timendi forent, quam bellantes fuissent. quippe in bello sociis Romanis Achæos usos: nunc eosdem Romanos æquiores Lacedæmoniis, quam Achæis, esse: ubi ³¹Arcus etiam et Alcibiades, ambo exsules, suo beneficio restituti, legationem Romam adversus gentem Achæorum ita de*

Concilium
 Achæorum.

⁹ esse, si perc. Gron. Crev.

³⁰ Veneno creditur sublatus] Id Polybius pro certo affirmat, l. 44.

³¹ Arcus . . . et Alcibiades] Principes inter Lacedæmonios viri, pulsati olim

patria a Nabide tyranno, atque ab Achæis recepti, mox eorundem opera post interfectum Nabin in patriam restituti. Pausan. l. VII.

ipsis meritam suscepissent, adeoque infesta oratione usi essent, ut patria pulsi, non restituti in eam, viderentur. Clamor undique ortus, referret nominatim de iis. et, quum omnia ira, non consilio, gererentur, capitis damnati sunt. Paucos post dies Romani legati venerunt. his Clitore in Arcadia datum est concilium.

XXXVI Priusquam agerent quidquam, terror Achæis injectus erat et cogitatio, quam non ex æquo disceptatio futura esset; quod Areum et Alcibiadem, capitis ab se in concilio proximo damnatos, cum legatis videbant, nec hiscere quisquam audebat. Appius ea, quæ apud senatum questi erant Lacedæmonii, displicere senatui ostendit: ³²*cædem primum ad conflictum factam eorum, qui a Philopæmene ad causam dicendam evocati venissent: deinde, quum in homines ita sævitum esset, ne in ulla parte crudelitas eorum cessaret, muros dirutos urbis nobilissimæ esse, leges vetustissimas abrogatas, inclitamque per gentes Lycurgi disciplinam sublatam.* Hæc quum Appius dixisset, Lycortas, et quia prætor, et quia Philopæmenis, auctoris omnium, quæ Lacedæmone acta fuerant, factionis erat, ita respondit: *Difficilior nobis, Ap. Claudii, apud vos oratio est, quam Romæ nuper apud senatum fuit. Tunc enim Lacedæmoniis accusantibus respondendum erat: nunc a vobis ipsis accusati sumus, apud quos caussa dicenda est. quam iniquitatem conditionis subimus illa spe, iudicis animo te auditurum esse, posita contentione, qua paullo ante egisti. Ego certe, quum ea, quæ et hic antea apud Q. Cæcilium, et postea Romæ questi sunt Lacedæmonii, a te paullo ante relata sint, non tibi, sed illis, me apud te respondere credam. Cædem objicitis eorum, qui a Philopæmene prætore evocati ad causam dicendam interfecti sunt. Hoc ego crimen non modo a vobis, Romani, sed ne apud vos quidem nobis objiciendum fuisse arbitror. Quid ita? quia in vestro fœdere erat, ut maritimis urbibus abstinerent Lacedæmonii. Quo tempore armis captis urbes, a quibus abstinere jussi erant, nocturno inpetu occupaverunt, si T. Quinctius, si exercitus Romanus, sicut antea, in Peloponneso fuisset, eo nimirum capti et obpressi confugissent. Quum vos procul essetis, quo alio, nisi ad nos socios vestros, quos antea Gythio opem ferentes, quos Lacedæmonem vobiscum simili de caussu obpugnantes viderant, confugerent? Pro vobis igitur justum primumque bellum suscepimus. Quod quum alii laudent, reprehendere ne Lacedæmonii quidem possint, Dii quoque ipsi*

Romanus
legatus increpat
Achæos.

Respondet
Lycortas
Achæorum
Pr.

32 *Cædem primum ad conflictum factam eorum*] Locus corruptus. Gronovius suspicatur, *cædem primum contra fidem datam eorum*. Nobis verisimilius videtur in voce *conflictum* latere nomen loci, ad quem cædes illa

facta sit. Huic loco *Compassium* fuisse nomen discimus ex Polybio, Leg. 37. Legendum ergo putamus sine ulla dubitatione: *cædem primum ad Compassium factam eorum*.

U. C. 568. comprobaverint, qui nobis victoriam dederunt; quonam modo
 A. C. 184. ea, quæ belli jure acta sunt, in disceptationem veniunt? quorum tamen maxima pars^z nihil pertinet ad nos. Nostrum est, quod evocarimus eos ad causam dicendam, qui ad arma multitudinem exciterant, qui expugnaverant maritima oppida, qui diripuerant, qui cædem principum fecerant. Quod vero illi, venientes in castra, interfecti sunt, vestrum est, Arcu et Alcibiade, qui nunc nos, si Diis placet, accusatis, non nostrum. Exsules Lacedæmoniorum (quo in numero hi quoque duo fuerunt) et tunc nobiscum erant, et^a, quod ³³domicilium^b sibi delegerant maritima oppida, se petitos credentes, in eos, quorum opera patria extorres ne in tuto quidem exilio posse consensescere se indignabantur, inpetum fecerunt. Lacedæmonii igitur Lacedæmonios, non Achæi, interfecerunt. nec, jure an injuria cæsi sint, argumentari refert.

XXXVII. At enim illa certe vestra sunt, Achæi, quod leges disciplinamque vetustissimam Lycurgi sustulistis, quod muros diruistis. Quæ utraque ab iisdem objici qui possunt? quum muri Lacedæmonii non ab Lycurgo, sed paucos ante annos ad dissolvendam Lycurgi disciplinam exstructi sint. Tyranni enim nuper eos, arcem et munimentum sibi, non civitati, paraverunt. Et, si existat hodie ab inferis Lycurgus, gaudeat ruinis eorum, et nunc se patriam et Spartam antiquam agnoscere dicat. Non Philopæmenem exspectare, nec Achæos, sed vos ipsi, Lacedæmonii, vestris manibus amoliri et diruere omnia tyrannidis vestigia debuistis. Vestra enim illæ deformes veluti cicatrices servitutis erant: et, quum sine muris ³¹per octingentos prope annos liberi, aliquando etiam principes Græciæ fuissetis, ³⁵muris, velut compedibus, circumdatis vincti per centum annos servistis. Quod ad leges ademptas adtinet, ego antiquas Lacedæmonii leges tyrannos ademisse arbitror; nos non suas ademisse, quas non habebant, sed nostras leges dedisse; nec male consuluisse civitati, quum concilii nostri eam fecerimus, et nobis miscuerimus, ut corpus unum et concilium totius Pelopon-

^z pars maxima Crev.

^a et del. Gron. Crev.

^b domicilio Gron.

33 Domicilium] Hæc est vett. editorum lectio, quam a Gronovio testatam Clericus admisit. Vulgo domicilium.

34 Per octingentos prope annos] Numerus oratorie auctus. Siquidem a Lycurgo, quem hic respicit Livius, ad Cleomenem Leonidæ filium, qui primus tyrannus Lacedæmonie fuisse dicitur supra, lib. XXXIV. c. 26. non effluerant anni sexcenti et octoginta.

35 Muris velut compedibus circumdatis vincti per centum annos servistis] Duo hic affirmantur a Livio: unum, muros Lacedæmonii ante centum an-

nos exstrui coëptos esse; alterum, Lacedæmonem per centum annos servisse, nimirum a tyrannis oppressam. Hoc postremum nullo pacto verum esse potest, quum inter initium regni Cleomenis et Nabidis mortem soli intersint anni 46. Primum illud de muris firmatur auctoritate Pausaniæ et Justinini, ut observavimus ad l. XXXIV. c. 38. supra. Sed qui id liceat dicere Livio non videmus, qui et loco modo memorato et hic in iis quæ proxime præcedunt scripsit muros Sparta paucos ante annos, nuper, a tyrannis exstructos esse.

Probably 1500 years only
 a historical exaggeration

nesi esset. Tunc, ut^c opinor, si aliis ipsi legibus viveremus, U. C. 568. alias istis injunxissemus, queri, se iniquo jure esse, et indignari A. C. 184. possent. Scio ego, Ap. Claudii, hanc orationem, qua sum adhuc usus, neque sociorum apud socios, neque liberæ gentis esse: sed vere servorum^d disceptantium apud dominos. Nam, si non vana illa³⁶ vox præconis fuit, qua liberos esse omnium primos Achæos jussistis, si fœdus ratum est, si societas et amicitia ex æquo observatur, cur ego, quid, Capua capta, feceritis Romani, non quæro; vos rationem reposcitis, quid Achæi Lacedæmoniis bello victis fecerimus? Interfecti aliqui sunt; finge, a nobis. Quid? vos senatores Campanos securi non percussistis? Muros diruimus. vos non muros tantum, sed urbem et agros ademistis. Specie, inquit, æquum est fœdus: re apud Achæos³⁷ precaria libertas^e, apud Romanos etiam imperium est. Sentio, Appi, et, si non oportet, non indignor; sed, oro vos, quantumlibet intersit inter Romanos et Achæos, modo ne in æquo hostes vestri nostrique apud vos sint, ac nos socii; immo ne meliore jure sint. Nam, ut in æquo essent, nos fecimus, quum leges iis nostras dedimus; quum, ut Achæi concilii essent, effecimus. Parum est victis, quod victoribus satis est. plus postulant hostes, quam socii habent. Quæ jurejurando, quæ monumentis literarum in lapide insculptis in æternam memoriam sancta atque sacrata sunt, ea cum perjurio nostro tollere parant. Veremur quidem vos, Romani, et, si ita vultis, etiam timemus: sed plus et veremur et timemus Deos immortales. Cum adsensu maximæ partis est auditus, et locutum omnes pro majestate magistratus censebant: ut facile adpareret, molliter agendo dignitatem suam tenere Romanos non posse. Tum Appius, suadere se magnopere Achæis, dixit, ut, dum liceret voluntate sua facere, ³⁸gratiam inirent, ne mox inviti et coacti facerent. Hæc vox audita quidem cum omnium gemitu est, sed metum injectit imperata recusandi. id modo petierunt, ut Romani, quæ viderentur, de Lacedæmoniis mutarent, nec Achæos religione obstringerent irrita ea, quæ jurejurando sanxissint, faciendi. damnatio tantum Arei et Alcibiadis, quæ nuper facta erat, sublata est.

XXXVIII. Romæ principio ejus anni, quum de pro- Provincie.
vinciis consulum et prætorum actum esset, consulibus Ligures, quia bellum nusquam alibi erat, decreti. Prætores,

^c ut del. Gron. Crev. ^d servorum verius Eæd. ^e æquum est fœdus apud Achæos, re precaria libertas: Eæd.

36 * Vox præconis . . . qua liberos esse omnium primos Achæos jussistis] Achæi illa voce præconis omnino nominati non fuerunt. Non videmus quomodo Livium hic a lapsu memoriæ immunem defendamus.

37 * Precaria libertas] Libertas,

quæ non proprio jure, propriis viribus teneatur, sed quæ, velut ea quæ precibus impetrata sunt, pendeat ex alieno arbitrio.

38 * Gratiam inirent] Gratiam, tanquam voluntarie obsequuti, sibi pararent apud Romanos.

U. C. 568.
A. C. 184.

C. Decimius Flavus urbanam, P. Cornelius Cethegus inter cives et peregrinos sortiti sunt; C. Sempronius Blaesus Siciliam, Q. Naevius Matho Sardiniam, et ut idem de beneficiis quaereret, A. Terentius Varro Hispaniam citeriorem, P. Sempronius Longus Hispaniam ulteriorem. De iis duabus provinciis legati per id fere tempus, L. Juventius Thalna et T. Quinctilius Varus, venerunt. qui, quantum bellum jam profligatum in Hispania esset, senatu edocto, postularunt simul, ut pro rebus tam prospere gestis Diis immortalibus haberetur honos, et ut praetoribus exercitum deportare liceret. Supplicatio in biduum decreta est. de legionibus deportandis, quum de consulum praetorumque exercitibus ageretur, rem integram referri jusserunt. Paucos post dies³⁹ consulibus in Ligures binæ legiones, quas Ap. Claudius et M. Sempronius habuerant, decretae sunt. De exercitibus Hispaniensibus magna contentio fuit inter novos praetores et amicos absentium, Calpurnii Quinctiique. Utraque caussa tribunos plebis,⁴⁰ utraque consules habebat.⁴¹ hi^f, se intercessuros senatusconsulto, si deportandos censerent exercitus, denuntiabant; illi, si hæc intercessio fieret, nullam rem aliam se decerni passuros. Victa postremo absentium gratia est, et senatusconsultum factum, *Ut praetores quatuor millia peditum Romanorum scriberent, quadringentos equites, et quinque millia sociorum peditum Latini nominis, quingentos equites, quos secum in Hispaniam portarent.*⁴² *quum eas legiones quatuor descripsissent, quod plus, quam quina millia peditum, treceni equites, in singulis legionibus esset, dimitterent: eos primum, qui emerita stipendia haberent; deinde, ut cujusque fortissima opera Calpurnius et Quinctius in prælio usi essent.*

Contentiones de praetura,

XXXIX. Hac sedata contentione, alia subinde C. Decimii praetoris morte exorta est. Cn. Sicinius et L. Pupius, qui aediles proximo anno fuerant, et C. Valerius flamen Dia-

^f ii Gron.

³⁹ Consulibus] Hic mendose legitur in Gronovianis editionibus consuli. Aliæ editiones et Vict. MS. et sensus ipse stant pro ea lectione quam expressimus.

⁴⁰ Utraque consules] Imo consullem.

⁴¹ Hi se intercessuros] Intellige eos qui favebant novis praetoribus, tum tribunos, tum alterum e consulibus. Vulgo editi habent ii. Reposuimus hi ex uno e MSS. Hearnii, et nostro Victorino: ut respondeat πῶς illi quod sequitur.

⁴² Quum eas legiones quatuor descripsissent] Recte observat Gronovius ex tantillo numero fieri nequivisse qua-

tuor legiones. Ideo emendat: *quum eos in quatuor legiones*, quæ jam tum erant in Hispania, *descripsissent*. Eos autem intellige solos Romanos. Socii enim in legiones non describebantur. Ceterum circa hanc emendationem aliqua etiamnum difficultas remanet. Apparet enim ex c. 30. supra, et ex c. 36. l. XXXVIII. imo et ex omni retro hujus decados historia, duas tantum in Hispania legiones fuisse, non quatuor. Sed nimirum hic res mutatur, et duæ legiones singulis in Hispania praetoribus decernuntur: idque et in sequentibus annis servatum esse constat ex capp. 32. 36. 40. et 49. l. XL.

lis et Q. Fulvius Flaccus (is, quia ædilis curulis designatus U. C. 568. erat, sine toga candida, sed maxima ex omnibus contentione) A. C. 184. petebant. ⁴³certamenque ei cum flamine erat. et postquam primo æquare, mox superare etiam est visus, pars tribunorum plebis negare, rationem ejus habendam esse, quod duos simul unus magistratus, præsertim curules, neque capere posset, nec gerere: pars legibus eum solvi æquum censere, ut, quem vellet, prætorem creandi populo potestas fieret. L. Porcius consul primo in ea sententia esse, ⁴⁴ne nomen ejus acciperet. deinde, ut ex auctoritate senatus idem faceret, convocatis Patribus, ⁴⁵referre se ad eos, dixit, quod nec jure ullo, nec exemplo tolerabili liberæ civitati ædilis curulis designatus præturam peteret, sibi, nisi quid aliud iis videretur, in animo esse, e lege comitia habere. Patres censuerunt, uti L. Porcius consul cum Q. Fulvio ageret, ne impedimento esset, quo minus comitia prætoris in locum C. Decimii subrogandi e lege haberentur. Agenti consuli ex senatusconsulto respondit Flaccus, nihil, quod se indignum esset, facturum. Medio responso spem ⁴⁶ad voluntatem interpretantibus fecerat, cessurum Patrum auctoritati esse. Comitibus acrius etiam, quam ante, petebat, criminando, extorqueri sibi a consule et senatu populi Romani beneficium, et invidiam geminati honoris fieri; tamquam non adparet, ubi designatus prætor esset, extemplo ædilitate se abdicaturum. Consul, quum et pertinaciam petentis crescere, et favorem populi magis magisque in eum inclinari cernebat, dimissis comitiis, senatum vocavit. censuerunt frequentes, quoniam Flaccum auctoritas Patrum nihil movisset, ⁴⁷ad populum cum Flacco agendum. Concione advocata, quum egisset consul; ne tum quidem de sententia motus, gratias populo Romano egit, quod tanto studio, quotiescumque declarandæ voluntatis potestas facta esset, prætorem se voluisset facere. Ea sibi studia civium suorum destituere non in animo esse. Hæc vero tam obstinata vox tantum ei favorem accendit, ut haud dubius prætor esset, si consul accipere nomen vellet. Ingens certamen tribunis, et inter se ipsos, et cum

Sublata S.

C. comitia.

Æneque Crev.

⁴³* Certamenque ei cum flamine erat] Tota contentio versabatur inter eum et flaminem, reliquis duobus competitoribus a spe adipiscendi honoris statim dejectis.

⁴⁴ Ne nomen ejus acciperet] Vid. not. 82. ad l. XXVI. c. 18.

⁴⁵ Referre se ad eos dixit, quod... ædilis curulis designatus præturam peteret] Notanda locutio, referre quod, et annumeranda iis exemplis, quæ docti viri congesserunt ad probandum rec-

te quod inter duo verba finita dici posse. Si cui tamen hoc displicuerit, poterit per levem mutationem legere: Referre se de eo dixit quod.

⁴⁶ Ad voluntatem interpretantibus] Iis qui id interpretarentur quod ipsi cuperent.

⁴⁷* Ad populum cum Flacco agendum] Coram populo, in concione adhortandum esse Flaccum ut auctoritati senatus cederet.

U. C. 568. que : *quoniam, prætoris subrogandi comitia ne legibus fierent,*
 A. C. 184. *pertinacia Q. Flacci et prava studia hominum inpedirent, senatum censere, satis prætorum esse: P. Cornelius utramque in urbe jurisdictionem haberet,* ⁴⁸ *Apollinique ludos faceret.*

Contentiones de censura.

M. Porcii Catonis laudes.

XL. His comitiis prudentia et virtute senatus sublatis, alia majoris certaminis, quo et majore de re, et inter plures potentioresque viros, sunt exorta. Censuram summa contentione petebant L. Valerius Flaccus, P. et L. Scipiones, Cn. Manlius Vulso, L. Furius Purpureo, patricii: plebei autem, M. Porcius Cato, M. Fulvius Nobilior, Ti. et M. Sempronii, Longus et Tuditanus. sed omnes patricios plebeiosque nobilissimarum familiarum M. Porcius longe anteibat. In hoc viro tanta vis animi ingeniique fuit, ut, quocumque loco natus esset, fortunam sibi ipse facturus fuisse videretur. Nulla ars, neque privatae, neque publicae rei gerendae, ei defuit. Urbanas rusticasque res pariter callebat. Ad summos honores alios scientia juris, alios eloquentia, alios gloria militaris provexit. huic versatile ingenium sic pariter ad omnia fuit, ut natum ad id unum diceret, quodcumque ageret. In bello manu fortissimus, multisque insignibus clarus pugnis. idem, postquam ad magnos honores pervenit, summus imperator: idem in pace, si jus consuleres, peritissimus; si caussa oranda esset, eloquentissimus. nec is tantum, cujus lingua vivo eo viguerit, monumentum eloquentiae nullum exstet: vivit immo vigetque eloquentia ejus, sacrata scriptis omnis generis. Orationes et pro se multae, et pro aliis, et in alios. nam non solum accusando, sed etiam causam dicendo, fatigavit inimicos. ⁴⁹ Simultates nimio plures et exercuerunt eum, et ipse exercuit eas. nec facile dixeris, utrum magis presserit eum nobilitas, an ille agitaverit nobilitatem. Asperi procul dubio animi, et linguae acerbae, et immodice liberae fuit: sed invicti a cupiditatibus animi, et rigidae innocentiae; contentor gratiae, divitiarum. In parsimonia, in patientia laboris, periculi^h, ferrei prope corporis animique; quem ne senectus quidem, quae solvit omnia, fregerit.

⁵⁰ Qui sextum et octogesimum annum agens ⁵¹ causam

^h periculique Gron. Crev.

⁴⁸ Apollinique ludos faceret] Ludos Apollinares prætor urbanus faciebat. Vid. supra l. XXVII. c. 23.

⁴⁹ Simultates nimio plures] Inimici, quos permultos habuit, exercuerunt eum, et ipse eos vicissim exercuit ac fatigavit.

⁵⁰ Qui sextum et octogesimum annum agens] Ex Cic. in Dial. de Sen. n. 10. Cato natus erat anno ante quam Q. Fabius Maximus consul primum

factus est. Unde quum constet eum mortuum fuisse L. Marcio Censorino, M'. Manilio Coss. anno primo tertii Punici belli, sequeretur eum vixisse annos tantum quinque et octoginta. Sed nimirum Livius aliis auctoribus usus est. Nam et in iis quæ mox sequuntur, eum annum quo Cato Servium Galbam accusavit, qui ultimus ejus vitæ fuit, nonagesimum numerat Livius. Toto ergo quinquennio dis-

dixerit, ipse pro se oraverit, scripseritque: nonagesimo anno U. C. 568.
⁵²Ser. Galbam ad populi adduxerit iudicium. A. C. 184.

XLII. Hunc, sicut omni vita, ⁵³tum petentem¹ premebat nobilitas: coierantque (⁵⁴præter L. Flaccum, qui collega in consulatu fuerat) candidati omnes ad dejiciendum honorem; non solum ut ipsi potius adipiscerentur, nec quia indignabantur novum hominem censorem videre; sed etiam quod tristem censuram, periculosamque multorum famæ, et ab læso a plerisque, et lædendi cupido, exspectabant. Et enim tum quoque minitabundus petebat, *refragari sibi, qui liberam et fortem censuram timerent*, criminando. et simul L. Valerio subfragabatur. *Illo uno collega castigare se nova flagitia, et priscos mores revocare posse.* His accensi homines, adversa nobilitate, non M. Porcium modo censorem fecerunt, sed etiam collegam ei L. Valerium Flaccum adjecerunt. Secundum comitia censorum consules prætoresque in provincias profecti sunt, præter Q. Nævium, quem quatuor non minus menses, priusquam in Sardiniam iret, quæstiones veneficii, quarum magnam partem extra urbem per municipia conciliabulaque habuit, quia ita aptius visum erat, tenuerunt. Si Antiati Valerio credere libet, ad duo hominum millia damnavit. ⁵⁵Et L. Postumius prætor, cui Tarentum provincia evenerat, magnas pastorum conjurationes vindicavit, et reliquias Bacchanalium quæstionis cum omni executus est cura. multos, qui aut citati non adfuerant, ⁵⁶aut vades deseruerant, in ea regione Italiæ latentes, partim noxios iudicavit, partim comprehensos Romam ad senatum misit. in carcerem omnes ⁵⁷a P. Cornelio coniecti sunt.

XLII. In Hispania ulteriore, fractis proximo bello Lusitanis, quietæ res fuerunt. In citeriore A. Terentius in Suesetanis oppidum Corbionem vineis et operibus expugnavit, captivos vendidit: quæta deinde hiberna et citerior

¹ *prestantem* Gron. Crev.

crepat noster a Cicerone circa ætatem Catonis.

51 * *Causam dixerit, ipse pro se oraverit, scripseritque*] Reus factus, ipse pro se dixerit, scriptamque, quam tum habuit apud iudices orationem, reliquerit.

52 *Ser. Galbam ad populi adduxerit iudicium*] De hoc iudicio, quo Galba absolutus est, * vide in primis Cic. l. de Orat. n. 227. et 228.

53 *Tum prestantem*] Hoc Lipsio debetur, quum in scriptis quibusdam legatur *prestantem*, in vulgatis *petentem*.

54 *Præter L. Flaccum, qui collega in consulatu fuerat*] Is sane adversus Catonem coire cum ceteris non debebat. Docet enim Plutarchus in Cat.

Majore, circa initia, ab hoc L. Flacco Catonem primum in notitiam hominum productum esse, et ejus maxime opibus et gratia commendatum primos honores cepisse.

55 *Et L. Postumius prætor*] Anni prioris: ac fortasse ei imperium in hunc annum prorogatum fuerat. Quod si ita esset, prætor hic diceretur qui proprætore erat, ex usitato apud Livium et ceteros more.

56 *Aut vades deseruerant*] Aut datis vadibus, qui sponderent illos ad iudicii diem adfuturos, nihilominus iudicium deseruerant.

57 * *A P. Cornelio*] Prætore, qui utramque in urbe jurisdictionem habebat.

U. C. 563.
A. C. 184.
Triumphus
de Hispani-
is.

L. Quinctius
senatus
motus.

provincia habuit. Veteres prætores, C. Calpurnius Piso et L. Quinctius, Romam redierunt. utrique magno Patrum consensu triumphus est decretus. Prior C. Calpurnius de Lusitanis et Celtiberis triumphavit. coronas aureas tulit octoginta tres, et ⁵⁸duodecim millia pondo argenti. Paucos post dies L. Quinctius Crispinus ex iisdem Lusitanis Celtiberisque triumphavit. tantumdem auri atque argenti in eo triumpho translatus. Censores, M. Porcius et L. Valerius, metu mixta expectatione, senatum legerunt: septem moverunt senatu. ex quibus unum insignem et nobilitate et honoribus, L. Quinctium Flaminiu consulem. Patrum memoria institutum fertur, ut censores motis senatu adscriberent notas. Catonis et aliarum quidem acerbæ orationes exstant in eos, quos aut senatorio loco movit, aut quibus equos ademit: longe gravissima in L. Quinctium oratio est, qua si accusator ante notam, non censor post notam, usus esset, retinere Quinctium in senatu ne frater quidem T. Quinctius, si tum censor esset, potuisset. Inter cetera objecit ei, Philippum Pœnum, carum ac nobile scortum, ab Roma in Galliam provinciam spe ingentium donorum perductum. eum puerum, per lasciviam quum cavillaretur, exprobrare consuli persæpe solitum, quod sub ipsum spectaculum gladiatorum abductus ab Roma esset, ut obsequium amatori vendicaret. Forte epulantibus iis, quum jam vino incaluis- sent, nunciatum in convivio esse, nobilem Boium cum liberis transfugam venisse; convenire consulem velle, ut ab eo fidem præsens acciperet. Introductum in tabernaculum per interpretem adloqui consulem cœpisse. Inter cuius sermonem Quinctius scorto, *Vis tu, inquit, quoniam gladiatorum spectaculum reliquisti, jam hunc Gallum morientem videre*^k? Et quum is vixdum serio adnuisset, ad nutum scorti consulem stricto gladio, qui super caput pende- bat, loquenti Gallo caput primum percussisse, deinde fugienti, fidemque populi Romani, atque eorum, qui aderant, inploranti, latus transfodisse.

XLIII. Valerius Antias, ut qui nec Catonis orationem legisset, et ⁵⁹fabulæ tantum sine auctore editæ credidisset, aliud argumentum, simile tamen et libidine et crudelitate, peragit. Placentiæ famosam mulierem, cuius amore deperiret, in convivium arcessitam scribit. ibi jactantem sese scorto inter cetera retulisse, quam acriter quæstiones exer-

^k adspicere Gron. Crev.

⁵⁸ Duodecim millia pondo argenti] Marcus nostrates 18750.

⁵⁹ Fabulæ . . . sine auctore edita] Eam tamen opinionem secutus Cicero est, Dial. de Sen. n. 42. Atque etiam Plutarchus in Flaminiu verisimile es-

se putat Catonem voluisse rem atrociorē et invidiosiorē facere, dum transfugam Boium ab ipso L. Quintio interfectum dixit, non jussu ejus unum ex damnatis.

cuisset, et quam multos capitis damnatos in vinculis haberet, quos securi percussurus esset. Tum illam infra eum adcubantem negasse, umquam vidisse ⁶⁰quemquam securi ferientem, et pervelle id videre. Hic indulgentem amatorem, ⁶¹unum ex illis miseris, adtrahi jussum, securi percussisse. Facinus, sive eo modo, quo censor objecit, sive, ut Valerius tradit, commissum est, sævum atque atrox: inter pocula atque epulas, ubi libare Diis dapes, ubi bene precari mos esset, ad spectaculum scorti procacis, in sinu consulis recubantis, mactatam humanam victimam esse: et cruore mensam respersam. In extrema oratione Catonis conditio Quinctio fertur, ut, si id factum negaret, ceteraque, quæ objecisset, ⁶²sponsione defenderet sese: sin fateretur, ignominiane sua quemquam doliturum censeret, quum ipse, vino et Venere amens, sanguine hominis in convivio lussisset?

XLIV. In equitatu recognoscendo ⁶³L. Scipioni Asiageni ademptus equus. ⁶⁴in censibus quoque accipiendis tristis et aspera in omnes ordines censura fuit. Ornamenta et vestem muliebrem et vehicula, quæ pluris, quam quindecim millium æris, essent, ⁶⁵in censum referre viatores jussit. item mancipia minora annis viginti, quæ post proximum lus-

⁶⁰ Quemquam securi ferientem] Forte feriri. GRONOVIVS.

⁶¹ Unum ex illis miseris] Sic quidem Gelenius. Sed nostri omnes scripti cum prius editis unum ex damnatis. GRONOVIVS. Consentit Vict. codex.

⁶² Sponsione defenderet sese] Defenderet sese, spondendo se certam pecuniæ summam daturum, si veritas criminum probaretur: atque ita rem iudicio experiretur. † Vid. not. ad l. III. c. 23.

⁶³ L. Scipioni Asiageni] Hanc lectionem, quæ aliquot scriptorum est, pluribus adstruit Gronovius, l. IV. Observ. c. 25. et probat Ἀσιαγενῆ apud Græcos idem valuisse, quod apud Romanos Asiaticum. Hic igitur intellige L. Scipionem, fratrem Africani. Ceterum observat Plutarchus inustam a Catone Scipioni Asiatico notam criminationibus in censore ipsum ansam dedisse, visumque eum memoriæ Scipionis Africani insultare voluisse. Confer nostrum, l. XXXVIII. c. 54. supra.

⁶⁴ In censibus . . . accipiendis] In accipienda bonorum cujusque æstimatione, quam cives omnes deferre ad censores debebant.

⁶⁵ In censum referre viatores jussit]

Gronovius l. IV. de Pec. Vet. c. 1. emendat: in censum deferre juratos jussit. Primo probat compluribus exemplis dici solitos deferre in censum eos qui profitebantur, referre censores accipientes censum. Inde sequitur viatoribus hic locum non esse, quorum non erat nec referre in censum, quod soli censores, aut scribæ ex eorum auctoritate faciebant, nec deferre in censum, nisi sua ipsorum bona, quemadmodum et ceteri cives facere cogebantur. Igitur reponit Gronovius juratos. Constat enim ex Dion. Halic. l. IV. cives omnes coactos esse jurare, se possessiones suas vere et bona fide æstimasse. Favet emendationi Gronovii unus ex Hearnii codd. in quo legitur juratores. Hoc ergo triste et asperum fuit in hac parte censuræ, quod, quum antea ornamenta, et vestis muliebris, et vehicula censui non adscriberentur, Cato jussit adscribi quæ pluris quam quindecim millium æris essent, et ternos in millia æris attribuit, id est, in singula æris millia ternos æris gravis, sive ternos veteri æstimatione asses, tributî nomine pendi voluit. Porro quindecim millia æris gravis paria æstimamus marcis argenti nostratibus 23. cum uncis 3. semuncia 1.

U. C. 568. trum decem millibus æris, aut eo pluris, venissent, ⁶⁶uti ea
 A. C. 184. quoque decies¹ tanto pluris, quam quanti essent, æstimarentur; et his rebus omnibus terni in millia æris adtribuerentur. aquam publicam omnem, in privatum ædificium aut agrum fluentem, ademerunt; et, quæ ⁶⁷in loca publica inædificata inmolitave privati habebant, intra dies triginta demoliti sunt. Opera deinde facienda ex decreta in eam rem pecuniaⁿ, ⁶⁸lacus sternendos lapide, detergendasque, qua opus esset, cloacas; in Aventino et in aliis partibus, qua nondum erant, faciendas locaverunt. Et separatim Flaccus ⁶⁹molem ad Neptunias aquas, ut iter populo esset, et viam per Formianum montem. Cato atria duo, Mænium et Titium in lautumiis, et quatuor tabernas, in publicum emit; basilicamque ibi fecit, quæ Porcia adpellata est. Et vectigalia summis pretiis, ⁷⁰ultra tributa infimis locaverunt. quas locationes quum senatus, precibus et lacrimis publicanorum victus, induci et de integro locari jussisset; censores, edicto submotis ab hasta, qui ludificati priorem locationem erant, omnia eadem paullum inminutis pretiis locaverunt. Nobilis censura fuit, simultatiumque plena; quæ M. Porcium (cui acerbitas ea adsignabatur) per omnem vitam exercuerunt. Eodem anno coloniæ duæ, ⁷¹Potentiaⁿ in Picenum, Pisaurum ⁷²in Gal-

¹ decem Gron. Crev.

ⁿ ex pecunia i. e. r. decr. Eæd.

ⁿ Pollentia Crev.

⁶⁶ Uti ea quoque decem tanto pluris] Lege cum Sigonio et Gronovio, decies tanto. Causa erroris videtur ea fuisse, quod ⁶⁶decies sola numerali nota X in libris designatum reperiretur, ut est in Victorino. Mancipia antiquitus adscribebantur censui. Sed hoc novum et sane grave, quod mancipia, quæ minora annis viginti empta essent decem millibus æris, aut eo pluris, decies tanto pluris æstimare censores, quam quanti empta essent, et ternos in millia æris pendi jusserunt. Itaque qui decem millibus hujus ætatis mancipium emisset, ei centum millibus a censoribus illud æstimabatur: ac proinde trecentos æris gravis dominus eo nomine pendere cogebatur. Censores jus habuisse æstimandi bona civium, quanti vellent, jam ostendit Livius, l. IV. c. 24. Hoc igitur modo Cato luxuriam castigare et coercere aggressus est, ne quis, quod fieri cœptum erat, in veste, et mundo muliebri, et vehiculis, tum servitibus teneris ac delicatis habendis comparandisque, civilem modum et frugalitatem egrederetur. Decem millia æris gravis sunt marca argenti Parisienses 15. uncia 5.

⁶⁷ In loca publica inædificata im-

molitave] Ædificia privata in publicum procurentia, qualia essent podia, des balcons. Ceterum, quod discrimen significationis inter voces inædificata et inmolita statuendum sit, haud sane liquet; nisi dicemus inmolita esse ea quæ cœpta strui, inædificata quæ plane exstructa erant. Sane verbi moliri ea vis est, ut primum rei initium designet. Virgil. Æn. VII. Moliri jam tecta videt.

⁶⁸ Lacus] Quos Galli appellamus abreuvoirs, bassins.

⁶⁹ Molem ad Neptunias Aquas] Neptunias Aquas Marc. Donatus nomen esse loci existimat, qui hodie dicitur Nettuno.

⁷⁰ Ultra tributa] Impensas et attributiones operum publicorum faciendorum, et sartorum tectorum præstandorum, mancipibus et redemptoribus certa mercede locatorum: quæ proinde e re ejus est qui locat quam minimo pretio locare.

⁷¹ Pollentia] Vid. not. 3. ad Epit. hujus libri.

⁷² In Gallicum agrum] Intellige agrum inter Æsim et Rubiconem flavios, qui quum olim Gallorum Senonum fuisset, postea iis expulsis, lege Flaminia populo viritim distributus, agri

licum agrum, deductæ sunt. Sena jugera in singulos data. U. C. 568. dividerunt agrum, coloniasque deduxerunt iidem tresviri, A. C. 184. Q. Fabius Labeo, et M. et Q. Fulvii, Flaccus et Nobilior. Consules ejus anni nec domi nec militiæ memorabile quidquam egerunt.

XLV. In insequentem annum crearunt consules M. Claudium Marcellum, Q. Fabium Labeonem. M. Claudius, Q. Fabius Idibus Martiis, quo die consulatum inierunt, de provinciis suis prætorumque retulerunt. Prætores creati erant C. Valerius flamen Dialis, qui et priore anno petierat, et Sp. Postumius Albinus, et P. Cornelius Sisenna, L. Pupius, L. Julius, Cn. Sicinius. Consulibus Ligures cum iisdem exercitibus, quos P. Claudius et L. Porcius habuerant, provincia decreta est. Hispaniæ extra sortem prioris anni prætoribus cum suis exercitibus servatæ. Prætores ita sortiri jussi, uti flamini Diali utique altera juris dicendi Romæ provincia esset. peregrinam est sortitus. Sisennæ Cornelio urbana, Sp. Postumio Sicilia, L. Pupio Apulia, L. Julio Gallia, Cn. Sicinio Sardinia evenit. L. Julius maturare est jussus. Galli Transalpini, per saltus ignotæ antea viæ (⁷³ut ante dictum est) in Italiam transgressi, oppidum in agro, qui nunc est Aquileiensis^o, ædificabant. Id eos ut prohiberet, ⁷⁴quod^p ejus sine bello posset, prætori mandatum est. si armis prohibendi essent, consules certiores faceret. ex his placere alterum adversus Gallos ducere legiones. Extremo prioris anni comitia habita erant in demortui Cn. Cornelii locum auguris subficiendi. Creatus Sp. Postumius Albinus.

XLVI. Hujus principio anni P. Licinius Crassus pontifex maximus mortuus est: in cujus locum M. Sempronius Tuditanus ⁷⁵pontifex est cooptatus: pontifex maximus est creatus C. Servilius Geminus. P. Licinii funeris caussa ⁷⁶visceratio data, et ⁷⁷gladiatores centum viginti pugnaverunt, et ludi funebres per triduum facti, post ludos epulum. in quo, quum toto foro strata triclinia essent, tempestas, cum magnis Prodigia. procellis coorta, coëgit plerosque tabernacula statuere in foro.

^o Aquileiensis est Gron. Crev.

^p quoad Gron.

Gallici nomen a veteribus cultoribus retinuerat. Id probat Cellar. Geogr. Ant. l. II. c. 9. pagg. 645. et 739.

* Vid. not. 62. ad XXIII. 14.

⁷³* Ut ante dictum est] Supra c. 22.

⁷⁴ Quod ejus] Usitatus Latinis pleonasmus in voce ejus hic notandus occurrit. Vulgo quoad ejus. Mutavimus ex scriptis Gronovianis, quibus accedit noster Vict.

⁷⁵ Pontifex est cooptatus] A collegio pontificum. Pontifex maximus est creatus a populo, tributis comitiis.

⁷⁶ Visceratio] Crudæ carnis distributio. Vid. not. 37. ad l. VIII. c. 22.

⁷⁷ Gladiatores CXX.] Lipsius Sat. l. I. c. 8. judicat hunc numerum esse grandiorem quam ut conveniat in hoc ævum, et rescribit LXX. Vid. infra l. XLI. c. ult.

U. C. 569. Eadem paullo post, quum undique disserenasset, sublata.
 A. C. 183. ⁷⁸defunctosque vulgo ferebant, quod inter fatalia vates cecinissent, necesse esse tabernacula in foro statui. Hac religione levatis altera injecta, quod sanguine per biduum pluisset in area Vulcani: et per decemviros supplicatio indicta erat ejus prodigii expiandi causa. Priusquam consules in provincias proficiscerentur, legationes transmarinas in senatum introduxerunt. nec umquam ante tantum regionis ejus hominum Romæ fuerat. Nam ex quo fama per gentes, quæ Macedoniam adcolunt, vulgata est, crimina querimoniasque de Philippo non neglegenter ab Romanis audiri, multis operæ pretium fuisse queri; pro se quæque civitates gentesque, singuli etiam privatim, (gravis enim adcola omnibus erat) Romam, aut ad spem levandæ injuriæ, aut ad defendendæ solatium, venerunt. Et ab Eumene rege legatio cum fratre ejus Athenæo venit ad querendum, simul quod non deducerentur ex Thracia præsidia, simul quod in Bithyniam Prusiæ bellum adversus Eumenem gerenti auxilia missa forent.

Querelæ de Philippo.
 Demetrius patrem defendit.

XLVII. Respondendum ad omnia juveni tum admodum Demetrio erat; quum haud facile esset, aut ea, quæ objicerentur, aut quæ adversus ea dicenda erant, memoria complecti. nec enim multa solum, sed etiam pleraque ⁷⁹oppido quam parva erant: de controversia finium, de hominibus raptis pecoribusque abactis, de jure aut dicto ⁸⁰per libidinem aut non dicto, de rebus per vim aut per gratiam judicatis. nihil horum neque Demetrium docere lucidum, nec se satis liquido discere ab eo senatus quum cerneret posse; simul et tirocinio, et perturbatione juvenis moveretur; quæri jussit ab eo, ecquem de his rebus commentarium a patre accepisset? Quum respondisset, *accepisse se*; nihil prius nec potius visum est, quam regis ipsius de singulis responsa accipere. Librum extemplo poposcerunt; deinde, ut ipse recitaret, permiserunt. Erant autem de rebus singulis in breve coactæ causæ: ut alia fecisse se secundum decreta legatorum doceret; alia non per se stetisse, quo minus faceret, sed per eos ipsos, qui accusarent. Interposuerat et querelas de iniquitate decretorum, et quam non ex æquo

⁷⁸ *Defunctosque vulgo ferebant]* Andreas habet *defunctosque fato vulgo ferebant*: cui assentiuntur codd. Budei, qui etiam notat, Annot. prior. ad Pand. p. 575. horum verborum sensum esse: vulgo ita dictitatum, populum Romanum ejusmodi castorum imagiæ quæ in foro fuerat, videri cum satis decidisse, quæ diram olim castorum metationem in medio foro minui-

tari credebantur. *Defunctos igitur fato*, id est, solutos et exemptos, nec ultra illi fato obnoxios. HEARNIUS.

⁷⁹ *Oppido quam parva]* Admodum parva. Sic l. XXXVI. c. 25. supra: *oppido quam breve intervallum*.

⁸⁰ ** Per libidinem]* Sine ullo æquitatis legumve respectu, sed prout collibitum animo esset.

disceptatum apud Cæcilium foret, indigneque sibi, nec ullo suo merito, insultatum ab omnibus esset. Has notas irritati ejus animi conlegit senatus. ceterum alia excusanti juveni, alia ⁸¹recipienti, futura ita, ut maxime vellet senatus, responderi placuit: *Nihil patrem ejus neque rectius, nec magis, quod ex voluntate senatus esset, fecisse, quam quod, utcumque ea gesta essent, per Demetrium filium satisfieri voluisset Romanis. Multa et dissimulare, et oblivisci, et pati præterita senatum posse, et credere etiam, Demetrio credendum esse. Obisidem enim se animum ejus habere, etsi patri corpus reddiderit: et scire, quantum salva in patrem pietate possit, amicum eum populo Romano esse. Honorisque ejus caussa missuros in Macedoniam legatos, ⁸²ut, si quid minus factum sit, quam debuerit, tum quoque sine piaculo rerum prætermisissarum fiat. Velle etiam sentire Philippum, ⁸³integra omnia sibi cum populo Romano Demetrii filii beneficio esse.*

U. C. 569.
A. C. 183.
Responsum
senatus.

XLVIII. Hæc, quæ augendæ amplitudinis ejus caussa facta erant, extemplo in invidiam, mox etiam in perniciem adolescenti verterunt. Lacedæmonii deinde introducti sunt. multæ et parvæ disceptationes jactabantur: sed, quæ maxime rem continerent, erant; utrum restituerentur, quos Achæi damnaverant, nec ne; inique, an jure occidissent, quos occiderant. ⁸⁴vertebatur et, utrum manerent in Achæico concilio Lacedæmonii; an, ut ante fuerat, secretum ejus unius in Peloponneso civitatis jus esset. ⁸⁵Restitui, judicique facta tolli placuit: Lacedæmonem manere in Achæico concilio; scribique id decretum, et consignari a Lacedæmoniis et Achæis. Legatus in Macedoniam Q. Marcius est missus: jussus idem in Peloponneso sociorum res adspicere. nam ibi quoque et ex veteribus discordiis residui motus erant, et Messene desciverat a concilio Achæico, cujus belli et caussas⁹ et ordinem si expromere velim, inmemor sim propositi, quo statui non ultra adtingere externa, nisi qua Romanis cohærerent^r rebus.

Lacedæmoniorum postulata.

XLIX. Eventus memorabilis est, quod, quum bello superiores essent Achæi, Philopœmen prætor eorum capitur,

Philopœmen Pr. Achæorum captus a Messeniis.

⁹ causam Gron. Crev.

^r cohærent Eæd.

⁸¹ Recipienti] Promittenti.

⁸² Ut, si quid minus factum sit] Ut, si quid secus factum sit, quam debuerit, tum quoque, id est, etiamsi res ita sit, tamen fiat id quod fieri debuerat, atque ita negotium componatur sine piaculo rerum prætermisissarum, ita ut peccatorum a rege nullum piaculum exigatur. Rei gravitatem verbis molliunt Romani, dum minus . . . quam debuerit, dicunt, non male; rerum prætermisissarum, non peccatorum.

⁸³ * Integra omnia sibi cum populo Romano . . . esse] Integram, illibatam sibi cum populo Romano remanere gratiam et amicitiam.

⁸⁴ Vertebatur et] In controversiam etiam veniebat, utrum &c. Totum hunc locum, revocata veterum editorum interpunctione, quæ in nuperis depravata est, clariorem reddidimus.

⁸⁵ Restitui] Vel intellige, vel adde, damnatos.

U. C. 569. ad præoccupandam Coronen [profectus,] quam hostes petebant, in valle iniqua cum equitibus paucis obpressus. Ipsum potuisse effugere Thracum Cretensiumque auxilio tradunt. sed pudor relinquendi equites, nobilissimos gentis, ab ipso nuper lectos, tenuit. quibus dum locum ad evadendas angustias cogendo ipse agmen præbet, sustinens inpetus hostium; prolapso equo, et suo ipse casu, et onere equi super eum ruentis, haud multum abfuit, quin exanimaretur, septuaginta annos jam natus, et diutino morbo, ex quo tum primum reficiebatur, viribus admodum adtenuatis. jacentem hostes superfusi obpresserunt: cognitumque primum a verecundia memoriaque meritorum, haud secus quam ducem suum, adtollunt reficiuntque, et ex valle devia in viam portant, vix sibimet ipsi præ necopinato gaudio credentes; pars nuncios Messenen præmittunt, debellatum esse, ⁸⁶Philopœmenem captum^s adduci. Primum adeo incredibilis visa res, ut non pro vano modo, sed vix pro sano nuncius audiretur. deinde, ut super alium alius idem omnes adfirmantes veniebant, tandem facta fides; et, priusquam adpropinquare urbi satis scirent, ad spectaculum omnes, simul liberi ac servi, pueri quoque cum feminis, effunduntur. itaque clauserant portam turbæ, ⁸⁷dum pro se quisque, nisi ipse oculis suis credidisset, vix pro comperta tantam rem habiturus videretur. Ægre submoventes obvios intrare portam, qui adducebant Philopœmenem, potuerunt, atque turba conferta iter reliquum clauserat. et, quum pars maxima exclusa a spectaculo esset, theatrum repente, quod viæ propinquum erat, compleverunt, et, ut eo in conspectum populi adduceretur, una voce omnes exposecebant. Magistratus et principes, veriti, ne quem motum misericordia præsentis tanti viri faceret, quum alios verecundia pristinae majestatis conlata præsentis fortunæ, alios recordatio ingentium meritorum motura esset, procul in conspectu eum statuerunt. deinde raptim ex oculis hominum abstraxerunt, prætore Dinocrate dicente, esse, quæ pertinentia ad summam belli percunctari eum magistratus vellent. ⁸⁸Inde abducto eo in curiam, et senatu vocato, consultari cœptum.

In subterraneam cellam demittitur.

L. Jam invesperascebat, et non modo cetera, sed ne in proximam quidem noctem ubi satis tuto custodiretur, expediebant. Obstupuerant ad magnitudinem pristinae ejus for-

^s captum del. Gron.

⁸⁶ *Philopœmenem captum adduci*] Sic Oxonienses Hearnii codd. sic et noster Vict. et Andræ editio. Gronovianæ editiones omittunt *et captum*.

⁸⁷ *Dum pro se quisque . . . videre-tur*] Magis placeret, videtur: ac vix dubitamus sic scripsisse Livium.

Nisi loco *τῷ* dum legendum est quum.

⁸⁸ *Inde abducto eo*] Testatur Gronovius nullis in membranarum neque vet. editis exstare aut *inde*, aut *eo*. Vict. quoque liber duas illas voces ignorat, quibus sane facile carere potest oratio.

tunæ virtutisque: et neque ipsi domum recipere custo- U. C. 569.
diendum audebant, nec cuiquam uni custodiam ejus sa- A. C. 183.
tis credebant. Admonent deinde quidam, esse thesaurum
publicum sub terra, saxo quadrato septum. eo vinctus
demittitur, et ⁸⁹saxum ingens, quo operitur, machina super-
inpositum est. ita loco potius, quam homini cuiquam, cre-
dendam custodiam rati, lucem insequentem exspectaverunt.
Postero die ⁹⁰multitudo quidem integra, memor pristinorum
ejus in civitatem meritorum, parcendum, ac per eum reme-
dia quærenda esse præsentium malorum, censebant: defec-
tionis auctores, quorum in manu respublica erat, in secreto
consultantes, omnes ad necem ejus consentiebant: sed,
utrum maturarent, an differrent, ambigebatur. Vicit pars Veneno tol-
avidior pœnæ, missusque, qui venenum ferret. Accepto litur.
poculo, nihil aliud locutum ferunt, quam quæsisse, si in-
columis *Lycortas* (is alter imperator Achæorum erat) equi-
tesque evasisent? Postquam dictum est, *incolumes esse;*
Bene habet, inquit; et, ⁹¹poculo inpavide exhausto, haud
ita multo post expiravit. Non^u diuturnum mortis ejus
gaudium auctoribus crudelitatis fuit. victa namque Mes-
sene bello exposcentibus Achæis noxios deditit, ossa-
que reddita Philopœmenis sunt: et ⁹²sepultus ab uni-
verso Achæico est^x concilio, adeo omnibus humanis con-
gestis honoribus, ut ne divinis quidem abstineretur. Ab
scriptoribus rerum Græcis Latinisque tantum huic viro tri-
buitur, ut a quibusdam eorum, velut ad insignem notam hu-
jus anni, memoriæ mandatum sit, tres claros imperatores eo Tres nobi-
anno decessisse, Philopœmenem, Hannibalem, P. Scipio- les Imp-
nem. adeo in æquo eum duarum potentissimarum gentium mortui.
summis imperatoribus posuerunt.

LI. Ad Prusiam regem legatus T. Quinctius Flaminius Mors Han-
venit, quem suspectum Romanis et ⁹³receptus post fugam nibalis.

^t censebat Crev.

^u Nec Gron. Crev.

^x est del. Ead.

⁸⁹ Saxum ingens, quo operitur] Sa-
xum ingens, quo tegitur thesaurus ille
subterraneus, superimpositum est ope
machinæ ad magnas ponderum moles
tollendas aptæ.

⁹⁰ Multitudo . . . integra] Sanæ
mentis, non corrupta factionibus. Sic
l. IX. c. 46. integer populus, fautor et
cultor bonorum.

⁹¹ Poculo inpavide exhausto] Sigo-
nii liber et noster Vict. hausto. Sic
Sophonisba, supra l. XXX. c. 15. po-
culum . . . inpavide hausit. Sic in re
multum dissimili Bitias apud Virgil.
Æneid. l. I. v. 742. impiger hausit
Spumantem pateram. Tamen tuetur
vulgatum Cic. pro Cluent. n. 31. Jam
exhausto illo poculo mortis. Et ipse

Livius, hoc libro, c. seq. poculum
exhausit. Itaque utrumlibet hic le-
gas, vel hausto, vel exhausto, parvi
refert.

⁹² Sepultus ab universo concilio
Achæico] Hujus funebriis pompæ de-
scriptionem pete ex Plut. in Philopœ-
mene.

⁹³ Receptus post fugam Antiochi
Annibal] Corn. Nepos in Annibale,
et Justinus l. XXXII. c. 4. docent
Annibalem, Antiocho victo, veritum
ne Romanis dederetur, in Cretam fu-
gisse. Inde, quum se invidiæ objec-
tum propter nimias opes videret, ad
Prusiam contendisse, eique, in bello
adversus Eumenem, utilem operam
navasse.

U. C. 569. Antiochi Hannibal, et bellum adversus Eumenem motum faciebat. ibi, ⁹⁴seu quia a Flaminio inter cetera objectum Prusiae erat, hominem omnium, qui viverent, infestissimum populo Romano apud eum esse, qui patriae suae primum, deinde, fractis ejus opibus, Antiocho regi auctor belli adversus populum Romanum fuisset: seu quia ipse Prusias, ut gratificaretur praesenti Flaminio Romanisque, per se necandi aut tradendi ejus in potestatem consilium cepit; a primo conloquio Flaminii milites extemplo ad domum Hannibalis custodiendam missi sunt. Semper talem exitum vitae suae Hannibal prospexerat animo, et Romanorum inexpiabile odium in se cernens, et fidei regum nihil sane confisus. ⁹⁵Prusiae vero levitatem etiam expertus erat. Flaminio quoque adventum velut fatalem sibi horruerat. Ad omnia undique infesta, ut iter semper aliquod praeparatum fugae haberet, ⁹⁶septem exitus e domo fecerat; et ex iis^x quosdam occultos, ne custodia sepirentur. Sed grave imperium regum nihil inexploratum, quod investigari volunt, efficit. totius circuitum domus ita custodiis complexi sunt, ut nemo inde elabi posset. Hannibal, postquam est nunciatum, milites regios in vestibulo esse, postico, quod devium maxime atque occultissimi exitus erat, fugere conatus, ut id quoque obcurso militum obseptum sensit, et omnia circa clausa custodiis dispositis esse, venenum (quod multo ante praeparatum ad tales habebat casus) poposcit. *Libere-mus, inquit, diuturna cura populum Romanum, quando mortem* ⁹⁷*senis exspectare longum censent. Nec magnam, nec memorabilem ex inermi proditoque Flaminio victoriam feret. mores quidem populi Romani quantum mutaverint, vel hic dies argumento erit. Horum patres Pyrrho regi, hosti armato, exercitum in Italia habenti, ut a veneno caveret, praedixerunt. hi legatum consularem, qui auctor esset Prusiae per scelus occidendi hospitis, miserunt.* Exsecratus deinde in caput regnumque Prusiae, et hospitales Deos violatae ab eo fidei tes-

^x fecerat: ex his Crev.

⁹⁴ Seu quia a Flaminio] Hic Dujatius adnotat Flaminium privatae ultionis cupiditate accendi potuisse in Annibalem, cujus opera victus caesusque pater C. Flaminius ad Trasymenum lacum esset. In eam nimirum opinionem illum induxerunt insignes celeberrimi Tragediarum scriptoris versus in Fabula quae inscribitur Nico-medes: Et si Flaminius en est le capitaine, Nous saurons lui trouver un lac de Trasymène. Verum hic error est ex similitudine nominum ortus, qui tamen vitari facile poterat. Huic enim legato ad Prusiam, victori Philippi et

Macedonum, nomen gentile erat Quintus, cognomen Flaminius: quum consuli victo ab Annibale ad Trasymenum lacum nomen gentile esset Flaminius.

⁹⁵ Prusiae . . levitatem] Hujus regis servilem plane indolem describit Livius, l. XLV. c. 44.

⁹⁶ Septem exitus . . . fecerat: ex his quosdam] Sic scripti Gronoviani, et noster Vict. Vulgo . . . fecerat: et ex iis quosdam.

⁹⁷ • Senis] Tunc quintum et sexagesimum annum agebat Annibal. Vid. supra not. ad XXX. 28.

tes invocans, poculum exhaustit. Hic vitæ exitus fuit Hannibal. U. C. 569.
A. C. 183.

LII. Scipionem et Polybius, et ⁹⁸Rutilius hoc anno mortuum scribunt. Ego neque his, ⁹⁹neque Valerio assentior: his, quod, censoribus M. Porcio, L. Valerio, principem senatus ipsum L. Valerium censorem lectum invenio; ¹quum superioribus tribus lustris Africanus fuisset: quo vivo, nisi ut ille senatu moveretur, quam notam nemo memoriæ prodidit, alius princeps in locum ejus lectus non esset. ²Antiatem auctorem refellit tribunus plebis M. Nævius, adversus quem oratio inscripta P. Africani est. Hic Nævius in magistratum libris est tribunus plebis, P. Claudio, L. Porcio consulibus: sed iniit tribunatum, Ap. Claudio, M. Sempronio consulibus, ³ante diem quartum Idus Decembres. inde tres menses ad Idus Martias sunt; quibus P. Claudius, L. Porcius consulatum inierunt. ⁴Ita et vixisse in tribunatu Nævii videtur, diesque ei dici ab eo potuisse; decessisse autem ante L. Valerii et L. Porcii censuram. Trium clarissimorum suæ cujusque gentis virorum non magis tempore congruente comparabilis mors videtur esse, quam quod nemo eorum satis dignum splendore vitæ exitum habuit. Jam primum omnes non in patrio solo mortui, nec sepulti sunt. veneno absumti Hannibal et Philopœmen; exsul Hannibal, proditus ab hospite; captus Philopœmen in carcere et in vinculis exspiravit. Scipio, etsi non exsul, neque damnatus, die tamen dicta, ad quam non adfuerat reus, absens citatus, voluntarium non sibimet ipse solum, sed etiam funeri suo, exsiliū indixit.

98 • Rutilius] Hic ille est vir sanctissimis moribus, quem toties Cicero aliique miris prædicant laudibus. Romanam historiam Græce composuerat.

99 Neque Valerio assentior] Non exprimit hoc loco Livius, quænam fuerit Valerii Antiatis sententia, quia nimirum eam supra retulit. Quidquid enim noster in fine l. XXXVIII. narravit de accusatione ac morte Africani, deque iis quæ deinceps secuta sunt, nititur auctoritate Valerii Antiatis, ut constat ex c. 50. libri modo memorati. Valerius igitur credidit Scipionem mortuum esse M. Æmilio, C. Flaminio consulibus: Polybius et Rutilius, quinque annis serius, hoc nempe anno. Neutris assentitur Livius.

1 Quum superioribus tribus lustris] Olim legebatur duobus. Sigonius reposuit tribus ex auctoritate ipsius Livii, l. XXXIV. c. 44. et l. XXXVIII. c. 28.

2 Antiatem auctorem refellit tribunus plebis M. Nævius] Opinionem Valerii Antiatis, qui Scipionem accusatum fuisse memoravit a duobus Petiliis, quinto ante hunc anno, id refellit, quod index, sive, ut nunc loquimur, titulus orationis P. Scipionis nomen habet M. Nævii tribuni plebis. Ceterum mirum videri possit tantopere nunc credere Livium orationi illi P. Scipionis, quum l. XXXVIII. c. 56. dubitet, an illa revera ipsius sit.

3 Ante diem quartum Idus Decembres] Eo enim die et primi tribuni plebis creati fuerant, et postea semper eorum successores magistratum inierunt.

4 Ita et vixisse in tribunatu Nævii videtur . . decessisse autem ante L. Valerii et M. Porcii censuram] Non longe abit ab hac opinione Cicero, apud quem Cato in Dial. de Sen. n. 19. de Scipione Africano dicit: anno ante me censorem mortuus est.

U. C. 569.
A. C. 183.
Demetrii
reditus in
Macedo-
niam.

Inter eum
et Persea
discordiæ.

Philippo
quoque in-
visus De-
metrius.

LIII. Dum ea in Peloponneso (a quibus divertit oratio) geruntur, reditus in Macedoniam Demetrii legatorumque aliter aliorum adfecerat animos. vulgus Macedonum, quos belli ab Romanis imminenti metus terruerat, Demetrium, ut pacis auctorem, cum ingenti favore conspiciebant: simul et spe haud dubia regnum ei post mortem patris destinabant. Nam, etsi ⁵minor^x ætate, quam Perseus, esset, hunc tamen justa ⁶matrefamilie⁷; ⁷illum pellice ortum esse: illum, ut ex vulgato corpore genitum, nullam certi patris notam habere; hunc insignem Philippi similitudinem præ se ferre. Ad hoc, Romanos Demetrium in paterno solio locaturos; Persei nullam apud eos gratiam esse. Hæc vulgo loquebantur. itaque et Persea cura angebat, ne parum pro se una ætas valeret, quum omnibus aliis rebus frater superior esset: et Philippus ipse, vix sui arbitrii fore, quem hæredem regni relinqueret, credens, sibi quoque gravio-rem esse, quam vellet, minorem filium censebat. Obfendebatur interdum concursu Macedonum ad eum, et alteram jam se vivo regiam esse indignabatur. Et ipse juvenis haud dubie inflatior redierat, subnissus erga se iudicii senatus, concessisque sibi, quæ patri negata essent: et omnis mentio Romanorum, quantam dignitatem ei apud ceteros Macedonas, tantam invidiam, non apud fratrem modo, sed etiam apud Patrem, conciliabat: utique postquam alii legati Romani venerunt, et coge-batur decedere Thracia, præsidiaque deducere, et alia, aut ex decreto priorum legatorum, aut ex nova constitutione senatus, facere. ⁸Sed omnia mœrens quidem et gemens, (eo magis, quod filium frequentiore prope cum illis, quam secum, cernebat) ⁹obedienter tamen adversus Romanos faciebat, ne quam movendi extemplo belli causam præberet. Avertendos etiam ani-

^x minore Gron.

⁷ matrefamilias Gron. Crev.

⁵ Minor atate] Sic loquuntur Latini, non minore ætate, quomodo habent Gronovianæ editiones. Et eas refellunt Oxonienses Hearnii codd. et noster Vict. et Andrææ editio.

⁶ Matrefamilie] Scripti et vett. editi matrefamilie. Et constat, modo hoc, modo illud maluisse veteres. Gronovius. Assentitur Vict. codex.

⁷ Illum pellice ortum esse] Quin et Plutarchus in Æmilio testis est hanc de Perseo fuisse opinionem, eum ne genitum quidem Philippo esse, sed subditum ab Philippi uxore: matremque ejus nominat Gnathæniæ, sartricem Argolicam. Et Perseus apud Livium ipsum XL. 9. sic de se loquitur: me subditum et pellice genitum appellat. Ex his colligitur Perseum a Philippo et

uxore ejus, tanquam legitimum utriusque filium, agnitum et palam habitum esse, ac proinde pro legitimo sese gessisse: sed ortum ejus multis fuisse suspectum, variisque jactatum esse sermonibus, aliis a Philippo eum suspectum esse ex pellice dicentibus, aliis plane subditum per fraudem, nec quicquam pertinentem ad stirpem regiam.

⁸ Sed omnia mœrens quidem et gemens] Totus hic locus in Gronovianis editionibus misere deformatus erat prava interpunctione. Eam ex vetustioribus emendavimus.

⁹ Obedienter . . . adversus Romanos] Obedienter se præbens Romanorum imperis.

mos a suspitione talium consiliorum ratus, mediam in U. C. 569.
Thraciam exercitum in Odrysas, et ¹⁰Dentheletos^z, et Bes- A. C. 183.
sos duxit. Philippopolin urbem, fuga desertam oppida-
norum, qui in proxima montium juga cum familiis re-
ceperant sese, cepit: campestrisque barbaros, depopulatus
agros eorum, in deditionem accepit. relicto inde ad Phi-
lippopolin praesidio, quod haud multo post ab Odrysis expul-
sum est, oppidum in Deuriopo condere instituit. Pæoniæ
ea regio est prope Erigonum fluvium; qui, ex Illyrico per
Pæoniam fluens, in Axium amnem editur. Haud procul
Stobis, vetere urbe, novam urbem Perseida, ut is filio majori
haberetur honos, adpellari jussit.

LIV. Dum hæc in Macedonia geruntur, consules in pro-
vincias profecti. Marcellus nuncium præmisit ad L. Por-
cium proconsulem, ut ad novum Gallorum oppidum legio-
nes admoveret. Advenienti consuli Galli sese dediderunt. In Venetia
Galli se de-
dunt con-
suli.
duodecim millia armatorum erant. plerique arma ex agris
rapta habebant. ea ægre patientibus iis ademta, quæque
alia aut populates agros rapuerant, aut secum adtulerant.
de his rebus qui quererentur, legatos Roman miserunt. In-
troduci in senatum a C. Valerio prætore exposuerunt, *Se,*
superante in Gallia multitudine, inopia coactos agri et egesta-
te, ad quærendam sedem Alpes transgressos. quæ inculta per
solitudines viderent, ibi sine ullius injuria consedisce. Oppi-
dum quoque ædificare cœpisse: quod indicium esset, nec agro,
nec urbi ulli vim adlaturos venisse. Nuper M. Claudium ad
se nuncium misisse, bellum se cum iis, ni dederentur, gesturum.
Se, certam, etsi ¹¹non speciosam, pacem, quam incerta belli,
præoptantes, ¹²dedidisse se prius in fidem, quam in potestatem,
populi Romani. Post paucos dies, jussos et agro et urbe dece-
dere, sese tacitos abire, quo terrarum possent, in animo ha-
buisse. arma deinde sibi, et postremo omnia alia, quæ ferrent
agerentque^a, ademta. Orare se senatum populumque Roma-
num, ne in se innoxios deditos acerbius, quam in hostes, sæ-
virent. Huic orationi senatus ita responderi jussit: Neque
illos recte fecisse^b, quum in Italiam venerint^c, oppidumque in
alieno agro, nullius Romani magistratus, qui ei provinciæ præ-
esset, permissu, ædificare conati sint: neque senatui placere,

^z Dantheletas Gron. Crev.^a agerentve Eæd.^b gessisse Eæd.^c venirent Eæd.

10 Dantheletas] Sic legi jussit Si-
gonius ex Strabone et ceteris Græcis
scriptoribus. Olim libri hoc loco ha-
bebant Dentheletas.

11 * Non speciosam] Parum hones-
tam. Supra XXX. 30. Tibi ampla ac
speciosa danti est pax.

12 * Dedidisse se prius in fidem, quam

in potestatem populi Romani] Ita sese
dedidisse, ut potius fidei se Roma-
norum committerent, quam potestati
subjicerent: ac proinde tractari de-
buisse ut supplices qui fidem habuis-
sent Romanis, non ut servos, in quos
omnia licerent.

U. C. 569. *deditos spoliari. Itaque se cum iis* ¹³*legatos ad consulem*^d
 A. C. 183. *missuros; qui, si redeant, unde venerint, omnia iis sua reddi*
jubeant; quique protinus eant trans Alpes, et denuncient Gal-
licis populis, multitudinem suam domi contineant. Alpes prope
inexsuperabilem finem in medio esse. ¹⁴*non utique iis melius*
fore, quam^e *qui eas primi pervias fecissent. Legati missi L.*
Furius Purpureo, Q. Minucius, ¹⁵*L.*^f *Manlius Acidinus.*
Galli, redditis omnibus, quæ sine cujusquam injuria habe-
bant, Italia excesserunt.

LV. Legatis Romanis Transalpini populi benigne respon-
 derunt. seniores eorum nimiam lenitatem populi Romani
 castigarunt: *Quod eos homines, qui gentis injussu profecti*
occupare agrum imperii Romani, et in alieno solo ædificare
oppidum ¹⁶*conati sint, inpunitos dimiserint. Debuisset gravem*
temeritatis mercedem statui. quod vero etiam sua reddiderint,
vereri, ne tanta indulgentia plures ad talia audenda impellan-
tur. Et exceperunt, et prosecuti cum donis legatos sunt.
 M. Claudius consul, Gallis ex provincia exactis, Istricum
 bellum moliri cœpit, literis ad senatum missis, ut sibi in
 Istriam traducere legiones liceret. Id senatui placuit. Il-
 lud agitabant, uti colonia Aquileia deduceretur. nec satis
 constabat, utrum Latinam, an civium Romanorum, de-
 duci placeret. postremo Latinam potius coloniam deducen-
 dam Patres censuerunt. Triumviri creati sunt P. Scipio
 Nasica, C. Flaminius, L. Manlius Acidinus. Eodem anno
 Mutina et Parma coloniæ Romanorum civium sunt deduc-
 tæ. bina millia hominum in agro, qui proxime Boiorum,
¹⁷*ante Tuscorum fuerat, octona jugera Parmæ, quina Mu-*
tinæ acceperunt. Deduxerunt triumviri M. Æmilius Lepi-
duus, T. Æbutius Carus, L. Quinctius Crispinus. Et Sa-
turnia colonia civium Romanorum in agrum Caletranum

Aquileia co-
 lonia.

Mutina et
 Parma co-
 loniæ.

^d consules Gron.
 Crev.

^e quam del. Crev.

^f L. l. P. Gron.

^g sunt Gron.

¹³ *Legatos ad consulem*] Sic legen-
 dum est, non *ad consules*. Unus M.
 Claudius consul in Galliam exercitum
 induxerat: alter consul Ligures pro-
 vinciam habebat, ut patet ex c. 56. in-
 fra. Firmant hanc quam expressimus
 lectionem unus ex MSS. Hearnii, et
 Vict. liber. et Andræ editio.

¹⁴ *Non utique iis melius fore, qui*
eas] Malum habituros eos, qui primi
 postea Alpes transissent. Verba sunt
 minantium. Sic l. III. c. 41. *Non*
erit melius, nisi de quo consulimus, vo-
cem misisse. Pervias fecissent inter-
pretamur transissent. Sed ideo locu-
 tionem paulo grandiore utitur Livius,
 quia prius Alpes vocaverat *prope in-*
superabilem finem. Sigonius inserue-

rat de suo particulam *quam* ante *qui*
eas. Atque eam omnes postea editio-
 nes admiserunt. Sed jam apparere pu-
 tamus nihil illa opus esse.

¹⁵ *L. Manlius Acidinus*] Grono-
 vianæ editiones cognomen huic legato
 addunt P. Nos sequimur codicem Vict.
 cui consentiunt vetustiores editi. Hic
 nempe est L. Manlius Acidinus, qui
 ovans ex Hispania urbem inisse memo-
 ratus est c. 29. hujus libri, et brevi
 futurus est consul, l. XL. c. 43.

¹⁶ *Conati sunt*] *Lege sint, quod*
 habet Andreas. * *Conati autem intel-*
lige ausi.

¹⁷ *Ante Tuscorum*] Vid. supra V.
 33.

est deducta. deduxerunt triumviri Q. Fabius Labeo, C. Afranius Stellio, Ti. Sempronius Gracchus. jugera in singulos A. C. 183. data decem.

LVI. Eodem anno A. Terentius proconsul^h haud procul flumine Ibero, in agro Ausetano, et prœlia secunda cum Celtiberis fecit, et oppida, quæ ibi communierant, aliquot expugnavit. Ulterior Hispania eo anno in pace fuit, quia et P. Sempronius proconsulⁱ diutino morbo est implicitus, et, nullo lacessente, peropportune quieverunt Lusitani. Nec in Liguribus memorabile quidquam a Q. Fabio consule gestum. M. Marcellus, ex Istria revocatus, exercitu dimisso, Romam comitiorum caussa rediit. Creavit consules Cn. Bæbium Tamphilum et L. Æmilium Paulum. cum M. Æmilio Lepido hic ædilis curulis fuerat: a quo consule quintus annus erat, quum is ipse Lepidus post duas repulsas consul factus esset. Prætores inde facti Q. Fulvius Flaccus, M. Valerius Lævinus, ¹⁸P. Manlius iterum, M. Ogulnius Gallus, L. Cæcilius Denter, C. Terentius Istra. Supplicatio extremo anno fuit prodigiorum caussa; quod ¹⁹sanguine per biduum pluisse in area Concordiæ satis credebant; nunciatumque erat, haud procul Sicilia insulam, quæ non ante fuerat, novam editam e mari esse. Hannibalem hoc anno Antias Valerius decessisse auctor est, legatis ad eam rem ad Prusiam missis, præter T. Quinctium Flamini- num, (cujus in ea re celebre est nomen) L. Scipione Asiatico et P. Scipione Nasica.

Res in His-
pania ges-
tæ.

Comitia.

^h *proprætor* Gron, Crev.

ⁱ *proprætor* Eæd.

18 *P. Manlius iterum*] Suspiciatur Sigonius in nota ad c. 16. l. seq. hunc Manlium esse eum, quem Plutarchus in Catone Manilium vocat, et ab eo censore senatu motum esse ait, quum jam consulatum adepturus videretur. Hanc enim secundam præturam petisse videri potest, ut locum senatorium

reciperet: quod fecit postea P. Lentulus Sura, is qui prætor iterum, consule Cicerone, inter Catilinæ consocios morte pœnas dedit.

19 *Sanguine . . . pluisse*] Vict. co-
dex *sanguinem*: et sic editi ante Si-
gonium.



EPITOME LIBRI XL.

QUUM Philippus ¹liberos eorum, quos occiderat, conquiri obsides jussisset, Theoxena, pro liberis suis et sororis admodum pueris verita regis libidinem, prolatis in medium gladiis et poculo, in quo erat venenum, suasit iis, ut imminens ludibrium morte effugerent: quod quum persuasisset, ipsa se cum viro e navi in mare præcipitavit. Certamina inter Philippi Macedoniae regis liberos Persen et Demetrium referuntur: et ut fraude fratris sui Demetrius confectis criminibus, inter quæ accusatione parricidii et adfectati regni, primum petitus, ad ultimum, quoniam populi Romani amicus erat, veneno necatus est; regnumque Macedoniae mortuo Philippo ad Persen devenit. Item res in Liguribus et in Hispania contra Celtiberos a compluribus feliciter gestas continet. Libri Numæ Pompilii in agro L. Petillii scribæ sub Janiculo a cultoribus agri, in arca lapidea clausi, et Græci et Latini, inventi sunt; in quibus quum plura, quæ dissolvendarum religionum, prætor, ad quem delati erant, legisset, juravit senatui, contra rempublicam esse, ut legerentur servarenturque: et ex senatusconsulto in Comitio exusti sunt. Colonia Aquileia deducta est. Philippus, ægritudine animi confectus, quod Demetrium filium, falsis Persei alterius filii delationibus impulsus, veneno sustulisset, et de pœna Persei cogitavit, voluitque Antigonum potius amicum suum successorem regni sui relinquere. Sed in hac cogitatione morte raptus est. regnum Perseus excepit.

1 Liberos eorum quos in vinculis legitima sit. Legimus nobilissimos hominissimorum hominum habebat] Du-mines.
bitamus an hæc verborum structura

T. LIVII PATAVINI

LIBER XL.

U.C. 570.
A.C. 182.
Cn. Bæbio,
L. Æmilio
Coss.
Provinciæ.

PRINCIPIO insequentis anni consules prætoresque sortiti provincias sunt. consulibus, nulla, præter Ligures, quæ decerneretur, erat. Jurisdictio urbana M. Ogulnio Gallo, inter peregrinos M. Valerio evenit; Hispaniarum Q. Fulvio Flacco citerior, P. Manlio ulterior, L. Cæcilio Dentri Sicilia, C. Terentio Istræ Sardinia. Consules delectus habere jussi. Q. Fabius ex Liguribus scripserat, Apuanos ad rebellionem spectare; periculumque esse, ne inpetum in agrum Pisanum facerent. Et ex Hispaniis, citeriorem in armis esse, et cum Celtiberis bellari sciebant: in ulteriore, quia diu æger prætor esset, luxuria et otio solutam disciplinam militarem esse. Ob ea novos exercitus conscribi placuit: quatuor legiones in Ligures, uti singulæ quina millia et ducenos pedites, trecenos haberent equites: sociorum iisdem Latini nominis quindecim millia peditum addita, et octingenti equites. hi duo consulares exercitus essent. Scribere præterea jussi septem millia peditum sociorum ac Latini nominis, et quadringentos^a equites; et mittere ad M. Marcellum in Galliam, cui ex consulatu prorogatum imperium erat. In Hispaniam etiam utramque quæ ducebantur, quatuor millia peditum civium Romanorum et ducenti equites, et sociorum septem millia peditum cum trecentis equitibus scribi jussa. et Q. Fabio Labeoni cum exercitu, quem habebat in Liguribus, prorogatum in annum imperium est.

Procella
prodigiosa.

II. Ver procellosum eo anno fuit. pridie¹ Parilia, medio ferme die, atrox cum vento tempestas coorta multis sacris profanisque locis stragem fecit: signa ænea in Capitolio dejecit: forem ex æde Lunæ, quæ in Aventino est, raptam tulit, et² in posticis partibus^b Cereris templi adfixit: signa alia in circo maximo cum columnis, quibus superstabant,

^a sexcentos Gron. Crev.

^b parietibus Ead.

¹ Parilia] Festus erat dies, qui Parilia vel Palilia dicebatur: Palilia, a pastorum dea Pale; Parilia, quoniam pro partu pecoris eidem deæ sacra fiebant, teste Festo in voce Pales. Celebrabantur hæc festa a. d. 11. Kal. Maias. Ritus ac caeremonias Paliliorum fuse describit Ovidius, l. IV. Fas-

torum. Hic erat dies natalis urbis Romæ.

² In posticis parietibus] Aliquot scripti partibus: quod quidem magis placet Gronovio. Nobis utrumlibet parvo discrimine habetur. Tam enim videntur apte dici postici parietes domus vel ædis, quam postica partes.

evertit : ³ fastigia aliquot templorum, a culminibus abrupta, U. C. 570. fœde dissipavit. Itaque in prodigium versa ea tempestas, A. C. 182. procurarique aruspices jusserunt. simul procuratum est, quod tripedem mulum Reate natum nunciatum erat, ⁴ et a Formiis ædem Apollinis ac Caietæ de cœlo tactam. ob ea prodigia viginti hostiis majoribus sacrificatum est, et diem unum supplicatio fuit. Per eosdem dies ex literis A. Terentii prætoris cognitum, P. Sempronium in ulteriore provincia, quum plus annum æger fuisset, mortuum esse. eo maturius in Hispaniam prætores jussi proficisci. Lega-
 tiones transmarinæ deinde in senatum introductæ sunt. ⁵Prima ⁶Eumenis et Pharnacis regum, et ⁷Rhodiurum querentium de Sinopensium clade. Philippi quoque legati, et Achæorum, et Lacedæmoniorum, sub idem tempus venerunt. ⁸iis prius Marcio audito, qui ad res Græciæ Macedoniæque visendas missus erat, responsa data sunt. Asiæ regibus ac Rhodiis responsum est, legatos ad eas res visendas missurum senatum.

Legationes
transmari-
næ.

³ Fastigia aliquot templorum a culminibus abrupta] Fastigium est illa pars tecti quæ in altitudinem extollitur triangulari fere forma. Vid. Martini Lexicon in voce *Fastigium*. Sola autem templorum tecta fastigata erant, quum ceterorum ædificiorum tecta plana essent. Inde *fastigium* recensetur inter honores divinos Cæsari decretos, Phil. II. n. 110. Vid. et Suet. in Cæs. c. 81. et ibi Casaubonum. *Culmen*, quod hic distinguitur a fastigio, nihil aliud esse potest, quam tecti pars inferior, quæ reliquum ædificium tegit, sed fastigio subjecta est.

⁴ Et a Formiis ædem Apollinis ac Caietæ] Particulam ac temere sustulerat Sigonius. Eam obsecuti Gronovio reposuimus: eo magis quod Vict. liber habet et *Caietæ*. Recte idem Gronovius ablegare videtur præpositionem a. Vult Livius ædem Apollinis, tum Formiis, tum Caietæ, de cœlo tactam.

⁵ Prima] Lege sine ulla dubitatione *prima*. Hoc et ratio ipsa probat, et alter infra locus plane geminus huic, c. 20. *Legationes deinde in senatum introduxerunt: regum primas Eumenis et Ariarathis.*

⁶ Eumenis et Pharnacis regum] Hi reges tunc bellum adversus sese mutuo gerebant, qua de re vide Polyb. in Excerpt. Leg. 55. et 59. Pharnaces rex erat Ponti, Mithridatis illius, qui tamdiu Romana arma exercuit, avus, ut constat ex Justino, l. XXXVIII. c. 6.

⁷ Rhodiurum querentium de Sinopensium clade] Quænam illa sit Sinopensium clades, nusquam docet Livius. Hæc ille vertit e Polybio, qui verbo rem tangit, Leg. 51. Sed Græcus scriptor fortasse in iis quæ intercederunt totum negotium explicarat. * Sinope a Pharnace, cujus modo in nota 6. mentio facta est, capta fuerat, eique et successoribus ejus servivit, donec Mithridatico bello a Lucullo caperetur. Rhodii illam antea tutati fuerant adversus Mithridatem hujus Pharnacis patrem: et nunc auxilium ei quod possunt ferunt, preces ad Romanos.

⁸ Iis, prius Marcio audito. . responsa data sunt] Opera pretium est cognoscere, quid responsum sit Achæis. Id docet Polybius, Leg. 51. Achæi tum gerentes bellum adversus Messenios, petebant a senatu, ut, si fieri posset, auxilia sibi ad hoc bellum ex fœdere mitterent: sin minus, providerent certe, ne quis ex Italia arma frumentumve Messenen comportaret. At Patres offensi eo quod Achæi altiores spiritus gererent, nec pendere in omnibus ex ipsorum nutu vellent, et pleaque per se ipsi administrarent, responderunt, etiamsi Lacedæmonii, aut Argivi, aut Corinthii, ab iis se abjungerent, mirari Achæos non debere, si nihil ad se eam rem pertinere Patres ducerent. Quo responso velut signum defectionis sustulerant, ut, si quis vellet ab Achæorum concilio recedere, id sibi per Romanos licere sciret. Vid. infra, c. 20.

U. C. 570. III. De Philippo auxerat curam Marcius. nam ita fecisse eum, quæ senatui placuissent, fatchatur, ut facile adpareret, non diutius, quam necesse esset, facturum. neque obscurum erat rebellaturum, omniaque, quæ tunc ageret diceretque, eo spectare. Jam primum omnem fere multitudinem civium ex maritimis civitatibus cum familiis suis in Emathiam, quæ nunc dicitur, quondam adpellata Pæonia est, traduxit: Thracibusque et aliis barbaris urbes tradidit habitandas, fidiora hæc genera hominum fore ratus in Romano bello. Ingentem ea res fremitum tota Macedonia fecit; relinquentesque penates suos cum conjugibus ac liberis pauci tacitum dolorem continebant; execrationesque in agminibus proficiscentium in regem, vincente odio metum, exaudiebantur. His ferox animus omnes homines, omnia loca temporaque suspecta habebat. Postremo negare propalam cœpit, satis tutum sibi quidquam esse, nisi liberos eorum, quos interfecisset, comprehensos in custodia haberet, et tempore alium alio tolleret.

Theoxenæ
facinus.

IV. Eam crudelitatem, fœdam per se, fœdiorem unius domus clades fecit. Herodicum, principem Thessalorum, multis ante annis occiderat: generos quoque ejus postea interfecit. in viduitate relictæ filiæ, singulos filios parvos habentes. Theoxena et Archo nomina mulieribus erant. Theoxena, multis petentibus, adspersa nuptias est. Archo Poridi cuidam, longe principi ⁹gentis Æneatum, nupsit; et, apud eum plures enisa partus, parvis admodum relictis omnibus, decessit. Theoxena, ut in suis manibus liberi sororis educarentur, Poridi nupsit: et, tamquam omnes ipsa enisa foret, suum sororisque filios in eadem habebat cura. postquam regis edictum de comprehendendis liberis eorum, qui interfecti essent, accepit; ludibrio futuros, non regis modo, sed custodum etiam libidini, rata, ad rem atrocem animum adjecit; ausaque est dicere, se sua manu potius omnes interfecturam, quam in potestatem Philippi venirent. Poris, abominatus mentionem tam fœdi facinoris, Athenas deportaturum eos ad fidos hospites dixit, comitemque ipsum futurum esse. Proficiscuntur ab Thessalonica Æneam ad statum sacrificium, quod conditori Æneæ cum magna ceremonia quotannis faciunt. ibi die per sollemnes epulas consumto, navem preparatam a Poride, sopitis omnibus, de tertia vigilia conscendunt, tamquam ¹⁰redituri in Thessalonicam: sed trajicere in Eubœam erat propositum. Cete-

⁹ *U. C. 570. Æneatum*] Sic recte Sigonius, quum antea legeretur *Ænianum*, *Ænea*, sive *Ænia*, urbs fuit Macedonia, non longe ab Thessalonica, (vid. infra, l. XLIV. c. 10.) quam ab Ænea

conditam fama ferebat. Populi *Æneates* dicti.

¹⁰ *Redituri in Thessalonicam*] Dele prapositionem. GRONOVIUS.

rum in adversum ventum nequidquam eos tendentes prope U. C. 570. terram lux obpressit: et regii, qui præerant custodiæ por- A. C. 182. tus, lembum armatum ad pertrahendam eam navim miserunt, cum gravi edicto, ne reverterentur sine ea. Quum jam adpropinquabant, Poris quidem ad hortationem remigum nautarumque intentus erat; interdum manus ad cœlum tendens Deos, ut ferrent opem, orabat^c. ferox interim femina, ad multo ante præcogitatum revoluta facinus, venenum diluit, ferrumque promit: et, posito in conspectu poculo, strictisque gladiis, *Mors, inquit, una vindicta est. Viæ ad mortem hæ sunt: qua quemque animus fert, effugite superbiam regiam. Agite, juvenes mei, primum, qui majores estis, capite ferrum; aut haurite poculum, si segnior mors juvat.* Et hostes aderant, et auctor mortis instabat. Alii alio leto absumpti semianimes e nave præcipitantur. ipsa deinde, virum comitem mortis complexa, in mare sese dejecit. nave vacua dominis regii potiti sunt.

V. Hujus atrocitas facinoris novam velut flammam regis invidiæ adjecit, ut vulgo ipsum liberosque ejus execrarentur. quæ diræ brevi ab omnibus Diis exauditæ, ut sæviret ipse in suum sanguinem, effecerunt. Perseus enim, quum in dies magis cerneret favorem dignitatemque Demetrii fratris apud Macedonum multitudinem crescere, et gratiam apud Romanos, sibi spem nullam regni superesse, nisi in scelere, ratus, ad id unum omnes cogitationes intendit. ceterum quum se ne ad id quidem, quod ¹¹ muliebri cogitabat animo, satis per se validum crederet, singulos amicorum patris tentare sermonibus perplexis institit. et primo quidam ex his adspernantium tale quidquam speciem præbuerunt, quia plus in Demetrio spei ponebant. deinde, crescente in dies Philippi odio in Romanos, cui Perseus indulgeret, Demetrius summa ope adversaretur, prospicientes animo exitum incauti a fraude fraterna juvenis, adjuvandum, quod futurum erat, rati, fovendamque spem potentioris, Perseo se adjungunt. ¹² cetera in suum quæque tempus agenda differunt. in præsentia placet, omni ope in Romanos accendi regem, impellique ad consilia belli, ad quæ jam sua sponte animum inclinasset. Simul, ut Demetrius in dies suspectior esset, ex composito sermones ¹³ ad spretionem Romanorum trahebant. ibi quum alii mores et instituta eorum, alii res gestas, alii speciem ipsius urbis, non-

Persei in
fratrem
consilia.

Demetrius
fit suscep-
tus.

^c tendens, opem ut Diî ferrent, orabat. Gron. Crev.

11 * *Muliebri . . . animo*] Molli, timido, ignavo animo, qui non vera virtute, sed occultis dolis grassaretur.

12 * *Cetera*] Præter ea quæ mox memorantur in præsentia peragenda.

13 *Ad spretionem Romanorum*] *Spretio* perrara vox est, quæque haud fortasse alibi facile reperitur. Si ea displicebit, lege cum Gronovio *contemptionem*, aut *mentionem*.

U. C. 570. dum exornatæ neque publicis neque privatis locis, ali singulos principum eluderent; juvenis incautus, et amore nominis Romani, et certamine adversus fratrem, omnia tuendo suspectum se patri et opportunum criminibus faciebat. Itaque expertem eum pater omnium de rebus Romanis consiliorum habebat. totus in Persea versus, cum eo cogitationes ejus rei dies ac noctes agitabat. Redierant, quos forte miserat in Bastarnas ad arcessenda auxilia, adduxerantque^d inde nobiles juvenes, et regii quosdam generis: quorum unus sororem suam in matrimonium Philippi filio pollicebatur: crexeratque consociatio gentis ejus animum regis. Tum Perseus, *Quid ista prosunt?* inquit. *nequaquam tantum in externis auxiliis est præsidii,*¹⁴ *quantum periculi fraude domestica. Proditorem nolo dicere, certe speculatorem habemus in sinu: cujus, ex quo obses Romæ fuit, corpus nobis reddiderunt Romani, animum ipsi habent. Omnium pene Macedonem in eum ora conversa sunt: nec regem se alium rentur habituros esse,*¹⁵ *quam quem Romani dedissent.* His per se ægra mens senis stimulabatur. et animo magis, quam vultu, ea crimina accipiebat.

Lustratio
exercitus
apud Macedonas.

VI. Forte lustrandi exercitus venit tempus, cujus sollemne est tale. ¹⁶Caput mediæ canis præcisæ et prior pars ad dexteram, cum extis posterior ad lævam viæ ponitur. inter hanc divisam hostiam copiæ armatæ traducuntur. præferuntur primo agmini arma insignia omnium ab ultima origine Macedoniæ regum: deinde rex ipse cum liberis sequitur: proxima est regia cohors custodesque corporis; postremum agmen Macedonum cetera multitudo claudit. Latera regis duo filii juvenes cingebant, Perseus jam tricesimum annum agens, Demetrius quinquennio minor; medio juventæ robore ille, hic flore; fortunati patris matura soboles, si mens sana fuisset. Mos erat, lustrationis sacro peracto, exercitum decurrere, et divisas bifariam duas acies concurrere ad simulacrum pugnæ. Regii juvenes duces ei ludicro certamini dati. ceterum non imago fuit pugnæ, sed, tamquam de regno dimicaretur, ita concurrerunt, multaque vulnera, sudibus facta; nec præter ferrum quidquam defuit ad justam belli speciem. Pars ea, quæ sub Demetrio erat, longe superior fuit. id ægre patiente Perseo, lætari prudentes amici ejus, camque rem ipsam dicere præbituram causam criminandi juvenis.

Ludicri certaminis victor Demetrius.

VII. Convivium eo die sodalium, qui simul decurrerant,

^d adduxeruntque Gron.

¹⁴ Quantum periculi fraude domestica] Magis placeret, in fraude.

¹⁶ Caput mediæ canis præcisæ et prior pars] Caput et anterior pars canis, quæ secta media est.

¹⁵ Quam quem Romani dedissent] Melius, dederint.

uterque habuit, quum vocatus ad cœnam ab Demetrio Per- U. C. 570.
seus negasset. Pesto die invitatio benigna et hilaritas ju- A. C. 182.
venalis^e utrosque in vinum traxit. Commemoratio ibi cer-
taminis ludicri et jocosa dicta in adversarios, ita ut ne ipsis
quidem ducibus abstineretur, jactabantur. Ad has excipi-
endas voces speculator ex convivis Persei missus, quum in- Speculator
cautior obversaretur, exceptus a juvenibus forte triclinio Persei apud
egressis, male mulcatur. Hujus rei ignarus Demetrius, Demetri-
um.
*quin commissatum, inquit, ad fratrem imus? et iram ejus, si qua
ex certamine residet, simplicitate et hilaritate nostra lenimus?*
Omnes se ire conclamarunt, præter eos, qui speculatoris ab
se pulsati præsentem ultionem metuebant. quum eos quo-
que Demetrius traheret, ferrum veste abdiderunt, quo se tu-
tari, si qua vis fieret, possent. Nihil occulti esse in intes-
tina discordia potest. utraque domus speculatorum et pro-
ditorum plena erat. ¹⁷Præcucurrit index ad Persæa, ferro
subcinctos nuncios cum Demetrio quatuor adolescentes
venire. etsi caussa adparebat, (nam ab iis pulsatum convi-
vam suum audierat) tamen, infamandæ rei caussa, januam
obserari jubet: et ex parte superiore ædium, versisque in
viam fenestris, commissatores, tamquam ad cædem suam ve- Perseus fra-
nientes, aditu januæ arcet. Demetrius, per vinum, quod trem aditu
excluderetur, paullisper vociferatus, in convivium redit, to- januæ arcet.
tius rei ignarus.

VIII. Postero die Perseus, quam^f primum conveniendi
potestas patris fuit, regiam ingressus, perturbato vultu in
conspectu patris tacitus procul constitit. ¹⁸cui, cum pater, Eum accu-
Satin' salvæ? et, *quænam ea mæstitia esset?* interrogaret sat apud
eum, ¹⁹*De lucro tibi, inquit, vivere me scito. jam non occultis patrem.*
*a fratre petimur insidiis. Nocte cum armatis domum ad in-
terficiendum me venit: clausisque foribus, parietum præsidio
me a furore ejus sum tutatus.* Quum pavorem mixtum ad-
miratione patri injecisset, *Atqui, si aures præbere potes, in-
quit, manifestam rem teneas, faciam.* Enimvero se, Philippus
dicere, *auditurum*, vocarique extemplo Demetrium jussit:
et seniores duos amicos, expertes inter fratres certaminum,

^e juvenilis Gron. Crev.

^f quum Eæd.

¹⁷ Præcucurrit index . . nuncios]
Postremam vocem adjecerunt ignari
moris Livii. Eam delemus. Sufficit
enim nomen index.

¹⁸ Cui quum pater, *Satin' salvæ?*
et . . . interrogaret eum] Vox eum
abest ab uno MS. Illam delet Grono-
vius, et prænomen cui, ut hæc nitidior
sane lectio existat: . . . *tacitus procul
constitit.* Quum pater, *Satin' salvæ?*
et, quænam eo mæstitia esset? interro-
garet; De lucro.

¹⁹ De lucro tibi . . vivere me scito]
Egregia Sigonii emendatio, quum in
libris legeretur *de ludicro*, prorsus in-
epte. De lucro vivere est ipsam vitam
in lucro ponere; sic vivere, ut omnis
dies, omnis hora, propter imminens pe-
riculum, lucro deputetur. Sic Cicero,
ad Fam. l. IX. ep. 17. *De lucro prope
jam quadriennium vivimus, si aut hoc
lucrum est, aut hæc vita, superstitem
reipublicæ vivere.*

U. C. 570. infrequentes jam in regia, Lysimachum et Onomastum ar-
 A. C. 182. cessit, quos in consilio haberet. Dum veniunt amici, solus,
 filio procul stante, multa secum animo volutans, inambula-
 vit. postquam venisse eos nunciatum est, secessit in partem
 interiorum cum duobus amicis, totidem custodibus corpo-
 ris: filiis, ut ternos inermes secum introducerent, permisit.
 Philippi Ibi quum consedisset: *Sedeo, inquit, miserrimus pater, judeæ*
 oratio. *inter duos filios, accusatorem parricidii, et reum; aut conficti,*
aut admissi criminis labem apud meos inventurus. Jam pri-
dem quidem hanc procellam imminentem timebam, quum vultus
inter vos minime fraternos cernerem, quum voces quasdam ex-
audirem. sed interdum spes animum subibat, deflagrare iras
vestras, purgari suspiciones posse. etiam hostes, armis positos,
foedus icisse, et privatas multorum simultates finitas. subituram
vobis aliquando germanitatis memoriam, puerilis quondam sim-
plicitatis consuetudinisque inter vos, meorum denique præcepto-
rum; quæ, vereor, ne vana surdis auribus cecinerim. Quoties
ego, audientibus vobis, detestatus exempla discordiarum frater-
narum, ²⁰ *horrendos eventus eorum retuli, quibus se stirpemque*
suam, domos, regna, funditus evertissent? Meliora quoque
exempla parte altera posui; sociabilem consortionem inter binos
Lacedæmoniorum reges, salutarem per multa secula ipsis patri-
æque. Eandem civitatem, postquam mos sibi cuique rapi-
endi tyrannidem exortus sit, eversam. Jam hos Eumenum
Attalumque fratres, a quam exiguis rebus, prope ut puderet
regii nominis, mihi Antiocho, et cuilibet regum hujus ætatis,
nulla re magis, quam ²¹ *fraterna unanimitate, regnum æquasse.*
Ne Romanis quidem exemplis abstinui, quæ aut visa, aut au-
ditæ habebam: T. et L. Quinctiorum, qui bellum mecum gesse-
runt, P. et L. Scipionum, qui Antiochum devicerunt; patris
patruisque eorum, quorum perpetuam vitæ concordiam mors
quoque miscuit. Neque vos illorum scelus, similisque sceleri
eventus, detertere a vecordi discordia potuit: neque horum
bona mens, bona fortuna, ad sanitatem flectere. Vivo et spi-
rante me, hæreditatem meam ambo et spe et cupiditate improba
crevistis. Eo usque me vivere vultis, donec, alterius vestrum
superstes, haud ambiguum regem alterum mea morte faciam.
Nec fratrem, nec patrem potestis pati. nihil cari, nihil sancti
est: in omnium vicem regni unius insatiabilis amor successit.

20 Horrendos eventus eorum] Nempe fratrum: quæ vox latet quodammodo inclusa in *fraternarum*. Quibus refertur ad eventus. Si quis tamen cum Tan. Fabro legere malit qui pro quibus, non magnopere repugnabimus.

21 Fraterna unanimitate] De laudata hac Eumenis, Attali, Athenæi, et Philætæri, fratrum concordia vid. nos-

trum infra, l. XLV. c. 19. Plutarchus de Fraterno Amore, memorat Apollonidem illorum matrem dicere solitam, non sibi tanto gaudio esse opes et diadema, quam quod videat filio suo natu maximo tres fratres latus cingere custodes ejus corporis; eum autem inter gladios fratrum secure versantem.

Agite, conscelerata aures paternas: decernite criminibus, mox U. C. 570.
ferro decreturi: dicite palam, quidquid aut veri potestis, aut A. C. 182.
comminisci libet. Reseratae aures sunt, quæ posthac secretis
alterius ab altero criminibus clauduntur. Hæc, furens ira,
quum dixisset, lacrimæ omnibus abortæ, et diu mœstum
silentium tenuit.

IX. Tum Perseus: *Aperienda nimirum nocte janua fuit,* Persei ora-
et armati commissatores accipiendi, præbendumque ferro jugu- tio.
lum, quando non creditur, nisi perpetratum, facinus; et eadem
petitus insidiis audio, quæ latro atque insidiator. Non ne-
quidquam isti unum Demetrium filium te habere, ²² *me subdi-*
tum et pellice genitum adpellant. nam, si gradum, si caritatem
filiî apud te haberem, non in me, querentem deprehensas insi-
dias, sed in eum, qui fecisset, sævires: nec adeo tibi vilis vita
esset nostra, ut nec præterito periculo meo movereris, neque
futuro, si insidiantibus sit inpune. Itaque, si mori tacitum
oportet, taceamus, precati tantum Deos, ut a me cæptum scelus
in me finem habeat, nec per meum latus tu petaris. ²³ *Sin au-*
tem (quod circumventis in solitudine natura ipsa subjicit, ut
hominum, quos numquam viderint, fidem tamen implorent)
mihi quoque, ferrum in me strictum cernenti, vocem mittere
liceat; per te, patriumque nomen, quod utri nostrum sanctius
sit, jam pridem sentis, ita me audias, precor, tamquam si, voce
et comploratione nocturna excitus, mihi quiritanti intervenis-
ses, Demetrium cum armatis nocte intempesta in vestibulo meo
deprehendisses. quod tum vociferarer in re præsentis pavidus,
hoc nunc postero die queror. Frater, non ²⁴ *comissantium in*
vicem jam diu vivimus inter nos. regnare utique vis: huic
spei tuæ obstat ætas mea, obstat gentium jus, obstat vetustus Ma-
cedoniæ mos, obstat vero etiam patris judicium. ²⁵ *Hæc* ²⁵ *trans-*
scendere, nisi per meum sanguinem, non potes. omnia moliris et
tentas. adhuc seu cura mea, seu fortuna, restitit parricidio tuo.
Hesternæ die in lustratione, et decursu, et simulacro ludicro
pugnæ, funestum prope prælium fecisti: nec me aliud a morte
vindicavit, quam quod me ac meos vinci passus sum. Ab hos-
tili prælio, tamquam fraterno lusu, pertrahere me ad cœnam
voluisti. Credis, me, pater, inter inermes convivæ cœnatum
rum fuisse, ad quem armati commissatum venerunt? credis

g Huc Gron. Crev.

²² Me subditum et pellice genitum] Vid. not. 7. ad l. XXXIX. c. 53.

²³ Sin autem . . . vocem mittere liceat; per te patriumque nomen] Lege cum Gronovio; sin autem . . . vocem mittere licet; per, te, patrium nomen . . . ita me audias, precor. Te precor per patrium nomen, ita me audias, tanquam etc. Vid. supra, XXIX.

18. * Sic l. XXIII. c. 9. Per ego te, fili, quæcunque jura liberos jungunt parentibus, precor.

²⁴ Comissantium in vicem] In vicem, in morem commissantium.

²⁵ Huc transscendere] Vict. liber hoc. Lege cum Gronovio hæc: eodem nempe modo quo infra c. 11. qui transscendere festinat ordinem ætatis.

U. C. 570. ²⁶ nihil a gladiis nocte periculum fuisse, quem sudibus, te in-
 A. C. 182. spectante, prope occiderunt? Quid hoc noctis, quia inimicus ad
 iratum, quid cum ferro subcinctis juvenibus venis? Convivam
 me tibi committere ausus non sum; commissatorem te cum ar-
 matis venientem recipiam? Si aperta janua fuisset, funus
 meum parares hoc tempore, pater, quo quarentem audis. Nihil
 ego, tanquam accusator, criminose ²⁷ nec dubia argumentis
 colligendo ago. Quid enim? negat se cum multitudine venisse
 ad januam meam? an ferro subcinctos secum fuisse? Quos
 nominavero, arcesse. possunt quidem omnia audere, qui hoc
 ausi sunt; non tamen audebunt negare. Si deprehensos intra
 limen meum cum ferro ad te deducerem, ²⁸ pro manifesto habe-
 res; fatentes pro deprehensis habe.

X. Exsecrare nunc cupiditatem regni, et ²⁹ furias fraternas
 concita. sed, ne sint cæcæ, pater, execrationes tuæ, discerne et
 dispice insidiatorem et petatum insidiis. ³⁰ noxium huic esse
 caput. Qui occisurus fratrem fuit, habeat etiam iratos ³¹ pa-
 ternos Deos: qui periturus fraterno scelere fuit, perfugium in
 patris misericordia et justitia habeat. Quo enim alio confu-
 giam, cui non sollemne lustrale exercitus tui, non decursus mi-
 litum, non domus, non epulæ, non nox, ad quietem data naturæ
 beneficio mortalibus, tuta est? Si iero ad fratrem invitatus,
 moriendum est: si recepero intra januam commissatum fratrem,
 moriendum est. nec evado, nec manendo insidias evito. quo me
 conferam? Nihil præter Deos, pater, et te colui. non Roma-
 nos habeo, ad quos confugiam. perisse expetunt, quia tuis inju-
 riis doleo, quia ademptas^h tot urbes, tot gentes, modo Thraciæ
 maritimam oram, indignor. nec me, nec te incolumi, Macedo-
 niam suam futuram sperant. Si me sceius fratris, te senectus,
 absumserit, ³² aut ne ea quidem expectata fuerit, regem reg-

^h qui tibi ademptas Gron. quia tibi ademptas Crev.

26 Nihil a gladiis nocte periculum
 fuisse] Emendat Jac. Gronovius: ni-
 hil . . . periculi mi, vel mihi fuisse.
 Recte. Nec enim tolerari potest ni-
 hil . . . periculum; et *ad quem*, quod
 sequitur, postulat in iis quæ præcedunt,
 mi, vel mihi. In Vict. codice extat
 mihi, sed post verbum fuisse.

27 Nec dubia argumentis colligendo]
 Nec inferendo ex argumentis per ratio-
 nationem tractatis dubia consecta-
 ria. Non argumentationibus, inquit
 Perseus, premo reum, quæ fere aliquid
 dubii relinquunt. Facta, quæ ipse non
 negat, arguo.

28 Pro manifesto haberes] Potest
 intelligi hoc, quod præcessit. Fere
 tamen malim: pro manifestis haberes.
 Tacitus l. XI. Ann. c. 6, et ceteri, qui
 non iudicium (quippe in manifestis) sed
 penam statui vadebant. Gron.

29 Furias fraternas] Furias ultrices
 fraternarum discordiarum.

30 Noxium huic esse caput] Verba
 corrupta et mutila, quæ varii variis
 conjecturis vexant, trahunt. Nihil
 probabilius videtur, quam quod suspi-
 catur Rubenius, norium incesse caput:
 vel potius, ut simul sensus clarior fiat,
 simui verba propius ad veteris scripturæ
 vestigia accedant, norium his, nempe
 execrationibus, incesse caput.

31 Paternos deos] Adulatorie pro
 patrem. Et simul respicit ad deos
 exactores pietatis filiorum in paren-
 tes.

32 * Aut ne ea quidem expectata
 fuerit] Aut ne expectatum quidem
 fuerit donec senectute solvaris, sed
 mors tibi maturata ab avido regnandi
 filio fuerit.

numque Macedoniae sua futura sciunt. Si quid extra Macedoniae tibi Romani reliquissent, mihi quoque id relictum credere receptaculum. At in Macedonibus satis praesidii est. Vidisti hesterno die inpetum in me militum. Quid illis defuit, nisi ferrum? Quod illis defuit interdiu, convivae fratris noctu sumserunt¹. Quid de magna parte principum loquar, qui in Romanis spem omnem dignitatis et fortunae posuerunt, et in eo, qui omnia apud Romanos potest? neque, Hercule, istum mihi tantum fratri majori, sed prope est, ut tibi quoque ipsi, regi et patri, praefereant. Iste enim est, cujus beneficio paenam tibi senatus remisit, qui nunc te ab armis Romanis protegit, qui tuam senectutem obligatam et obnoxiam adolescentiae suae esse aequum censet. Pro isto Romani stant, pro isto Macedones, qui pace Romana gaudent. mihi praeter te, pater, quid usquam aut spei, aut praesidii est?

XI. Quo spectare illas literas ad te nunc missas T. Quinctii credis, quibus, et bene te consuluisse rebus tuis, ait, quod Demetrium Romam miseris, et hortatur, ut iterum, et cum pluribus legatis et primoribus^k Macedonum, remittas eum? T. Quinctius nunc est auctor omnium rerum isti et magister. Eum sibi, te abdicato patre, in locum tuum substituit. illic ante omnia clandestina concocta sunt consilia. Quærentur adjutores consiliis, quum te plures, et principes Macedonum, cum isto mittere jubet. Qui hinc³³ integri et sinceri Romam eunt, Philippum regem se habere credentes, imbuti illinc et infecti Romanis delinquentis redeunt. Demetrius iis unus omnia est. eum jam regem, vivo patre, adpellant. Hæc si indignor, audiendum est statim, non ab aliis solum, sed etiam a te, pater, cupiditatis regni crimen. ³⁴Ego vero, si in medio ponitur, non agnosco. quem enim suo loco moveo, ut ipse in ejus locum succedam? Unus ante me pater est: et, ut diu sit, Deos rogo. Superstes (³⁵et ita sim, si merebor, ut ipse me esse velit) hereditatem regni, si pater tradet, accipiam. Cupit regnum, et quidem scelerate cupit, qui transcendere festinat ordinem ætatis, naturæ, moris Macedonum, juris gentium. Obstat frater major, ad quem jure, voluntate etiam patris, regnum pertinet. Toleratur: non primus regnum fraterna cæde petiero. Pater senex, et filio solus orbatus, de se magis timebit, quam ut filii necem ulciscatur. Romani lætabuntur, probabunt, defendent factum. Hæc spes incertæ, pater, sed non inanes sunt. ita enim se res

¹ assumserunt Gron. Crev.

^k add. quoque Eæd.

33* Integri et sinceri] Pura mente, atque ab omni veneno pravorum consiliorum intacta.

34 Ego vero, si in medio ponitur] Ego vero, si illa accusatio cupiditatis regni communis ambobus relinquitur, nisi illa in me nominatim confertur,

eam in me cadere nego: nihil in ea quod ad me pertineat agnosco.

35* Et ita sim] Et ita demum, ea sola conditione ac lege opto ut superstes patri sim, si merebor, ut ipse me superstitem sibi esse velit.

U. C. 570. *habet: periculum vitæ propellere a me potes, puniendo eos,*
 A. C. 182. *qui ad me interficiendum ferrum sumserunt: si facinori eorum*
successerit, mortem meam idem tu persequi non poteris.

Defensio
 Demetrii.

XII. Postquam dicendi finem Perseus fecit, conjecti eorum, qui aderant, oculi in Demetrium sunt, velut confectum responsurus esset. ³⁶deinde diu fuit silentium¹, quum perfusum fletu adpareret omnibus loqui non posse. Tandem vicit dolorem ipsa necessitas, quum dicere juberent², atque ita orsus est: *Omnia, quæ reorum antea fuerant auxilia, pater, præoccupavit accusator.* ³⁷*Simulatis lacrimis in alterius perniciem veras meas lacrimas suspectas tibi fecit.* ³⁸*quum ipse, ex quo ab Roma redii, per occulta cum suis conloquia dies noctesque insidiatur; ultro mihi non insidiatoris modo, sed latronis manifesti et percussoris, speciem induit. Periculo suo te exterret, ut innoxio fratri per eundem te maturet perniciem. perfugium sibi nusquam gentium esse ait, ut ego ne apud te quidem quidquam spei reliquæ habeam. Circumventum, solum, inopem,* ³⁹*invidia gratiæ externæ, quæ obest potius, quam prodest, onerat. Jam illud quam accusatorie, quod noctis hujus crimen miscuit cum cetera insectatione vitæ meæ? ut et hoc, quod jam, quale sit, scies, suspectum alio vitæ nostræ tenore faceret: et illam vanam criminationem spei, voluntatis, consiliorum meorum nocturno hoc ficto et composito argumento fulciret. Simul et illud quæsiuit, ut repentina et minime præparata accusatio videretur, quippe ex noctis hujus metu et tumultu repentino exorta. Oportuit autem, Perseu, si proditor ego patris regniue eram, si cum Romanis, si cum aliis inimicis patris inieram consilia, non expectatam fabulam noctis hujus esse,* ⁴⁰*sed proditiōis meæ ante me accusatum: si illa separata ab hac vana accusatio erat, invidiamque tuam adversus me*

¹ diu silentium fuit Gron. Crev.

² juberetur Crev.

36 Deinde diu silentium fuit, quum perfusum fletu] Mutavimus interpunctionem, quæ in editis finiebat sensum post hæc verba *silentium fuit*. Ideo enim diu silentium fuit, quia apparebat omnibus Demetrium præpediente fletu loqui non posse, ac proinde expectandum, donec liberum ei vocis usum exarescentes lacrymæ permitterent. In iis quæ sequuntur edi curavimus, quum dicere juberetur, quomodo habent duo MSS. Jac. Gronovio alter, alter Hearnio, inspecti. Vulgati, *juberent*. Vict. codex, *juberet*.

37* *Simulatis lacrymis in alterius perniciem*] *Simulatis coactisque lacrymis*, quas fudit non deprecandi periculi sui causa, quod nullum est, sed ut alteri, mihi scilicet, perniciem crearet.

38 Quum ipse . . . insidiatur, ultro mihi] Et hic aliter distinguimus, quam plerique editi notant. Hæ enim voces *ultro mihi nobis necessario visæ sunt conjungendæ cum verbo induit*. Qui insidiatur mihi, is ipse me insidiarum accusat. De vi et proprietate vocis *ultro* vid. not. 39. ad l. I. c. 6.

39* *Invidia gratiæ externæ*] Invidia in me concitata ob gratiam quam habeo apud externos: nempe Romanos, quorum nomen, invisum patri, supprimit.

40 Sed proditiōis meæ ante me accusatum] Supervacaneum Gronovio videtur *ante meæ*. Illud vero cum sequenti voce *ante* abest a codice Vict. Hanc tamen certe retinendam crediderimus.

magis, quam crimen meum indicatura, hodie quoque eam aut U. C. 570.
 prætermitti, aut in aliud tempus differri: ut perspiceretur, A. C. 182.
 utrum ego tibi, an tu mihi, novo quidem et singulari genere
 odii, insidias fecisses. Ego tamen, quantum in hac subita
 perturbatione potero, separabo ea, quæ tu confudisti: et noctis
 hujus insidias, aut tuas, aut meas, detegam. Occidendi sui
 consilium me inisse, videri vult: ut scilicet, majore fratre sub-
 lato, cujus jure gentium, more Macedonum, tuo etiam, ut aït,
 judicio regnum est futurum, ego minor in ejus, quem occidis-
 sem, succederem locum. Quid ergo illa sibi vult pars altera
 orationis, qua Romanos a me cullos aït, atque eorum fiducia in
 spem regni me venisse? nam si et in Romanis tantum mo-
 menti esse credebam, ut, quem vellent, inponerent Macedoniae
 regem, et meæ tantum apud eos gratiæ confidebam, quid opus
 parricidio fuit? An, ut cruentum fraterna cæde diadema gere-
 rem? ut illis ipsis, apud quos aut vera, aut certe simulata,
 probitate partam gratiam habeo, si quam forte habeo, execra-
 bilis et invisus essem? nisi ⁴¹ T. Quinctium credis, cujus virtute
 et consiliis me nunc arguis regi, quum et ipse tali pietate vivat
 cum fratre, mihi fraternæ cædis fuisse auctorem. Idem non
 Romanorum solum gratiam, sed Macedonum judicia, ac pene
 omnium Deorum hominumque consensum conlegit, per quæ
 omnia se mihi parem in certamine non futurum crediderit.
 idem, tamquam in aliis omnibus rebus inferior essem, ad scle-
 ris spem ultimam confugisse me insimulat. Vis ⁴² hanc formu-
 lam cognitionis esse, ut, uter timuerit, ne alter dignior vide-
 retur regno, is consilium obprimendi fratris cepisse judice-
 tur?

XIII. Exsequamur tamen ⁴³ quocumque modo conficti ordi-
 nem criminis. Pluribus modis se petitem criminatus est, et
 omnes insidiarum vias in unum diem contulit. Volui interdiu
 eum post lustrationem, quum concurrimus, et quidem, ⁴⁴ si Diis

⁴¹ T. Quintium . . . cujus virtute] Vox virtute parum huic loco convenire videtur. Melius profecto legeretur auctoritate. Perseus objecerat: T. Quinctius nunc est auctor omnium rerum isti et magister.

⁴² Hanc formulam cognitionis esse] Locutio ex jure Romano petita. Prætor enim quum judices daret litigantibus, dabat et formulam ex qua res controversa disceptari et judicari deberet: atque ad eam formulam adstricti erant judices, nec aliter quam ex ea pronunciare poterant. Hic mos a regibus usque ductus erat, ut apparet ex formula cognitionis data duumviris a Tullo rege in causa Horatii, supra, l. I. c. 26. Vid. et Cic. l. II. in Verr. n. 31. et pro Roscio Com. n. 24. atque ibi

Hotomanni notam. Demetrius igitur hoc loco quærit a fratre, num velit ex ea formula litem inter eos dijudicari, hanc legem utrique dici, ut is qui timuerit ne alter dignior regno videretur, consilium opprimendi fratris cepisse judicetur. Quod si admittatur a Perseo, non dubitat Demetrius, quin sua victoria sit, et crimen insidiarum vertatur in accusatorem.

⁴³ * Quocumque modo conficti] Quamvis tam parum probabiliter conficti, ut accusatio sibi ipsa non consentiat, et ad illam dissolvendam contentus esse possim eo quod mihi accusator ipse objicit.

⁴⁴ * Si diis placet] Utuntur Latini hac verborum formula, ut jam observavimus, in re indigna, atroci: quale

U. C. 570.
A. C. 182.

placet, lustrationum die occidere: volui, quum ad cœnam invitavi, veneno scilicet tollere: volui, quum commissatum gladiis adcincti me secuti sunt, ferro interficere. Tempora quidem qualia sint ad parricidium electa, vides: lusus, convivii, commissationis. ⁴⁵ *Quid? dies qualis? quo lustratus exercitus, quo inter divisam victimam, prælatis omnium, qui umquam fuere, Macedoniæ regum armis regiis, duo soli tua tegentes latera, pater, prævecti sumus, et seculum est Macedonum agmen. Hoc ego, etiam si quid ante admissem piaculo dignum, lustratus et expiatus sacro, tum cum maxime in hostiam itineri nostro circumdatam intuens, parricidium, venena, gladios, in commissationem præparatos, volutabam in animo:* ⁴⁶ *ut quibus aliis deinde sacris contaminatam omni scelere mentem expiarem? Sed cæcus criminandi cupiditate animus, dum omnia suspecta efficere vult, aliud alio confundit. nam, si veneno te inter cœnam tollere volui, quid minus aptum fuit, quam pertinaci certamine et concursu iratum te efficere, ut merito, sicut fecisti, invitatus ad cœnam abnueres? Quum autem iratus negasses, utrum, ut placarem te, danda opera fuit, ut aliam quærerem occasionem, quoniam semel venenum paraveram? an ab illo consilio velut transiliendum ad aliud fuit, ut ferro te, et quidem eo die, per speciem commissationis, occiderem? Quo deinde modo, si te metu mortis credebam cœnam evitasse meam, non ab eodem metu commissationem quoque evitaturum existima-* *bam?*

XIV. *Non est res, qua erubescam, pater, si die festo inter æquales largiore vino sum usus. tu quoque, velim, inquiras, qua lætitia, quo lusu apud me celebratum hesternum convivium sit, illo etiam (parvo forsitan) gaudio provehente, quod in juvenali^o armorum certamine pars nostra non inferior fuerat. miseria hæc et metus crapulam facile excusserunt; quæ si non intervenissent, insidiatores nos sopiti jaceremus. Si domum tuam expugnaturus, capta domo, dominum interfecturus eram, non temperassem vino in unum diem? non milites abstinuisssem meos? Et, ne ego me solus nimia simplicitate tuear, ipse quo-*

ⁿ Quis dies? qualis? Gron.

^o juvenili Gron. Crev.

esset facinus ædis patræ lustrationum die, id est, die festo, solenni, sacro.

⁴⁵ *Quid? dies qualis?* Sic reposuimus, auctore Gelenio, qui illud procul dubio ex codice Moguntino deprompsit. Alludit Victorinus: *quidem dies qualis. Vulgo, quis dies? qualis?* quod quidem puerile est. Verum, quomodo legimus, recte procedit oratio. Sic enim argumentatur Demetrius. Lusus, convivium, commissatio, non ea sunt tempora, in quæ cogitati par-

ricidii suspicio facile conferri possit. Quid? diei ipsius sanctitas nonne tam nefarium consilium respuit?

⁴⁶ *Ut quibus aliis?* Hoc facile intelligitur, si loco interrogationis subjeceris negationem, cujus hic illa vim habet. Ut nulla jam mihi superessent sacra, quibus contaminatam omni scelere mentem expiarem. Sic infra, l. XLIV. c. 39. *Sine ulla sede vagi dimicassetus: ut quo victores nos recipere-* *mus?*

que minime malus ac suspicax frater, Nihil aliud scio, inquit, U. C. 570. nihil arguo, nisi quod cum ferro commissatum venerunt. A. C. 182. Si quæram, unde id ipsum scieris? necesse erit te fateri, aut speculatorum tuorum plenam domum fuisse meam, aut illos ita aperte sumsisse ferrum, ut omnes viderent. et, ne quid ipse aut prius inquisisse, aut nunc criminose argumentari videretur, te quærere ex iis, quos nominasset, jubebat, an ferrum habuissent? ut, tamquam in re dubia, quum id quæsissem, quod ipsi fatentur, pro convictis haberentur. Quin tu illud quari jubes, num tui occidendi causa ferrum sumserint? num me auctore et sciente? Hoc enim videri vis, non illud, quod fatentur, et palam est, ⁴⁷et sui se tuendi causa sumsisse dicunt. Recte, an perperam fecerint, ipsi sui facti rationem reddent. Meam causam, quæ nihil eo facto contingitur, ne miscueris: aut explica, utrum aperte, an clam te adgressuri fuerimus. Si aperte, cur non omnes ferrum habuimus? cur nemo præter eos, qui tuum speculatorem pulsarunt? si clam, quis ordo consilii fuit? Convivio soluto, quum commissator ego discessissem, quatuor substitissent, ut sopitum te adgrederentur? quomodo sefellissent, et alieni, et mei, et maxime suspecti, quia paullo ante in rixa fuerant? quomodo autem, trucidato te, ipsi evasuri fuerint? quatuor gladiis domus tua capi et expugnari potuit?

XV. Quin tu, omissa ista nocturna fabula, ad id, quod doles, quod invidiam urit, reverteris? Cur usquam regni tui mentio fit, Demetri? cur dignior patris fortunæ successor quibusdam videris, quam ego? cur spem meam, quæ, si tu non esses, certa erat, dubiam et sollicitam facis? Hæc sentit Perseus, etsi non dicit: hæc istum inimicum, hæc accusatorem faciunt: hæc domum, hæc regnum tuum criminibus et suspicionibus replent. Ego autem, pater, quemadmodum nec nunc sperare regnum, nec ambigere umquam de eo forsitan debeam, quia minor sum, quia tu me majori cedere vis; sic illud nec debui facere, nec debeo, ⁴⁸ut indignus te patre, indignus omnibus videar. id enim vitiis meis, non cedendo, cui jus fasque est, non modestia, consequar. Romanos objicis mihi, et ea, quæ gloriæ esse debent, in crimen vertis. Ego, nec obses Romanis ut tra-

⁴⁷ Et sui se tuendi causa sumpsisse dicunt] Lege cum Gronovio, deletis vocula et ac verbo dicunt, sui se tuendi causa sumpsisse. * Pendet nempe hoc membrum ab eo quod præcedit, illud quod futentur et palam est, scilicet sumpsisse se quidem arma, sed sui tuendi causa. Porro sui tuendi hic dictum est quemadmodum supra XXI. 41. vestri adhortandi. † Ea quæ resecantur, sunt procul dubio ab imperito aliquo emendatore, qui concinnam hanc breviter, Livio perquam familiarem, assequi intellectu non potuit.

⁴⁸ Ut indignus te patre, indignus omnibus videar] Hæc depravata sunt. Gronovius emendat: indignus tibi, pater, nempe, regno. Non alia fuit mens Livii. Demetrius dicit se fortasse de regno nunquam ambigere debere: at illud tamen facere non debere, ut eo indignus et patri, et ceteris omnibus videatur. Id enim, inquit, nimirum, ut indignus regno videar, vitiis meis consequar, non cedendo, cui jus fasque est, id est, fratri majori, non modestia ac moderatione animi.

U. C. 570. *derer, nec ut legatus mitterer Romam, petii. a te missus ire*
 A. C. 182. *non recusavi. utroque tempore ita me gessi, ne tibi pudori, ne regno tuo, ne genti Macedonum essem. Itaque mihi cum Romanis amicitia causa tu fuisti, pater. Quoad tecum illis pax manebit, mecum quoque gratia erit: si bellum esse coeperit, qui obses, qui legatus pro patre non inutilis fui, idem hostis illis acerrimus ero. Nec hodie, ut prosit mihi gratia Romanorum, postulo; ne obsit, tantum deprecor. nec in bello coepit, nec ad bellum reservatur. Pacis pignus fui, ad pacem retinendam legatus missus sum. neutra res mihi nec gloriae, nec crimini sit. Ego, si quid inpie in te, pater, si quid scelerate in fratrem admisi, nullam deprecor poenam. si innocens sum, ne invidia conflagrem, quum crimine non possim, deprecor. Non hodie me primum frater accusat: sed hodie primum aperte, nullo meo in se merito. Si mihi pater succenseret, te majorem fratrem pro minore deprecari oportebat, te adolescentiae, te errori veniam impetrare.* ⁴⁹ *in eo, ubi praesidium esse oportebat, ibi exitum est.* ⁵⁰ *E convivio et comissionibus^p prope semisomnus raptus sum ad causam parricidii dicendam.* ⁵¹ *sine advocatis, sine patronis, ipse pro me dicere cogor.* ⁵² *Si pro alio dicendum esset, tempus ad meditandum^q et componendam orationem sumsissem,* ⁵³ *quum quid aliud, quam ingenii fama, periclitarer? Ignarus, quid arcessitus essem, te iratum et jubentem dicere causam, fratrem accusantem audiui. Ille diu ante praeparata, meditata in me oratione est usus: ego id tantum temporis, quo accusatus sum, ad cognoscendum, quid ageretur, habui. Utrum momento illo horae accusatorem audirem? an defensionem meditarer? Adtonitus repentino atque inopinato malo, vix, quid objiceretur, intelligere potui: nedum satis sciam, quo modo me tuear. Quid mihi spei esset, nisi patrem judicem haberem? apud quem etiamsi caritate a fratre majore vincor, misericordia certe reus vinci non debeo. Ego enim, ut me mihi tibiue serves, precor: ille, ut me in securitatem suam occidas, postulat. Quid eum, quum regnum ei tradideris, facturum credis in me^r esse, qui jam nunc sanguine meo sibi indulgeri aequum censet?*

P comissione Crev.

q meditandam Gron. Crev.

r in me del. Eæd.

⁴⁹ *In eo ubi praesidium ... ibi exitum est]* Hæ voces in eo nihil aliud videntur esse, quam glossema, quod ad explicandum τὸ ubi margini appositum in textum deinde irrepserit. Victor. codex omittit in.

⁵⁰ *E convivio et comissione]* Sic Vict. codex et Andreas: melius quam, ut vulgo, *comissionibus*. Loquitur enim de comissione noctis praecedentis.

⁵¹ * *Sine advocatis, sine patronis]*

Advocatus est is qui adest reo, et se ei favere praesens testatur. Patronus, qui pro reo dicit.

⁵² *Si pro alio dicendum esset]* Hæc magis decerent Romanum, aut Atheniensem civem, quam regis Macedonum filium. Neque enim hic mos fuit in regum aulis, ut eorum filii causas orarent.

⁵³ * *Quum quid aliud]* Et tamen tunc, quodnam aliud periculum adirem, quam de ingenii fama?

XVI. Dicenti hæc lacrimæ simul spiritum et vocem U.C. 570. intercluserunt. Philippus, submotis iis, paullisper conlocu- A.C. 182. tus cum amicis, pronuntiavit: *Non verbis se, nec unius horæ disceptatione, caussam eorum dijudicaturum, sed inquirendo in utriusque vitam, mores; et dicta factaque in magnis parvisque rebus observando: ut omnibus adpareret, noctis proximæ crimen facile revictum; suspectam nimiam cum Romanis Demetrii gratiam esse. Hæc, vivo Philippo, velut semina jacta sunt Macedonici belli, quod maxime cum Perseo gerendum erat. Consules ambo in Ligures, quæ tum una con-* Res in Li- guria ges- tæ. sularis provincia erat, proficiscuntur. et, quia prospere ibi res gesserunt, supplicatio in unum diem decreta est. Ligurum duo millia fere ad extremum finem provinciæ Galliæ, ubi castra Marcellus habebat, venerunt, uti reciperentur, orantes. Marcellus, opperiri eodem loco Liguribus jussis, senatum per literas consuluit. Senatus rescribere M. Ogulnium prætorem Marcello jussit: *Verius fuisse, consules, quorum provincia esset, quam se, quid e republica esset, decernere; 54 tum quoque non placere, si per deditionem Ligures recipiet, receptis arma adimi: atque, eos 55 ad consulem mitti, senatum æquum censere. Prætores eodem tempore, 56 P. Manlius in ulteriorem Hispaniam,* In Hispania. quam et priore prætura provinciam obtinuerat; Q. Fulvius Flaccus in citeriorem pervenit, exercitumque a Terentio accepit. 57 nam ulterior morte P. Sempronii proconsulis sine imperio fuerat. Fulvium Flaccum oppidum Hispanum, Urbicum nomine, obpugnantem Celtiberi adorti sunt. Dura ibi prælia aliquot facta: multi Romani milites et vulnerati, et interfecti sunt. 58 victi perseverantia Fulvii, quod nulla vi abstrahi ab obsidione potuit, Celtiberi, fessi præliis variis abscesserunt. urbs, amoto auxilio eorum, intra paucos dies capta et direpta est: prædam militibus prætor concessit. Fulvius, hoc oppido capto, P. Manlius, exercitu tan-

⁶ placere sibi, per d. l. recipi, et receptis etc. Gron. Crev. Eæd.

⁷ prætoris

^u vicit p. Fulvius Eæd.

54 Tum quoque] Quamvis non senatus, sed consulum sententiam exquirere decuisset, se tamen dicturos quid sentiant, nempe, non placere, si per deditionem Ligures recipiet, receptis arma adimi. Ita enim legendum esse ex MSS. Gelenii putamus. Quæ hic dicuntur de non adimendis armis, videntur ea mente apposita, ut tacite exprobraretur id Marcello, quod priore anno consul fecerat, dum Gallis deditibus se arma ademerat. Vid. supra, lib. XXXIX. c. 54.

55 Ad consulem] Lege cum Sigonio et Gronovio ad consules. Uterque enim consul in Liguria erat.

56 P. Manlius in ulteriorem Hispaniam, quam et priore prætura provinciam obtinuerat] Huic tamen in priore prætura citerior Hispania obtigisse memoratur a Livio, supra XXXIII. 43.

57 * Nam ulterior] Ante hæc verba suppl. ex sensu: Ab nullo prætore P. Manlius exercitum accepit. Nam etc.

58 Vicit perseverantia Fulvius] Victi, et alii scripti habent victi perseverantia Fulvii. Ex utraque lectione aliquid tenendum, aliquid abjiciendum censuerimus, legendumque cum Gronovio vicit perseverantia Fulvii.

U. C. 570. tum in unum coacto, qui dissipatus fuerat, nulla alia memo-
 A. C. 182. rabili gesta re, exercitus in hiberna deduxerunt. Hæc ea
 ætate in Hispania gesta. Terentius, qui ex ea provincia
 decesserat, ovans urbem iniit. translatum, ⁵⁹argenti pondo
 novem millia trecenta viginti: auri octoginta pondo, et
⁶⁰duæ coronæ aureæ pondo sexaginta septem.

Contentio
 Karthagini-
 ensium cum
 Masinissa.

XVII. Eodem anno inter populum Karthaginiensem et
 regem Masinissam in re præsentī disceptatores Romani de
 agro fuerunt. ceperat eum ab Karthaginiensibus, pater
 Masinissæ, Gala: Galam Syphax inde expulerat: postea,
 in gratiam soceri Hasdrubalis, Karthaginiensibus dono de-
 derat. Karthaginienses eo anno Masinissa expulerat. Haud
 minore certamine animorum, quam quum ferro et acie di-
 micarunt, res acta apud Romanos. Karthaginienses, quod
 primo majorum suorum fuisset, deinde ab Syphace ad se
 pervenisset, repetebant. Masinissa, *paterni regni agrum se
 et recepisse, et habere* ⁶¹*jure gentium*, aiebat, *et causam, et pos-
 sessionem superiorem esse. nihil aliud se in ea disceptatione me-
 tuere, quam ne pudor Romanorum, dum vereantur, ne quid
 socio atque amico regi adversus communes suos atque illius
 hostes indulsisse videantur, damno sit.* Legati possessionis
 jus non mutarunt. causam integram Romam ad senatum
 rejecerunt. In Liguribus nihil postea gestum. recesserant
 primum in devios saltus: deinde, dimisso exercitu, passim
 in vicos castellaque sua dilapsi sunt. Consules quoque di-
 mittere exercitum voluerunt, ac de ea re Patres consulue-
 runt. ⁶²Alterum ex his, dimisso exercitu, ad magistratus
 in annum creandos venire Romam jusserunt: alterum cum
 legionibus suis Pisis hiemare. Fama erat, Gallos Transal-
 pinos juventutem armare: nec, in quam regionem Italiæ
 effusura se multitudo esset, sciebatur. ita inter se consules
 compararunt, ut Cn. Bæbius ad comitia iret, quia M. Bæ-
 bius frater ejus consulatum petebat.

U. C. 571.
 A. C. 181.
 P. Cornelio,
 M. Bæbio
 Coss.

XVIII. Comitia consulibus rogandis fuere. creati P.
 Cornelius Cethegus, M. Bæbius Tamphilus. Prætores inde
 facti, duo Q. Fabii, Maximus et Buteo, Ti.^u Claudius Ne-

^u C. Gron. Crev.

⁵⁹ Argenti pondo novem millia tre-
 centā viginti] Marcæ nostrates 14562.
 cum uncis 4. Auri octoginta pondo.
 Marcæ 125.

⁶⁰ Duæ coronæ aureæ pondo sexa-
 ginta septem] Sexaginta septem pondo
 efficiunt marcas nostrates 104. uncias
 5. semunciam 1. Nimum profecto
 pondus, quod in duas coronas impen-
 datur. Itaque vitiosa procul dubio
 hæc lectio est, a Gelenio inducta: et
 revocanda potius ea quam ille elimina-

vit: auri octoginta et duo pondo, coro-
 næ aureæ sexaginta septem. Pondus
 coronarum non semper exprimit Livius,
 ut supra l. XXXIX. c. 29.

⁶¹ *Jure gentium] Jure apud om-
 nes gentes recepto, ut eorum quæ pos-
 sedit pater, filius hæres sit.

⁶² Alterum ex his, dimisso exercitu]
 Apparet ex c. 19. et c. 25. infra, neu-
 trum e consulibus exercitum dimisisse.
 Mutatis nimirum temporibus mutata
 est et senatus, et consulum voluntas.

ro, Q. Petillius Spurius, M. Pinarius Posca, L. Duronius. U. C. 571.
A. C. 181.
Provinciae.
His, inito magistratu, provinciae ita sorte evenerunt. Ligures consulibus; praetoribus, Q. Petillio urbana, Q. Fabio Maximo peregrina, Q. Fabio Buteoni Gallia, Ti. Claudio Neroni Sicilia, M. Pinario Sardinia, L. Duronio Apulia; et Istri adjecti, quod Tarentini Brundisinique nunciabant, maritimos agros infestos transmarinarum^x navium latrociniiis esse. eadem Massilienses de Ligurum navibus querebantur. Exercitus inde decreti: quatuor legiones consu- Exercitus.
libus, (quina millia ducenos Romanos pedites, trecenos haberent equites) et quindecim millia socium ac Latini nominis, ⁶³ octingenti^y equites. In Hispaniis prorogatum veteribus praetoribus imperium est cum exercitibus, quos haberent. et in supplementum decreta tria millia civium Romanorum, ducenti equites: et socium Latini nominis sex millia peditum, trecenti equites. Nec rei navalis cura omissa. duumviros in eam rem consules creare iussi, per quos naves viginti deductae navalibus sociis civibus Romanis, qui servitutem servissent, complerentur; ⁶⁴ ingenui tantum ut iis praessent. Inter duumviros ita divisa tuenda denis navibus maritima ora, ut ⁶⁵ promontorium iis Minervae, velut cardo, in medio esset: alter in dextram partem usque ad Massiliam, laevam alter usque ad Barium tueretur.

XIX. Prodigia multa foeda et Romae eo anno visa, et Prodigia.
nunciata peregre. In area Vulcani et Concordiae sanguinem pluit; et pontifices ⁶⁶ hastas motas nunciavere, et Lanuvii simulacrum Junonis Sospitae lacrimasse. et pestilentia in agris, forisque, et conciliabulis, et in urbe tanta erat, ⁶⁷ ut

^x transmaritimarum Gron.

^y octingentos Gron. Crev.

63 Octingentos equites] Nihil est a quo regatur vox octingentos, nisi verbum haberent, quod et cadet quoque in hoc membrum, quindecim millia socium ac Latini nominis. At quomodo dici possunt legiones habere pedites equitesque socios, quae e civibus tantum Romanis constabant? Lege omnino octingenti, et distingue hoc modo: Exercitus . . . decreti: quatuor legiones consulibus, (quina millia ducenos Romanos pedites, trecenos haberent equites) et quindecim millia socium ac Latini nominis, octingenti equites. Ceterum dubitari potest, utrum ille socialis exercitus partiendus fuerit inter consules, an cuique consuli attributus sit is numerus peditum equitumque sociorum, qui hic exprimitur. Quomodo structa est oratio, videremur priorem sententiam sequi debere. Ut enim quatuor legiones dividuntur inter consules, binae cuique pro more at-

tributae, ita et dividendus videretur socialis exercitus. Sed contrarium evincitur, tum ex ipsa numeri ratione, tum ex eo quod supra l. XXXVII. c. 2. et l. XXXVIII. c. 35. quindecim millia sociorum peditum singulis consulibus assignantur.

64 Ingenui tantum] Ingenui sola ducum munia obirent. Iis potest referri vel ad naves, vel ad navales socios. De sociis navalibus vid. not. 27. ad l. XXI. c. 49.

65 * Promontorium . . . Minervae] In Campania.

66 Hastas motas] Sua sponte, ut supra aliquoties narratum est, l. XXI. c. 62. et l. XXIV. c. 10. Hastae autem de quibus hic agitur, videntur fuisse in aede Vulcani.

67 Ut Libitina tunc vix sufficeret] Libitina est dea, quae iuribus Manium, sive religiosiis illis officiis quibus mortui coluntur, praest. Hic sumitur pro

U. C. 571. Libitina tunc vix subficeret. His prodigiis cladibusque
 A. C. 181. anxii Patres decreverunt, ut et consules, quibus Diis videretur hostiis majoribus sacrificarent, et decemviri libros adirent. Eorum decreto supplicatio circa omnia pulvinaria Romæ in diem unum indicta est. iisdem auctoribus et senatus censuit, et consules edixerunt, ut per totam Italiam tri-duum supplicatio et feriæ essent. Pestilentiae tanta vis erat, ut, quum propter defectionem Corsorum, bellumque ab Iliensibus concitatum in Sardinia, octo millia peditum ex sociis Latini nominis scribi placuisset, et trecentos equites, quos M. Pinarius prætor secum in Sardiniam trajiceret, tantum hominum demortuum esse, tantum ubique ægrorum consules renunciaverint, ⁶⁸ ut is numerus effici militum non potuerit. quod deerat militum, sumere a Cn. Bæbio proconsole, qui Pisis hibernabat, jussus prætor, atque inde in Sardiniam trajicere. L. Duronio prætori, cui provincia Apulia evenerat, adjecta de Bacchanalibus quæstio est: cujus residua quædam velut semina ex prioribus malis jam priore anno adparuerant: sed magis inchoatæ apud ⁶⁹ L. Pupium prætorem quæstiones erant, quam ad exitum ullum perductæ. id persecare novum prætorem, ne serperet iterum latius, Patres jusserunt. Et leges de ambitu consules ex auctoritate senatus ad populum tulerunt.

Legationes
 variæ.

XX. Legationes deinde in senatum introduxerunt. Regum primas, Eumenis, et Ariarathis Cappadocis, et Pharnacis Pontici. nec ultra quidquam eis responsum est, quam missuros, qui de controversiis eorum cognoscerent, statuerentque. Lacedæmoniorum deinde exsulum et Achæorum legati introducti sunt. et spes data exsulis est, scripturum senatum Achæis, ut restituerentur. ⁷⁰ Achæi de Messene recepta, compositisque ibi rebus, cum adsensu Patrum exposuerunt. Et a Philippo rege Macedonum duo legati venerunt, Philocles et Apelles, nulla super re, quæ ab senatu

Libitinariis, id est, iis qui funebribus ministeriis obeundis præerant.

68 *Ut is numerus effici militum non potuerit. Quod deerat militum*] Postremam vocem e margine irrepsisse crediderim. GRONOVIVS.

69 *L. Pupium prætorem*] Qui biennio ante prætor fuerat, ac proximo anno provinciam Apuliam imperio prorogato obtinuerat. Ei imperium prorogatum esse apparet tum ex iis quæ hic dicuntur, tum ex eo quod præcedente anno Apuliam nemo prætorum sortitus fuerat. Vid. c. I. supra.

70 *Achæi de Messene recepta . . . cum assensu Patrum exposuerunt*] Vid. not. 8. ad c. 2. supra, et confer ea quæ

illo loco ex Polybio retulimus, cum iis quæ hic narrantur: quibus et illud adjicere non inutile fuerit, priores Achæorum legatos, quorum mentio facta est anno præcedente, retentos esse ab Romanis avidè expectantibus, quem exitum bellum adversus Messenios habiturum esset: iisque, simul atque Romæ cognitum fuerit res ex sententia Achæis processisse, Patres significasse, sibi curæ fuisse, ne quisquam ex Italia arma aut frumentum Messenen importaret. Hæc Polyb. Leg. 51. et 53. Ex his apparet Romanis tunc in usu esse cœpisse artes priscae illius simplicitatis parum memores.

petenda esset: speculatum magis inquisitumque missi ⁷¹ de U. C. 571. iis, quorum Perseus Demetrium insimulasset sermonum, A. C. 181. cum Romanis, maxime cum T. Quinctio, adversus fratrem de regno habitorum. Hos, tamquam medios, nec in alterius favorem inclinatos, miserat rex. erant autem et hi Persei fraudis in fratrem ministri et participes. Demetrius, ⁷² omnium, præterquam fraterni sceleris, quod nuper eruperat, ignarus, primo neque magnam, neque nullam spem habebat, patrem sibi placari posse. minus deinde in dies patris animo fidebat, quum obsideri aures a fratre cerneret. Itaque, circumspiciens dicta factaque sua, ne cujus suspensiones augeret, maxime ab omni mentione et contagione Romanorum abstinebat; ut neque ⁷³ scribi sibi vellet, quia hoc præcipue criminum genere exasperari animum sentiebat.

XXI. Philippus, simul ne otio miles deterior fieret, si-Philippi mul avertendæ suspicionis caussa quidquam a se agitari de iter ad Hæ- Romano bello, Stobos Pæoniæ exercitu indicto, in Mædicam munitum mon- tem. ducere pergit. Cupido eum ceperat in verticem Hæmi montis ascendendi, quia vulgatæ opinioni crediderat, Ponticum simul et Hadriaticum mare, et Histrum amnem, et Alpes conspici posse: subjecta oculis ea haud parvi sibi momenti futura ad cogitationem Romani belli. Percunctatus regionis peritos de adscensu Hæmi, quum satis inter omnes constaret, viam exercitui nullam esse, paucis et expeditis ⁷⁴ perdifficillimum^z aditum, ut sermone familiari minorem filium permulceret, quem statuerat non ducere secum, primum quærit ab eo, *Quum tanta difficultas itineris proponatur, utrum perseverandum sit in incepto, an abstinendum? Si pergat tamen ire, non posse oblivisci se in talibus rebus* ⁷⁵ *Antigoni: qui, sæva tempestate jactatus, quum in eadem nave secum suos omnes habuisset, præcepisse liberis diceretur, ut et ipsi meminissent, et ita posteris proderent, ne quis cum tota gente simul in rebus dubiis periclitari auderet. Memorem ergo se præcepti ejus, duos simul filios non commissu-*

^z per diffiçillimum Crev.

⁷¹ De iis quorum Perseus Demetrium insimulasset sermonum] De iis sermonibus, quorum sermonum, etc.

⁷² Omnium, præterquam fraterni sceleris . . ignarus] Vetus lectio erat, teste Gronovio, (et assentitur Victor. codex) præterquam fraterno scelere: quam idem hoc modo exponit; Demetrius omnium, quæ de se patrem, fratrem, totam aulam agitare posset suspicari, inscium fuisse, præterquam quantum ex scelere fraternæ accusationis colligeret.

⁷³ * Scribi] Litteras a Romanis, qui-

buscum ei consuetudo erat.

⁷⁴ Per diffiçillimum aditum] Lege cum Gronovio, per diffiçillima. * Sensus est, paucos et expeditos eo accedere posse, sed per loca diffiçillima.

⁷⁵ * Antigoni] Antigonus sic nude nominatum intelligimus inclytum illum Alexandri ducem qui maximam præter ceteros omnes potentiam adeptus, in pugna ad Ipsum octogenarius cecidit; cujus posteri in Macedonia regnarunt; quem hic proinde Philippus auctorem generis sui cum laude et veneratione nominat.

U.C. 571. *rum in aleam ejus, qui proponeretur, casus; et, quoniam majorem filium secum duceret, minorem ad subsidia spei et custodiam regni remissurum in Macedoniam esse.* Non fallebat Demetrium, ablegari se, ne adesset consilio, quum in conspectu locorum consultaret, quæ^z proxime itinera ad mare Hadriaticum atque Italiam ducerent, quæque belli ratio esset futura. sed non solum parendum patri tum, sed etiam adsendendum erat, ne invitum parere suspicionem faceret. Ut tamen iter ei tutum in Macedoniam esset, Didas, ex prætoribus regiis unus, qui Pæoniæ præerat, jussus est prosequi eum cum modico præsidio. Hunc quoque Perseus, sicut plerosque patris amicorum, ex quo haud dubium cuiquam esse cœperat, ad quem, ita inclinato regis animo, hæreditas regni pertineret, inter conjuratos in fratris perniciem habuit. in præsentia dat ei mandata, ut per omne obsequium insinuaret se in quam maxime familiarem usum, ut elicere omnia arcana, specularique abditos ejus sensus posset^a. Ita digreditur Demetrius cum infestioribus, quam si solus iret, præsidiis.

XXII. Philippus, Mædicam primum, deinde solitudines interjacentes Mædicæ atque Hæmo transgressus, septimis demum castris ad radices montis pervenit. ibi unum moratus diem ad deligendos, quos duceret secum,⁷⁶ tertio die iter est ingressus. Modicus primo labor in imis collibus fuit. quantum in altitudinem egrediebantur, magis magisque silvestria et pleraque invia loca excipiebant. Pervenerunt deinde⁷⁷ in tam^b opacum iter, ut, præ densitate arborum inmissorumque aliorum in alios ramorum, perspicere cælum vix posset: ut vero jugis adpropinquabant, quod rarum in aliis locis esset, adeo omnia contexta nebula, ut haud secus quam nocturno itinere impedirentur. tertio demum die ad verticem perventum. Nihil vulgatæ opinioni, degressi inde, detraxerunt: magis, credo, ne vanitas itineris ludibrio esset, quam quod diversa inter se maria, montesque, et amnes, ex uno loco conspici potuerint. Vexati omnes, et ante alios rex ipse, quo gravior ætate erat, difficultate viæ est. Duabus aris ibi Jovi et Soli sacratis quum immolasset, qua triduo adscenderat, biduo est⁷⁸ degressus, frigora nocturna

^z quæ Gron. Crev.

^a possit Eæd.

^b tam del. Gron.

⁷⁶ Tertio die iter est ingressus] Tertio, postquam ad radices montis pervenerat, die. Primus numeratur is ipse dies quo perventum est ad montem. Secundus, is quo mansit eodem loco Philippus ad deligendos quos secum duceret. Tertio, iter inchoatur. Hæc ideo pluribus notavimus, quia Sigonius hunc locum mutare voluit, et legere

postero die: in quo adstipulatus est ei Dujatius.

⁷⁷ In tam opacum] Addidimus voculam tam ex auctoritate Viet. codicis, et MSS. Hearnio inspectorum, et Andree.

⁷⁸ Degressus] Solenne hic et pervulgatum mendum libros insederat, digressus. Correxerit Sigonius.

maxime metuens, quæ caniculæ ortu similia brumalibus U. C. 571.
 erant. multis per eos dies difficultatibus conflictatus, nihilo A. C. 181.
 lætiora in castris invenit: ubi summa penuria erat, ut in regione, quam ab omni parte solitudines clauderent. Itaque unum tantum moratus diem, quietis eorum causa, quos habuerat secum, itinere inde simili fugæ in Dentheletos^c transcurrit. Socii erant: sed propter inopiam haud secus quam hostium fines Macedones populati sunt. rapiendo enim passim villas primum, dein quosdam vicos etiam evastarunt, non sine magno pudore regis, quum sociorum voces, nequidquam Deos sociales nomenque suum inplorantes, audiret. Frumento inde sublato, in Mædicam regressus urbem, quam Petram adpellant, obpugnare est adortus. ipse a campestri aditu castra posuit. Perseum filium cum modica manu circummisit, ut a superioribus locis urbem adgrederetur. Oppidani, quum terror undique instaret, obsidibus datis, in præsentia dediderunt sese. iidem, postquam exercitus recessit, obliti obsidum, relicta urbe, in loca munita et montes refugerunt. Philippus, omni genere laboris sine ullo effectu fatigatis militibus, et fraude prætoris Didæ auctis in filium suspicionibus, Macedoniam rediit.

XXIII. Missus hic comes, (ut ante dictum est) quum simplicitatem juvenis incauti, et suis haud immerito succensentis, adsentando indignandoque et ipse vicem ejus, capta-
 ret, in omnia ultro suam obferens operam, fide data, arcana ejus elicuit. Fugam ad Romanos Demetrius meditabatur. cui consilio adjutor Deûm beneficio oblatus videbatur Pæoniæ prætor, per cujus provinciam spem ceperat elabi tuto posse. Hoc consilium extemplo et fratri proditur, et, auctore eo, indicatur patri. Literæ primum ad obsidentem Petram adlatæ sunt. inde Herodorus (princeps hic amicorum Demetrii erat) in custodiam est conjectus, et Demetrius Demetrius fugam ad Romanos meditatur.
 dissimulanter adservari jussus. Hæc super cetera tristem adventum in Macedoniam regi fecerunt. movebant eum et præsentia crimina: exspectandos tamen, quos ad exploranda omnia Romam miserat, censebat. His anxius curis quum aliquot menses egisset, tandem legati, jam ante præmeditatis in Macedonia, quæ ab Roma renunciarent, venerunt. qui, super cetera scelera, falsas etiam literas, signo adulterino T. Quinctii signatas, reddiderunt regi. ⁷⁹Deprecatio erat in literis, si quid adolescens, cupiditate regni

^c *Dentheletas Gron. Dantheletas Crev.*

79 *Deprecatio erat in literis*] In iis litteris precabatur T. Quintius regem, ut ignosceret Demetrio, si quid adolescens cupiditate regni prolapsus secum egisset de regno olim adipiscen-

do. Apposuimus distinctionem quæ finiret sensum post hæc verba *secum egisset*: quia nobis hoc modo concinnior fore oratio videbatur.

U. C. 571. prolapsus, secum egisset. *nihil eum adversus suorum quem-*
 A. C. 181. *quam facturum: neque eum sese esse, qui ullius inpii consilii*
auctor futurus videri possit. Hæ literæ fidem Persei crimi-
 nibus fecerunt. Itaque Herodorus, extemplo diu excrucia-
 tus, sine indicio rei ullius in tormentis moritur.

Criminatio-
 nes Persei
 in Deme-
 trium.

XXIV. Demetrium iterum ad patrem accusavit Perseus. fuga per Pæoniam præparata arguebatur, et corrupti quidam, ut comites itineris essent; maxime falsæ literæ T. Quinctii urgebant. nihil tamen palam gravius pronunciatum de eo est, ut dolo potius interficeretur: nec id cura ipsius, sed ne pœna ejus consilia adversus Romanos nudaret. Ab Thessalonice^c Demetriadem ipsi quum iter esset, ⁸⁰ Astræum^d Pæoniæ Demetrium mitiit cum eodem comite Dida, ⁸¹ Perseum Amphipolim, ad obsides Thracum accipiendo. digredienti ab se Didæ mandata dedisse dicitur de filio occidendo. Sacrificium ab Dida seu institutum, seu simulatum est. ad quod celebrandum invitatus Demetrius ab Astræo Heracleam venit. in ea cœna dicitur venenum datum. Poculo epoto, extemplo sensit. et mox coortis doloribus, relicto convivio, quum in cubiculum recepisset sese, crudelitatem patris conquerens, parricidium fratris, ac Didæ scelus incusans, torquebatur. intronissi deinde Thyrsis quidam Stuberæus et Berææus Alexander, injectis tapetibus in caput faucesque, spiritum intercluserunt. Ita innoxius adolescens, quum in eo ne simplici quidem genere mortis contenti inimici fuissent, interficitur.

Demetrius
 necatur.

Res in Li-
 guria gestæ.

XXV. Dum hæc in Macedonia geruntur, L. Æmilius Paullus, prorogato ex consulatu imperio, principio veris in Ligures Ingaunos exercitum introduxit. Ubi primum in hostium finibus castra posuit, legati ad eum, per speciem pacis petendæ, speculatum venerunt. negante Paulo, nisi cum deditis pacisci se pacem, non tam id recusabant, quam tempore opus esse aiebant, ut generi agresti hominum persuaderetur. ad hoc decem dierum induciæ quum darentur, petierunt deinde, *ne trans montes proximos castris pabulatum lignatumque milites irent. cuncta ea loca suorum finium esse.* Id ubi impetravere, post eos ipsos montes, unde averterant hostem, exercitu omni coacto, repente multitudine ingenti castra Romanorum obpugnare simul omnibus portis adgres-

^c Thessalonica Crev.

^d Asterium Gron. Æstræum Crev.

80 *Æstræum Pæoniæ*] Sic vett. editi: et firmant scriptorum antiquorum testimonia. Vid. Clar. Harduin. ad Plin. l. IV. c. 10. Vict. codex, ut et scripti Sigoniani, *Astræum*: unde Sigonius legi iusserat *Asterium*. Sed *Asterium* Thes-

salis est, non Pæoniæ.

81 *Perseum Amphipolim*] Olim ad *Philippopolim*. Mutavit Sigonius ex Prisciani l. VII. ubi hæc Livii verba citantur. Modus quoque testatur in membranis suis legi *Amphipolim*.

si sunt. Summa vi ⁸²totum^e diem obpugnarunt, ita ut ne efferendi quidem signa Romanis spatium, nec ad explicandam aciem locus esset. Conferti in portis, obstando magis, quam pugnando, castra tutabantur. Sub occasum solis quum recessissent hostes, duos equites ⁸³ad Cn. Bæbium proconsulem cum literis Pisas mittit, ut, obsesso sibi per inducias quamprimum subsidio veniret. Bæbius exercitum M. Pinario prætori, eunti in Sardiniam, tradiderat. ceterum et senatum literis certiores fecit, obsideri a Liguribus L. Æmilium, et M. Claudio Marcello, cujus proxima inde provincia erat, scripsit, ut, si videretur ei, exercitum ex Gallia traduceret in Ligures, et L. Æmilium liberaret obsidione. Hæc sera futura auxilia erant. Ligures postero die ad castra redeunt. Æmilius, quum et venturos scisset, et educere in aciem potuisset, intra vallum suos tenuit, ut extraheret rem in id tempus, quo Bæbius cum exercitu venire a Pisis posset.

A.C. 571.
U. C. 181.
Obpugnatur a Liguribus Æmilii castra.

XXVI. Romæ magnam trepidationem literæ Bæbii fecerunt: eo majorem, quod paucos post dies Marcellus, tradito exercitu Fabio, Romam quum venisset, spem ademit, eum, qui in Gallia esset, exercitum in Ligures traduci posse, quia bellum cum Istris esset, prohibentibus coloniam Aquileiam deduci. eo profectum Fabium, neque inde regredi, bello inchoato, posse. Una, et ea ipsa tardior, quam tempus postulabat, subsidii spes erat, si consules maturassent in provinciam ire. id ut facerent, pro se quisque Patrum vociferari. Consules, nisi confecto delectu, negare se ituros, nec suam segnitiam, sed vim morbi, in causa esse, ⁸⁴quo serius perficeretur^f. non tamen potuerunt sustinere consensum senatus, quin paludati exirent, et militibus, quos conscriptos haberent, diem edicerent, quo Pisas convenirent. ⁸⁵permissum, ut, qua irent, ⁸⁶protinus subitarios milites scriberent, ducerentque secum.

Magna Romæ trepidatio.

^e add. unum Gron. Crev.

^f perficerentur Gron.

82 Totum unum diem] Dele vocem unum, quam ignorat unus e MSS. Hearnii. Vict. quoque codex tota die.

83 Ad Cn. Bæbium proconsulem] Certissima Sigonii emendatio, quam clare probant ea, quæ memorata sunt supra c. 19. de Cn. Bæbio. Vulgo legabatur ad M. Bæbium consulem, qui revera consul est hoc anno, sed etiam tum Romæ erat, ut constat ex c. seq.

84 Quo serius perficeretur] Gronovianæ editiones habent proficiscerentur. Vetustiorum lectionem expressimus, a Sigonio quoque testatam in not. ad c. proxime præcedens, ut

aptiorem et elegantiorum. Nec vero legendum crediderimus cum eodem Gronovio quod serius. Nihil mutatione opus est. Vim morbi in causa esse, quo serius, id est, cur eo serius perficeretur delectus, quam alioquin fieri potuisset.

85 Permissum, ut] Omnes scripti et prisci editi omittunt ^{et} ut, teste Gronovio: nec illud exstat in codice Vict.

86* Protinus] Inter eundem. Subitarios milites interpretatur ipse Livius III. 4. repentina auxilia. Eodem fere modo exponimus tumultua-

U. C. 571. Et prætoribus, Q. Petillio et Q. Fabio, imperatum est, ut
 A. C. 181. Petillius duas legiones civium Romanorum tumultuarias scriberet, et omnes minores quinquaginta annis sacramento rogaret: Fabio, ut sociis Latini nominis quindecim millia peditum, octingentos equites imperaret. Duumviri navales creati C. Matienus et C. Lucretius, ⁸⁷navesque iis ornatae sunt; Matienoque, cujus ad Gallicum sinum provincia erat, imperatum est⁸⁸, ut classem primo quoque tempore duceret in Ligurum oram, ⁸⁸si quo usui esse L. Æmilio atque ejus exercitui posset.

Æmilius
 castris
 erumpit.

XXVII. Æmilius, postquam nihil usquam auxilii ostendebatur, interceptos credens equites, non ultra differendum ratus, quin per se fortunam tentaret, priusquam hostes venirent, qui jam segnius socordiusque obpugnabant, ad quatuor portas exercitum instruxit, ut, signo dato, simul ex omnibus partibus eruptionem facerent. ⁸⁹Quatuor extraordinariis cohortibus duas adjunxit, præposito M. Valerio legato: erumpere ⁹⁰extraordinaria porta jussit. ⁹¹ad dexteram principalem hastatos legionis primæ instruxit; principes ex eadem legione in subsidiis posuit: M. Servilius et L. Sulpicius, tribuni militum, his præpositi. Tertia legio adversus principalem sinistram portam instructa est. id tantum mutatum; principes primi, et hastati in subsidiis locati: Sex. Julius Cæsar et L. Aurelius Cotta, tribuni militum, huic legioni præpositi sunt. Q. Fulvius Flaccus legatus cum dextera ala ⁹²ad quæstoriam portam

§ est del. Gron. Crev.

rias de quibus mox agetur legiones, id est, legiones ob instantem tumultum raptim scriptas, non solito ordine aut cura, sed ex omni genere hominum nullo discrimine.

87 Navesque iis ornatae sunt: Matienoque, cujus ad Gallicum sinum provincia erat, imperatum] Omnis scripta lectio, navesque iis ornatae sunt, cujusque ad Gallicum sinum provincia erat, imperatum: idque probum esse contendit Gronovius. Cujusque nempe erit pro eique cujus. Quod loquendi genus antiquum et doctum esse probat allatis e Plauto et Livio ipso exemplis. Vide ipsum. Vulgata lectio est a Gelenio; et, quia perspicuitate vincit, a nobis retenta est.

88 Si quo usui] Si posset L. Æmilio usui esse aliquo, vel ad aliquid.

89 Quatuor extraordinariis cohortibus duas adjunxit] De extraordinariis cohortibus vid. not. ad l. XXVII. c. 12. et observa insuper ex hoc loco dis-

cere nos posse, extraordinarios pedites ex unaquaque ala desumptos in duas cohortes divisos fuisse: quum duæ alæ dent in hoc exercitu quatuor cohortes extraordinarias. Duas adjunxit: intellige alares cohortes, et quidem sinistræ alæ. Dextra enim ala, et quidquid est in legionibus, alibi occupatum erat, ut patet ex iis quæ infra narrantur. Ceterum recte observat Gronovius hiare indecore orationem, meliusque structam fore, si legas: Quatuor extraordinarias cohortes, duabus adjunctis, præposito M. Valerio legato, erumpere extraordinaria porta jussit.

90 Extraordinaria porta] Id est, porta prætoria, quæ ideo extraordinaria quoque dicta est, quod juxta eam pedites equitesque extraordinarii tenderent.

91 Ad dexteram principalem] Vid. not. 15. ad l. III. c. 5.

92 Ad quæstoriam portam] Decumanam. Vid. not. 67. ad l. XXXIV. c. 47.

positus: ⁹³duæ cohortes et triarii duarum legionum in præsidio castrorum manere jussi. Omnes portas concionabundus ipse imperator circumiit; et, quibuscumque irritamentis, poterat, iras militum acuebat; nunc fraudem hostium incusans, qui, pace petita, induciis datis, per ipsum induciarum tempus contra jus gentium ad castra obpugnanda venissent: nunc, quantus pudor esset, edocens, ab Liguribus, latronibus verius, quam hostibus justis, Romanum exercitum obsideri. *Quo ore quisquam vestrum, si hinc alieno præsidio, non vestra virtute, evaseritis, obcurreret, non dico eis militibus, qui Hannibalem, qui Philippum, qui Antiochum, maximos nostræ ætatis reges ducesque, vicerunt; sed iis, qui hos ipsos Ligures aliquoties, pecorum modo fugientes, per saltus invios consecrati ceciderunt? Quod Hispani, quod Galli, quod Macedones Pœnive non audeant, Ligustinus hostis vallum Romanum subit, obsidet ultro, et obpugnat! quem, scrutantes antea devios saltus, abditum et latentem vix inveniebamus. Ad hæc consentiens reddebatur militum^b clamor, nullam militum culpam esse, quibus nemo ad erumpendum signum dedisset. Daret signum: intellecturum, eosdem, qui antea fuerint, et Romanos et Ligures esse.*

XXVIII. Bina cis montes castra Ligurum erant. ex iis, primis diebus, sole orto, pariter omnes compositi et instructi procedebant: tum, nisi exsatiati cibo vinoque, arma non capiebant. dispersi, inordinati exibant; ut quibus ⁹⁴pro spe certum esset, hostes extra vallum signa non elaturos. Adversus ita incompósitos eos venientes, clamore pariter omnium, qui in castris erant, calorum quoque et lixarum, sublato, simul omnibus portis Romani eruperunt. Liguribus adeo improvisa res fuit, ut perinde, ac si insidiis circumventi forent, trepidarent. Exiguum temporis aliqua forma pugnae fuit. fuga deinde effusa, et fugientium passim cædes erat. Equitibus dato signo, ut conscenderent equos, nec effugere quemquam sinerent, in castra omnes trepida fuga compulsi sunt: deinde ipsis exuti castris. Supra quindecim millia Ligurum eo die occisa, capta duo millia et quingenti. Triduo post Ligurum Ingaunorum omne nomen, obsidibus datis, ⁹⁵in ditionemⁱ ve-

Vincuntur
Ligures.

^b militum del. Gron. Crev.

ⁱ deditionem Eæd.

93 Duæ cohortes] E sinistra ala. Hic remanet aliquis scrupulus, quod quatuor tantum cohortium sinistrae alæ mentionem facit in hac exercitus ordinatione Livius. At in ala, quæ idem fere erat apud socios, quod apud Romanos legio, decem cohortes erant, quemadmodum in legione. Hoc probatur ex Iivio, qui l. X. c. 43. docet

fuisse in exercitu consulari viginti alares cohortes: unde evidenter colligitur in decem cohortes alam divisam fuisse.

94 Pro spe certum esset] Lege cum Mureto, prope certum.

95 In deditionem venit] Scripta lectio in ditionem. Moguntina editio, teste Gronovio, prima invehit id quod

U. C. 571. nit. gubernatores nautæque conquisiti, ⁹⁶qui prædatores
 A. C. 181. fuissent navibus, atque omnes in custodiam conjecti. Et a
 C. Matieno duumviro naves ejus generis in Ligustina ora
 triginta duæ^k captæ sunt. Hæc qui nunciarent, literasque
 ad senatum ferrent, L. Aurelius Cotta, C. Sulpicius Gallus
 Romam missi; simulque peterent, ut L. Æmilio confecta
 provincia decedere, et deducere secum milites liceret, atque
 dimittere. Utrumque permissum ab senatu, et supplicatio
 ad omnia pulvinaria per triduum decreta: jussique præto-
 res, Petillius urbanas dimittere legiones, Fabius sociis atque
 nomini Latino remittere delectum: et uti prætor urbanus
 consulibus scriberet, senatum æquum censere, subitarios
 milites, tumultus caussa conscriptos, primo quoque tempore
 dimitti.

Graviscæ
 colonia.

LibriNumæ
 inventi.

XXIX. Colonia Graviscæ eo anno deducta est in agrum
 Etruscum, de Tarquiniensibus quondam captum. Quina
 jugera agri data. tresviri deduxerunt, C. Calpurnius Piso,
 P. Claudius Pulcher, C. Terentius Istra. Siccitate et ino-
 pia frugum insignis annus fuit. Sex menses numquam
 pluisse, memoriæ proditum est. ⁹⁷Eodem anno in agro L.
 Petillii scribæ sub Janiculo, dum cultores agri altius moli-
 untur terram, duæ lapideæ arcæ, octonos ferme pedes lon-
 gæ, quaternos latæ, inventæ sunt, operculis plumbo devine-
 tis. Literis Latinis Græcisque utraque arca inscripta erat;
 in altera Numam Pompilium, Pomponis filium, regem Ro-
 manorum, sepultum esse; in altera libros Numæ Pompilii
 inesse. Eas arcas quum ex amicorum sententia dominus
 aperuisset, quæ titulum sepulti regis habuerat, inanis in-

^k duæ ac triginta Gron. Crev.

nunc vulgatum est. Recte sane. Etsi enim illud alterum tolerari potest, vox *deditionem* sic convenit huic loco, ut nulla alia magis.

⁹⁶ Qui prædatores fuissent navibus] Hic aliquod procul dubio vitium est. Fortasse dederat Livius: qui in prædatoriis fuissent navibus. Certe legendum esse prædatoriis probant verba sequentis periodi, *naves ejus generis*; quibus indicatur navium certi cujusdam generis prius mentionem factam fuisse.

⁹⁷ Eodem anno in agro L. Petillii] Hoc loco apposuit Hearnius quædam a Nardino, Rom. Vet. l. VII. c. 11. observata, ex quibus hæc exscribere operæ pretium esse duximus. Multa hic mihi dubia, inquit Nardinus, animum torquent. Ac primum, quo pacto tam præclari carique regis monumentum per tot secula ita ignotum esse populo Romano potuerit, ut et ipse situs ejus ignoratus sit. Adhæc,

quo pacto intra paulo plus quingentorum annorum decursum corpus humanum ita consumi potuerit, ut ne vestigium quidem ejus ossium, imo nec pulvis superfuerit. Item, quo pacto libri chartacei, tametsi omni cura custoditi, recenti specie esse potuerint. Ut et, unde chartæ tunc usus, quam Plinius l. XIII. c. 11. post Alexandrum Magnum inventam in Ægypto dicit, annis plusquam trecentis post Numam: et, licet inventa jam tum et in usu fuerit, unde rudi illo et paupere seculo charta Romam ex Ægypto delata sit. Denique quomodo lingua Græca tam familiaris tum temporis Latio fuerit... Hæc et plura alia forsitan me inducerent, ut fraudem atque imposturam hanc recentioris alicujus hominis fuisse suspicarer, nisi tam (graves et) antiquos scriptores nimis et inconsultæ credulitatis damnare nefas existimarem.

venta, sine ullo vestigio corporis humani, aut ullius rei, per U.C. 571.
 tabem tot annorum omnibus absumentis. in altera duo fasces, A.C. 181.
⁹⁸candelis involuti, septenos habuere libros, non integros
 modo, sed recentissima specie. Septem Latini de jure
 pontificio erant; septem Græci de disciplina sapientiæ, quæ
 illius ætatis esse potuit. Adjicit Antias Valerius, Pythagoræ
 auditorum fuisse, ⁹⁹vulgatæ opinioni, qua creditur, Pythagoræ
 auditorem fuisse Numam, mendacio probabili adcommo-
 data fide. Primo ab amicis, qui in re præsentis fuerunt,
 libri lecti. mox pluribus legentibus quum vulgarentur, Q.
 Petillius prætor urbanus, studiosus legendi, eos libros a L.
 Petillio sumsit. et erat familiaris usus, ¹quod scribam eum
 quæstor Q. Petillius in decuriam legerat. Lectis rerum
 summis, quum animadvertisset, pleraque dissolvendarum
 religionum esse, L. Petillio dixit, *Sese eos libros in ignem*
conjecturum esse. prius, quam id faceret, se ei permittere, uti,
si quod seu jus, seu auxilium se habere ad eos libros repetendos
existimaret, experiretur: id ²integra sua gratia eum facturum.
 Scriba¹ tribunos plebis adit; ab tribunis ad senatum res
 est rejecta. Prætor se jusjurandum dare paratum esse
 aiebat, libros eos legi servarique non oportere. Senatus
 censuit, *Satis habendum, quod prætor jusjurandum pollicere-*
tur. libros primo quoque tempore in comitio cremandos esse.
prelium pro libris, quantum Q. Petillio prætori majorique
parti tribunorum plebis videretur, domino esse solvendum. id
 scriba non accepit. libri in comitio, igne a ³victimariis facto,
 in conspectu populi cremati sunt.

Comburuntur.

XXX. Magnum bellum ea æstate coortum in Hispania
 citeriore. ad quinque et triginta millia hominum, quantum
 numquam ferme antea, Celtiberi comparaverant. Q. Fulvius
 Flaccus eam obtinebat provinciam. is, quia armare juven-
 tutem Celtiberos audierat, et ipse, quanta poterat, a sociis

Bellum in Hispania citeriore.

¹ ins. ad Gron. Crev.

⁹⁸ Candelis] Funiculis, vel filis pice, aut cera illitis. Ceterum hoc idem de duabus illis Numæ arcis, dissidentes tamen in aliquibus, narrant Val. Max. l. I. c. 1. Plin. XIII. 13. Plut. in Numa.

⁹⁹ Vulgatæ opinioni] Ad vulgatam opinionem, qua creditur Pythagoræ auditorem fuisse Numam, fidem accommodans per mendacium probabile. Fidem accommodare ad vulgatam opinionem, est inflectere et detorquere narrationis fidem ad opinionem vulgatam.

¹ Quod scribam eum quæstor Q. Petillius in decuriam legerat] Quod Q. Petillius, quum quæstor esset, eum le-

gerat scribam, et uni e decuriis scribarum adscriperat. Hinc patet quæstoribus jus fuisse legendorum scribarum. Idem juris habuisse prætores et ædiles curules docet Cicero pro Cleunt. n. 126. Porro scribarum ordo in decurias distributus erat. Igitur quicumque legebatur scriba, in unam ex illis decuriis contribuebatur.

² Integra sua gratia] Ita ut ille eundem apud se gratiæ et amicitie gradum teneret.

³ Victimariis] Victimarii erant sacerdotum ministri, qui victimas ligabant, et cultrum, aquam, et molam salsam parabant, ceteraque quæ sacris necessaria erant.

U. C. 571. auxilia contraxerat; sed nequaquam numero militum hostem æquabat. Principio veris exercitum in Carpetaniam duxit, et castra locavit ad oppidum Æburam, modico præsidio in urbe posito. Paucis post diebus Celtiberi, millia duo ferme inde, sub colle posuerunt castra. quos ubi adesse prætor Romanus sensit, M. Fulvium fratrem cum duabus turmis sociorum equitum ad castra hostium speculatum misit, quam proxime succedere ad vallum jussum, ut videret, quanta essent; pugna abstineret, reciperetque sese, si hostium equitatum exeuntem vidisset. Ita, ut præceptum erat, fecit. Per dies aliquot nihil ultra motum, quam ut hæ duæ turmæ ostenderentur: dein subducerentur, ubi equitatus hostium castris procucurrissent^m. Postremoⁿ Celtiberi, omnibus simul peditum equitumque copiis castris egressi, acie directa medio ferme spatio inter bina castra constituerunt. Campus erat planus omnis et aptus pugnae. ibi steterunt Hispani hostem expectantes. Romanus intra vallum suos continuit per quadriduum continuum: et illi eodem loco aciem instructam tenuerunt. Ab Romanis nihil motum. inde quievere in castris Celtiberi, quia pugnae copia non fiebat: equites tantum in stationem egrediebantur, ut parati essent, si quid ab hoste moveretur. pone castra utriusque pabulatum et lignatum ibant, neutri alteros impedi-
entes.

Vineuntur
Celtiberi.

XXXI. Prætor Romanus, ubi satis tot dierum quiete credidit spem factam hosti, nihil se priorem moturum, L. Acilium cum ala sinistra et sex millibus provincialium auxiliorum circumire montem jubet, qui ab tergo hostibus erat; inde, ubi clamorem audisset, decurrere ad castra eorum. nocte profecti sunt, ne possent conspici. Flaccus luce prima C. Scribonium, præfectum socium, ad vallum hostium⁴ cum equitibus extraordinariis sinistrae alae mittit. quos ubi et propius accedere, et plures, quam soliti erant, Celtiberi conspexerunt, omnis equitatus effunditur castris: simul et peditibus signum ad exeundum datur. Scribonius, uti præceptum erat, ubi primum⁵ fremitum equestrium audivit, avertit equos, et castra repetit. eo effusius sequi hostes. primo equites, mox et peditum acies aderat, haud dubia spe, ⁶castra eo die se obpugnatu-
ros. quingentos passus, non plus, a vallo aberant. Itaque, ubi Flaccus satis abstractos eos a præsidio castrorum suorum ratus est, intra vallum

^m *procucurrisset* Gron. Crev.

ⁿ *ins. et Eæd.*

4 *Cum equitibus extraordinariis sinistrae alae*] Vid. not. ad l. XXVII. c. 12.

5 *Fremitum equestrium*] Lege cum Gronovio *fremitum equestrem*: quem admodum alibi *procella equestris*.

6 *Castra eo die se obpugnatu-
ros*] Nihil mutandum. Hucusque pugnam tantum inter bina castra speraverant.

* Nunc crescit illis audacia, et castra quoque Romana se obpugnatu-
ros sperant.

exercitu instructo, tribus partibus simul erumpit, clamore non tantum ad ardorem pugnae excitandum sublato, sed etiam ut, qui in montibus erant, exaudirent. nec morati sunt, quin decurrerent, sicut imperatum erat, ad castra: ubi quinque millium^o armatorum, non amplius, relictum erat praesidium. quos quum et paucitas sua, et multitudo hostium, et inprovisa res terruisset, prope sine certamine capiuntur castra. castris, quae pars maxime a pugnantis con-
spici poterat, iniecit Acilius ignem.

XXXII. Postremi Celtiberorum, qui in acie erant, primi flammam conspexere. deinde per totam aciem vulgatum est, castra amissa esse, et tum cum maxime ardere. unde illis terror, inde Romanis animus crevit. jam clamor suorum vincentium accipiebat, jam ardentia hostium castra adparebant. Celtiberi parumper incertis animis fluctuati sunt. ceterum, postquam receptus pulsus nullus erat, nec usquam, nisi in certamine, spes, pertinacius de integro capessunt pugnam. Acie media urgebantur acriter a quinta legione. adversus laevum cornu, in quo⁷ sui generis provincialia auxilia instruxisse Romanos cernebant, cum majore fiducia intulerunt signa. Jam prope erat, ut sinistrum cornu pelleretur Romanis, ni septima legio successisset. simul ab oppido Æbura, qui in praesidio relictis erant, in medio ardore pugnae advenerunt, et Acilius ab tergo erat. Diu in medio caesi Celtiberi. qui supererant, in omnes passim partes capessunt fugam. Equites, bipartito in eos emissi, magnam caedem edidere. ad viginti tria millia hostium eo die caesa: capta quatuor millia et septingenti^p, cum equis plus quingentis, et signa militaria octoginta^a octo. Magna victoria, non tamen incruenta fuit. Romani de duabus legionibus milites paullo plus ducenti, socium Latini nominis octingenti triginta, externorum auxiliarium duo millia ferme et quadringenti ceciderunt. Praetor in castra victorem exercitum reduxit. Acilius manere in castris ab se captis jussus. postero die spolia de hostibus lecta, et pro concione donati, quorum virtus insignis fuerat.

XXXIII. Saucii deinde in oppidum Æburam devectis, per Carpetaniam ad Contrebiā ductae legiones. ea urbs circumsessā, quum a Celtiberis auxilia arcessisset, morantibus iis, non quia ipsi cunctati sunt, sed quia profectos a domo inexplicabiles continuis imbribus viae et inflati amnes tenebant, desperato auxilio suorum, in ditionem venit. Flaccus quoque, tempestatibus foedis coactus, exercitum

^o quinque millium l. quingentorum Gron. Crev. ^p octingenti Eæd. ^a nonaginta Eæd.

⁷ Sui generis provincialia auxilia] Copias auxiliares in provincia collectas, ex eodem genere, ex quo ipsi erant id est, Hispanos.

U. C. 571. omnem in urbem introduxit. Celtiberi, qui a' domo profecti
 A. C. 181. erant, deditionis ignari, quum tandem, superatis, ubi primum remiserunt imbres, amnibus, Contrebiā venissent, postquam castra nulla extra mœnia viderunt, aut in alteram partem translata rati, aut recessisse hostes, per neglegentiam effusi ad oppidum accesserunt. In eos duabus portis Romani eruptionem fecerunt, et incompósitos adorti fuderunt. ⁸Quæ res ad resistendum eos et ad capessendam pugnam impediit, quod non uno agmine, nec ad signa frequentes veniebant, eadem magnæ parti ad fugam salutis fuit. Sparsi enim toto passim campo se diffuderunt: nec usquam confertos eos hostis circumvenit. tamen ad duodecim millia sunt cæsa: capta plus quinque millia hominum, equi quadringenti, signa militaria sexaginta duo. Qui palati e fuga domum se recipiebant, alterum agmen Celtiberorum venientium, deditionem Contrebiæ et suam cladem narrando, averterunt. extemplo in vicos castellaque sua omnes dilapsi. Flaccus, a Contrebia profectus, per Celtiberiam populabundus ducit legiones: ⁹multa castella obpugnavit, donec maxima pars Celtiberorum in deditionem venit.

Aquileia colonia. XXXIV. Hæc in citeriore Hispania eo anno gesta. Et in ulteriore, Manlius prætor secunda aliquot prælia cum Lusitanis fecit. Aquileia colonia Latina eodem anno in agro Gallorum est deducta. tria millia peditum quinquagena jugera, centuriones centena, centena quadragena equites acceperunt. tresviri deduxerunt, P. Cornelius Scipio Nasica, C. Flaminius, L. Manlius Acidinus. Ædes duæ eo anno dedicatæ sunt: una Veneris Erycinæ ad portam Collinam: dedicavit L. Porcius L. F. Licinus duumvir. (vota erat ab consule L. Porcio, Ligustino bello.) altera, in foro olitorio, Pietatis. eam ædem dedicavit M. Acilius Glabrio duumvir; statuamque auratam, ¹⁰quæ prima omnium in Italia statua aurata est, patri Glabroni posuit. ¹¹Is erat, qui ipse eam ædem voverat, quo die cum rege Antiocho ad

Prima aurata statua.

⁷ a del. Gron. Crev.

⁸ Quæ res . . . eadem] Eadem res magnæ parti salutis fuit, quæ impedimento fuerat ad pugnam, nempe quod non uno agmine veniebant, nec circa signa ex disciplina conglobati, sed disjecti dissipatique.

⁹ Multa castella oppugnavit] Nobis, ut et Gronovio, placeret magis expugnavit.

¹⁰ Quæ prima omnium . . . statua aurata est] Assentimur Gronovio legenti, quæ prima omnium statua aurata est. Statuere statuam frequenter

dixere veteres. Cic. pro Sextio, n. 83. Non dubito, quin aliquando statua huic in foro statueretur: et bis Phil. IX. n. 16. eadem locutione utitur. * et ipse Livius, XXIII. 19. Statua ejus indicio fuit, Præneste in foro statuta.

¹¹ Is erat] Refer tamen is ad patrem Glabronem, cui statua posita est, non ad filium, qui posuit. Quod et satis patet ex ipsis Livii verbis, et clare omnino exprimitur a Val. Max. l. II. c. 5.

Thermopylas depugnasset: locaveratque idem ex senatus-U. C. 571.
 consulto. Per eosdem dies, quibus hæ ædes dedicatæ sunt, A. C. 181.
 L. Æmilius Paullus proconsul ex Liguribus Ingaunis trium-Triumphus
 phavit. Transtulit coronas aureas quinque et viginti. nec L. Æmilii
 præterea quidquam auri argentique in eo triumpho latum. Paulli.
 captivi multi principes Ligurum ante currum ducti. ¹²æris
 trecentos militibus divisit. Auxerunt ejus triumphi famam
 legati Ligurum, pacem perpetuam orantes: *ita in animum* Pacem pe-
induxisse Ligurum gentem, nulla umquam arma, nisi imperata tunt Ligu-
a populo Romano, sumere. Responsum a Q. Fabio prætore res.
 est Liguribus jussu senatus, *Orationem eam non novam Li-*
guribus esse: mens vero ut nova et orationi conveniens esset,
ipsorum id plurimum referre. Ad consules irent, et, quæ ab iis
imperata essent, facerent. nulli ulii, quam consulibus, senatum
crediturum esse, ¹³*sincera fide in pace Ligures esse.* Pax in
 Liguribus fuit. In Corsica pugnatum est cum Corsis. ad
 duo millia eorum M. Pinarius prætor in acie occidit. qua
 clade compulsi obsides dederunt, et ¹⁴ceræ centum millia
 pondo. Inde in Sardiniam exercitus ductus, et cum Iliensi-
 bus, gente ne nunc quidem omni parte pacata, secunda præ-
 lia facta. ¹⁵Karthaginiensibus eodem anno centum obsides
 reddit, ¹⁶pacemque cum iis populus Romanus, non ab se
 tantum, sed ab rege etiam Masinissa, præstitit: ¹⁷qui tum
 præsidio armato agrum, qui in controversia erat, obtine-
 bat.

XXXV. Otiosam provinciam consules habuerunt. M. U. C. 572.
 Bæbius, comitorum caussa Romam revocatus, consules A. C. 180.
 creavit A. Postumium Albinum Luscum et C. Calpurnium
 Pisonem. Prætores exinde facti Ti. Sempronius Gracchus,
 L. Postumius Albinus, P. Cornelius Mammula, Ti. Minu-
 cius Molliculus, A. Hostilius Mancinus, C. Mænius. ii om-
 nes magistratum Idibus Martiis inierunt. Principio ejus
 anni, quo A. Postumius Albinus et C. Calpurnius Piso con-

A. Postu-
mio, C.
Calpurnio
Coss.

* tum l. cum Crev.

¹² *Æris trecentos*] Qui æquant un-
 cias argenti nostrates ternas cum senis,
 ut vocant, grossis.

¹³ *Sincera fide in pace Ligures esse*] Totum hoc abjudicat Vict. codex: quod et facile intelligeretur, etiamsi abesset. Adde et incommodam iterationem verbi esse: *crediturum esse, sincera fide in pace Ligures esse.*

¹⁴ *Ceræ centum millia pondo*] Libras Parisienses 78125.

¹⁵ *Carthaginiensibus centum obsides reddit*] Vid. supra l. XXXII. c. 2.

¹⁶ *Pacemque cum iis populus Romanus non ab se tantum, sed ab rege etiam Masinissa præstitit*] Gronovius

delet *et cum*, et huic firmandæ emendationi affert exempla: e Livio quidem, l. IX. c. 20. *Pacis per omnem Apuliam præstandæ populo Romano auctores:* *XXXIX. 28. *pax quoque præstanda a barbaris erat, nempe exercitui Romano: et Justinus vero, plane geminum huic loco, l. XXV. c. 2. Ut Antigono pacem opinio hujus victoriæ, non a Gallis tantum, verum etiam a finitumorum feritate præstiterit.*

¹⁷ *Qui cum præsidio*] Substituimus auctore Vict. codice, præpositionem *cum*, pro eo quod in vulgatis legitur, *tum*.

U. C. 572.
A. C. 180.

sules fuerunt, ab A. Postumio consule in senatum introducti, qui ex Hispania citeriore venerant a Q. Fulvio Flacco, L. Minucius legatus, et duo tribuni militum, T. Mænius et ¹⁸L. Terentius Massiliota¹. Hi quum duo secunda prælia, deditionem Celtiberiæ, confectam provinciam nunciassent, nec stipendio, quod mitti soleret, nec frumento portato ad exercitum in eum annum opus esse, petierunt ab senatu primum, *ut ob res prospere gestas Diis immortalibus honos haberetur*. deinde, *ut Q. Fulvio decedenti de provincia deportare inde exercitum, cujus forti opera et ipse et multi ante eum prætores usi essent, liceret. quod fieri, præterquam quod ita deberet,* ¹⁹*etiam prope necessarium esset. Ita enim obstinatos esse milites, ut non ultra retineri posse in provincia viderentur, injussuque abituri inde essent, si non dimitterentur: aut in perniciosam, si quis inpense retineret, seditionem exarsuri*. Consulibus ambobus provinciam Ligures esse senatus jussit. Prætores inde sortiti sunt. A. Hostilio urbana, Ti. Minucio peregrina obvenit, P. Cornelio Sicilia, C. Mænio Sardinia. Hispanias sortiti, L. Postumius ulteriorem, Ti. Sempronius citeriorem. Is quia successurus Q. Fulvio Flacco erat, ne vetere exercitu provincia spoliaretur, *Quæro, inquit, de te, L. Minuci, quum confectam provinciam nuncies, existimesne, Celtiberos perpetuo in fide mansuros, ita ut sine exercitu ea provincia obtineri possit? Si neque de fide barbarorum quidquam recipere aut adfirmare nobis potes, et habendum illic ulique exercitum censes; utrum tandem auctor senatui sis supplementum in Hispaniam mittendi, ut ii modo, quibus emerita stipendia sint, milites dimittantur, veteribus militibus tirones immisceantur? an, deductis de provincia veteribus legionibus, novas conscribendi et mittendi; quum* ²⁰*contemptum tirocinium etiam mitiores barbaros excitare ad rebellandum possit? Dictu, quam re, facilius sit, provinciam ingenio ferocem, rebellatricem, confecisse? Pauca civitates, ut quidem ego audio, quas vicina maxime hiberna premebant, in jus ditionemque venerunt; ultiores in armis sunt. quæ quum ita sint, ego jam hinc prædico, Patres conscripti, me exercitu co, qui nunc est, rempublicam administraturum: si deducat secum Flaccus legiones, loca pacata me ad hibernacula lecturum^u, neque novum militem ferocissimo hosti objecturum.*

XXXVI. Legatus ad ea, quæ interrogatus erat, respondit: *Neque se, neque quemquam alium divinare posse, quid in animo Celtiberi haberent, aut porro habituri essent. Itaque*

¹ Massa Gron. Crev.

^u electurum Eæd.

¹⁸ L. Terentius Massa] Vict. codex, Massalita. Vide not. 82. ad l. XXXI. c. 50. et not. 43. ad l. XXXVIII. c. 42.

¹⁹ Etiam prope necessarium esse] Lege cum Gronovio esse.

²⁰ Contemptum tirocinium] Contemptus tironis exercitus.

negare non posse, quin rectius sit, etiam ad pacatos barba- U. C. 572.
ros, nondum satis adsueto imperio, exercitum mitti. novo au- A. C. 180.
tem, an vetere exercitu opus sit, ejus, esse dicere, qui scire pos-
sit, qua fide Celtiberi in pace mansuri sint; simul et qui
illud exploratum habeat, quieturos milites, si diutius in pro-
vincia retineantur. Si ex eo, quod aut inter se loquantur,
aut subclamationibus apud concionantem imperatorem signi-
ficient, quid sentiant, conjectandum sit; palam vociferatos es-
se, aut imperatorem in provincia retenturos, aut cum eo in
Italiam venturos esse. Disceputationem inter prætorem lega-
 tumque consulum relatio interrupt; qui ²¹suas ornari pro-
 vincias, priusquam de prætoris exercitu ageretur, æquum
 censebant. Novus omnis exercitus consulibus est decretus:
 binæ legiones Romanæ cum suo equitatu, et sociûm Latini
 nominis, ²²quantus semper numerus, quindecim millia pe-
 ditum et octingenti equites. cum hoc exercitu Apuanis
 Liguribus ut bellum inferrent, mandatum est. P. Cornelio
 et M. Bæbio prorogatum imperium, jussique provincias
 obtinere, donec consules venissent. tum imperatum, ut, di-
 misso, quem haberent, exercitu, reverterentur Romam. De
 Ti. Sempronii deinde exercitu actum est. novam legionem
 ei quinque millium et ducentorum peditum cum equitibus
 quadringentis consules scribere jussi; et mille præterea pe-
 ditum civium Romanorum, quinquaginta equites: et sociis
 e nomine Latino imperare septem millia peditum, trecentos
 equites. cum hoc exercitu placuit ire in Hispaniam cite-
 riorem Ti. Sempronium. ²³Q. Fulvio permissum, ut, qui
 milites, ante Sp. Postumium^u, Q. Marcium consules, cives

^u add. et Gron. Crev.

21 *Suas ornari provincias*] Decerni
 ea quæ suis provinciis opus essent.
 Verbum *ornari* proprium est hac in re.
 22 *Quantus semper numerus*] Vult
 Lipsius l. II. de Milit. Rom. Dial. 7.
 hic legi, *quantus tum semper numerus*,
 quia nimirum ex Livio et Polybio con-
 stat, a sociis, ut plurimum, parem Ro-
 manis legionibus peditum numerum,
 duplicem equitum solere præberi. Sed
 illud *tum* etiamsi non exprimitur, fa-
 cile ex ipsa re suppleri potest. Intel-
 lige igitur tantummodo hoc jam a
 multis annis servatum esse. Vid. su-
 pra, c. 18.

23 *Q. Fulvio permissum, ut*] Q.
 Fulvio permissum est, ut deportaret
 secum in Italiam eos milites, qui ante
 Sp. Postumium et Q. Marcium con-
 sules in Hispaniam transportati es-
 sent; et præterea, quanto numero,
 post supplementum adductum, duæ
 legiones excederent decem millia et
 quadringentos pedites, sexcentos equi-

tes, quanto item numero socialis exer-
 citus superaturus esset duodecim mil-
 lia peditum, sexcentos equites, eum
 numerum peditum equitumque Q.
 Fulvius secum quoque deportaret, eos
 potissimum deligendo, quorum forti
 opera usus esset. Sex millia et ducen-
 tos pedites Romanos Ti. Sempronius
 in Hispaniam secum adducebat. De-
 cem millia et quadringenti pedites
 Romani in Hispania remanere debe-
 bant. Ergo e vetere exercitu quatuor
 tantum millia et ducenti manebunt ad
 signa. Ceteri omnes dimittentur: sed
 eo ordine, ut primum dimittantur qui
 ante consulatam Postumii et Marcii in
 Hispaniam venerant, tum ii qui for-
 tem operam reipublicæ in duobus ad-
 versus Celtiberos præliis navaverant.
 Idem dicas de equitibus Romanis, de
 peditibus equitibusque sociis. Ceterum
 post hæc verba, *sociûm Latini nominis*
duodecim millia, addidimus vocem *pe-*
ditas ex uno Hearnii MS.

U. C. 572. Romani socii^{ve}, in Hispaniam transportati essent, et præter-
 A. C. 180. ca, supplemento adducto, quot amplius duabus legionibus,
 quam decem millia, et quadringenti pedites, sexcenti equi-
 tes essent; et socium Latini nominis duodecim millia^x,
 sexcenti equites, quorum forti opera duobus adversus Celti-
 beros præliis usus Q. Fulvius esset, eos, si videretur, secum
 deportaret. Et supplicationes decretæ, quod is prospere
 rempublicam gessisset: et ceteri prætores in provincias
 missi. Q. Fabio Buteoni prorogatum in Gallia imperium
 est. Octo legiones, præter exercitum veterem, qui in Ligu-
 ribus in spe propinqua missionis erat, eo anno esse pla-
 cuit. et ²⁴is ipse exercitus ægre explebatur propter pesti-
 lentiam, quæ jam tertium annum urbem Romanam atque
 Italiam vastabat.

Pestis in
Italia.

XXXVII. Prætor Ti. Minucius, et haud ita multo post
 consul C. Calpurnius moritur, multique alii omnium ordi-
 num inlustres viri: postremo prodigii loco ea clades haberi
 cœpta est. C. Servilius pontifex maximus piacula iræ
 Deum conquirere jussus, decemviri libros inspicere, consul
 Apollini, Æsculapio, Saluti ²⁵dona vovere, et dare signa
 inaurata; quæ vovit deditque. Decemviri supplicationem
 in biduum valetudinis caussa in urbe et per omnia fora conciliabulaque
 edixerunt: majores duodecim annis, omnes
 coronati et lauream in manu tenentes, supplicaverunt.
 Fraudis quoque humanæ insinuaverat suspicio animis; et
 veneficii quæstio ex senatusconsulto, quod in urbe, propi-
 usve urbem decem millibus passuum esset commissum, C.
 Claudio prætori, qui in locum Ti. Minucii erat subfectus;
 ultra decimum lapidem per fora conciliabulaque C. Mænio,
 priusquam in Sardiniam provinciam trajiceret, decreta.
 Suspecta consulis erat mors maxime. necatus a Quarta
 Hostilia uxore dicebatur. ut quidem filius ejus Q. Fulvius
 Flaccus in locum vitrici consul est declaratus, aliquanto ma-
 gis infamis mors Pisonis cœpit esse: et testes existebant,
 qui post declaratos consules Albinum et Pisonem, quibus
 comitiis Flaccus tulerat repulsam, et exprobratum ei a matre
 dicerent, quod jam ei tertium negatus consulatus petenti
 esset, et adjecisse, *pararet se ad petendum; intra duos menses
 effecturam, ut consul fieret.* Inter multa alia testimonia, ad
 causam pertinentia, hæc quoque vox, nimis vero eventu
 comprobata, valuit, cur Hostilia damnaretur. Veris princi-
 pio hujus, dum consules novos delectus Romæ tenet, mors
 deinde alterius, et creandi comitia consulis in locum ejus,

Calpurnius
Cos. mori-
tur.

Quæstio de
veneficiis.

Cos. Cal-
purnii mors
suspecta.

Privignus ei
subfectus.

Uxor ejus
damnata.

* add. *pedites* Gron. Crev.

24 * *Is ipse exercitus*] Hæc verba re-
fer ad octo legiones. Is ipse numerus
legionum, etsi non magnus, ægre ta-
men explebatur.

25 *Dona vovere et dare signa inau-
rata*] Vovere et dare dona, nempe
signa inaurata.

omnia tardiora fecerunt: interim P. Cornelius et M. Bæ-
 bius, qui in consulatu nihil memorabile gesserant, in Apua-
 nos Ligures exercitum induxerunt.

XXXVIII. Ligures, qui ante adventum in provinciam
 consulum non exspectassent bellum, improvise obpressi, ad
 duodecim millia hominum dederunt se. Eos, consulto per
 literas prius senatu, deducere ex montibus in agros cam-
 pestres procul ab domo, ne reditus spes esset, Cornelius et
 Bæbius statuerunt, nullum alium ante finem rati fore Li-
 gustini belli. Ager publicus populi Romani erat in Samni-
 tibus, ²⁶ qui Taurasinorum ³ [fuerat. In eum quum] tradu-
 cere Ligures Apuanos vellent, edixerunt, ²⁷ Ligures ab Anido
 montibus descendere cum liberis conjugibusque: sua om-
 nia secum portarent. Ligures, sæpe per legatos deprecati,
 ne penates, sedem, in qua geniti essent, sepulcra majorum,
 cogenterent relinquere, arma, obsides pollicebantur. postquam
 nihil impetrabant, neque vires ad bellandum erant, edicto
 paruerunt. Traducti sunt publico sumtu ad quadraginta
 millia liberorum capitum cum feminis puerisque. ²⁸ argenti
 data centum et quinquaginta millia², ²⁹ unde, in novas ædes,
 compararent, quæ opus essent. agro dividendo dandoque
 iidem, qui traduxerant, Cornelius et Bæbius præpositi.
 postulantibus tamen ipsis, quinqueviri ab senatu dati, quo-
 rum ex consilio agerent. Transacta re, quum veterem ex-

Apuani in
 Samnium
 transducti.

¹ lacunam hanc indicavit modo asteriscis Gronovius, non explevit; Crevierius
 autem, ut in textu, habet. ² add. *sestertiū* Gron. Crev.

26 Qui Taurasinorum [fuerat. In
 eum quum] traducere] Verba quæ un-
 cis inclusa sunt, ex Sigonii conjectura
 sunt adjecta. De Taurasinorum no-
 mine dubitatur. In vet. edit. pro *Tau-
 rasinorum* legitur, teste Gronovio, *Tau-
 raninorum*. Tauraniæ oppidi mentio-
 nem facit Plinius, l. III. c. 5.

27 Ligures ab Anido montibus de-
 scendere] Hunc extremum quadragesi-
 mum librum Sigonius et alii monent
 ex unico exemplari, quod in Germania
 foret, descriptum esse. Itaque miran-
 dum non est, quod is pluribus in locis
 deformatus reperitur. Velut hoc loco
 grave mendum est, quod feliciter pur-
 gare videtur Muretus: *Ligures Apuani
 de montibus descenderent*. Verba sunt
 edicti consulum.

28 Argenti data centum et quinquaginta
 millia] Glareanus dubitanter:
adjiciendum puto, sestertium. Hoc vel-
 ut ex oraculo profectum arripuerunt
 editores omnes et in contextum inse-
 ruerunt, quum tamen nihil sit minus
 probabile. Primo enim non existima-
 mus ex usu fuisse Latinorum ut quum
 per sestertios numerarent, apponerent

vocem *argenti*, quæ quidem omnino
 supervacanea erat, quum nulli essent
 sestertii alii quam argentei. Secundo
 centum et quinquaginta millia sester-
 tiū æquant marcas argenti nostrates
 586 fere: summa perdidicula exigua,
 quæ in quadraginta hominum millia
 dividatur. Rescandum ergo duximus
 inconcinnum additamentum. Rursus
 si vel intelligamus vel adjiciamus *pondo*,
 inmane pondus argenti exurget: marcæ
 nostrates 234375. præterquam quod
 verisimile non est argentum non signat-
 um Liguribus datum esse. Suspica-
 mur potius per *sedes argenti* hic indicari
 denarios, quemadmodum in compluri-
 bus aliis locis hæ voces, *argenti bigati*
 vel *quadrigati*, junctæ cum numero
millia, exprimunt bigatos vel quadri-
 gatos denarios. Sed quum denarii
 150000. efficiant tantummodo pondus
 marcarum argenti Parisiensium fere
 2344. facile crediderimus numerum hoc
 loco esse depravatam, et minorem eo
 quem Livius dederat.

29 Unde in novas ædes] Imo *sedes*:
 qua voce continebuntur et domus et
 agri.

U. C. 572. erciturum Romam deduxissent, triumphus ab senatu est decretus. Hi omnium primi nullo bello gesto triumpharunt. A. C. 180. Triumphus nullo bello gesto. ⁵⁰ tantum hostes ducti ante currum: quia, nec quid ferretur, neque quid duceretur captum, neque quid militibus daretur, quidquam in triumphis eorum fuerat.

Res Hispaniæ.

Hispani Flacco insidiantur.

XXXIX. Eodem anno in Hispania Fulvius Flaccus proconsul^z, quia successor in provinciam tardius veniebat, educto exercitu ex hibernis, ulteriorem Celtiberiæ agrum, unde ad deditionem non venerant, institit vastare. qua re irritavit magis, quam conterrui, animos barbarorum: et, clam comparatis copiis, saltum Manlianum, per quem transiturum exercitum Romanum satis sciebant, obsederunt. In Hispaniam ulteriorem eunti L. Postumio Albino collegæ Gracchus mandaverat, ⁵¹ ut Q. Fulvium certiorum faceret, Tarraconem exercitum adduceret. *ibi* ⁵² *dimitti veteranos, supplementaque distribuere, et ordinare omnem exercitum sese velle.* Dies quoque, et ea propinqua, edita Flacco est, qua successor esset venturus. Hæc nova adlata res, omissis, quæ agere instituerat, Flaccum raptim deducere exercitum ex Celtiberia quum coëgisset, barbari, caussæ ignari, suam defectionem et clam comparata arma sensisse eum, et pertimuisse rati, eo ferocius saltum insederunt. Ubi eum saltum prima luce agmen Romanum intravit, repente ex duabus partibus simul exorti hostes Romanos invaserunt. Quod ubi vidit Flaccus, primos tumultus, in agmine per centuriones stare omnes, suo quemque loco, et arma expedire iubendo, sedavit: et, sarcinis jumentisque in unum locum coactis, copias omnes partim ipse, partim per legatos tribunosque militum, ut tempus, ut ^a locus postulabat, sine ulla trepidatione instruxit; ⁵³ *cum bis deditis rem esse admonens. Scelus et perfidiam illis, non virtutem, nec animum accessisse. Reditum ignobilem in patriam, clarum ac memorabilem cos sibi fecisse: cruentos ex recenti cæde hostium gladios, et manantia sanguine spolia, Romam ad triumphum delaturos.* Plura dici tempus non patiebatur. invehabant se hostes, et in partibus extremis jam pugnabatur. deinde acies concurrerunt.

^z proprator Gron. Crev.

^a et Eæd.

⁵⁰ *Tantum hostes ducti ante currum]* An ii qui se dediderant, duodecim hominum millia? An legendum *obsides?* ut suspicatur Gronovius. Parum liquet: nec magni momenti res est. Mox pro ter repetito *quid*, vult idem Gronovius, non immerito, ter poni *quod*.

⁵¹ *Ut Q. Fulvium certiorum faceret, Tarraconem exercitum adduceret]* Sensus est, ut iuberet Q. Fulvium adducere exercitum in urbem Tarraconem. Sed

dubitamus an locutio satis congrua et ex usu bonæ Latinitatis habenda sit. Nullum certe aliud ejus exemplum novimus.

⁵² *Dimitti veteranos, supplementaque distribuere]* Fortasse *dimittere*. Gronovius.

⁵³ *Cum bis deditis]* Unius Celtiberorum deditionis supra fit mentio, c. 33. Quando altera facta sit, haud facile reperies.

XL. Atrox ubique prælium, sed varia fortuna erat. U. C. 572. egregie ³⁴legiones, nec segnius duæ alæ pugnabant; exter- A. C. 180.
na auxilia ab simili armatura, meliore aliquantum militum
genere, urgebantur, nec locum tueri poterant. Celtiberi;
ubi ordinata acie et signis conlatis se non esse pares legio-
nibus senserunt, cuneo inpressionem fecerunt. quo tantum
valent genere pugnae, ut, quacumque parte ³⁵perculere in-
petu suo, sustineri nequeant. tunc quoque turbatae legiones
sunt, prope interrupta acies. Quam trepidationem ubi
Flaccus conspexit, equo advehitur ad legionarios equites:
et, *Ecquid auxilii in vobis est? Actum jam de hoc exercitu
erit?* quum undique adclamassent, *quin ederet, quid fieri ve-
lit; non segniter imperium exsecuturos.* Duplicate turmas,
inquit, *duarum legionum equites, et* ³⁶*permittite equos in cune-
um hostium, quo nostros urgent. id cum majore vi equorum
facietis, si effrenatos in eos equos inmittitis: quod sæpe Roma-
nos equites cum magna laude fecisse sua, memoriae proditum
est.* Dicto paruerunt, detractisque frenis bis ultro citroque
cum magna strage hostium, infractis omnibus hastis, trans-
currerunt. Dissipato cuneo, in quo omnis spes fuerat,
Celtiberi trepidare, et, prope omissa pugna, locum fugae
circumspicere. Et ³⁷alarii equites, postquam Romanorum
equitum tam memorabile facinus videre, et ipsi, virtute eo-
rum accensi, sine ullius imperio in perturbatos jam hostes
equos inmittunt. Tunc vero Celtiberi omnes in fugam ef-
funduntur, et imperator Romanus, aversos hostes contem-
platus, ædem Fortunæ Equestri, Jovique optimo maximo
ludos vovit. Cæduntur Celtiberi per totum saltum dissi-
pati fuga. decem et septem millia hostium cæsa eo die tra-
duntur: vivi capti plus quatuor^b millia, ducentis septua-
ginta septem cum signis militaribus, equis prope mille cen-
tum. Nullis castris eo die victor exercitus mansit. victoria
non sine jactura militum fuit. quadringenti septuaginta duo
milites Romani, socium ac Latini nominis mille decem et
novem, cum his tria millia militum auxiliariorum perierunt.
ita victor exercitus, renovata priore gloria, Tarraconem est
perductus. Venienti Fulvio Ti. Sempronius prætor, qui
biduo ante venerat, obviam processit: gratulatusque est,
quod rempublicam egregie gessisset. cum summa concor-

Cæduntur.

^b tria Gron. Crev.

³⁴ Legiones alæ externa
auxilia] Hic clare distinguuntur tria
militum genera in exercitu Romano:
legiones, e civibus Romanis; alæ, e
sociis et nomine Latino constantes:
externa auxilia sunt aliarum gentium,
et hic intelligi debent Hispani, quum
dicantur simili armatura fuisse cum

Celtiberis hostibus.

³⁵ Perculere impetu suo] Lege per-
tulere impetus suos.

³⁶ Permittite equos ... id cum ma-
jore vi equorum] Tan. Faber delet vo-
cem equorum.

³⁷ Alarii equites] Equites socii.

U. C. 572. dia, quos dimitterent, quosque retinerent milites, composue-
 A. C. 180. runt. Inde Fulvius, exauctoratis militibus in naves inposi-
 tis, Romam est profectus. Sempronius in Celtiberiam le-
 giones duxit.

Res in Li- XLI. Consules ambo in Ligures exercitus induxerunt
 guria gestæ. diversis partibus. Postumius prima et tertia legione Balis-
 tam Suismontiumque montes obsedit: et, premendo præsi-
 diis angustos saltus eorum, commeatus interclusit, inopia-
 que omnium rerum eos perdomuit. Fulvius, secunda et
 quarta legione adortus a Pisis Apuanos Ligures, qui eorum
 circa Macram fluvium incolebant, in deditionem acceptos,
 ad septem millia hominum in naves ³⁸inpositos, præter
 oram Etrusci maris Neapolim transmisit. inde in Sannium
 traducti, agerque his inter populares datus est. Montano-
 rum Ligurum ab A. Postumio vineæ cæsæ, frumenta-
 que deusta: donec cladibus omnibus belli coacti in deditionem
 venerunt, armaque tradiderunt. Navibus inde Postumius
 ad visendam oram Ingaunorum Intemeliorumque Ligurum
 processit. Priusquam hi consules venirent ad exercitum,
 qui Pisas ³⁹indictus erat, præerant A. Postumius et ⁴⁰frater
 Q. Fulvii M. Fulvius Nobilior. Secundæ legionis Fulvius
 tribunus militum erat. ⁴¹is mensibus suis dimisit legionem,
 jurejurando adactis centurionibus, ⁴²æs in ærarium ad quæ-
 stores esse delaturos. Hoc ubi Placentiam (nam eo forte
 erat profectus) ⁴³Aulo nunciatum est, cum equitibus expe-
 ditis secutus dimissos, quos eorum potuit adsequi, ⁴⁴deduxit
 castigatos Pisas. de ceteris consulem certiorum fecit. Eo
 referente, senatusconsultum factum est, ut M. Fulvius in
 Hispaniam relegaretur ultra novam Karthaginem. Literæ-
 que ei datæ sunt a consule ad P. Manlium in Hispaniam

³⁸ Impositos] Affirmat Sigonius in primo exemplari Germanico exstitisse imposita. Recte fecit quisquis mutavit.

³⁹ Indictus erat] Proba emendatio Sigonii, quum legeretur inductus. Inducitur exercitus in hostilem agrum: indicitur, quum ei dies et locus statuitur ad conveniendum.

⁴⁰ Frater Q. Fulvii] Hic M. Fulvius Nobilior frater germanus fuit illius Q. Fulvii Flacci, qui consul futurus est proximo anno, et quinquennio post censor, a quo et senatu motus est. Vid. infra not. 31. ad l. XLII. c. 27. Idem frater patruelis fuit Q. Fulvii Flacci, qui consul est hoc ipso anno.

⁴¹ Is mensibus suis] Docet Polybius l. VI. tribunos militum inter se comparare solitos, ut e sex tribunis, qui in quamque legionem erant, bini alterna

vice semestris spatii menses duos imperarent. Quum igitur imperandi vices ad Fulvium pervenissent, is suis mensibus, id est, suo bimestri legionem dimisit. Hæc fere Turnebus l. XXX. Advers. c. 24.

⁴² Æs in ærarium] Intellige stipendium militare, quod jam a questoribus numeratum jubet Fulvius in ærarium referri, tanquam nihil pertinens ad eos milites qui dimittebantur.

⁴³ Aulo nunciatum est] A. Postumio, qui tribunus militum cum M. Fulvio exercitui præerat. Olim hic edebatur Fulvio nunciatum est. At patet ex ipsa rei narratione, nec Fulvium tribunum militum, nec Fulvium consulem hic intelligi posse. Itaque recte emendavit Sigonius Aulo.

⁴⁴ Deduxit . . . Pisas] Lege cum Gironovio reduxit.

ulteriore deferendæ. Milites jussi ad signa rēdire. caussa ignominia, uti semestre stipendium in eum annum esset ei legioni, decretum: qui miles ad exercitum non redisset, eum ipsum bonaque ejus vendere consul jussus.

XLII. Eodem anno L. Duronius, qui prætor anno superiore ex Illyrico cum decem navibus Brundisium redierat, inde, in portu relictis navibus, quum venisset Romam, inter exponendas res, quas ibi gessisset, haud dubie in regem Illyriorum Gentium latrocinii omnis maritimi caussam avertit. *ex regno ejus omnes naves esse, quæ superi maris oram depopulatæ essent. de his rebus se legatos misisse, nec conveniendi regis potestatem factam.* Venerant Romam legati a Gentio, qui, *quo tempore Romani conveniendi regis caussa venissent, ægrum forte cum in ultimis partibus fuisse regni dicerent.* Petere Gentium ab senatu, ne crederent confictis criminibus in se, quæ inimici detulissent. Ad ea Duronius adjecit, multis civibus Romanis et sociis Latini nominis injurias factas in regno ejus; et cives Romanos dici Corey-ræ retineri. Eos omnes Romam adduci placuit: C. Claudium prætorem cognoscere: neque ante Gentio regi legisve ejus responsum reddi. Inter multos alios, quos pestilentia ejus anni absumsit, sacerdotes quoque aliquot mortui sunt. L. Valerius Flaccus pontifex mortuus est: in ejus locum subfectus est Q. Fabius Labeo. P. Manlius, qui nuper ex ulteriore Hispania redierat. ⁴⁵triumvir epulo: Q. Fulvius M. F. in locum ejus triumvir cooptatus, tum ⁴⁶prætextatus erat. De rege sacrificio subficiendo in locum Cn. Cornelii Dolabellæ contentio inter C. Servilium pontificem maximum fuit et L. Cornelium Dolabellam duumvirum navalem; quem, ut inauguraret, pontifex ⁴⁷magistratu sese abdicare jubebat. recusantique id facere ob eam rem multa duumviro dicta a pontifice; deque ea, quum provocasset, certatum ad populum. quum plures jam ⁴⁸tribus, intro vocatæ, dicto esse audientem pontifici duumvirum, juberent; multamque remitti, si magistratu se abdicasset; ⁴⁹ultimum de cælo, quod comitia turbaret, intervenit. reli-

Sacerdotes
mortui et
subfecti.

Contentio
de rege sa-
cifico.

^c se del. Gron. Crev.

⁴⁵ Triumvir epulo] Vid. not. 15. ad lib. XXXIII. c. 42. supra.

⁴⁶ Prætextatus] Puer etiamnum togam prætextam gerens.

⁴⁷ Magistratu sese abdicare jubebat] Quia nempe non licebat regem sacrorum ullum magistratum gerere.

⁴⁸ Tribus intro vocatæ] Vocatæ in ovile, ut ferrent suffragia.

⁴⁹ Ultimum de cælo] Ultimum hic intelligimus dictum per appositionem. Interventit de cælo tanquam ultimum, tanquam ultimus totius negotii finis,

aliquid quod comitia turbaret. Eodem fere modo l. I. c. 47. exposuimus ab stirpe ultima, nempe, ab stirpe tanquam ab aliquo principio ultimo, unde orsus Tarquinius totam deinde Ser. Tullii vitam exagitavit. Quod autem dicitur hic intervenisse de cælo, id vel fulgur fuit, vel tonitru. Jove enim tonante, vel fulgurante, comitia haberi nefas erat. Ceterum non aspernanda est Sigonii conjectura, loco τὸν ultimum emendantis vitium. Sic vitio creati magistratus sæpe dicuntur.

U. C. 572. A. C. 180. gio inde fuit pontificibus inaugurandi Dolabellæ. P. Clæ-
 lium Siculum inaugurarunt, ⁵⁰qui secundo loco inauguratus
 erat. Exitu anni et C. Servilius Geminus pontifex maxi-
 mus decessit: idem decemvir sacrorum fuit. pontifex in
 locum ejus a collegio cooptatus est Q. Fulvius Flaccus:
⁵¹at pontifex maximus M. Æmilius Lepidus, quum multi
 clari viri petissent: et decemvir sacrorum Q. Marcius Phi-
 lippus in ejusdem locum est cooptatus. Et augur Sp. Pos-
 tumius Albinus decessit. in locum ejus ⁵²P. Scipionem,
 filium Africani, augures cooptarunt. Cumanis eo anno
 petentibus permissum, ut publice Latine loquerentur, et
 præconibus Latine vendendi jus esset.

XLIII. Pisanis agrum pollicentibus, quo Latina colonia
 deduceretur, gratiæ ab senatu actæ. triumviri creati ad eam
 rem Q. Fabius Buteo, M. et P. Popili Lænates. A C. Mæ-
 nio prætore (cui, provincia Sardinia quum evenisset, addi-
 tum erat, ut quæreret de veneficiis longius ab urbe decem
 millibus passuum) literæ adlatæ, *Se jam tria millia hominum
 damnassee, et crescere sibi quæstionem indiciis. aut eam sibi
 esse* ⁵³*deserendam, aut provinciam dimittendam.* ⁵⁴Q. Fulvius
 Flaccus ex Hispania rediit Romam cum magna fama ges-
 tarum rerum, qui, quum extra urbem triumphii caussa
 esset, consul est creatus cum L. Manlio Acidino; et post
 paucos dies cum militibus, quos secum deduxerat, trium-
 phans urbem est invecus. Tulit in triumpho coronas au-
 reas centum viginti quatuor: præterea ⁵⁵auri pondo tri-
 ginta unum; et ⁵⁶signati Oscensis nummum centum septua-

Q. Fulvii
 triumphus.

⁵⁰ Qui secundo loco inauguratus erat] Nihil hic reperit difficultatis Gronovius. P. Clælium Siculum inaugurarunt, nempe regem sacrorum, qui secundo loco inauguratus erat, nempe pontifex. Sed cur secundi loci nomine designetur pontificatus, nec ille explicat, nec nos suspicari possumus. Satus fuerit dicere vel hæc verba vi-
 tiata esse, vel breviter atque adeo ob-
 scure hic indicari morem aliquem Ro-
 manorum nobis incognitum.

⁵¹ At pontifex maximus] Exemplar unicum habuit ante pontificem maximum. Sigonius emendavit, quomodo nunc legimus in vulgatis libris: sed parum feliciter. Pontifex enim maximus non cooptabatur a collegio pontificum, sed a populo tributis comitiis creabatur. Omnino hic interci-
 lerunt quædam voces: nec quidquam consultius fieri fortasse possit, quam si hic asteriscus apponatur.

⁵² P. Scipionem filium Africani] Hic Africanum minorem adoptavit.

Eum ingenio valuisse, corpore admo-
 dum imbecillum fuisse, docet Cicero in Bruto, n. 77. et in Catone, n. 35.

⁵³ Deserendam] Hoc debetur Sigonio. Codex Germanicus habuit defendendam.

⁵⁴ Q. Fulvius Flaccus . . consul est creatus cum L. Manlio Acidino] Hos fratres germanos fuisse testantur et tabulæ Capitolinæ, et Velleius l. II. c. 8. qui et hoc ad suam ætatem unicum fuisse exemplum observat. L. Manlius per adoptionem in Manliam gentem transierat. Ambo orti erant ex illo Q. Fulvio, qui Capuam ceperat.

⁵⁵ Auri pondo triginta unum] Marcas nostrates 48. uncias 3. semunciam 1.

⁵⁶ Signati Oscensis nummum centum septuaginta tria millia ducentos] De Oscensi argento vid. not. 44. ad l. XXXIV. c. 10. Nummi, sive sestertii 173200. æquiparantur marcis argenti 675.

ginta tria millia ducentos. Militibus de præda ⁵⁷quinqua- U.C. 572.
 genos denarios dedit, duplex centurionibus, triplex equiti, A.C. 180.
⁵⁸tantumdem sociis Latini nominis, et stipendium omnibus
 duplex.

XLIV. Eo anno rogatio primum lata est ⁵⁹ab L. Villio Lex anna-
 tribuno plebis, ⁶⁰quot annos nati quemque magistratum pe-
 terent caperentque. inde cognomen familiæ inditum, ut An-
 nales adpellarentur. Prætores quatuor post multos annos ^{Prætores}
⁶¹lege Bæbia creati, quæ alternis quaternos jubebat creari. ^{quatuor.}
 hi facti, Cn. Cornelius Scipio, C. Valerius Lævinus, Q. et
 P. Mucii Q. F. Scævola. Q. Fulvio et L. Manlio consu- U.C. 573.
 libus eadem provincia, quæ superioribus, pari numero co- A.C. 179.
 piæ peditum, equitum, civium, sociorum decretæ. In His- Q. Fulvio,
 paniis duabus Ti. Sempronio et L. Postumio cum iisdem L. Manlio
 exercitibus, quos haberent, prorogatum imperium est. et in Coss.
 supplementum consules scribere jussi ad tria millia peditum
 Romanorum, trecentos equites; quinque millia sociorum
 Latini nominis, et quadringentos equites. P. Mucius Scæ-
 vola urbanam sortitus provinciam est; et ut idem quære-
 ret de beneficiis in urbe, et propius urbem decem millia
 passuum: Cn. Cornelius Scipio peregrinam, Q. Mucius
 Scævola Siciliam, C. Valerius Lævinus Sardiniam. Q.
 Fulvius consul, *prius, quam ullam rem publicam ageret, libe-
 rare et se et rempublicam religione votis solvendis, dixit, velle.
 vorisse, quo die postremum cum Celtiberis pugnasset, ludos*

57 *Quinquagenos denarios*] Uncias
 argenti 6. cum binis, ut vocant, *gros-*
sis.

58 *Tantumdem sociis Latini nominis*] *Tantumdem* peditibus, equitibus, cen-
 turionibus Latini nominis, quantum
 Romanis.

59 *Ab L. Villio*] Nomen hujus tri-
 buni deformatum antea legebatur, *L.*
Julio. Emendavit Sigonius.

60 *Quot annos nati quemque magis-*
tratum peterent caperentque] Manu-
 tius, libro de legibus Romanis, censet
 Villium de curulibus tantummodo ma-
 gistratibus sanxisse. Idem probat ex
 Cicerone aliisque, legitimum ædilitatis
 curulis annum fuisse, septimum et
 trigessimum; præturæ, quadragesi-
 mum; consulatus, tertium et qua-
 dragesimum. Quæsturam non licuisse
 capere ante annum ætatis septimum et
 vigesimum colligitur ex Polybio, qui
 l. VI. affirmat urbanum magistratum
 capiendi jus nemini fuisse, antequam
 dena stipendia emerita haberet. Auspi-
 candæ autem militiæ annus legitimus
 fuit decimus septimus. Ceterum non
 ita accipienda sunt quæ hic tradit Li-
 vius, quasi tum primum de legitima

magistratum capiendorum ætate ali-
 quid sancitum fuerit. Nam supra l.
 XXV. c. 2. tribuni plebis obtitisse me-
 morantur Scipioni ædilitatem petenti,
quod nondum ad petendum legitima
ætas esset. At rursus T. Quintius Fla-
 mininus, qui consulatum petiit non-
 dum annos triginta natus, ut constat
 ex Plutarcho in ejus vita, tamen per
 leges capere hunc magistratum posse
 judicatur a senatu, supra l. XXXII. c.
 7. Hæc inter se exempla si conferan-
 tur, non absurde fortasse poterimus
 suspicari ante legem Villiam sancitum
 tantummodo fuisse id quod ex Polybio
 retulimus, ne quis ullum magistratum
 caperet, antequam dena stipendia eme-
 rita haberet. Scipio enim, tum quum
 ei ædilitatem petenti obsistebatur, non-
 dum per ætatem dena stipendia merui-
 sse poterat; poterat Flamininus, tum
 quum consulatum petebat. Hoc si
 admittatur, apparebit proprie et ac-
 curate locutum esse Livium, dum dixit
 hoc primum anno rogationem latam
 esse, *quot annos nati quemque magis-*
tratum peterent caperentque.

61 *Lege Bæbia*] Hujus legis nulla
 alia occurrit mentio.

U. C. 573. *Jovi optimo maximo, et ædem Equestri Fortunæ sese facturum: in eam rem sibi pecuniam conlatam esse ab Hispanis.*
 A. C. 179. Ludi decreti, et ut duumviri ad ædem locandam crearentur. de pecunia finitur, *Ne major caussa ludorum consumeretur, ⁶²quam quanta Fulvio Nobiliori, post Ætolicum bellum ludos facienti, decreta esset: neve quid ad eos ludos arcesseret, cogeret, acciperet, faceret, ⁶³adversus id senatusconsultum, quod L. Æmilio, Cn. Bæbio consulibus de ludis factum esset.* Deceverat id senatus propter effusos sumtus, factos in ludos Ti. Sempronii ædilis, qui graves non modo Italiæ ac sociis Latini nominis, sed etiam provinciis externis fuerant.

Hiems sæ-
va.

Censores.

Motelliora-
tio ad Cen-
sores.

XLV. Hiems eo anno nive sæva et omni tempestatum genere fuit: arbores, quæ obnoxiae frigoribus sunt, deusserat cunctas: et ea tum aliquanto, quam alias, longior fuit. itaque ⁶⁴Latinas mox subito coorta et intolerabilis tempestas in monte turbavit: instauratæque sunt ex decreto pontificum. Eadem tempestas et in Capitolio aliquot signa ⁶⁵constravit, fulminibusque complura loca deformavit; ædem Jovis Tarracinæ, ⁶⁶ædem Albam Capuæ, portamque Romanam: muri pinnæ aliquot locis decussæ erant. Hæc inter prodigia nunciatum et ab Reate, tripedem natum mulum. Ob ea decemviri, jussi adire libros edidere, quibus Diis et quot hostiis sacrificaretur: et ob fulminibus complura loca deformata ad ædem Jovis ut supplicatio diem unum esset. Ludi deinde votivi Q. Fulvii consulis per dies decem magno adparatu facti. Censorum inde comitia habita: creati M. Æmilius Lepidus pontifex maximus et M. Fulvius Nobilior, qui ex Ætolis triumphaverat. Inter hos viros nobiles inimicitiae erant, sæpe multis et^d in senatu et ad populum ⁶⁷atrocibus celebratæ certaminibus. Comitiiis confectis, ut traditum antiquitus est, censores in Campo ad aram Martis sellis curulibus conседerunt; quo repente principes senatorum cum agmine venerunt civitatis: inter quos Q. Cæcilius Metellus verba fecit.

XLVI. *Non obliti sumus, censores, vos paullo ante ab uni-*

^d et del. Gron. Crev.

⁶² *Quam quanta Fulvio Nobiliori*] Vid. supra l. XXXIX. c. 5.

⁶³ *Adversus id senatusconsultum, quod*] De hoc senatusconsulto nihil suo loco dixit Livius. Optandum esset ut, quid eo decretum fuerit, accuratius explicasset. Nunc id tantummodo apparet, obviam ire voluisse Patres effusis ludorum sumptibus, qui jam graves esse sociis et provinciis incipiebant.

⁶⁴ *Latinas mox*] Mox, id est, paulo post hiemem exactam, *Latinas ferias* .. *tempestas in monte Albano turbavit.* Nisi forte legendum est *non subito co-*

orta, atris nimirum nubibus cælum obscurantibus.

⁶⁵ * *Constravit*] Magis placeret *prostravit*.

⁶⁶ *Ædem Albam Capuæ*] Hæc ædes supra jam nominata est a Livio, l. XXXII. c. 9. * *Portam Romanam*, quæ mox nominatur, intellige portam urbis Capuæ dictam *Romanam*.

⁶⁷ *Atrocibus celebratæ certaminibus*] Conjectura Sigonii Gronovio probata. Vetust exemplar pro *atrocibus* habuit *civibus atroc.*

verso populo Romano moribus nostris præpositos esse: et nos a U. C. 573. vobis et admoneri, et regi, non vos a nobis debere. indicandum A. C. 179. tamen est, quid omnes bonos in vobis aut obfendat, aut certe mutatum malint. Singulos quum intuemur, M. Æmili, M. Fulvi, neminem hodie in civitate habemus, quem, si revocemur in suffragium, velimus vobis prælatum esse. ambo quum simul adspicimus, non possumus non vereri, ne male comparati sitis, nec tantum reipublicæ prosit, quod omnibus nobis egregie placeatis, quam, quod alter alteri displicetis, noceat. Inimicitias per annos multos vobis ipsis graves et atroces geritis: quæ periculum est, ne ex hac die nobis et reipublicæ, quam vobis, graviores fiant. De quibus causis hoc timeamus, multa subcurrunt, quæ dicerentur; ⁶⁸ nisi forte implacabiles vestræ iræ implicaverint animos vestros. Has ut hodie, ut in isto templo, finitatis simulatas, quæsumus vos universi; et, quos conjunxit suffragiis suis populus Romanus, hac etiam reconciliatione gratiæ conjungi a nobis sinatis. Uno animo, uno consilio legatis senatum, equites recenseatis, agatis censum, lustrum condatis: quod in omnibus fere precationibus nuncupabitis verbis, Ut ea res mihi collegæque meo bene et feliciter eveniat, id ita ut vere, ut ex animo velitis evenire: efficiatisque, ut, quod Deos precati eritis, id vos velle etiam homines credamus. T. Tatius et Romulus, in cujus urbis medio foro acie hostes concurrerant, ibi concordēs regnarunt. Non modo simultates, sed bella quoque finiuntur. ex infestis hostibus plerumque socii fideles, interdum etiam cives fiunt. Albani, diruta Alba, Romam traducti sunt: Latini, Sabini in civitatem accepti. Vulgatum illud, quia verum erat, in proverbium venit: Amicitias immortales, inimicitias mortales debere esse. Fremitus ortus cum adsensu, deinde universorum voces idem petentium, confusæ in unum, orationem interpellarunt. Inde Æmilius questus quum aliam bis a M. Fulvio se certo consulatu dejectum. Fulvius contra queri, se ab eo semper lacescitum, ⁶⁹ et in probrum suum sponsionem factam. tamen ambo significare, si alter vellet, se in potestate tot principum civitatis futuros. Omnibus instantibus, qui aderant, dexterās fidemque dedere, mittere vere ac finire odium. Deinde, conlaudantibus cunctis, deducti sunt in Capitolium. Et cura super tali re principum, et facilitas censorum egregie comprobata ab senatu et laudata est. Censoribus deinde postulātib⁹, ut pecuniæ

Censores
positis odiis
in amicitiam rede-
unt.

68 Nisi forte implacabiles vestræ iræ] Vetus exemplar habuit: nisi forte implacabiles fueritis implicaverint. Hæc pro desperatis relinquenda sunt potius, quam inanibus conjecturis sollicitanda.

9 Et in probrum suum sponsionem

factam] Hoc oportuisset exponi clarius, si rem intelligi Livius voluisset. Discimus tantum ex his verbis sponsionem fecisse M. Æmiliū, nō Fulvius aliquid indignum viro bono in se admisisset. De sponsione vid. not. 4. supra ad l. III. c. 24.

U. C. 573. summa sibi, qua in opera publica uterentur, adtribueretur,
A. C. 179. ⁷⁰vectigal annuum decretum est.

Res in His-
pania ges-
ta.

Simplicitas
Hispano-
rum.

XLVII. Eodem anno in Hispania L. Postumius et Ti. Sempronius proprætores comparaverunt ita inter se, ut in Vaccæos^e per Lusitaniam iret Albinus, in Celtiberiam inde^f reverteretur^g; Gracchus, ⁷¹si majus ibi bellum esset, in ultima Celtiberiæ penetraret. Mundam urbem primum vi cepit, nocte ex inproviso adgressus. acceptis deinde obsidibus, præsidioque inposito, ⁷²castella obpugnare, agros urere, donec ad prævalidam aliam urbem (Certimam adpellant Celtiberi) pervenit. ⁷³ubi quum jam opera admoveret, veniunt legati ex oppido, quorum sermo antiquæ simplicitatis fuit, non dissimulantium bellaturos, si vires essent. Petierunt enim, ut sibi in castra Celtiberorum ire liceret ⁷⁴ad auxilia accipienda. si non impetrassent, tum ⁷⁵separatim eos ab illis se consulturos. Permittente Graccho, ierunt, et post paucis diebus alios decem legatos secum adduxerunt. Meridianum tempus erat. nihil prius petierunt a prætore, quam ut bibere sibi juberet dari. Epotis primis poculis, iterum poposcerunt; magno risu circumstantium in tam rudibus et moris omnis ignaris ingeniis. Tum maximus natu ex iis, *Missi sumus, inquit, a gente nostra, qui sciscitaremur, qua tandem re fretus arma nobis inferres?* Ad hanc percussationem Gracchus, *Exercitu se egregio fidentem venisse, respondit; quem si ipsi visere velint, quo certiora ad suos referant, potestatem se eis facturum esse:* tribunisque militum imperat, ut ornari omnes copias peditum equitumque, et decurrere jubeant armatas. Ab hoc spectaculo legati missi deterruerunt suos ab auxilio circumsessæ urbi ferendo. Oppidani, ⁷⁶quum ignes nocte turribus nequidquam (quod

^e Vaccæos Gron. ^f inde in Celtiberiam Gron. Crev. ^g reverteretur. Gracchus, quod majus ibi b. e. i. u. C. penetravit. Gron. reverteretur, si m. i. b. esset: Gracchus i. u. C. penetraret. Crev.

⁷⁰ Vectigal annuum] Fortasse vectigal aliquod, quod in eam rem uno tantum anno penderetur. Quod ideo pluribus verbis non explicat Livius, quia res pervulgata erat et omnibus nota.

⁷¹ Si majus ibi bellum esset] Ab Gelenio fuerat, quod vulgati libri nunc habent: Gracchus, quod majus ibi bellum esset, in ultima Celtiberiæ penetravit. Emendavit Gronovius, quomodo Clericum secuti edidimus, et apertiore sensu, et propius ad veterem lectionem, quæ talis est: si Gracchus majus sibi bellum esset, in ultima Celtiberiæ penetraret. * Ibi, nempe in Celtiberiæ.

⁷² Castella obpugnare] Et hic Gronovius legit expugnare.

⁷³ Ubi quum jam opera admoveret] Pro ubi libenter legeremus cui.

⁷⁴ Ad auxilia accipienda] Recte emendat Tan. Faber accienda. Nam mox sequitur, si non impetrassent. Itaque opus est verbo, quod rem in dubio relinquat, quale est accienda.

⁷⁵ Separatim eos ab illis se consulturos] Hæc stare non possunt. Gronovius conjicit: separatim oppidanos sibi consulturos. Mitius videretur delere vocem eos, et se mutare in sibi, ceteris intactis: separatim ab illis sibi consulturos.

⁷⁶ Quum ignes nocte turribus... sustulissent] Lego nocte, vel noctu e turribus.

signum convenerat) sustulissent, destituti ab unica spe U.C. 573.
 auxilii, in deditiōem venerunt. ⁷⁷sestertiū quater et vi- A.C. 179.
 cies ab iis est exactum, quadraginta nobilissimi equites:
 nec obsidum nomine, (nam militare jussi sunt) et tamen re
 ipsa, ut pignus fidei essent.

XLVIII. Inde jam duxit ad Alcen urbem, ubi castra Ad Alcen
 Celtiberorum erant, a quibus venerant nuper legati. eos vincuntur
 quum per aliquot dies, armaturam levem inmittendo in sta- Celtiberi.
 tiones, laccessisset parvis præliis, in dies majora certamina
 serebat, ut omnes extra munitiones eliceret. ubi, quod pete-
 batur, sensit effectum, auxiliorum præfectis imperat, ut,
 contracto certamine, tamquam multitudine superarentur,
 repente tergis datis, ad castra effuse fugerent. ipse intra
 vallum ad omnes portas instruxit copias. Haud multum
 temporis intercessit, quum ex composito refugientium suo-
 rum agmen, post effuse sequentes barbaros conspexit. In-
 structam ad hoc ipsum intra vallum habebat aciem. itaque
 tantum moratus, ut suos refugere in castra libero introitu
 sineret, clamore sublato, simul omnibus portis erupit. Non
 sustinere inpetum necopinatum hostes. qui ad castra ob-
 pugnanda venerant, ne sua quidem tueri potuerunt. nam
 extemplo fusi, fugati, mox intra vallum paventes compulsi,
 postremo exuuntur castris. Eo die novem millia hostium
 cæsa: capti vivi trecenti viginti, equi centum duodecim,
 signa militaria triginta septem. de exercitu Romano centum
 novem ceciderunt.

XLIX. Ab hoc prælio Gracchus duxit ad depopulan-
 dum^b Celtiberiam legiones. et, quum ferret passim cuncta
 atque ageret, populique alii voluntate, alii metu jugum ac-
 ciperent, centum tria oppida intra paucos dies in deditio- CIII. op-
 nem accepit: præda potitus ingenti est. Convertit inde pida recipit
 agmen retro, unde venerat, ad Alcen, atque eam urbem Gracchus.
 obpugnare institit. Oppidani primum inpetum hostium
 sustinuerunt: deinde, quum jam non armis modo, sed etiam
 operibus obpugnarentur, diffisi præsidio urbis, in arcem
 universi concesserunt. postremo et inde, præmissis oratori-
 bus, in ditionem se suaque omnia Romanis permiserunt.
 Magna inde præda facta est. multi captivi nobiles in pot-
 estatem venerunt; inter quos et Thurriⁱ filii duo et filia. Re-
 gulus hic earum gentium erat, longe potentissimus omnium

^b populandam Gron. Crev.

ⁱ Turri Eæd.

77 Sestertiū quater et vices] Sic
 legi jusserunt Scaliger et Gronovius.
 Vid. Gron. l. II. de Pec. Vet. c. 4.
 Exemplar unicum habuit, Nummum
 quater et vices est exactum: quam lo-
 quendi formam ab omni et usu et ana-
 logia abhorrere luculente probavit Gro-

novius in eodem illo doctissimo opere
 de Pecunia Vetere. Porro sestertiū
 quater et vices, sunt bis mille et qua-
 dringenta sestertia, sive, quod idem
 est, sestertii 2400000. libræ Romanæ
 pondo 6000. marcæ argenti nostrates
 9375.

U. C. 573. Hispanorum. Audita suorum clade, missis, qui fidem venienti in castra ad Gracchum peterent, venit. et primum⁷⁸ quæsit ab eo, *ne sibi liceret ac suis vivere?* quum prætor victurum respondisset; quæsit iterum, *si cum Romanis militare liceret?* id quoque Graccho permittente, *sequar*, inquit, *vos adversus veteres socios meos, quoniam illos ad me*⁷⁹ *propiunt suspicere*. Secutus est inde Romanos, fortique ac fidei opera multis locis rem Romanam adjuvit.

L. Ergavia inde, nobilis et potens civitas, aliorum circa populorum cladibus territa, portas aperuit Romanis. Eam deditionem oppidorum haud cum fide factam, quidam auctores sunt. e qua regione abduxisset, legiones, extemplo inde rebellatum, magnoque eum postea prælio ad montem Chaunumⁱ cum Celtiberis a prima luce ad sextam horam diei signis conlatis pugnasse; multos utrimque cecidisse.⁸⁰ nec aliud magnopere, ne victos crederes, fecisse Romanos^k, nisi quod postero die lacessierint prælio⁸¹ manentes intra vallum^l; spolia per totum diem legerint^m; tertio die prælio majore iterum pugnatum; et tum demum haud dubie victos Celtiberos, castraque eorum capta et direpta esse. Viginti duo millia hostium eo die esse cæsa, plus trecentos captos: parem fere eorum numerum; et signa militaria septuaginta duo. inde debellatum,⁸² veramque pacem, non fluxa, ut ante, fide, Celtiberos fecisse. Eadem æstate et L. Postumium in Hispania ulteriore bis cum Vaccæis egregie pugnasce scribunt. ad triginta et quinque millia hostiumⁿ occidisse,⁸³ et castra obpugnasse.⁸⁴ Propius vero est, serius in

ⁱ Caunum Gron. Crev. ^k magnopere victores fuisse Romanos, Gron. ^l manentes intra vallum prælio lacessierint. Gron. Crev. ^m legisse: Eæd. ⁿ hominum Eæd.

⁷⁸ *Quæsit ab eo, ne sibi liceret*] Non improbabilis est Clerici conjectura: *quæsit, an sibi liceret*.

⁷⁹ *Propiunt suspicere*] Gronovius suspicatur, *pignit respicere*: parum clare. Nobis satius videtur in ejusmodi locis silere, quam incertas admodum tentare conjecturas. * Sensus patet: quoniam illos parum aut fidos, aut potentes expertus sum.

⁸⁰ * *Nec aliud magnopere, ne victos crederes, fecisse Romanos*] Nec aliud fere fecisse Romanos, unde appareat eos non fuisse victos. † Totus hic locus miserandum in modum luxatus et deformatus erat in Germanico exemplari. Sic nempe se habebat, teste Gronovio: *nec aliud magnopere heribice crederes fuisse Romanos, nisi qui postero die accessierint manentes prælio spolia intra vallum per totum diem legisset*. Emendatio Gronovii, nobis, ut

et Clerico, in contextum admittenda visa est, quum et sensum optimum efficiat, nec procul abludat a veteris scripturæ vestigiis.

⁸¹ *Manentes intra vallum*] Celtiberos prælio lacessierint Romani.

⁸² *Veramque pacem . . . Celtiberos fecisse*] Reposuit Sigonius *fecisse* pro *fuisse*.

⁸³ *Et castra obpugnasse*] Lege cum Gronovio *capugnasse*.

⁸⁴ *Propius vero est, serius in provinciam pervenisse*] Non intelligimus quomodo id a Livio dici potuerit, qui Postumium superiore anno venisse in Hispaniam memoravit supra c. 39. et hoc ipso anno non obscure indicat illum eodem tempore in Vaccæos profectum esse, quo Gracchus in ultima Celtiberiæ profectus est. Hoc et Glareanus observaverat. Ex ejusdem ad hunc locum nota apparet in iis quæ proxime

provinciam pervenisse, quam ut ea æstate potuerit res ge- U. C. 573.
rere. A. C. 179.

LI. Censores ⁸⁵ *fideli concordia* senatum legerunt. ⁸⁶ *prin-* Censores
ceps electus est ipse censor M. Æmilius Lepidus pontifex legunt Se-
maximus: tres ejecti de senatu. retinuit quosdam Lepidus natum.
a collega præteritos. Opera ex pecunia adtributa divisaque Opera pub-
inter se hæc confecerunt. Lepidus molem ad Tarracinam, lica.
ingratum opus, quod prædia habebat ibi, ⁸⁷ *privatamque*
publicæ rei impensam inposuerat. ⁸⁸ *Theatrum et prosce-*
nium ad Apollinis, ⁸⁹ *ædem Jovis in Capitolio, columnasque*
circa poliendas albo locavit: et ab his columnis, quæ in-
commode obposita videbantur, signa amovit: clipeaque de
columnis, et signa militaria adfixa omnis generis demsit.
M. Fulvius plura et majoris locavit usus: portum et pilas
pontis in Tiberim; quibus pilis fornices post aliquot annos
P. Scipio Africanus et L. Mummius censores locaverunt
inponendos. basilicam ⁹⁰ *post argentarias novas et forum*

præcedunt habuisse olim editos bis cum
Bracuris, non, ut nunc legitur, cum
Vaccæis. Quod cur mutatum fuerit,
certe aliqua ratio reddi debuerat ab
emendatoribus. Nobis illa mutatio ne-
cessaria fuisse non videtur. Bracari
sunt populi ad Durium amnem, qui a
Plinio aliisque memorantur.

⁸⁵ * *Fideli concordia*] Ea concordia,
quæ probaret eos bona fide in gratiam
rediisse.

⁸⁶ *Princeps electus est*] Imo *lectus*
est. Sic enim loqui solet Livius.

⁸⁷ *Privatamque publicæ rei impen-*
sam insumerat] Legit Gronovius *injū-*
nerat, quo verbo delectari Livium ob-
servat. Propius abesset a scripta lec-
tione inposuerat. Sensus est: im-
pensam, quæ cederet in privatum ejus
commodum, a republica sustinere jus-
serat.

⁸⁸ *Theatrum et proscenium ad A-*
pollinis] Hoc non caret difficultate.
Theatrum enim, quod poliendum albo
locatur a censore, non videtur fuisse
temporarium. At constat tunc tem-
poris nullum fuisse theatrum Romæ
stabile et mansurum: atque etiam ad-
modum verisimile est tunc quoque po-
pulum ludos stantem spectavisse. Vid.
Epitomen Liviani libri XLVIII. Val.
Max. l. II. c. 4. et Tac. Ann. l. XIV.
c. 20. * Itaque hoc theatrum, quod
poliendum albo locatur a censoribus,
(videtur temporarium fuisse,) et non
ultra staturum, quam opus esset ad
ludos edendos, quemadmodum et sce-
na, l. XLI. c. 27. a censoribus locatur
præbenda ædilibus atque prætoribus.
† Hunc nodum solvere non aggredi-

mur. Ceterum observandum est thea-
trum duplici sensu sumi, vel pro uni-
verso ædificio, quod ea contineret om-
nia quæ ad ludos pertinebant; quo
sensu proscenium est pars theatri:
vel pro illa parte in qua erant spec-
tatores. Hoc posteriore sensu hic
capi debet. Proscenium est, ut ipsum
nomen indicat, spatium quod porrigi-
tur ante scenam. In eo, vel inter il-
lud et scenam, erigebatur pulpitum,
quo prodibant actores, quum fabulas
agerent. Qui plura de theatrorum
forma scire cupiet, adeat librum Anti-
quitatis Schematibus illustratæ, Tom.
III. parte secunda, et commentarios
Regiæ Inscriptionum Academiæ, Tom.
I. p. 138.

⁸⁹ *Ædem Jovis in Capitolio*] Loca-
vit poliendam albo ædem Jovis in Ca-
pitolio, et columnas quæ circa ædem
erant. Vox albo frustra sollicitatur a
Pighio. Eodem enim modo scripsit
Livius supra, l. IV. c. 25. *album in*
vestimentum addere.

⁹⁰ *Post argentarias Novas et forum*
Piscatorium] Sic et supra, l. XXVI. c.
27. conjunguntur argentariæ Novæ et
forum Piscatorium, tanquam vicina
loca. Prava interpunctione laborant
hoc loco vulgati libri, qui distinctionem
apponunt post vocem *Novas*: unde
existimari posset hæc mens fuisse Livii
ut diceret, forum Piscatorium locatum
esse hoc anno a censore extruendum:
quod falsum esse arguitur ex loco me-
morato l. XXVI. Circumdatas taber-
nas intellige illi basilicæ, quæ locatur
ædificanda.

U. C. 573. piscatorium, circumdatis tabernis, ⁹¹ quas vendidit in privatum; et forum, et porticum extra portam Trigeminam, et aliam post navalia, et ad fanum Herculis, et post Spei ad Tiberim ædem Apollinis Medici. ⁹² Habuere et in promiscuo præterea pecuniam. ex ea communiter locarunt aquam adducendam, ⁹³ fornicesque faciendos. Inpedimento operi fuit M. Licinius Crassus, qui per fundum suum duci non est passus. Portoria quoque et vectigalia iidem multa instituerunt. ⁹⁴ complura sacella publica, quæ fuerant^o occupata a privatis, publica sacraque ut essent^p, paterentque populo, curarunt. ⁹⁵ Mutarunt suffragia: regionatimque generibus hominum, caussisque, et quæstibus, tribus descripserunt.

LII. Et alter ex censoribus M. Æmilius petiit ab senatu, ut sibi dedicationis templorum Reginæ Junonis et Dianæ, quæ bello Ligustino ante annis octo vovisset, pecunia ad ludos decerneretur. ⁹⁶ Viginti millia æris decreverunt. dedicavit eas ædes, utramque in circo Flaminio. ludosque scenicos triduum post dedicationem templi Junonis, biduum post Dianæ, et singulos dies fecit in circo. Idem dedicavit ædem ⁹⁷ Larium Permarinûm in Campo. voverat eam ⁹⁸ an-

^o fuerant del. Gron.

^p publica rursus ut essent Crev.

91 Quas vendidit in privatum] In usum privatorum.

92 Habuere et in promiscuo præterea pecuniam] Præter eam pecuniam, quam dividerant inter se, habuerunt quoque aliquam attributæ sibi pecuniæ partem in promiscuo, qua communiter uterentur. Præterea est ab Sigonio. Scriptus habuit prætores.

93 Fornicesque faciendos] Aquæductus arcuato opere faciendos.

94 Complura sacella publica, quæ fuerant occupata a privatis] Hic quoque depravatus erat codex unicus. Recepimus conjecturam Gronovii, quam Clericus jam admiserat. Vetus lectio est: complura sacella publicaque sua occupata a privatis, publicoque sacra ut paterent essentque populo, curarunt.

95 Mutarunt suffragia: regionatimque] Quidquid in Livio reperitur de ratione tribuum et comitiorum, obscurum fere est ob nimiam brevitatem. Hunc locum sic interpretamur, præeunte Turnebo, l. XXX. Advers. c. 24. Ante hos censores, omnes tribules in unaquaque tribu promiscue ac sine ulla distinctione ibant in suffragia, ita ut cum senatore eques, scriba, præco, suffragium ferrent. Hi censores tribus descripserunt generibus hominum, causis, et quæstibus: id est, quotquot in unaquaque tribu senatorii ordinis

erant, a ceteris separaverunt; tum, quotquot erant equites Romani; tum, qui scribæ, præcones, calcearii, lanii, cerdones, etc. forent: ex singulis generibus unum velut collegium efficientes, statuentesque quo ordine unumquodque horum velut collegiorum ire in suffragium deberet. Apposuit autem Livius vocem *regionatim*, ut indicaret in illa mutatione servatam tamen antiquam tribuum universarum descriptionem, in qua habita ratio fuerat regionum, sive urbis, sive agri. Itaque tribus distinguuntur a sese invicem regionibus, ex antiquo more: at portiones tribuum, novo hoc instituto, generibus hominum, causis, quæstibusque describuntur. Causa autem hic accipienda est pro statu.

96 Viginti millia æris] In argento, marcas nostrates 31. uncias 2.

97 Larium Permarinûm] Hi sunt, ut vetus Lexicon interpretatur, teste Turnebo, l. XX. Advers. c. 35. *Θαλασσιάρχαι*, id est, dii maris, vel transmarinorum itinerum præsidēs. Et enim *Lar* Etrusca vox est, et principem significat. Hinc *Lar* Porsena, *Lar* Tolumnius apud nostrum l. II. c. 9. et l. IV. c. 17. Lares ergo dicti varii variarum rerum antistites ac præsidēs dii. *Lar caelestis*, nempe Jupiter: *Lares viales*, id est, viarum præsidēs,

nis undecim ante L. Æmilius Regillus, navali prælio adver-
sus præfectos regis Antiochi. Supra valvas templi tabula
cum titulo hoc fixa est: ⁹⁹ *Duello magno regibus dirimendo**
caput subigendis patrandæ pacis hæc pugna exeunti L. Æmi-
lio M. Æmilii filio auspicio, imperio, felicitate ductuque ejus
inter Ephesum, Samum, Chiumque, inspectante cos. ipso Antio-
cho, exercitu omni, equitatu, elephantisque, classis regis Antio-
chi antea sic victa, fusa, contusa, fugataque est, ibique eo die
naves longæ cum omnibus sociis captæ LXII^a. Ea pugna
*pugnata, rex Antiochus regnumque**.* *Ejus^r rei ergo ædem*
Laribus Permarinis vovit. Eodem exemplo tabula in æde
Jovis in Capitolio supra valvas fixa est.

LIII. Biduo, quo senatum legerunt censores, Q. Fulvius
consul, profectus in Ligures, ¹ per invios montes vallesque
saltus cum exercitu transgressus, signis conlatis cum hoste
pugnavit: neque tantum acie vicit: sed castra quoque eo-
dem die cepit. tria millia ducenti hostium, omnisque ea
regio Ligurum in deditionem venit. Consul deditos in
campestres agros deduxit, præsidiaque montibus inposuit.
² Celeriter et ex provincia literæ Romam venerunt. suppli-
cationes ob eas res gestas in triduum decretæ sunt. Præto-
res quadraginta hostiis majoribus per supplicationes rem
divinam fecerunt. Ab altero consule L. Manlio nihil me-
moriam dignum in Liguribus est gestum. Galli Transalpini,
tria millia hominum, in Italiam transgressi, neminem bello
lacentes, agrum a consulibus³ et senatu petebant, ut pa-
cati sub imperio populi Romani essent. Eos senatus exee-
dere Italia jussit, et consulem Q. Fulvium quærere, et anim-
advertere in eos, qui principes et auctores transcendendi
Alpes fuissent.

¹ XLII. Crev.
sule Eæd.

^r regnumque ejus**. Ejus etc. Gron. Crev.

³ con-

apud Græcos Mercurius, Romæ vero
Hercules Sancus. Sic igitur *Lares*
Permarini hoc loco sunt dii navigatio-
nis præsidis. Et hi sunt Neptunus,
Thetis, Glaucus. Hæc tere ex Taub-
manno Martinius, in voce *Lar*.

98 *Annis undecim ante*] Olim hic
legebatur *mendose annis quadraginta*.
Error videtur Sigonio natus ex notis
XI. et XL. Ille igitur reposuit *unde-*
cim: in qua numerandi ratione non
includitur annus extremus, Sic supra,
hoc ipso capite dixit *ante annis octo*,
quum tamen novem numerari debe-
rent, nisi extremus annus negligere-
tur.

99 *Duello magno*] Non necesse est
monere totum hunc locum omnino
depravatum esse. Tentet eum emen-
dare, si quis aut rem prospere sibi

posse succedere, aut operæ pretium
esse duxerit. Gronovius eum repræ-
sentavit qualis plane exstat in codice,
nisi quod jussit post Sigonium legi, *Samum Chiumque* pro *Camuchumque*.

1 *Per invios montes vallesque sal-*
tus . . . transgressus] Hæc qui attente
legerit, vix videtur dubitare posse,
quin *valles* occupaverit locum alicu-
jus epitheti, quod Livius voci *saltus*
apposuerat. Fortasse legendum: *per*
invios montes difficilesque saltus.

2 *Celeriter et ex provincia*] Hoc
suspectum fuit Jac. Gronovio, qui per-
levi mutatione locum emendare niti-
tur: *Celeriter, ut ex provincia litteræ*
Romam venerunt, supplicationes . . .
Sed gravius profecto ulcus latet. *Ce-*
leriter hic omnino superfluum est, nec
videtur a Livio profectum esse.

U.C. 573.
A. C. 179.
Philippus
senio et
mœrore
confectus.

Antigonus,
unus ex
Philippi
amicis in-
corruptus.

LIV. Eodem anno Philippus rex Macedonum, senio et mœrore consumtus post mortem filii, decessit. Demetria de hibernabat, quum desiderio anxius filii, tum ³ pœnitentia crudelitatis suæ. stimulabat animum et alter filius, haud dubie et sua et aliorum opinione rex, conversique in eum omnium oculi, et destituta senectus; aliis expectantibus suam mortem, ⁴ aliis ne expectantibus quidem. ⁵ Quo magis angebatur, et cum eo Antigonus Echecratis filius, nomen patruī Antigoni ferens, qui tutor Philippi fuerat, ⁶ regiæ vir majestatis, ⁷ nobili etiam pugna adversus Cleomenem Lacedæmonium clarus. Tutorem eum Græci, ut cognomine a ceteris regibus distinguerent, adpellarunt. Hujus fratris filius Antigonus ex honoratis Philippi amicis unus incorruptus permanserat: ⁸ eique ea fides, nequaquam amicum Persea, inimicissimum fecerat. is, prospiciens animo, quanto cum periculo suo hæreditas regni ventura esset ad Persea, ut primum labare animum regis, et ingemiscere interdum filii desiderio sensit; nunc præbendo aures, nunc lacessendo etiam mentionem rei temere actæ, sæpe querenti querens et ipse aderat. et, quum multa adsoleat veritas præbere vestigia sui, omni ope adjuvabat, quo maturius omnia emanarent. ⁹ Suspecti et ministri facinoris, Apelles maxime et Philocles, erant; qui Romam legati fuerant, literasque exitiales Demetrio sub nomine Flaminini adtulerant.

LV. Falsas esse, et a scriba vitiatas, signumque adulterinum, vulgo in regia fremebant. Ceterum, quum suspecta magis, quam manifesta, esset res, forte ¹⁰ Xychus obviis fit

3 *Pœnitentia crudelitatis suæ.* Stimulabat animum] Habuit vetus lectio: *pœnitentia crudelitatis suæ, quæ stimulabat animum.* Vocem quæ Sigonius assensus Florebello delevit: Gruterus mutat in *quin*.

4 * *Aliis ne expectantibus quidem*] Sed senem deserentibus, et juveni mox regnato unice deditis.

5 * *Quo magis*] Atque eo magis angebatur: atque inde crescebat illius dolor.

6 *Regiæ vir majestatis*] Hæc referenda sunt, non ad Antigonom Eche-cratis filium, sed ad Antigonom tutorem Philippi, qui revera rex Macedonum fuerat. De eo vide not. 87. ad l. XXXII. c. 22. supra. Ceterum vox *regiæ* est a conjectura Sigonii, quum prius legeretur *regis*.

7 *Nobili . . pugna*] Eam describit Polybius, l. II. versus finem; * ejusque obiter mentionem fecit Livius supra XXXIV. 28.

8 *Eique ea fides, nequaquam ami-*

cum Persea] Et ea fides illi inimicissimum fecerat Persea, qui jam alias ob causas nequaquam amicus erat. Gronovius scripsisse Livium existimat, *neque ante amicum Persea.* Sed vulgata lectio satis clara per se videtur.

9 *Suspecti et ministri facinoris*] Possis quidem explicare hoc modo: suspicionibus quoque odorabatur Antigonus, quoniam ministri facinoris fuissent. Magis tamen placeret: *suspecti ex ministris facinoris Apelles maxime et Philocles erant.*

10 *Xychus*] Quis ille sit, et cur plannissime nosset ordinem insidiarum in Demetrium, debuerat Livius exponere. * Non inepte suspicari possumus hunc Xychum fuisse scribam illum, qui modo memoratus est litteras exitiales Demetrio ab Apelle et Philocle legatis sub nomine Flaminini allatas vitiasse. Eo ducunt hæc quæ mox sequuntur verba: *ordinem . . omnem facinoris legatorum ministerium sui.*

Antigono, comprehensusque ab eo in regiam est perductus. U. C. 573. relicto eo custodibus, Antigonus ad Philippum processit. A. C. 179. *Multis, inquit, sermonibus intellexisse videor, magno te aestimaturum, si scire vera omnia possis de filiis tuis, uter ab utroque petitus fraude et insidiis esset. Homo unus omnium, qui nondum hujus erroris exsolvere possit, in potestate tua est Xychus.* ¹¹ *forte vocatum perductumque in regiam vocari juberet.* Adductus primo ita negare inconstanter, ut, parvo metu admotus, paratum indicem esse adpareret. conspectum tortoris verberumque non sustinuit: ordinemque omnem facinoris legatorum ministeriique sui exposuit. Extemplo missi, qui legatos comprehenderent, Philoclem, qui præsens erat, obpresserunt: Apelles, missus ad Chæream quemdam persequendum, indicio Xychi audito, in Italiam trajecit. De Philocle nihil certi vulgatum est. alii primo audaciter negantem, postquam in conspectum adductus sit Xychus, non ultra tetendisse; alii tormenta etiam inficiantem perpesum adfirmant. Philippo redintegratus est luctus geminatusque: et infelicitatem suam in liberis graviolem, ¹² quod alter perisset, censebat.

Innocentia
Demetrii
agnita.

LVI. Perseus, certior factus omnia detecta esse, potentior quidem erat, quam ut fugam necessariam duceret. tantum, ut procul abesset, curabat, interim velut ab incendio flagrantis iræ, dum Philippus viveret, se defensurus. qui, spe potiundi ad pœnam corporis ejus amissa, quod reliquum erat, id studere, ne super impunitatem etiam præmio sceleris frueretur. Antigonom igitur adpellat; cui et palam facti Antigono regnum
parricidii gratia obnoxius erat, neque pudendum aut pœnitendum eum regem Macedonibus, propter recentem patruum relinquare
Antigoni gloriam, fore censebat. *Quando in eam fortunam cupit Philippus.*
veni, inquit, Antigone, ut orbitas mihi, quam alii detestantur parentes, optabilis esse debeat; regnum, quod a patruo tuo forti, non solum fideli, tutela ejus custoditum et auctum etiam accepi, id tibi tradere in animo est. Te unum habeo, quem dignum regno judicem. si neminem haberem, perire et extinguere id mallet, quam Perseo scelestæ fraudis præmium esse. Demetrium excitatum ab inferis restitutumque credam mihi, si te, qui morti innocentis, qui meo infelici errori unus inlacrimasti, in locum ejus substitutum relinquam. Ab hoc sermone omni genere honoris producere eum non destitit. quum in

¹¹ Forte vocatum] Lege cum Tanacillo Fabro: forte oblatum. Gronovius quoque pro juberet legi vult jube. Sed hæc emendatio necessaria non videtur. Mutatio enim orationis directæ in indirectam, quamvis non admodum frequens sit, non caret tamen

exemplis. Vid. orationem Quintii ad Achæos, XXXV. 49.

¹² Quod alter perisset] Lege cum Mureto superesset. Nihil certius. Infra Philippus ad Antigonom: Quoniam in eam fortunam veni... ut orbitas mihi... optabilis esse debeat.

U. C. 573. Thracia Perseus abesset, circumire Macedoniæ urbes, principibusque Antigonum commendare: et, si vita longior subpetisset, haud dubium fuit, quin eum in possessione regni relicturus fuerit. Ab Demetriade profectus, Thessaloniciæ plurimum temporis moratus fuerat. inde quum Amphipolim venisset, gravi morbo est implicitus. sed animo tamen ægrum magis fuisse, quam corpore, constat: curisque et vigiliis (¹³ quum identidem species et umbræ insontis interemti filii[†] agitent) extinctum esse cum diris execrationibus alterius. Tamen ¹⁴admoneri^u potuisset Antigonus, ¹⁵si haud statim palam facta esset mors regis. Medicus Calligenes, qui curationi præerat, non exspectata morte regis, a primis desperationis notis nuncios prædispositos, ita ut convenerat, misit ad Perseum; et mortem regis in adventum ejus omnes, qui extra regiam erant, celavit.

Moritur.

Perseus regnum invadit.

Bastarnæ concitati a Philippo in Dardanos.

LVII. Obpressit igitur necopinantes ignarosque omnes Perseus, et regnum scelere partum invasit. ¹⁶Peropportuna mors Philippi fuit ad dilationem, et ad vires bello contrahendas. nam post paucis diebus gens Bastarnarum, diu sollicitata, ab suis sedibus magna peditum equitumque manu Istrum trajecit. inde prægressis, qui nunciarent regi, Antigono et Cottoni^x (¹⁷ nobilis erat Bastarna; et Antigonus perinvitus cum ipso Cottone legatus ad concitandos Bastarnas missus) haud procul Amphipoli ¹⁸fama^y, inde certi nuncii obcurrerunt, mortuum esse regem. quæ res omnem ordinem consilii turbavit. Compositum autem sic fuerat: transitum per Thraciam tutum et commeatus Bastarnis

[†] Filii eum diris agitent Gron. Filii eum agitent Crev. paulo post diris del. Gron. ^u admoneri Gron. Crev. ^x prægressi, q. n. r. Antigonus et Cotto: nobilis e. Bastarna, e. A. p. c. i. C. l. a. c. B. missus. Eæd. ^y fama incerti nuncii Eæd.

¹³ Quum identidem species et umbræ... agitent, extinctum esse cum diris execrationibus alterius] Sic edidit Clericus ex probabili conjectura Gronovii, qui nihil aliud mutavit hoc loco, nisi quod luxata et præpostere collocata in Germanico exemplari verba in ordinem revocavit.

¹⁴ Admoneri] Ac spem regni.

¹⁵ Si haud statim palam facta esset mors regis] Explicat Gruterus: si haud statim Perseus de morte regis certior factus esset. Sed hoc loquendi genus palam facta, videtur latius intelligendum, quam de uno Perseo. Quum igitur infra dicatur medicus mortem regis in adventum Persei omnes qui extra regiam erant celasse, et Antigonum perinvitus abfuisse; facile descendimus in Sigonii sententiam, qui putat dedisse Livium: Tamen ad-

moveri potuisset Antigonus, si aut tum adfuisset, aut statim palam facta esset mors regis.

¹⁶ Peropportuna mors Philippi fuit] Peropportune accidit Romanis, quos imparatos aggressus esset Philippus.

¹⁷ Nobilis erat Bastarna, et Antigonus] Reddit rationem cur Cotto et Antigonus missi sint ad nunciandum regi Bastarnarum adventum. Cotto nimirum nobilis erat Bastarna; Antigonus, legatus ipsius Philippi. Ceterum hic quoque locus corrupte legitur in unico exemplari: nobilis erat Bastarna ea res Antigonus sæpe invitus cum ipso Cottone. Nos cum edidimus emendatum, partim ex Sigonii, partim ex Gronovii conjectura.

¹⁸ Famæ incerti nuncii] Mire placet Perizonii conjectura: fama, dein certi nuncii.

¹⁹ut Philippus præstaret^Y. id ut facere posset, regionum U. C. 573. principes donis coluerat, fide sua obligata, pacato agmine A. C. 179. transituros Bastarnas. Dardanorum gentem delere propositum erat, inque eorum agro ²⁰sedes fundare^Z Bastarnis. duplex inde erat commodum futurum, si et Dardani, gens semper infestissima Macedoniæ, temporibusque iniquis regum imminens, tolleretur; et Bastarnæ, relictis in Dardania conjugibus liberisque, ad populandam Italiam possent mitti. *Per Scordiscos iter esse ad mare Hadriaticum Italiamque. alia via traduci exercitum non posse. facile Bastarnis Scordiscos iter daturos.* ²¹*nec enim aut lingua aut moribus æquales abhorreere; et ipsos adjuncturos se, quum ad prædam opulentissimæ gentis* ²²*ire vidissent.* Inde in omnem eventum ²³consilia commodabantur. sive cæsi ab Romanis forent Bastarnæ, Dardanos tamen sublato, prædamque ex reliquiis Bastarnarum, et possessionem liberam Dardaniæ, solatio fore: sive prospere gessissent, Romanis aversis in Bastarnarum bellum, recuperaturum se in Græcia, quæ amississet. Hæc Philippi consilia fuerant.

LVIII. Ingressi sunt pacato agmine, fide Cottonis et An-^{Thracibus} tighoni. sed haud multo post famam mortis Philippi neque^{infesti sunt.} Thraces commercio faciles erant, neque Bastarnæ emto contenti esse poterant, aut in agmine contineri, ne decederent via. inde injuriæ ultro citroque fieri: quarum in dies incremento bellum exarsit. Postremo Thraces, quum vim ac multitudinem sustinere hostium non possent, relictis campis pæstribus vicis, in montem ingentis altitudinis (Donucam vocant) concesserunt. ²⁴Quo ubi ire Bastarnæ vellent, ²⁵quali tempestate Gallos spoliante Delphos fama est peremptos esse; talis tum Bastarnas, nequidquam ad jugum montium adpropinquantes, obpressit. neque enim imbre tantum effuso dein creberrima grandine obruti sunt, cum ingenti fragore cœli tonitribusque et fulguribus præstringentibus aciem oculorum; sed fulmina etiam sic undique micabant, ut peti viderentur corpora; nec solum milites, sed etiam principes, icti caderent. itaque, quum præcipiti fuga per rupes præaltas inprovidi sternerentur ruerentque, instabant

^Y daret Crev.

^Z dare Gron.

¹⁹ Ut Philippus daret] Vulgo præstaret, contra scripti codicis et vet. editorum fidem, a Gronovio testatam.

²⁰ Sedes fundare] Exemplar unicuique habuit se fundare. Inde effecta est vulgata lectio sedes dare. Gronovius utrumque jungendum censuit, ac legendum esse, sedes fundare.

²¹ Nec enim aut lingua, aut moribus æquales abhorreere] Vox æquales

aut tollenda videtur, aut immutanda.

²² * Ire] Melius iri.

²³ Consilia commodabantur] Lege cum Sigonio, accommodabantur.

²⁴ Quo ubi ire] Recte Gronovius: quum subire.

²⁵ Quali tempestate Gallos] Hac de re vide Pausan. in Atticis, Justinum, lib. XXIV. c. 8.

U. C. 573. quidem percussis Thraces: sed ipsi Deos auctores fugæ esse,
 A. C. 179. cœlumque in se ruere aiebant. Dissipati procella, quum,
 tamquam ex naufragio, plerique semiermes in castra, unde
 profecti erant, redissent; consultari quid agerent, cœptum:
 inde orta dissensio; aliis redeundum, aliis penetrandum in
 Dardaniam censentibus. Triginta ferme millia hominum
 (Clondico duce profecti erant) pervenerunt. cetera multi-
 tudo retro, qua venerant^a, transdanubianam regionem repe-
 titi. Perseus, potitus regno, interfici Antigonum jussit:
 Antigonus interficitur. et, dum firmaret res, legatos Romam ad amicitiam paternam
 renovandam, petendumque, ut rex ab senatu adpellaretur,
 misit. Hæc eo anno in Macedonia gesta.

Fulvii Cos. LIX. Alter consulum Q. Fulvius ex Liguribus trium-
 triumphus. phavit. quem triumphum magis gratiæ, quam rerum ges-
 tarum magnitudini, datum constabat. Armorum hosti-
 lium magnam vim transtulit; nullam pecuniam admo-
 dum. divisit tamen in singulos milites ²⁶tricenos æris,
 duplex centurionibus, triplex equiti. Nihil in eo triumpho
 magis insigne fuit, quam quod forte evenit, ut eodem die
 triumpharet, quo priore anno ex prætura triumphaverat.
 Comitia. Secundum triumphum comitia edixit, quibus creati consu-
 les sunt M. Junius Brutus, A. Manlius Vulso. ²⁷Prætorum
 inde, tribus creatis, comitia tempestas diremit. postero die
 reliqui tres facti ante diem quartum Idus Martias, M. Titi-
 nius Curvus, Ti. Claudius Nero, T. Fonteius Capito. Ludi
 Prodigia. Romani instaurati ab ædilibus curulibus Cn. Servilio Cæ-
 pione, Ap. Claudio Centhone, propter prodigia, quæ evene-
 rant. Terra movit: in foris publicis, ubi lectisternium erat,
 Deorum capita, quæ in lectis erant, averterunt se; ²⁸lana-
 que cum integumentis, quæ Jovi obposita fuit, decidit. de
 mensa oleas quoque prægustasse mures, in prodigium ver-
 sum est. Ad ea expianda nihil ultra, quam ut ludi instau-
 rantur, actum est.

^a venerat Crev.

26 *Tricenos æris*] Sive ternos dena-
 rios, quales octo unciam argenti Paris.
 efficiunt. Si cui hoc nimis exiguum
 videbitur, legat, ut quidam habent editi,
treccenos.


27 *Prætorum inde tribus creatis*] Videntur hic excidisse nomina trium
 illorum prætorum. Neque enim ulla
 ratio est, cur hos potius supersederit
 nominare Livius, quam eos qui postero
 die facti sunt.

28 *Lanaque cum integumentis*] Mon-
 net Sigonius legendum esse ex Julio


Obsequente, *lanaque cum integumen-
 tis, quæ Jovi erant apposita, decidit*.
 Sed non ideo res fit multo clarior.
 Schefferus suspicatur *lana*, quo vesti-
 mento utebantur ituri ad cœnam e bal-
 neo. Nec caret ratione hæc emenda-
 tio, quum hic agatur de lectisternio,
 sive epulo præbito Jovi et aliis diis.
 Hinc fit quoque mentio olearum de
 mensa, Jovi scilicet apposita, a muri-
 bus prægustatarum. Quid sint *integu-
 menta Jovi obposita* vel *apposita*, definire
 non possumus.


FINIS TOMI TERTII.













PA
6452
A2
1825
t.3

Livius, Titus
Historiarum ab urbe
condita libri qui supersunt
omnes

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

